


續修四庫全書

《續修四庫全書》編纂委員會編

續修四庫全書



上海古籍出版社

四七六·史部·詔令奏議類

晉溪本兵敷奏十四卷（卷八至卷十四）〔明〕王瓊撰……………一

密勿稿三卷〔明〕毛紀撰……………二一七

南宮奏議三十卷〔明〕嚴嵩撰……………二四九

鄭端簡公奏議十四卷（卷一至卷九）〔明〕鄭曉撰……………五〇七

為存留兵備官員以安地方事

看得巡撫山東都御史黃瓚等奏要將武定州兵備
僉事不必裁革一節臣等查得天下兵備官員俱成
化以來權宜添設原非

祖宗舊制正德六年流賊蜂起添設雖多皆擬事寧
裁革正恐紊亂

舊制本部先因給事中間欽具題要將各處新舊兵
備定擬存留裁革奏行各該巡撫按計議前來成

晉溪奏議卷之八

一

化等年設立者俱各存留正德六年新設者止留徐
州一處餘皆裁革奏蒙

欽依特留九江一處其武定兵備亦在裁革之內臣
等初意惟欲恪守

舊制欽遵原擬非惜添設一官廩祿供給之費也今
都御史黃瓚等奏稱武定兵備例雖當革而實不可

革跡雖若擾而實利於民固非原擬暫設之意亦不
詳臣等欲革之由况武定地方弘治以前原無兵備

不聞人民便於騎射輒起為盜逮至正德六年盜賊
猖獗議者始設兵備謂其可以遏賊勢於方張而賊

益縱橫卒致

命將出師調動邊兵動經歲餘方能剿平似兵備之
設又為無益且古之弭盜者逐捕吏今之弭盜者設
捕吏是何古今之不相及况前項地方見有守巡官
員兵備事宜皆其當行職務若又常設兵備不惟紊
亂官制事愈紛更抑且政出多門人難遵守况本部
題奉前項

欽依遵行未久朝令夕改甚非政體所宜見今巡按
廣西監察御史朱昂具奏兵備與分巡官行事掣肘
要行裁革誠為有見合無移咨巡撫都御史黃瓚查

晉溪奏議卷之八

二

照先年巡撫都御史馬文升奏准事例嚴督分巡分
守官不時往來巡歷地方提督軍衛有司撫安軍民
禁捕盜賊不許常住省城推託誤事其暫設兵備僉
事仍照原擬裁革正德十一年六月二十二日具題
奉

聖旨這兵備官既該鎮巡等官節次議奏不可缺人
還暫照舊添設防禦盜賊待後年成豐稔地方寧靖
之日依擬裁革欽此

為申明地方利病撫安軍民等事

看得刑部咨送鎮守太監黎鑑奏要比照張詠余慶

事例乞降

特勅管理詞訟一節查得先年各處鎮守太監並無接受詞訟事例正德二等年太監張詠等受詞害人正德五年荷蒙

皇上明見萬里香華改正悉照

祖宗成規行事今太監黎鑑不遵原奉

勅諭奏要照已革新例特降

勅書兼理詞訟設若准奏天下鎮守太監必來比例

具奏是弊端自黎鑑啓之係干更張關繫匪輕刑科

論其故違不敢隱默本部執守

舊章豈敢阿從合無請

旨切責太監黎鑑令其恪遵

成憲安靜行事不可聽信下人

其地方詞訟問斷不公遵依

祖宗欽定憲網聽巡按御史并按察司官舉劾擊問

若又不公許被害之人依律赴京伸訴正德十二年

六月初九日具題奉

聖旨只照勅內行事不必紛擾欽此

為議處地方以保障生靈事

看得御史陳克宅所奏大意謂山東地方盜賊隨捕

隨起非不畏死皆因賦繁役重民不聊生所致指言

五事議處興革而又歸重於得人薦揚參議蔡天祐

等欲加旌獎以責實効誠為知本之論內民壯一事

深切時弊不獨山東為然合無本部行山東并各處

布政司直隸府州通行所屬內除備邊民壯照舊外

其餘悉依御史陳克宅所擬各在本州縣操練有事

調用事畢即便放回本州縣操練不許無故調取聚

集一處幫貼盤纏科擾害民敢有故違聽巡撫巡按

官糾舉究治及許被害之人赴京奏告其餘田地

無差徭繁重稅糧負累興脩水利等事咨行戶工二

部查議覆奏定奪及參議蔡天祐陳黃副使舒晟李

師儒僉事黃昭道王億內捕盜有功者候本部前奏

命下之日賞賚獎勵外本部再咨吏部行巡撫巡按

官旌其賢能責令將御史陳克宅所言事件著實舉

行庶使民得安生盜賊自息正德十五年七月初八

日具題奉

聖旨是各州縣民壯只着在本處操練有事調用事

畢即便放回不許無故調取聚集一處科擾害人你

部裏還通行各處布政司及直隸府州縣衙門知道

這所奏事情着山東撫按官嚴督所屬務要着實舉

實舉

行毋得虛應故事欽此

河南類

為專捕盜處民兵以祛民患事

看得巡按河南監察御史許完所奏捕盜處有專官等四事不為無見理合開立前件議擬明白上請定奪正德十一年三月十三日具題奉

聖旨是准議欽此

計開

一捕盜當有專官前件看得所言要添設捕盜官一節查得節年添設捕盜官員俱係一時

晉溪奏議卷之二

五

權宜事寧俱當裁革其原額數目官制已定

係干

國初創立制度難極改議但更任人之意識為有理

合無行移巡撫河南都御史將教閱民兵緝

捕盜賊一事專責各州縣掌印正官提督整

理選委佐貳相應官管領操練如佐貳缺官

及無相應官可管正官帶管捕盜官不必通

設其所奏查考功過轉陞及選用巡檢一節

合咨吏部查照施行

一民兵不宜太濫前件查得為陳愚見祛宿弊

以安軍民事該巡按直隸監察御史楊瑛奏
本部議得我

朝舊制自京師以及天下設置衛所編充軍伍幾至

百萬今州縣百姓供給糧實計天下田租之

入大半供軍專為防姦禦侮軍以衛民民以

供軍未聞軍衛之外復有民壯之設也自正

統十四年軍伍消耗邊情緊急始議召集壯

勇以自護衛蓋一時權宜之計事寧之後即

當罷革民兵以示休息脩明軍政以復舊規

而年復一年因循未改至於給事中孫孺建

晉溪奏議卷之二

六

議選民壯以振天威本部先任官依擬通行

天下照里編餘民兵之害遂流至今言者屢

欲查革而本部因襲憚改終不能救今御史

楊瑛奏言臣等不敢忽處合無通行各處巡

撫巡按官會同三司等官查勘但係弘治七

年給事中孫孺奏准新設民壯通行革罷與

民休息不許再行勾擾其正統年以後弘治

七年向前原設機兵民壯及山西陝西等處

原議備禦各邊民壯俱照舊存留本部議擬

未盡事理悉聽巡撫巡按三司官從宜施行

等因正德十年七月十一日題奉

聖旨這民壯還照舊行欽此今御史許完奏稱河南民兵不足為輕重深為民害反覆辯論利害明白正與御史楊瑛并本部本議事理相同今若固守給事中孫孺之淺識不從御史楊瑛許完之至論稍為釐革誠恐百姓困苦逃亡日眾臣等於心實所不忍也合無本部行移巡撫河南都御史李充嗣查勘河南所屬州縣見在機兵民壯除原設有者照舊存留外但係私治七年給事中孫孺奏准添設民

晉漢書卷之八

七

壯盡行革罷與民休息雖係舊有中間里分有多寡民力有貧富應多設而或少應少設而或多如御史許完所言聽其從宜損益務使民力節省緩急得用回奏查考

一教閱當有定法前件行巡撫河南都御史依擬教閱無故不到者依律究治或量拘後不許有司罰害

一替役當有常期前件查得先為乞明編餘民壯事該巡撫山東右副都御史何鑑題稱民壯之設專一守護城池遇警調用有司官吏

直待消乏更替乞將民壯俱准十年一次審編但有年老殘疾事故等項俱准僉換不必拘其消乏等因該本部議得自弘治十二年為始每十年通行查審看驗一次中間但有年老殘疾事故人丁消乏等項悉與僉換若本戶見有壯丁十名以上家道殷實仍於本戶內僉取壯丁更替再當一輩事故之日不許再於本戶內僉補其十年審編之時分巡分守并府州縣正官務要親臨逐一查審照依黃冊次序將丁糧相應之家從頭僉替毋

晉漢書卷之八

八

令下人作弊獨損貧民果係仕宦之家并軍匠灶籍比民量加優免中間果係正統景泰成化初年應當到今者如是告要更替查勘是實亦與僉換等因弘治十一年十二月十八日題奉

孝宗皇帝聖旨是欽此今御史許完奏要將民壯或五年或十年通為僉替查有前例行蓋是有司奉行未至以致負累合無本部備咨巡撫河南都御史李充嗣查照前例遵依施行為陳情分辯斬獲首賊照例陞賞事

臣等參詳得劉三罪惡同於趙風子甚於賈勉兒等
王謹射重劉三割取首級兩次經巡按御史勘實地
與趙成盤獲趙風子王斌等緝獲賈勉兒等事不甚
異及至論功趙成以軍餘陞正千戶賞銀一千兩王
斌等各陞實授二級王謹獨不蒙錄似有不平雖稱
曾經問擬杖罪罰俸原無准功贖罪功罪自不相掩
合無將指揮王謹比照趙成王斌等事例量加陞賞
臣等未敢擅擬伏乞

聖裁正德十一年五月十四日具題奉

聖旨是王謹准照王斌等事例陞二級欽此

晉溪奏議卷之六

九

為專責成脩武備以安地方事

議得唐虞稽古建官惟百自漢以來在外設官不過
守令而已至於有元始置行中書省及按察司官我
朝改行省為布政司按察司仍舊又設都司以專軍
旅之事其初皆有額制厥後增設寔多查得河南一
省都司見有掌印佐貳京邊領班都指揮共九員守
備都指揮二員巡捕都指揮一員布政司除額設外
增置管糧撫民叅政二員按察司除額設外增置管
河管屯提學兵備副使僉事共五員及查河南按察
司分巡設有大梁河南河北汝南四道除守備都指

揮外每道各有分巡守官三員內汝南一道所轄
不過二府共有布按二司守巡撫民官四員一省地
方事情既有三司官分理又有巡撫都御史總理立
法不為不密任人不為不多又查得按察司分巡各
道國初定立道名鑄降印信僉事出巡一年更代振
肅風紀禁革奸弊凡事悉該清理與監察御史出巡
憲體相同今巡撫河南都御史李充嗣等奏要將大
梁河北河南三道分巡官俱帶管兵備緣兵備事宜
係分巡官當行職務不須再議其稱分巡官俱於衝
要緊關處所常川住劄查與

晉溪奏議卷之六

十

舊制有碍擅難准擬又奏要暫設都司巡捕官一員
按察司巡捕官一員兼理軍民詞訟舉用僉事甯河
署都指揮呂璽切照河南地方廣闊若止令僉事一
員巡捕又兼詞訟未免與守巡官行事掣肘顧理不
周守巡官得以推託反致誤事又查得先該巡撫都
御史蕭翀等考選得河南都司署都指揮僉事張瓚
堪委巡捕已行委用撫治鄖陽都御史任濬奏守
備南陽署都指揮僉事呂璽推病誤事已行罷革今
都御史李充嗣舉用呂璽巡捕不見聲說原委巡捕
張瓚有何不堪委用緣由難便定奪合無本部行文

巡撫河南都御史李充嗣嚴督三司守巡等官務要查照先年巡撫都御史馬文升題准事例不時巡歷該管地方提督軍衛有司撫安軍民禁捕盜賊原設官軍民快如法操練毋容私役賣放仍嚴督歇班都指揮夏廣遵照原奉

勅內事理將下班官軍按月點閱不許縱容四散遠去如遇盜賊勢眾兇惡照例統領追剿毋致滋蔓一面火速奏

聞朝廷自有處置及今巡捕署都指揮張瓚將原有巡捕官軍在於省城外教場常川操練遇有賊報指

晉漢書卷之八

十一

授方畧刻期追捕若果張瓚不堪委用呂壘可用再行明白開奏更換其奏要將河南按察司管屯官帶管兵備住劄睢陳河北酌中地方往來巡歷一節合無依其所議本部移咨戶部請換

勅書一道齎付河南按察司管屯僉事汪正不妨管屯兼管睢陳河北一帶兵備操練人馬防禦盜賊應與三司守巡等官會議者公同計議而行以後盜賊寧息照舊又看得奏內開林縣賊首郭文秀等三百餘人封丘縣賊首閻瓚閻威等一百餘人陽武縣反賊胡文智馬文政盧虎山等數百餘人潛聚為亂陝

西崇信縣賊李景單等二千餘人河北道接境山西清羊白廓村等處山賊過界劫掠等情除陝西崇信縣賊本部有行外其林縣等處聚眾強賊係千百人以上反亂重情未見彼處官司即時奏報顯是隱匿故違律例合無本部移咨都察院轉行巡按河南監察御史查勘奏內各起盜賊生發故違律例隱匿不報經該官員應提問者徑自提問應參奏者參奏提問中間如有隱匿劫害地方縱容滋蔓等項情弊從重參究處治本部再將前例申明通行各處巡撫巡按三司直隸府州衛所等衙門一體遵依今後但有

晉漢書卷之八

十一

盜賊生發即便星馳奏報不許隱匿遲誤正德十一年五月十五日具題奉

聖旨是這林縣封丘陽武并清羊白廓村等處盜賊便者鎮巡等官督同三司守巡巡捕等官上緊用心處置撫剿毋致滋蔓其餘地方事宜都依擬行欽此為地方事

看得巡撫河南都御史李充嗣奏報浙川等縣強賊自去年十二月至今百十成群張打旗號公行劫掠殺死巡檢燒毀文卷又據已獲強賊孫朝招稱未獲賊首楊成等八百餘名要劫浙川縣官庫及稱前賊

聚成七營八面鼓鑼四山搜劫又稱四外村店劫殺人財等情顯是草賊聚眾將及千人殺害人民已經日久彼處官司互相隱匿不速奏聞所據前賊合當急為議處及該管兵備守備撫民守巡等官并司府衛縣官通合查究合無本部差人馬上齎文前去河南交與巡撫都御史李充嗣親詣該賊結聚劫害地方嚴督各該兵備守備撫民守巡等官調集官兵相機剿捕務在日下盡絕以靖地方若賊勢益將延蔓本處官兵力不能制就便具實差人同差去人星馳奏聞一面將賊情多寡徑自移文鎮守河間總兵官張

晉溪本兵敷奏卷之八

七

璽量調官軍前去征剿都御史李充嗣選委布政司等衙門能幹官員預備糧草隨軍供給不許缺乏本部行文張璽知會整點官軍聽候都御史李充嗣調軍公文一到即時發行俱不許稽遲失誤軍機若前賊勢已散不在浙川等縣地方或流入別省不必調軍亦須嚴督本地方官軍用心設備不許懈怠再有天事罪尤難逃本部再於馬上齎文交與撫治鄭陽都御史陳雍巡撫陝西都御史鄭陽各嚴督河南隣境地方守巡撫民兵備等官遇有前賊流入境內設法運謀會合剿捕不許失誤再咨都察院轉行巡

按河南監察御史查勘失事地方該管分巡分守守備撫民及府州縣衛所巡司掌印巡捕等官通行照例住俸過限不獲提問參奏降級等項俱照例施行及查被賊劫殺地方搶殺人畜等項數目失事輕重并起根隱蔽賊情官員通行查勘明白參奏究治再行湖廣陝西巡按御史一體查訪有無賊情具奏處置正德十三年三月二十二日具題奉

晉溪本兵敷奏卷之八

十四

為查理捕獲盜賊事

看得巡撫河南都御史李充嗣奏稱巡捕署都指揮僉事張瓚前後捕獲強賊五百一十七名本官年力方富才猷超凡使之當一面之寄必能成折衝之功乞要查照盛典量加擢用一節既該巡撫官奏保張瓚功蹟超卓又查有捕盜官擊賊積至二百名陞實授一級事例及查山東捕盜指揮同知尹昂因就陣斬獲賊首九名穎亦陞指揮使以都指揮體統行事委用一省巡捕近年河南地方人民艱難盜賊不時生發比常不同都司巡捕官若非預求得人重其委

託難以消弭後患合無將署都指揮僉事張瓚查照前例於原職上加陞署一級實授一級請

勅一道資付本官欽遵照依鎮巡官原會委職掌專一提督巡捕河南境內地方操練人馬禁防賊盜遇有生發即時設法擒捕毋致滋蔓貽患地方接連湖廣陝西礦賊不時嚮聚出沒亦聽與撫民守備等官會合剿捕凡事悉聽巡撫都御史調度節制合用軍馬盈甲行糧草料具呈巡撫都御史從宜處置支給有功量加賞勞誤事參奏究問候年歲豐熟盜賊寧息之日具奏裁革正德十三年十月二十四日具題

奏議卷之八

十五

奉

聖旨是張瓚准陞都指揮同知提督巡捕其餘事宜都依擬行欽此

為處置地方以消弭盜賊事

看得巡撫河南都御史沈冬魁鎮守太監孫清巡按御史王以斡等各奏要於西峽口脩築城堡起蓋公館營房令南陽府巡捕通判在彼住劄將原設有馬義勇一百八十名輪流跟隨徵解工食及選撥民壯三百名再加僉二百名共五百名在彼操練及提調四縣巡捕等官往來緝捕一節固是消弭盜賊之意

但興工動眾事干創始人情不便終必難行况即余

天下民窮財困凡事只宜守舊以示休息不宜輕有更張致生擾害合無本部行文巡撫河南都御史督同守巡兵備等官照常將官軍民壯如法操練嚴謹巡捕遇有草賊生發量調本處附近官軍會合剿捕除守備南陽都指揮鄭存係該管地方調用外若遇賊眾猖獗即調巡捕都指揮張瓚統領原選人馬前去策應務在無事安守故常以甦民困有事通變調遣以弭大患斯稱委任正德十四年四月初十日具題奉

奏議卷之八

十六

聖旨是這所奏脩築城堡撥民壯等項事宜有無違碍還着鎮巡等官再議處了來說其餘依擬行欽此

為陳愚悃以保安地方事

看得兵科給事中李學奏稱訪得河南魯山寶豐葉縣等處地方盜賊生發百十為群邀截過客劫掠鄉村周流數縣其駭物聽訪是洛陽中護衛屯積年惡黨有司官入格於勢分不敢制防捕盜等官暫時逐捕隨復結聚竊以汝寧南陽設有兵備不管分巡疏令輕而威權微難以責成乞要本部詳加議處合

兵備分巡之權以責治安之效一節查得弘治七年
初議委按察司僉事一員前去汝寧府或信陽州居
住緝捕盜賊不妨分巡正德七年因流賊大亂方纔
添設僉事一員專一整飭兵備不管分巡原擬事寧
之日具奏裁革照舊於額設僉事內定委分巡今給
事中李學奏要合兵備分巡之權以責治安之效正
與舊制及弘治七年本部原議相合誠為有見及查
分巡官管理兵備係是
舊制本部節次議奏俱已詳悉合無准照正德七年
原議將添設僉事裁革仍遵

晉溪奏議卷之六

七

憲綱舊制并弘治七年議擬事理就令分巡官管理
操練軍馬防禦盜賊常在汝寧信陽州等處往來巡
歷應與撫民參政及守備分守官計議者公同計議
而行照舊一年更替仍行巡撫河南都御史督同該
道分守分巡守備等官查勘洛陽中護衛屯軍如果
視非統屬恣肆為盜軍衛有司不敢緝捕事有實跡
就便移文長史司禁約提取照依律例問治勒導等
官敢有占恠撥置故縱為惡別生事端遮飾陷害者
聽巡撫巡按等官指實參奏奉解來京治以重罪如
巡撫巡按等官容情不舉釀成大患一體究再咨

都察院行巡按河南監察御史查勘魯山寶豐葉縣
等處果有盜賊百十成群劫掠鄉村將各該隱蔽賊
情官員通查提問干碍應該奏請官員參奏提問其
盜賊如果尚在地方聚眾流劫本處官司力不能制
鎮巡官即便會議督調巡捕都指揮領軍剿捕務期
盡絕以安地方作急回奏查考不許坐視民患自取
罪愆亦不許假以裁革兵備妄言推托混亂是非正
德十五年二月二十三日具題奉

晉溪奏議卷之六

七

聖旨是這地方盜賊生發寫勅與分巡官着兼管兵
備事常在汝寧信陽等處居住往來巡歷操練軍馬
防禦緝捕護衛屯軍果有為盜實跡依擬禁約處治
輔導等官有占恠撥置故縱遮飾的着撫按等官參
奏拏問容情不舉的一體究治各該隱蔽賊情官員
都着查提了問欽此

四川類

唐時吐蕃入寇至長安代宗出奔陝州郭子儀
擊之遁去今四川松潘番賊是也

朝廷即其地屯兵拒守雖無深入之患而時肆
標掠邊鄙受害轉輸供餉全蜀病焉必欲使其
畏威遠遁不敢侵犯非食足兵強有以制之惡

能然哉且環蜀之境皆蠻夷如西陽播州全之類

國初皆置土官以羈縻之惟敘瀘棘蠻未曾置官屢為邊患若松潘敘瀘二賊並侵則調兵給餉尤為難也正德四年冬盜起東鄉不過三五十人有司不早撲捕積至數千又匿不以聞是時番蠻少靖而盜至數萬民墜塗炭逾六年始平適瓊改兵部覆奏諸臣功過深究初起隱匿之罪而寬後來失事之罰厥後番蠻侵擾守臣不敢匿調兵征剿雖互有得失而不至大舉深入蹂躪內地又奏令憲臣巡行郡邑禁止科害撫安軍民以固邦本蜀之為蜀庶幾其小康也

平漢奏議卷之六

七

為辯明虧枉分豁生擒賊首功次事

看得四川德陽縣典史舍人朱璇奏稱同伊父生擒賊首雷伯定等九名未蒙錄用奏行都察院與見在賊首雷伯定等五名面審委係朱璇父子生擒是

題奉

欽依咨來查處一節查得紀

小開朱紀獲賊

一名雷伯定劇賊數內查無姓名作從賊論擬賞銀五兩本部已於正德九年十二月內題奉

欽依賞銀訖後該朱璇節次具奏俱經本部查照立案不行今朱璇奏行都察院責與賊犯雷伯定審證明白題奉

欽依查處臣等議得近年以來各處征剿流賊獲功人員不計其數為恐冒濫無憑所以

朝廷專差科道官領

勅前去隨軍紀驗備造文冊奏緣本部查照陞賞遵行已久係是舊規今若冊外無名之人許其奏辯擬陞賞誠恐事無憑據奸人効尤弊源一開末流難塞况朱璇所奏若果是實其紀功官造冊不實亦合

平漢奏議卷之六

七

有罪所據朱璇功次擅難議擬正德十年九月二十九日具題奉

聖旨是朱璇父子原擒獲的既與尋常劇賊不同准陞他二級欽此

為陳情比例行取親信人役以供軍務事

參照四川總兵官吳坤奏要比照貴州總兵官李昂奏帶錦衣衛等官舍李昇等事例將錦衣衛冠帶舍人王振等四名及湖廣永州衛軍餘范保等十名應付前來防範一節於例有碍其李昂奏討頭目之時本部原擬止許五名後准帶二十二員名係出

特旨本官亦不合妄行援引奏擾既該兵科參出相應究問合無將吳坤量加罰治本部仍行巡撫四川都御史馬昊轉行本官照依應得事例另行具奏定奪正德十一年四月十八日具題奉

聖旨是吳坤先究問奏帶人員都准他欽此

為地方事

看得巡撫四川都御史馬昊等奏稱四川敘州地方蠻夷聚眾捏造妖書勢甚狂悖殺劫燒戮漢驚惶已行兵備僉事趙履祥守備都指揮杜宗調兵撫剿及稱安綿地方番蠻見在出沒總兵官吳坤在彼鎮

晉溪本兵敷奏

卷八

壓調度都御史馬昊督軍親臨處分一節既該各官議處調兵撫剿別無定奪但詳奏內開敘州衛指揮劉芳呈正德十一年二月二十二日據報賊燒劫事情烏蒙軍民府申正德十年十二月二十七日據報弄蠻妖言劫害事情又稱正德十年內亦被止部府弄蠻假稱仙人糾眾作亂殺害地方已經通申上司等因不開正德十年是何月分通行申報中間顯有隱情切照正德四年四川地方盜起為因本處官司隱匿不報以致蔓延為害糜費億萬殺戮無算本部已經參奏追問誤蒙

寬宥前項律例節次申明通行未見遵守如前項奏

內弄蠻作亂殺害地方事情已於正德十年內通申

上司至今日久聚眾數千勢甚猖獗方纔奏報其隱

匿誤事官員難再輕縱合無本部移咨都察院轉行

四川巡按御史查勘前項奏內各起賊情如果通申

日久隱匿不報以致滋蔓有違律例將隱匿官職名

參奏提問治以重罪不許姑息再照各官奏稱烏撒

烏蒙芒部等府極邊地方教化不行土官構禍派民

脅從官軍糧費無任繁劇倉庫空虛深為可憂一節

切照四川地方盜賊初平瘡痍未復今鈞連邊境妖

人倡亂勢將內侵既難已於用兵征輸調發未免重

困百姓誠恐各官謀慮不審撫剿失宜

朝廷萬里急難遙制合無請

勅一道資付四川鎮巡三司等官公同計議將原調

敘瀘等處民快等兵五千名加意撫恤如法操練務

於緊要賊入地方駐劄防禦其烏蒙等府土流官員

所選精兵未有數目如果調到亦要控馭方法無致

乘機邀功殺害平民中間用兵會合撫剿事宜必須

相機隨宜既不可退縮畏避縱賊搶掠亦不可貪功

深恐誤國誤民合無請

不特巡歷加意撫安不許偷安自便互相推託倘有故違似前失事

國典具存決難輕貸若蠻賊已退地方寧息星馳奏聞正德十一年五月初一日具題本月初三日奉

聖旨是四川地方盜賊初平今各種蠻夷又相扇搆禍人民重被其害便依擬寫勅與鎮巡等官督同各

該官員相機撫剿務要計出萬全不許輕率誤事調來土漢官兵亦要加意撫恤控馭毋得縱令生事擾

人自取罪戾欽此

為魏蠻聚眾攻圍城堡陣亡兵勇緊急調兵救

援事

該巡撫四川都御史馬昊奏稱會同鎮守太監王保

總兵官吳坤議照楚人雖遠夷種類其間如阿田阿

羅阿尚等皆鈞高等縣版籍編民非化外遠夷不通

聲教不可比始與流民有隙遂致紛擾不忍加兵既

而安撫漸定乃敢叛逆攻圍邊堡殺死戍軍劫掠燒

毀無所忌憚原情論法罪不容誅但朝服暮叛夷性

之常急於進勒固無不可然盜及無辜必傷和氣况

前項地方寔與我邦都鄙無異其間為無標務及雲

不繼雖悔何追安可輕舉自取損威臣仍待敘瀘兵

備餘事稍履祥督同原委各官推審復叛情由示以

禍福利害再加撫處若果聽從省諭守分安生憫念

犬羊不與見盡隨俗處分俾無後艱另行具奏若執

迷不返仍前放肆則是此賊罪惡貫盈天祐其鬼我

之詞義嚴正師出有名一面行烏芒二府調集土兵

刻期前進臣等量調成都等衛官軍酉陽土兵新遠

等州縣鄉勇分路夾攻直搗巢穴及照戎珙所轄都

掌間與楚蠻夷人素有讎隙者誘之以利使之截殺

於中以破其協謀合勢務俾背腹受敵膽落魄驚家

業蕩空渠魁授首餘黨喪止無復肅聚除地方之尤

殘雪官軍之耻辱懣諸夷之點驚致一隅之太平計

出萬全事在此舉若夫臨敵應變因事相機戰守進

止又在將領調度運用實非可以預言者然征剿莫

勅內事理施行設法撫處如果前賊向化各安生理不必進征勞民動衆必須安插停當保無後虞倘或執迷不服應合進兵相機進剿務在計出萬全事無一失仍咨都察院轉行彼處巡按御史不妨原差隨軍紀功敢有妄殺平人等項就聽紀功官指實參奏正德十一年八月初一日具題奉
聖旨是這地方撫處等項事宜都依擬行欽此

為捷音事

看得巡撫四川都御史馬昊奏稱會同鎮守太監王保總兵官吳坤巡按御史熊相參照已殺反賊普法

善溪本兵數奏

卷八

惡等本異類棘人敢倡為逆亂捏造天降兵書妄起世出玉母僭號稱王聚兵積穀用圖北寇欲遂南侵於奈毒生靈姦汚婦女一方被其擄擾全蜀以之驚惶已獲阿元阿勝等廿於順從尊為共主駕黃屋而奉迎製冕冠而投拜合家遇害不止三人剖腹分尸慘於支解頃者兵臨敵境所向無全一鼓而渠魁就戮再鼓而黨惡即擒巢穴盡平餘黨降撫要呼皮邦興等比照廖麻子事例倍加陞賞副使郭東山僉事石祿參政彭杰當即陞擢都指揮張麟杜宗曹昱指揮等官潘武何定陳錠杜光祖安守知縣步梁等并陣

西番臣胡朝軍等海等查明陞錄參政吳晟布政

使胡宗道張琮參政華泉按察使華璉副使楊偉周奎都指揮張傑招討高繼恩楊世仁宣撫舟儀長官悅保光士舍舟漢揚文秀照磨吳志廣同知盛慶頭目何濬黃俊石崇通判白釗經歷尤可主簿楊企驛丞劉仲端梁旦蘇民望等量免行查厚加賞賚及稱阿元等俱重犯合無并阿讓等俱解京發落惟復將阿讓等解京給付阿元等就彼行刑老疾阿隆等給人養贍或別有定奪等因及看得鎮守太監王保奏內又稱臣盡犬馬微勞不足圖報於萬一竊見都御

善溪本兵數奏

卷八

史馬昊奇才不偶戎務熟知經年冒險忘身親征逆寇平彌總兵官吳坤大施帷幄卒致全捷御史熊相協贊兵機風紀遠振合無比照先年都御史彭澤等征剿廖麻子等奏捷事例將都御史馬昊總兵吳坤御史熊相不次陞擢總兵官吳坤奏稱臣因人力以安邊敢言功而望外但如巡撫文臣戎政兼舉全蜀獲安鎮守內臣心膂重寄鎮靖遠藩紀功御史糾察詳明兵無妄戮等因查得正德九年三月內為捷音事該鎮守四川太監章興奏稱都御史彭澤晝夜奔馳勞心焦思要將彭澤等特加秩秩權等因本部

尚書陸完等議得麻子首附藍鄂以倡亂再集黨與以偷生流劫七年貽禍三省不數月而盡除若候造冊到部方擬陞賞不無失之遲疑似合速加陞賞以為將來之勸等因覆奏奉

欽依將彭澤陞太子太保左都御史時源陞左都督歲加俸米一百石鎮守太監韋興歲加祿米十二石冬廕子姪一人世襲百戶馬昊陞右副都御史紀功給事中王萱陞通政司右叅議御史何棐南京太僕寺少卿又將斬獲廖麻子為首軍人黃回兒陞世襲指揮同知賞銀五千兩臣等竊議四川藍鄂等賊流

聖諭

二

劫數年節次平剿斬首萬級其後廖麻子乃其一枝殘賊彼時原奏明開廖麻子被官軍殺敗沿山奔走軍人黃回兒等一齊撲砍斬獲首級比與勢未解散對陣擒斬者似有不同及查前此擒獲藍鄂等賊首賞格未有如此之重是殺賊於猖獗之日者賞依常格滅賊於殘敗之後者論功獨厚揆之公論終有未安今馬昊等又奏要將皮邦興等比照廖麻子事例倍加陞賞如果臣等前議為是黃回兒等功賞似難引比為例及照普法惡等叛逆事情雖經本部前項節次議奏不許貪功妄殺及令彼處鎮巡官會同巡

按御史熊相參詳議奏係逆賊今已剿平地方寧靖并斬獲賊級已解覆驗過一千五百餘顆未驗一千三百餘顆所據巡撫都御史馬昊鎮守太監王保總兵官吳坤巡按御史熊相及供饋軍餉監督軍哨等項有功副使等官郭東山等應否比照都御史彭澤等剿殺殘賊廖麻子事例不候造冊分別等第速加陞賞事功同異臣等難以定議均乞

聖明裁處其餘有功官軍并皮邦興等合無本部移咨都察院行催原委紀功御史熊相上緊紀驗造冊奏繳至日另議施行仍行四川鎮巡官會同巡按紀

聖諭

二

功并三司掌印等官將見獲重犯阿元等再審無異就彼行刑各犯親屬阿讓等解京照例給付阿隆等既稱老疾不堪起解量發本處殷實之家收養正德十二年五月十三日具題奉

聖旨是這逆賊既已剿平地方寧靖鎮巡并紀功督餉督哨等官俱勞績可嘉今分別等第陞賞王保歲與祿米十二石吳坤陞署都督同知馬昊陞右都御史還各廕子姪一人做世襲百戶熊相先陞俸一級待有相應員缺陞用他郭東山等各陞一級其餘有功等項官軍并皮邦興等該陞賞的還着紀功官上

緊紀驗明白具實奏來定奪阿元等着鎮巡等官再
審無異便都依律決了阿讓等差人解京給付老疾
不堪起解的依擬行欽此

為飛報番蠻攻撲城堡事

看得巡撫四川都御史馬吳奏稱會同鎮守太監王
保總兵官吳坤巡按御史盧雍議照按察使華璉等
會議得松潘番情先將首惡端竹白等剷除以舒目
前之急然後斟酌事勢應否添處兵糧以圖大舉似
為有見况張傑先已動兵使不乘此殄滅將來糾眾
攻破各堡阻截東路恐難救解臣等議處太監王保

本朝奏卷之

十一

護守會城總兵官吳坤量調酉陽天全并新達等州
縣成寧黎雅等衛所土漢官軍二萬餘員名親入巢
穴會同副總兵張傑等分布相機併力戰守合用糧
餉及犒勞銀牌牛酒等項各官議擬停當速行督糧
叅政孟醇分守布政華璉叅議張澤等分投催儻空
運若端竹白等既平其餘稔惡不悛自起驚疑師方
退還禍即旋踵必須限以歲年調集兵糧陸續圍剿
務期平定所慮兵戈動舉全蜀安危所關實非細故
乞要本部將用兵進止機宜再加會議擬奏裁處示
下遵奉撫剿及行巡按御史隨軍紀功除一百先發

成都等衛官軍二千員名及動調客兵備運糧米協
謀幹理然兵難遣度事變不常候臨期或有重大者
另行奏請定奪等因又看得奏內開稱會勘得松茂
疊溪一帶開堡設在諸番巢穴之中自弘治正德以
來番賊殺死居民不下三四百餘人被虜者不下千
計提督都指揮等官因失前事問擬降級充軍等項
非止一人見今將協守提督都指揮李昇指揮吳冠
周倫侯琛等提問未結弘治十七年曾
命都御史劉纓調兵征勦各番畏懼聽撫兵止不征
自後番賊攻堡殺人守堡官軍或殺一番便問擅殺

本朝奏卷之

十二

激變之罪或折一軍即加失機誤事之罪各官垂首
喪氣只得順情撫處以此各番倍加猖獗求索無厭
少不如意攻堡殺軍阻路劫糧為惡萬倍又將旗軍
百千餘名借討做工凌辱累死指揮范剛等七員將
俸糧送與番賊買和俱各餓死事發又問剋減軍糧
之罪守堡指揮張瑞見被拘留等情臣等反覆叅詳
其說仰惟我

祖宗朝於番夷巢穴之中設立關堡屯兵戍守惟欲
限隔華夷以安生民若其聽撫固當懷之以恩如或
攻堡殺人即當備之以威今私設番賊種類相繫勢

漸擾盛居民被其殘害官軍被其殺虜商賈阻礙
占過半若再因襲舊弊姑息不處不惟守邊軍受
害不堪抑恐松茂失守內地因而擾動今既該四川
鎮巡三司等官會同計議兵不可已中間處置又各
周悉况副總兵張傑膽畧過人累獲軍功太監王保
都御史馬昊總兵官吳坤皆能協心為國謀議相同
內馬昊又能身任其事素諳戎務委用責成必不敢
負但兵難遠制事在專委合無請

勅一道就令差來人賁回交付王保馬昊吳坤張傑
等悉依原奏會議內事理調兵集糧運謀征剿若端

竹白等既平其餘果能畏服一面隨宜安撫一面設

法運謀調集兵糧陸續困剿不拘限期凡事必須隨

宜而行不可拘執原議惟在處置得宜使內外安靖
斯稱委任事畢有功照例陞賞必不吝惜如或廢置
乖方貽患地方罪必有歸亦不輕貸前項干預用兵
鎮巡等官待候在剿事畢之日方許推舉別用各官
亦不許擅自離任失誤軍機再請

勅一道賚付巡按四川監察御史不妨原務隨軍紀
功糾察奸弊及照各官奏內開稱松潘地方連年獲
功屢經具奏不行勅諭亦已解體邊威不振亦

循都察院行催原勘官上緊勘明由奏不許似前
遲延正德十三年七月初十日具題奉
聖旨這地方用兵事宜并紀驗功次等項着鎮守巡
撫巡按等官都依擬行寫勅與他欽此

為十分緊急賊情事

看得巡按四川監察御史盧雍所奏賊蠻攻劫高縣
慶符縣事情及參敘南衛指揮王齊金正廖永畏敵
退奔冒功遮飾守備都指揮杜琮買和招集兵稱賊
首謝文禮已就斬獲分守右叅議崔旻分巡僉事王
芳敘州府知府陸芸俱各憑杜琮盧雍報按稱謝文禮

已死及稱臣輕信各官之報轉奏乞要將王齊等提

問將臣罷黜等因查得杜琮先該御史盧雍參奏已

該本部前項議擬提問及崔旻王芳佳倖戴罪防賊
外合無本部移咨都察院行巡按四川監察御史將
指揮王齊金正廖永俱提問與杜琮一併議擬罪名
奏請定奪如果有買和啓衆逗遛失機等項重情準
固鎖肘差人解京送都察院從重問擬奏請發落崔
旻王芳仍依原擬戴罪防賊并知府陸芸通候賊情
寧息之日參奏提問其御史盧雍先因奏報賊情止
德各官所報與奏事無息始又自認罪合無免究伏

七

聖裁及看得御史盧雍奏內又稱只今變變謝文義謝文禮等見在上中下白水江寨聚約有一千糾合流民共約有三千如若結構葛魁黃永等處昇變難以數約一節臣等竊聞變變等賊為害四川其來已久洪武永樂宣德以來屢調大軍征剿景泰元年賊劫長寧等處命都御史李匡招撫已平明年復叛殺死運糧官員天順六年燒劫長寧鹽場副總兵許貴招撫明年又叛攻破江寧等縣成化元年都御史許浩都督內成征討勞費無算近年播州土官楊愛

晉溪本兵敷奏

卷八

等爭田警殺流民藍廷瑞駟本恕等乘之倡亂全蜀騷動吏民死者以數萬計軍餉所費以億萬計用兵首尾五六年至調邊兵徃征方底平定今如御史盧雍所奏賊首謝文義等聚集流民已至三千構結諸種變夷又難以數計臣等熟思深慮亂蜀之禍恐又兆於此矣今若不早預處如火始燃勢必燎原但用兵禦侮先宜內撫百姓四川地方科差繁重痛弊已極見今松潘用兵財力俱困今又棘蠻內侵難以再議用兵必須從宜議處整頓兵糧責令新任守備都指揮并兵備守巡等官設備固守來則拒之去則勿

迎待候地方豐收事案另議處實庶為穩當合無請勅一道差人馬上賁送四川鎮守太監總兵官巡撫都御史及巡按御史三司官從長計議防禦棘蠻事宜一面嚴督敘瀘守備兵備及分守分巡等官預備兵糧相機戰守再有失事罪不輕貸一面將應行事宜星馳具奏不許遲誤按察司分巡官不時巡歷地方撫安軍民禁止科害以安人心一應不急徵科俱暫停止臣等又聞先差去烏思藏取佛太監劉允等尚在四川未去即今四川地方番蠻作亂地方不寧道路阻隔供給艱難乞

晉溪本兵敷奏

卷八

勅四川鎮巡官會同太監劉允計議如果可去遵照原奉勅旨前去若是道路不通費用浩大合無行令劉允等暫且回京原賚去賞賜等物交付鎮巡官處如法收貯待候四川地方賊情寧息之日另議差遣庶內不失人心外不啓邊警為民造福莫大於此正德十三年十二月初六日具題奉聖旨是王齊金正廖永都提了與杜琮併問明白奏來定奪崔旻等都着待罪防賊待事寧之日與陸芸一併來說盧雍既認罪罷防禦事情還寓勅與鎮巡

三司等官從長議務更宜當仍嚴督守備兵備守
巡等官各依擬預備兵糧禁止科害再有失事都不
輕貸其公差太監劉允等不許在彼遲延著鎮巡等
官上緊打發催償起程入番公幹欽此

為十分緊急賊情事

看得四川清軍監察御史熊相所奏變為亂事情
及參奏誤事有罪官杜琮等并都御史馬昊等及議
處賊情等項事宜俱先該巡按四川監察御史盧雍
具奏該本部逐一議擬覆奏外今奏別無定奪其奏
內要取回總兵官吳坤一節查得先年雖未設有總

兵官然遇有邊警臨時

欽命尚書都督等官統兵征討極為勞擾天順年間

遂設總兵官在彼鎮守以便行事近年曾差昌佐楊
宏陳珣徐謙相繼鎮守今吳坤實代徐謙非創設始
於坤也見今松潘叙瀘兩處番蠻侵擾議者尚欲別
選才德大臣付之兵權以紓急難吳坤正在奉

勅勦賊之際豈宜取回合無仍候四川地方十分寧
靖之日另行議奏裁革正德十三年十二月初九日
具題奉

聖旨是吳坤不必取回這處置地方事宜還着鎮巡

三司等官會同計議來說欽此

為處置楚蠻以保全蜀事

看得刑科給事中梁本茂所奏大意謂楚蠻禍亂之
機緊關全蜀不可不急為處置其招撫之設非惟彼
決不從於我亦非佳名及長官之設可行於威行之
日難議於稔惡之餘巡撫都御史馬昊先因誤聽部
下之言專事招撫後方用兵雖有新獲漏殄尚多撤
兵太早致有後患及知縣步梁擒殺阿尚未為不宜
蓋因給事中梁本茂生長其地熟知夷情故知馬昊
之失在於先事招撫不在貪功生事也其所奏以夷

攻夷之法極為周悉及先勦後撫約會貴州官兵等

項事宜皆有所見非臆度空言但事體重大難便舉
行及要寬恤被害之民一節正與本部前項議奏事
理相合尤為根本之論其奏乞俯從御史盧雍熊相
所奏添設撫臣一節緣四川所設司府州縣衛所官
員四川地方所出兵馬錢糧平素皆屬巡撫官一人
統理今若再設巡撫官一員各為已謀政權必不歸
一有司難於奉行互相掣肘必致債事所以御史盧
雍等之奏本部歷陳前弊不敢雷同誠以一省之兵
財不可以聽二人之朝度一有誤處利害由此分矣

按者本官奏稱松潘番蠻聞我大舉深藏不出總兵
官張傑兵備胡澧松潘之役二人足任乞要馬吳仍
就筠連速為善處一節獨為有理合無本部行文都
御史馬吳會同鎮巡三司官計議如果征進松潘事
情張傑胡澧可以委任馬吳不妨原委往來筠連照
依本部節次議擬事理提督守備兵備守巡等官預
備兵糧相機戰守仍將給事中梁本茂所言以夷攻
夷方畧再加詳議如果可行星馳具奏定奪務在詳
審慎重謀必預定不可輕忽鹵莽及因循顧忌致成
大患全蜀受害咎必有歸其以前征勦變蠻有功已

本官奏稱
三十一

經御史熊相紀驗造冊陞賞過人員難以革罷知縣
安梁擒斬阿尚不必究治守備都指揮杜琮從重治
罪差去烏思藏太監劉允取回被害地方軍民一應
差科俱暫停止具奏定奪正德十三年十二月十六
日具題奉

聖旨是松潘征進事情并以夷攻夷方畧着馬吳等
再議處了來說原征勦有功人員已陞賞的光查革
杜琮依擬究治安梁罷劉允已有旨着鎮巡官催憤
起程了你部裏還差人馬上賚文着他上緊進去欽
此

復為十分緊急賊情事

看得巡按四川監察御史盧雍奏稱正德十三年八
月二十二日被變蠻三枝約有一千餘人將高縣慶
符縣俱各攻劫放火燒燬官民房屋及稱守備都指
揮杜琮督率官軍追剿將賊首謝文禮殺死砍首謝
文義被箭打傷逃命各蠻丟棄原捨人口財物頭畜
并銅鼓旗纛火箭盡被我兵奪回砍獲首級生擒儘
多又往發兵追剿先該兵備僉事田荆解放江船絕
其歸渡候追兵回日另報等因奏守備都指揮杜
琮塔慶失機瀘州衛指揮黃應文臨陣先退成都右

本官奏稱
三十二

衛指揮常策不行策應兵備僉事田荆提督不謹分
巡僉事王芳分守右叅議崔旻防備欠嚴道合有罪
鎮守總兵官都督吳坤籌邊方略未聞巡撫都御史
馬吳輕視楚賊不思患預防鎮守太監王保難辭地
方之責但今幸仗

天威首賊謝文禮已就斬戮蠻眾亦多奔散所虜人
畜器械俱已奪獲各官之罪似應末減乞要將杜琮
黃應文常策提問兵備等官田荆等合無一體提問
惟復量加罰治鎮巡等官吳坤等合無降
勅切責惟復刻有定奪又奏乞查照正統等年都御

史寇深等提督松潘軍務事例將松潘邊務責成馬
吳務收全功以贖前罪另選才德大臣一員代其巡
撫及停止立縣增稅查給降夷田土令其復業將設
立長官司一事行鎮巡三司會勘具奏等因臣等查
得杜琮先該御史盧雍劾奏已該本部議擬覆奏行
巡按御史提問及推舉何卿等更替外所據指揮黃
應文常策既於軍法有違合行巡按御史與杜琮一
併提問奏請發落其兵備僉事田荆分巡僉事王芳
分守參議崔是地方失事俱應提問但賊首謝文禮
已斬獲餘賊擒斬數多事未盡寧緊關用人合無將

書奏議卷之六

正光

田荆王芳崔是俱任俸令其戴罪防禦賊待事寧
之日通查功過奏請定奪及要將都御史馬是專一
提督松茂軍務另設大臣一員巡撫不為無見但政
出多門人難遵守用兵事宜尤忌牽制近年四川地
方既有都御史林俊巡撫又添都御史高崇熙巡視
尋改高崇熙提督松茂軍務又令尚書洪鍾總制又
令高崇熙暫任重受令林俊洪鍾專制餘黨委
任不一致難成功合無請

勅切責馬是吳坤王保令其同心協力遵昭先奉
勅內事理調集兵糧征剿番賊果收全功准贖前罪

其賊變賊情嚴督新任守備指揮并兵備守巡等官
設法防禦相機戰守務使兵食出于四川者供調本
省邊備兩不妨誤應具奏者火速奏聞區處再有六
事罪不輕貸其設立長官司一節合無依其所擬備
行四川鎮巡三司官從長計議具奏定奪及停止設
縣退還田土事情俱合准擬施行正德十三年十二
月二十六日具題奉
聖旨是這賊變聚集人眾攻劫兩縣放火燒燬官民
房屋失事情重杜琮已有別旨提問黃應文常策也
都提了問田荆王芳崔是本當提問但亦有斬獲功

書奏議卷之六

正光

次又係緊關用人之際且不提都着戴罪防禦待事
寧之日通查功過明白奏來定奪鎮守巡撫官都需
勅切責着同心協力勉圖後效以贖前罪其餘事情
都依擬行欽此

為飛報緊急賊情事

看得鎮守四川總兵官署都督同知吳坤奏稱會同
太監三司等官計議已於正德十三年九月初三日
領率官軍兼程親詣敘州府督兵斬獲首惡謝文禮
首級誠恐大壩我拱水寧烏芒界掠劫尤騷動卒難
收拾添差都指揮劉芳等守哨領軍又差指揮尹武

等前去為業部督調土官土舍土兵人等會合原
調漢土官兵搗穴剿殺及行僉事王芳等催調烏芒
土兵紀驗功次緣無奉有

勅旨難以行事乞要本部查議准其於敘瀘撫剿及
行巡按御史紀驗功次等因查得先因給事中梁本
茂建言要行都御史馬吳前來筠連處置夷情及本
部查得馬吳與吳坤同奉

勅諭征剿松潘番賊吳坤係主將又曾奏請

勅書聽委守巡管糧等官隨軍供給以此節次議奏

今吳坤征松潘馬吳防禦敘瀘筠連今據吳坤前奏

馬吳已在松潘吳坤已到敘瀘難再改換及督調漢

聖

土官軍事情為恐諸夷扇動各官會議事已施行亦
難別議今無准其所奏行令馬吳專管征進松潘另
請

勅一道差人賫付吳坤欽遵照依各官原會議用兵
事宜相機行事務在慎重詳審處置停當不可任情
輕忽致有失事有功陞賞不吝慎事罪有攸歸馬吳
吳坤雖在兩地若遇事相關涉應會議者仍須協和

計議而行不許偏執自用致有阻誤其紀功一節巡
按御史既已奏請督調烏芒土舍土兵人等會合原

勅松潘紀功敘瀘功次難以兼理合無行令僉事王
芳等隨軍紀驗其日經由巡按御史覈實造冊奏繳
正德十四年正月十三日具題奉

聖旨是吳坤既已到敘瀘還寓勅與他着照原議用
兵事宜相機行事務要處置停當以安地方如或任
情輕忽再貽後患罪有所歸欽此

為捷音事

參照山東等處濟寧等衛軍人郭重興等各在四川
冒報功次事屬有違但先該四川清軍御史熊相紀
驗開造在冊奏繳本部駁查又經四川巡按御史盧

雍查勘回稱俱係總兵官吳坤都御史馬吳准今報

聖

効殺賊人數又不曾參究明白緣郭重興等既係隔
省軍舍豈容在彼報功若准照例陞賞不無冒濫合
無將郭重興等俱不准陞賞仍通行各處巡按御史
以後但不係奏帶人數俱不許紀驗造冊仍追究治
罪正德十四年二月初二日具題奉

聖旨是欽此

為急處番夷以救生靈事
看得四川刷卷御史王偉所奏大意謂松潘惡番阻
絕道路罪固當誅若使渠改其守彼當不又自困都

御使馬昊與鎮巡等官計議即今番賊已退可以

賜罷然若謂事已經手擅難更易合無降

勅切責令馬昊只將原奏端竹白一枝黨類分別善

惡作急剿治不必窮追遠討仍推選大臣一員巡撫

四川專意休息松潘之事便與馬昊從長議處等因

查得前項四川鎮巡官先次奏要征剿松潘番賊事

情已該本部議奏此舉關繫全蜀利害不可輕舉妄

動貪功惹釁後該鎮巡三司等官會議具奏皆謂賊

情猖獗調兵剿殺事已施行勢難中止奏內又開兵

備副使胡澧具呈巡按御史盧雍批所呈事機明白

忠憤激發作急議處施行清軍御史熊相批訪得前

年以來南路開隘多失番賊尤為橫暴漸不可長機

難再得本道所呈深為有見忠義之氣凜然但事屬

巡撫衙門徑呈定奪等語本部為照馬昊所奏番賊

侵犯具有實跡又見係副使胡澧始議進兵三司等

官會議相同御史盧雍熊相各加獎許不係馬昊一

人獨專貪功生事以此依奏具題請

新行事且謂凡事必須隨宜不可拘執原議有功陞

賞不恪處置乖方貽患地方罪必有歸四川鎮巡等

官初議似亦知重本部節次議奏亦未輕忽但兵凶

戰危利害自難逆料調兵集糧不免勞擾百姓御史

王偉所言不為無見都御史馬昊見委領軍殺賊委

的擅難更易合無請

旨戒諭馬昊與鎮巡等官計議即今番賊已退可以

止兵即依王偉所奏不許窮追遠討照舊責委主兵

加意戰守原調人馬徑自發回以省供饋如或事正

舉行勢難中止仍須事畢方許掣退中間進止必審

機宜不可任性偏執若果馬昊處置乖方不能成功

虛費財力或因用兵擾動地方致生他患聽巡按御

史相實奏聞治以重罪及照用兵者必勞民息民者

必廢兵今御史王偉奏要馬昊專征松潘別推大臣

一員巡撫專意休息小民恐委任不一人難遵守致

誤事機擅難准議正德十四年二月初三日具題奉

聖旨是松潘事情着馬昊與鎮巡等官同心協謀隨

宜議處務要停當以安地方巡撫官不必另設欽此

為傳報逼近地方廣情事

看得巡撫四川都御史馬昊等奏稱正德十三年十

一月十一等日達賊約二三千又來松潘境外地方

搶殺人畜議得四川自

國初以來不曾聞有達賊今一旦傳報熟番驚疑邊

人惶懼等情查得前項甘肅海西地方住牧達賊因
正德九年都御史彭澤調兵驅逐遂奔四川彼時鎮
巡官急報請調延寧人馬防禦本部緣此議舉參將
張傑陞副總兵專一防守松潘而以副總兵帶管總
兵官事吳坤充總兵官專一鎮守四川凡此皆因甘
肅達賊奔犯四川邊境故特為之區處非無因而濫
設也今馬昊等奏稱四川自來並無達賊到彼以致
邊人驚惶見今松潘用兵叙瀘等處又楚蠻作亂吳
坤與馬昊分任其事尚慮不周議者乃欲革去鎮守
四川總兵官不知當此倉卒地方大事責之何人合

奏

四五

無本部行文馬昊等務將所奏達賊擾邊事情從宜
議處設法防禦或撫調熟番併力外攘或乘其事變
以夷攻夷惟在保安邊陲不必遠事征討仍將議處
緣由回奏查考正德十四年三月初十日具題奉
聖旨是這所奏虜賊事情便行文與馬昊等著設法
防禦隨宜議處務要停當不許違誤欽此

為地方事

看得巡撫貴州都御史鄒文盛等奏稱四川播州宣
慰司重安長官司土舍馮倫買拽天漂等處黑苗攻
打凱里城池殺虜人財官司雖隸四川管轄地方深

入貴州腹裏節經委官勘處四川該道官絕無一守
回報乞要轉行四川鎮巡官督催川東道守巡官親
詣播州地方會同本省守巡兵備等官督責宣慰楊
斌將土舍馮倫等買兵警殺事情勘問仍行楊斌嚴
加禁戢不許越境為患其凱里土舍楊洪官職查照
國冊保勘承襲若果干碍楊斌一併參奏定奪等因
查得前項事情先該巡撫貴州都御史鄒文盛具題
已該本部奏行四川鎮巡官議處延今一年之上該
道守巡官員尚未親詣撫處以致鄒文盛等復奏前
因務據四川鎮巡官該道守巡官通合查究但今松

奏

四五

潘番蠻侵犯都御使馬昊督軍征進總兵官吳坤因
楚蠻作亂又在筠連用兵松潘邊境復報達賊侵擾
各官當此多故之時未免事有妨礙難於顧理合無
本部行文四川鎮巡官查議即今楚蠻事情稍寧即
便督令守巡官前去播州地方會同貴州守巡官將
土舍馮倫等事情勘問議處完結回報若正用兵則
候事寧之日處置通將查議過緣由回奏年徑行貴
州鎮巡官查照本部再行貴州鎮巡官從長計議設
法隄備不可專候四川鎮巡官撫處致誤防禦其要
將楊洪官職查襲一節緣楊洪准與冠帶原無應襲

官職合無亦行四川鎮巡官一併勘議具奏施行正德十四年三月二十一日具題奉

聖旨是這地方事情着各該鎮巡等官都依擬行欽此

為十分緊急番情事

看得巡按四川監察御史黎龍奏稱正德十四年三月內茂州小東路核桃溝上下關子番蠻糾合白若羅打鼓等寨生番攻圍城堡遊擊將軍張傑參將芮錫督軍對敵將賊寨二處燒毀被番招集番蠻三千有餘殺死指揮龐昇千戶何英百戶李高軍人餘丁

李高

中

中

中

民快被殺并墜崖死者約三四十名遊擊張傑因馬奔跌身死及審稱官軍大敗四散不曾查點前報殺死之數不的張傑亦被番蠻殺死吳副使等捏報不實已行該道分巡官查勘另行及稱查奏議勘合止稱先將綽領等寺首惡端竹白等勦滅然後斟酌事勢應否添處兵糧以圖二路大舉今核桃溝非綽領數內都御史馬昊由松潘掣兵安綿督兵攻打小東路白草壩等處番寨以致番驚疑聚眾攻圍城堡殺死官軍數多要將都御史馬昊參將芮錫等解赴京明正失機之罪太監王保一回別用吳坤吳希由

罷黜另選更替一節查得王保已取回京吳坤見征

叙瀘其征松潘事係馬昊專管吳坤不預及查近該御史王偉奏要切責馬昊只將端竹白一枝剿治不

必窮追遠討該本部依擬覆奏行今馬昊遵依及該巡按御史盧雍等劾奏馬昊等不能思患預防以致

失事要行更換亦該本部覆奏請

勅切責外今番賊殺死遊擊張傑等既稱開報不實

另行查勘及查核桃溝雖非綽領數內正係端竹白

侵犯關南地方通連道路彼此夾攻或非得已况馬

昊正在用兵此時仍難提問合無本部馬上賞文交

李高

中

中

與馬昊務要查照本部節次題奉

欽依內事理欽遵施行如果番賊已退可以止兵即

便掣回設法防守以省供饋如或事正舉行勢難中

止仍須事畢方許掣退中間進止必審機宜不許任

情偏執仍咨都察院行巡按御史黎龍再查前項殺

死遊擊張傑等情由如果輕率寡謀喪師失律將馬

昊芮錫吳希由等候事寧之日依律參究提問若係

奮勇殺賊眾寡不敵以致陣亡照依近日給事中傅

鑰奏

准事理論功陞賞其遊擊張傑員缺本部於附近四

川地方相應官內推舉請

旨簡用令其上緊前去更替張傑領兵防禦正德十四年六月二十日具題奉

聖旨是這地方殺死將官失事情重馬昊及芮錫等且不提着巡按御史從公查勘明白參究來說松潘用兵進止機宜還着鎮巡等官依擬審處欽此

為地方緊急事

看得巡按四川監察御史黎龍奏稱天全六番招討高繼恩與蘆山縣知縣屠繼訐奏自合從公贊成乃敢肆為兇悖稱兵犯邊圍劫縣治流毒生民兵燹之

晉溪奏議卷之八

四十九

慘甚於反賊高繼恩之罪

王法必誅再難曲宥但今松潘用兵未寧筠高結禍未解再生一敵勢難策應若欲仍以尋常處之甚非所以昭

國法以禦四夷之道楊世仁助惡之情雖與高繼恩不同罪亦難恕乞要請削高繼恩官階令其戴罪脩省仍切責楊世仁助惡之罪及稱知縣屠繼本無御夷之才及乏養威之術無事則攘臂稱首以挑禍亂當事則奉身鼠竄以保妻孥原情坐罪亦將何辭合咨吏部另覈太監王保總兵官吳坤都御史馬昊分

守崔旻分巡王芳守備指揮張麟均有地方之責俱

合究治等因查得前項蘆山縣知縣屠繼與天全六番招討高繼恩等各奏事情已該都察院議擬行巡撫都御史馬昊會同鎮守巡按督同都布按三司守巡等官勘問干碍夷情重大即便議處具奏於正德十三年三月內題奉

聖旨着鎮巡等官勘問明白議處停當來說延令一年之上不見回奏御史黎龍奏內開無前項奏行勘問緣由顯是彼處鎮巡等官故違成命不早勘斷以致招討高繼恩不畏

晉溪奏議卷之八

五十一

國法恃力讐殺貽患地方損傷

國體論法通當提解來京從重問罪以戒將來但見今四川松潘敘瀘兩處用兵緊關用人內太監王保已取回馬昊吳坤因地方失事已請

勅切責守巡官崔旻王芳已住俸戴罪俱待事寧通查功過具奏定奪難便別議及照建昌兵備副使張思齊先年額外添設此官往來雅州住劄安邇蘆山專為撫處夷情而設今招討高繼恩等與蘆山縣知縣屠繼構怨訐奏張思齊不能禁約撫處及被高繼恩搶害地方故不依律火速奏聞又不照行移體式

通行巡撫巡按等衙門裁處施行乃敢妄具稟帖舞弄虛文且稱一二勘事人員為利誘勢迫匿不以報不知

朝廷額外設立本官專欲何用合無本部行文馬昊等遵照原奉

欽依戴罪殺賊將副使張思齊并都指揮張麟等俱令住俸嚴督所屬相機行事整擗官軍保障地方仍咨都察院行巡按四川監察御史作急查照前項原奉勘問事情從公勘問明白會同鎮巡官議處停當具奏定奪及咨吏部推選四川附近老成才幹官員

本無難奏卷八

五十一

奏

請簡用代補張思齊及屠繼員缺俱令作急前去接管行事待其到任之後巡按官即將屠繼張思齊提問如律俱監候奏

請發落仍將承命勘事鎮巡三司等官馬昊等逐一根究的係何人遲悞以致失機分別情罪輕重一併奏

請定奪再令四川都司行文天全六番招討司切責高繼恩并楊世仁各令從實認罪回話俱差的親兒男賚本赴京投進伏候

朝廷定奪正德十四年六月二十八日具題奉

聖旨是這地方夾情已有旨着鎮巡等官勘問如何延久不斷以致釀成禍患好生誤事王保已取回罷吳坤且不提待事寧之日一併參奏了來說馬昊張思齊屠繼着錦衣衛差的當官校賚駕帖去拿解來京張麟等都住了俸着嚴督所屬保障地方先後各奏情詞巡按御史從公勘處并根究承委官員遲悞情由分別輕重一併奏來定奪高繼恩并楊世仁各着從實回將話來欽此

本無難奏卷八

五十一

看得百戶高薦奏乞備查其父高崇熙原任巡撫四川都御史奏報功次照例量加

恤典一節查得高崇熙提督四川軍務指授方畧首破方曹之衆擒斬萬餘據太監章典所奏及御史汪景芳給事中王萱紀功文冊實為有功其後因廖麻子等殘賊率眾歸降獻納器械苦告解散情願安插崇熙遵照原奉

勅書及節奉

欽依事理撫處間適遇添差都御史彭澤等統兵馬境催督各路官軍聽調勒殺廖麻子等因見撫約中

變向副使張敏稟說上司許我到臨江市買房屋安
挿今到二十餘日並無一箇上司來處暗地又調鄉
兵截殺搶奪人馬顯是賺哄我們且回川北道地方
遊食當即殺人放火等語可見廖麻子等賊皆招復
叛由於彭澤遠改崇熙原議所致倘使崇熙不先招
撫則廖麻子等豈肯束手就擒亦必為害不已又將
歸罪何人初彭澤奏崇熙等不能運籌以成招撫之
計祇欲掩其贖兵殺降之罪耳本部先任尚書何鑑
遂假此妄參崇熙擅將地方許賊安插不候
明旨輒便掣兵以致賊徒復起崇熙緣此掣解赴京

本兵敷奏卷八

事

死於中途殊不知賊之解散由於掣兵其後復叛由
於用兵至其捨殺地方則未撫之先其害為甚聽撫
之後其害為輕况當鄔藍方曹虐熾熾盛之日崇熙
等所統不過本處軍馬所在財用往往匱乏乃能擒
斬萬餘降散數萬成功為難及鄔藍方曹既誅之後
止餘廖麻子一枝殘賊勢已窮蹙彭澤等所統邊鎮
強兵奏用
內帑銀二十餘萬兩乘賊聽撫解散之餘一鼓擒滅
成功為易前事已往臣等不敢追論但今高薦訴枉
祈

恩亦不敢昧是非之實委曲回護也查得崇熙因建
前功已蒙

朝廷降

勅獎勵陞俸一級後因太監韋興論其功績復蒙

聖明察其有功無罪特於既沒之後

賜祭一壇

恩至渥矣但崇熙死於道路事未結絕原官未復九

泉之下功罪未明雖蒙

諭祭不敢欽承合無准復崇熙原任都察院右副都

御史之職或量加贈一官或別加

本兵敷奏卷八

事

恩典臣等俱未敢擅擬伏乞

聖裁正德十四年八月初一日具題奉

聖旨是高崇熙既有擒斬賊首方四曹甫等功次准

贈右副都御史伊男高薦陞世襲一級欽此

為緊急賊情事

看得巡按四川監察御史盧雍劾奏叙瀘守備都指

揮僉事杜琮始則失信殺降以激夷人之變次則望

風自怯以貽居民之憂終則墮賊計而專務招降失

機會而遂致復熾要將杜琮提問別選謀勇人員代

其守備惟復責限成功以贖前過一節切詳杜琮既

是殺降激變夷人情犯深重難以復留守備合無本部移咨都察院行巡按四川監察御史差人將杜琮拏問依律議擬照例奏請發落本部照例推舉相應官員前去更替守備及照僉事田荆係添設專一勅節敘瀘兵備官員與杜琮責任一同杜琮殺降激變夷人田荆應合糾舉校正今奏內止恭杜琮不參田荆未審有何所見合無本部行文巡撫四川右都御史馬昊查勘棘蠻叛亂事情緩急并原議立縣增糧等項事件有無人情順逆作急會同計議從長定奪務在處署得當地方安妥不許偏執遂非釀成大患

寶篆議卷之八

五五

責有所歸仍查僉事田荆不能振揚風紀糾察奸弊符同杜琮失職誤事一體參奏究治施行正德十四年十二月二十六日具題奉

聖旨是杜琮提了問棘蠻叛亂并原議立縣增糧項事情着撫按官查勘明白處置保當來說欽此

為請處軍餉赴時攻剿久叛棘賊以靖地方事
得得巡按四川都御史盛應期題稱白水三江等處棘蠻嘯聚攻劫縣治殺人民罪惡貫盈天討固所當加但兵戈一動全蜀安危所係且兵部原議用兵禦侮先宜內撫不敢輕忽大舉臣等再三會議從長

計處調取漢土官兵并敘瀘嘉眉兵勇赴今天和水涸責令守備何卿并選慣戰驍勇官員領兵直抵江邊一面着落芒部烏蒙二府地方把截後路選差鄉導徑入賊巢宣布

恩威設法撫處如果聽撫另議上請定奪從宜安插隨俗處分如執迷不服即便整率官軍刻期並進分路夾攻有功者遵照原議行委分巡僉事紀驗巡按御史覈實仍責成分守參政李督糧右參政胡雍儋運僉事田荆王芳領軍監督兵糧若有不敷聽臣等再行從宜調遣一節查得先任巡撫四川都御史

寶篆議卷之八

五六

馬昊征勦棘蠻論者以為貪功生事今都御史盛應期等又奏棘蠻天討當加已調漢土官兵處置糧餉刻期征進會本奏來仍與馬昊前議相同欲不准擬但恐事已舉行勢難中止臣等竊論盛應期此舉雖能斷决或少遠慮况巡按御史黎龍未見奏到中間議論恐有異同且征勦棘蠻必用烏芒以資其兵力必約會貴州以防其奔突斯為萬全今奏但行烏芒把截後路而不及貴州似欠周詳及查貴州巡撫都御史鄒文盛已陞離任合無本部行文馬上齎與貴州巡按御史鎮守太監總兵官知會即日計議量調

官軍設法防禦果遇棘蠻奔突入境相機截殺其四
川用兵事情待後都御史盛應期等奏報至日有無
成功議奏定奪正德十五年四月二十九日具題奉
聖旨是這地方棘蠻嘯聚攻劫縣治搶殺人民節次
撫剿已經三年之上未得寧息着貴州巡按御史與
內外鎮守官公同計議依擬量調官軍設法防禦相
機截殺其用兵事情還待都御史盛應期等奏報至
日來說欽此

為地方事

看得巡按四川監察御史黎龍奏稱松潘地方西
晉漢議卷之六

卷八

寨番蠻殺牛泡酒聲言要攻城堡齊心大壞事一場
取討各項年例等錢天破也罷等語自正德十四年
十等月日節次上道搶掠人財及將賫

詔生員陳詔虜去等情奏稱副總兵叅將副使等官
任偏權小難於整理乞要本部查議行巡撫都御史
盛應期照依成化年間舊規每年自正月起至六月
止駐劄松潘將地方有無安靖具本奏聞之許前去
腹裏巡歷自七月起至十二月終止則事有責成邊
境無患一節查得正德六年十二月內都御史盛應期等
前項會議奏稱查失畏服投降奏罷兵防守該本

部議得不可因一時之安遂忘久遠之備將戰守事
宜覆奏未奉

明旨今御史黎龍隨奏前因顯是盛應期等不諳邊
情輕率奏報及照四川巡撫都御史職任雖以松潘
為重若腹裏有事松潘寧豈得匏繫松潘不去腹
裏又豈得拘於半年之例膠固不移見今盛應期奏
來已會總兵官吳坤調集官軍征剿棘蠻况天全六
番地方亦當有事若依今奏行令盛應期即來松潘
住劄不無顧此失彼查得副總兵張傑久在松潘屢
經戰陣謀勇素著及查松潘先年因差大臣巡守取

晉漢議卷之六

卷八

回方設兵備副使更代訪得胡澧才力似非所宜今
御史黎龍既奏張傑等任偏權小難於整理合無將
張傑照鎮守山西三關副總兵事例改擬鎮守松潘
名目量陞職級重其事權換

勅一道資付本官欽遵行事操練官軍脩理城堡備
運糧餉相機戰守保障邊疆開通道路如遇都御史
住劄松潘凡事會同計議而行若出巡腹裏事遇警
急徑自處置調遣叅將以下悉聽節制事干勾補軍
伍償運糧餉等項議行兵備副使催理不許遲誤副
使胡澧合無行移吏部查照資格淺深量為陞改別

用另推諳曉邊情才力有為附近地方官員陞補前缺咨報本部請

勅齋付令其作急前去松潘到任以濟時艱其巡撫都御史盛應期總兵官吳坤待征剿賊蠻事畢腹裏地方俱各寧息之日盛應期不必拘定片日常在松潘任劄腹裏有事方許出巡吳坤另議奏請裁革正德十五年五月十三日具題奉

聖旨 為循舊例設重臣以積患事

看得給事中張紳奏要多官集議可否比照陝西江西

學漢奏議卷之六

五九

西及先年羅綺等例松潘添設都御史一員駐於其地一節查得先年侍郎羅綺暫時差遣不係添設在彼官員及重軒雖曾添設在彼事無成效後復裁革及查陝西延綏寧夏甘肅三邊與腹裏隔遠江西南贛與福建汀漳及廣東湖廣四省地界相連亦非松潘一隅之比今給事中張紳奏要另設都御史一員專一整理松潘固欲專委任以責成效之意但松潘兵糧皆資於四川腹裏既有都御史一員巡撫四川又設都御史一員管理松潘事必掣肘益難責成重軒之設是其明驗查先年設立巡撫四川都御史

務令上半年尚在松潘住劄已有專委之責見今松潘設有副總兵一員參將二員遊擊將軍二員專理亦皆有人合無本部行文巡撫四川都御史腹裏無事常在松潘住劄整理邊備防禦番寇若遇腹裏有事巡撫不在副總兵等官各照原奉

勅書內該載事理欽遵行事相機戰守如有失事聽巡按御史指實奏究治正德十五年五月十八日具題奉

聖旨是欽此

為飛報番蠻攻撲城保事

學漢奏議卷之六

六

看得巡按四川監察御史黎龍奏稱松茂各寨番蠻出沒道路不通二十餘年都御史馬昊等奏請征剿親臨邊境任怨効勞總兵官吳坤協謀議討副總兵張傑勇敢協夷人之心剿撫盡將官之職僉事劉成德委驗功次守法不阿隨軍深入勞苦不避參將王偉芮錫布政使華璉致仕參議張繹兵備副使胡澧吳希由僉事楊薰呂紳或防守督軍或備糧餉或盡心撫處或建議罷兵均效勞勤都布按三司掌印左布政使張琮右布政使沈恩按察使彭杰都指揮僉事廬瑛或協謀剿於前或審勢議撫於後都御

史盛應期太監王潤到任雖在用兵之後料敵能審
罷兵之機建議撫處這舉不生前巡按御史盧雍用
兵雖其去任之後議兵實其在任之時指揮僉事何
卿張倫蔣成鄧爵陣亡龐昇等功次多寡備載文冊
可查所據前項各官功之大小應陞陞賞應應錄
或以功贖罪或過不掩功乞要本部查議酌處上請
施行一節臣等議得松茂之後專為除害安民豈期
各官輕率淺謀用兵一年之間斬獲賊首不過三百
餘級而軍士陣亡被殺幾至三千行齎居送徵求調
發全蜀受害竟不能使番賊畏威斂迹而副使吳希

晉溪奏議卷之六

卒

由當被圍之時納弊求和與副使胡澧符同隱蔽虧
損

國威莫此為甚及芮錫臨陣先退以致損折官軍并
副總兵張傑參將王偉俱該本部別本參奏及總兵
官吳坤先差敘濫用兵并布政使華璉等俱功微通
難論擬外所據指揮何卿等功次并陣亡人員既該
御史黎龍造冊奏繳合無本部將何卿等照冊另行
查議奏請陞賞正德十五年六月二十日具題奉
聖旨是這各官不以地方為重輕率淺謀用兵一年
損折官軍幾至三千斬獲賊首不過三百餘級奸生

誤事已別有旨處治了何卿等功次并陣亡人員你
部裏便查議了米說欽此

為軍務事

看得巡撫四川御史盛應期奏稱會同鎮守太監
王潤巡按御史黎龍議得松潘諸番環布兩河不時
出沒私治十七等年殺害官軍守臣議奏調兵征剿
及添遊擊將軍馬聰杜瑛二路巡視後因裁革竄視
縱橫正德六年間端竹白等遂爾煽虐攻堡阻人
民被其殘害官軍被其殺虜正德十一年太監王保
都御史馬昊總兵官吳坤巡按御史盧雍會奏大舉

晉溪奏議卷之六

卒

蒙降

勅議處撫剿端竹白等因見軍威屢振畏懼剿殺各
備銀兩馬甲等物情愿投降脩理關堡認守地方再
三會行覆勘委係是實此我
皇上天威遠被

廟堂謀議深遠處置得宜數十年稔惡番夷得遂款
附之誠西蜀數百萬生靈得蒙更生之澤但番夷變
詐莫測難保有終欲攘外侮必先安內臣等審度時
勢隨宜守剿彼番聞風畏威豈敢頻仍肆惡及稱松
茂往年春秋二八月一次副總兵與右參將一次松

潘兵備與茂州兵備副使彼此交命是壽畫邊計宜訓
番夷遊擊將軍領兵防送已有定例合再申明舉行
又稱副總兵張傑兵備副使胡澧撫綏番衆脩復關
堡不煩血刃姦究潛消相應激勸乞要計議將前項
番夷免行征剿原調漢土官軍兵勇俱行停調及行
今松茂副參并兵備官員查照舊例互相巡視彼此
交會計處邊務遊擊將軍領兵同行防護遇有番夷
出沒相機截殺每次將巡視過日期并地方有無事
情緣由開報臣等奏繳如有警不備停當輕率妄動
及推奸避事不行依期巡視失誤奏報俱聽臣等參

奏處治副總兵張傑副使胡澧請乞

六三

聖裁量加賞犒以勵將來等因臣等議得番賊端竹
白等先日殘害居民殺虜官軍奪古南路關堡過半
肆無忌憚後因都御史馬昊等調兵征剿番賊被殺
逃散官軍乘勝脩復關堡逼近賊巢端竹白等懼怕
剿殺方纔投降聽受撫諭豈張傑胡澧口舌化諭不
不血刃之所致查得張傑胡澧係原會議用兵官員
及征剿松潘番賊節次斬獲首級有功人員巡按御
史黎龍見奉

勅紀驗今若不候通查明白論功行賞先將張傑胡

澧量加賞犒恐無以服人心合無本部移咨都察院
行巡按四川監察御史遵照本部前項題奉

欽依隨軍紀功事理將征進松潘有功官軍副總兵
張傑等作急查明造冊奏繳以憑議擬陞賞其都御
史馬昊提督用兵前既獲功後有失事亦分別功罪
多寡從公論擬應否陞賞准贖緣由具奏定奪及照
番夷既降兵宜停止合無本部行文都御史威應期
即將原調漢土官軍放回本處操守原買空運糧米
已領在途者量增腳價仍令運赴原指倉廩交納以
備軍餉未買者追收原銀還官備邊支用守堡未到

本兵數奏卷八

六四

官軍務要查究發堡以防不虞松潘地方未經脩復
關堡并端竹白等自任脩守關堡責任副總兵張傑
副使胡澧務須乘其畏服之時查考脩復著實完報
不可因一時之安遂忘久遠之備後來失事咎必有
歸其所奏副參兵備遊擊等官春秋巡視會議邊務
相機戰守具由奏報等項事宜悉依所擬施行正德
十五年七月十一日具題奉

聖旨是這有功官軍着巡按御史查明具奏陞賞馬
昊待問擬了來說其餘都依擬行欽此
晉溪本兵敷奏卷八終

我

太祖定鼎金陵建四十二衛皆散處江北屯田自養故賦有餘而用足永樂間遷都于燕建七十二衛歲漕江南北梗粟四百餘萬石以給軍食而武官俸廩則仍就支於南京至正統初始以南京倉米每石折銀二錢五分總計四百萬石納于京而存者尚二百餘萬石蓋兩京並建邊備漸增財用至是始困矣故為留都今日之計者

晉溪本兵敷奏卷之九

宜汰冗兵去冗官脩江北屯田之政減襄河進貢之船使兵少而精強賦省而足用北輔中原南控百粵江淮湖海環邦畿數千里之間民安盜息根本壯固斯見陪京之雄盛矣

為陳愚見杜宿弊以安軍民事

看得巡按監察御史楊瑛所言計處民壯一事指陳利害援證古今明白剴切速當議處今將所言開立前件詳議明白伏乞

聖裁正德十年七月十一日具題奉

聖旨這民壯還照舊行欽此

計開

一計處民壯事前件查得先為調元贊化事該禮科右給事中孫儒奏一件選民壯以振天威該本部議得合無通行各該巡撫巡按官督同分巡分守等官嚴督各該府縣掌印并撫民等官除近年曾經僉定造冊繳部外各量地方險易合用民快機兵各若干若舊有之數不足其州縣七八百里者每里僉點二名五百里者每里三名三百里以上者每里四名一百里以下者每里五名舊額類多者

晉溪本兵敷奏卷之九

不許減去俱於丁糧相應之家從宜僉點年力精壯之人籍其年申相貌在官務勾一城操守一方保障不許濫僉有傷農力亦不許放免殷富獨勞貧民等因弘治七年十月初四日具題奉

孝宗皇帝聖旨是欽此又為乞明編僉民壯事該巡撫山東右副都御史何鑑奏該本部議得將造冊已定民壯俱以弘治十二年為始每十年通行查審看驗一次中間但有老疾病故消乏等項悉與僉換若本戶有壯丁十名以

上家道放實者仍於本戶僉補壯丁更替再當一革事故之日不許再於本戶僉補其十年審編之時守巡府州縣正官親詣查審照冊將丁糧相應之家從頭僉替毋令作弊獨損貧民仕宦之家量加優免果係正統景泰成化初年應當到今如告更替查勘是實亦與僉換等因弘治十一年十一月十八日具題奉

孝宗皇帝聖旨是欽此臣等伏觀我

朝舊制自京師以及天下設置衛所編充軍伍幾至

計法北平奏卷九

上

下

百萬令州縣百姓供給糧餉計天下田租之入大半供軍專為防姦禦侮軍以衛民民以供軍未聞衛所之外復有民兵之設也自正統十四年軍伍消耗邊患警急始議召集壯勇以自護衛蓋一時權宜之計事寧之後即當罷革以示休息脩明軍政以復舊規而年復一年因循未改至於給事中孫儒建議選民壯以振天威本部依擬通行天下照里編僉民兵之害遂流至今言者屢欲查革而本部因襲憚改終不能救今御史楊瑛目擊其

計法北平奏卷九

中

弊反覆論列民之疾痛如切其身且引宋人議於陝西點義勇數萬以禦元昊司馬光力阻其議以為於民有世世之害於事無分毫之益其說尤為明鑒楊瑛所言切於時政得失軍民利病臣等不敢忽處合無本部通行各處巡撫按官會同三司等官查勘但係弘治七年給事中孫儒奏准新設民壯通行革罷不許再行勾擾其正統年以後弘治七年以前原設機兵民壯及山西陝西等處原設備禦各邊民壯俱照舊存留其餘腹裏設

有衛所去處照例將守城舍餘及輪操下班官軍操練防禦至於州縣衙門合用兵快亦依楊瑛所擬不必編僉惟令查訪曉勇精壯平素慣習捕盜之人不拘名數收充應捕快手名目除免本身差徭外再免本戶二丁幫貼承食本戶無丁許免別戶人丁幫貼俱聽本州縣掌印官提督操演緝捕盜賊不許官司私役擾害中間應有獎勵優恤等項事宜本部議擬未盡者悉聽巡撫按三司官從宜施行不必拘泥本部原擬惟在人得實用

事無紛擾盡除煩苛與民休息應具奏者奏請定奪亦不許視為文具廢格不行通將查處過緣

由回奏查考

為成造軍器人匠事

看得太監余俊等奏要將各衛所不到軍匠照名選取餘丁一名暫送本局頂補用工每名月支糧八斗待各匠原籍清勾至日隨將原補餘丁退回該衛別差一節先該南京兵部會同內外守備官計議具奏選補人匠該本部查得軍匠逃故原無將別軍餘丁補充事例擅難准擬等因覆題奉有

晉溪本兵數奏

卷九

欽依通行外今太監余俊又奏要將餘丁選補加支月糧緣臣等前議非敢偏執但因查得軍匠逃故自來並無將別軍匠餘丁選補事例以此執奏不從今若此例一開其餘衙門俱來比例難以禁止見今南京倉糧歲計不足若又因此冗食加多則戶部必歸咎兵部擅改舊例濫收匠役科道官必劾奏本部不能遵守舊例擅開弊端臣等固不足恤貽害將來誠非小失及查本局見在食糧軍餘人匠二千餘名足以應用何必又取餘丁添支月糧以補逃亡之數合無本部移咨南京兵部轉行該局照舊遵守不必創

立新法輕啓弊源其逃故人匠照例清勾補解不許遲延正德十一年六月十二日具題奉聖旨是欽此

為強盜劫財傷人等事

看得巡撫鳳陽等處右都御史叢蘭奏稱贛榆縣地方本年七月十九日強賊百十餘人各懸弓箭手持長鎗腰刀在縣柘汪鎮龍王朝等處燒毀居民房屋劫搶財物馬匹今十月二十八日方得奏到救出即今淮揚一帶地方水災重大民不聊生前項盜賊聚眾已至百人若復怠玩不早捕治萬一飢民互相扇

晉溪本兵數奏

卷九

引聚眾流劫關繫匪輕况鳳陽祖宗陵寢所在尤為重地右都御史叢蘭所管接境地方前項所查備倭守備武職共有三員兵備按察司官共有四員大牙相參遠近聯絡專為防捕盜賊保障地方而設及查鳳陽等八衛一所京操秋班官軍八千一百四十員名近因災傷俱留本處操備合無本部馬上賫文交與巡撫都御史叢蘭勸贛榆縣七月內流賊百人初起根由并即今流往何處地方有無追捕解散各該地方官員因何不遵律例火速申奏逐一查究明白星馳具奏不許遲延仍行署

正留守王憲并本司巡捕官將存操秋班官軍支給月糧加意存恤處置馬匹器械分班操練彈壓奸頑防護

陵寢若遇隣境盜賊生發本處官軍不能禁捕聽叢蘭酌量賊情緩急多寡徑自調發相機剿捕一面奏聞其餘衛所官舍軍餘及府州縣民快有可操習者亦聽叢蘭從宜選委謀勇才幹官員管領巡捕務在處置得宜緩急有備既可防禦寇竊又不生事擾人斯副委任仍嚴督各該備倭守備兵備官比常十分加謹撫恤軍民巡察賊盜其山東兵備官雖非統屬

晉漢兵數奏九

七

然地界相連亦聽移文督捕各官敢有似常因循坐視致有強賊百人以上上流劫地方備倭守備都指揮并按察司兵備官俱先差官替回送法司問罪照例從重發落本部仍通行山東河南巡撫都御史嚴督兵備等官一體施行正德十二年十一月二十二日具題奉

聖旨是這查勘流氓并防捕等項事宜着鳳陽巡撫官都依擬行今後各該備倭守備兵備等官如有似前因循玩寇不早捕治以致貽患地方的俱從重治罪不饒還通行與山東河南巡撫等官知道欽此

為足食足兵以固根本事

看得南京浙江道監察御史龔大有所奏修衛所以時簡教革衰病以易精壯禁買閑以充什伍嚴操軍以圖實効添憲臣以總督五事無非欲整飭武備保固根本之意不為無見今將所言開列一併議擬明白伏乞

聖裁正德十三年十二月二十七日具題奉

聖旨是准擬欽此

一修衛所以時簡教前件行南京兵部議奏定奪

晉漢兵數奏九

八

一革衰病以易精壯前件查得舊例軍人年及六十更替今奏要通行揀選精壯軍餘更替疾病衰弱之人合行南京兵部再議相應依擬施行

一禁買閑以充什伍前件合行南京兵部查例禁革

一嚴操軍以圖實効前件合行南京兵部并操江都御史查照舊規着實操練以振軍威如有在覓頂替情弊照例究治

一添憲臣以總督前件查得南京兵部尚書

替機務係是舊制原無添設都御史一員重
復總督在京衛所及今操江都御史兼管事
例擅難准擬

為缺軍守護陵寢事

看得南京守備成國公朱輔會同太監黃偉尚書喬
宇等查議要於

孝陵衛摘撥精壯餘丁二千一百八十四名每三丁
朋合一丁相兼見在旗軍當差一節查得自來南北
兩京并各邊衛所軍人逃故並無將無干別軍餘丁
抽選朋當之例今若此例一開多餘軍丁必致逃縣

晉溪本兵數奏

九

遺下本戶軍役無人承繼軍伍益致消乏係干創行
事理關係匪輕合無仍照舊例將逃故軍人清勾補
役惟復行移南京兵部出榜曉諭孝陵衛軍人餘丁
內有情願投充本衛軍役補伍者聽其告官查明收
補不願者不許一槩僉派強逼充軍伏乞

聖裁正德十四年二月十六日具題奉

聖旨是還照舊例將逃故軍人清勾補役欽此

為添設官員以保安地方事

看得巡按直隸監察御史葉忠奏稱蘇松常鎮四府
濱連江海武備廢弛先年曾設兵備副使謝琛住劄

太倉州今據九江等處報稱強賊吳十三等江上劫

掠勢甚猖獗比之謝琛之時尤為可慮乞從長議處

照舊添設兵備官一員前來鎮江住劄整飭四府武

備一節查得蘇松常鎮四府原無設置兵備官正德

七年暫設謝琛整飭未久都御史王績具奏裁革今

江西事變鎮江為南北襟喉相應設備但要仍設副

使恐一時不能得用如江西九江見有兵備副使曹

雷九江城破曹雷不知所在是其明驗查得添設潛

運參將陳璠平昔謀勇可取近年都御史陶琰巡視

浙江調用陳璠殺賊有功奏薦可用即今江南運道

晉溪本兵數奏

十

多梗已過淮者自有參將王玉王佐二員催攢整理
合無請

勅一道賞付參將陳璠不妨原任作急前去分守鎮

常蘇松地方會同巡撫都御史選調各府衛州縣官

軍民壯給付口糧器械加意撫恤如法操練常於要

害地方隨宜住劄相機戰守務須殫心悉慮保障重

地不許寡謀輕忽致賊侵據合用符驗旗牌照例請

給事寧之日具奏裁革正德十四年八月初一日具

題奉

聖旨是陳璠着不妨原任上緊前去分守鎮常蘇松

地方寫勅與他欽此

為軍務事

看得南京內外守備司禮監太監黃偉成國公朱輔
兵部尚書喬宇等各奏報南京各營操備馬步官軍
人等實在共三萬六千九百六十四員名不為不多
近日江西事變前項各營實在食糧官軍縱使三分
選一亦尚可得精兵萬二千餘以備戰守何乃聞警
張皇失措連章奏借邊兵四散徵調民壯不知
朝廷平日設置留都軍馬歲費糧儲以百萬計將馬
用之所據管理各營官員坐視因循廢弛武備難

晉漢本系教養卷九

七

解責及至給事中孫懋去年十一月奏行各官議處
延至今年四月方行回奏隨該本部覆奏行令各官
照正德七年例會同揀選將選過軍數回奏查考延
今月久未見選報止襲舊案奏報前數若不再行申
明催督揀選明示懲戒後來必不知警再遇有事妨
誤非輕合無本部行文南京兵部查照先今事理作
急會同內外守備官并提督操江南和伯六壽祥等
及行南京科道委給事中御史各一員親詣各營將
前報實在官軍調取南京戶部食糧文冊逐一查對
揀選精壯官軍定為頭撥聽候征調力弱者定為次

撥隨揀聽當雜差中間如有把總管隊人等私役賣
放等項情弊徑自叅究提問退回各營操備將選過
頭次撥官軍姓名數目備細造冊送南京該管都督
府等衙門用印鈐縫送本部收照仍將揀選過官軍
總數并查叅過各項情弊緣由作急回奏查考不許
似前遲延誤事正德十四年八月二十六日具題奉
聖旨是南京各營操備官軍者該部便照例會官揀
選上緊回奏不許遲悞欽此

晉漢本系教養卷九

三

浙江類

為處置地方強賊以安民心事

看得巡按浙江監察御史鮮冕奏稱會同鎮守太監王堂三司掌印官陳璠王紹何天衢等議得湖州府安吉州孝豐縣強賊湯毛九等恃居險阻肆行劫掠聚眾拒捕為患地方已非一日矣今不即計處將來致難撲滅乞要廷臣密切會議將知府呂盛知州張煥知縣王棋改調另推才幹官員前去散其黨與執其渠魁仍乞密勅臣等相機行事如其執迷不悛量調處州等府衛

官軍民快剿捕相連地方移文巡撫等官會期集兵

把截使無奔潰等因查得奏內湯毛九等殺人放火

劫庫劫囚違法等項事情自正德元年以後節次奏行巡按御史勘問已十餘年未得結絕俱不奏知今御史鮮冕等方行會奏欲先推才幹府州縣官前去宣諭處治待其不從然後調兵剿捕查得律有明條逃避山澤不服拘喚拒敵官兵者以謀叛已行論湯毛九等恃險為惡拒捕殺人屢犯不悛事干叛逆罪在不宥既該鎮巡官奏發其事若乃付府州縣官撫處不惟府官拘於職守力不能制抑且事機漏泄懼

罪生變聚眾流劫貽患地方猝難撲滅近年處置劉六劉七等事可為明鑒查得巡撫南直穎都御史張津該管廣德州太湖等處地方俱與湖州安吉孝豐地方接壤及查浙江杭嘉湖三府稅糧亦屬都御史張津總理合無請

勅一道差人馬上賫赴張津即日計議叛賊湯毛九等應須作何擒捕一面選委謀勇官員調集官兵指授方畧在於廣德州太湖等處通連賊巢地方密為設備一面馳至浙江先以清查稅糧行事會同彼處鎮巡三司官密切運謀調集官兵民快相機擒剿務

在渠魁就戮脅從罔治地方安靖軍民不擾如或未

宜加兵可以計擒或設法撫處罪人自得

勅內該載不盡事宜悉聽便宜施行不必拘執原議應具奏者星馳奏請定奪毋或鹵莽輕忽致有疎失咎有所歸本部再行差人賫文前去江西交與鎮巡官令其密切計議預於通連浙江湖州經行水陸道路一體設備但遇前賊奔逸入境即為擒捕有功照例陞賞誤事責亦難辭其知府呂盛等應否改調另推宜從吏部查議定奪再照前項賊情年久地方官員平昔既不能設法禁治又互相隱匿不速奏聞中

間恐有隱下別項重情合當究治合無併

勅都御史張津候其事寧之日查勘明白通行叅奏

處治正德十二年二月二十九日具題三月初三日

奉

聖旨是這撫勦等項事宜都依擬行便寫勅與張津

着上緊去欽此

為處置地方強賊以安民心事

議得犯人湯毛九許江等二家自弘治年來殺人放

火劫庫劫囚逃避山澤不服拘喚拒敵殺死兵快不

奉王化已非一日事不異於流賊罪實同於謀叛地

方官員緩之既不能制急之又恐生變因循寬縱養

寇殃民非惟法令不行於兩家抑且氣習將染於全

浙邇者三司官因見本部議奏申明律例督率嚴謹

不許隱蔽賊情方將前情各呈鎮巡官處會本具奏

又欲先推才幹府州縣官前去宣諭處治待其不從

然後調兵剿捕本部議得彼賊罪既敗露若仍付府

州縣官撫處力不能制必致生變貽患地方以此議

奏責付都御史張津捕治荷蒙

皇上英斷即時降

勅授以方畧令張津密切運籌調集兵快相機擒剿

如或未宜加兵可以計擒或設法撫處罪人自得悉

聽張津便宜施行今張津果能仰體

廟謀協和群議委用人處置有法擒獲渠魁不妄

殺戮明正一時之天討懾服闔省之人心雖無斬獲

首功實能消弭隱禍論其功勤實可嘉獎太監王堂

會同議處事克有濟功亦當錄合無將張津王堂各

請

勅獎勵賞賚仍各量陞祿俸御史吳華鮮冕成英同

事地方協謀奏處合無各加賞賚及撫處分哨監軍

領軍把截調度錢糧取用軍器往來督視分布等項

官右布政使等官湯沐等一十七員各效勤勞不負

委任合無亦各量加賞賚緣恩典出自

朝廷臣等俱未敢擅擬均乞

聖明裁處其湯沐等合用賞勅候

命下之日行令浙江布政司處置完備就彼給賞其

已給賞過獲功軍快打手人等及量賞過指揮同知

等官以下官員數內或有賞未酬勞及數內或有應

賞未賞人員行移巡按浙江監察御史會同鎮守三

司官再行查明斟酌給賞如無可賞不必濫及其南

直隸地方把截道路擒獲從賊有勞官同知魏浚知

州周時望等行移都御史張津亦就彼中量賞畢日各將給賞過銀物數目回報本部查考正德十二年七月二十八日具題奉

聖旨是這強賊湯毛九許江等逃避山林不服拘喚敵殺兵快劫庫劫囚積惡年深將成大患都御史張津乃能遵照兵部擬奏方畧密切運籌處置有法擒獲渠魁消弭隱禍地方寧靖功勞可嘉太監王堂先事既能思患預防奏請處置臨事又能協謀調度親臨巢穴兵不血刃賊俱就擒功亦不小張津陞戶部右侍郎兼都察院左僉都御史照舊巡撫王堂歲與

晉溪本兵數奏卷九

七

祿米十二石廕他子姪一人做錦衣衛世襲百戶還各寫勅獎勵御史吳華鮮冕成英各賞銀十兩紵絲二表裏三司等官湯沐梁材何天衢于鏊閔楷潘鐸劉藍朱廷聲傅智王紹許讚胡訓林富各銀十兩紵絲一表裏張奎申錫秦王陳璠原署職與實抄欽此

為公務事

看得鎮守浙江地方太監浦智奏帶錦衣衛官旗舍周鐸等四十五員名該支廩給口糧馬匹脚力乞照前鎮守太監畢真參隨事例行移有司應付一節查得太監浦智先差織造二次奏帶官舍三十一員

名今又鎮守浙江奏帶周鐸等四十五員名內有原奏帶浦政等十名比舊奏添太多於例有礙及要比照太監畢真參隨事例行移應付緣畢真并參隨人役見今犯罪被掣難以比照合無行令浦智遵照舊例奏帶相應人員五名應用照例應付正德十五年三月二十五日具題奉

聖旨已有旨了欽此

晉溪本兵數奏卷九

七

湖廣類

為飛報賊情事

看得撫治鄖陽都御史任漢奏稱湖廣沔陽州景陵
京山縣地方盜賊不時出沒誠恐釀成大患乞要從
長議處或量撥荊州等衛官兵前去石首等縣防禦
或於沔陽荊州二處各設兵備憲臣一員整飭武備
督捕盜賊或令上下荆南二道分守分巡各帶家口
常在地方駐劄專一責成其事不許別項差委無事
不許回司年終不許更代得以珥盜一節查得湖廣
省城既有巡撫都御史總兵官督率都布按三司等

晉漢本兵繫奏卷九

九

。

官專任一方之寄成化年間因鄖陽接連四省流民
甚多添設都御史一員撫治其地正德五年又因流
賊騷擾復設副總兵一員協守又有撫民副使參議
各一員專在襄陽駐劄至於荆瞿安沔鄖陽又設守
備指揮三員專一緝捕盜賊設官不為不多禁制不
為不密使各官果能憂切地方盡心所事盜賊何至
竊發軍民豈有不安奈何玩寇養亂漫不經意及至
事勢急迫便欲撥軍添官輕變成法殊不知荆州等
衛官軍各有分地操守難以摘離額外又添兵備不
知原設分巡撫民等官平日所理何事及照按察司

分巡僉事係風憲官一年更替亦是舊制今若令帶
家口年終不許交代事屬更張俱難擅准合無本部
移咨撫治都御史任漢行令上下荆南二道分巡官
不時往來前項地方公同各該守備官嚴督軍衛有
司巡捕等官緝捕盜賊糾察奸弊照例一年更代若
分巡等官推奸避事不行巡歷聽撫治并巡撫巡按
官糾奏處治正德十年十二月二十九日具題奉
聖旨是欽此

為申鳴保護衙門地方舊制以安夷情事

議得國朝因前代之舊設立土官衙門頒降印信令

晉漢本兵繫奏卷九

十

。

其遵奉正朔以夷治夷寓焉歷之意百餘年來已有
定規正德八年始因巡撫都御史劉丙建言舉用指
揮王爵奉

物守備鎮守地方控制永順保靖二宣慰使司無制
五寨長官司蓋亦統馭苗夷不使構亂之意但以指
揮控制為名使彼得以藉口不服節次奏擾而守備
指揮王爵亦奏永順保靖二宣慰司離守備衙門三
四日之程行勘事情百般阻撓不聽約束乞要今後
但遇各宣慰司訐奏事情悉行守巡該道徑自提勘
已該本部節次奏行鎮巡等官勘議今都御史秦金

會同太監杜甫都督同知楊英御史張翰督同守巡
叅議王蓋等勘議得新設鎮守備指揮難以裁革
但以指揮控制宣慰衙門似於政體久安夷情未順
要將永保二宣慰司并附近土官衙門俱改屬沅州
兵備副使控制一應夷情奏爭詞訟悉從整理原設
指揮王爵止令守備鎮守兼制五寨等因查得鎮守
三司統轄土官衙門原是舊制沅州添設兵備副使
原擬撫治蠻夷正其職掌奏內開稱見任沅州兵備
副使翁理帶管分巡今若將宣慰使司改令沅州兵
備官專一控制不惟有碍舊規抑恐守巡官得以推
晉溪本兵數奏卷九

至

化誤事愈致紛更人不信服合無請換
勅一道實付指揮王爵照依鎮守官所擬止令守備
鎮守兼制五寨如遇永保二宣慰司管下土人結構
鎮守苗人潛出劫掠斟酌事情輕重緝拿禁治重大
夷情悉聽鎮守官節制及會同分守分巡官計議停
當而行凡事務在寬大得體不可任情苛刻或生事
激變罪不輕貸其鎮守衙門遇有夷人訐奏事情照
舊行守巡該道及兵備衙門提勘不許再行守備指
揮勘理各官又奏稱宣慰使彭明輔因見守備控制
字樣心輒不平乞要量加懲戒今後一應上司問結

奉有

欽依事情不許煩瀆

聖聽一節但各官前議既以為指揮控制宣慰衙門
政體久安似難責其所奏不平及

朝廷廣遠視聽萬里夷情亦能自達若厭其煩瀆壅
蔽不聞萬一釀成大患咎將誰歸但彭明輔雖假不
欲控制為詞實因指揮王爵徧僉寨長朔望點閱管
下土人不得誘引結構以遂已私故借控制之名以
遂陰阻之計合無行令鎮守官將前項緊關情節行
文曉諭宣慰使彭明輔等即今已令守備鎮守指揮

晉溪本兵數奏卷九

至

不必控制二司止管鎮守所司事情本司務要遵守
國法鈐束土人不許結構鎮守苗人潛出劫掠如有
違犯聽守備指揮緝拿禁治並不許宣慰司官明為
承順暗行阻撓果有應奏事情仍許徑直奏聞區處
及又奏稱分守右叅政曹崑分巡副使翁理承勘地
方夷情不行上緊完報雖因更代不常終屬違慢相
應究治一節查得曹崑已故翁理見任俱係巡撫等
官轉委人員合無轉行巡按湖廣御史將翁理提問
惟復量加罰治均乞

聖明裁處正德十一年七月十七日具題奉

聖旨是這處置夷情事宜依擬行分巡官且饒道還罰俸兩箇月欽此

為乞恩請兵征勦急救生靈以安地方事

該吏部聽選官鄭泰熙奏稱本處桂陽縣徭人占種民田殺人放火被害之家節呈告縣祇稱兵備道分付申稟本道不許別行撫按衙門致使地方累遭賊毒無由上達誠恐釀成大患乞要會兵征勦等因查得成化二十一年閏四月二十九日節該奉

憲宗皇帝勅旨各處盜賊生發如事干城池衙門殺官劫庫劫獄并積至百人以上者限一箇月以裏不

得成化二十一年閏四月二十九日節該奉

三

獲聽鎮守巡撫巡按官將分守分巡守備及府州縣衛所巡司掌印巡捕等官住俸戴罪挨拏盡絕照舊支俸管事半年不獲者不分司府州縣衛所巡司掌印巡守巡捕等官俱聽巡按御史提問三司掌印官照依常例發落其餘每一起將州縣守禦千戶所巡司掌印巡捕官并專一地方守備等項及府衛巡捕官降一級每一起府衛掌印官降一級每一起分巡分守官降一級俱調邊遠去處欽此欽遵及照郴州桂陽縣地方又被徭賊劫殺人民既不能設法防禦又互相隱匿不速奏聞所據各該誤事官員通合究

沿合無本部移咨巡撫湖廣都御史秦金查勘所奏賊情如果是實即同鎮巡三司等官計議嚴謹防禦設法征勦務令徭賊斂跡居人安靖事體重大者星馳具奏定奪仍查隱蔽賊情官員應提問者就許提問應奏請者參奏提問不得似常姑息通同欺隱貽患地方等因正德十年十二月二十日具題本月二十二日奉

聖旨是這所奏地方事情着鎮巡等官便議處了來說欽此

為賊情事

四

該鎮守湖廣總兵官楊英等奏稱湖廣企山茶山等峒徭苗不時越出臨武宜章等處地方劫掠欲便會兵征勦况今五月暑雨難於進兵且近日以來再燃緊急報到除議行守巡僉事丁沂等嚴督見在官軍民快分布州縣防禦守把外賊果遠遁軍兵照舊掣回萬一賊勢猖獗會同兩廣南贛總督巡撫等官從長計議處置兵糧刻期夾攻等因議得合無依其所擬本部馬上差人賞文交與巡撫都御史秦金會同太監總兵官嚴督新任兵備副使陳璧分巡僉事丁沂分守參議王泰參將史春務令嚴督各該府衛州

縣官員整率兵快用心防禦相機撫勦如果各猛傾
心向化從宜區處俾各安巢穴不致驚疑仍議作何
防守可保永無後患具奏施行倘或執迷不服報離
肆虐應會兩廣南贛鎮巡等官調兵征勦務須公同
計處期在萬全先將應調土漢官兵數目措辦糧草
事宜及戰攻方畧星馳差人具奏定奪固不許畏怯
出征任意延緩重貽民害亦不許貪功生事妄擬調
發騷擾地方再照前項流賊自正德七年劫掠各縣
至今五年尚未平定正德十年止據兵備副使程果
呈稱斬獲首級鎮巡官奏報一次餘起被盜俱未奏

晉溪本兵數奏卷九

五

報本年十二月聽選官鄭泰熙等具奏本部題奉
欽依查勘守巡等官方行具呈鎮巡官方行奏報却
稱鄭泰熙等所奏隱匿等情見行查勘中間顯有回
護情由切詳兵備守巡及有司衛所等官遇有賊出
即時申報設法撫捕必不滋蔓至如今日之甚今各
該官員上下蒙蔽致使猛賊殺虜五年不息乃今更
欲推避俱難輕貸合無本部移咨都察院轉行彼處
巡按御史將正德七年以後各縣被賊殺虜事情逐
一查勘務見某年搶殺再縣幾次各該官員有無奏
報但係隱蔽有罪人員應提問者徑自提問應參奏

者指實參奏仍照本部題准飛報賊情事例發落內
干礙地方緊要委用官員行令戴罪殺賊候事寧之
日照例提問非有撫勦奇功不許准贖庶幾以後守
巡等官稍知警戒賊情無隱生民獲安等因正德十
一年七月初五日具題本月初七日奉
聖旨是這地方事宜都依擬行欽此

為流賊攻縣殺人燒屋擄官劫財等事

該巡撫湖廣右副都御史秦金等奏宜章等所縣
掌印巡捕守巡等項官員失事緣由乞要議處將各
官住俸戴罪殺賊等因議得湖廣桂陽等處猛賊搶

晉溪本兵數奏卷九

五

殺事情醞釀日久守土官員往往隱匿不報先該聽
選官鄭泰熙首發其事本部議擬行令鎮巡官會同
計議防禦征勦及查通同欺隱官員參奏提問而彼
處鎮巡官方乃奏稱企山茶山等峒猛賊不時劫掠
欲便征勦况今五月暑雨難於進兵且近日以來更
無報到緊急情由本部又經行令各官整兵防禦仍
議作何撫勦可保永無後患星馳具奏題奉
欽依通行遵守經今日又賊勢未見少衰反加猖獗
而安仁攸縣鎮粟地方肆行剽掠執辱縣官殺傷居
民劫放囚犯燒毀衙門房屋文卷跡其恃惡不在劉

六劉七趙風子之下所據誤事官員本當通拏來京
送赴法司從重問罪及調遣三省官軍分道並進搗
其巢穴俾無噍類庶蘇民困但鎮巡官奏稱急切用
人之時要將各官住俸戴罪殺賊又稱官軍不敷錢
糧缺乏春深草木繁茂亦難進搗巢穴大舉之期必
在秋冬等情合無依其所奏將宜章守禦千戶所鎮
守栗源堡并安仁攸縣長沙府衛各掌印巡捕哨守
及各該巡司等官逐一查明與守備指揮李璋參將
史春守巡參議黃質僉事顧英知縣李增俱住俸戴
罪殺賊仍請

晉溪本兵奏卷九

二十七

勅一道即令原差來人馬上賫回交與都御史秦金
總兵官楊英太監杜甫切責其罪令其督同都布按
三司及該道守備兵備守巡等官并參將史春等嚴
督鎮溪土軍陽山馬湖平江殺手人等及各該軍衛
有司見在官軍民兵衡州長沙茶陵等衛上下班官
軍附近鄉市勇敢好漢分布無城縣分通賊要害道
路用心防禦如遇前項搖賊再來搶掠設法勦捕以
贖前罪應與廣東南贛都御史計議者公同計議而
行仍將應調官軍數目措辦糧草事宜進兵方畧計
議停當先期具奏定奪如或因循玩愒以致滋蔓難

圖國典具存必難輕貸本部仍各鋪馬賫文交與兩
廣總督南贛巡撫各都御史督令該道守巡等官一
體防禦免致奔逸為害不得自分彼此有悞事機及
咨都察院轉行湖廣巡按御史查照前項題奉一
欽依內事理將各該失事并節年隱蔽賊情官員逐
一查勘務見明白應提問者就行提問應參奏者一
併參奏處治不許遲悞等因正德十二年四月二十
四日具題本月二十六日奉

晉溪本兵奏卷九

二十八

聖旨是這地方誤事官員都住了俸着戴罪殺賊防
禦勦捕等項事宜便寫勅與鎮巡等官都着依擬行
兩廣總鎮等官并巡撫南贛官也寫勅與他每知道
欽此

為地方緊急賊情事

該巡撫湖廣都御史秦金等議照湖廣郴桂與廣東
江西接壤徭峒有名賊首龔福全等先年用兵征勦
遺漏遂致禍延今日前此亦曾撫處變詐不常陽雖
聽招陰實肆毒攻打縣堡擄官殺人臣等再三籌議
非敢輕啓兵端審時度勢誠不容已乞要改留總兵
官楊英在於本省統制漢土官軍督發勦賊秦金等
督同三司掌印守巡守備管糧等官整理兵糧及請

勅巡按御史王度隨軍紀驗功次仍乞

勅兩廣南贛總督巡撫等官嚴督各該兵備守巡等

官一體整備兵糧俱於本年八月內齊集分布把截

夾攻追勦等因本部議得聞外兵權貴在專委征伐

事宜切忌遙制今柳桂猖賊縱橫為亂既該湖廣鎮

巡三司官會議兵不可已欲行刻期進勦

朝廷若更猶豫不決必致誤事但八月進兵天氣尚

炎况今五月將中兩月之間期限太迫及總兵官楊

英見奉

勅會征貴州事未寧息所調漢土官軍三萬員名今

晉漢本兵數奏奉

奏征柳桂又稱照舊不動如准改揚英督征柳桂其

原征貴州官軍若不另為差官統領倘當約會之期

必致失律債事查得見任協守郎陽副總兵都指揮

使李瑾先該御史王相因地方無事奏行裁革令其

候缺推用訪得本官謀勇素著又見在湖廣地里相

近合無悉依秦金等所議請

勅總兵官楊英不妨鎮守專一征討柳桂擒賊其原

領

勅書差人奏繳再請

勅一道馬上差人賞與李瑾令其更代揚英統領原

調漢土官軍聽候征進貴州苗賊中間事宜悉照揚

英原奉

勅內事理欽遵施行事寧具奏回京仍乞

勅都御史秦金并太監杜甫依其所奏飭理兵糧協

心幹濟敢有違悞者聽以軍法從事貴州有事亦須

通理不必拘定仍與楊英親往督兵再請

勅一道賞赴監察御史王度不妨巡按兼令軍前紀

功再請乞

勅兩廣總督等官左都御史陳金等及請

勅巡撫南贛左僉都御史王守仁各照今奏內議定

晉漢本兵數奏奉

事理欽遵會合行事各不許違期失誤陳金仍照原

奉

勅諭總督軍務及遵

大明律定制會合調遣策應不必踵襲近例改為總

制名目變亂舊規致有牽掣彼此推諉及照原擬今

年八月中衡州取齊分道進勦合無改擬九月中取

齊進兵庶三省路遠不誤約會今將所奏調土漢

官軍數目措備供餉糧銀戰攻方畧三事開坐議擬

明白伏乞

聖明裁處正德十二年五月十一日具題本月十三

日奉

聖旨是楊英著不妨鎮守征勦柳桂猺賊李瑾著仍充副總兵征勦貴州苗賊并秦金杜甫王度陳金王守仁各換勅寫勅與他其餘事宜都依擬行欽此

計開

一動調官軍數目會議得各哨合用土兵一萬五千名查得先該貴州奏調永順保靖各七千名其兩江口原無該載今合另調永順五千名如或貴州應用不敷聽於保靖添調補數鎮溪二千五百名茅岡隘八百名上下二

晉漢本兵數奏卷九

三一

峒八百名兩江口四千名桑植七百名添平六百名麻寮六百名但土兵貪縱素稱難例如蒙乞

勅兵部查議永順土兵照例請

勅致仕宣慰使彭世麒親統其餘各令的當頭目管

領鎮巡官仍選差廉幹嚴明官員賞奉

令旗令牌押束經過去處不得騷擾害人合用官軍

一萬員名除先該貴州奏調一萬六千員名

不動今調武岡下班長沙衡州二衛共一千

九百一十員名茶陵下班三百三十員名柳

桂哨郴州桂陽宜章廣安寧溪五所城操官軍舍餘內選一千員名本哨上下兩班三千二百員名靖州哨一千五百員名荆岳九永長衡常寶永州等衛廣西下班共二千六百員名仍招募附近馬湖陽山等處殺手打手款夫更夫共五十名各委驍勇慣戰老成指揮千百戶管領俱於本年八月中前來衡州府取齊聽候分道刻期進勦其水道官軍聽守備都指揮王廷爵選調把截相機策應有功一體開報具奏施行

晉漢本兵數奏卷九

三二

前件

依擬

一措備供餉糧銀會議得本省所調前項土兵

一萬五千名每名日支米三升一日該米四

百五十石間日支銀一分五釐一日該銀二

百二十五兩官軍一萬員名每名日支米一

升五合一日該米一百五十石官員廩給使

客人等口糧并雇募殺打手更款等夫行糧

約共用米三萬餘石姑以六箇月為率通前

共約用米九萬七千五百餘石查得柳桂并

所屬州縣分見在倉糧止穀哨所官軍月糧支用今合用銀責付布政司管糧分守官預先於長沙衡州二府所屬糴買或兌見在倉糧轉運郴桂等州并宜章桂東興寧藍山臨武等縣官倉收積以備支用約用價銀四萬八千七百五十兩土兵折支并賞功銀牌花紅段疋犒勞牛酒魚鹽旗幟號布火器等項約用銀伍萬六千七百五十餘兩二項合用銀共一十萬五千五百兩查得湖廣布政司先為偏橋等處軍餉緊急已支在庫生員納

晉溪本兵敷奏卷九

三十一

例等銀四萬餘兩委官買米運納其各屬贖罰紙價等銀俱查收管建採木支用近准戶部咨該貴州鎮巡官奏取湖廣原借銀一十萬兩恐贖不及先解五萬兩濟急隨行該司查將軍器料價織造疋葉茶黃白蠟等項有礙官銀那借贖作五萬兩之數起解貴州去訖前項銀兩要行處補查得先該臣為因兵荒奏行戶部題准開中兩淮殘鹽一十萬引以濟急用內四萬引每引擬價三錢八分該司已收過銀一萬五千二百兩議作沔陽

等處災重州縣賑濟代納充軍折銀外六萬引派於偏橋等倉上米無人報中今行改擬收銀贖還軍器織造等項料價餘欠尚多所據郴桂用兵糧銀別無措處伏望

皇上軫念地方顛危軍餉緊急乞

勅戶部查議合無再於兩淮殘鹽內開中四五十萬引前來照例招商納銀以濟郴桂糧餉急用及補足原借軍器等銀五萬兩之數臣等又念糧宜早買速運誠恐鹽銀緩不及事仍乞許令該司於徵完充軍南京倉糧折銀內暫

晉溪本兵敷奏卷九

三十二

借一十萬兩先應目前燃眉之急候鹽銀到日照數補還起解實為便益

前件

看得前項用兵既非得已又以刻定期限况係三省約會軍機重務若糧餉支用不敷必致臨敵缺乏誤事非輕合無本部移咨戶部暫依彼處鎮巡官前擬作急行文前去許令暫借以應急用果有別項議處亦要作急另行議奏定奪

一戰攻方畧者得郴桂地方與廣東江西樂昌

乳源上猶等縣聯絡若非三省合兵把截夾攻賊必遁散他處有損無益乞

勅兩廣并南贛總督巡撫等官人同行事候

命下之日將應勦賊巢圖本并進止機宜分定哨道

軍兵數目及進勦刻期差官約會停當彼此

不致違期本省該分哨分或用叅將或都指

揮或守備官一員統兵布按二司各委堂上

官一員監軍分道前進相機遇勦務在峒寨

設法攻打山箐隨處搜捕必使根株悉拔搜

類無遺其沿邊一帶良民村舍亦就先行立

清溪本共教奏卷九

三十五

出給與旗榜號帖并差人坐守以防軍兵錯

誤之患成功之日取具各該領征官員并江

廣守巡官不致有誤日後為患重甘結

狀繳報方許班師

前件

合無請

勅總督兩廣軍務太子太保左都御史陳金并鎮守

總兵等官及請

勅巡撫南贛左僉都御史王守仁各將應勦賊巢圖

本并進止機宜分定哨道軍兵數目及刻期

差官約會九月中進兵緣由一一遵依行事務在停妥彼此不許違期其餘事宜悉依所擬施行

為流賊攻縣殺人燒屋虜官劫財事

該巡按湖廣監察御史王度奏勘聞得今年二月以

來徭賊聚眾流劫攻破城池劫庫劫獄殺人放火搶

虜人民捉去知縣僭稱王號偽遣木牌叅將等官吏

春等不出一軍捍禦被害軍民怨入骨髓叅稱叅將

史春郝桂守備指揮李璋等按察司署印副使惲魏

總兵官楊英都御史秦金鎮守太監杜甫等俱各有

罪及稱兵備守巡等官陳璧黃質顧英到任更道未

三六

久惟叅將史春等久住地方素操兵柄習於故常養

成大患又各觀望推諉虛文搪責要將史春等提問

陳璧等責限贖罪楊英等仍降

勅切責等因照得先因各處盜賊生發守土官員隱

匿不報以致日久滋蔓難於撲滅累經申明榜例通

行遵守及將隱匿悞事官員奏行巡按御史查究叅

問多不回奏遂致各官玩寇殃民益無顧忌今巡按

御史王度遵照本部題奉

欽依事理查勘郝桂被賊殘害及悞事隱蔽情由逐

一明白已將應問人員提問及將參將史春等參奏若不依法究治無以警戒將來查得總兵官楊英都御史秦金太監杜甫先已請

勅切責及守巡等官先已住俸戴罪殺賊外合無本部移咨都察院轉行御史王度依其所奏將史春等俱提問依律議擬監候奏請發落內有見委領兵征進官員候班師之日通行提問果有軍功應否准贖一併俱奏定奪內分守守備員缺本部照例推舉更代其陳璧等照舊住俸戴罪殺賊并楊英秦金杜甫通候賊平查照功過多寡奏

晉溪本兵敷奏

三

請定奪伏乞

聖裁等因正德十二年八月二十二日具題本月二十四日節奉

聖旨是楊英等已有旨切責了史春等提了問內有見委領兵征進的姑免提日後如有功可贖并先前住俸陳璧等一併通查他功過多少奏來定奪分守守備員缺照例推補欽此

為地方緊急賊情事

該巡撫湖廣都御史秦金等奏稱鎮守湖廣總兵官楊英病故欲停候新任總兵官至日方纔行事奈何

三省合兵勢不容緩誠恐日久變生地方仍前受害

再四籌度權宜處置議委參將史春統領漢土官軍勦賊改限十月初旬進兵乞要一面行令照依前擬施行一面會推總兵官前來接管行事等因該本部議查得巡撫都御史秦金原兼贊理軍務又奉

勅整理兵糧協心幹濟況三省會兵期限已定轉輸供給動以萬計若待新任總兵官至日方許進兵不無老師置財坐失機會各官權宜處置似非得已合無就令原差來奏事人馬上賫文回還交與湖廣巡撫都御史秦金等照依所擬進兵征勦賊平之日具

晉溪本兵敷奏

三

奏施行等因正德十二年十月二十四日具題十一月十五日節該奉

聖旨是這地方賊情着杜甫秦金等照依原奏所擬事理及時進兵征勦毋致遲悞欽此

為捷音事

該巡撫湖廣地方兼贊理軍務都察院右副都御史秦金題臣節該欽奉

勅茲特命爾等前去郴桂等處地方征勦前項猖賊爾等宜督同都布按三司掌印官及該道兵備守備守巡管糧參將等官整理兵糧協心幹濟嚴督鎮

等處土軍并馬湖陽山殺手人等并各該軍衛有司
 見在官軍民兵衡州長沙茶陵等衛上下班官軍附
 近鄉市勇敢好漢分布無城縣分通賊要害道路用
 心防禦設法勦捕官軍人等臨陣之際敢有違悞者
 自都指揮以下聽爾等以軍法從事凡事俱照兵部
 議擬奏准事理施行欽此欽遵臣等會將調到漢土
 官軍民兵殺手分哨委官預期宴犒親詣教場宣諭
 朝廷恩威殺伐利害及各給與印信軍令并招降安
 插良民旗榜指授戰攻方略俱於本年十一月初二
 日督發自衡州起程前哨坐委守備指揮王翰副使

李漢本奏卷九

三

陳璧各監統由桂東縣進至地名東水後哨署都指
 揮劉宗仁僉事顧英自臨武縣進至芭籬堡左哨署
 都指揮王廷爵參議黃質自桂陽縣進至地名魚黃
 熱水右哨守備指揮李璋僉事王濟永順致仕宣慰
 彭世麒由郴州進至地名紫溪各近賊地方隨宜立
 營又委知府何詒計宗道推官王瑞之朱節協贊行
 事尅期進勦獲功解報及各行統兵參將史春贊畫
 副使惲量帶軍兵於兩路口立營相機行事并行
 督餉右布政使方璘分委官員嚴督運糧隨軍供給
 臣等俱往郴州住劄居中調度續據參將史春呈稱

右後二哨地廣賊衆兵力不敷乞要添發等因隨會
 委署都指揮沈鸞趙明指揮同知李轅分領中營存
 候官軍土兵各往來策應及不次申嚴號令差官執
 旗飛票督催并議定賞格懸示去後本年十一月并
 十二月閏十二月各日期不等節據右哨監軍僉事
 王濟呈報該領哨守備指揮同知李璋宣慰彭世麒
 等遵奉軍門案劄方畧督率漢土官軍民兵於本年
 十一月十三十五至二十等日四路進攻對里平珠
 九峯連落水口平石香山丫髻山等寨各賊擁衆迎
 敵我軍奮勇鏖戰數合就陣生擒劇從賊王聰等一

李漢本奏卷九

四

十四名斬獲賊級一百四十四顆內一顆審據王聰
 等識認是大賊首藍友貴首級俘獲賊屬老幼男婦
 女一百七十七名口奪獲牛馬二十隻匹兒器五十
 四件燒毀賊屋一百餘間被傷軍共五名陣亡土軍
 六名本月二十一日各官差據健步探得大賊首偽
 稱總兵李斌在於烏春山寨險固難入會合策應署
 都指揮僉事沈鸞督兵進攻各賊分路迎令敵殺數
 次我軍奮勇攀緣而上一擁夾攻就陣生擒李斌親
 男李仲清并擒獲劇從賊陳冬生等五名斬獲李斌
 等首級一百三十六顆俘獲李斌妻洪氏妾王氏幼

女三妹及各賊屬老幼男婦女四十五名口奪獲
器六十一件燒毀賊屋七十餘間被傷軍兵一十二
名陣亡日兵三名十一月二十四至二十六等日各
官督兵進攻蒙峒大小王山平尾馬溪丫秀溪斜寮
布洛甫魯莊山平坑蚊峒曹家峒等處各起與賊對
敵宣慰彭世麒等就陣生擒積年賊首黎隱并劇從
賊李富等一十五名斬獲賊級一百七十顆俘獲賊
屬老幼男婦女一百六名口奪獲牛馬一十一隻匹
兇器一百三十三件燒毀賊屋七十餘間被傷軍兵
一十名十二月十五十七至二十六等日督兵進攻

晉溪本兵敷奏卷九

四一

大昌坑山溪西坑大旺山黃土塘烏泥塘金雞寨寨
子園等處各起與賊對敵就陣生擒劇從賊賴晚子
等一十二名斬獲賊級二百二十顆俘獲賊屬老幼
男婦女五十八名口奪獲兇器七十七件大紅紵絲
旗帳一幅燒毀賊屋九十餘間被傷軍兵八名又節
據左哨監軍左叅議苗賢呈報該領哨署都指揮僉
事王廷爵等遵奉軍門案劄方畧督發漢土官軍民
兵於本年十一月十五十六十七等日分路進攻叢
衣秀才鄧家魚黃朱廣老虎東嶺等峒各起與賊對
敵就陣生擒劇從賊余明等一十七名斬獲賊級一

百六十九顆俘獲賊屬老幼男婦女一百八十六名
口奪獲牛馬一十二隻匹器械一百五十六件燒毀
賊屋八十餘間陣亡土兵二名被傷九名本月十八
日該都指揮王廷爵差據健步走報探得積年有名
大賊首偽稱總兵劉福興在於臘栗寨坐乘四轎張
打黃傘扯起黃黑大旗二面舉號練兵預備迎敵本
官隨督漢土官軍於本日抵寨各賊逞兇對敵七次
我兵奮勇上寨砍破牛皮包裏排柵長覃良佐等就
陣生擒劉福興并劇賊劉鑑等六名斬獲賊級六十
三顆俘獲賊屬老幼男婦女二十七名口奪獲兇器

晉溪本兵敷奏卷九

四二

五十件燒毀賊屋五十餘間陣亡土軍二名被傷一
十名十一月二十九日并十二月初一日至初十等
日督兵進攻延壽扶溪麻溪等峒各起與賊對敵生
擒劇從賊王才安梁洪等二十二名斬獲賊級八十
八顆俘獲賊屬老幼男婦女六十六名口奪獲兇器
三十四件燒毀賊屋五十餘間被傷軍兵九名十二
月十二至二十三等日督兵進攻平竹水東嶺九龍
江大王山長羅口等處山峒與賊對敵生擒有名賊
首楊禮保并劇從賊藍才富等一十五名斬獲賊級
三十六顆俘獲賊屬老幼男婦女二十名口奪獲兇

器五十件燒毀賊屋五十餘間被傷軍人三名又節據後哨監軍僉事顧英呈報該領哨署都指揮僉事劉宗仁等遵奉軍門案劄方畧督發漢土官軍殺手人等於本年十一月十四十五至二十九等日分路進攻牛頭天堂南廷莊大烏魚跳企山等寨峒各起與賊對敵就陣生擒賊首李仁才龐海并劇從賊龐大面等二十五名斬獲賊級一百五十顆俘獲賊屬老幼男婦女三十一名口奪獲兇器九十件燒毀賊屋八十餘間陣傷軍兵五名又該都指揮劉宗仁并策應署都指揮僉事趙明等於十二月初二至十四

甘肅兵數奏卷

四

等日各起督兵進攻企山曹堆坑扶峒良坑鷄公背神鎬脚長灘橫水橫溪板前黃河冲乾溪等處與賊對敵就陣生擒劇從賊莫什廣等一十一名斬獲賊級一百六十三顆俘獲賊屬老幼男婦女一百一十八名口奪獲兇器一百二十件燒毀賊屋七十餘間陣亡土軍五名被傷一十一名十二月十五至二十七日并閏十二月初七等日督兵進攻地名盛四木白水礮爛竹灣長江鎮溶家峒等處各起與賊對敵就陣斬獲賊級一百八十九顆俘獲賊屬老幼男婦女三十四名口奪獲牛馬七匹兇器一百四十

二件燒毀賊屋九十餘間被傷軍兵六名又節據前哨監軍副使陳璧呈報該領哨守備指揮使王翰遵奉軍門案劄方畧督發土舍彭惠指揮胡章等於本年十一月十三十四等日領兵進攻十八壘石筭碇箕新地扶峒山下樟溪青峒等處巢寨與賊對敵生擒積年賊首劉德才并劇從賊譚曰真鄧思郁等四十四名斬獲賊級一十四顆俘獲賊屬老幼男婦女三十八名口奪獲招撫銀牌四面兇器三十件燒毀賊屋三十餘間十一月二十九日并十二月初一至初十等日督兵進攻上黃城背豬婆老虎延壽白雲

甘肅兵數奏卷

四

等山寨各起與賊對敵就陣生擒劇從賊唐聰劉滿等四十二名斬獲賊級二十八顆俘獲賊屬老幼男婦女三十名口奪獲兇器三十件燒毀賊屋四十餘間陣亡土軍四名十二月二十日至二十五等日督兵進攻地名東寮東坑黃圃等處山峒與賊對敵就陣生擒有名賊首梁景聰并劇從賊陳通藍雷雄等九十三名斬獲賊級七十七顆俘獲賊屬老幼男婦女三十七名口奪獲兇器五十五件燒毀賊屋五十餘間被傷軍兵七名等因各差官兵陸續解報前來據此臣等看得各哨擒斬功次雖多緣大賊首龔

福全狡猾兇惡屢征漏網今進兵日久尚未就擒臣等晝夜思慮議加重賞曉諭各該官旗目兵人等有能生擒賊首龔福全者賞銀五百兩斬首二百兩仍為奏請另加陞賞及差官賚送禮物花紅前去犒獎催督統兵宣慰彭世麒等設法擒獲解報本年閏十二月初七日據右哨監軍僉事王濟呈為擒獲積年稔惡累征難獲渠魁事據領哨指揮李璣協贊推官王瑞之等呈稱本年十二月二十七日選差健步探得偽稱延漢大王龔福全帶領妻男并親信賊眾過走馬山木倉石據險立寨職等親率土兵官軍殺手

晉溪本兵數奏

卷九

人等取路並進於本月三十日直抵本寨與賊對敵數合我兵奮勇向前殺敗賊勢宣慰彭世麒同弟彭世驗生擒大賊首一名龔福全滿面鬚鬚偏身黑毛本職生擒龔福全親姪男龔秀并各官軍人等生擒劇賊劉仲宣梁景明等二十三名斬獲賊級九十八顆俘獲龔福全妻唐氏并各賊屬老幼男婦女二十五名口奪獲馬一匹兇器四十五件燒毀賊屋六十餘間等因解報到哨審係真正批差官目轉解到臣隨據廣東監軍僉事王大用等稟報大賊首高仲仁已該本省仁化縣於閏十二月初二日督兵擒獲是

實及先准提督南贛等處軍務左僉都御史王守仁咨稱江西桶崗峯賊已該江廣二省官兵攻勦盡絕等因到臣除將各哨陸續解到擒斬首從賊級俘獲賊屬人口等項俱該紀功御史王度一審驗真正紀錄造冊另行并將有功漢土官目人等照依先後擬定賞格犒給銀牌銀兩花紅殺傷陣亡目兵量給棺木湯藥之資以示存恤仍嚴督各該官兵將攻破巢寨潛藏賊徒再會廣東官兵嚴行搜捕盡絕候班師之日另奏外臣等會同鎮守湖廣地方御馬監太監杜甫巡按監察御史王度議照有名大賊首龔福

晉溪本兵數奏

卷九

全劉福興李斌高仲仁黎穩藍友貴等本以梟獍之雄嘯聚大羊之衆據山寨之險因而偽稱大王總兵視法度如弁髦而借用黃傘坐轎殺官劫庫猖亂已非一年破縣攻城流毒遠邇三省雖招而稔過不俊屢征而漏殄如故窮兇極惡天地之所不容罪大貫盈神人之所共憤臣等奉命征討彼猶負固拒敵天戈一指渠魁東去成擒軍令再申惡黨斷首就戮爭洗千山之瘴霧穴毀巢穴大雪萬姓之讐冤村歌巷舞是皆我皇上聖武神威廟堂奇謀妙筭及將士戮力用命所

致臣等方負厥官之咎敢言靖寇之功及稱見在大賊首龔福全劉福興等惡既積乎滔天罪豈容於待日必頃速正典刑庶幾人心痛快合無容令臣等就彼處決劉屍梟首以警地方惟復獻俘解京等因臣等議得柳桂猷賊盤據山谿四行抄掠非時出沒歲無寧日數十年來三省之民受其荼毒慘不忍言官司畏罪而不以告

朝廷高遠而不及知本部特因聽選官鄭泰熙奏發其事議行撫巡等官追治欺隱鎮巡官方為奏議撫勦績該御史王度將前蒙蔽賊情及悞事官員勘奏

督率於對奏卷九

四七

前來本部又奏將叅將等官罷黜提問罰治有差人心方知警懼都御史秦金因而首建必征之議本部依擬覆奏計處兵糧尅期進攻殄其醜類覆其巢穴一方安堵萬姓謳吟此皆仰仗

天威受成廟筭之所致而大小諸臣之功亦所當錄其中以身任事為國靖寇如都御史秦金協謀贊助事無沮撓如太監杜甫隨軍紀功秉公持正如御史王度俱功當先錄本部不敢擅擬伏望斷自

宸衷乞照各年平定賊寇陞錄事例或陞其職級或量加祿米或錄蔭子姪以酬其勞其餘有功官軍人

等王翰陳璧等并土官彭世麒等及陣亡之人本部查照紀功文冊另行議擬具奏陞賞內有先叅有罪人員今效有功勳者亦合論其功罪多寡應否准贖奏請定奪及照各官奏稱見在大賊首龔福全劉福興等容令臣等就彼處決劉屍梟首惟復解京獻俘一節緣龔福全等係就陣生擒大賊首比與緝獲賊犯不同例當獻俘明庭以彰天討但恐路遠或致踈虞合無准奏就彼行刑不必解京伏乞

聖裁正德十三年二月二十九日具題奉 聖旨是各官既勦賊成功地方有賴杜甫歲加祿米

督率於對奏卷九

四七

十二石秦金陞俸一級還各蔭子姪一人做世襲百戶王度也陞俸一級待有相應員缺陞用他其餘官軍人等并土官人員有功陣亡等項該陞賞准贖的還查擬明白具奏定奪賊首龔福全等便就彼決了 欽此

為圖議邊方後患事

看得兵科給事中周文熙奏稱湖廣廣東江西徭賊倡亂會勦奏報捷在日已經半年之上若不乘時處置抑恐遺孽復滋重以復患乞要查照勦平荆襄石和尚事例推舉撫治安撫臣一員前去會同湖廣廣東江

西鎮巡三司等官相度事宜或買衛所或設縣治或立營成或添守備或起墩堡立為經久不易之法二三年後事定取回或仍

勅南贛汀漳都御史每年春夏於贛州住劄整理責成及稱廣西之平府江貴州之平香爐寨大創之餘預處後患宜亦無不然者臣等議得目前賊平似可苟安後患復生勞費難處臣等困於文繁未遑遠慮今給事中周文熙思患預防議論剴切宜急舉行庶免後難查得成化七年

欽命右副都御史項忠提督軍務勦平荆襄流賊石

和尚等其後流民復聚為患至成化十二年

朝廷納都御史李賓之奏特勅左副都御史原傑前往撫治編籍流民十二萬戶男婦四十餘萬丁口添設軍衛府縣等衙門選除官吏以控制之仍設都御史一員撫治其地迄今寧靖

今奏要比此例暫設撫治大臣一員會同湖廣廣東江西三省鎮巡等官區處徭賊事情或仍

勅南贛汀漳都御史往來衡州住劄整理查得提督南贛等處軍務都御史王守仁見奉

勅無制福建江西廣東湖廣四省交界地方宜命本

官撫治整飭事屬相應合無請

勅一道賈付都御史王守仁候南贛事寧親詣郴桂衡州等處訪察賊情議處方略或開設衛所縣治或建立營成城堡查照御史王度唐濂僉事顧英等建言事理從長議處定立長治久安之法應施行者徑自會同各該鎮巡官從宜施行事體重大者奏請定奪本部仍行巡撫廣東貴州都御史查勘府江香爐山賊情如果復出為患一體議處防禦具奏處置正德十三年九月二十二日具題奉

聖旨是郴桂衡州等處應否開設衛所縣治着都御

史王守仁會同議處施行寫勅與他府江香爐山等處事宜還着各該鎮巡官議處停當來說欽此

為乞恩比例榮身隨侍事

看得襄王奏稱羽林前衛副千戶靖弘姐靖氏蒙宣宗皇帝選為襄憲王正妃改本府護衛帶俸故靖瑛襲職故保送男靖餘慶襲職革充總旗本府正庶等妃之家馬英等各以小旗軍餘等役俱蒙保陞百戶等職累代冠裳不絕始封襄憲王正妃靖氏生襄定王傳國至今原以洪武年間軍功將嫡親姪孫廢襲官舍一旦革為總旗身後情若不堪乞望

聖恩垂念骨肉至親賜與靖餘慶官職及冠帶榮身一節查得副千戶靖弘委由洪武年間軍功陞授及查舊制姪孫相應承襲今靖餘慶因遇弘治十八年新例革充總旗及詳奏內馬英等俱以後封王妃之親自小旗而保陞百戶靖餘慶乃以始封王妃之親自軍功千戶而革為總旗委屬事理顛倒輕重不倫襄王奏要復與靖餘慶官職深得尊祖敬

宗之意非徇私情但恩典出自

朝廷本部不敢定奪伏乞

聖裁

聖裁正德十四年三月十四日具題奉聖旨是靖餘慶准襲副千戶欽此



奏卷十 福建類

為急報賊情事

看得巡按福建監察御史胡文靜等奏稱漳州地方今年二三月以來盧溪等處流賊詹師富等聚眾數千搶掠人財又稱各賊巢穴根連二省眾已幾萬若非調兵撲滅恐其為患轉大又恐廣東官兵不相策應致賊遁入彼境乞要轉行廣東鎮巡官督令三司等官與福建鎮巡等官會議夾攻務期盡絕及要嚴行巡撫都御史文森親詣潮州等府調度督促兩省

領兵官員約議

江西交界地方流賊出沒為患特令分巡僉事領

勅專一在於汀漳地方整飭兵備又慮各省交界地

方不相統攝特設都御史一員專一巡撫福建汀漳

二府及江西南安贛州二府並東南惠州潮州韶

州四府湖廣郴州地方無制而省剽除盜賊撫安軍

民今據地方失事參照整飭以漳兵備僉事胡連守

備不設玩寇失機都御史文森不思身膺重託遷延

久不赴任漳州府衛縣官皆不守土之責因循苟安

防禦失策都布按三司官均不守土之責因循苟安

又方在之寄諒於兵備

巡撫備慮不周前項流賊今年二月已在本本地燒房
殺人被害者千有餘家乃敢互相隱匿不速奏聞苟
圖消滅及至勢已滋蔓自知事難終掩方行申報跡
其欺罔誤事失機之罪本當通行提解來京俱送法
司依律從重問罪以正
國法以泄被害軍民之憤但賊勢正熾緊關用人合
無請

勅一道差人馬上賫付都御史文森切責其罪令其
與兵備僉事胡連并三司掌印守巡府衛縣官俱戴
罪管事調集官兵備運糧餉文森即便親詣近賊潮

晉溪本兵數奏卷十

州等處住劄如賊情變動隨賊向往不拘定所多方
詢訪用心區畫調度各省軍馬相機撫捕如有不用
命及遲誤供軍者照依原奉

勅內事理文職五品以下武職三品以下徑自舉問
應與廣東江西等處巡撫官計議者公同計議而行
務要處置得宜毋致激生他變各官果能運謀殺賊
地方安靖准贖前罪若仍前失事罪不輕貸本部仍
各鋪馬賫文交與兩廣總督軍務左都御史陳金巡
撫江西都御史孫燧各嚴督南贛惠潮等處該管守
巡等官整兵備糧合勦前賊務聽都御史文森調度

節制約會不許自分彼此執拘誤事如違罪有所歸
中間調兵撫勦係干事體重大者仍須公同計議停
當保無後患方許施行其流賊止許殲厥渠魁及同
惡之人但係脅從餘黨亦須撫恤安插務令得所不
必盡為誅戮以傷天地之和應有處置事宜候賊寧
之日議奏定奪及咨都察院轉行福建巡按御史候
事寧通將各該隱匿失事官員分別情罪輕重及有
無功過准贖緣由逐一查議明白奏請定奪仍行廣
東江西各該巡按御史一體查照糾察施行正德十
一年七月初五日具題本月初七日奉

晉溪本兵數奏卷十

三

聖旨是這地方賊情便寫勅與都御史文森着督同
守巡兵備守備等官相機撫勦還行與兩廣江西鎮
巡官遇警調兵即便督發前去策應不許推托誤事
其餘依擬行欽此

為地方緊急賊情事

該巡按福建監察御史程昌等奏稱福建南靖等處
地方賊犯詹師富等據險負固於兩省交界之區聚
眾結黨逞數年猖獗之勢流劫鄉井荼毒生靈房屋
積聚被其焚燒人財牲畜為其屠虜東追西竄我去
彼來罪惡多端亦非一日仰仗

天威遠加官兵效謀奮勇渠魁得以擒獲巢穴俱以
搗虛妖氛就熄民業復安雖有未獲并一二漏殄餘
倖仍行各屬官兵督同聽撫人民分頭搜捕除將擒
獲賊犯會審明白備開招由并查對敵斬獲首級有
功官兵人等造冊另行具奏其原調官兵民快聽其
掣回差操務農俾獲賊僞估價變賣及行存恤等因
該本部參照蠻賊唐師富等據險為巢聚眾倡亂劫
掠居民而無忌敵殺官軍而罔恤地方被其殘害情
犯委屬深重但查各賊已於去年二月內在於南靖
等縣流劫所在官司互相隱匿巡撫官員又不時更

欽定四庫全書

四

換事無統紀以致滋蔓本部先因巡按御史胡文靜
具奏節次題奉
欽依通行福建廣東江西巡撫都御史嚴督各該守
巡等官約會夾攻及將兵備等官胡璉等住俸戴罪
殺賊又行巡按御史查叅隱匿官員以此各官奉
命方知警懼嚴督官兵將賊犯唐師富等一千四百
二十九名盡行擒斬積年兇逆之徒一旦削平兩省
被害之民皆得安堵先鎮守太監今調南京守備崔
安巡按御史程昌調度有方委用人論其勞勩實
為之最合無俱請

勅獎勵量加祿俸賞賚其先任巡按御史胡文靜舉
察賊情遂成底定功亦難泯亦合甄錄均乞
聖明裁處守巡等官今去任右叅政艾洪見在僉事
胡璉華任都指揮僉事李胤并經畧紀驗左叅政陳
策副使唐澤等及官兵人等悉皆效勞戮力功俱可
錄但各官奉有前項
欽依住俸戴罪殺賊未經勘報難便定奪合無本部
移咨都察院轉行福建巡按御史會同都布按三司
掌印守巡官將生擒賊犯唐師富等會審明白依律
議擬作急奏

欽定四庫全書

五

請明正典刑以示懲戒中間如有脅從良民悉與辨
理及凡聽撫之人尤須撫處得所毋或疎漏致有他
虞未獲賊犯設法防勦毋令復起為患其獲功守巡
官員人等作急覈實仍照本部前項節次題准事理
通併勘議要見何官功罪相當應與准贖何官功多
過少相應陞賞何官有過無功應議提問逐一明白
并其餘官兵人等斬獲賊級分別首從明白通行造
冊奏繳以憑查例議擬速加陞賞以勵人心正德十
二年六月初十日具題本月十二日奉
聖旨是這地方強賊唐師富等一千四百餘名依阻

山林流劫三省居民被禍十有餘年今鎮守巡按并三司守巡兵備等官處置得宜調度有方兵不逾時悉就擒戮巢穴既已平蕩脅從亦獲安撫厥功良可嘉尚崔安歲加祿米十二石賞紵絲四表裏程昌胡文靜各陞俸一級賞紵絲二表裏原住俸戴罪殺賊的都着照舊開支還待查明功次一併奏來陞賞其餘事宜各依擬行欽此

為捷音事

該巡撫南贛汀漳都御史王守仁奏稱閩廣南靖等處地方賊犯痞師富溫火燒等恃險從逆已將十年

中法本兵數奏

黨惡聚徒動以萬計劫掠焚驅數郡遭其荼毒轉輸征調三省為之騷然臣等奉行誅勦三月之內遂克殲取渠魁掃蕩巢穴百姓解倒懸之苦列郡獲再生之安此非

朝廷威德廟堂成算何以及此及照福建領兵各官始雖疎於警備稍損軍威終能戮力協謀大致克捷論過雖有計功亦多其間福建如僉事胡璉參政陳策副使唐澤知府鍾湘廣東如僉事顧應祥都指揮楊懋知縣張戢才調俱優勞勩尤著伏乞俯從惟重之典以作敢勇之風除將三省兵仗量留防守其餘

悉令歸農及將功次另行勘報等因該本部查得奏內開稱福建生擒并斬獲強賊首級共一千四百二十九名顆與前巡按福建監察御史程昌奏內相同數外廣東又斬獲賊首一千二百七十二名顆二處共擒斬強賊首級二千七百一名顆福建有功官太監崔安御史程昌胡文靜俱蒙

聖恩加祿米陞俸各賞紵絲表裏衣服參政艾洪陳策副使唐澤僉事胡璉都指揮僉事李胤等俱行巡按御史查明功次奏來陞賞外廣東有功官僉事顧應祥楊懋知縣張戢等合無本部移咨都察院轉行

中法本兵數奏

巡按廣東監察御史將有功官顧應祥等并其餘有功官軍民快人等作急查明造冊奏繳與福建有功官員人等一體查議陞賞庶得恩典均平再照都御史王守仁兼制四省才力優為到任之初即能申嚴號令指授方略三月之內擒斬強賊二千七百名顆兵不重勞財無妄費賊害既除良民安堵揆厥功勤似不在巡撫四川都御史馬昊之下合無照例請勅獎勵量加陞賞及差來報捷百戶尹麟一體照例陞賞庶可激勸將來但恩典出自

朝廷臣等不敢擅擬伏乞

聖明裁處正德十二年七月二十四日具題本月二

十八日奉

聖旨是這地方強賊黨惡聚徒動以萬計恃險叛逆已餘十年先該兵部開具征勦事宜奏請處置王守仁到任未久即能奉行成算申嚴號令指授方畧擒斬賊衆二千七百餘名且兵不重勞財不妄費賊害既除居民安堵功勤良可嘉尚陞俸一級賞銀二十兩絲段二表裏還寫勅獎勵差來報捷官陞一級賞紵絲衣服一套新鈔一千貫顧應祥楊懋等并其餘

有功官軍民快人等着上緊查明奏來與福建有功人員一體陞賞兵部尚書王瓊等累次運籌建議致有成功也寫勅獎勵欽此

為急報賊情事

看得福建南靖等處擒斬賊寇有功官軍人等既該巡按福建監察御史程昌查勘明白造冊奏繳前來相應照例陞賞以勵人心除總理調度等項都御史等官王守仁胡文靜程昌陳策唐澤胡璉鍾湘及督哨指揮知縣等官施祥等祿有欽依陞俸加祿并賞紵絲表裏及遷官去任宥免者各難再議及有過無

功主簿等官劉纓等已行提問別無定奪并立功贖

罪民人林大俊等三十九名各擒斬功次俱難陞賞

外所據查無奏帶等項人員必須查勘的係何人擒

斬首級下落明白及查得有功應該陞賞并陣亡等項官旗義民約正人等張憲等二千九百八十員名合無各照後開款目陞賞該陞數內陞一級者指揮使陞都指揮僉事指揮僉事陞指揮同知副千戶陞正千戶試署百戶俱陞實授百戶實授百戶陞副千戶署冠帶總旗陞署百戶冠帶舍人陞冠帶總旗舍人陞小旗陣亡該陞者行令該都司衛所查取應繼

兒男係官保送赴部襲陞軍人就彼陞補隨征陰陽

生該陞者行移吏部定奪中間若有原報職役姓名差錯并試署職級未比未併等項聽其自首該衛所查明具結申報改正該賞之數行移禮部照依後開賞格定奪及查無奏帶官旗舍王佐等二十八員名要見緣何在彼報功并冠帶舍人崔璋原奏帶係太監崔安下今冒作錦衣衛俱合移咨都察院轉行巡按御史通查明白回報至日定奪又照原係奏帶今查所司名役不同王銘等二名并不服水土先告回後獲功官舍薛忠等三員名俱合行移該衛查明具

結回報改正陞授及照監生吏典省祭官鄉民鄉夫
張瑤等一十二員名既查本部原無奏准許令報效
殺賊事例所據各人獲有前功應各給賞以酬其勞
再照督哨領哨分哨隨哨策應官徐麒等四十三員
內除有自報擒斬功次例不該陞外其河頭等五哨
項下共開報斬獲功次一千四百四十四名額內施
祥高偉胡寧道侯汗龔震顧繼宗全瀚俱先已准贖
及各賞紵絲衣一表裏訖其五哨督哨領哨指揮等
官徐麒等三十四員先因調兵征勦各能督軍奮勇
齊力夾攻拒敵鏖戰遂致成功若不量加陞賞無以

計漢六書表卷一

十

激勸人心況查徐麒劉欽等督哨領哨部下擒斬賊
級數多功亦頗優內領哨指揮覃桓分哨縣丞紀鏞
又各陣亡及該御史程昌奏稱各官承調剿捕奮勇
當先遂致殞身忠義可尚且各生前獲有功次數多
尤宜從厚錄陞一節誠為可憫俱應議處合無將督
哨領哨指揮等官徐麒等八員內領哨有功陣亡覃
桓量陞二級徐麒等七員各量陞一級分哨隨哨策
應指揮千百戶知縣縣丞等官張鉞等二十六員較
之督哨領哨官部下功次稍微合無將分哨陣亡縣
丞紀鏞加賞仍行吏部查照前例奏請褒贈及行取

子孫一人許令入監讀書張鉞等二十五員俱加賞
及照分哨官民曹宏等二十七員名雖部下不曾開
有擒斬功次數目緣與前項各官亦曾同事分哨策
應亦合給賞各酬其勞又照巡按福建監察御史王
應鵬冊開總理調度項下應合量加賞賚但前項議

擬
恩典俱出自

朝廷臣等未敢擅擬均乞

聖裁正德十三年八月二十五日具題本年九月二
十二日奉

計漢六書表卷一

十二

聖旨是這有功等項人員張憲等都准照例陞賞王
佐等待查奏定奪王銘等也待查明陞授張瑤等准
給賞覃桓并紀鏞該陞賞贈陞的各依擬行王應鵬
賞銀五兩紵絲一表裏欽此

為根勘守臣釀成眾軍叛逆事

看得兵科給事中周文熙奏稱福建福州衛軍人進
貴葉元保等造反蓋由鎮守三司該衛各所官員罕
得其人乞將羅箬虛宅仁黃昭張奎劉鎮崔灝王奎
陳沂孫傑該所千百戶等官提解來京從重處治以
為將來啟釁養亂之戒仍查勘進貴等要殺鎮守等

官來歷及各官啓慶緣由等因及稱前代盜賊竊發其初甚微後來互相倣倣縱橫難制遂亂天下皆由撫馭罕得其人及姑息養亂釋而不治以成其事一節議得唐時藩鎮軍亂姑息不治遂以亡唐今福建軍亂非類

宗廟神靈默佑萬一鎮巡三司官被其殺害據守城池稱號作亂其餘江西湖廣四川等處窮困軍民遠近聞風效尤而起何術以弭給事中周文熙所言實為深憂遠慮合准施行但福建去京僻遠其中事情尚難遠度各該官員未經交代難便一槩掣問且治

奉天去表奏奉下

十二

亂人如理亂絲必須委任得人整暇有序方能穩當合無將周文熙所言備行巡撫南贛汀漳都御史王守仁查照本部會官推舉題奉

欽依內事理從公查究斟酌處置務使罰必當罪而無濫及人知畏法而不縱弛斯稱委任如或乖違咎有所歸正德十三年十月二十日具題奉

聖旨是着都御史王守仁從公查究明白來說欽此為處置官員以安地方事

看得巡按福建監察御史程昌奏稱福州左右中三衛軍人擁入布政司打碎屏風要將布政使伍符等

出殺了邵武衛軍人將邵武府通判馮希哲邵武縣知縣蕭洋放諭洪勇拘拿九龍觀內圍住連寧左右二衛軍人將連寧府通判張鴻圍繞毀罵打傷跌死跟隨人杖延平衛軍人聚眾作亂該府衛官隱匿不報前項各衛軍人俱因缺糧作亂一節係干軍人聚眾謀亂謀害方面等官重情合無本部移咨都察院備行巡按福建監察御史訪察造謀為首倡亂人犯着落都司掌印都指揮張奎密切拘提送按察司收問奏請定奪干碍軍職參奏提問其餘軍士意在得糧隨同擾攘情有可原况下碍人眾不必追究仍明

奉天去表奏奉下

十三

白告示通知毋致驚疑其奏要將別省各衛謀勇忠義素著官員於延平衛福州左右中三衛每衛各選二員前去掌印管操一節查得各衛官犯罪例該調衛今要於別省選除有碍難行及查京衛官員願調外衛者先年有例准調以省京儲合無本部通行在京各衛除指揮數少者不准但係指揮多餘衛分內有情願改調福建福州三衛并延平衛者聽其自奏本部查無違碍奏請改註不拘員數聽巡按御史三司官會選相應官委用及照奏內又稱福建地方實為邊境盜賊易生軍衛糧額虧欠百姓頑梗難徵故

軍飢餓擾亂迭起事之難處莫甚此時必須大臣一員巡撫提督軍務兼理糧儲方克有濟一節切緣三司不相統攝今事出異常若不從宜議處將來誤事非輕御史程昌所言似為有見合無本部會同各部都察院通政司大理寺各堂上官并掌科掌道官計議前官應否添設奏請定奪正德十三年八月初一日具題九月十六日奉

聖旨是便會官議處了來說欽此臣等會同少保兼太子太保吏部尚書陸完等議得福建地方原無設置巡撫官員但今地方有事合無請

勅一道賚付提督南贛汀漳等處軍務都御史王守仁不妨原任暫令巡撫福建地方提督都布按三司以下官將前奏內事情處置停當應施行者許即從宜施行應具奏者奏請定奪一應事宜悉照巡撫官體統而行候事畢之日具奏定奪照舊行事正德十四年二月二十三日具題奉

聖旨是福建原無巡撫官王守仁只著暫去彼處地方會同鎮守巡按等官將前奏事情議處停當奏來定奪事畢仍還原任寫勅與他欽此
為捕獲并招逆賊撫靖地方事

看得巡按福建監察御史周鵬奏稱已將逆賊兇黨葉元保等悉皆擒獲一二餘孽期在目下督捕盡絕其餘軍士俱係脅從原非得已用宜撫處以安人心効力人後量為賞勞一節查得福建軍亂已該本部會官議奏請

勅提督南贛等處軍務都御史王守仁前去處置未奉

明旨今御史周鵬雖奏兇黨悉已擒獲但福建離京僻遠兵備素未脩舉猶恐不逞之徒心懷反側驚疑靡定若不急加撫處後患難保必無及照福建鎮巡

三司官受朝廷重托制馭一方平時不能撫處臨事又失覺察貽患一方幾成大變論法通當差人等解來京治以重罪但中間責任有不同情犯有輕重况急在用人之時合無速請

勅書一道錦水衛差人賁捧星夜前去南贛交與王守仁令其運謀設法委用官屬調集兵馬上緊前去福建地方擒捕渠魁寬釋脅從一應事宜悉聽便宜處置軍衛有司官有犯就便鞫問情重者差人解京送都察院問理干碍方面官參奏鞫問內有通同逆賊故縱為惡情重人化體勘得實亦聽就便鞫問解

京送問俱奏請發落事卡鎮巡官一體參奏施行若
內有撫捕逆賊功蹟堪以贖罪及有功之人明白論
奏定奪其南贛等處地方事情王守仁既已離任一
時難以照管合無本部行文兵備副使楊璋暫代守
仁管理一應緊要賊情悉聽楊璋徑自從宜施行不
許失誤候處置福建事寧之日照舊正德十四年二
月二十三日具題奉

聖旨是這地方事情照前旨寫勅與王守仁着上緊
前去彼處依擬從宜處置各該官員都着查勘明白
分別功罪奏來定奪南贛等處事情着副使楊璋暫
代管理欽此

且管理欽此

為處置官軍以靖地方事

查得御史洪異所奏大意謂福建軍人作亂始必有
以啓之終必有以成之要行巡撫都御史王守仁逐
一處置先因巡按御史周鶴等節次具奏本部議得
福建之事必須委用得人查究處置以此會議推舉
王守仁奉

勅查處今御史洪異所言明白剴切查處之要殆不
過此合無本部備行都御史王守仁照依奏內事理
逐一施行既頃追究啓事成患之人必治其罪又須

改復舊有已定之規可行諸父使國法昭布而遠近
知戒事體穩當而後患不生斯稱委任正德十四年
三月初五日具題奉
聖旨是這所奏事情還備行與巡視都御史王守仁
依擬查究處置欽此

聖旨是這所奏事情

在

南贛類

江西之南贛福建之汀漳廣東之韶州湖廣之
郴桂其間深山大谷綿亘數千餘里猛獍居焉
時出剽殺民被慘害故不得已而用兵非喜功
也若北鄙匈奴犬羊桀驁非王化所易懷服故
先王置之度外苟必事征誅則有嫌於窮黠者
矣然自昔以來處徭患者初則姑息專務招撫
及養成巨患勢極侵凌然後調兵聚報從而討
之往往勞費不貲而貽禍無已其於民生政理
蓋漠如也惟王公守仁夙蘊忠誠深得治徭之

道履任之初圖上方畧

朝廷從之遂能威震百蠻而恩及四鎮厥後卒藉贛
兵之力以勘寧藩之亂書生用兵如守仁者可
多得哉真天下之奇才也使居司馬統六師必
能運籌決勝以平四方不但身親戰陣立功一
隅而已

為地方有事急缺巡撫官員事

照得先因南贛等處四省接壤地方無官節制以此
添設巡撫都御史一員專一禁防盜賊安緝居民今
未及一年凡陞調都御史陳恪公勉仁文森王守仁

共四員內文森遷延悞事見奉

勅切責乃敢託疾避難奏回養病見今漳州盜賊縱
橫民遭荼毒脫或王守仁亦見地方多故假托辭免
或在途遷延不無愈加悞事合無早請寫

勅本部差人賞捧馳驛星夜前去南京交與守仁上
緊前去南贛地方查照本部節次題奉

欽依內事理逐一遵依施行不許遷延其文森既係
奉

勅切責官員幸不加罪合無以後不必起用以為推
好避事者之戒及行吏部今後但係本部議設邊方

巡撫官員務照近日戶科給事中劉洙奏
准事例無故及在任日淺不必更調遷轉正德十一

年八月二十五日具題奉
聖旨是既地方有事王守仁著上緊去不許辭避遲

誤欽此

為申明賞罰以勵人心事

看得巡撫南贛都御史王守仁奏據兵備副使楊璋
呈要申明賞罰今後領兵官不拘軍衛有司所領兵
眾有退縮不用命者許領兵官軍前以軍法從事領
兵官不用命者許總統官軍前以軍法從事所統兵

衆有能對敵擒斬功次或赴敵陣亡勘實奏

聞一體陞賞生擒賊徒鞠問明白即時押赴市曹斬

首示衆臣嘗深求其故盜賊之日滋由於招撫之太

濫招撫之太濫由於兵力之不足兵力之不足由於

賞罰之不行乞要俯采副使楊璋之議亦如往者律

例再加申明特假臣等

令旗令牌便宜行事等因照得近年各處盜賊生發

所在官司往往隱匿不行奏報以致滋蔓難制却又

倡為招撫之說長奸縱惡莫有衰息及乎招降復判

乃至動調京邊官軍始克平定勞師費財不可勝計

奏奉 聖旨 欽此

今都御史王守仁反覆論辯深切著明具見本官有

用之學濟時之才及照昔因江西南贛二府福建汀

漳二府廣東南雄惠州韶州四府并湖廣郴州

四境相接之處素為盜賊淵藪數為民患不可盡除

比之尋常盜賊迥然不同以此議奏特設都御史一

員兼治四省地方雖以巡撫為名實則提督軍務是

以原奉

勅旨民情事務不必干預然以巡撫為名而不與民

事以禦盜為職而不得兵權故官雖設而職難盡民

受害而盜未息不如不設此官專責各省巡撫官之

為愈也見今彼處盜賊幾至數萬殘害地方已調兵

會剿雖嘗擒殺未必能盡大兵一退必又嘯聚王守

仁所奏前事皆有明驗若不責成此官假以兵權申

明賞罰誠非久安長治之術也合無請

勅南贛等處都御史假以提督軍務名目照提督軍

務文臣事例給與旗牌應用以振軍威一應軍馬錢

糧事宜照依原擬徑自便宜區畫文職五品以下武

職三品以下徑自拏問發落如遇盜賊入境劫掠即

便調兵剿殺不許踵襲舊弊招撫蒙蔽重為民患所

部官軍若在軍前違期逗遛退縮者俱聽以軍法從

奏奉 聖旨 欽此

事生擒盜賊鞠問明白亦聽斬首示衆其陞賞事宜

除征剿流賊事例先已奏革外若南贛郴桂等處斬

獲賊級聽本處兵備副使會同該道守巡官即時紀

驗明白備行江西按察司造冊奏繳查照南方剿殺

蠻賊見行舊例議擬陞賞正德十二年七月十六日

具題奉

聖旨是王守仁著提督南贛汀漳等處軍務換勅與

他其餘事宜各依擬行欽此

為地方緊急賊情事

該巡撫南贛都御史王守仁奏稱前項盜賊惡貫已

一頁十一
大德二年七月二十二日具題奉
聖旨是這申明賞罰事宜還備行與王守仁知道欽
此

為捷音事

該提督南贛汀漳等處軍務都察院左僉都御史王
守仁奏稱調取官軍兵快人等約會剋期夾攻把截
剿殺及咨巡撫江西都御史孫燧并行巡按御史屠
僑各查照外續據守把金坑等處地方領兵縣丞舒

至潰肺決腸而攻治之方亦有二說等因看得所奏
二說大意謂事權隆重若無意於近功而實足為攻
取之機征調四集雖可以分咎而不免為地方之累
窮究根本辯析詳明言雖兩端意實有在近年巡撫
官論奏地方事情本經術以濟時務不以身謀而廢
國是如王守仁者誠不多見臣等竊為

朝廷得人賀合無本部行文付差來人賞回交與王
守仁悉依前項申明賞罰事理便宜而行惟在相機
征剿期於成功不限時日本官果踐其言能令賊

欽迹居民安堵財力不費坐收成功本部臨時議擬
奏請不次擢用以彰奇才異能為諸巡撫官之勸正
德十二年七月二十二日具題奉

聖旨是這申明賞罰事宜還備行與王守仁知道欽
此

富等呈稱即今各峯賊首聞知湖廣土兵將到集眾
據險四出殺掠猖熾日甚乞為急處等因到臣當將

進兵機宜會同紀功御史屠僑督同兵備副使楊璋
分守叅議黃宏統兵知府等官邢珣等議得桶岡橫
水左溪諸賊荼毒三省其患雖同而事勢各異以湖
廣言之則桶岡諸巢為賊之咽喉而橫水左溪諸巢
為之腹心以江西言之則橫水左溪諸巢為賊之腹
心而桶岡諸巢為之羽翼今先去橫水左溪腹心
之患而欲與湖廣夾攻桶岡進兵兩寇之間腹背受
敵勢必不利今議者紛紛皆以為必須先攻桶岡而

湖廣剋期乃在十一月初一日賊見我兵未集而師
期尚遠且以為必先桶岡勢必觀望未備今若出其
不意進兵速擊可以得志已破橫水左溪移兵而臨
桶岡破竹之勢茂不濟矣於是臣等乃決意先攻橫
水左溪密切分布哨道使都指揮僉事許清率兵千
餘自南康縣新溪入知府邢珣率兵千餘自上猶縣
石人坑入知縣王天與率兵千餘自上猶縣白面入
令其皆會橫水使守備指揮郊文率兵千餘自大庾
縣義安入知府唐淳率兵千餘自大庾縣聶都入知
府李敷率兵千餘自大庾縣下入縣丞舒富率兵

千餘自上猶縣金坑入令其皆會左溪知府伍文定知縣張戩候各兵齊集令其亦從上猶南康分入以過奔衝臣亦親率千餘人自南康進屯至坪期直搗橫水以與諸軍會而使兵備副使楊璋分守叅議黃宏監督各營官兵往來給餉以促其後分布既定乃於十月初七日夜各哨齊發初九日臣兵至南康初十日進屯至坪使間諜四路分探皆以為諸賊不虞官兵率進各巢皆鳴鑼聚眾往來呼噪奔走為分投禦敵之狀勢甚張皇然已於各險隘皆設有滾木礮石度此時賊已據險勢未可近臣兵乘夜遂進十一

晉溪本兵數卷十。

十四

日小餉未至賊巢三十里止舍使人伐木立柵開整設堦示以久屯之形夜使報効聽選官雷濟義官蕭庚分率鄉兵及樵豎善登山者四百人各與一旗實銃砲鈎鑿使由間道攀崖緣壁而上分列遠近極高山頂以覘賊張立旗幟焚茅為數千竈度我兵且至險則舉砲燃火相應十二日早臣兵進至十八面隘賊方據險迎敵驟聞遠近山頂砲聲如雷煙焰四起我兵復呼噪奮逼銃箭齊發賊皆驚潰失措以為我兵已盡入破其巢穴遂棄險退走臣預遣千戶陳偉高睿分率壯士數十緣崖上奪賊險盡發其滾木礮

石我兵乘勝驟進呼聲震天地指揮謝吳馮廷瑞率兵由間道先入盡焚賊巢賊退無所據乃大敗奔潰遂破長龍巢破十八面隘巢破仙鷲頭巢破狗脚嶺巢破蒼背巢破白藍橫水大巢先是大賊首謝志山蕭貴樓等皆以橫水居眾險之中倚以為固聞官兵四進倉卒分眾扼險出禦甚力至是見橫水煙焰障天銃砲之聲撼搖山谷亦各失勢棄險走各哨官兵乘之皆奮勇戰而入知府邢珣遂破磨刀坑巢破茶坑巢破茶潭巢知縣王天與破樟木坑巢破石玉巢都指揮許清破雞湖巢破新溪巢破揚梅巢俱至積

晉溪本兵數卷十。

十五

水知府唐淳破羊牯腦巢破上關巢破下關巢破左溪大巢守備指揮郝文破獅子寨巢破義安巢破苦竹坑巢指揮余恩破長流坑巢破牛角窰巢破龍坑巢縣丞舒富破若坑巢破赤坑巢破竹壩巢知府李敷破上西峯巢破狐狸坑巢破鉛廠巢俱會左溪守巡各官亦隨後督兵而至是日擒斬首從賊人賊級并俘獲賊屬男婦奪回被虜人口牛馬賊仗數多其餘自相蹂踐墮崖填谷而死者不可勝計當是時賊路所由入皆刊崖倒樹設阱埋筴不可行我兵晝夜涉深澗踏叢棘過險絕則掛繩崖樹魚貫而上核臂

而下往往失足墜深谷幸而不死經數日始能出谷
兵已至橫水左溪皆困甚不復能驅逐會日已暮遂
令收兵屯劄次早大霧兩咫尺不辨連數日不開乃
令各營休兵享士而使鄉導數十人分探潰賊所往
并未破巢穴動靜十五日各得鄉導報謂諸賊分陣
預於各山絕險崖壁立有柵寨為退保之計有復合
聚於未破之巢者俱不意我兵驟入未及搬運糧穀
若分兵四散追擊可以盡獲臣等竊計湖廣夾攻在
十一月初一日期已漸迫此去桶岡尚百餘里山路
險峻三日始能達若此中之賊圍之不克而移兵桶

晉溪本兵數奏卷十

二十六

岡勢分備多前後顧瞻非計之得乃令各營皆分兵
為奇正二哨一攻其前一襲其後冒霧速進分枝悉
擊十六日知府邢珣攻破旱坑巢寫并巢知府李敷
守備指揮郊文攻破樞下巢李家坑巢十七日知府
唐淳攻破絲第壩巢十八日都指揮許清攻破朱雀
坑巢村頭坑巢黃竹坳巢觀音山巢十九日指揮余
恩攻破梅伏坑巢石頭坑巢二十日知府邢珣又攻
破白封龍巢芒背巢知縣王天與攻破黃泥坑巢大
富灣巢二十二日縣丞舒富攻破白水洞巢本日知
府伍文定知縣張戩兵亦至二十四日知府伍文定

攻破寨下巢知縣張戩攻破把州坑巢二十五日知
縣張戩又破朱坑巢知府伍文定破楊家山巢二十
六日知府李敷又破李坑巢都指揮許清又破川坳
巢二十七日守備指揮郊文又破長河洞巢連日各
擒斬首從賊人賊級并俘獲賊屬男婦奪回被虜人
口牛馬賊仗數多是日各營官兵請乘勝進攻桶岡
臣復議得桶岡天險四面青壁萬仞中盤百餘里連
峯參天深林絕谷不睹日月中所產早穀薯蕷之類
足飽凶歲往者亦常夾攻坐困數月不能俘其一卒
竟以招撫為名而罷及詢訪鄉導其所由入惟鎖匙

晉溪本兵數奏卷十

二十七

龍葫蘆洞茶坑十八磊新地五處然皆架棧梯壑實
緣絕壁而上賊使數人於崖巔坐發礮石可無執兵
而禦我師惟上章一路稍平然深入湖廣還回取道
半月始至湖兵既從彼入而我師復往事皆非便今
橫水左溪餘賊皆已奔入其中固難合勢為首必力
善戰者其勢險其節短今我欲乘全勝之鋒兼三日
之程長驅百餘里而爭利彼若拒而不前頓兵幽谷
之底所謂強弩之末不能穿魯縞矣今若移屯近地
休兵養銳振揚威聲先使人諭以禍福彼必懼而請
服及或有不從者乘其猶豫襲而擊之乃可以逞乃

使素與賊通戴罪職官李正嚴督官劉福泰釋其罪并縱所獲捕岡賊鍾景於二十八日夜懸壁而入期以初一日早使人於鎖匙龍受降賊方甚恐見三人至皆喜乃集衆會議而橫水左溪奔入之賊果堅持不可往復遲疑不暇為備臣遣縣丞舒富率數百人屯鎖匙龍促使使出降而使知府邢珣入茶坑知府伍文定入西山界知府唐淳入十八磊知縣張戢入葫蘆洞皆於三十日乘夜各至分地遇大雨不得進初一日早冒雨疾登大賊首藍天鳳方就鎖匙龍聚議聞各兵已入險皆驚愕散亂猶驅其衆男婦千餘人

廿二水兵教卷十

三九

據內隘絕壁隔水為障以拒知府邢珣之兵渡水前擊張戢之兵衝其右伍文定之兵自張戢右懸崖而下逸賊傍擊賊不能支且戰且卻及午兩齋各兵鼓奮而前乃敗走縣丞舒富知縣王天與所領兵聞前山兵已入亦從鎖匙龍並登各舉乘勝擒斬賊悉奔十八磊知府唐淳之兵復嚴陣迎擊賊又敗然會日晚猶扼險相持次早諸軍復合勢併擊大戰良久遂大敗知府邢珣破捕岡大寨破梅伏寨破烏池寨知縣張戢破西山界寨破鎖匙龍寨破黃竹坑寨知府唐淳破十八磊寨知府伍文定破鐵木里寨破上池

寨破葫蘆洞寨知縣王天與破員分寨破甘木坑寨縣丞舒富破大王嶺寨擒斬首從賊人賊級并俘獲賊屬男婦奪回被虜人口牛馬賊仗數多賊大勢雖破結陣分遁者尚多是日湖廣土兵亦至臣使知府邢珣屯葫蘆洞知府唐淳屯十八磊知府伍文定屯大水守備指揮郝文屯下新地知縣張戢屯磔頭縣丞舒富屯茶坑指揮姚璽知縣王天與屯板嶺而使副使楊璋巡行磔頭茶坑諸營監督進止繼以糧餉又使知府李敷分屯聶都以防賊之南奔都指揮許清留屯橫水指揮余恩留屯左溪以備腹心遺漏之

廿三水兵教卷十

三九

賊而使參議黃宗留劄南安給糧餉以為聶都之繼臣亦自帥帳下屯茶寮使各營分兵與湖兵相會夾勦遁賊初五日知府邢珣又破上新地寨破中新地寨破下新地寨初七日知府唐淳又破杉木坳寨破源陂寨破果木里寨十一日知縣張戢破板嶺寨破天台菴寨十三日又破東挑坑寨破龍甘寨連日各擒斬俘獲數多其間巖谷溪壑之內飢餓病殄顛仆死者不以數計於是捕岡之賊畧盡臣以其暇親行相視形勢據險立隘使卒數百斬木揆崖鑿山開道又使典史梁儀領卒數百相視橫水創築土城周圍

千餘丈亦設隘以奪其險議以其地請建縣治控制
三者諸徭斷其往來之路方尔經營十六日據防遏
推官徐文英呈稱廣東魚苗等巢被湖兵攻破賊黨
男婦千餘突往鷄湖新地穩下朱雀坑等處臣復遣
知府李敷分兵趨朱雀坑等巢知府伍文定趨穩下
雞湖等處守備指揮郊文知府邢珣趨上新地等處
各相機急勦二十日知府伍文定兵擊賊於穩下寨
西峯寨苦竹坑寨長河壩寨黎坑寨二十三日守備
指揮郊文知府邢珣擊賊於上新地寨知府伍文定
又進擊於雞湖巢十二月初三日知府李敷擊賊於

晉溪本兵敷奏

卷一〇

朱雀坑寨狐狸坑寨擒斬首從賊徒俘獲賊屬奪獲
賊仗數多於是奔遁之賊始盡然以湖廣二者之兵
方合雖近境之賊悉已掃蕩而四遠奔突之虞難保
必無乃留兵二千餘分屯茶寮橫水等隘而於是月
初九日回軍近縣以休息疲勞候二者夾攻盡絕然
後班師兩月之間通計搗過巢穴八十餘處擒斬大
賊首謝志山藍天鳳等八十六名顆從賊首級三千
一百六十八名顆俘獲賊屬二千三百二十四名口
奪回被虜男婦八十三名口牛馬騾六百八隻匹賊
仗二千一百三十一件金銀一百一十三兩八錢一

分總計首從賊徒賊屬牛馬賊仗共八千五百二十
五名顆口隻件俱經行令轉解紀功官處審驗紀錄
外參照大賊首藍天鳳謝志山等盤據千里荼毒數
郡僭擬王號圖謀不軌基禍種惡且將數十餘年而
虐焰之熾盛毒流之慘極亦已數年於茲前此亦常
夾勦曾不能損其一毛屢加招撫適足以長其桀驁
乃今驅卒不過萬餘用費不滿三萬兩月之間俘斬
六千有奇破巢八十有四渠魁授首噍類無遺此豈
臣等賢能於昔人是皆仰仗

晉溪本兵敷奏

卷一〇

朝廷威德之被廟堂處置得宜既假臣以賞罰之權
復專臣以提督之任故臣等得以伸縮自由舉動如
志奉
成筭以行事循方畧而指揮將士有用命之美進止
無掣肘之虞則是追獲獸兔之捷實由發縱指示之
功臣等偶叨任使豈敢冒非其績夫謀定於帷幄之
中而決勝於千里之外
命出於廟堂之上而威行於百蠻之表臣等敢為
朝廷國議有人賀且自幸其所遣得以苟免覆餗之
戮也及照監軍副使楊璋參議黃宏領兵都指揮僉
事許清都指揮行事指揮使郊文知府邢珣李敷伍

文定唐淳知縣王天與張戢指揮余恩馮翔縣丞舒富隨征叅謀等官指揮謝昶馮廷瑞姚重明德同知朱憲推官危壽徐文英知縣陳允諧黃文鸞宋瑤陸墩千戶陳偉高睿等以上各官或監軍督餉或領兵隨征悉皆深歷危險備嘗艱難各効勤苦之力共成克捷之功俱合甄錄以勵將來伏願

皇上丕彰廟堂之大賞兼收行伍之微勞激勸既行功庸益集自然盜賊寢息百姓安生則地方幸甚臣等幸甚等因具奏正德十三年三月二十八日奉聖旨這賊首藍天鳳謝志山等盤據千百餘里荼毒

廿三

三

三省地方基禍稔惡已非一日今王守仁等親臨巢穴運籌調度統卒不過萬餘用費不滿三萬而兩月之間醜類悉已勦平功可嘉尚差來人陞一級賞紵絲衣服一套新欵一千貫王守仁先寫勅獎勵有功官員人等該陞賞的兵部都查擬了來說欵此臣等議得前賊根連四省累歲連誅本部因見巡撫都御史遷代不常新任都御史王守仁未到深念地方受害日久議奏催令本官作急赴任未幾巡撫江西都御史孫燧果奏大庾縣等處盜賊攻劫城池敵殺官軍本部又經議奏叅究查提失事人員及馬上差人

督促都御史王守仁到任彼時賊方猖獗殺死義士擄去職官本官即能痛懲往事極言招撫之非圖上攻取之策本部又見守仁勇於任事規畫有方故節經依擬覆奏荷蒙

聖明採納既假以提督之任又許以便宜之權本官果能諳曉兵法料敵取勝兵分十哨各自為戰所向勢如破竹巢穴盡空種類殲滅往年平寇未有用力如此之易而成功如此之速者此皆仰賴

皇上聖明英武先機決斷故臣等幸效一得之愚而王守仁能收萬全之功也臣等叨任本兵俱係當盡

廿三

三

職務詎敢言功王守仁躬督戰陳獲有軍功所當先錄伏望

聖明俯照節年平寇陞廢有功官員事例將守仁照例陞職廢子以酬其功其巡撫江西都御史孫燧同心協謀區畫兵餉巡按御史屠振揚風紀覈實功罪及原任鎮守江西太監許滿先與巡撫都御史計議行事克有成功所據各官俱有勞績亦合普加恩典以示激勸其餘有功副使楊璋等候御史屠僑紀功文冊到日即行議擬奏請陞賞中間先叅有罪人員今既有功亦論功罪多寡應否准贖緣由具奏定

李但賞罰出自

朝廷臣等俱不敢擅擬伏乞

聖裁正德十三年四月十八日具題奉

聖旨是各官既勦賊成功地方有賴王守仁陞右副都御史并許滿各廕他子姪一人做錦衣衛世襲百戶畢真孫燧各賞銀三十兩紵絲二表裏屠僑陞俸一級楊璋等待功次文冊至日奏來陞賞先參有罪今次有功的也分別明白來說爾兵部累次擬奏方畧指授得宜功可嘉尚王瓊通前寫勦獎勵并陳玉王憲各賞銀三十兩紵絲二表裏該司郎中銀八兩

晉溪本兵敷奏

卷一〇

員外郎主事五兩欽此

為建立縣治以期久安長治事

看得提督南贛等處軍務都御史王守仁會同巡撫都御史孫燧巡按御史屠僑并布按二司守巡官副使楊璋左叅議黃宏勘議得上猶大庾南康三縣之中東西南北相去三百餘里號令不及人跡罕到大盜雖已勦平中間聞風逃出者頗衆誠恐日後復聚為患若於三縣適中地方橫水去處設立縣治久安長治民情順便又稱橫水東去南康縣一百二十里地名長龍西去湖廣桂陽縣二百餘里地名上保南

去大庾縣一百二十餘里地名鉛廠俱係要害地方

相應各該巡檢司及查見該上猶縣過步巡檢司路僻無用合行改移上保等因臣等議得該亂於已發固為有功拜亂於未然尤為有識今都御史王守仁與巡撫巡按及守巡官深謀遠慮議建縣治巡司以控制無統之民事體民情俱各順便及先已編僉隘夫委官守把事在必行不可猶豫但該官防盜雖由本部而編置三甲戶口田糧係隸戶部掌行合無本部將開該縣治一節移咨戶部奏請定立縣名遠行遵守仍依所奏添設長龍鉛廠二巡檢司及將過步

晉溪本兵敷奏

卷一〇

巡檢司改移為上保巡檢司行移吏禮二部選調官員鑄換印記并行江西布政司查撥吏役編僉了兵中間一應事宜悉聽都御史王守仁會同巡撫都御史孫燧查照原擬從宜處置務在事體穩便賊害永除斯副委任正德十三年四月十八日具題奉

聖旨是欽此

為捷音事
該提督南贛等處軍務都察院右副都御史王守仁奏稱臣看得南贛盜賊其在南安之橫水桶岡諸巢則接境於湖柳在贛州之湖頭峯岡諸巢則連界於

閩廣接壤於湖郴者賊聚而勢散恃山谿之險以為固連界於閩廣者賊狡而勢聚結黨與之助以相援臣等遵奉

勅諭及查照兵部咨示方畧初議先攻橫水次攻桶岡而末乃與廣東會兵徐圖湖頭如攻堅木先其易者後其節目自正德十二年九月臣等議將進兵橫水恐湖賊乘虛出擾思有以阻離其黨臣乃自為告諭具述禍福利害使報効生員黃表義民周祥等往諭各賊因皆賜以銀布一時賊黨亦多感動各寨酋長黃金巢劉遜劉粗眉溫仲秀等遂皆願從表等出

香溪本兵集卷十

三十五

投惟大賊首池仲容即他大賢獨憤然謂其眾曰我等做罪已非一年官府來招亦非一次此亦何足為憑待金巢等到官後果無他說我等遣人出投亦未為晚其時臣等兵力既未能分意且羈縻令勿出為患即已故亦不復與較金巢等既至臣乃釋其罪推誠厚撫各願出力殺賊立効於是藉其眾五百餘悉以為兵使從征橫水十月十二日臣等已破橫水仲容等聞之始懼計臣等必且以次加兵於是集其首豪池仲寧高飛甲等謀使其弟池仲安率老弱二百餘徒亦赴臣所投招求隨眾立効意在緩兵因而窺

覘虛實乘間內應臣遂知其謀陽許之及臣進攻桶岡使領其眾截路於上新地以遠其歸途內嚴警禦之備以防其變外示寬假之形以安其心陰使人分召鄰賊諸縣被賊害者皆詣軍門計事旬日之間至者數十問所以攻剿之策皆以此賊狡詐兇悍非他賊比其出劫行標皆有深謀人不能測自知惡極罪大國法難容故其所以捍拒之備亦極險詐前此兩經夾剿皆狼兵二三萬竟以不能大捷後雖敗逃所殺傷亦畧相當近年以來姦謀愈熟惡焰益熾官府無可奈何每以調狼兵恐之彼輒謾曰狼兵易與耳

香溪本兵集卷十

三十六

縱調他來也頃半年我縱避他只消一月其意謂狼兵之來不能速其留不能久也是以益無忌憚今已借號設官姦計通謀尤非昔比必欲除之非大調狼兵事恐難濟臣以為兵無常勢在因敵變化而制勝今各賊狃於故常且謂必待狼兵而後敢攻此所以不必狼兵而可以攻之也乃謂密畫方畧使數十人者各歸部集候我兵有期則據隘遏賊十一月賊聞臣等復破桶岡益懼為戰守備臣使人至賊所賜各酋長牛酒以察其變賊度不可隱則詐稱龍川新民盧珂鄭志高等將掩襲之是以密為之防非敢虞官

兵也臣亦陽信其言因復陽怒盧珂鄭志高等擅兵
警殺移檄龍川使廢其實且趨各賊伐木開道將回
兵自涇頭取道往討之賊聞以為臣等實有為之之
意又恐假道伐之且喜且懼因使人來謝且請無勞
官兵當悉力自防禦之盧珂鄭志高陳英者皆龍川
舊招新民有眾三千餘遠近皆為仲容所賜而三人
者獨與之抗故賊深警忌之十二月望臣兵回至南
康盧珂鄭志高等各來告變謂池仲容等僭號設官
今已點集兵眾號招遠近各巢賊首授以總兵都督
等偽官使候三省夾攻之兵一至即同時並舉行其

晉溪本兵敷奏卷一

三

不軌之謀及以偽授盧珂等官爵金龍霸王印信文
書一紙粘狀來首臣先已謀知其事及珂等來即陽
怒以為爾等擅兵警殺投招之人罪已當死今又造
此不根之言乘機誣陷且仲容等方遣其弟領兵報
効誠心向化安得有此遂收縛珂等將斬之時池仲
安之僞方在營見珂等入首大驚懼至是皆喜羅拜
惟呼亦跪訴珂等罪惡臣因亦陽令具狀謂將并拘
其黨屬盡斬之於是遂械繫盧珂等而使人密諭以
陽怒之意欲以誘致仲容諸賊且使盧珂等先遣人
歸集其眾候珂等既還乃發臣又使生員黃表聽選

官雷濟往諭仲容使勿以此自疑密購其所親信陰
說之使自來投訴二十日臣兵已還贛乃張樂大享
將士下令城中今南安賊巢皆以掃蕩而涇頭新民
又皆誠心向化地方自此可以無虞民久勞苦亦宜
暫休為樂遂散兵使各歸農示不復用而使池仲安
亦領眾歸助其兄防守且云盧珂等雖已繫於此恐
其黨致怨戈掩爾不虞仲安歸且言其故賊眾皆喜
遂地備臣又使指揮余恩督層往賜仲容等令毋撤
備以防盧珂諸黨賊眾益喜黃表雷濟因復說仲容
今官府所以安撫勞來爾等甚厚何可不親往一謝

晉溪本兵敷奏卷一

三

况盧珂等日夜哀訴反狀乞官府試拘爾等若拘而
不至者即可以證反狀之實今若不待拘而至且面
訴珂等罪惡官府必益信爾無他而謂珂等為詐殺
之必矣所購親信者復從傍力贊仲容然之乃謂其
眾曰若要申先用屈贛州伎倆亦須親往勘破遂定
議率其麾下四十餘人自詣贛臣使人探知仲容已
就道又密遣人先行屬縣勒兵分定哨道候報而發
又使千戶孟俊先至龍川督集盧珂鄭志高陳英等
兵然以道經涇巢恐搖諸賊則別賚一牌以拘捕珂
等黨屬為名各賊聞俊往果遮迎問故俊出牌示之

乃皆羅拜爭相導送出境俊已至龍川始發牌部勒盧珂等兵眾賊聞之皆以為拘捕其屬不復為意閏十二月二十三日仲容等至贛見各營官兵皆以散歸而街市多張燈設戲為樂信以為不復用兵密賂獄卒私往覘盧珂等又果械繫深園中乃大喜遣人歸報其屬曰乃今吾事始得萬全矣臣乃夜釋盧珂鄭志高等使馳歸發兵而令所屬官僚次設牛酒日犒仲容等以緩其歸正月三日度盧珂等已至家所遣屬縣勒兵當已大集臣乃設犒於庭先伏甲士引仲容入并其黨悉擒之出盧珂等所告狀訊鞫皆伏

晉書卷之十

甲

遂悉寘於獄而夜使人趨發屬縣兵期以初七日同時入巢於是知府陳祥兵從龍川縣和平都入指揮姚璽兵從龍川縣烏虎鎮入千戶孟俊兵從龍川縣平地水入指揮余恩兵從龍南縣高沙堡入推官危壽兵從龍南縣南平入知府邢珣兵從龍南縣太平堡入守備指揮邾文兵從龍南縣冷水迤入知府李敷兵從信豐縣黃田岡入縣丞舒富兵從信豐縣烏迤入臣亦自率帳下官兵從龍南縣冷水迤直搗下洲大巢而使兵備副使楊璋從後監督各哨分路同時並進會於三洲先是賊徒得池仲容報謂贛州兵

已罷歸皆以弛備散處各巢至是驟聞官兵四路並進皆驚懼失措乃分投出禦而悉其精銳千餘據險設伏併勢迎敵於龍子嶺我兵聚為三衝犄角而前指揮余恩所領百長王受兵首與賊遇大戰良久賊敗却王受等奮追里許賊伏兵四起奮擊王受後推官危壽所領義官葉芳兵鼓噪而前復奮擊賊伏兵後千戶孟俊兵從傍繞出岡背橫衝賊伏兵與王受合兵於是賊乃大敗奔潰呼聲震山谷我兵乘勝逐北遂克上中下三洲各哨官兵遙聞三洲大巢已破皆奮勇齊進各賊亦皆潰敗知府陳祥兵遂破熱水

晉書卷之十

甲

巢五花障巢指揮姚璽兵遂破淡方巢石門山巢上下陵巢知府邢珣兵遂破笏竹湖巢白沙巢守備指揮邾文兵遂破曲潭巢赤唐巢知府李敷兵遂破古坑巢三坑巢是日擒斬首從賊人賊級俘獲賊屬男婦牛馬器仗數多其餘墮崖填谷而死者不可勝計是夜賊復奔聚未破巢穴次日早乃令各哨官兵探賊所往分投急擊初九日知府陳祥兵破鉄石障巢平角山巢獲賊首金龍霸王印信旗袍知府邢珣兵破黃田坳巢指揮姚璽兵破岑岡巢指揮余恩兵破塘舍洞巢溪尾巢初十日千戶孟俊兵破大門山巢

推官危壽兵破鎮里寨巢十一日知府邢珣兵破中
村巢守備邨文兵破半逕巢都坑巢尺八嶺巢知府
李敷兵破新田逕巢古地巢指揮余恩兵破空背巢
縣丞舒富兵破旗嶺巢頓岡巢十三日千戶孟俊兵
破狗脚坳巢水晶洞巢五洞巢藍州巢十六日推官
危壽兵破風盤巢茶山巢連日各擒斬首從賊人賊
級并俘獲賊屬男婦牛馬器仗數多然各巢奔散之
賊其精悍者尚八百餘徒復哨聚於九連大山扼險
自固當臣者得九連山勢極高橫亘數百餘里四面
斬絕伐兵既不得進而其內東接龍門山後諸處賊

晉溪本兵敷奏

卷一

巢以百數若我兵進逼此賊必奔往其間誘激諸巢
相連而起勢益難制然彼中既無把截之兵欲從傍
縣潛軍斷其後路必頃半月始達又緩不及事止有
賊所屯據崖壁之下一道可通然賊已據險自上發
石滾木我兵百無一全於是乃選精銳七百餘人皆
衣所得賊衣俾若奔潰者乘暮直衝賊所據崖下澗
道而過賊以為各巢敗散之黨皆從崖上招呼我兵
亦佯與呼應賊疑不敢擊及已度險遂扼斷其後路
次日賊始知為我兵併勢衝敵我兵已據險從上下
擊賊不能支乃退敗臣度其必潰預遣各哨官兵四

路設伏以待賊果分隊潛遶二十五日知府陳祥兵
覆賊於五花障知府邢珣兵覆賊於白沙指揮余恩
兵覆賊於銀坑水二十七日指揮姚璽兵覆賊於烏
虎鎮推官危壽兵覆賊於中村知府李敷兵覆賊於
北山又戰於風門與其餘奔散殘黨尚三百餘徒分
逃上下坪黃田坳諸處各哨官兵復粘踪會追二月
初二日知府陳祥兵復與賊戰於和平初五日復戰
於上坪下坪初八日推官危壽指揮余恩兵復與賊
戰於黃田坳十二日知府陳祥兵復與賊戰於鉄障
山十四日縣丞舒富兵復與賊戰於乾村又戰於梨

晉溪本兵敷奏

卷一

樹十六日知府邢珣李敷兵復與賊戰於笏竹湖二
十三日縣丞舒富兵與賊戰於北順戰於和洞二十
六日守備邨文兵復與賊戰於水源戰於長吉戰於
天堂寨連日擒斬首從賊人賊級數多三月初三日
據鄉導人等四路爪探皆以為各巢積惡兇狡之賊
皆以擒斬畧盡惟餘黨張仲全等二百餘徒其間多
係老弱及遠近村寨一時為賊所驅脇從惡未久之
人今皆勢窮計迫聚於九連谷口呼號痛哭誠心投
招臣遣有功生員黃表往驗虛實果如所探因引其
首甲張仲全等數人前來投見訴其被脇不得已之

情臣量加責治隨遣知府邢珣往撫其衆籍其名數
遂安梓於白沙初七日據知府邢珣等呈稱我兵自
去歲二月從征閩寇迄今一年有餘未獲少休今幸
各巢賊已掃蕩餘黨不多又蒙撫順招安况今陰雨
連綿人多疾疫無之農功已動人懷耕作合無俯順
下情還師息衆及義官葉芳并各鄉村居民亦告前
情臣因親行相視險易督同副使楊璋知府陳祥等
經理立縣設隘可以久安長治之策留兵防守而歸
蓋自本年正月初七日起至三月初八日止前後兩
月之間通共搗過巢穴三十八處擒斬大賊首二十

晉溪本兵數奏奉

聖

九名顆次賊首三十八名顆從賊二千零六名顆俘
獲賊屬男婦八百九十名口奪獲牛馬一百二十二
隻匹器械贓仗二千八百七十件把贓銀七十兩六
錢六分總計擒斬俘獲奪獲共五千九百五十五名
顆口隻匹件把俱經行令兵備等官審驗紀錄仍行
紀功御史覈實去後今據前因臣等會同江西巡按
御史屠僑廣東巡按御史毛鳳參照大賊首池仲容
等荼毒萬民騷擾三省陰圖不軌積有年歲設官備
號罪惡滔天比之上猶諸賊尤為桀驁難制蓋上猶
諸賊雖有借竊不軌之名而徒惟劫掠焚燒是嗜至

於洲頭諸賊雖亦剽劫虜掠是資而實懷僭擬割據
之志故其招致四方無籍隱匿遠近妖邪日夜窺圖
漸成姦計無之賊首池仲容仲安等人皆力搏猛虎
捷競飛猱兇惡之名久已著聞四方賊黨素所向服
是以負固恃頑屢征益熾前此知其無可柰何亦惟
苟且招安以幸無事其實無救荼毒之慘益養姦兇
之謀乃今臣等驅不練之兵資缺乏之費不踰兩月
而破姦雄不制之虜以除三省數十年之患此非
朝廷威德

晉溪本兵數奏奉

聖

之專一而敗於職守之分撓就今事而言前此亦嘗
夾攻二次計剿數番以兵則前者強而今者弱前者
數萬而今者數千以時則前者期年而今者兩月以
費則前者再倍而今者什一以任事之人則前者多
智謀老練之士而今者乃若臣之迂踈淺劣然而計
功較績顧反有加於昔者何哉實由
朝廷之上明見萬聖洞察往弊處置得宜既假臣以
賞罰之權復改臣以提督之任既以兵忌遙制而重
各省專征之責又慮事或牽掣而抑守臣干預之請
授之方畧而不拘以制責其成功而不限以時

詔旨一頒而賊先破膽奪氣咨文一布而人皆踴躍
爭先効謀者知無阻撓之患而務竟其功希賞者知
無侵削之弊而畢致其死是乃所謂得先勝之算於
廟堂收折衝之功於樽俎實用兵之要道制事之良
法也事每如此天下之治有不足成者矣臣偶叨任
使何幸濫竽成功敢於獻捷之餘拜首稽首以賀伏
願

皇上推成功之所自原發縱之有因庶無僭賞以旌
始謀及照兵備副使楊璋監軍給餉多資贊畫紀功
督戰備歷辛勤十旬兩剿功勞獨著宜加顯擢以勵

晉溪本兵敷奏卷十

四

功能守備指揮邾文知府陳祥邢珣李敷推官危壽
指揮余恩姚璽千戶孟俊縣丞舒富等皆身親行陣
屢立戰功俱合獎擢以為後勸巡按御史屠僑題稱
大賊首池仲容等盤據一方歷有年歲僭稱王號偽
設官職廣東翁源龍川始興江西龍南信豐安遠會
昌等縣屢被攻圍城池殺害官軍焚燒村寨虜殺男
婦歲無虛日難以數計猶且威逼良民相濟為惡號
召無賴謀為不軌罪惡滔天神怒人怨又嘗與湖廣
榔桂之賊陰相結黨橫行比之上猶諸賊猶為桀驁
難制况賊首池仲容仲安等又皆力勝猛虎捷競飛

孫光烈之名久已著聞四方賊黨素所畏服故

雖經狼兵夾攻數次俱被負固恃頑運維漏網招安
之計屢施而荼毒之慘益熾防維之謀不決而養虎
之患日深遷延玩愒彼我相持地方之患誠有足虞
者乃今勢力不假於狼兵兵數不登於萬計軍帥不
資於他助財用不虧於濫費僅兩月之間而破積年
不制之雄以除三省蔓延之患此雖提督都御史王
守仁克遵

成命之特俞恪承責任之專一親冒矢石倡先敢勇
之所為而實由

晉溪本兵敷奏卷十

四

皇上洞察於禍機

睿筭允敷於臣屬奮於籌議之當決不限常格以責
成然後在下者得伏於

天威之有憑而乘會於奇功之克就等因臣等議得
大賊首池仲容等陰圖不軌僭號設官三省軍民被
其擾害都御史王守仁統兵討賊運謀如神兩月而
成克捷皆

皇上神威妙筭所致臣等何容贊頌至於臣等始謀
建議職分當然何敢言功所據守仁勲蹟茂者宜加
重賞以示優崇本官前此雖嘗因功受賞今則存立



新功前後實難相掩及照御史屠僑紀驗勤勞既各降

勅獎勵亦合量加

恩典以示激勸合無將守仁再加陞擢并於廢子百戶職級之上量加廢叙屠僑亦乞陞俸以酬其勞再照副使楊璋各官奏稱備歷艱辛功勞獨著宜加顯擢以勵功能查得楊璋功勞實多合無將璋先陞俸級仍乞

勅下吏部待有員缺不次擢用庶協公論其餘有功人員都指揮邾文等候紀功文冊至日本部即為議

晉漢本兵數奏卷十

四

擬奏請陞賞但王守仁等應得

恩典出自

朝廷臣等不敢擅擬伏乞

聖裁正德十三年八月十一日具題節該奉

聖旨是王守仁已因功陞職了還賞銀四十兩紵絲

二表裏屠僑并楊璋再陞俸一級吏部還擬缺推用

他邾文等候紀功文冊至日陞賞欽此

為捷音事

該提督南贛汀漳等處軍務左僉都御史王守仁題據廣東按察司等衙門整飭兵備監統僉事等官王

大用等呈據樂昌縣知縣李增報稱地名岐田山賊犯龍音等十一名天塘賊犯陳滿等十名挈家赴縣

首領擒獲同伴解官等情稟蒙僉事王大用統督都指揮同知王英唯暫隨哨調用待後班師另議遵依外隨據知縣李增呈稱起集兵壯夫欵督同龍音等於本年十一月二十八日計誘賊犯蕭綠等六十名陳滿等於十二月初二日計誘賊犯李廷茂等二十三名等因及據通判鄒級仁化縣知縣李華呈稱大賊首高快馬帶從賊一十五名賊婦二口從小魚水等處潛往瀨洲寨深坑結巢藏住隨統民壯兵夫談

晉漢本兵數奏卷十

四

志澤曹鸞等於閏十二月初一日戌時進兵圍寨至

初二日早擒捕本賊突出山頭迎敵未克賊遁我兵

粘踪追至始興縣界山上各兵奮勇向前與賊交鋒

對敵當陣生擒大賊首高快馬即高仲仁從賊二名

高二仔朱俊養新保賊婦一口葉氏賊女一口朱長

妹及行兇器械并被傷兵夫劉廷珩等緣由到道行

間節據知府同知指揮知縣千戶等官姚鵬等呈稱

月日不等督率軍兵夫欵從巢與賊交鋒陸續擒斬

首從賊人賊級李萬珊賴永達等前後共獲一千三

百二十名顆俘獲賊屬男婦七十六名口奪回被虜

男婦一十三名口奪回賊杖五十六件把牛馬二十八隻匹又據知縣李增呈蒙監督僉事王大明用明文行仰務將殘黨設法剿滅以收全功等因本職思得各兵退散就行雇募驍勇鄉夫并原部打手共四百餘名日則督發搜扒各山巢穴夜則掣回護守地方城池及行密差新撫流民王俊等緝得賊首李斌帶隨黨眾在於湖廣烏春山縣住等因飛報到職當就五月二十一日申時發遣捕盜老人李政瓚等星夜潛至地名姜陽崗藏踪密切緝探包圍三日始擒本賊餘黨俱各奔道緣由各開報到道恭稱賊首李斌

晉溪本兵敷奏

卷一

節與高快馬龔福全等糾眾流毒三省為患有年奏調軍兵征剿乃敢深藏巖谷意圖苟免偷生但其罪惡已極難逃

朝廷殺伐之威以致官兵遵奉軍門號令窮追深入一旦就擒所據獲功人仗合照懸示重賞而知縣李增督兵設策屢有奇功亦合獎勞以勵將來等因備由轉報到臣及據整飭兵備兼分巡嶺東道監統僉事等官顧應祥等呈據領哨通判等官莫相等呈稱統領漢連官軍民壯打手人等照依期進剿上下橫溪關峒深峒等巢賊黨豎立排柵統眾迎敵殺傷

兵夫彼時軍兵協謀奮勇圍戰當時各巢攻破陸續擒斬賊人賊級吳宜鄧仲玉等共六百九十名顆俘獲賊屬男婦三百九十五名口奪回被虜男婦七口賊牛六十五隻器械六十九件伏贓物七件解送前來會審間又據本官呈稱遵依掣帶兵壯人等前往所指地方起集熟知地利鄉夫千百長人等立營守把相撥發兵搜剿斬獲賊級一十二顆生擒賊人三名并俘獲賊屬等項隨據本官稟稱橫溪大賊首吳玠招集各巢亡命道往地名東田村深山結巢本賊係乳源諸巢之魁節與樂昌平石後寨良坑等處賊

晉溪本兵敷奏

卷一

首龔福全高仲仁等攻城劫縣非止一次彼因湖廣失於開奏姓名論其罪惡不在龔福全等之下相應撲剿隨即稟蒙監督僉事顧應祥出給重賞指示方畧密切發兵本職親自帶領前去東田村深山內直抵賊首吳玠巢穴四面攻圍被吳玠等亂用藥弩射出拒敵我兵冒傷奮勇進剿先用銃箭將吳玠打倒賊勢少却我兵呼噪大進將吳玠等首從并賊屬盡數擒斬共六十三名顆俘獲賊屬六口奪回被虜婦女二口陣亡兵夫六名緣由呈解到道者得賊首吳玠係是極惡巨寇倚住巢穴極險彌聚黨與多眾流

劫兩省軍民財物以打縣堡逼取銀兩殺人放火拒敵官兵地方遭其荼毒為患已非一日近該湖廣鎮巡衙門奏行三省勦調官軍夾剿已將諸巢克破黨類掃平惟吳玠竊遁敢肆招聚各巢漏刃亡命據險偷生幸而通判莫相多方設法防捕致縛前兇地方生靈不勝慶幸及照各巢俱已克平除另案議呈班師外再照通判莫相獲有前功應合獎勞等因備呈開報到臣查得先准兵部咨為地方緊急賊情事該巡撫湖廣地方兼督理軍務都察院右副都御史秦金奏該本部覆題看得柳桂等處地方與廣東江西

晉榮去奏奉

三

所轄峒密通聯絡若非三省會兵把截夾攻賊必遁散他處有損無益合無請

勦兩廣并南贛總督巡撫等官會同行事尅期進兵等因具題節該奉

聖旨是都依擬行欽此欽遵續為申明賞罰以勵人心事臣節該欽奉

勅諭但有盜賊生發即便嚴督各該兵備守備守巡并各軍衛有司設法調兵剿殺不許踵襲舊弊招撫蒙蔽重為民患其管領兵快人等官員不問文職武職若在軍前違期并逗遛退縮者俱聽以軍法從事

仍要選委廉能屬官密切體訪或會所在大戶量加糧賞或購令賊徒自相斬捕皆聽爾隨宜處置欽此欽遵又准兵部咨為地方緊急賊情事該臣奏前事內開節據廣東韶州府申據樂昌縣知縣李增稟稱正德十二年二月十七日有東山賊首高快馬等八百餘徒在地名櫃頭村行劫又據乳源縣稟報賊徒一起約有千餘見在州頭街等處打劫等情及據湖廣郴州中備致仕官朱存輔等連名呈稱賊首龔福全高仲仁等雖蒙征剿黨惡猶存正德七年兵備衙門計將龔福全招撫給與冠帶設為搖官高仲仁等

給與衣巾設為老人未及兩月已出要路劫殺軍民

三

動輒百千餘徒號稱高快馬遊山虎金錢豹過天星密地峰總兵等名目正德十一年七月內流劫樂昌及江西南康等縣地方拒敵官軍後蒙撫諭將賊首高仲仁李斌給與冠帶重設搖官未寧半月一起八百餘徒出劫樂昌虜捉知縣韓宗堯殺人劫獄劫庫又一起二百餘徒打劫生員譚明浩等家一起六百餘徒從老虎峒等處出劫一起五百餘徒從興寧等縣出劫呈乞轉達請軍夾剿等因各報到臣看得前項盜賊惡貫已盈神怒人怨譬之疽癰之在人身若

不速加攻治必至潰肺決腸而攻治之方亦有二說
等因該本部覆題看所得所奏攻治盜賊二說大意謂
事權隆重若無意於近功而實足為攻取之幾征調
四集雖可以分咎而不免為地方之累窮究根本辦
析詳明言雖兩端意實有在合無本部行文就令差
來人賁回交與都御史王守仁悉依前項申明賞罰
事理便宜行事期於成功不限以時相機攻剿等因
具題節該奉

聖旨是欽此欽遵節經通行各省及各該道守巡兵
備等官一體欽遵勘處調集兵糧約會剋期相機攻

晉溪本兵數奏

書

剿以靖地方續據廣東布政司等衙門左布政使等
官吳廷舉等會呈奉臣并總督兩廣軍務兼理巡撫
太子太保都察院左都御史陳金鎮守兩廣地方總
兵官征蠻將軍太保武定侯郭勳案驗各准兵部咨
為地方緊急賊情及流賊攻縣殺人燒屋虜官劫財
事備行欽遵查勘計處呈報等因遵依會同都布按
三司掌印都指揮僉事等官歐儒等并嶺南道兵備
僉事等官王大用等議將應剿賊巢起調漢達官軍
土兵員名分定大小哨道監視把截進攻道路及合
用糧餉等項緣由備開呈詳前來叅者所呈軍馬錢

糧事宜悉皆區畫當已批仰該司查照仍候總
督等衙門明文至日施行隨據監督兵備僉事王大
用等各將進兵機宜呈詳到臣叅看兩廣總督總
兵等官雖已奉

命行取回京然軍馬錢糧調度方畧悉經區畫會有
成案本院見督官兵征剿湖頭等處叛賊未能親往
督戰除分兵設策督令江西兵備副使楊璋等四路
防截外仰各官務在查照原議上緊依期進剿毋得
遲疑參錯致誤事機一應臨敵制變俱在各官相機
順應若賊勢難為兵力不速或先離散其黨與或陰

晉溪本兵數奏

書

誘致其腹心聲東擊西陽背陰襲勿拘一議惟求萬
全軍門遙遠不必一一呈稟反成牽滯又經牌仰上
緊相機督剿去後今據前因除將各道呈報前項擒
斬首從賊人賊級共二千八十九名顆俘獲賊屬并
奪回被虜男婦五百四名口奪獲器械贓物一百三
十二件把牛馬八十三隻匹總計二千八百八名顆
口匹件把行仰各道徑送巡按紀功御史審驗紀錄
造冊奏繳外叅照大賊首高仲仁李斌吳玘等荼毒
三省稔惡多年敵殺官兵攻劫郡縣跡其姦計雖亦
不過妖狐黠鼠之謀就其虐焰乃已漸成封豕長蛇

之勢今其罪貫既盈神怒人怨數月之間克遂殲
雪百姓之冤憤解地方之倒懸此皆仰仗

天威廟堂有先勝之筭惟慳授折衝之謀賊徒破膽
將士用命之所致也臣等獲觀成功豈勝慶幸及照
巡按紀功御史毛鳳振揚風紀作勵將士既盡紀驗
之職復多調度之方比於常格勞績尤異僉事王大
用顧應祥等監統督調備効勤勞懋著經營之畧共
收克捷之功其都指揮王英歐儒知府姚鵬通判鄒
級莫相知縣李增李尊等或領兵督哨或追剿防截
類皆身親行陣具歷艱難均合甄收普加旌擢伏望

旨奉本兵部奏奉 聖旨 准

皇上既行大賞於朝復沛覃恩於下庶示激獎以勸
後功臣以凡庸無復多病繆膺地方之責屬征調四
出不能身親督戰然賴總督都御史陳金總兵官武
定侯郭勛等先已布授方畧諸將得以遵照奉行戮
力効死竟收完績真所謂碌碌因人成事雖無共濟
之功實切同舟之幸除別行具本請罪告病乞休外
等因者得都御史王守仁奏報征剿廣東樂昌等縣
平賊捷音內開擒斬首從賊人賊級共二千八十九
名顆俘獲賊屬并奪回被虜男婦五百四名口及奪
獲器械駐物牛馬等項奏稱巡按紀功御史毛鳳振

揚風紀作勵將士既盡紀驗之職復多調度之方比
於常格勞績尤異僉事王大用顧應祥等監統督調
備効勤勞都指揮王英歐儒知府姚鵬通判鄒級莫
相知縣李增李尊等或領兵督哨或追剿防截類皆
身親行陣具歷艱難均合甄收普加旌擢臣因征調
四出不能身親督戰賴總督都御史陳金總兵官武
定侯郭勛等布授方畧竟收完績臣雖無共濟之功
實切同舟之幸等因除都御史陳金武定侯郭勛及
巡按御史毛鳳功蹟於廣東鎮巡官報捷本內議擬
覆奏及有功監督等官僉事王大用等候紀功文冊

旨奉本兵部奏奉 聖旨 准

奏繳至日另行查議覆奏外查得今次廣東韶州等
府樂昌等縣報捷正係都御史王守仁該管地方本
官雖因南贛等處用兵未曾親詣彼地已經行文督
調及分兵設策督令副使楊璋等四路防截亦預有
勞况查王守仁前項本年三月內攻破曲潭等巢擒
斬俘獲三千餘名顆內大賊首池仲容等僭號設官
流毒三省一旦剿平厥功非細本部原擬乞將守仁
再加陞擢并於廢子百戶職級之上量加廢叙以酬
其勞伏蒙
聖旨王守仁已因功陞職了還賞銀四十兩紵絲二

表裏臣等竊以宗仁累建奇功各不相掩今止給賞似未足酬其勞若謂愛惜名器恐不宜施於守仁一人也今廣東又報前捷通倂論擬前後擒斬六千餘級恐難再泯其功合無將王守仁量陞俸級於先陞子百戶之上量加陞廕庶乎當其功人心悅服但恩典出自


朝廷臣等不敢擅擬伏乞

聖裁正德十三年十二月二十六日具題奉

聖旨是王守仁累有成功

一級欽此

晉溪本兵數奏卷十終



晉溪本兵數奏卷十一

張

張

張

盜賊初起則易滅勢已滋蔓則難圖此必然之理也正德間江西姚源華林諸處頑民恃險為盜有司專務姑息招撫遂至釀成大患殺死方面官剽掠郡縣

朝廷命都御史陳金治之調廣西狼兵始得撲滅後賊復起命都御史俞諫同巡撫都御史任漢處置或剿或撫議持兩端久而益熾卒之遠調保定達軍及遼東邊兵徃征始克平定江西用

晉溪本兵數奏卷十一

首

兵前後連五六年勞費無算此勢已滋蔓難圖之明驗也厥後徐九齡賊起兵部議奏乘其勢未猖獗急督捕之不數月擒斬盡絕此盜賊初起易滅之效也然欲所司除患未然非素假之以權則亦不能成功我

太祖高皇帝親經百戰深知兵機不可牽制遲緩所以律條明載若遇草賊生發許乘機調兵襲捕雖非統屬亦許互相策應及申報軍情互相隱匿不速奏聞因而失誤軍機坐以斬罪皆謹始之法也自徐九齡後本部申明隱蔽之禁假借

便宜之權江西盜賊遂得止息及寧藩叛逆不待天兵下臨江西四之兵自能平之而禍不遠延豈非申明律禁兵權素得所託而能速致成功如此哉

為地方事

看得江西地方事情先該給事中徐文溥奏要查訪有無欺蔽等因本部於正德九年十二月內奏行鎮巡官嚴加備禦一面行巡按御史徐讚查勘作急具奏又該巡按御史曹做奏稱江西建昌縣老賊徐九齡正德八年間帶同賊徒撐駕太船數隻經過蕪湖

手法云外數年

首二

不由抽分放火燒船往往原籍結聚日衆約計一千近聞九齡督領衆賊攻打奉新縣治有城難入將縣外房屋放火燒毀建昌縣聞知前來面諭九齡退回乞要馬上差人費文密付巡撫都御史訪探等因該本部議照前項事情江西鎮巡等官並不見奏報但徐九齡係江西舊賊本處各官不行處置隱忍不言今御史曹做特奏論之深為有見移咨巡撫都御史俞諫等密切查訪用計擒捕餘黨撫散以安地方近該巡按御史徐讚奏稱訪得徐九齡自弘治十三年聚眾為盜拒殺官兵流劫江湖至正德八年因乘船

撫之機率衆回鄉上年節與民人宋禹三等家互相讐殺焚屋掠財展轉報害官司畏怯姑從撫處冀圖苟安乞責俞諫剿捕密收成功若復因循聽伊糾劾等因本部又於今年閏四月內仍奏行俞諫計處外今俞諫等奏稱徐九齡節據該府縣并知縣周廣等申稱招撫安插不致為非又奏稱正德十年三月初二日據同知汪穎揭帖稟稱徐九齡知風於三月初八日夜由水路潛遊又奏稱醴源賊首顏曰春范仕誠等自恃丁多旗大與徐九齡夥合助勢為害見今立寨負固將有讐張雲明殺死祭旗又將雷家數人

晉漢林林林林林

首三

殺害又奏稱五月十八日申時徐九齡等各穿紅袴入醴源賊巢鳴鑼放銃吶喊殺豬祭賽勢甚猖獗除添調官兵相機進剿獲功另行具奏等因臣等參照江西巡撫都御史俞諫并都布按三司府縣衛所經該官負俱以凡庸濫膺委任有地方之責者猥瑣闕茸而撫字不知受總領之寄者因循玩愒而統叙無法彼處賊情給事中徐文溥奏稱姚源之賊未嘗遭挫畏懼衣食不繼必思劫掠乞要查訪劉暉功次有無欺蔽將都御史俞諫仍留巡撫巡按御史曹做奏要密行訪探處置本部自去年十二月至今節次奏奉

錄依行下剿捕已過半年而各官若罔聞知直至今年五月徐九齡逃走與醴源賊首顏日春等合夥殺人祭旗勢甚猖獗方纔奏來及奏稱知縣周廣等以該府官申稱徐九齡招撫安插不致為非不見將各官等問隱匿誤事情罪所據各官俱係互相隱匿軍情重事律該重治及照近年以來為因所在官司隱蔽賊情不早申奏捕滅以致滋蔓荼毒生靈動調軍馬耗損錢穀糜費萬計其隱蔽之人因循姑息未及查究以致各處做效互相隱匿恬不知懼如徐九齡等弘治年間為盜至今及攻打奉新縣燒房建昌縣

等處

首四

聞知勸回并去年警殺民人宋禹三等事情遠處之人尚且聞知慮恐釀成大患而江西官司並無奏達跡其存心惟欲延玩以宥己責不為忠謀以弭大患罪狀已彰實難輕貸伏望

皇上斷自宸衷特

勅巡按御史徐讚先查該府縣原申鎮巡衙門申文內說稱徐九齡招撫安插不致為非經該官吏捉拿到官差官牢固鎖押解京送都察院收問再將三司守備等官隱蔽徐九齡并醴源顏日春等賊情經該官負查勘明白分別情罪輕重上緊具奏定奪不許

仍前違延仍請

勅切責巡撫都御史俞諫鎮守太監黎安等俱受朝廷重託鎮撫一方不能宣布

恩威潛消奸宄臨事寡謀惟圖僥倖優游不斷首鼠兩端致盜崛起猝難撲滅論法即當械送京師明正其罪但係緊關用人之際姑令戴罪速會三司官計議選委本省內謀勇官員不拘文武職銜官秩崇卑或一二員或三四員調集堪用官軍兵快責令統領會合剿捕務要謀慮精審計出萬全罪人速得地方早安如或各賊奔逸出境勢已窮促聽其晝夜襲擊

等處

首五

毋致遠避亦不許輕率無備致墮賊計如有成功不惟准贖前罪尚有功賞別議若或不自悔悟致成大患

國典具在噬臍難及本部議擬未盡及干係重大事情星馳具奏定奪本部仍通行南京湖廣浙江南直隸兩廣等處鎮巡官員嚴督三司守巡兵備等官但係通連江西水陸道路嚴加把截設法擒捕遇有江西殺賊官軍到彼會合策應供給行糧料草不許自分彼此以致徐九齡等越過逃走一體究罪不輕貸但遇賊到隨即依律申奏不許隱匿正德十年六

月二十四日具題本月二十六日奉

聖旨是這地方隱匿誤事官員着巡按御史查勘明白指實參奏定奪還行文書與鎮巡等官嚴督所屬將各賊上緊擒剿務期盡絕若再因循怠玩釀成大患重治不饒江西接境地方把截緝捕等項都依擬行欽此

為剿平巨寇捷音事

該巡撫江西等處地方都察院右都御史俞諫等奏據兵備副使宗壘呈稱督發官兵設立民寨四路把截本年五月十九日忽有大賊首徐九齡等張打江

督漢奉天奏卷七

首六

西無敵大王旗號突入醴源鳴鑼放銃吶喊哨聚至次日三更徐九齡等兄弟黨與突來迎敵出戰將徐九齡截傷墜馬斬首碎尸餘黨擒斬盡絕內生擒三百六十五名斬首一百一十六顆俘獲賊屬妻男一百四十一名口等因該本部議照逆賊徐九齡等本

以朝廷赤子乃敢構亂逆

天僭稱王號荼毒人民以久通天誅惡貫滿盈今巡撫都御史俞諫乃能運謀設策申嚴號令鎮守太監黎安同心協力共圖安輯巡按御史徐讚激揚贊畫督

察有方各官功蹟理宜甄錄及照副使等官宗壘等各賢訓有方輸忠奮勇不避艱危并各該兵快大戶人等用命効勞及陣亡兵民死戰遇害俱合照例速加陞賞以勵人心合無本部移咨都察院轉行巡按御史徐讚將紀驗過功次并查過陣亡兵民姓名上緊造冊奏繳及行都御史俞諫會同巡按御史將副使等官宗壘等功蹟逐一查議等第一併具奏本部查照議擬上

請定奪通行陞賞及照直隸都御史鄧摩先奏建昌縣老人劉祥十五帶領家丁擒斬徐九齡等情節合

督漢奉天奏卷七

首七

無亦行巡按御史從公查勘果係劉祥十五為首擒斬徐九齡等盡絕明白回奏重加陞賞以服人心等因題奉

聖旨是這有功并陣亡人等及劉祥十五功次着巡按御史便查實奏來陞賞黎安歲加祿米十二石俞諫徐讚各陞俸一級宗壘等功績待查議至日來說欽此續該巡按江西監察御史徐讚奏稱會同巡撫都御史俞諫議得剿平逆賊徐九齡等功次承委統督設策調度督兵剿截副使宗壘之功居多率眾當先衝鋒破陣斬獲首惡同知汪頰之功為最其分布

抵截捕獲功多則知府嚴紘提兵犯險少到前鋒則知縣吳嘉聰親冒矢石協力追剿則縣丞何永清主簿蔣繡鄭迪各官功居其次督兵防截追擒餘黨則分守左叅政方璘分巡僉事李淳照磨楊汝和通判林寬縣丞楊宗明各官功亦可錄內吳嘉聰林寬楊宗明各有失誤事情僅堪贖罪乞要將宗璽汪穎等速加陞秩其餘有功人員量加賞勞一節切照逆賊徐九齡等積惡有年虐焰方熾今一旦根株盡絕地方安靖所據有功官員人等既該巡按御史徐諧會同巡撫都御史俞諫查議明白相應陞賞以勵人心

晉溪本兵數奏卷十一

首八

合無將功績最多副使宗璽同知汪穎各量陞二級功居其次知府嚴紘縣丞何永清主簿蔣繡鄭迪各量陞一級功亦可錄左叅政方璘僉事李淳照磨楊汝和各陞俸一級知縣吳嘉聰通判林寬縣丞楊宗明後雖有功先曾失事合無依其所奏准令以功贖罪俱免提問但查副使宗璽等俱係文職縱無殺賊之功論其年勞亦有轉陞之理前項擬陞職級尤恐不足以旌其異合無於各陞職級之外再量加賞以示甄錄各官又奏稱主簿袁瑤父子奮不顧身同死戰陣忠義尤為可憫要重為旌錄一節竊惟袁瑤係

縣佐卑官素無兵戎之寄而能射傷數賊乘勝追逐沒於戰陣逆賊由此失利被擒比與近日叅將陳乾縱放軍人收麥損軍失事未得虜一遺矢而蒙被恩典賜以祭葬者事尤有間合無將袁瑤亦照陳乾事例贈官廕子以示優恤庶服人心正德十一年二月十五日具題奉聖旨是這有功并陣亡等項官員宗璽汪穎各准陞二級嚴紘等各一級方璘等各陞俸一級吳嘉聰等既功可贖罪免提問袁瑤贈知縣還廕他一子送監讀書欽此

晉溪本兵數奏卷十一

為公務事

看得御馬監太監畢真奏稱先年都御史俞諫巡撫南贛等處一遇有警會同鎮守太監黎安動調人馬今都御史王守仁不行會同鎮守太監許滿誠非舊規乞要請勅前去會行所屬地方凡遇征剿遵照舊例以便行事一節先年為因廣東湖廣福建江西四省交界地方賊情各該鎮巡官員不能遙制以此議設都御史一員專在汀贛二府住劄凡事許徑自區畫便於剿除盜賊也其都御史俞諫巡撫南贛之時為因江西

腹裏流賊生發事有相干以此會同江西鎮巡官計議行事近日都御史王守仁征剿南贛地方強賊以此不會江西鎮巡官今若將南贛地方盜賊事情又欲會同江西鎮守太監方纔施行彼此牽制坐失事機不如將提督南贛都御史革去止令江西鎮巡官自行之為愈也况鎮守江西太監原奉

勅諭行事自有舊規並無另請

勅書會同南贛都御史事例若准所奏鎮守山西太監該請

勅會同巡撫大同都御史鎮守陝西太監該請

晉法本奏卷一

二

勅會同巡撫延寧等處都御史係干體統決難輕准合無本部行文提督軍務都御史王守仁今後遇有江西湖廣廣東腹裏地方盜賊嘯聚應該會合剿除或動調腹裡府衛州縣軍兵錢糧應與各該鎮巡官會議者仍照原奉

勅旨計議而行其南贛地方一應軍機事務遵照節次題奉

欽依事理徑自區畫施行不許推託因而失誤軍機

罪有所歸正德十二年十二月二十六日具題奉

聖旨是今後南贛二府如有盜賊生發還着調兵撫

剿仍馳報江西鎮巡官隨宜策應施行其江西報有別府賊情南贛巡撫官亦要依期遣兵策應俱毋得違誤各寫勅與他欽此

為地方賊情事

看得巡撫都御史孫燧巡按御史屠僑各題稱強賊吳十三等在於鄱陽湖駕船打劫公差人周詔及錦衣衛百戶張泰等將周詔童安洪隆保及軍兵傅鼎謝羅漢保殺死及將南康府都昌縣民袁榴等家劫殺人財燒毀房屋姦汙婦女參稱都指揮葛江指揮吳松千戶楊永通判陳且典史方汝實楊儒平自巡

晉法本奏卷一

三

邏罔知勤謹臨時撲捕又寡計謀俱合提問右叅政程果副使許遠職專巡守督理欠嚴亦合通究等因係干地方賊情查有前例及先該本部議擬題奉

欽依通行今奏別難定奪合無仍照本部原擬行文

巡撫江西都御史將該軍衛有司巡捕并都司捕

盜官住俸嚴督該道守巡官運謀設法定立限期將

前賊上緊挨拏務要得獲若過限不獲參奏處治仍

行巡按御史通查各該誤事及隱蔽賊情官員應提

問者徑自提問應參奏者參奏施行再照江西鄱陽

湖上通南直隸下通湖廣江西追捕緊急勢必他往

合無本部通行南直隸并湖廣各該巡撫都御史各行通連湖水去處該管官司設備把截相機擒剿如不用心致賊入境搶掠罪有所歸正德十三年七月三十日具題奉

聖旨是這軍衛有司并都司捕盜官都照依前旨住了俸着依限用心拏賊務要及時盡絕若過限不獲并將各該失事官員都提問參究了來說其餘事宜依擬行欽此

為嚴操備以固江防事

看得南京吏科給事中孫懋奏稱脩舉南京操江武備在擇將領揀兵卒利器用備船艦濬河港教水習

六事又在得其人重其任要將見管操江都御史任鑑罷黜別選風力素著大臣查照都御史王守仁提督事理重加委任脩復舊規一節議論切實謀慮深遠即今天下武備廢弛急宜脩舉而南京尤所當先今給事中孫懋所言若不著實整理見諸施行萬一賊寇竊發逼近南都倉卒無備必致誤事合無本部移咨南京兵部會同內外守備官并提督巡江操江都御史等官照依給事中孫懋所陳六事逐一議處著實舉行仍查議巡江都御史若欲照都御史王守

仁事例重其委任加以事權作何議處方得事體穩當并將舉行六事各開前件議擬明白上緊回奏本部再議上

請定奪其都御史任鑑應否罷黜移咨吏部查照具奏施行正德十三年九月二十一日具題奉
聖旨是這所陳事宜著南京內外守備并操江巡江官會議停當來說欽此

為地方賊情事

看得巡撫都御史孫燧等奏稱捕獲賊人葉喜六等三十九名口窩主袁三五等三十八名口分贓人葉

松五等十名寄贓人蔡召六等六名俱係賊首吳十三等同行上盜人數俱情犯真實追有贓仗明白別無異詞一節參照強賊吳十三等聚至百人以上殺人劫財拒敵官軍已該本部議擬具題奉

旨督捕今都御史孫燧等乃能嚴督守巡官參政程杲副使許遠等擒獲賊黨數多具見用心但賊首吳十三未獲合無本部行文孫燧嚴督守巡等官務將吳十三擒獲奏報准贖其罪若仍懈怠日久不獲聽巡按御史參奏究治正德十三年九月二十四日具題奉

聖旨是這未獲賊首還着鎮巡官嚴督守巡等官設法擒拏務要得獲不許怠玩欽此

為地方賊情事

看得建昌縣賊首吳十三等統領強盜八十餘人打破縣門殺人放火劫庫劫囚一節查得前項賊情已該本部節次具奏奉

欽依責限拏拏及行巡按御史將誤事人員查參具奏今彼處官司雖已擒獲賊眾數多其賊首吳十三尚未得獲却又備慮不謹以致吳十三復又聚眾強劫庫獄放火殺人若不嚴行督捕誠恐為患益深合

奏奉 聖旨 欽此

亦

無本部行文巡撫江西都御史孫燧等嚴督該道守巡捕盜等官運謀設法務將吳十三等日下得獲以絕禍端如果得獲准贖前罪若仍延玩致賊滋蔓難圖從重究決不輕貸仍咨都察院轉行巡按江西監察御史通將前後誤事有罪人員查參明白具奏處治正德十三年十月初八日具題奉

聖旨是這賊首未獲又復聚眾行劫該道守巡捕盜等官好生誤事便着巡撫都御史嚴督各該官員上緊用心緝拏務在日下擒獲以安地方若仍前怠玩從重治罪前後誤事人員還着巡按御史查參明白

來說欽此

為嚴操備以固江防事

看得南京守備太監黃偉等會同守備成國公朱輔協同守備西寧侯宋愷參贊機務兵部尚書喬宇將給事中孫懋建言嚴操備以固江防六事開立前件議擬明白及稱給事中孫懋所奏查照都御史王守仁提督事例重加委任一節未敢擅擬伏蒙

聖諭令臣等還再看詳了來說臣等謹將所議六事看詳明白各又開立前件議擬明白合無行令各官逐一舉行各另回奏不許虛應故事臣等又詳議得

奏奉 聖旨 欽此

亦

都御史王守仁係差出在外官員可以專制行事南京操江都御史係在京官已加有提督名日同事者有武職大臣比與王守仁事體不同况有內外守備重臣并參贊機務本兵大臣總統留都重務其操江都御史難以獨重其任合無請

勅一道齎付南京內外守備黃偉等并朱輔宋愷及專管操江南和伯方壽祥提督都御史劉玉將各營軍馬整點揀選如法操練沿江上下一帶專責方壽祥劉玉設法督委巡船認定地方輪流往泊往來巡哨遇有賊情一面截殺一面飛報黃偉等量事輕重

斟酌隘備巡船官軍敢有失於哨報以致失機比擬望高守哨之人失於飛報以致陷城損軍者律坐以斬罪若所報聲息重大先將原設操江官軍令方壽祥等統領相度江津要害去處設法拒守隨行大小教場并神機營官軍整點應援務使南京內外軍民沿江屯堡保固無虞斯副重託仍將防禦方略預先會議停當操演教習大振軍威臨期火速督發布置不至張皇失措如或故違致有驚擾國典具存必不輕貸正德十四年六月初三日具題奉聖旨是都准議行欽此

計開

一擇將領前件查得南京衛分軍職數多各營該用把總數少似不之人况查無外衛官調註京衛聽用事體擅難起例合無行移南京兵部查勘南京各營把總有缺如果京衛官員缺人推用不拘常例訪舉外衛相應官員具奏行取定委把總聽於京倉分俸關支養贍事故徑回原衛不必註調

一揀兵卒前件合無照正德七年例行移南京兵部會同內外守備等官再行揀選精壯官

軍先儘新江口官軍補足以備調用將選過軍數回奏查考其要優恤官軍一節緣軍人不得飽衣煖食豈能殺賊誠當優恤但天下軍人應得月糧并賞賜冬衣布花俱有定制難便增添合行南京戶部將各軍月糧布花務要依期支給各沾實惠及行巡倉御史嚴加禁約不許管隊人等冒支侵剋如遇下教場比較弓馬內有騎射精熟或武畧過人者聽提督操江都御史公同操江武職大臣量加賞犒以來激勸合用銀兩於南京兵部收

貯無碍官錢內動支造冊查考其各軍住宿窩鋪既稱舊有損壞合行南京兵部委官會同南京工部委官依擬脩理添蓋亦要回奏查考不許視為虛文

一利器用前件依擬驗看退換回奏查考外有江上應用火銃弩弓等項聽提督操江都御史等官從宜備置應用

一備船艦前件看得大戰船止有三百四十隻又五年一備十年一造却額外添選主事一員專管脩造未免官冗事少無用况南京各

部事簡原設部屬官自可無理及造船不完不在無官專管多因缺少物料及議得先年置造戰船軍多船大專為江中迎遇大敵之用今南京操江官軍數少止可兼習水步戰陣把截江津要口保障京城斯為得策若多造大船軍少不勾駕使又不可離京遠巡豈不徒費無用所以近年會議不必多造大船多造巡船以便巡哨誠為有見合無行移南京兵部會同南京工部各委官一員先將巡哨船一百隻脩理完備撥定官軍委官管

黃淮水兵募養卷下

十

領操演水戰仍定與地方令其輪流住泊往來巡哨遇有賊情一面飛報守備參將操江等官會議發兵沿江立寨拒守一面相機截殺若有前項巡船軍人不習駕船將正德六年招募壯勇水手查取充補照例給與口糧事畢之日將脩過船隻數目撥過軍人水手姓名回奏查考其大戰船待後有料另議選補

一濟河漕港前件合無行移南京兵部會同南京戶工二部計議如前項應脩巡船一百隻見

缺物料准於巡倉御史發下寄庫銀內量支轉辦物料脩理完報其餘依擬雇夫挑濟施行工完之日回奏查考

一教水習前件合無行移南京照依前擬查取正德六年奏准雇募壯勇水手應用如已放回行操江都御史依擬召募收發教習照例支給口糧工價回奏查考

為嚴謹門禁以杜不虞以固根本事

看得南京給事中易瓚奏稱地方飢荒奸謀不軌之流言日至都內軍民驚惶乞要從長計議轉行南京

黃淮水兵募養卷下

十

六科十三道選委素有風力給事中御史各一員不時點開關防奸細每朔望日期取具結狀守門官員賣放稍勒等弊指實奏問罪一節無非思慮預防之意不為無見臣等議得留都重務責在內外守備參贊重臣防奸禦侮當行事務不止嚴謹門禁一端且京城十三門亦非二三人不時巡點所能齊整但事遇疑難必須通議議處庶使人知警策有備無患見今南京內外地方災荒人心委的驚惶合無請勅內外守備參贊等官黃偉徐輔喬宇等遵守舊例嚴謹關防操練人馬振揚威武各門守把官軍務要

設法查點令其常川任門容寬縱擅離職役仍不為常例行南京科道每月輪差給事中御史各二員同南京兵部委官每月二次出其不意分投點閱如有不到官軍開行南京兵部拘提送問干碍守門軍職依律奏請取問以後地方豐熟軍民安業照舊其南京守備叅贊等官與科道官員務在用心協力共濟時艱不可自分彼此致生嫌隙如或乖違致有誤事國法公議必有所歸正德十四年六月初三日具題奉

聖旨便行與內外守備并叅贊等官知道欽此

為地方賊情事

看得巡按江西監察御史王金奏稱打劫建昌縣庫獄賊犯陸續拏獲七十餘名但賊首吳十三潛躲尚未就擒除嚴督守巡捕盜等官統率兵快密切挨拏一節緣吳十三率眾打破建昌縣門殺人放火劫庫劫囚情犯深重今奏雖稱嚴督緝捕誠恐日久怠玩致貽後患合無本部行文江西巡撫都御史巡按御史會同三司官督調軍兵爪探踪跡設法擒捕務要得獲其得獲賊首吳十三之人有官者陞實授一級仍賞銀二百兩無官者給授七品散官賞銀三百兩

賊夥內有能擒斬送官者照依常人一體陞賞數人共獲首賊為首者陞授官職為從者賞銀均分敢有將吳十三窩藏及指引躲避者依律治以重罪限半年以裏不獲巡按御史照依原擬將前後誤事有罪人負查叅明白具奏處治正德十四年六月初六日具題奉

聖旨是這賊首吳十三率眾打破縣門殺人放火劫庫劫獄情罪深重便着鎮守撫按三司等官督調軍兵設法擒捕速出榜曉諭各該地方軍民人等有能得獲首賊及夥賊內擒斬送官并數人共獲的分別

首從各依擬陞賞敢有窩藏在家及指引躲避的各依律治以重罪如限外不獲巡按御史通查前後誤事人負叅奏來說欽此

為緊急軍情等事

臣等會同太傅定國公臣徐光祚等議得南京內外守備太監等官黃偉等奏據九江守備署都指揮僉事楊銳呈六月十六日德化縣老人羅倫民人汪鳳飛報江西省城事變緊急九江衛舍人喬達報稱六月十四日將孫都堂壞了探報之人不敢進城一面會差人負前去彼處密切體勘至日另行具奏又奏

據舍人武安等口報六月十八日在於安慶府地方探得江西寧王船隻到於湖口將彭澤等縣放火燒毀大小船約有數百餘隻上下行往要來南京等情詳其所奏惟據羅倫汪鳳喬達武安四人口報不見九江安慶府衛官及彭澤縣官印信文書及稱體勘至日具奏即今未見奏到但既該南京守備參贊官連奏十分緊急軍情相應急為議處合無請命將官一員掛平賊將軍印充總兵官關領符驗旗牌挑選各營精銳官軍三千員各給賞賜銀兩布疋交兌正馱馬匹閱給軍火器械上緊前去

晉書本紀卷之七

十四

南京相機戰守再有的報就便會合征進再請

勅一道及閱旗牌八面副差人馬上齎與南和伯方壽祥挑選南京各項堪用精銳官軍專一統領遇警相機截殺應與內外守備參贊官計議者公同計議而行再請

勅一道差人馬上齎與南京工部尚書王鴻儒專一整理南京并南直隸地方及征進官軍合用軍餉或動支所在官司見在倉庫錢糧或將起運糧米截留務在處置得宜軍餉不乏凡事悉聽便宜而行前項平賊將軍所領征進官軍戶工二部以作急差官二員

先行沿途預備行糧運料槽鑪鍋釜等項到彼應付再各請

勅都御史王守仁秦金李充嗣叢蘭各選調堪用官軍民快親自督領王守仁於江西東南要路秦金於長沙醴陵縣及黃州府蘄州等處李充嗣於鎮江等處叢蘭於瓜洲儀真滁州沿江一帶地方各住劄把截相機行事王守仁仍委浙江布政司左叅政閔楷選募處州民兵統領定擬住劄地方聽調策應各官所領

晉書本紀卷之七

十五

警互相傳報會合策應相機剿捕再請

簡命堪任南方將官一員請

勅一道量帶參隨官軍星馳前去湖廣會同鎮巡官挑選官軍一同秦金前去通連江西要路住劄相機行事事頗寧息就令鎮守江西換與

制勅齎付欽遵行事事寧裁軍再請

勅一道齎付都御史王守仁不妨提督軍務原任兼巡撫江西地方前項所報江西軍情如果南京守備差人體勘再有的報聽前項領軍官出給榜文告示遍發江西地方張掛傳說曉諭但有能聚集義兵擒

殺反逆賊犯者量其功蹟大小封拜侯伯及陞授都指揮指揮千百戶守官世嚴賊夥內有能自相擒斬首官者與免本罪仍具奏乞奪量加

恩典不許乘機挾讐妄殺平人仍將前項事宜請

勅一道齎付南京內外守備叅贊官知會遵守其都督李昂馬澄各給旗牌六面副應用正德十四年七月十三日具題奉

聖旨這江西寧王謀為不法事情重大你部裏既會官議處傳當朕當親統六師奉

天征討不必命將先差安邊伯朱泰領兵為前哨徑

晉溪本兵數奏

卷一一

趨南京都城相機剿殺太監張忠左都督朱暉領兵撲江西省城搥其巢穴王鴻儒着整理軍餉其戶工二部差官二員已有旨差侍郎王憲并各部屬官就令上緊先行前去沿途預備行糧料草鍋爇槽鑪等項到彼應付前項官員不必再差江西湖廣蘇松廬鳳等處把截還着太監總兵都御史協同相機行事其各官所領勅內各備載調兵事宜互相馳報軍門湖廣通連江西要路住劄仍着彼處鎮巡等官相機行事其江西鎮守總兵官待地方事頗寧息之日另行議處王守仁暫且准行其巡撫江西都御史另行

推舉南廠防守事宜并出給榜文及方壽祥李昂等事情准議行各寫制勅與他欽此

為傳奉事

正德十四年七月十三日酉時該司禮監太監蕭敬等節該傳奉

聖旨一面前去浙江湖廣着落鎮巡等官差委的當人員各於通行路口嚴加把截預備官軍水手船隻并調漢土官軍各相機應援進剿一面前去河南着落鎮巡等官選調汝寧府信陽州光州羅山光山商城固始等縣熟慣扒山精兵民壯五千名差委的當

晉溪本兵數奏

卷一一

人員管領取路前去相機應援進剿欽此除把截路口預備官軍水手船隻并調漢軍另行外其調土軍一節未奉

明旨調取何處土軍查得湖廣永順保靖等處土軍自來征進猖獗苗賊方統調取正德七年調廣西土軍征江西流賊乘機搶劫為害地方見今永順保靖土官警殺甚問未結今要調來江西誠恐乘機生事致有他虞合無行令湖廣鎮巡等官止將本處衛所官軍揀選徵調把截策應及汝寧府所屬州縣民壯行巡撫都御史沈冬魁督同守巡等官親詣地方額

設民壯數內量數選取編成隊伍委官管領仍各給衣糧加意撫恤聽候明文調取不許有司官吏一聚編餘勾擾致有激變罪必有歸正德十四年七月十四日具題奉

聖旨湖廣官軍依擬行其揀選汝寧府民壯務足五千之數定擬住劄去處聽候調用欽此

為分理緊急公務事

看得左侍郎王憲奏要乞

勅各部選差能幹郎中各一員與先差東魯等分投兩路整理臣往來提調水陸並進所至不乏又稱官

軍征進事情緊急應不添官兩路整理伏乞

聖明定奪等因臣等議得即今安邊伯朱泰等前哨人馬先發必須陸路前去庶不遲誤合無令侍郎王

憲先差東魯等三員由陸路前去整理王憲亦從陸路隨後督理再於戶工二部堂上官內請

旨簡命一員請

勅欽遵行事仍隨帶部屬官三員前去水路整理庶

各分責任兩不妨誤正德十四年七月十五日具題

奉

聖旨是戶兵工三部各再差左屬官一員前去水路整

理只着王憲往來水陸提調欽此

為緊急賊情事

看得守備鳳陽太監丘得奏據守備儀真都指揮馬吳呈蒙南京內外守備票帖據舍人武安等口報江西省城事變等情乞要

簡命謀勇文武大臣督調人馬前去保障地方及暫留秋班官軍協守一節先該南京內外守備等官太

監黃偉等奏前事已該本部會多官計議請

勅巡撫淮揚等處都御史葉蘭等調集官軍前去瓜州儀真等處沿江一帶地方把截防禦外今奏別難

再議合無准其所奏將鳳陽等八衛所今年秋班官

軍暫留在彼防守候事寧之日仍發赴京操備正德

十四年七月十五日具題奉

聖旨是欽此

為十分緊急軍情事

照得江西地方節報事情緊急已該本部會多官計議命將征剿及請

勅湖廣蘇松南贛淮揚等處都御史調兵防剿外今照浙江地方與江西地界相連生元年江西流賊猖獗

曾差都御史陶琰在彼巡視乞

勅吏部照例會官推舉附近浙江素有才望諳曉兵畧官二員請

旨簡命一員巡視浙江地方兼官南直隸徽州一帶通賊去處選調本省官軍民快先擬參政閔措所領處州民兵於要害地方住劄相機戰守候

命下之日請 勅一道差人馬上賫付本官令其兼程前去欽遵行事合用

符驗開防并吏典家人俱照例開領撥給事寧之日裁革正德十四年七月二十一日具題奉

聖旨是巡視浙江地方官便上緊堆素有才望的兩員來看欽此

為飛報軍情急缺官軍防守事

看得鎮守河南太監劉璟奏稱會同巡撫都御史沈冬魁巡按御史王以旂喻茂堅議得江西事情緊急南京戒嚴河南與南直隸接壤防範尤所當急乞要將河南都司京營宣府大同秋班官軍暫且存留操守聽臣等調度保障地方一節合無准其所奏將河南都司原撥京營宣府大同秋班官軍俱暫且存留本處定擬住劄地方各令原領班都指揮等官統領操練嚴加鈐束點閱聽候有警從宜調用仍須按月

關與月糧撫恤得所不許故縱肅殺及科害不得安生逃走以致臨期誤事恭究治罪候事宣急照舊各赴京邊操備不許違誤正德十四年七月二十二日具題奉

聖旨是欽此

為飛報緊急軍情事

看得南和伯方壽祥都御史劉玉各奏江西九江府地方盜賊勢甚猖獗乞要 命將領兵星馳前去攻剿一節與南京內外守備太監等官黃偉等所奏大畧相同伏乞

聖明速發前哨安邊伯朱泰人馬上緊先去南京相機戰守及速降

勅書差人分投馬上齎送各該巡撫都御史王守仁等作急徵調水陸軍兵戰船火器等項會合策應乘機剿捕正德十四年七月二十四日具題奉

聖旨是這地方賊勢猖獗着前哨安邊伯朱泰人馬照前旨着上緊先去相機戰守還鋪馬賫文着各該巡撫都御史徵調水陸軍兵戰船等項會合策應欽此

為黨惡劫虜官糧船隻事

看得湖廣巡撫都御史秦金巡按御史毛伯溫奏稱
據運糧千戶蔣睿等呈前事江西吳城水次兌糧六
月十六日辰時分忽有黑座船一隻帶領小哨船百
有餘隻稱係寧王差來將帥熊內官將各處運糧官
綁打虜至樵舍驛開放分付各職十九日早領紅圓
領帶軍朝見給散軍器發哨等語十八日二更時分
偷身逃命回衛又據黃梅縣清江巡檢司飛報江西
強賊三四十名船隻百號馬匹數多自稱寧府各穿
紅皂號衣執持兇器住劄安營又據蘄州申六月十
九日承准九江府印信飛報江西西山盜賊突起聲

勢猖獗隨會案行委布政方璘僉事汪玉都指揮俞

事劉璋統領武左二衛官軍并起取民兵共一千員

名前去蘄州兼同本處民兵操備遏守及將正德十
三年見在充軍糧米搬入附近府州城內收貯以備
緊急支用奏乞大彰

天討速賜施行等因查得先該南京內外守備太監
黃偉等節奏江西事情已該本部會多官計議請
命將官領兵前去南京相機戰守及請

勅各該都御史李充嗣董蘭秦金王守仁等調集官
軍民快會合防禦剿捕等項事宜節該題奉

欽依朕親統六師奉

天征討不必命將先差安邊伯朱泰領兵為前哨徑
趨南京都城太監張忠左都督朱暉領兵撲江西省
城搗其巢穴欽此隨該本部議擬乞請

欽定征進官軍數目開給賞賜盔甲馬匹等項上緊
前去今湖廣巡撫巡按官亦奏前因事情緊急再不
可緩伏乞

聖明大彰

天討速發朱泰前哨人馬先行務在八月二十日以
裏到於南京傳播先聲宣布

威武龍服奸宄安定人心張忠朱暉相繼出兵搗其

巢穴仍乞作急寫

勅差人馬上分投星夜齎送都御史李充嗣董蘭秦

金王守仁南和伯方壽祥等各照會官原議題
准及傳奉

勅旨事理欽遵防禦剿捕一應用兵事宜悉聽便宜

施行正德十四年七月二十四日具題奉

聖旨隨駕征討官軍家將一千餘員名宣府延綏遼

東京操標下前鋒神機營等項官軍共五千五百餘員
名京操將楊玉管三千餘員名宋贊營三千員名

遊擊林睿管三千餘員名河間真保定遠官軍餘三千餘員名搗其巢穴都着上緊前去剿捕其餘俱依擬行欽此

為緊急軍情事

看得巡撫蘇松等處都御史李克嗣巡按直隸監察御史胡潔葉忠所奏與南京內外守備等官太監黃偉等所奏俱據楊銳呈報中間情節增減不同李克嗣胡潔葉忠今奏內俱稱據廣東客人張富船戶戚勝報稱六月十六日在鄱陽湖南康府地方被賊船將客商劫去財物殺傷人口南京守備等官奏內俱

香溪本兵數奏

書

無此情今奏內又稱據九江衛指揮使司申六月十六日二更時分據德化縣老人羅倫等飛報江西省城事變緊急南京內外守備等官奏內止稱楊銳據羅倫等口報亦無據九江衛通申緣由及南京內外守備等官前奏內稱舍人武安口報寧王船隻到於湖口將彭澤等縣放火燒毀要來南京今李克嗣等奏內亦無此情切緣各官口會奏俱據守備官楊銳呈報中間情節增減不一幸有可疑及看李克嗣奏內又稱今報前情干係緊急重務但稱探報之人不敢近城中間事體未審端的一面差人前去彼處密劫

體勘至日另行具奏九日可疑除防禦事宜已該本部會多官計議調發各路人馬相機行事再有的報會合進剿及欽奉

聖旨朕親統六師奉

天征討不必命將先差左安邊伯朱泰領兵為前哨徑趨南京都城太監張忠左都督朱暉領兵撲江西崇城搗其巢穴欽此欽遵通行外今奏別無議處但九江守備官楊銳告變自六月十四日至今已經一箇月都御史李克嗣當時差人前去江西密切體勘至今日又未見具奏中間恐有別情合無本部於在京

香溪本兵數奏

書

各衛選取慣能走馬諱勇軍職官二員給與火牌及雙馬關文令其晝夜前去沿途直抵江西探聽體察途中遇有警報審問的確就令所在官司具印信本差人星馳具奏本官到於江西地方體勘的報取具本處官司印信文書星馳回奏不許止憑傳聞輕信及在途遷延失誤事機如違治以重罪各該地方隱匿軍情官員移咨都察院通行各該巡按御史候事稍寧查勘明白作急奏擊解來京依律治以重罪不許故縱姑息正德十四年七月二十四日具題奉聖旨是欽此

為緊急賊情事

仰惟

皇上神謀睿筭周悉萬全即今朱泰張忠朱暉等各遵指授方畧上緊前去各路進兵江西地方腹背受敵罪人不日就擒大功可成矣臣等又慮即今秋高馬肥北虜便於馳騁之時京畿地方盜賊不時生發皆當預防况四方奏報事情月無虛日內有緊急事情俱要速 賜裁處今朱泰等既已奉

命前哨先行伏望

皇上居中制外持重馭輕待後再有警報另行議處

晉漢書卷之七

十六

正德十四年七月二十四日具題奉

聖旨近該南京守臣節奏宸濠悖逆事情朕當奉

天討賊已有旨行了恁各官正宜發奮討討以安宗社如何驟來諫阻不准今後敢有犯顏奏擾的朕必以大法治之該行的事恁部裏上緊發行毋致再擾欽此

為十分緊急軍情等事

看得南京內外守備太監等官黃偉等及巡撫都御史李克嗣各奏稱正德十四年六月二十七日酉時據守備九江都指揮楊銳 同安慶府知府張文錦呈

據水探軍人陳重報稱江西尋城山有南直隸湖廣南京等衛糧船交兌江西內官帶領賊徒將前各糧船盡行邀趕省城又有賊內官帶領賊船二百餘隻賊徒約有二三十在九江湖口等處江面分布遇有官民糧食捉邀江西壯丁收留差去爪探人役陳鸞止到吳城山康鸞止到九江對岸不得實信又據客人魏玉報稱賊徒叫言我王府七月初四日啓行先到安慶次下南京又訪有小船六十餘隻粧作買賣船陸續徑至儀真相聚要掘五堤儀真下閘俱有三府吊船江西亦無撫按三司行事爪探人俱不得

晉漢書卷之七

十七

入境南京兵仗等局內使陳宣等曾在江西逃出恐是先定之計院中樂工與江西大小院樂戶往來最厚恐有奸細通行查出行令各該衙門收拘外都御史李克嗣奏內又稱傳聞江西三司等官多被殺害其餘俱各囚禁要行分兵取路徽州水陸並進及稱蓄謀既久變詐多端南北水陸向往俱難逆料乞要從長議處保守安慶上流一帶以固南京藩屏先降榜文曉諭仍行各巡撫官如果各賊志在南京則請廬鳳都御史所屬兵將浙江處州等處官軍民兵前來協同戰守或固守巢穴肆出廣掠則調湖廣有

史秦金南贛都御史主守仁帶領荆楚閩廣八馬并
行操江都御史劉玉選帶南京直隸兵將前去應援
仍行浙江調兵往赴廣信府地方守把四面夾攻等
因又稱探報之人俱是未曾親至江西省城自聽其
言其間奸謀情狀向住進止消息未委端的除差的
當人負體訪至日另行等因臣等查得先該太監黃
偉等奏報江西事情已該本部會同多官計議請
命將官領兵前去南京相機戰守及請
勅各該都御史李克嗣葉蘭秦金王守仁等調集官
軍民快會合防禦勦捕等項事宜節該題奉

欽依朕親統六師奉

天征討不必命將先差安邊伯朱泰領兵為前哨徑
趨南京都城太監張忠左都督朱暉領兵撲江西省
城搗其巢穴欽此隨該本部議擬乞請

欽定征討官軍并先差朱泰張忠朱暉各領官軍數
目上緊前去具題外今各官又奏前因雖稱探報之
人未曾親至江西省城奸謀情狀未委端的但湖口
一帶賊勢縱橫已有顯跡必須及早發兵庶不誤事
伏乞

聖明大彰天討速發朱泰前哨馮先行務在八月

二十日以裏到推南京傳播先聲宣布

威武龍服奸宄安定人心張忠朱暉相繼出兵搗其
巢穴以後再有奏報量事緩急另行議處仍乞作急
馮勅差人馬上分投星夜賁送都御史李克嗣葉
蘭秦金王守仁南和伯方壽祥等各照會官原議題
准及傳奉

初旨事理欽遵防禦勦捕中間水陸戰守合用軍馬
船隻等項事宜悉聽各官運謀區畫便宜施行其儀
真瓜洲間堪行都御史葉蘭催調守備石堅上緊前
去公同儀真守備督同府衛等官搜捉奸細嚴加防

守正德十四年七月二十四日具題奉

聖旨是湖口一帶地方賊勢縱橫既有顯跡朱泰前
哨人馬上緊前去南京防守剿殺張忠朱暉相繼出
兵搗其巢穴其餘依擬行欽此

為十分緊急軍情事

看得巡撫河南地方右副都御史沈冬魁及巡撫御
史王以旂喻茂堅各奏據守備歸德署都指揮石堅
呈稱蒙守備鳳陽太監立得牌仰整搦所部人馬并
敢勇家丁人等定限七月初六日前赴鳳陽衛護乞
要查照本官原擬責任照舊守備若果該調用暫委

奉都司謀勇官一員提督控制一節近該南京內小
守備太監黃偉等奏報江西事變沿江一帶地方并
儀真開堤係干運河要津乞王發軍防禦已該本部
會議行都御史叢蘭等徵調軍兵沿江把截及調歸
德守備署都指揮石堅前去專一防守儀真瓜洲二
堤外今奏要留石堅照舊守備歸德難准合無令沈
冬魁等上緊督發石堅前去儀真防守不許時刻阻
誤其歸德地方聽河南鎮巡官暫委相應官員代管
正德十四年七月二十四日具題奉
聖旨是石堅著上緊督發前去儀真地方不許阻誤

欽此

為傳奉事

正德十四年七月十三日酉時該司禮監太監蕭敬
等節該傳奉

聖旨仍着兵部馬上賞文一面前去着落各該軍衛
有司預備馬匹船隻并一應利於水戰器具及水陸
熟知鄉道水手等項人役俱聽軍前應用再於河南
選取久慣會水水手二千名調赴淮安伺候聽用欽
此欲便遵依馬上差人賞文前去但未奉有
明旨經過何處水陸道路着落何處軍衛有司各預

備馬匹船隻若干及利於何處水戰器具孰知
何處水陸鄉道水手等項人役誠恐行文不明
臨期失誤及訪得南北江河駕船水手各習知
本處水勢若令河南黃河水手前去江面駕使
船隻恐難應用况一時選取二千名誠恐緩不
及事伏乞

明旨開示經過水陸道路合用馬匹船隻數目
以便通行遵守其合用水手裏河於沿河一帶
取用江上於鎮蘇常三府取用俱量定數目聽
左侍郎王憲行委工部屬官預先處置聽用正

欽此

德十四年七月二十四日具題奉

聖旨裏河及江上水手各依擬着王憲調取務
足二千之數應用欽此

為速出師以固重地慎選將以戡亂本

事
看得御史蕭淮奏稱近聞六月十三日叛軌已
發十四日首誅撫臣十八日燒彭澤縣乞要速為
命將出師乞

勅道事衙門將潛住京師探報事務之人訪察擒拏
及行沿途水陸官司設法盤詰一節近該南京內外

守備等官太監黃偉等據九江守備署都指揮楊銳呈據德化縣老人羅倫等口報江西事情正德十四年七月初十日節奉

聖旨這所奏事情兵部便會多官議了來說欽此當於本月十一日會同五府六部都察院通政司大理寺六科十三道官將調兵征剿等項事宜計議明白具奏奉有

欽依及節該傳奉

聖旨內事理俱各欽遵通行外今奏別無議處其奏要行緝事衙門訪拏潛住之人及行沿途盤詰一節

晉溪本兵敷奏卷十

三十一

合無依其所奏施行正德十四年七月二十四日具

題奉

聖旨是潛住探聽之人着緝事衙門用心訪拏并着沿途水陸官司設法盤詰欽此

為十分緊急軍情事

看得南京內外守備司禮等監太監等官黃偉等奏稱正德十四年六月二十六日該巡按直隸監察御史胡潔呈據安慶府呈報本月二十一日據機兵白玘等并二十二日據軍人張景各稟報自九江地方回還被虜走出親見九江城破賊人搜印與官乞要

命將率領邊軍兼程前來仍催促行取官兵併力征討一節近該南京內外守備參贊等官太監黃偉等節次具奏該本部會多官計議調兵征剿等項事宜具奏奉有

欽依及欽奉

聖旨朕親統六師奉

天征討不必命將先差安邊伯朱泰領兵為前哨徑趨南京都城相機剿殺太監張忠左都督朱暉領兵撲江西省城搗其巢穴欽此欽遵通行外今奏別無議處正德十四年七月二十四日具題奉

晉溪本兵敷奏卷十

三十二

聖旨是欽此

為緊急軍情等事

伏乞

上裁將征討官軍并先差朱泰張忠朱暉各領官軍數目及征討官軍并前哨官軍各給與賞賜銀錢兩布幾疋俱乞早

賜明示轉行各該衙門上緊關領賞賜軍器及應付廩給口糧料草等項庶不遲誤合無再差給事中御史各一員請

勅先同朱泰等前去紀功仍聽左侍郎王憲總管紀

驗正德十四年七月二十四日具題奉

聖旨隨駕征討官軍家將一千餘員名宣府延綏遼東京操標下前鋒神機營等項官軍共五千五百餘員名京操參將楊玉營三千餘員名宋營營三千餘員名朱泰統領延綏副總兵朱鑾營三千餘員名參將瞿江營三千餘員名大同參將陳鈺營三千餘員名為前哨張忠朱暉統領遼東參將蕭澤營三千餘員名遊擊林睿營三千餘員名河間真定連官軍餘三千餘員名搃其巢穴每人賞銀五兩布二疋都着上緊照數關領給散其給事中御史各差二員隨同

晉書卷之七

書中

晉書卷之七

三十五

朱泰張忠朱暉前去紀功仍聽王憲總管紀驗欽此

為調取京操人馬事

查得順天府所屬州縣寄養馬匹見在數少及今年各處該解馬匹多未解到為因征進見今各起官軍不時交兌馬匹未有定數相應急為議處預備合無本部行文太僕寺將順天等府寄養好馬量數調取及將保定等府所屬州縣原養種兒好馬先儘近京地方調取二千匹行令點馬少卿并分管寺丞坐委管馬官責限上緊解京敢有遲誤依律治以重罪誠恐所在官司不聽寺丞催理再行各該巡撫都御史

差人分投守催其宣府調來缺馬官軍若在居庸關交兌誠恐兩相耽誤合無待候到京之日交兌伏乞聖裁正德十四年七月二十四日具題奉

聖旨是欽此

為預處兌軍馬匹事

查得先因左侍郎王憲咨要本部行兩京太僕寺分管寺丞將寄養并備用及種兒騾馬先期調取經過府州縣伺候換補開無經過道路咨回查報今侍郎王憲回咨若由中路往高陽等處直抵山東德州若由西路往慶都等處直抵臨清一帶二路所由既未

一定若調往東必誤於西若調往西必誤於東况保定以南原無寄養馬匹其備用馬匹又多嚴限解京止有種兒騾馬又恐不堪騎征况未定有日期若不計議停當開示明白一槩混行分管寺丞催逼小民分路牽趕赴軍交兌不惟負累民苦抑恐耽誤軍期及照各項征進官軍發行之時俱已兌有正馱馬匹沿途不過恐有生病倒死數亦不多合無行令侍郎王憲會行領軍官沿途遇有倒死馬匹就令所在官司相視收貯皮張及有生病馬匹亦就寄留所過官司喂養各於所在官司取兌不分備用種馬及里甲

馬俱准兌換若所過官司馬不勾兌聽於隣近州縣取兌單日各聽分管寺丞查明備行兩京太僕寺造冊繳部查弄開銷仍將交兌過總數具奏務要一馬兌換一馬不許乘機混亂抵換並責如違聽各該巡按御史舉奏究治正德十四年七月二十七日具題奉

聖旨是欽此

為兌給馬匹事

查得安邊伯朱泰部下所統徑趨南京三營官軍共九千員名在於保定府住劄候兌馬匹未知缺少正

晉溪本兵數奏上

三十一

馬若干其馱馬若以三人一匹計之該用馱馬三千匹欲行太僕寺查勘附近保定府州縣未起解備用馬匹儘數存留就彼交兌大約以四千匹為則如不足數於見解到備用馬及取到寄養等項馬內湊數撥發前去交兌仍行該管寺丞督同府州縣掌印管馬官查照兌給前項官軍數內退下不堪馬匹就發相應州縣寄養聽候議處事畢之日備細造冊呈部定奪正德十四年七月二十七日具題奉

聖旨是欽此

為十分緊急軍情事

得衣監黃偉等奏據守備都指揮楊鏡呈六月二十七日賊船到安慶府放火攻圍府城人少力孤乞要督發京邊官軍及各路民兵各請

勅一道差人星馳催促前來併力征剿一節臣等料得賊船六月二十七日已到安慶至今將及一月若不急催京邊官軍前去誠恐賊到南京攻圍豈不誤軍機伏望

皇上急命朱泰前哨人馬三五日內啓行仍乞速降勅書差人分投星馳責送各該巡撫都御史交割調集各路民兵會合擒剿庶不悞事正德十四年七月

晉溪本兵數奏上

三十一

二十七日具題奉

聖旨是着朱泰八月初三日起行統領前哨人馬上緊前去調集各路人馬會合擒剿欽此

為緊急軍情等事

看得河間真保定達官軍舍餘三千餘員名合無馬上差人賁文交與巡撫保定等府都御史伍符即便督同參將盧英并管達官都指揮柴鏜安欽孔璋等將所管達官軍餘揀選精銳堪戰三千餘員名就令柴鏜安欽孔璋充為千總各分統領合用馬匹就於附近州縣寄養及該解備用馬內取數如不足數聽

將種馬騾撥查甲軍器亦於所在官司見收貯及該
解京軍器內取用本部仍行太僕寺速行分管寺丞
會同都御史伍符查撥及咨工部行差去屬官并保
定等府各查照給撥俱不許推託遲誤如有故違以
致失誤軍期聽領軍官叅奏治以重罪前項真保定
河間達官軍餘合用賞賜布疋行文戶部交付差去
屬官押運到彼給散正德十四年七月二十八日具
題奉

聖旨是保定達官軍餘着伍符盧英整點齊備待太
監張忠都督朱暉到彼挑選三千餘員名就令柴鏜

查案并奏奉

奉

安欽孔璋充為千總統領前去征剿馬匹賞賜等項
俱依擬行欽此

為斷大義除大逆以安 宗社事

看得南京六科給事中孫懋等十三道御史熊允懋
等各奏江西反逆事情要本部會議推選憲臣武將
及今附近南贛都御史王守仁湖廣都御史秦金江
西南直隸等處巡撫等官出榜召募義勇寬釋脅從
等因無非欲正大義行

天討早除暴亂奠安

宗社之意與本部會官議奏及節次議處題奉

欽依事理相同雖已次第施行合再申明合無本部
將各官所言事理通行南京各衙門及南贛湖廣江
西江北直隸各該巡撫巡按等官查照節次奉到
勅旨及黃榜內事理欽遵并令給事中孫懋等御史
熊允懋等所奏事理依擬防剿施行如有違慢失事
咎必有歸正德十四年八月初一日具題

為緊急軍情事

看得鎮守山東太監黎鑑等奏報江西寧府反逆事
情與南京內外守備太監黃偉等節次奏報相同其

查案并奏奉

奉

征進事宜已該本部會官議奏節奉

勅旨統兵征討及通行各該巡撫都御史調集官兵
會合勦捕外今鎮守山東太監黎鑑等亦奏要議處
人馬防禦緣江西離山東雖遠思慮預防未為不宜
臣等仰惟我 朝大
封同姓不許臣庶訐王過失所以篤親親之誼為夾
輔之圖豈期寧王恃
恩驕恣之行不義故違
祖訓招誘叛亡一旦舉兵北向殺害守臣都御史孫
燧等守死不屈安慶守備楊銳知府張文錦拒敵固

守遇其先鋒饒州廣信等府官員聞警設備無一人肯從都御史李充嗣秦金王守仁叢蘭并太監丘得等各路調兵把截防禦南京守臣盡心區畫設備防守差人飛報不止一次今山東鎮守巡撫巡按官亦奏設備天下臣民雲合響應皆以討賊為急此皆聖祖神宗深仁厚澤在於人心及我

皇上德惠及民神武布昭之所致也今既恭行

天討大兵四集僭亂削平指日可待合無本部通行南京湖廣江西浙江南直隸河南山東等處各該鎮

巡三司等官調集官軍兵快相機戰守務保無虞一

單

應事宜雖當以供輸調發為急尤當以撫卹安輯為先事寧之日各該巡按御史將死節忠臣陣亡義士及運謀設策保城殺賊有功官員具實奏

請旌表褒贈陞賞懷奸不忠退縮誤事人員指實劾奏究治正德十四年八月初一日具題奉

聖旨是宸濠大逆不道神人共怒都御史孫燧副使許逵等守死不屈忠義可尚南京守臣盡心區畫協力防守南直隸湖廣山東河南各該鎮巡等官或調兵把截或先事預防安慶守備知府及江西各府縣

官員或遇其先鋒或聞警設備皆推誠體國以討賊為急朕心嘉悅你部裏便馬上差人通行與他每知道着相機戰守務保無虞尤要撫卹貧窮安固邦本待事寧之日着各該巡按御史具實陳奏死節陣亡及運謀設策保城殺賊有功的旌表褒贈陞賞各依擬行其懷奸不忠退縮誤事的從重治罪欽此

為添設官員以保安地方事

看得巡按直隸監察御史葉忠奏稱蘇松常鎮四府濱連江海武備廢弛先年曾設兵備副使謝琛住劄大倉州今據九江等處報稱強賊吳十三等江上劫

掠勢甚猖獗比之謝琛之時尤為可慮乞從長議處

單

照舊添設兵備一員前來鎮江府住劄整飭四府武備一節查得蘇松常鎮四府原無設有兵備副使正德七年暫設謝琛兵備不久都御史王緝具奏裁革今江西事變鎮江係是南北襟喉相應設備但要仍設副使恐一時不能得用如江西九江見有兵備副使曹雷九江城破曹雷不知所在是其明驗查得添設漕運參將陳璠昔謀勇可用近年都御史陶琰巡視浙江調用陳璠殺賊有功奏保堪用即今江南運道多梗已馮准者自有參將王玉王佐二員准備

整理合無請

勅一道資付公將陳璠不妨原任上緊前去分守鎮常蘇松地方會同巡撫都御史選調各府衛州縣官軍民壯處給口糧器械加意撫恤如法操練相視要害地方隨宜住劄相機戰守務在設法運謀保障地方不許寡謀輕忽致賊占據合用符驗旗牌照例請給事寧之日具奏裁革正德十四年八月初一日具題奉聖旨是陳璠着不妨原任上緊前去分守鎮常蘇松地方馬勅與他欽此

李漢本奏議類

中三

為會議陞賞則例事

查得正德五年八月內太監張永督軍平定寧夏反逆寘鐫及奏誅逆賊劉瑾二功兄張富弟張容俱陞封伯爵平定寧夏反逆寘鐫副總兵仇鉞封伯爵總兵官署都督僉事楊英陞三級都指揮鄭卿陞二級下手擒安化王寘鐫為首寧夏衛總甲姚幹陞二級為從軍人雷志等三名俱陞一級下手斬獲與寘鐫首謀儀賓夏琳等為首寧夏衛正千戶白鶯陞二級為從總甲陳通等陞一級擒獲與寘鐫首謀何錦為首靈州千戶所百戶馬聰擒獲首謀丁廣為首寧夏

右屯衛左所總甲陸華俱陞二級為從軍人毛禮等

七名軍人李全等六名俱陞一級擒斬與寘鐫何錦等共謀反逆一名顆者為首陞一級為從加賞又查得大明會典內開載成化十四年中明陞賞功次事例內地反賊一人擒斬六名顆陞一級至十八名顆陞三級驗係壯男與實授幼男婦女與十九名以上并不及數者俱給賞其功次須驗不係一日一處者方如前例若係一日一處之數止擬一級其餘給賞擅殺平人報功依律處死本管將官頭目失於鈴束者問罪輕則降級調衛重則罷職充軍正德六年會

李漢本奏議類

中三

官計議征勅流賊事例一人就陣擒斬從賊一名顆者賞銀五兩二名顆者賞銀十兩為從者俱量賞三名顆者陞賞級一級世襲六名顆以上止陞賞級二級世襲不及三名顆并不及六名顆者除陞一級外俱扣算賞銀數內原無職役軍民人等不願陞者每三名顆該陞一級不願者賞銀十五兩六名顆該陞二級不願者賞銀三十兩為從者俱給賞緝獲者俱不在此例一人為首二人三人四人五人為從共斬賊級一顆者共賞銀五兩均分陣亡者陞賞授一級世襲不願陞者賞銀十兩重傷回營身故者陞署一

級當先被傷者給賞臣等議得寧夏實錄與江西宸濠謀反雖同實錄初發即滅未曾大舉宸濠舉兵四出攻燒郡邑殺掠軍民竊據江道阻礙糧運震驚中原動勞王師罪大惡極又非實錄之比今大軍征進若不重懲賞格無以速收成功臣等謹遵欽奉勅旨將獲功官軍陞賞則例參酌前例分別輕重等第逐一議擬明白伏乞
聖明裁定候
命下之日備行紀功官查照紀驗造冊奏繳至日兵部會官再議奏

晉溪本兵敷奏

四

請陞賞中間領軍等官有能運謀設策擒斬首賊解散餘黨建立奇功平定地方今擬則例該載不盡者臨時奏
請大加陞賞不拘此例臣等又議得此舉惟以滅賊為主若部下之人貪功妄殺玉石不分不惟傷天地之和召致災異抑恐失百姓之心又生反側合無行令紀功巡按等官用心察訪如有前弊指實劾奏及不在陣前擒斬但係緝捕零賊難以辨驗者俱不許徇情一槩紀驗造冊冒濫爵賞有虧公道如違聽臣等劾奏治罪

計開

一領軍內官將官并提督巡撫等官督領官軍擒斬宸濠者俱封侯下手擒斬宸濠者陞五級本管千總官陞三級把總官陞二級管隊官陞一級
一領軍內官將官并提督巡撫等官督領官軍擒斬隨從宸濠反叛宗室親王人等及隨從宸濠反叛率眾主謀各項用事大首惡劇賊每一名額陞一級武官至左都督正一品而止文官至從一品而止原係伯者五名額以上進封侯原係左都督者五名額以上進封伯不及數者每一名額歲加本色俸米一百二十石下手擒斬大首惡劇賊者每名額為首者陞三級為從者陞二級本管千總官每名額陞二級把總官每名額陞一級管隊官每名額賞銀二十兩二名額三名額各加賞四名額以上各通陞一級其擒斬大首惡劇賊務查原係主謀用事有實跡者方准不許將無名賊首一槩充數紀錄

晉溪本兵敷奏

四

一領軍內官將官并提督巡撫等官督領部下官軍擒斬反叛從賊二百名額以上陞一級四百名額以上陞二級若部下有擒斬首謀劇賊者從重論

陞隨伍旗軍人等就陣擒斬賊三名顆為首者
 陞一級六名顆陞二級而止為從者俱給賞須驗
 不係一日一處者方准若係一日一處之數止擬
 陞一級其餘給賞就陣擒斬賊一名顆為首者
 賞銀五兩二名顆為首者賞銀十兩為從者俱量
 賞若一人為首二人三人四人為從共擒斬賊
 一名顆者不分首從賞銀五兩均分前項擒斬從
 賊務在陣前擒斬者方准緝獲者量賞不在此例
 擒斬幼小賊級一名顆者量賞二名顆以上俱加
 賞

晉漢宋集類卷之

四

一陣亡者陞實授一級軍民人等原無職役不願陞
 者賞銀十五兩優卹其家

一陣傷回營身故者陞署一級原無職役不願陞者
 賞銀十兩

一奮勇當先被傷者驗實造冊照依舊例給賞
 一前項軍功擬陞官職俱世襲

為飛報地方謀反重情事

看得提督南贛等處軍務右副都御史王守仁奏要
 將致仕都御史王懋中見任知府伍文定授以緊要
 職任責其拯溺救焚及將副使羅伯等從權委用又

稱江西寧府逆謀既著若北趨不遂必將還取兩浙
 南擾湖湘若不即為控制急遣重兵必將噬臍無及
 乞要於見任知府等官陳槐等數內推補本省方面
 知府兵備等官速令供職有城守之責者各量陞職
 銜重其權勢使可展布又奏照舊收取益商諸稅及
 借支兩廣軍餉銀一十餘萬以資軍用等因臣等議
 得王守仁正往福建處置軍亂事情遠邁宸濠事變
 天助其順住守吉安調集兵糧號召義勇率其舉動
 使進不得前搗其巢穴使退無所據臣等官初議
 請

晉漢宋集類卷之

四

勅王守仁率兵自南而進正為此意今果然矣除推
 補官員借支軍餉吏戶二部查覆外其要將江西方
 面知府兵備等官重其權勢使可展布一節除兵備
 官奉有

勅書行事其方面知府內有城守之責可以委用者
 合無悉聽王守仁責委或調集義勇相機剿殺或整
 點民兵固守城池但凡一應用兵事宜從宜定奏事有
 相干大小衙門官員不分軍衛有司悉聽節制調遣
 敢有故違不服阻誤軍機輕則量情責罰重則具呈
 都御史王守仁處文職五品以下軍職指揮以下就

便率問奏

請發落事寧之日俱照舊其福建事情行鎮巡官就
彼勘處王守仁不必前去正德十四年八月初三日
具題奉

聖旨是欽此

為請給兵糧以濟急務事

看得巡撫鳳陽等處右都御史叢蘭奏要通將所屬
京操官軍盡行存留分撥沿江要害去處戰守及要
存留解京馬匹本處官軍騎征一節查得叢蘭巡撫
地方京操秋班官軍二萬七千一百餘員名內鳳陽

等八衛一所秋班官軍共八千一百四十員名已存

留本處防守今又奏要盡數存留難以通准合無再

准將近滁州衛秋班官軍三百八十一員名廬州衛
秋班官軍四百五十七員名儀真衛秋班官軍四百
二十九員名揚州衛秋班官軍一千三十七員名共
二千三百四員名與鳳陽等八衛所先存秋班官軍
八千一百四十員名共一萬四百餘員名俱暫存留
本處聽叢蘭等從長計議以近就近分撥沿江一帶
把截防禦如有不敷查得鳳陽等衛所京操春班官
軍止有一萬四千八百二十五員名內有到京者即

今下班回衛未到京逃回者數多俱在原衛所冒支

月糧藏躲影射即次奏行巡撫等官提解因循不理
俱未解報合無行令叢蘭嚴督該管衛所先將春班
逃回及未到官軍拘點齊備姑記其罪各委謀勇官
員統領分撥沿江防禦如獲有功准贖前罪如再逃
躲失事將領班官解京從重治罪軍人解京送問補
班前項存留秋班官軍但遇事寧即便督發赴京操
倘不許假此延緩致誤京營差操重務及照今年備
用馬匹見今征進官軍急缺馬匹交兌難准存留況江
賊舍舟就陸未必便有馬騎沿江去處亦宜用步兵

於通津道路防守及查近該南京兵部將南直隸滁

州等處種馬調取三千前去應用見在者又要預備

京軍經過例死馬足交兌今叢蘭等若用馬足令無
聽本官於本處種馬或里甲馬匹內重取一二百匹
以為探報傳令之用其該解京備用本折色馬匹務
要催督上緊解京以備緊急充軍之用不許假以奏
留為詞延緩誤事外必有歸其奏要將漕運米截留
二千萬石并將運司查盤及年例解京銀兩俱留本
處預備軍馬支用一節合行戶部查議覆奏定奪正
德十四年八月初三日具題奉

聖旨是欽此

為飛報賊情事

看得知府張文錦奏要早為

命將出師則巢穴易平多留援兵住劄則喉吭易守再乞將九江衛人船未到免軍糧米本府倉收貯聽候支銷等因查得江西叛逆賊情見蒙

皇上親統六師征討及先

命安邊伯朱泰前哨先行外及查先該本部會官計議題准合用軍餉聽將一應起運錢糧截留今奏要存留九江府免軍米供軍相應依擬合無戶部再行

書奉本兵奏卷第

五十一

督理軍餉侍郎李允嗣依其所奏存留撥納以備軍餉及看所奏多留援兵住劄喉吭易守一節查得九江安慶等處地方內拱南京外控江右切近江湖盜賊淵藪之地所以近年議設兵備於九江守備於安慶專為此故柰何兵備副使所管原無兵馬在外省九江尚不能行在南直隸畿內豈能行事及守備都指揮在於安慶駐劄江西地方軍衛有司俱不聽其約束所以近日九江兵備副使曹雷監免不在致陷孤城安慶守備署都指揮楊銳僅能竭力保守一城不能迎遏九江賊鋒今欲多留援兵住劄莫若添設

參將京職重其事權調兵集糧大脩武備庶可壓服人心絕除後患及照守備署都指揮僉事楊銳知府張文錦平昔既有才名屢經薦舉臨事又能見於施為著有成效必須就近委用庶可速收成功合無將楊銳量陞實授都司官職改充參將名目令其分守安慶池州太平徽州寧國及交界江西九江饒州湖廣黃州蘄州等處地方提督軍衛掌印巡捕等官脩理城池整飭器具操練官軍舍餘人等緝捕沿江并鄱陽湖等處盜賊保安軍民再將知府張文錦照副使陳天祥事例量陞在京四品京職提督前項安慶

書奉本兵奏卷第

五十一

等處地方軍衛有司修理城池撥給軍器操練官軍民快處置錢糧禁革奸弊所管軍衛有司官及軍民人等有違慢不服調度誤事者輕則文職六品以下就便拏送所在官司問罪五品以上并軍職參奏施行一應戰守事宜均銳與張文錦公同計議停當而革其楊銳張文錦係城拒賊功蹟候賊平之日紀功等官查勘明白另議陞賞正德十四年八月初四日具題奉

聖旨是楊銳陞實授都指揮僉事充參將張文錦陞

太僕寺少卿各依擬分守提督都寫勅與他其保城拒賊功蹟并各該有功之人待賊平之日查勘陞賞欽此

為緊急軍情事

看得巡按御史胡潔奏九江兵備副使曹雷先期出城九江衛指揮僉事許鸞九江府知府汪穎棄城先走失陷城池要行提問一節見今江西事情未寧合無行令曹雷汪穎許鸞俱做為事官聽都御史李充嗣調遣戴罪殺賊果能建立奇功准贖前罪如事寧無功就将各官差人解京奏請送問正德十四年

青溪本兵敷奏卷一

五十三

八月初五日具題奉

聖旨是曹雷許鸞汪穎且不提都降做為事官戴罪殺賊果有建立奇功准贖前罪如事寧無功擊解京依律重治欽此

為地方緊急軍情事

看得江西吉安府知府伍文定奏稱六月十七日聞人傳說寧王將孫都御史許副使斬首集今本月十八日伍文定留回都御史王守仁至吉安督同伍文定等并約會致仕都御史王懋中等集兵固守俟集而發一節查得王守仁素知兵法初任巡撫南贛江

漳等府地方荷蒙 朝廷假以提督軍務之權遂能召募義勇平定猖賊今寧王反逆內外遠近議者皆知王守仁提兵江西足可倚恃已蒙降

勅本官率兵征剿惟慮王守仁已去福建勘處軍亂事情急不得回今據伍文定所奏江西事變五日之內王守仁已在吉安據江西上游住劄蓋是天意欲速滅反逆有此機會况伍文定素者才幹王懋中忠鯁志節足以表率鄉人合無本部行文就令差來人馬上賫回交與王守仁遵照欽奉勅內事理欽遵進勅仍約會王懋中等遵照

青溪本兵敷奏卷一

五十三

聖旨榜文內事理起集義兵協助官軍相機截殺如獲有功一體陞賞正德十四年八月初五日具題奉聖旨是王守仁已有旨着照舊提督軍務兼巡撫江西地方還着約會都御史王懋中督同知府伍文定等起集義兵協助官軍相機截殺有功一體陞賞欽此

為緊急軍情添處官員以安地方事

看得巡撫都御史李充嗣等奏要將浙江湖州府知府劉天和陞用徽寧廣德等處兵備江西吉安府知府伍文定陞用九江安慶等處兵備丁憂起復運使

嚴紘陞用池州太平并應天等處兵備一節臣等議
得吉安在賊上游湖州與賊地方相隣知府伍文定
劉天和既有才識託其保障吉安湖州足矣若遽改
移別用其吉安湖州地方又將付之何人及照九江
見為賊兵所據原設副使曹雷不知所在若非大兵
克復就便添設兵備不能單騎赴任何以責其成功
所據李充嗣前奏事出愴惶慮欠周悉俱難擬及
照池州太平應天等處見該都御史李充嗣在彼督
調軍兵防禦徽州等處近已添設都御史許庭光巡
視浙江兼管徽州又擬奏參將陳璠在鎮江一帶操

李充嗣奏事

五十四

守况今 朝廷統兵征討平定有期各該巡撫官員
要在嚴督府衛等官操練兵馬相機戰守庶不紛擾
正德十四年八月初五日具題奉

聖旨是欽此

為飛報十分緊急軍情事

看得巡撫都御史李充嗣奏稱量撥宣州新安徽州
等府衛軍民兵快前去安慶防守救援勢寡力弱卒
不能進乞與早撥附近兵將星夜前去併力救援一
節緣調附近安慶府衛軍民兵快救援安慶最為得
策但又妥摘撥附近兵將星夜前去查得附近安慶

莫如南京留守為重既不可撥其次北近廬州西近
黃州各自為守亦難倉卒取調見今安邊伯朱泰等
領軍前哨先行合無本部行文朱泰等到於南京瓜
探賊情向往酌量事勢緩急相機進剿仍行李充嗣
當此事變務在深沉有謀隨機應變可戰則戰可守
則守固不可坐視因循亦不必張皇失措正德十四
年八月初五日具題奉

聖旨是欽此

為探報十分緊急軍情事

看得巡撫都御史李充嗣巡按御史胡潔各奏據新

李充嗣奏事

五十五

安衛指揮張重揭帖開報江西寧府反逆事情雖稱
差人探訪得知事必多實未為無據除調兵征剿等
項事宜節次議奏通行外今報都御史王守仁領兵
見在臨江府任劄及報廣信饒州進賢拒賊不從九
江賊兵敗衄事情具見彼賊有日就窮蹙之勢我兵
有八面齊舉之威合無本部分付賚送

欽降黃榜人員到於江西境界探聽如果路阻不通
聽隣省巡撫等官設法傳過若賊已縮伏道路頗通
差去官徑送都御史王守仁及廣信饒州等府交收
張貼曉諭仍騰黃千百餘本遍發鄉村鎮店傳示捧

讀以安人心共圖滅賊正德十四年八月初五日具題奉
聖旨是欽此

為傳奉事

查得附近臨清并兗州地方州縣今年該解京備用
馬匹不勾六十之數又查得分管臨清寺丞簡佐見
在東昌等處催償馬匹分管兗州寺丞張一夔未曾
到任合無本部差人馬上賁文交與巡撫都御史王
珣火速坐委東兗道分巡分守兵備官會同見差在
彼寺丞嚴督東昌兗州二府并所屬州縣各掌印管
馬等官將原汰今年備用馬匹除已解京外未解者

俱截留兗州臨清二處聽候充補如備用馬不足數

聽將種馬取調又不足數於各州縣里甲馬內選取

或將民間馬匹報官估定價值收買務各足三千之
數不許將老病癩瞎不堪馬匹充數以致臨期誤事
再於太僕寺動支馬價銀三萬兩解交州府三萬兩
解臨清州本部差官押解前去交割預備買馬事畢
之日將充補過各項馬匹數目并支過價銀行山東
布政司備細造冊送部查考巡撫官仍具總數奏
聞俱不許違誤正德十四年八月初五日具題奉
聖旨是欽此

為緊急賊情等事

議得宸濠悖逆天道得罪祖宗謀為不軌反形已露見蒙
皇上大奮乾剛統兵征討所有宸濠封號屬籍宜先
削除及朕

聖駕親征在邇京師居守及防邊禦寇并各衙門題
奏等項事宜均乞裁處早降

明旨以便遵守奉

聖旨是宸濠大逆不道謀為不軌朕不敢赦告天地
祖宗削其封爵屬籍先命謀勇將臣統領各邊官軍
前去征剿朕今親統六師往問其罪仍詔告天下親

王及鎮巡三司官民人等使知朝廷討賊安民不得

已至意其京師居守及防邊禦寇并各衙門題奏等

項事宜兵部還會多會議處停當來說欽此欽遵臣
等會同太傅定國公臣徐光祚等少保兼太子太保
吏部尚書臣陸完等將京師居守防邊禦寇并各衙
門題奏等項事宜逐一議擬明白伏乞上裁早降
明旨以便遵守正德十四年八月初五日具題奉
聖旨是隨駕官不必用九門守門官不必動着嚴督
軍丁用心守把不許怠玩吏兵二部選官照常具奏
引選查奏司禮監奏請定奪其餘准議欽此

計開

一

聖駕親征合用侍從翰林院內閣官五府六部都察院通政司大理寺鴻臚寺給事中御史及大醫院欽天監譯字等官每衙門一員或量定數員伏乞

聖裁

一在京在外各衙門題奏本及各處王府并軍民人等奏本照舊赴通政司鴻臚寺及

左順門投進司禮監五日一次差官贊奏內有緊急事情不拘五日隨即奏聞伏乞速

旨

五十八

賜裁卷

一常行事務照舊傳奉

聖旨寫傳帖賚回

左順門遞出該衙門抄行補本送科備照但調取軍馬提取人犯干繫處分軍國重事俱降

御寶聖旨手勅賚回

左順門交付該衙門官捧收開拆以便遵守

一各處官員人等赴京朝見及辭回謝

恩等項照舊鴻臚寺官引赴

午門前叩頭例該賞賜酒飯等項引於

左順門叩頭打發鴻臚寺每日一次將賞賜酒飯人員類總奏

聞

一吏兵二部選除官員務要具本至

御前批回方赴

奉天門請司禮監官用印子出榜除授

一皇城四門守衛圍宿侯伯都督等官該直日期務

要晝夜在直整點官軍嚴謹閑防一應閑雜人等

不許穿朝出入違者許守衛官軍并緝事旗校捉

拏送問仍乞

旨

五十九

命司禮監官管束各門官早晚啟閉嚴謹閑防

一京城九門官多軍少軍民人等出入混雜難以閑

防合無將守門官暫為裁省退出役占軍人責令

常川在門守把仍乞每門

命文武大臣科道官各一員遇有警報各赴該門閑

防守把其科道官不時點問以後照舊

一遇有各邊及腹裏飛報聲息并賊情緊急兵部即

時赴

左順門會司禮監內閣緝事衙門府部院寺科道

官計議遵照

欽定大明律例律便火連調撥雷馬乘機剿捕一面
具本差人直至

御前奏聞

一京城內外盜賊除把總巡捕六日照常緝捕外遇有
報到勢眾兇惡強賊兵部行部督朱洪朱琮等量
撥官軍剿捕不許怠玩

一京城內外緝事衙門旗校緝獲奸細一名者照例
陞一級仍賞銀五十兩緝獲盜一名者賞銀三
十兩一應人等緝獲者一體照賞前項所獲奸細
強盜務要法司審問情真方以陞賞不許妄拿平

晉溪本兵數奏

六十一

人希圖陞賞合用銀兩不為常例於太僕寺收貯
缺官皂隸等項銀兩即時支取給賞以勵人心以
後照舊

為調大兵伐叛臣以安人心事

看得左侍郎王憲題稱江西寧王謀為不軌

皇上親統六師奉

天征討精選京邊官軍數萬風聲所至兵威振揚奈
北人弓馬戰陣利於平地南方土人慣於扒山水戰
各有所宜查得先年征進貴州香爐山湖廣郴州俱
調土兵平定克捷今奸臣謀逆調征各路土兵事在

不疑乞將廣東狼兵湖廣土兵處州土人贛州召募
催調上下進剿一節除處州贛州軍兵已經議奏調
取外查得廣東並無狼兵止是廣西有狼兵舊例調
取狼兵土兵征勦獠種苗賊以夷攻夷事體相應近
年調征江西姚源洞賊被其賁放乘機生變搶奪財
物為害地方節經言官論奏案卷具存所以本部查
議節奉

欽依湖廣官軍依擬行欽此今侍郎王憲奏要催調
廣東狼兵湖廣土兵執稱事在不疑必有定見本官
見今整理征進江西兵馬合無依其所奏就令王憲
晉溪本兵數奏卷十一

六十一

臨時斟酌奏

請調取正德十四年八月初七日具題奉

聖旨是欽此

為緊急軍情事

議得大軍南征糧餉為急即目前哨人馬二萬餘員
名啓行不日過江到於南京并南直隸地方住劄相
機取路進攻江西原差尚書王鴻儒既已病故合用
糧餉無人備運誤事非輕合無照依原會議差委王
鴻儒事理請
勅一道馬上差人賚文交與巡撫南直隸都御史李

充嗣欽遵不妨巡撫督理軍餉仍照巡撫蘇松都御史張津巡撫陝西都御史王憲事例量改戶部堂上官職銜兼左僉都御史行事若以為李充嗣巡撫事務不暇顧理查得提督兩廣軍務右都御史蕭翀新推未去合無先其所急請

勅一道賚與蕭翀督理軍餉其廣東見有楊旦在彼巡撫待江西事寧之日或令蕭翀仍去更替楊旦或別為議處另行具奏定奪臣等俱未敢定擬伏乞

聖明裁處正德十四年八月初七日具題奉
聖旨是李充嗣陞戶部右侍郎仍兼憲職不妨巡撫

督理軍餉寫勅與他欽此

為十分緊急賊情事

看得安慶府知府張文錦守備署都指揮楊銳各奏六月二十七日江西叛賊徐承奉凌十一吳十三等殺人劫財放火燒屋攻圍府城七晝夜不退城中有備銃箭打死強賊數多但恐日久計生城孤援絕乞要早發京邊官軍三千員名晝夜前去會合剿捕再發精兵三二萬自湖廣浙江南直隸地方三路前進等因見蒙

欽命安邊伯朱泰前哨人馬八月初三日起程外合

無本部行文巡撫都御史李充嗣調撥附近府州縣衛所軍兵選委謀勇官統領前去安慶等處應援務使前賊不得登岸攻城以待天兵下臨進勦仍乞將本部原擬南贛王守仁湖廣秦金南直隸李充嗣業蘭等

勅書上緊差人晝夜齎捧前去交割欽遵行事見蒙欽降黃榜合無本部差官分投齎捧交與王守仁等及新差巡視浙江都御史許庭光各設法傳遍江西等處府州縣地方張掛曉諭及行文江西司府州縣衛所等官固守城池設謀會剿功成之日大加陞賞

必不吝惜再行許庭光會同巡按浙江監察御史三司官上緊調取溫處等處軍民兵快二三千名令參政閔楷再委都司謀勇官一員一同統領上由嚴州通徽州路口下由玉山通廣信路口量其警報緩急分布設伏相機遏剿再照安慶到京陸路二千七百里知府張文錦署都指揮楊銳差摠甲許永祥舍人余順維城晝伏夜行不過二十日到京飛報軍情頗効勞力合無將許永祥余順各量加賞賜付與黃榜二十張馳驛齎回交與張文錦楊銳設法送江西境內曉諭施行正德十四年八月初八日具題奉

聖旨張文錦楊銳同心協謀以防守有倫反賊臨城親領官軍民快人等極力捍禦打死賊衆數多勞勤可念差來人賞銀三兩各處地方着用心防守曉諭事宜你部裏馬上差人着各該鎮巡視按三司等官依擬處置功成之日陞賞不吝欽此

為緊急軍情事

看得守備九江等處署都指揮僉事楊銳奏要將原任江西布政鄭岳起任江西巡撫都御史原任江西副使胡世寧陞任僉都御史管理鄱陽湖南康湖口及將賞捧檄諭擁至城下聲叫歸降王叅政潘僉事

晉溪本兵敷奏

六十四

誅戮一節查得先該本部會官議奏已蒙降

勅都御史王守仁巡撫江西訖本官素曉兵法又見在江西近便最為相應緊急之際難再改用及鄱陽湖并南康湖口地方必須大軍克平之日方可差官管理見該本部別本議擬推用楊銳張文錦就近分守其地速收成功具題外所奏鄭岳胡世寧平昔忠義委當起用但欲在江西誠恐緩不及事合無本部移咨吏部待後別有相應員缺具奏起用其所奏王叅政潘僉事順從宸濠反逆事情合候擒獲之日鞫問明白檻送赴京會官再審明正典刑斬首有功官

軍行紀功官查勘造冊奏繳陞賞正德十四年八月初十日具題奉

聖旨是欽此

為急處馬匹以備應用事

照得上年為因各處地方災傷小民窮困正德十四年分派取備用本色馬一萬七千餘匹又有寄養馬三千九百餘匹及有陸續銀買馬匹共計二萬有餘足勾緊急兌軍之用不意今年有事調軍用馬數多以致交兌不敷及寄養馬匹數內多被官軍嫌瘦不肯領兌緣舊例派馬有數一時有事用馬太多委的

晉溪本兵敷奏

六十五

計無所出今太僕寺呈要早為議處於團營等營內借撥兌用陸續補還但前項查出三大營見在馬匹俱各數少難以動撥惟團營有馬二千餘匹亦難動撥况中間貧難軍人因無料草餵養多致瘦損不堪騎征合無本部通行各該巡撫都御史嚴督二司分巡分守及各府分管官并行太僕寺各行分管寺丞將遲誤起解今年備用馬州縣掌印官各取的本招伏聽候叅提州縣管馬官各革去冠帶鎖項戴罪催徵起解到京之日送問內原擬存留臨清兗州者上緊解赴臨清兗州聽候補兌不計失誤該在臨清兗

州買補者亦要上緊買完解用仍行領軍官分付把
總管隊官鈐束軍人但係原寄養有印官馬不係老
病癯瘠即便領兌不許勒索一色好馬致馬不敷以
後再有添差官軍人等在京領兌馬匹行太僕寺將
陸續解到備用馬交兌若一時到少起程緊急從便
於團營見在馬內撥換以後補還正德十四年八月
初十日具題奉

聖旨是欽此

為十分緊急軍情事

看得南京兵部尚書喬宇等奏稱因安慶府被賊攻

圍緊急遵照

六十六

勅內便宜事理劄付頴州廬州武平三衛將京操官
軍動調前去安慶等處應援乞要兵部差官督發星
夜前去防禦一節不見於何年月日差何人賚文取
調曾否取有各衛發軍依准及所調未知是何班次
操軍若調春班見在京操未回若調秋班其軍四散
屯住恐難一時拘齊况未見議處盜甲馬匹行糧所
調官軍有無起程在途無憑得知難以定奪合無本
部備行該府轉行安邊伯朱泰知會如果前調京操
官軍已到安慶等處堪以調用仍留調用若未起程

不必調取過江止照本部原擬分撥沿江一帶防守
俱從宜施行仍回奏查考正德十四年八月初十日
具題奉

聖旨是欽此

為捷音事

看得提督巡江都御史劉玉奏稱七月十五日安慶
守備楊銳知府張文錦督軍擒斬江西賊級五十三
名顆賊已遁回江西及稱臣先已嚴督巡江御史蔣
達戚雄分督沿江守備備倭并府衛等官調集軍夫
防遏策應蔣達原調桐城縣民兵四百七名縣丞楊

益領至安慶府十里鋪劄管見賊餘船二十七隻趕

六十七

殺追往九江去訖又稱責委把總指揮范宣等以陸
路徐端等從水路前去會剿及聞江西吉安等府俱
各舉義興師乞要速行天討一節詳其所奏安慶退
圍雖楊銳張文錦之功其巡江都御史劉玉御史蔣
達等調兵應援不為無助及督委把總指揮范宣徐
達等水陸並進尤為得策合無本部行文紀功官候
事寧班師之日查勘奏內有功人負并劉玉等通行
具奏議擬陞賞再行都御史劉玉將前項原調各處
民兵及水陸會剿官軍務要慶給衣糧盜甲器

其精銳得以效用仍授以攻守方畧明示賞罰令其
遵守知所勸戒至於戰船行動止宿尤須相視水勢
謹備風火毋惰賊計致損軍威正德十四年八月十
三日具題奉

為急缺征操馬匹事

看得提督十二管新寧伯譚祐等議行本部轉行太
僕寺即將州縣寄養民間并四戶等馬調取一二萬
前來星夜充給官軍聽用一節查得順天府所屬州
縣人民例該寄養馬二萬餘匹近年宣府大同并京

晉溪本兵數奏卷十一

六十八

營各項官軍節次充過馬三萬五千餘匹比之常年
數加十倍見在寄養馬止有三千九百餘匹見今俱
發涿州等處聽候遼東官軍補充再無寄養馬匹可
以取調其稱四戶馬即係該年派取備用馬匹已到
者俱已隨即充軍未到者將司府州縣官節次奏行
提問住俸取招鎖項催解急於星火中間多因地方
災傷小民貧難不能一一完解又因軍行饋糧運草
搜船擡扛等項差占晝夜不得休息以致前馬急
不能到若再催急恐逼小民為盜益害地方及至本
部先因在京各管軍人負難撥與馬匹多致餓死如

正德十三年正月至今各管軍人倒死馬九十餘匹
其不死者骨瘦如柴十中無一可以騎征以此本部
近來不肯多撥各管馬匹遇有用馬就於太僕寺取
兌一者軍得新到騰壯好馬二者不累各管軍人倒
死追倍本部又恐年例馬不勾用預發銀兩收買一
年之間共買過馬八千七百餘匹俱已充軍所有馬
政事宜未為無虞奈何徵派有數取用無數實是難
為會計今該營欲要調取一二萬匹送營聽用委的
無從調取止查有種兒騾馬見在民間喂養其馬專
為孳生之用本難調取但今急用合無行令太僕寺

晉溪本兵數奏卷十一

六十九

於附近永平河間真定三府調取種兒馬一千四百
匹種騾馬一千六百匹共三千匹上緊解京照例印
烙兼搭交兌不許領馬官軍故行刁蹬勒要扇馬逼
迫人難班師之日查係馱馬及原無領馬人負領騎
種馬者俱退回該州縣領養未退馬匹每馬一匹支
馬價銀十五兩給與原養馬人戶自行買補作種仍
行印馬御史查點印烙具奏查考本部再行左侍郎
王憲并各該領軍等官如遇沿途馬匹生病及倒死
務要將原馬并皮張交付所在官司查收一馬兌換
一馬畢日造冊奏繳查考毋容一槩搶兌以致數目

不請虧損馬數不係殺賊然隨護送等項人員該領馬匹如遇太僕寺馬少仍於團營就將取充中間有自願取便買馬騎坐者每馬一匹給與馬價銀十八兩自買回日將馬送官或送還原價俱從其便正德十四年八月十二日具題奉

為地方事

看得都御史李克嗣御史胡潔奏稱池州府知府何紹正同知張茶通判喻珪推官許濟時協力固守謀為應援遂使逆賊不敢順流而下亦應擢用以勵其

晉泰泰泰泰泰

七十一

餘一節所言深為有理合無將何紹正等四員功績紀錄在部先各量陞一級行都御史李克嗣差官以禮獎勞待後事寧紀功官通查各官先後功績一併具奏議擬超推以勸忠勤正德十四年八月十六日具題奉

聖旨是何紹正等協力固守功勞可錄各陞俸一級以禮獎勞待事寧之日紀功官一併查議來說欽此為請兵急救危急孤城以固根本重地以保

安宗社事

看得都御史李克嗣御史胡潔奏稱已調徽州宣州

等府衛軍兵民快前去應援但不開武事驅之於戰恐非所長乞先降勅諭以解散脅從被虜之徒及發附近軍兵解安慶之圍隨即

命將出師殄此逆賊等因查得寬釋脅從及出師征討二事俱先已有行外都御史李克嗣等為因巡歷地方行文未到故有此奏其奏要發附近軍兵前去應援一節緣附近安慶莫如徽州太平宣寧今既稱彼地軍民素不知兵難驅出戰其江北軍兵又豈有素習戰陣之人可以調發見該南京兵部尚書喬宇

晉泰泰泰泰泰

七十一

等詞取准揚廬鳳四府民兵四千前去南京應援巡按御史成英等恐不堪用致成激變具奏阻止已該本部依擬覆奏不必調取今李克嗣等所奏正與喬宇等所見相同仍難准行合無本部行文就令差來人賁回交與李克嗣將原調徽州宣州等府衛軍兵民快就於本府衛地方官內不拘官職大小致仕見任推選素有謀勇堪以領兵官負責委統領應援截殺有功不次陞擢仍須處給衣糧盜甲器械指授方畧明示賞罰收整散亂變弱為強務得其用功必有歸正德十四年八月十五日具題奉

聖旨是欽此

為緊急軍情事

看得都御史李克嗣御史胡潔各奏稱除調蘇常等府官兵船隻躬親統率駐劄安慶一面前進收復九江直搗賊巢乞早

命將出師等因除統兵征討已奉有

勅旨及有安邊伯朱泰等前哨官軍先行外所言徵調蘇常等府官兵船隻收復九江進攻賊巢一節其氣甚銳誠為可嘉但不見開陳各調何等船隻官兵選委何等官員統領中間行報器具作何供備逆流

李榮本奏卷七十一

七十三

水戰設何方法猶恐為謀或有疎畧難保萬全但事已舉行本部難以改議合無行文本官務要慎重斟酌停當施行正德十四年八月十五日具題奉聖旨是欽此

為處置兌軍馬匹事

看得太僕寺卿汪舉等奏要本部將見今緊急兌用不敷馬匹及以後再有兌用之數早為計處一節查得河南山東南北直隸地方每年派取備用馬匹數目俱有舊例去冬至今為因兌馬太多以此數盡不敷前項本部節次議奏發銀收買及將拖欠馬匹司

府州縣官提問住俸鎖項催徵急於星火又將民間

孳生種兒騾馬調取應急兌用此外委的別難計處

合無本部再行各該巡撫都御史并太僕寺分管寺

丞將今年未到備用馬五千九百餘匹星火催完督

令管馬官鎖項解京交割畢日送法司問罪及催原

調種兒騾馬三千匹解京聽兌再行太僕寺除在京

照常收買外在外查照舊例斟酌地方有無出產定

擬馬數共買馬一萬匹行令各該分管寺丞會同各

該巡撫都御史委官收買陸續解送太僕寺及轉發

寄養聽用若一時收買不出將種兒馬驗看堪中解

京每種馬一匹照依時估給與原養種馬人戶價銀

聽其隨便買補送官印烙領養作種及照見今各地

方馬少價貴若拘每匹十五兩之例不免百姓包陪

逼迫逃竄合無不拘常例每馬一匹定價十五兩以

上二十兩以下庶不累民亦不許高擡價直虧官其

合用馬價就將各處該解京備用折色馬價銀兩存

留在彼買馬支用如有不敷太僕寺解發驍數買補

畢日太僕寺將買過馬匹動支過銀兩總數具奏查

考仍行各司府備造印信文冊送本部并太僕寺收

照正德十四年八月十七日具題奉

為急請熟知戰陣將官以操練軍馬事

看得南京兵部尚書喬宇等奏要推選曾經戰陣謀勇將官二員前去南京大小教場并

神機營操練官軍遇警統率征剿一節查得南京大小教場并

神機營操練官軍見有內守備官黃偉等及外守備

成國公朱輔協同守備西寧侯宋愷管理并尚書喬

宇參贊令要另推將官二員管操誠恐政權不一難

以行事况臨敵易將亦非所宜合無本部行文尚書

喬宇一面會同內外守備黃偉朱輔等照舊督委坐

管等官整朔官軍申嚴號令加謹防守相機剿殺如

或視常因循失機誤事各有所歸一面會同南京守

備五府各部都察院通政司大理寺堂上官及六科

十三道官從長計議如果相應添設謀勇將官二員

管操就議應該定擬何等職掌名目及與守備等官

等官應否預預行事務要事關匪停當經久可行開陳

明白具奏定奪其各營坐管七總等官內有不職應

該更換者照例推舉更換守備等官內有才不勝任

者聽其自陳取自

上裁定奪去留及照近日江西反逆警報南京管軍官員內有束手無策不能盡職者聽南京科道官舉劾黜退正德十四年八月十九日具題奉

聖旨是欽此

為緊急軍情事

看得南京守備太監黃偉等奏稱守備楊銳堅守孤城使逆賊挫衄不敢長驅保障南都厥功甚大要將

楊銳降

勅褒獎及稱賊勢今雖暫離勢必復合已於沿江一帶分布官軍及催操江都御史劉玉統軍前進尤望

早賜

命將統領京邊官軍星夜前來一節合無本部行文

差人馬上賚送安邊伯朱泰太監張忠左都督朱暉

等上緊前去隨賊向往迎遏截殺務期成功仍陸續

差人奏報正德十四年八月十八日具題奉

聖旨是你部裏便差人馬上賚文着朱泰張忠朱暉

等上緊前去隨賊向往遏截剿殺早平逆賊以安地

方欽此

為十分緊急軍情添設憲臣以剿除叛賊事

看得南京兵部尚書喬宇等奏要將南京太僕寺卿

者聽其自陳取自

毛璉陞都御史督發廬鳳淮揚等處一應取調官軍
及將應天府府丞許庭光陞都御史職銜經理京城
各門防禦等因查得廬鳳淮揚等處軍兵已該都御
史葉蘭御史成英奏留本處沿江守把難再取調及
許庭光亦該吏部會推陞都御史巡視浙江等處去
訖况江西反逆事情先該本部會多官計議調集各
路官兵進剿及節奉

勅旨統兵征討安邊伯朱泰等前哨人馬見今發行
其南京京城內外防禦事宜亦先請

勅南京內外守備參贊操江等官嚴謹守把設法防

晉溪本兵敷奏

卷一

禦俱已節次有行今要旋設都御史一員經理京城
各門防禦誠恐責委不一反致誤事亦難依擬合無
本部移咨南京兵部遵照節次奉到

勅旨及會官計議奏

准事理欽遵施行不必更改正德十四年八月十八
日具題奉

聖旨是欽此

為逆賊擁眾虜害守司臣事

看得鎮守湖廣大監李鎮奏稱會同總兵巡撫巡按
等官議得湖廣官軍消耗甚募民兵亦多不教之徒

永保等司土軍水戰恐非所長况聞國有屯難其心

又未可測雖稱整搦聽調不敢令其啓行乞要本部
議處分遣將領統率邊兵一枝星夜前去會合搗虛

夾攻使大逆且久成擒一節查得本年七月初十日
南京內外守備等官奏報江西反逆事情本部遵奉

勅旨隨即會同多官議定征討事宜十一日具題十
三日奉

欽依馬上差人通行各該巡撫等官欽遵外內一件
再請

簡命堪任南方將官一員請

晉溪本兵敷奏

卷一

勅一道星夜前去湖廣會同鎮巡官挑選官軍同秦
金前去通連江西要路相機行事未蒙

俞允本日又該太監蕭敬等節該傳奉

聖旨一面前去浙江湖廣著落鎮巡等官并調漢土
官軍各相機應援進剿欽此該本部議得調土軍一
節未奉

節未奉

明旨調取何處土軍查得正德七年調廣西土軍征
江西流賊乘機搶劫為害地方合無行令湖廣鎮巡

等官止將本處衛所官軍中揀選徵調節奉

欽依湖廣官軍依擬行欽此今太監李鎮等會議具

奏正與本部前議相同具凡各官協力圖報備慮周密合無將李鎮等請

旨獎勵本部行文就令差吏小人賈回交與太監李鎮秦金等查照節奉

勅旨并本部節項題

准事理欽遵施行原議該載不盡事理悉聽便宜區處務在防禦有備進剿得宜成功陞賞不吝誤事責有所歸正德十四年八月十八日具題奉

聖旨是李鎮秦金等協心討賊計慮周密寫勅獎勵其餘依擬行欽此

晉漢本兵雜錄卷之

七

為留用官自事

看得提督南贛汀漳等處軍務都御史王守仁奏稱江西寧府謀叛兩廣清軍御史謝源刷卷御史伍希儒各赴京復

命經過江西不能前進奮激効力殺賊以報

朝廷臣亦思軍務緊急各官俱有印

勅方更行事遂留軍前同心戮力共濟大難及謝源

伍希儒奏同前情臣等議得江西地方宸濠既已反

叛鎮巡三司官俱被囚禁四路阻截王守仁與兩廣

公差御史謝源伍希儒偶會吉安留住効用共圖滅

賊處常時雖似不可逆事變深知其忠合無本部移咨王守仁依奏施行并咨都察院行御史謝源伍希儒等俱聽王守仁計議分管戰守等項事宜務在同心協力共圖滅賊不可各執一見致有乖違有功陞賞不吝誤事責有所歸事寧之日回京復

命正德十四年八月十九日具題奉

聖旨謝源伍希儒着在江西軍前與王守仁同心協謀剿平逆賊欽此

為十分緊急賊情動調忠勇官軍以安地方事

晉漢本兵雜錄卷之

七

看得南京兵部尚書喬宇等奏稱致仕參將石璽謀畧優長迥出流輩精神強健渾如少年乞要行文本官督率官軍家丁徑趨安慶等處相機截殺一節查得前項正德七年為因流賊猖獗曾經舉用石璽充

參將領

勅河南直隸地方統率官軍民兵二千員名殺賊月

給米二石賞賜銀兩表裏全要復用石璽督率官軍

家丁前去殺賊不見議定督率何處官軍若干員名

緣由今欲就聽石璽選調歸德武平等處官軍誠恐

一時不能齊備未免緩不及事合無請

勅一道差人賈付石璽捧收欽遵行事令其量帶家

丁星夜前去南京聽尚書喬宇會同內外守備并提督操江南和伯方壽祥都御史劉玉計議或於大小教場或於操江或於江南直隸府衛官軍民兵內重選一二千員名或處置馬匹或用步戰或用水戰交與石璽統領仍指授方畧或追隨逆賊向往或把截江津要害務得其用期收實效不可分布失宜徒事紛擾不得實用仍行巡撫河南都御史沈冬魁責委布政司分守官督同歸德州官起與石璽關文應付馬匹廩給隨從家丁俱應付馬匹口糧不許遲悞其馬匹就於歸德州并附近州縣官馬內撥給如無官

馬或不堪騎征火速動支官錢收買若石璽自願買

馬照依時估給與馬價其支用過馬匹銀兩俱候事

寧之日查算於河南所屬未解備用折色馬價銀內補還正德十四年八月二十日具題奉

聖旨是參將石璽寫勅與他着帶領家丁上緊前去南京統領官軍民兵依擬行事務收實效以安地方

欽此

為藩王謀反事
看得江西南康府知府陳霖奏稱六月十五日四更時分反賊入城統兵對敵力不能支不免潛形負印

山行草宿與死為隣臣府委無衛所民兵不多乞要命將出師臣不職罪當萬死一節江西反逆暴兵率至南康失守知府陳霖罪固難逃但稱力不能支未見順從情似可原合無本部行文都御史王守仁將陳霖降做為事官委用戴罪殺賊果能建立奇功可准贖罪或別有隱情又無功可贖俱候事寧之日查議明白奏請定奪正德十四年八月二十日具題奉聖旨是陳霖降做為事官戴罪殺賊待事寧之日着巡按御史查議明白奏未定奪欽此

為預防邊患事

近該宣大守臣節報虜賊太營壓境住牧長闊二三

十里時遣輕騎窺伺除查議具題外臣等切思前年

虜入應州幸遇

皇上駐驛陽和揮戈一指虜即退避去年

皇上駐驛宣大虜賊不敢出塞過河東窺宣大却往極西臨鞏地方搶掠此則北虜畏懼

皇上威武之明驗也今

皇上深惟

社稷大計親統六師殄除不庭

駕行未久即有前報誠恐一旦擁眾入境邊兵數少

調不敷有失防禦其江西逆賊天兵一臨必就擒滅前項邊情亦當預防伏乞

聖明俯賜裁察如果江西逆賊漸就削平軍不多用合無將原調各邊官軍內量掣一二枝急赴宣大按伏應援及將遼東官軍量留通州等處住劄以待居廣東西二路閑隘等處有警防守截殺如此則皇上神謀妙算超越千古南征北伐兩不妨誤正德十四年八月二十八日具題奉

為飛報地方緊急事

晉宋恭錄奏書

八十二

16

看得巡按直隸監察御史胡潔奏報江西反逆事情俱在本年七月初十日以前節經都御史李克嗣等奏報施行外其七月十五日賊圍安慶被守備楊銳知府張文錦拒敵退避擒斬賊人賊級緣由奏內開無蓋是御史胡潔出巡池州東流縣等處未見安慶捷報故有此奏及看奏內吉安府奉都御史王守仁批行江西各府州縣火速整備兵馬共與除暴之師不許觀望猶豫自取罪戾即今義旅既集不日東下仍各轉行南直隸廣閩湖浙各省知會一節以前各官奏報未有此事臣等因此推之七月十五日攻圍

安慶賊船退回圍楊銳張文錦等拒守之力亦恐王守仁義兵四集聲震南昌致賊掣回內顧理或有之果如今料南昌逆賊不自死滅必西遁湖湘東走瀛海合無本部行文付順差人賞回南京操江都御史劉玉分分守鎮江將陳鏞運謀設法晝夜防範遇有賊船乘其昏夜及烟霧晦冥之時揚帆東下即使發兵追襲剿殺或縱火乘風焚燒其舟及行巡撫湖廣都御史秦金等嚴督地方官員於蘄州等處及通連江西蹊徑小路用心把截盤詰遇有賊過捉獲牢固枷釘解京各該地方官員果能得獲首惡劇賊一

晉宋恭錄奏書

八十三

10

體論功大加陞賞如或防察欠周致有逃避罪亦難辭正德十四年八月二十日具題奉聖旨是這追剿把截等項事情你部裏便通行各該地方官員着依擬行欽此

為調取緊急應用馬匹遲誤不到事

看得太僕寺卿汪舉等奏稱調取各處種兒騾馬五千餘匹日久未到及原派正德十四年備用馬未到六千五百餘匹各該司府州縣掌印管馬官員不以軍務為重恣意遷延累次催調畧不經心以致遲誤軍務法難輕貸各該地方巡撫官員并分管寺丞俱

各催督欠嚴亦難辭責乞要本部分別等第奏請處治一應該解馬匹務令即時解到不許時刻遲延一節臣等議得調取種馬事出非常一時取解急難齊備猶為可恕其今年該解備用馬匹係是去年預先派取定有限期備用之數乃敢違限累催不到若非州縣掌印管馬官平素貪婪號令不行必是罷軟不職難以輕恕合無本部移咨各該巡撫都御史并行太僕寺分管寺丞各將起解備用馬違限至今年八月十五日以前累催不到州縣管印并管馬官職名查明具奏俱行吏部查照罷軟事例革職為民其司

晉溪本兵敷奏

卷一

府分守分管并管馬官查其該管州縣所欠馬數多寡分別輕重參奏定奪及拖欠備用馬匹人戶該管府州徑自提問治罪再照巡撫官并寺丞催督欠嚴俱難辭責合無俱候各官查奏至日係巡撫官本部查有故不催督坐視情由奏請罰治分管寺丞仍依原擬送問其遲誤起解種馬官吏行太僕寺通查明白回報本部另行參究正德十四年八月二十六日具題奉

望旨是這起解馬匹遲誤人負都依擬查究處治欽此

為預處兌軍馬匹以全馬政事

看得印馬御史虞守隨奏要先行領軍官班師之日俱由原領馬州縣回還將先領軍馬照換原馬已死給帖執照到京查給原養種馬人戶給與銀兩幫買一節查得兌軍馬匹節經本部前項議處畢日造冊奏繳查考外今御史虞守隨又奏前因正與本部前議大畧相同合准所言本部通行太僕寺分管寺丞及行本部左侍郎王憲備行各該領軍官班師之日各於原兌馬州縣依擬查照兌換各馬倘死驗有皮張鬃尾給帖執照查給若官軍回還不由原兌馬州

晉溪本兵敷奏

卷一

為年例派馬數少額外兌馬數多乞早議處事

查議得北直隸河南山東南直隸百姓養馬正統十四年以前每年派取備用馬二萬匹後因累民弘治三年會官議准每年止派一萬匹因不勾用又改每年派取本色折色馬共二萬五千匹去年至今陸續兌過馬五萬八千七百餘匹馬已兌盡今欽此上年

加數派取緣上年派取馬二萬五千匹百姓艱難尚且追徵不完今若再加愈致拖欠逼迫逃竄欲差官四散收買見今已發銀十八萬兩各處收買未完難以再買况原收馬價銀兩陸續支給將盡無銀可支臣等若不查明舊例樽節查考實是計無所出且如四衛勇士舊例太僕寺關馬倒死二次者不許重關照京營例追陪今四衛勇士前項節年陸續關過馬匹中間豈無二次倒死之數未見查算追陪及照遼東地方自有行太僕寺苑馬寺養馬宣府自有團種地畝子粒銀兩大同亦有地畝子粒銀兩并各有椿

晉書卷之九

卷之九

朋銀兩本處自買馬匹俱係舊例原無太僕寺領馬事例今自去年至今遼東宣府大同等處官軍共兌過太僕寺馬二萬四千一十三匹其倒死馬匹及椿朋銀兩未見查明下落及照在京各營官軍馬匹倒死舊例俱是各營自行追收椿朋銀兩買補後因團營官軍自買馬匹不便將椿朋銀兩追完送太僕寺兌與寄養馬匹今查各營前項年分節次倒死馬一萬三千餘匹兌過馬一萬三千五百六十七匹其椿朋銀兩未見追完似此各邊各營俱來太僕寺不時交兌馬匹及至馬匹倒死却不查究追補豈能以有

限之馬供無窮之用合無本部通行宣府大同遼東等邊今後非遇動調軍馬遠出往進務要遵守舊規官軍缺馬本邊自行處給不許妄行奏討太僕寺馬匹補給違者聽本部察究治罪其各邊節年倒死馬匹合無差太僕寺少卿一員前去宣府大同一員前去遼東各請

勅會同各該巡撫都御史將正德十二年正月起至今正德十四年十月止各年官軍本處原領馬匹并出征兌領過太僕寺官馬逐一查勘內有倒死者如果曾經告官驗實追完椿頭銀兩在官見有文案可

晉書卷之九

卷之九

照別無情弊准令分諭若未告官驗收皮張亦無追收椿頭銀兩又無文案存照頭有盜賣侵欺等弊就便查究明白依律問罪追陪干礙領軍官負參奏提問中間應該議處馬政事宜應施行者就便從宜施行事體重大會議明白奏請定奪事完回京復命及行騰驤四衛查勘勇士軍人節年領過官馬內有倒死二次者回報本部照例追陪不許重複關馬違者送法司問罪再行團營三大營并西官廳查勘節年倒死等項馬匹內有拖欠椿朋銀兩者俱定限追陪送太僕寺買馬支用過限不完亦送法司問罪

把總管隊等官照例住俸恭提其近日征進江西
軍沿途倒死兌換馬匹行本部左侍郎王憲事畢
日查勘明白具奏查考以後如遇太僕寺原派馬及
銀買馬兌盡不係出征時月官軍原領馬匹倒死聽
候陸續補給不許逼取一齊交兌正德十四年十月
十六日具題奉

聖旨是馬政係是重事每年原派之數有限都是小
民膏血買補喂養近來額外兌馬數多領馬官軍又
不用心愛養重關倒死的不行追陪拖欠椿朋銀兩
的不行追完

晉溪本兵敷奏卷之十一

六十八

累朝舊規日見廢弛若不樽節查考委的計無所出
今後各邊缺馬非遇動調征進都着自行處給不許
妄意奏討其節年倒死之數還差太僕寺少卿前去
會同巡撫都御史查勘明白來說其餘俱依擬行欽
此

晉溪本兵敷奏卷十一終

晉溪本兵敷奏卷之十一

張四

廣西

為省冗員專委任以便地方事

看得巡按廣西監察御史朱昂題稱廣西府江兵備
副使住劄平樂府而桂林道又有分巡僉事一員行
事互相掣肘乞將府江兵備比照右江事體令僉管
分巡桂林道仍將多餘僉事一員革去一節照得近
日建議者失於考究往往奏設兵備官紊亂官制今
御史朱昂奏乞裁革歸一既合唐虞官不必備之意
又無後世政出多門之患獨為有見但桂林道分巡

晉溪本兵敷奏卷之十一

一

官原自

國初定立道名鑄給印信一年更代振肅風紀禁革
姦弊及觀憲綱所載凡軍馬城池捕盜等事皆其責
任與監察御史出巡憲體相同其府江兵備官係弘
治九年奏添原非舊額若將兵備官存留帶管分巡
却將分巡官革去似非恪遵

祖宗成憲之意且右江革去分巡官已屬繆誤今難
再誤合無將府江兵備官照例裁革起送吏部別用
其桂林道分巡官仍舊設置本部移咨都察院行文
廣西按察司轉行該道分巡官遵照憲綱內事理往

來巡歷提督軍衛有司修舉武備禁捕盜賊如或誤
事責有所歸正德十一年六月二十六日具題奉
聖旨是桂林道分巡官着兼管府江兵備事欽此

為急除地方久患以安生靈事

該總督兩廣都御史陳金等奏稱府江東西兩岸大
小桐江洛口仙回古茂田冲等處徭賊巢穴險遠路
道崎嶇東北與富川賀縣等縣東南與懷集縣并東
安安平等巡司土壤相接西北與荔浦修仁等縣三
昧與等巢西南與五屯永安等州所及斷藤峽朦朧
三黃等處村巢唇齒相聯聚眾糾合劫船殺人皆名

晉漢奏議卷之三

十一

為府江之賊俱久為府江之患正德二三年間曾經
二次具奏征勦因兵力不足延緩至今近雖發兵刀
勦一二但黨類眾多愈肆猖獗搶劫舡隻殺死官軍
廣西地方害之最大最急當先除而不容少緩者除
會行廣西左右兩江各府州縣司所土官衙門整點
目兵并兩廣都司各衛所整棚官軍及整備糧餉
聽候冬初瘴消時月催調各處土兵及漢達官軍到
齊之日分布哨道行委副叅三司等官統領赴期抵
巢撲勦照例約會巡按廣西監察御史同行糾察姦
弊紀驗功次及委布按二司公慎佐二官各一員管

理糧餉總理犒賞銀兩等因該本部議得會奏事情
大意謂廣西府江苗賊積惡窮兇流毒不已急當征
勦已經會同兩廣鎮巡三司等官計議相同中間調
兵督餉等項事宜又各計處周悉別無遺漏相應依
擬但所奏要將湖廣欽班官軍五千員名并暫存寧
遠等所官軍七百員名限本年十月以裏齊到廣西
省城聽其調度殺賊一節未審與鎮守湖廣總兵官
楊英等所奏用兵事情有無相礙合無移文都御史
陳金等并通行各該地方官員悉依各官會議內事
理施行其調取湖廣欽班等項官軍一事聽都御史

晉漢奏議卷之三

十一

陳金酌量彼此賊勢緩急事情輕重或調或留徑自
從長定奪務在審處合宜毋致傾此失彼成功墜賞
不吝壞事責有攸歸又議得兵凶戰危事機最難逆
料進止不可遙制前項用兵事宜雖該各官詢謀僉
同本部依擬覆奏若或臨期事情變動時勢難為尤
在相機隨宜不可拘泥一法伏乞

天語叮嚀戒飭各官慎重行事不可少有輕忽貽患
地方等因正德十一年七月二十八日具題本月三
十日奉

聖旨是這地方用兵事宜都依行還寫勅與總鎮總

督等官着慎重行事毋致重貽民患欽此

為捷音事

該總督兩廣軍務太子太保都察院左都御史陳金等奏稱節該欽奉

勅朕念兩廣地方連年用兵人民困憊供億艱難尔等宜查照該部覆奏事理仰思朝廷付託之重俯念地方軍民之苦相度機宜酌量事勢督同各該官員多方計議設法撫勦以靖地方其調取湖廣欵班等項官軍一事亦聽尔等臨時從長處置務在同心協力慎重行事使兇殘殄除地方安妥斯稱委任至意

晉溪奏議卷之三

四

如或處置乖方戮及無辜重貽民患青有所歸欽此欽遵隨據守備平樂等處地方都指揮僉事魯宗貴兵備副使張祐呈將密訪過荔浦永安修仁平樂府江賀縣五屯等處地方為惡村巢賊徒數目地方遠近險易合用軍兵多寡該取鄉導姓名及附近良善村寨該給旗榜安插等項緣由開具明白畫圖貼說繳報前來隨取副總兵叅將三司等官親赴總府面議停當臣等議照前項州縣地方廣濶山路險遠林菁叢密巢穴星散從長計議將調到三廣漢達官軍土兵分為六大哨一哨鎮守廣西副總兵房潤廣西

按察使宗璽同鎮守廣西太監傅倫統領從陽翔荔

浦進一哨分守潯梧等處地方左叅將牛桓廣東左

布政使吳廷舉統領從五屯平南進一哨分守柳慶

等處地方右叅將張祐廣西兵備副使傅習統領從

象州取路過南隘由沉沙口進俱攻勦荔浦修仁永

安五屯等處賊巢一哨廣西都指揮僉事魯宗貴廣

西兵備副使張祐統領從平樂府水陸並進攻勦荔

浦縣朦朧三峒太平古茂并平樂縣東岸魚狗九峒

及府江東西兩岸昭平以上賊巢一哨廣東都指揮

同知王英廣西左叅議張九遠統領從梧州府水路

晉溪奏議卷之三

五

進勦府江昭平以下東西兩岸賊巢一哨廣東都指

揮同知鄭綬廣東布政司左叅政蔣曙統領從封川

縣文德等鄉取路進勦賀縣樊家屯等山賊巢及委

廣東分守雷廉高肇地方左叅將陳義廣西都司都

指揮僉事戴儀統領續調到泗城州目兵并廣東左

等衛官軍前去各哨兇巢惡寨難克去處併力協助

俱克定正德十二年二月初五日寅卯時分一齊抵

勦按圖撲勦照例約會巡按廣西監察御史朱昂同

行糾察紀功并行委廣西右叅議黃偉管運糧餉與

按察司僉事俞繼總理軍前犒賞銀兩等項內僉事

俞繼仍無閱視紀功廣東都指揮僉事甯漳中軍坐
營管事及照錢糧數多支應浩繁行委梧州府知府
張元春分理出納臣等親詣平樂府地方居中調度
進勦會本具題外續卸據副總兵等官房潤等哨陸
績將攻破巢寨擒斬賊人賊級并俘獲賊屬人口器
械等項解報前來該巡按廣西監察御史朱昂公同
布按二司官審閱紀驗又該新差巡按廣西監察御
史謝天錫前來接管續照府江昭平以上東西兩岸
原分都指揮魯宗貴八小哨軍兵進勦但地方廣闊
林菁深密必須添官統領方克有濟隨會行左叅將

晉漢書卷之四十一

廿

陳義統領指揮孟磐等哨官軍并泗城州頭目班冕
班賢土兵六千名往彼督捕搜勦殺功解報仍會合
左叅將牛桓官軍夾勦仙回峒其都指揮戴儀督令
千百戶孫紹武等官軍并泗城州頭目黃喜李募目
兵五千名前去協助都指揮魯宗貴哨攻打白塔觀
音寺巖及將湖廣備禦見班都指揮曹震與調來歇
班都指揮姜山各領官軍前進俱發副總兵房潤哨
調用續照都指揮鄭綬哨攻圍賀縣樊家屯巖峒不
下二十餘處兵分勢寡未易攻克臣等行文將原調
鄰省把截湖廣守備水道署都指揮僉事王廷爵官

軍移調前來併力攻打再照各哨包圍巖寨日久不
破又經懸示重賞差官齎執令旗令牌分投嚴限催
督攻勦績因原委總理糧餉右叅議黃偉陞任雲南
按察司副使去訖又經行委分守桂林道右叅政宋
愷公同僉事俞繼管理臣等見得副總兵房潤都指
揮鄭綬等哨包圍仙鷲山塘頭鷄籠等巢石古弔
巖下黎地巖車田等巖日久不能克破蓋因各巢山
巖高挿於雲霄巖口空懸於削壁雖稱極險勢豈容
遲大抵人不用命不能效死出奇隨於五月初六日
明示賞罰嚴限差官齎執令旗令牌齎帶鐵索封批

晉漢書卷之四十一

廿

前去各哨催督官軍土兵限十日之內設法打破限
外不破就將領哨指揮千百戶領兵土官頭目鎖項
責治攻克再限十日不破將監統官鎖項戴罪至五
月十七日限內副總兵房潤哨督兵設計將仙鷲寨
奮勇打破都指揮鄭綬哨將車田等巖打破俱獲有
功次及又會行示以軍法曉諭各土官軍內有告給
冠帶及未曾實授者果能盡心効勞打破巖寨殺獲
功次告給冠帶者軍前准給冠帶未實授者就與保
勘另行具奏定奪以此人心激勵奮勇効勞又將筭
山塘頭鷄籠等巢逐一設法打破及行左叅將陳義

都指揮王英統領軍兵民款給發柴刀斧鋸將府江一帶賊行要路埭埠柴草砍木盡行砍伐燒毀以絕各賊藏伏之萌各哨前後擒斬賊人賊級俱該巡按廣西監察御史謝天錫閱驗審問其獲功官軍目兵俱量給賞陣亡傷故被傷者給與銀兩以為營葬湯藥之資生擒首從賊徒俱發僉事俞繼等會審無寬其餘有詞可矜者監候另議奪回被虜人口給親完聚奪獲器械發庫收貯賊屬不堪婦女與牛馬俱變賣價銀入官公用幼男女揀選堪中者發仰所在官司收養聽候類進外今據前因臣會同總鎮兩廣

晉漢奏議卷之二十二

等處地方御馬監太監甯誠鎮守兩廣地方總兵官征蠻將軍太保武定侯郭勛巡按廣西監察御史謝天錫議得廣西平樂府江東西兩岸崇山峻嶺陰谷窮崖接連朔修仁荔浦等處動經旬日之程相去富賀永安五屯地方何下數十餘里獠獠產生於內種類繁多賊徒擁眾於中兇聲駭眾鈎舡劫貨江道被其阻截殺人搶劫村落為之空虛敵殺官軍姦汚婦女肆兇強而靡所不為捉虜人牛燒毀房屋恃獷悍而畧無畏忌惡極罪深神人共怒臣等欽奉勅旨躬統副叅等官分定哨道水陸並進四箇月餘

擒斬首從賊人賊級共六千二十四名顆內首賊一百零一名俘獲賊屬男婦一千五百四十五名口奪獲器械一千一百零一件馬二十六疋牛一百零七隻奪回被虜男婦一十九名口一矢無虧金師大捷雖難言苗裔不留亦頗覺軍威丕振是皆仰仗皇上聖武弘敷神威遠振懾服邊夷之所致也臣等籌畫指麾雖少效涓埃之報平蠻靖寇則全無分寸之功及照巡按廣西監察御史謝天錫嚴明肅憲端慎持身錄削惟公勸懲有道鎮守廣西太監傅倫鎮靖一方公勤在念督兵攻寨艱險罔辭副使張祐都

晉漢奏議卷之二十二

北

指揮僉事魯宗貴副使傅習右叅將張祐左叅議張九達都指揮同知王英副總兵房潤按察使宗重左布政使吳廷舉左叅將牛桓左叅政蔣曙都指揮同知鄭綬左叅將陳義都指揮僉事戴儀分哨督兵竭心調度攻巖克寨各致成功都指揮僉事甯漳督理中軍克勤供事右叅政宋愷僉事俞繼錢糧慎於出納紀錄公於閱驗內俞繼首動與兵之請克成靖寇之功推本求原功尤可尚再照梧州府知府張元春分理出納克盡厥心用致事無小失功克大成均乞誕布優錄等因又該巡按廣西監察御史謝天錫奏

稱總鎮總督總兵官員綜理戎務調度有方發蹤指
示算無遺策運籌帷幄而決勝千里之外鼓舞將士
而掃平諸夷之境等因臣等議得廣西平樂府江一
帶地方徭獍賊徒賦性兇頑住居險阻蔓延將數千
里種類不下萬餘時出剽劫動輒殺人撫之則面從
心異勦之則東逐西奔官軍屢為敵敗江道因而不
通若不痛加勦除地方豈勝罹害先該兩廣總督都
御史陳金奏要調兵征勦本部依擬覆題請
勅各官相機隨宜慎重行事今乃數月之間巢穴蕩
平賊黨授首邊氓宿怨庶幾少伸天下傳聞為之痛

晉漢書卷之十二

十

快是皆

皇上神謀睿筭威武大振付託得人將士用命之所
致也總督總鎮總兵紀功鎮守等官効勞宣力其功
俱不可泯應合速加陞賞以勵將來除各該有功官
軍民款目兵人等查照紀功文冊另行具奏陞賞外
今查得總督軍務太子太保左都御史陳金總鎮太
監甯誠總兵官太保武定侯郭勛經畧周悉賞罰嚴
明以致三軍効力七哨收功論其勳庸實為之最
按廣西監察御史謝天錫隨軍紀功公勤詳慎功亦
可錄鎮守廣西太監傅倫督勵將士不避艱險功實

難掩副使張祐都指揮僉事魯宗貴副使傅習右叅
將張祐左叅議張九遠都指揮同知王英副總兵房
潤按察使宗璽原任左布政使今陞右副都御史吳
廷舉左叅將牛桓左叅政蔣曙都指揮同知鄭綬左
叅將陳義都指揮僉事戴儀俱有分哨督兵攻巖破
寨之勞都指揮僉事甯漳亦有管理中軍協謀贊助
之益右叅政宋愷給足糧餉用成大捷比之各官功
亦不忝僉事俞緇謀議建於先幾閱驗合乎輿論推
厥本源功尤可尚梧州府知府張元春出納惟允佐
理惟勤以上各項官員均有勞蹟可述俱合斷自

晉漢書卷之十二

十

宸衷分別輕重各加陞賞或陞職級或加祿俸或進
勳階或賜賞資庶使人心知所激勸將來樂於効用
但恩典出自

朝廷臣等不敢定擬伏乞

聖明裁處正德十二年十一月二十一日具題奉

聖旨是這府江一帶徭獍為患日久敵殺官兵阻截
江道總鎮總督總兵等官同心經畧斬獲首級數多
地方安靖功勞可嘉陳金加太子太保左都御
史仍舊甯誠歲加祿米十二石郭勛祿米四十石還
各廕子姪一人做錦衣衛世襲百戶傅倫歲與祿米

十二石房潤陞一級謝天錫吳廷舉宗璽蔣曙張祐
傅習張九達宋愷俞繼及張元春各陞俸一級張祐
牛桓陳義王英鄭綬魯宗貴戴儀甯漳各陞一級兵
部議擬覆奏切中機宜成功有自尚書王瓊加少傅
兼太子太傅賞銀三十兩紵絲三表裏侍郎陳玉王
憲各陞俸一級賞銀二十兩紵絲二表裏該司官各
銀五兩紵絲一表裏其餘有功等項官軍着查紀功
文冊陞賞欽此

為擒斬海洋積年巨寇以靖地方事

參照廣東東莞大鵬等澳擒斬海洋積年賊寇獲功

晉溪奏議卷之十一

三

官旗軍弁在募曉勇招撫向化船夫人等既該巡按
廣東監察御史毛鳳查勘明白造冊奏繳前來相應
照例擬議合無將獲功弁陣亡被傷官軍曉勇向化
人等濮楨等各照後開款目加賞給賞量賞行移禮
部查照賞格事例施行及照總理調度等項官員都
御史等官陳金等既各有提督設策招募統督殺賊
之功內備倭署都指揮僉事盧英相應量加陞級副
使汪鉉僉事顧應祥知府魏廷楫提舉吳洪賜俱應
陞俸都御史陳金太監甯誠總兵官郭勛巡按御史
毛鳳俱應重加賞賚但

恩典俱出自

朝廷臣等未敢定擬伏乞

聖裁正德十四年六月十五日具題奉

聖旨是這陣亡及有功官軍人等各依擬賞勞盧英

陞一級汪鉉等各陞一級還各賞銀十兩紵絲一表

裏陳金甯誠郭勛各賞銀二十兩紵絲一表裏毛鳳

銀十兩紵絲一表裏欽此

為亟黜姦貪武臣以安邊方事

看得兩廣清軍御史伍希儒奏稱分守柳慶右叅將

甘霖先任思恩守備交結久廢土官教唆謀復近年

晉溪奏議卷之十一

三

分守柳慶以剝軍為能柳慶地方與思恩混雜不免
透漏軍機將來釀成大患不可勝言乞要將甘霖亟
行罷黜另選賢能分守一節近該巡按兩廣監察御
史曹珪奏稱甘霖昔在思恩則陰誘土官行事而罔
利不質今在柳州則攻發地方陰私而挾詐無端相
應降黜等因該本部查得正德十二年十二月內御
史潘湘奉
勅閱視武職廉貪奏保甘霖練達夷情事為無謬推
陞未久事無指實難以輕黜已於本年五月內題奉
欽依外今清軍御史伍希儒又奏甘霖前事要行黜

退以應依擬但甘霖正德九年因都御史林廷選等保舉推用守備又因閱視武備御史潘湘奏保練達夷情及查本官守備年深推陞分守及查巡按御史朱昂開報賢否揭帖朱昂與三司知府等官俱報甘霖深達夷情庶能有為鑿微威名等語並無報有奸貪字樣及查原添設甘霖思恩守備專為撫治日款防禦賊寇本官任內不見鎮巡官奏失事其稱與土官岑氏交通一節查得土官岑猛節因總鎮兩廣等官徵調殺賊獲功陞指揮同知近日副總兵張祐又奏要徵調征勦修仁荔浦等處徭賊今稱恐甘霖

甘霖奏議卷之十二

十四

甘霖奏議卷之十二

十五

透漏軍機釀成大患不知岑猛有何異謀與甘霖交通透漏係干進退將官及機密軍情通合從公勘議的實方可定奪合無本部行文總鎮兩廣太監總兵官都御史督同三司官將御史曹珪伍希儒各奏甘霖姦貪事情從公體勘果有實跡開款明白作急具奏處治若甘霖守備以來地方別無失事御史潘湘朱昂等奏報無私今各官一時風聞論奏查無實跡亦要明白回奏定奪不許徇致乖公議責必有歸正德十四年六月十九日具題奉

聖旨是這所奏甘霖姦貪事情着鎮巡官督同三司

等官從公體勘務見明白來說欽此

為軍務事

看得鎮守廣西太監傅倫等奏稱廣西在城桂林中右二衛原額旗軍一萬七千六百有餘今實在止有三千六百八十七名見今地方多警軍伍缺乏點選舍餘潘智方昇等五百名今欲編入軍伍勦殺賊寇若非資以糧賞何以得其効力乞要早賜施行一節查得前項私治九年題准招軍事例係情願告投軍役者方准收後今奏要將點選過舍餘潘智等五百收充軍役食糧聽調比與前項情願招軍事體不同

合無本部移咨都察院行巡按廣西監察御史公同同都司布政司官計議准將舍餘潘智等仍作舍餘名目各於原衛所造冊食糧聽鎮守廣西副總兵管束調用殺賊止終本身不許私役雜差占用內有單丁無倚不願應役及老弱不堪調用或別有違碍即與分豁未選舍餘內有情願投充殺賊及一應人等有願投軍者查無違碍俱准陸續收補不必拘數畢日廣西都司布政司各將收過舍餘軍人造冊備照仍具奏查考正德十四年十月初五日具題奉

聖旨是欽此

為地方監示急賊情事

看得提督兩廣軍務右都御史蕭紳等各奏稱廣西岑溪縣廣東德慶州等處徭賊輾合數千餘徒在於長行鄉等處行劫燒燬房舍虜去耕牛各糧俱被德慶州田主加收租糧多方剝害激變輾合徭人為惡節經通行廣東嶺西道廣西蒼梧道守巡叅將等官查勘撫追一節切詳兩廣撞人為因德慶州田主多收租糧激變為盜情非得已似有可憫但聚眾二千餘徒流劫州縣若不早為議處不無貽患地方合無本部移咨提督軍務右都御史蕭紳嚴督該道守巡

督漢奏議卷之三

共

兵備等官從長議處設法隄備務使居民得安地方寧靖其德慶州田主多收租糧激變事情如果可處亦就從宜撫處施行不可以廣西用兵因而遂弛廣東兵備貽患地方責必有歸正德十五年七月初五日具題奉

聖旨是這徭賊聚眾流劫事情着蕭紳嚴督所屬從長議處以安地方不許怠玩欽此

雲貴類

為苗賊大肆猖獗燒毀屯堡急救生命等事

該巡撫貴州都御史曹祥等奏稱都勻府清平縣車梳等寨反賊阿傍阿皆等糾拽多苗燒劫站堡關廂擄掠財畜攻圍城池殺死人等合就誅夷但以香爐山崖石陡絕有險可據况都勻用兵尚未寧定事難並舉除行分守右叅議蔡潮守備都指揮周吉將前項調到土兵官軍挾撫各賊若革心向化將首惡阿傍追究情罪通將有功人員回奏若果賊勢重大另

督漢奏議卷之三

七

行議處上請等因該本部議得既該曹祥等具奏前來別無定奪但兵凶戰危况都勻苗賊尚未勦平阿傍等乘隙生亂恐鎮巡等官一時計議或未周悉合無本部移咨都御史曹祥會同太監總兵巡按等官從長計議如果叅議蔡潮等挾撫各苗革心向化止將首惡阿傍等明正典刑以示國法其脇從之徒俱免究治仍要安插停當不致驚疑若各賊執迷恃險不服應合添調漢土官兵一面照依本部題准事例相機徵調征勦一面具奏務要計出萬全地方安妥不可輕率寡謀致生地變正德十一年四月初六日

具題本月初八日奉

聖旨是這撫勦事宜着鎮巡等官從長計處務要計出萬全以安地方毋得輕率貽患欽此

為十分緊急賊情叛苗數萬晝夜設計攻打城

堡人命倒懸急請兵糧懸望解圍事

該巡按湖廣監察御史張翰等奏稱湖廣偏橋等處苗賊聚眾劫掠逼近清平衛殺死指揮王祀勢甚猖獗要取辰沅二衛靖州下班官軍一千員名前去清浪協同防守及永保二宣慰司清平等所土兵一體整棚及要本部查照景泰弘治年間事例移文四川

晉漢奏議卷之十二

十八

貴州鎮巡等官與同整備兵糧夾攻撫勦該本部議得貴州湖廣交界地方苗夷出沒自昔為患以故特設叅將一員協同鎮守貴州無提督清浪等處又設都指揮一員守備專一操練軍馬以備苗寇及湖廣貴州各設總兵官一員鎮守其地各又設都御史一員贊理軍務雖為統屬槩省地方所重實在防禦邊患今叅將洛忠等并各該鎮巡等官平時玩愒不理臨事倉卒失措見今賊勢滋蔓殺死指揮荼毒生靈阻隔道路且前項苗賊自本年二月巳時搶掠其貴州鎮守官至今尚未奏到通屬誤事法難輕貸合無

各請

勅一道令湖廣貴州鎮守太監杜甫李鎮俱守省城總兵官楊英李景贊理軍務都御史秦金鄒文盛各親詣鄰近清浪等處相應地方住劄各提督叅將守備并都布按三司等官整備兵糧相機撫勦再各請勅湖廣貴州巡按御史張翰李顯各不妨原差親詣軍前紀驗功次其叅將洛忠等俱令戴罪殺賊勉圖後効候事寧之日通將失事并隱匿邊情有罪官員及有無獲功准贖緣由查勘明白具奏定奪等因正德十一年七月初二日具題本月初六日奉

晉漢奏議卷之十二

十九

聖旨是這地方苗賊猖獗着湖廣總兵官楊英都御史秦金前去湖廣接境去處會同貴州鎮巡官督同各該叅將守備兵備三司等官整備兵糧相機撫捕如果事情重大隨宜會調各省官軍土兵協力征勦不許自分彼此失誤事機仍着貴州巡按御史隨軍紀驗功次都寫勅與他其餘事宜依擬行欽此

為十分緊急賊情事

該巡撫貴州都御史曹祥等奏稱清平縣苗賊阿皆等為亂乞要調取各省官軍土兵共五萬員名征勦該本部議得內除湖貴本處官軍及四川土舍楊弘

士兵聽各該鎮巡官行文調取外其擬調永順土兵七千名保靖土兵七千名四川播州土兵未定有數酉陽土兵六千名合無照依弘治五年徵調土兵事例各請

勅宣慰使等官依數選調內播州照先年例調取五千名各要精銳堪用如有不敷量加原數不必拘執俱依鎮巡官約示日期并齊集處所尅期早到務要諭以國法嚴加管轄令其恪遵約束不許以前乘機混搶擾害地方有功重賞不吝有罪亦必究問其徵調土兵

晉溪奏議卷之十一

勅書差人賫付總兵官楊英收捧遵奉

勅旨內如果事情重大隨宜會調事理會同各官斟酌計議或先調湖廣土兵或併調四川土兵或全調或量減并住劄之處期會月日務要一一停妥方許差人賫付土官衙門調取等因正德十一年七月十一日具題本月十三日奉

聖旨是這處置用兵事宜恁每既議處停當都依着行欽此

為十分緊急賊情事

該鎮守貴州都御史鄒文盛等奏稱近准湖廣總兵

官楊英約會進兵日期因錢糧無備難以會調誠恐苗賊糾拽日多為患日深若再指開中等項以濟軍餉緩不及事乞要查照先今奏詞轉行湖廣四川雲南巡撫巡按官督行各該布政司湖廣查支原借貴州官銀一十萬兩四川借支官銀三萬兩雲南借支官銀五萬兩各差官解赴貴州布政司交收以備軍餉其本布政司原收過吏農銀二千八百三十兩亦乞存留本處支用等因該本部議得貴州苗賊日漸猖獗不免進兵若錢糧苦於不敷持疑不決養寇殃民誤事非淺今都御史鄒文盛所奏錢糧缺乏俱係

晉溪奏議卷之十一

戶部掌行事理合無本部移咨戶部逐一查照議擬或依其所擬請

勅各該巡撫官照數督發應用或別有長策差官區畫備運務使不失軍機早平寇亂等因正德十二年正月初二日具題本月初四日奉

聖旨是這急缺軍餉戶部便隨宜議處了來說欽此

為十分緊急賊情事

看得巡撫貴州都御史鄒文盛等奏稱都指揮僉事周吉自接管守備以來失事頗多為謀當此賊情孔棘若令仍舊守備員乘憤事貽患非細訪得先任守

備都指揮邵鑑謀勇可稱賢能素著除將邵鑑行令
暫管守備及將周吉行令原衛照舊帶俸等因臣等
議得國家訪察刺舉付之風憲進退予奪出自
朝廷所以重公論而一政權也今鄒文盛等擅將巡
撫巡按交章劾奏詐病失事奉

旨黜退都指揮邵鑑復委守備及將巡撫巡按公同
考察祿存謀勇奉

旨守備都指揮周吉行黜放如此是

朝廷能收公論於下而鄒文盛等不能歸政權於上
易置自專畧無顧惜縱使所處盡當亦於政體非宜

晉漢書卷之十二

二十二

倘使他處巡撫官一槩做倣將守備官任情進退不
無有傷大體况貴州苗夷反側無常不知上下之分
久矣鄒文盛等不遵

成命擅專易置則貴州軍民又豈肯遵鎮守巡官約
束而不畔乎所據鄒文盛等合當究問但奏稱清平
地方賊勢猖獗急切用人合無請

旨切責令將都指揮邵鑑照舊黜退暫委都指揮權

繼武代管都勻守備如權繼武另有委任再委相應
無礙官代管本部移咨都察院轉行接管巡按御史

查勘周吉有無失事情犯輕重就被提問明白照例

奏請定奪如果周吉罪當黜退本部另行推補等因
正德十二年二月十八日具題本月二十日奉
聖旨是鄒文盛等姑免查究邵鑑還照舊黜退都勻
守備着權繼武或另委官暫且代管周吉着巡按御
史提了問欽此

為地方緊急賊情事

該巡撫湖廣都御史秦金等奏稱郴桂與廣東江西
接壤搖崗有名賊首龔福全等先年用兵征勦遺漏
乞要改留總兵官楊英在於本處統制漢土官軍督
發勦賊計開一動調漢土官軍數目先該貴州奏調

晉漢書卷之十二

二十三

永順保靖各七千名今合調永順五千名如是貴州
應用不敷另於保靖添調補數先該貴州奏調漢軍
一萬六千員名不動今調武岡等衛下班官軍二千
六百員名等因該本部議得聞外兵權貴在專委征
伐事宜切忌遙制今郴桂搖賊為患既該湖廣鎮巡
三司官會議兵不容已要行刻期進勦

朝廷若復猶豫不決必致悞事但八月進兵天氣尚
炎况今五月將半八月進兵兩月之間期限太迫及
總兵官楊英見奉

勅會兵貴州征勦事未寧息宜原調貴州征進漢土

官軍三萬員名今奏征進柳桂又稱照舊不動若准改楊英征進柳桂其征貴州官軍不再差官統領萬一貴州約會進兵必致失律憤事查得見任協守郎陽副總兵李瑾先該御史王相奏稱地方無事裁革聽候有缺推用本官謀勇素著又見在湖廣地里相近合無悉依秦金等所議請

勅楊英不妨鎮守專征柳桂徭賊原領

勅書差人奏繳再請

勅一道馬上差人賫與李瑾交代楊英統領原調征貴州苗賊漢土官軍聽候征討中間事宜悉照楊英

晉溪奏議卷之五

十四

原奉

勅內事理欽遵施行事寧具奏回京正德十二年五月十一日具題節該奉

聖旨是楊英着不妨鎮守征勦柳桂徭賊李瑾着仍充副總兵官征勦貴州苗賊欽此

為十分緊急賊情事

看得巡撫貴州都御史鄒文盛等奏稱香爐山賊首阿傍等罪惡貫盈相應征勦今糧儲粗備時亦難違已於本年五月十三日會行湖廣都御史秦金等督調原擬官軍俱到偏橋等衛所取齊聽候分哨刻期

於八月初三日進勦而湖廣柳桂亦適用兵不能如期况本省軍兵畢集永保二司土兵尚未到來彼此牽制未免糜費錢糧除再行催促副總兵李瑾督兵至日另行定擬兵期進勦等因查得正德十一年七月內巡按湖廣監察御史張翰等奏要行貴州四川鎮巡官整備兵糧夾攻苗賊隨該巡撫貴州都御史曹祥等奏要調永順保靖土兵各七千名本部議得徵調土兵

勅書差人賫付總兵官楊英處收捧遵奉

欽依如果事情重大隨宜會調事理會同各官斟酌

晉溪奏議卷之五

十五

計議住劄地方約會月日務要逐一停當方許差人賫付土官衙門取調正德十二年五月內該湖廣巡撫都御史秦金等奏稱柳桂賊情緊急要改留總兵官楊英征進柳桂本部議得如准改楊英征進柳桂其征進貴州官軍不更差官統領萬一貴州約會進兵必致失律憤事議將郎陽副總兵李瑾就近改委交代楊英統領原調征勦貴州苗賊漢土官軍聽候征進中間事宜悉照楊英原奉

勅內事理欽遵施行俱題奉
欽依即日通行各官遵守訖臣等竊詳湖廣貴州雖

兩處用兵楊英李瑾各分責任其所統漢土官軍各據彼處鎮巡官原奏該調數目各不相干亦無掣肘其柳桂進兵日期彼處鎮巡官原定今年八月進兵本部改擬九月而貴州征進日期因兵糧未集聽彼處鎮巡官徑自約會亦無牽制今都御史鄒文盛等却奏本省八月初三日進勦苗賊而柳桂亦適用兵不能如期且稱本省兵馬畢集而永保土兵未到彼此牽制未免糜費錢糧顯是鄒文盛等不思兵機為重玩忽原議失於預約以致愆期誤事却乃朦朧具奏意圖推託合無本部移咨都察院轉行巡按湖廣

將洪泰職卷二十二

二十六

貴州監察御史備查本部節次議擬題奉

欽依內事理逐一查勘調兵征勦貴州苗賊事情的係何官玩忽故違原擬致有愆期失事緣由務見明白參奏定奪正德十二年十月二十二日具題奉聖旨是這愆期失事緣由着各該巡按御史查明參究了來說欽此

為十分緊急賊情事

看得巡按貴州監察御史周文光奏稱迤東都勻等衛守備都指揮權繼武被賊虜去存亡未的見今地方苗賊猖獗缺官守備訪得都指揮邵鑑指揮狄遠

事體頗諳夷民信服但邵鑑曾經問於例有碍要於內定委一員暫署守備一節查得都指揮邵鑑先該貴州鎮巡官員交章劾奏託疾誤事擅離信地已經黜退及本部題奉前項

欽依難便委用外見今貴州都勻地方用兵有事合無本部移咨巡撫都御史鄒文盛行委指揮使狄遠管守備所勘事情本年二月內奏行延今八箇月餘尚未奏報事屬稽遲合無本部再咨都察院行催巡按貴州監察御史查照本部先題奉

將洪泰職卷二十二

二十七

行正德十二年十一月初五日具題奉

聖旨是都勻地方着狄遠暫管守備先勘周吉事情還着巡按御史上緊問結具奏不許似前遲悞欽此

為十分緊急賊情事

看得巡按貴州監察御史周文光奏內稱都指揮潘勳權繼武王言滿弼管糧叅政胡濂叅議蔡潮不聽鎮巡官節制輕犯賊巢蔡潮又差人止住總兵官李昂緩兵不進以致殺虜都指揮權繼武王言殺死千戶何宏伍經百戶顧恒死亡軍士五六百名及稱潘勳滿弼并遇敵退怯都指揮金章等并叅政胡濂叅

議蔡潮俱律合提問一節切照調兵殺賊出自

上命鎮巡等官原奉

勅內各有該載應行事宜而潘勳行伍庸流蔡潮胡濂擅發官軍失機誤事情犯深重合無差人拏解來京惟復行令巡按御史就彼提問監候奏請發落伏乞

聖裁其餘奏內原參都指揮金章等合行巡按御史提問照依律例議擬發落及照巡撫都御史鄒文盛總兵官李昂素無約束致令潘勳等擅弄兵權又聽蔡潮阻止進兵以致失事亦難辭責查得各官見令

晉溪本兵數奏

卷二

督兵征討苗賊合無候班師之日有功准贖前罪無功一併參奏究問正德十二年十一月二十二日具題奉

聖旨是這地方用兵之際潘勳等并金章等且都不提待賊情稍寧一併參了來說欽此

為捷音事

該巡撫貴州地方兼理軍務都察院右副都御史鄒文盛題臣節該欽奉

勅已命湖廣總兵官楊英都御史秦金前去鄰近清浪等處相應地方往會同及貴州總兵官李昂

各提督將守備三司等官整理兵糧相機撫勦其

貴州錢糧照依該部奏准事理隨宜督理軍餉勅內該載未盡者亦聽爾等便宜而行事體重大者奏請定奪官軍人等斬獲功次送巡按兼紀功御史處紀驗欽此欽遵查得接管卷內正德十一年二月初四等日節據清平衛申稱本月初二等日被車枕等寨反賊阿傍阿皆阿革等借稱苗王糾拽苗眾攻燒本衛關廂屯堡驛站殺虜人財等情該先任巡撫右副都御史曹祥等查照兵部題

晉溪本兵數奏

卷二

備都指揮周吉統領及委分守右叅議蔡潮調度會同清平衛註俸都指揮王言等相機撫捕本月初六日都指揮王言率領家丁王昭義兵顧惠等出城與賊對敵斬首一顆凱里冠帶土舍楊弘見賊攻圍清平衛城領兵迎敵本月初八日楊弘斬首二顆初九日土舍楊弘斬首一顆頭目王茲斬首二顆各賊退回香爐山劄營本月十四日卜五寨熟苗阿頂等前去丹溪堡救護與賊對敵斬首一顆本月十五日上午楊弘領兵哨捕香爐山下苗賊敵殺土兵阿陳蘇慶羅休保等斬首一顆本月二十四日清平衛百戶

顧恒領兵於接梁坡裝塘遇賊迎敵軍人鄭谷真斬首一顆本年三月初二日該參議蔡潮都指揮周吉王言清平衛指揮周勳等差木獠鄉導阿洪羅成等反謀省諭各賊輸情當出木刻牛隻告退官軍將虜去男婦袁保等放出給主立石為證苗賊陸續下山安業量留官軍守城楊弘土兵掣回續據參議蔡潮呈稱平越衛楊義司管下葛洞寨反賊阿高等糾拽香爐山賊首阿傍阿皆阿革阿義等於本年四月初二日夜復出燒劫清平衛朱官屯一帶人家初三日攻燒平越衛楊老站關廂本職當差清平平越二衛

指揮王濟王武王鵬曹章千百戶王昌何璽等率領官軍義兵前去本堡截殺斬首六顆各賊稍退本日於洛邦鋪遇賊敵殺斬首五顆本月初四日於洛登鋪斬首一顆本月初五日各賊復來攻打楊老站探知錦衣衛百戶丁文賚

勅經過在於煙墩坡起塘與護送官軍對敵射傷苗賊十數人陣亡指揮王杞百戶李英汪純方桂及義兵胡裕等三十餘人本月初九日攻燒重安站本職當令守哨興隆衛指揮鍾鼎重安長官司土舍馮綸領兵截殺斬首九顆生擒苗賊一名阿乾餘賊奔走

隨崖溺水死者不計其數本甲參事蔡中孚督行平越衛指揮劉懷率領舍人劉通義兵盧文成等哨至麻哈江遇賊對敵斬首二顆本月二十日參議蔡潮督發義兵前去怪石山裝塘擒獲苗賊阿猴阿容阿北阿辱四名本月二十四日本職調發苗義等兵勦殺尾捧反寨截路苗賊斬首一十顆生擒稱王賊首一名阿講僭稱調軍旗牌苗賊一名阿肉俘獲苗婦四口水黃牛一十一隻兇器四十件米把二千餘擔燒毀賊米倉四百五十餘間又據守巡等官及清平等衛呈申香爐山并都黎都蘭葛洞等寨賊首阿傍

阿皆阿革阿罕阿高阿葵阿炳等終日聚眾借稱苗王攻圍城堡殺虜人財阻塞道路急請添兵勦殺等因該鎮巡三司等官會議一面奏請兵糧一面量調本者官土義兵并偏鎮等衛戍兵行委參將浴忠守備都指揮周吉指揮楊仁等統領及委分守右參議蔡潮分巡僉事蔡中孚調度截殺據參議蔡潮呈稱

本年五月初五日會同守備都指揮周吉督同貴州前衛千戶鄭裕密切計設伏兵清平衛東門外橋下擒獲香爐山出劫稱王賊首阿罕阿弄阿頓阿釀四名劇賊阿旦阿禮阿墩阿茶四名本月初九日會同

分巡僉事蔡中孚將洛忠督令指揮鍾鼎土舍馮
綸率領義兵攻克新寨截路反賊斬首一十八顆生
擒苗賊一名阿得俘獲幼男婦女四名口兇器二十
八件牛羊等畜六隻餘賊奔潰洛河不計其數被傷
義兵五名又據叅議蔡潮僉事蔡中孚將洛中呈
稱本月二十六日各職會行都指揮周吉史勇權繼
武指揮楊仁等將官軍義兵分為四哨進勦葛洞反
寨大小硬固本月二十七日至六月初二初三初四
等日與賊對敵攻開硬固生擒稱王賊首阿高阿仰
阿喇三名從賊阿虎等二名斬首七十五顆俘獲賊

晉溪本兵敷奏

卷一

萬男婦一十六名口水黃牛一十一隻未把一千五
百餘擔兇器一百七件燒毀賊房米倉八百餘間餘
賊奔崖投水死者數多被傷義兵二名彼因糧餉無
備量留軍兵防守城堡及將尾棒等寨權為撫安又
據貴州按察司開稱守備都指揮周吉督令百戶顧
恒於本月二十六日擒獲苗賊阿計等二名解司收
問等因各呈報在卷右副都御史曹祥行取回京別
用本年八月十五日臣到任接管本月十六日節據
兵備副使李麟并都勻府衛各呈申四川管下天壩
等處黑苗通虜仰等糾合羊落寨賊首阿貴等統領

三千餘徒攻劫撒毡堡麻略州見今圍住狗場堡城
乞發軍兵救援臣會同鎮巡等官議調龍里等衛官
軍會集原撥防守軍兵行委副使李麟僉事蔡中孚
都指揮周吉提調相機遏截續據各官呈稱分布軍
兵於本月十七日辰時俱至狗場放砲為號四路會
合衝敵賊見我軍勢勇方纔起營掣走當督軍兵追
至地名計羊坡谷蘇隘口等處斬首七顆餘賊退散
又據副使李麟叅議蔡潮呈稱賊首阿皆已於本年
八月初八日在國病故該臣遵奉前項
勅諭公同貴州鎮巡三司議得賊黨衆多據險負固

晉溪本兵敷奏

卷一

未及勦伐先議因圍及查倉庫錢糧缺乏卒難舉兵
一面會給旗榜差委都指揮等官王麟等權為撫處
一面奏請措置糧餉節准湖廣巡撫都御史秦金咨
總兵官楊英手本約會進兵隨將積糧圖備緣由回
報續據分巡等官僉事蔡中孚等呈本年十月十六
日守備都指揮周吉隨帶官軍義兵發哨至地名俗
邦鋪苗賊起塘截路對敵被賊殺死軍人家丁九名
搶去行李卷廂等因臣等查得周吉自接管守備以
來失事頗多為謀未見會本叅奏及委緣事都指揮
邵鑑暫代守備戴罪殺賊又添調安順等州司土兵

蕪園原調官軍行委都指揮邵鑑滿弼指揮楊仁等
 統領仍行守巡參議蔡潮僉事蔡中孚將材指揮余
 大綸計議調度防守城堡開通道路續據僉事蔡中
 孚都指揮邵鑑呈報本年十二月二十八日督兵裝
 塘擒獲叛賊一名阿業投苗軍人一名徐文明又據
 參議蔡潮呈稱會同邵鑑於正德十二年正月十六
 日發兵哨至地名木岐坡生擒香爐山出劫苗賊阿
 度阿亞二名本月十九日發兵於平路河裝塘斬首
 二顆本年二月十六日發兵裝塘十五寨路口斬首
 二顆本年三月初五日發兵木岐坡裝塘生擒苗賊

晉漢書卷之五十一

三十五

阿放阿吾二名本月初六日發兵於萬湖山口斬首
 一顆又據按察司呈准兵備副使李麟閣稱本月十
 一日夜苗賊攻打高基寨有民人番引等對敵斬首
 一顆又據參議蔡潮呈稱會同都指揮邵鑑滿弼將
 材指揮余大綸布置方畧委千戶何宏督令凱里
 土舍楊弘率兵於本月十二日擒獲香爐山羊路上
 寨稱王賊首一名阿貴本月二十九日發兵裝塘羅
 仲路口斬首二顆本日土舍楊弘率兵埋伏翁鴉坡
 與香爐山反賊對敵斬首五十三顆又據副使李麟
 閣呈本年四月初三日督兵擒獲糾擾黑苗賊人番

金晉柰二名傳獲賊屬男婦九名口本月十一日苗
 賊攻打巴郎寨發兵截殺斬首二顆參議蔡潮呈稱
 本月十二日發兵平路河埋伏斬首一顆本月二十
 四日發兵於黃平地界生擒反賊一名阿為陸續開
 報在卷該臣公同貴州鎮巡官督同三司掌印等官
 查議得措置軍需粗有儲備又守不免糜費會委都
 司掌印等官都指揮潘勳親詣清平衛會同守巡兵
 備守備等官參議蔡潮等再行撫處以決進止續據
 各官呈稱前項苗賊自知罪大惡極恃險負固不聽
 撫化熟審事勢決宜進剿及將善惡苗寨畫圖貼說

晉漢書卷之五十一

三十五

呈報前來會行湖廣巡撫都御史秦金總兵官楊英
 督調原擬漢土官軍及分授差官起調貴州并四川
 播州酉陽等衛司官軍土兵刻期本年八月初三日
 進剿間又據參議蔡潮呈報凱里土兵楊弘領兵本
 年六月二十七日生擒香爐山苗賊阿李阿包阿遮
 三名斬獲門樓寨首惡阿播首級一顆本年七月十
 七日准協守湖廣郎陽地方副總兵李瑾手本開稱
 湖廣巡撫都御史秦金總兵官楊英俱奉
 欽依征剿榔桂搖賊本職更替楊英統兵征剿貴州
 苗賊等因節經行催本官督兵前進續據四川播州

宣慰司申報本月二十四日本司書舍楊相差令家
丁吳澄等在於羊皮虎場擒斬稱王首賊阿吳阿泥
三名又據參議蔡潮呈稱本年八月初八日本職會
同管糧右叅政胡濂都指揮潘勳滿弼將材指揮余
大綸等設計伏兵砲木寨生擒香爐山稱王首賊一
名阿革本月二十六日參議蔡潮仍會各官督委百
戶邵剛等伏兵羅茂寨計擒香爐山稱王首賊一名
阿義偕稱調兵旗牌賊首一名阿黎本年九月十二
日又據參議蔡潮都指揮潘勳揭帖稟稱本月初十
日守備都指揮權繼武都指揮滿弼王言金章等各

晉溪本兵敷奏

卷一一

率義兵土兵出城四處裝塘遇截本月十一日巳時
果有香爐山反賊約計三百餘人各持標弩突出木
岐坡截路我兵四面起塘奮勇對敵殺死五十餘賊
各因相持緊急難斬首級當有平越衛指揮丘漢親
斬首級一顆各賊奔回地名白崖權繼武王言等奮
不顧身追趕敵殺不期各賊四面埋伏起塘約有六
百人我軍鏖戰又殺死二十餘賊敵至申時我兵飢
困被賊敵死百戶顧恒并義兵十餘人我軍遇晚掣
回守備權繼武都指揮王言與賊對敵至晚未回不
知存亡在發大軍分布進剿以紓危急隨據義兵李

飛寬無稱王首賊被擒回還等因到臣一面會行兵備
副使李麟分巡僉事詹源查勘失事緣由及會本題
知一面催兵分哨刻期進剿續准副總兵李瑾統領
湖廣官軍并永保二司土兵及據貴州黃平程番安
順四川播州酉陽等衛所府州司官舍目把各將擬
調官軍土兵統領前來又恐軍兵數少會給告示召
集一應官吏監生員旗軍舍餘諸色人等許令出
力報効隨軍殺賊臣會同鎮巡等官相度賊巢險易
將調到漢土官軍配分五哨定委參將洛忠都指揮
劉麟陶霖王璽祝鎮葉曇楊淮許詔等統領仍差官

晉溪本兵敷奏

卷一一

賈執旗牌分哨督戰又委副使李麟參議蔡潮僉事
許效廉詹源監視右叅政胡濂管理錢糧及行布政
使趙文奎總理僨運接濟并委兵部咨送將材指揮
余大綸遍歷各哨參謀督責總兵官李昂副總兵李
瑾統領官軍土兵住劄酌中處所節制分哨調度策
應臣公同太監李鎮居中調度區畫指示監察御史
周文光糾察姦弊紀驗功次擇於本年九月二十一
日進剿前項首賊已將用兵緣由會本具題及行各
哨督催攻剿副總兵李瑾又於本月二十六日親臨
營伍指示督戰節據監軍副使李麟參議蔡潮僉事

許效廉唐源各呈奉臣等調度監督各哨漢土官兵
進抵香爐山圍下立營五哨會合夾攻柰何賊圍四
圍高險懸崖削壁止有陡隘路五處苗賊堅築排柵
關防敵守連日攻戰哀放礮石弩箭軍兵難近雖將
軍火銃燬毒飛槍放打燃燒賊房隨即用水潑滅各
職會同統軍叅將洛忠將材指揮余大綸設法製造
鐵梯爬山虎麻索長梯督同都指揮祝鎮王壘陶霖
劉麟葉曇揚淮許詔領兵保靖宣慰彭九霄永順宣
慰彭明輔等挑選精兵於本年十月初三日寅時先
令乘覺土兵乘賊不防去處沿崖猿攀將鐵梯掛

晉漢奏議卷之十一

三十九

拽兵上圍攻開頭層排柵放火燒燬賊房三十餘間
殺死苗賊百十餘人叅將洛忠督率官兵斬首一顆
奪獲兇器二十件陣亡土兵二名被傷五名都指揮
祝鎮王壘督率官兵斬首七顆俘獲男女二名口水
黃牛六隻兇器一十七件陣亡土兵一十九名被傷
一百名都指揮陶霖劉麟督率官兵斬首六顆奪獲
兇器二十件陣亡軍兵五名被傷一十五名都指揮
葉曇揚淮督率官兵斬首一顆苗賊恃險敵殺收兵
回還未盡勦除初七日都指揮葉曇揚淮督率領軍
指揮張本軍人趙喜生龐文興等在於香爐山前門

生擒首惡一名阿朗奪獲兇器二件初八日叅將洛
忠督率凱里土舍楊張頭目馮珪金良蔡勳羅寒李
龍等於平茶寨生擒奔逃苗賊阿瓜阿斗二名本日
都指揮許詔會同將材指揮余大綸報効知州游潛
永順宣慰彭明輔等生擒兇稍寨稱王首賊一名阿
傍又據監軍副使李麟叅議蔡潮僉事許效廉唐源
各呈稱督兵連日攻山苗賊據險矢石交下難以取
勝各職會同統軍叅將洛忠將材指揮余大綸等計
議摘兵採打竹木架搭揚橋整造戰樓接近賊巢排
柵約可攀登督同五哨統軍都指揮祝鎮王壘陶霖

晉漢奏議卷之十一

三十九

劉麟葉曇揚淮許詔領兵宣慰彭明輔彭九霄指揮
密忠趙銘杜堅崔鏞播州宣慰司土舍羅駿楊景酉
陽宣撫司土舍冉翰凱里土舍楊張報効知州游潛
都指揮周吉指揮張仁生員李寶等於本月十四日
丑時分隨乘雷雨交作規賊不備去處先令土兵沿
崖上圍殺死守路苗賊砍開排柵齊聲舉號當督各
哨官土義兵并報効人員梯攀蟻附直搗巢穴放火
焚燒賊房米倉烟焰燭天四面夾攻苗賊死戰我兵
奮勇敵至卯時賊眾勢敗叅將洛忠督率官兵斬首
三十四顆俘獲幼男婦女三名口牛馬猪羊等畜三

十隻兇器四十件陣亡軍兵六名被傷二十四名
都指揮祝鎮王璽督率官兵生擒苗賊一名阿母斬
首二十三顆俘獲婦女二口牛猪等畜三十六隻兇
器三百九十三件都指揮陶霖劉麟督率官兵斬首
二十三顆俘獲幼男婦女五名口牛馬猪羊等畜三
十隻匹兇器三十件陣亡軍兵四名被傷二十名都
指揮葉雲楊淮督率官兵生擒苗賊一名阿計斬首
六十四顆俘獲幼男婦女三十一名口牛猪等畜三
十隻兇器二十四件都指揮許詔督率官兵生擒苗
賊一名阿榜斬首七十二顆俘獲幼男婦女三十九

晉溪奏議卷之十一

四十

名口兇器二百三十一件米把二千五百餘石陣亡
士兵二十四名被傷一十六名火燒房舍約計萬有
餘間燒死苗賊男婦并牲畜糧食等項不計其數餘
賊奔登山頂我軍就占賊圍劄營攻圍又據監軍僉
事詹源呈准統軍叅將洛忠手本開稱本月十五日
會同僉事詹源將材余大綸計議督同保靖宣慰彭
九霄百陽宣慰司舍人冉翰凱里土舍楊張目把馮
珪楊升蔡勳莫羊保丁三楊阿美報効冠帶舍人李
縉羅福許德輝王準等分布殺手埋伏山下本職親
詣山頂崖畔擒獲稱王賊首一名王阿肉本日都指

揮陶霖劉麟督率官兵斬首二顆又據監軍副使李
麟叅議蔡潮呈稱本月十六日各職同將材余大綸
親登絕頂崖畔督同都指揮王言宣慰彭明輔指揮
朱衣胡永遠姜宣千戶金蘭冠帶總旗王添仲錦衣
衛冠帶舍人夏孜李淮李鑑甯寬等擒獲僭稱總王
車梳寨賊首一名阿傍僉事詹源呈稱本日叅將洛
忠督令土舍楊張目把馮珪莫羊保蔡勳楊阿美等
親登山頂崖畔計擒惡賊一名阿蚌僉事許效庶呈
稱本月十七日都指揮祝鎮王璽督率官兵斬首一
十一顆奪獲兇器一十三件又據監軍副使李麟叅

晉溪奏議卷之十一

四十一

議蔡潮僉事許效庶詹源開呈本月二十二日各職
會同統軍叅將都指揮等官洛忠等督同領兵宣慰
宣撫等官舍密切伏兵崖下先令都指揮王言帶同
鄉導陳良等上至山頂半崖與賊斷話令其聽順投
降各賊反持標弩下山迎敵隨即舉號伏兵四起與
賊交戰叅將洛忠督令官兵斬首四顆都指揮陶霖
劉麟督率官兵斬首五顆都指揮葉雲楊淮督率官
兵生擒首亞心一名阿浪從賊阿掌等二名斬首十八
顆奪獲兇器四八件都指揮許詔督率官兵生擒苗賊
阿呀等二名斬首一十三顆得獲猪四隻兇器四十

三件都指揮祝鎮王璽督率官兵斬首一十九顆奪獲兇器一十七件本月二十四日參將洛忠督兵生擒苗賊阿歪阿指等九名俘獲幼男婦女三十一名又據監軍副使李麟參議蔡潮僉事許效廉詹源呈稱餘賊奔據山頂飛崖陡險拒守益堅連日雖已設計陸續擒斬數多未盡殄除會同參將洛忠將材指揮余大綸督同統軍都指揮陶霖劉麟祝鎮王璽葉曇楊淮許詔領兵宣慰等官彭明輔彭九霄等計議於山半稍有樹木藤蘿蔓延去處密架雲梯本月二十八日先令百戶邵剛土官吳隆帶領鄉導吳寬等

音譯奏議卷之三十一

四三

於山前誘賊打話陽為招撫出其不意當督官土義兵并報効人員俱於山後齊登連用飛槍爆毒放打苗賊男婦各持兇器迎戰我軍奮不顧身與賊敵殺賊勢大敗一鼓勦除參將洛忠督率官兵斬首五十八顆俘獲幼男婦女八名口兇器五十件陣亡土軍一名被傷二十四名都指揮陶霖劉麟督率官軍生擒苗賊阿臧等二名斬首五十四顆俘獲幼男婦女三十名口兇器五十件陣亡土軍一名被傷二十五名都指揮祝鎮王璽督率官兵生擒苗賊一名阿桑斬首五十五顆俘獲幼男婦女二十名口兇器一百

四十七件都指揮葉曇楊淮督率官兵生擒苗賊阿弟等六名斬首五十三顆俘獲幼男婦女一十八名口兇器二十四件都指揮許詔督率官兵生擒苗賊阿佬等九名斬首五十七顆俘獲幼男婦女三十二名口兇器七十件苗賊投入崖洞死者不計其數本月二十九日搜捕山箐參將洛忠督兵生擒苗賊阿改等七名斬首六顆都指揮陶霖劉麟督率官兵生擒苗賊一名阿穰斬首一十二顆得獲兇器七件都指揮祝鎮王璽督率官兵生擒苗賊一名阿岳斬首五顆本年十一月初二日都指揮祝鎮王璽督兵俘

音譯奏議卷之三十一

四三

獲幼男苗婦二名口又據監軍統軍副使參將等官李麟等會呈爐山搗覆渠魁俱已得獲餘黨擒斬無遺欲行移兵挾撫黑苗進勦為惡賊巢等因又經會行各官督委署都指揮等官楊仁等前去漂填等處撫處及行參將洛忠兼督各哨移兵相機撫勦龍頭黎蘭等寨節據監軍副使李麟參議蔡潮僉事許效廉詹源開呈本月十六日參將洛忠督率官兵攻克龍頭寨苗賊見我軍兵將到倚恃江水深險沿崖迎敵軍兵一面撐船擺渡一面躡水過江與賊對敵直衝賊寨放火焚燒賊房米倉苗賊勢敗奔走我兵乘

勝追殺斬首三十五顆得獲銅鼓五面兇器一十六
件陣亡土兵二名被傷一十名都指揮劉麟陶霖督
率官兵攻克翁牙寨斬首一十四顆奪獲兇器九件
陣亡土兵一名被傷五名都指揮祝鎮王璽督率官
兵攻克龍頭上寨生擒苗賊一名阿良斬首二十六
顆俘獲幼男婦女六名口本月十七日攻克羅鬼龍
劉等寨將洛忠督率官兵斬首一十二顆奪獲兇
器一十五件燒毀賊房米倉九十餘間陣亡土兵一
名被傷四名都指揮祝鎮王璽督兵生擒苗賊一名
阿麥本日攻克米勇寨都指揮葉曇楊淮督率官兵

晉溪本兵敷奏

卷二

斬首一十九顆俘獲苗婦幼女二口牛馬猪畜一十
隻匹兇器二件燒毀賊房四十餘間都指揮許詔督
率官兵斬首二十三顆俘獲苗婦幼女三口兇器九
十七件米把一千餘石燒毀賊房米倉八百餘間陣
亡土兵一名被傷五名本月二十八日至十二月初
七八等日統軍參將都指揮等官洛忠等連日督兵
進勦都黎都蘭都遂重拜密西大支尾捧白蠟酉二
鮮馬羅果重夢賈董等寨固寨將洛忠督率官兵生
擒苗賊阿茲等三名斬首四十四顆俘獲幼男婦女
一十九名口水牛六隻苗衣十件兇器四十二件陣

生擒一名阿黨斬首四十一顆得獲水牛七隻兇器
三十件陣亡土兵四名被傷一十四名都指揮祝鎮
王璽督率官兵斬首八十七顆俘獲苗婦一口兇器
三十九件都指揮葉曇楊淮督率官兵生擒阿得老
受二名斬首一百顆俘獲婦女四名牛馬猪畜六隻
匹兇器四十四件燒毀賊房米倉一百一十餘間都
指揮許詔督率官兵生擒一名阿勒斬首一百二十
五顆俘獲幼男婦女一十一名口水黃牛一十九隻
兇器一百三十件米把一千五百餘擔燒毀賊房米

晉溪本兵敷奏

卷二

倉二千四百餘間餘賊奔潰山箐崖洞藏躲督兵搜
捕本月初十日僉事唐源呈稱清平衛守把白賈山
舍人甄章關惠督領守路寨把俘獲奔逃賊屬幼男
婦女二十三名口本日參將洛忠督率官兵哨至都
黎都蘭寨山箐內藏苗賊一夥在彼隨即追捕各賊
披執兇器拒敵我軍奮勇截殺斬首一十七顆奪獲
兇器七件本月十七日參將洛忠督率官兵哨捕都
黎寨河邊斬首五顆奪獲兇器一件都指揮陶霖劉
麟督率官兵哨捕都蘭寨山箐斬首二十五顆又據
監軍副使李麟參議蔡潮僉事許效廉唐源各關呈

本月午正日攻克夏硬園苗賊對敵參將洛忠督率官兵斬首九顆俘獲幼男婦女四名口都指揮祝鎮王璽督率官兵斬首五顆都指揮葉曇楊淮督率官兵斬首五顆奪獲兇器三件本月十三日都指揮陶霖劉麟督率官兵哨捕酉二寨山菁斬首一十顆本日指揮狄遠率領軍兵哨捕董丙山菁生擒苗賊一名斬首一顆本月十四日參將洛忠督率官兵搜捕酉二寨斬首二顆都指揮祝鎮王璽督率官兵哨至小層洞口與賊敵殺斬首三十七顆奪獲兇器二十一一件都指揮陶霖劉麟督率官兵搜捕酉二寨山

晉斬首四顆本月十五日參將洛忠督率官兵搜捕

四六

都黎都蘭都蓬山菁斬首一十一顆俘獲婦女二口本月十六日播州凱里土合楊張差委頭目馮珪隨同委官指揮周勳千戶沈俊等前去截洞三寨撫理各苗向化願出銅鼓三面并將香爐山先日逃在本寨賊人斬首二顆送官贖罪本月十七日參將洛忠督率官兵哨捕都黎都蓬山菁斬首四顆本月十八日搜捕董丙國參將洛忠督率官兵斬首九顆都指揮祝鎮王璽督率官兵斬首六顆都指揮葉曇楊淮督率官兵斬首六顆奪獲兇器三件本月二十日攻

克乾溪山國參將洛忠督率官兵斬首一十顆俘獲幼男女二名口都指揮祝鎮王璽督率官兵斬首六顆都指揮葉曇楊淮督率官兵斬首三顆奪獲兇器二件及行據委官署都指揮楊仁督同清平等衛指揮周勳戴清楊義等司土官金洪吳隆四川播州宣慰司舍把楊杲等并參議蔡潮各將撫追過天壩等處黑苗殺占舟溪等軍堡屯田并招安過老軍黎從楊保等寨田土戶口數目開呈到臣查得各哨前後生擒首惡阿傍阿革等共二十名餘黨阿訖等八十一名斬首一千五百一十九顆通計擒斬過首從賊

晉斬首四顆本月十五日參將洛忠督率官兵搜捕

四七

級一千六百二十名顆俘獲賊屬幼男婦女三百二十三名口牛馬猪羊等畜二百一十二隻匹兇器一千七百三十九件銅鼓八面米把八千五百餘擔苗衣十件燒毀賊房米倉一萬四千七百二十餘間陣亡軍兵七十三名被傷二百八十名撫過老軍黎從楊保等三百七十五寨招回復業軍民三千八百二十七戶男婦一萬三千九百九十八名口迫復屯口九百六十餘畝前項功次俱該先今巡按監察御史李顯周文光紀驗明白首級發屬梟掛生擒賊犯解貴州按察司監候會問俘獲人口原係被虜者給親

完聚賊屬照例收養變賣牲畜米把充賞土兵人等
光器發按察司改造刑具銅鼓苗衣發布政司貯庫
被傷陣亡軍兵給與藥資棺木調理葬埋夷寨屯堡
招安軍民承種外照得巡撫湖廣右副都御史秦金
總兵官楊英巡按監察御史李顯先同奉

命勦賊紀功會處有差各因改差回京不在會同鎮
守貴州地方內官監太監李鎮總兵官都督僉事李
昂巡按監察御史周文光協守湖廣鄖陽地方副總
兵李瑾議照苗民逆命自古為然而恃險肆惡於今
獨甚倡亂於阿傍阿皆之桀酋蠢動於車梳門樓之

晉溪本兵數奏

卷一一

諸寨動稱六十年氣數皆然輒以韋同烈故事藉口
呼吸之間蟻聚蜂屯奔跳之際鴟張豕突自清平興
隆以及偏頭諸衛欲攻阻上京之路由平越新添以
及龍貴諸鎮欲據為已有之區軍屯財畜燒劫無遺
衛堡城池攻圍不次哨聚香爐巢穴敵殺應捕官軍
若居民若行旅殘傷無算若村市若鎮店搶掠一空
稱呼自為苗王出入僭乘轎馬惡焰重熾於遠近兇
聲連絡於蠻夷請兵討罪湖廣交章得

旨會師撫征並舉蓋叛逆又錮於冥頑顧招安適資
乎玩侮大兵壓境猶戢殺軍職方面厥罪滔天寔自

絕生成覆育神人共憤徒勦何疑于是預分玉石明
示恩威大會三省之兵共圖萬全之計舍羽翼之羣
寨先根本之香爐四面圍繞五哨夾攻官軍土軍輪
番攻擊軍器火器錯雜交施厚賞激之於前嚴罰懾
之於後是以官兵各輸謀勇共圖成功或造樓樓戰
或架梯攀登我攻之無間於晝夜彼禦之莫救乎東
西覘其無備之處密為暗取之謀一登而戮其梟桀
銳鋒已挫再登而斬其首從巢穴盡燔種類盡於三
登根株不遺一縷軍聲震地烟焰燭天數拾尋巖嶮
之山一朝失險千百年遮迤之寇一旦誅夷香爐摧

晉溪本兵數奏

卷一一

裂夷寨震驚舉此加彼順若建瓴圖易先難勢如破
竹故傳檄漂垣諸苗輸誠納款歸我侵疆加兵黎蘭
等寨落膽飛魂以次授首必渠魁之是誅縱脅從而
不問師雖無敵兵不窮追功幸有功難歸破險維茲
賊巢諸夷窺望名為香爐形如磨盤之下壁立四圍
堅若金城盤之隅平衍十頃穩稱巢穴而盤之上則
突兀盤旋可望而不可登也賊據此以為天險人望
之以為虎穴先年賊眾哨聚寔屢王師以兵二十三
萬連營數十餘里圍之數月竟至老師而費財得一
首賊遽尔班師而奏捷是以賊未痛遭挫切心常徂

於反叛動因小忿弄兵每以前事藉口今兵不滿五萬未及三月破先年不能破之山滅先年不能滅之賊功高往昔威震群夷皆

皇上聖武布昭乎遐邇英謀妙契乎神人而本兵大臣與帷幄元老又能運謀指示默中機宜所謂厲於廟廊之上以誅其事者故將士得以奮銳貅之勇而臣等亦得以效犬馬之勞以致有此克捷地方底寧軍民胥慶從事官僚如參將洛忠都指揮葉晏揚淮許詔陶霖劉麟祝鎮王璽專哨統軍料敵制勝而參將洛忠與委官署都指揮楊仁分布撫處尤盡心力

晉漢奏議卷之十一

奉

副使李麟參議蔡潮僉事許效廉詹源監軍紀驗革弊籌畫而參議蔡潮先同緣事都指揮邵鑑防禦撫捕久著勞勩督糧有措置之方供軍無缺乏之患貴州參政胡濂之勞可錄給軍餉於經過之時防撥擾於必由之處湖廣參政張天相僉事汪玉之長可數貴州布政司見任布政使趙文奎陞任布政使陳雍綜理錢糧區畫惟謹都按二司見任按察使林長繁都指揮王麟緣事都指揮潘勳協贊戎務幹理亦勤至如將材宣慰與凡領征百執事漢土官目或參謀逐殺或督責駿奔亦皆宣力効勞而不敢有怠焉者

也臣等又恐大兵既掣漏殄殘賊及新撫夷寨或至乘虛反側議留本省并輪戍官軍行委參將等官統領於各該衛堡住劄防守會同兵備守巡官將殘破城池關隘逐漸修理以為長久之圖遇有殘賊出沒相機追捕以靖地方初附夷民資助安插使得生理候至明年三四月間苗夷歸農地方無事將前留官軍發回該衛所着伍差操其四川管下天漂天垠等處黑苗雖經挾撫退回巢穴但性類犬羊叛服不常乞

勅該部轉行彼處巡撫巡按督行該道守巡官嚴督

晉漢奏議卷之十一

奉

播州宣慰楊斌責令該管舍目不時撫諭不許仍前越境侵占貽患地方除官軍人等獲到功次該巡按紀功御史查照造冊及將僭王首惡阿傍等會審明白各另具奏軍中用過錢糧等項行布政司造冊徑繳該部查照已於本年十二月二十一日班師外緣係捷音事理具本專差將材指揮余大綸奏正德十三年二月十二日奉

聖旨是這苗賊恃眾聚眾攻圍城池敵殺官軍阻塞道路累次不服招撫鄒文盛等乃能督率將士搗平巢穴出師未久即能成功良可嘉尚寫勅獎勵差來

人陞十級賞紵絲衣服一套新鈔一千貫各該有功等項官員人等該陞賞的兵部還看說了來說欽此臣等議得正德十一年先任巡撫貴州都御史曹祥等因未經奏請

上命授以成算輒調土兵勦賊以致掣肘誤事後該本部前項查議節次具奏荷蒙

聖明洞見用兵機宜屢降

勅旨指示方畧各官方知警策遵守致此克捷臣等不過奉行文書修舉職業豈敢言功切照巡撫貴州右副都御史鄒文盛等督理軍務運籌調度勞蹟居

香溪奏議卷之十一

十一

多鎮守貴州太監李鎮協心識處勤勞顯著總兵官李昂副總兵李瑾統領官軍躬親督戰尤為有功巡按御史周文光糾察姦弊紀驗功次秉公持正事無沮撓功亦可錄合無先將李鎮鄒文盛李昂李瑾周文光照依各年平定賊寇陞錄事例或量陞職級或加增祿米或錄蔭子姪以酬其功及照巡撫湖廣都御史秦金督調兵糧依期征進亦與有勞合無亦加賞賚以酬其勞但

恩典出自

朝廷臣等俱不敢擅擬伏乞

聖裁其餘有功官軍人等參將洛忠等并土官彭九霄彭明輔等及陣亡之人本部查照紀功文冊另行議擬具奏陞賞中間先參有罪人員今次有功亦論功罪多寡應不准贖緣由奏請定奪再照各官奏稱四川管下天漂天堪等處黑苗雖經挾撫退回巢穴但性類犬羊叛服不常乞行四川鎮巡官嚴督播州宣慰楊斌不時撫諭不許仍前越境侵犯一節合無本部馬上賞文交與四川鎮巡官計議作何方畧督委宣慰楊斌管束黑苗不得侵犯貴州境內應施行者就便從宜施行仍呈馳回奏定奪若別有應為議

香溪奏議卷之十二

十二

處事宜亦須作急陳奏不許徒為文具因循坐視以後黑苗侵犯貴州其四川鎮巡官責必難辭正德十三年二月二十九日具題奉

聖旨是各官既勦賊成功地方有賴李鎮歲與祿米十二石李昂李瑾俱陞一級鄒文盛陞俸一級各蔭子姪一人做世襲百戶周文光也陞俸一級待有相應員缺陞用他其餘官軍人等并土官人員有功陣亡等項該陞賞准贖的還查擬明白具奏定奪兵部前後運謀制勝指授有方致令各該地方官員遵守成筭節次勦平盜賊功尤可錄尚書王瓊賞銀三

十兩紵絲三表裏還照依前旨寫勅獎勵侍郎陳玉
王憲各銀二十兩紵絲二表裏本司郎中銀十兩員
外主事各五兩欽此

為懲不職以安地方事

看得巡按貴州監察御史周文光奏勸得巡撫四川
都御史馬昊調兵勦殺楚蠻四散奔突繼以芒部烏
撒夷羅烏合滋蔓貴州發兵川兵不至水西土兵被
傷奔潰搶掠致將貴州畢節等衛屯堡殘破馬昊既
不會兵過截又不發兵策應四川叅政彭杰僉事石
祿便安適已緩於救援乞要將馬昊提解來京送法

貴州奏議卷之二十一

五

司明正其罪彭杰石祿行巡按御史提問一節切詳
馬昊調兵勦賊不先會貴州鎮巡官過截誠為有罪
本官已因楚蠻復亂被劾請

勅切責其水西兵奔潰搶掠事在貴州非馬昊所能
顧理及彭杰石祿緩於救援亦恐別有妨碍况四川
巡按御史未曾勘明回奏見今四川松潘叙瀘兩處
用兵緊關用人合無將馬昊彭杰石祿俱記其罪待
四川事寧及巡按御史勘奏至日通查功過具奏定
奪及勸得革退叅將張泰都指揮王楫指揮夏忠劉
緯陳武張武千戶龔勳秦週俱守禦無方被賊攻圍

屯堡廣掠軍民俱合提問內五楫陳武巡捕撫夷各
效微勞四川芒部土舍隴壽隴政挾軍警殺不早撲
滅烏撒府土舍安寧女土官奢勿故縱部夷從亂內
隴壽斬獲首級奢勿擒獲賊首功雖可錄不足贖罪
要行各該鎮巡官從重處治一節查得張泰先因巡
撫都御史鄒文盛叅奏已行巡按御史提問未結見
今四川貴州交界地方諸夷作亂貴州畢節等處地
方用人防禦合無將都指揮王楫指揮陳武土舍隴
壽女土官奢勿俱准以功贖罪指揮夏忠劉緯張武
千戶龔勳秦週并土舍隴政安寧俱令戴罪殺賊通

貴州奏議卷之二十一

五

候賊寧之日巡按御史查奏有功准贖前罪無功提
問究治正德十四年三月十六日具題奉

聖旨是王楫等准以功贖罪夏忠等姑着戴罪殺賊
待賊情寧息之日巡按御史再查他有無功次來說
欽此

為十分緊急賊情事

看得巡按貴州監察御史周廷用奏稱貴州迤西地
方俱係四川所屬夷寨該道守巡官員經年不行巡
歷所屬土官目把得肆桀驁夷苗頻年構亂凡遇行
文催取各官前來會勘撫處視為泛常執拗不聽正

德十三年十一月內四川參議崔旻僉事王芳都指揮周爵方來貴州各官因循推避未見成功夷羅反肆猖獗官軍遂為殺害道路愈見阻塞參稱崔旻周爵託故先回王芳妄稱夷賊與彼地方無干擅調女土官奢爵夷兵二千餘名行文赤水衛支給口糧帶軍妻出城及將奢爵帶送永寧不肯放回等情要將王芳罷黜提問崔旻周爵行令戴罪前來會同貴州各該官員相機勦捕事寧就彼提問一節臣等議得御史周廷用所奏不為無見但據貴州分守參政林茂達等所言終係一面之詞如前項巡按四川御史

晉溪奏議卷之十一

五十六

黎龍奏據四川分守參議崔旻等所言自指揮朱永守備誤擊水西芒部結親白羅羅為強盜監故以致烏合蠻眾索要陪償人命等情則是舉起貴州不獨四川守巡官之責緣事干兩省各執一詞若不差官查勘不惟事不明白各不輸服抑恐處置不當大壞地方合無請勅差給事中并刑部郎中各一員前去四川貴州交界地方吊取節次奏行案卷從公體訪設法查勘要見各種蠻夷作亂果由何人造端啓釁累次搶殺果係何人違誤勘處玩寇養患何人處置乖方致失夷

情或自昔遠夷反側難定兩省地方各因用兵多事以致妨誤并御史周廷用黎龍各奏事情逐一推詳根究得實務在事理不偏情法兩盡使有罪者不得倖免無罪者不至濫及軍衛有司應問人犯就便提問干碍方面以上官奏請定奪及所在官司隱匿卷案占候人犯不服追問等項亦聽就彼提問參究事畢之日回京復命仍將處置兩省夷情事宜查議明白另行具奏定奪正德十四年六月二十一日具題奉

晉溪奏議卷之十一

五十七

聖旨這地方事情關係重大差刑部郎中錦水衛千戶各一員前去依擬從公查勘明白議處停當奏來定奪欽此

為十分緊急賊情事

看得巡撫貴州都御史郝文盛鎮守太監李鎮巡按御史周廷用參奏貴州布政司分守右參議蔡潮惟欲僥倖於一試不圖計慮於萬全誤用群小之計不惜垂成之功賊以被誑而敗盟兵亦有因而失利都指揮王言滿弼既以分統官兵自宜審度進止共期以倖而成功卒致損感而棄眾指揮劉淮美宣丘漢王濟千戶楊鳳馬武曹廉范清緒經百戶彭芳劉瑄

丁杲發兵未聞向往臨危亦欠敵愾指揮金章以公
差而蹈危機議發兵而無干預管糧叅政胡濂會處
一城欠阻眾議各官情犯不同俱難免罪又稱叅議
蔡潮先有撫捕保障功後有監軍克敵功與叅政胡
濂籌畫給餉勞勤居多都指揮王言雖稱功少於夷
賊攻圍之日奮勇退敵保全孤城及已故都指揮潘
勳生前調度撫處俱有可錄要將蔡潮胡濂并都指
揮滿弼指揮王濟丘漢百戶劉瑄原著功次准贖前
罪多餘之功仍量陞賞都指揮王言金章指揮劉准
姜宣千戶楊鳳馬武曹濂范清褚經百戶彭芳丁杲

晉漢奏議卷之廿一

卷之廿一

各將功贖罪陣亡都指揮權繼武千戶伍經何宏百
戶顧恒病故都指揮潘勳各令應襲兒男承襲原職
內權繼武伍經何宏顧恒并義士兵死於行陣似應
量與恤典等因臣等詳得各官既稱蔡潮用群小
之計僥倖一試以致失利殺死都指揮權繼武等官
軍一百六十五員名難以免罪却又稱蔡潮先有撫
捕保障功後有監軍克敵功要准贖罪多餘之功仍
量陞賞緣查前項巡撫都御史曹祥等奏內據蔡潮
所呈明開四川播州土舍楊弘率領土兵三千前去
救護斬獲賊級前賊稍退又稱叅將洛忠領軍二千

五百奪過江口開通道路進抵清平解圍蘇困一城
生靈幸得保全顯是保障清平乃楊弘洛忠之功蔡
潮雖與金章發兵斬獲首級其指揮王玘等被賊殺
死及劫燒屯堡殺虜人畜數多皆係蔡潮分守地方
所斬首級尚不足以贖前罪其後大軍征進香爐山
委用蔡潮監督左右哨不過紀驗首級別無功蹟彼
時與蔡潮一時分哨紀驗功次僉事許效廉詹源該
本部題奉

欽依各賞銀十兩紵絲二表裏其蔡潮監哨紀驗功
次若不犯罪亦不過如許效廉等擬賞別無多餘之

晉漢奏議卷之廿一

卷之廿一

功况查前項巡撫都御史鄒文盛奏稱據右叅議蔡
潮稟報香爐山苗賊要來大路劫糧會議發兵出城
遏截果遇苗賊對敵殺死五十餘賊都指揮權繼武
等不知存亡等因顯是蔡潮誘殺苗賊失事罪重安
捏賊來大路劫糧殺死五十餘賊以欺都御史鄒文
盛掩蔽已罪情弊顯然又查前項御史周文光奏稱
該鎮守貴州總兵官都督僉事李昂案驗正德十二
年九月初一日出師初四日抵平越初五日據叅議
蔡潮差吏劉曜稟稱彼正在設謀計獲首惡倘兵齊
到清平恐苗驚疑必須住劄稍緩數日初六日又據

千戶鄭裕賚到參政胡濂參議蔡潮都指揮潘勳等
各稟前因相同等因緣大軍初四日已至平越被蔡
潮阻止以致失機罪尤昭著今鄒文盛等將蔡潮前
罪俱隱匿不勘却稱別有餘功要加陞賞伏覩
大明律內戲殺誤殺各以鬪殺故殺論及告報軍期
違限因而失誤軍機望高巡哨之人失於飛報以致
損軍皆坐重罪今蔡潮明知總兵官李昂欽奉
上命統兵征進已臨賊境乃敢陰懷妬忌之心公行
阻止欲自邀功輕信間諜誘殺住寨苗賊擅調官軍
不備糧餉以致殺軍失將大損國威又敢捏報苗賊

晉溪本兵敷奏

卷一

下寨前來大路劫糧發兵截殺斬首五十餘顆故捏
虛情遮飾欺罔原其罪犯深重法難輕貸及各官奏
稱都指揮王言於夷賊攻圍之日奮勇退敵保全孤
城今查紀功冊內止開王言率家丁斬首一顆同衆
擒獲首賊一名都指揮滿弼奏內擒斬六名顆冊內
止開斬首一顆指揮王濟奏內斬首九顆冊內止開
斬首三顆又先該巡按御史李顯參奏王濟地方失
事戴罪殺賊指揮丘漢奏內四顆冊內止開三顆都
指揮金章奏內擒斬二十二名顆冊內俱開無指揮
劉淮係劉懷錯寫名字斬首一顆指揮姜宣斬首二

顆千戶馬武斬首一顆曹廉斬首二顆俱功微又與
都指揮王言滿弼指揮王濟丘漢俱係領軍官雖有
斬獲首級舊例不許報功及千戶楊鳳范清緒經百
戶彭芳丁杲冊內俱無開有功次俱難准贖前罪合
無本部移咨都察院行接管巡按貴州監察御史熊
蘭將蔡潮王言滿弼金章王濟丘漢劉懷姜宣楊鳳
范清緒經彭芳丁杲十三名通行提問分別情罪輕
重依律議擬奏請發落干碍原勘問官參奏定奪其
參政胡濂既稱事起蔡潮等胡濂止是久阻衆議後
平賊寨督餉有功并百戶劉宣冊既開有斬首三顆

晉溪本兵敷奏

卷一

合無各准贖罪俱免提問再照都指揮權繼武潘勳
千戶伍經何宏臨陣先退被賊殺死百戶顧恒又克
留官銀致失事機俱難優恤其已勘明被賊殺死義
士軍兵一百六十五名并外有隱匿未報殺死軍兵
皆由蔡潮等故不設備倉卒督調以致殺死委的情
有可憫合無亦行御史熊蘭嚴督該管衛所官員盡
數查出行令布政司動支官錢將各家屬量加賑給
以示優恤畢日布政司造冊奏繳查考及照原參都
御史鄒文盛總兵官李昂素無約束致令潘勳蔡潮
等擅弄兵權又聽蔡潮阻止進兵以致失事候班師

之日有功准贖前罪今已班師香爐山苗賊悉已勦
平鄒文盛李昂合無俱免究問正德十四年六月二
十三日具題奉

聖旨是蔡潮等提了問被殺義士軍兵已勘明并未
報的各依擬優恤胡濂及劉宜准贖罪鄒文盛李昂
俱免究問欽此

為積年草賊嘯聚山林劫殺人財攻燒村寨事
看得雲南巡撫都御史何孟春等奏稱十八寨強賊
聚至數千攻燒村寨劫殺人財地方受害要調兵一
萬委官管領及查支剩餘丁銀兩備寧興賞犒之費

晉漢本兵數奏卷十二

卷十二

天道人事既難猝舉乘間伺時亦合早慮除行三司
等官查照逐一議處仍請鎮守衙門

欽降旗牌督催土兵聽候相機撫捕及將在逃知府
張縉指以用兵科派銀兩情罪勘報另奏等因臣等
議得

朝廷於額外臨安添設副使奉

勅專一整飭兵備及雲南設置鎮巡官其責莫大於
防邊衛民今勅勒州監生百姓之家累被十八寨強
賊攻劫殺虜死徙過半而副使吳便若罔聞知縱容
知府張縉假以調兵科斂財物重為民害不惟風紀

蕩然亦恐通同作弊合無本部移咨都察院行巡按
雲南監察御史將副使吳便行提并差人挨拏在逃
知府張縉依律問罪監候奏請發落以警將來仍咨
吏部推舉附近雲南地方廉幹官員以代吳便本部
行文何孟春將處置十八寨強賊事宜作急會議停
當應撫應勦果斷施行不必仍諉下司展轉疑議合
糊不決致誤事機養成大患如或故違聽巡按御史
指實糾奏正德十五年七月初一日具題奉

晉漢本兵數奏卷十二

卷十二

聖旨是十八寨強賊聚集人眾攻燒村寨劫殺人財
地方十分受害吳便張縉都着巡按御史提了問何
孟春等議奏地方事情執持兩端含糊不決好生有
負委託着上緊會議停當奏來定奪如或仍前怠玩
致誤事機罪有所歸欽此

晉漢本兵數奏卷十二終

國棟棄大亂之後民多流離失恒產然當是時
 官皆畏法不敢言下故建衛徙軍多安其後自
 後日漸承平流罪者悉改充成故人有懷土之
 思不能固守其新業於是乎逃亡者十常八九
 而清勾之令遂不勝其煩擾矣以軍伍消耗為
 憂者務嚴其法然法益嚴而民益擾終不能使
 之安其業而不逃此非法之不善勢不能也蓋
 民貧不自愛始輕犯法又速徙為軍亦必不能
 自存所至逃逸者其勢則然耳至於遠年故絕

軍戶必使有以繼之則其為害滋甚又惡乎其
 可乎故今清軍之法當以寬為主席幾間閭少
 得休息耳况兵貴乎精而按籍勾補者率多老
 弱疲羸糧餉費而無用是二者之事理又有不
 相當也然則變通之道宜何如亦曰募其土著
 之精銳者撫而用之則兵亦不患其不足矣

為陳愚見以蘇民困事

看得御史馬錄所奏清理軍伍重複造冊勾擾貽累
 軍民致死情弊切實簡當急當准行今將所言開立
 前件查議明白伏乞

聖裁正德十年七月初三日具題奉
 聖旨是欽此

一清理軍伍國家重務前件查得軍政條例內
 開所勾軍士若有丁盡戶絕并山後等處人
 民挨無名籍等項三次有司保結回申委無
 勾取軍衛有司各另造冊轉繳兵部開豁今
 照各處衛所官吏不行遵守又將已經五次
 十次保結無勾軍人一槩造冊開勾今後各
 處衛所將先曾三五次保結并今次重行清
 審明白無勾者俱且住勾不許重複造冊勾

擾若有故違查勘是實照依奏准榜例查問
 當該官吏此係見行事例奈何管軍官旗據
 案抄騰求便一己之私清軍官員欲追已責
 圖贖三分之數多方捏故頂名解補究抑平
 民負累長解誠有如御史馬錄所言者合無
 本部移咨都察院通行各處清軍御史如無
 清軍御史處行巡按御史公同布按二司清
 軍官選委各府州縣賢能官員悉心查勘以
 為一勞永逸之計取具各該官吏里書鄰佑
 人等重甘執結果係丁絕盡盡累經保勘回

申者備細造冊限一年以裏繳部以憑轉行各該衛所開豁其承行官吏人等敢有以見作絕及將開豁軍名仍復造冊勾擾冤抑平民塘塞完號者俱聽清軍御史參問庶乎弊源永塞而軍民安業矣

為修武備以振文教以隆治道事

看得御史吳華所奏大意謂承平日久武備廢弛一遇盜起倉卒失措要照提調學校官員事例專委清軍御史并兵備副使等官選練官軍料理民兵責其成效臣等伏觀

晉漢書卷之三十一

三

國朝制度民以供軍軍以衛民自分為二後因內地衛所官軍盡撥戍邊及分番宿衛又漕運京儲撥軍一十二萬由此內地衛所行伍空虛乃選官軍舍餘操練守城正統間始令州縣僉選民兵自衛自是兵困於調撥而離失屯守民苦於差操而妨廢農業兵制至是始變矣近年山東河南盜起議者不思退還京操官軍使得自衛乃用邊軍入征內地盜賊雖平而百姓已深被害所以御史吳華奏要專委清軍御史及兵備副使等官選練官軍料理民兵無非鑒前失防後患之意但各處都御史巡撫原奉

勅內以操練軍馬禁防盜賊為首務御史巡按嚴督衛所官軍守禦地方亦載憲綱至於三司守巡等官俱係額設各有地方防禦之責其兵備副使多係後來添設或有或無隨設隨革難為定額今若專委清軍御史兵備副使等官選練官軍料理民兵其清軍御史未免與巡撫巡按官計議方可施行誠恐互相掣肘愈難責成况本部先年奏差清軍御史令其專清軍伍三年交代以責成效今若又令兼理選練武備恐地方廣遠顧理不周兩相妨誤合無遵照舊例通行各該巡撫巡按官嚴督三司守巡兵備等官將

晉漢書卷之三十一

四

各衛所原選守城捕盜官軍舍餘并各州縣原設民兵嚴加訓練緝捕盜賊處置供給禁止科害務使武備脩舉地方安靖如遇草賊生發務要依律火速奏聞聽本部即時議奏調撥軍馬勦捕撲滅正德十年十月二十八日具題奉

聖旨是欽此

為清理軍伍事

查得先該本部奏查得天下都司衛所每歲差去勾軍官旗不下一萬六七千名較其所勾之軍百無一二到衛有自洪武永樂年間差出到今三十餘年在

外娶妻生子住成家業通同軍戶高歲不回本部屢
奏前弊蒙

勅各布政司按察司并巡按監察御史挨捉奏報然
勾軍官旗多有懷姦挾詐往往東潛西躲以致姦弊
不除官府被其攪擾百姓罹其苦害徒有勾軍虛名
而無補伍實効已經會議奏准令在京在外都司衛
所不許填給勘合差人勾軍止將逃年逃故等項軍
丁姓名貫址造冊送部轉發清勾合用監察御史十
七員分定地方清理宣德十年十一月二十二日本
部官奏節該奉

晉溪本兵敷奏

卷一三

英宗皇帝聖旨是但近年水旱飢荒百姓逃移還未
盡復業待明年秋成後着去欽此已經通行天下都
司衛所并浙江等布政司直隸府州欽遵去後今照
天下都司衛所逃年逃故等項軍士數多遇警調用
不敷今內外衛所將該勾逃故軍名貫址造冊陸續
到部即日秋成欲照先奉

欽依事理將原保清軍監察御史陳毅等分定地方
請
勅前去着落各布政司按察司直隸府州各委官一
員分投嚴督所屬州縣將冊內坐去軍人照名勾軍

補伍庶為允當今將清軍合行事宜欲便備榜就令
監察御史賈去通行曉諭禁約未敢擅便開坐內一
件清理軍政監察御史每歲八月終照巡撫官事例
具清解過軍數回京正統元年八月十二日本部尚
書王驥等於

奉天門奏奉

英宗皇帝聖旨是着府州縣今年有災傷人民缺食
處宜加優恤待來年秋成後整理不許急迫重有擾
害欽此又查得該兵科左給事中郭鏗等奏內一款
清理軍伍開稱先該兵部尚書項忠等奏差御史一

晉溪本兵敷奏

卷一三

十一員前往江西等處清理軍伍三年一次換清理
方今水旱災傷無處無之若又照舊清理不過逼民
逃竄耳如蒙乞
勅兵部計議查照災傷去處照依往年事例暫且停
清等因奏奉

憲宗皇帝聖旨該衙門看了來說欽此該本部有得
所奏要將災傷去處照依往年事例暫且停清若有
先前清出軍丁亦要存留待候豐年解發另行查勘
奏請定奪等因成化十三年十月初二日具題節該
奉

憲宗皇帝聖旨准擬欽此又查得為照例停免清軍官員以蘇民困事該本部議得各處地方見今盜賊充斥災傷重大各該清軍御史合暫停免本部欲咨都察院將山東河南江西湖廣四川福建浙江并北直隸順天保定等處南直隸蘇松等處各清軍御史暫取回京其見今該清軍士并各府州縣清軍官候盜賊寧息地方收成起解地方可保無虞等因正德六年三月十二日具題本月十三日奉

聖旨是欽此又查得為地方災異事該本部題該巡撫雲南右副都御史洪遠奏稱雲南地方夷寇搶劫

音漢奏議卷之三十一

七

村屯拒殺官兵本省近年該勾軍士多係夷羅清查起解比之別省十無二三乞將本省清軍御史暫且取回又該巡撫貴州地方右副都御史蕭紳奏稱貴州地方苗賊作亂連年調征屢歲旱荒缺食貧難况貴州二十衛所俱是充發軍人比之雲南軍數尤少軍政清理相應暫停將雲貴清軍御史暫且取回等因該本部議得所奏俱應俯從雲貴清軍御史暫取回京該清軍伍着落布按二司并各府州縣清軍官員清查起解正德十年三月十七日具題本月十九日奉

聖旨是欽此通行欽遵外今查得宣德十年原撥差御史十七員每年八月終照巡撫官事例具清過軍數回京後止差一十四員內兩廣雲貴共二員南直隸二員北直隸一員見今湖廣雲貴陝西四川監察御史四員俱取回停止又查得福建實有軍士九千四川七千湖廣五千陝西廣東各二千江西一千廣西八百雲南七百貴州五十餘名南直隸府分各不及萬北直隸保定等七府并順天府共實有軍士七千餘名前項各司府實有軍人數內在逃該勾軍人其數又少臣等議得前項本部節年奏行清軍事例

音漢奏議卷之三十一

七

固是充實軍伍之意但自宣德十年以來朝廷慮清勾太急逼迫逃移初奏差官之時即令待秋成方去後因災傷用兵屢為停止又因兩廣雲貴軍少俱二者併差一官無非欲休息小民保固邦本之意及初議差官每年八月照巡撫官事例具清過軍數回京其後方議三年更換亦非舊例今查福建四川陝西廣東江西湖廣六處併南北直隸各府實有軍士各不過數千廣西雲南貴州三處實有軍士不過百十內有逃亡所當清勾者責之司府官員自可理辦似不必專差御史一員管理兼稱雲貴兩廣

各共差一員但地方廣濶豈能遍歷况今蘇松淮揚等處災傷極重并其餘無災地方催徵起運京邊稅糧及派辦營造等項工匠物料比常繁重民不聊生當此之時若不從寬撫恤逼迫逃竄開繫匪輕合無將湖廣四川陝西福建江西兩廣雲貴南北直隸軍少去處今後俱不必差除湖廣四川陝西雲貴見已停止外其餘俱取回京其該清軍伍聽本部查照軍政條例嚴督司府等官照舊清勾及聽巡按御史按察司分巡官遵照憲綱糾察查理惟浙江山東山西河南四處軍數頗多照舊各差御史一員清理務將

晉溪本兵數奏

九

應繼之人勾解補伍不許將見在應役者妄解戶丁查理及將遠年丁盡戶絕者一槩勾掇取足分數這民逃竄及照正統元年本部原擬清軍御史每年八月終回京今合照巡按巡監巡關等項監察御史出差事例扣滿一年差官更代正德十四年二月十七日具題奉

聖旨是欽此

為清理軍伍事

議得軍人在逃必須造冊清勾但遠年丁盡戶絕者重複造冊徒為勞擾無益於事及軍人在逃懼為原

籍親鄰所識往往逃於異鄉潛住影射是以正統年間本部議定軍政條例但係曾經保勘丁盡戶絕并挨無名籍等項三次以上者俱准開豁不許重複造冊勾掇及所造文冊雖發原籍清勾又令逃軍所在官司許其捉拏取問并將窩家發遣充軍議處周詳未宜遵守奈何歷年以來奉行不至無勾軍冊重複開造動以百數紙劄工食等費皆自軍民出辦苦累不堪及比較勾軍止責有司務足分數其別省得獲逃軍不見追問窩家及地方官司故縱情由以治其罪故文移雖繁事無實效見今內外營衛軍伍消乏

晉溪本兵數奏

十

若不申明舊例嚴加禁治則勾補軍伍豈得充實合無本部通行各都司衛所先將天順八年以前開逃至今未解軍士俱與開豁不許重造在冊仍通行各布政司并直隸府州今後不必另造回答文冊就於原發去各衛所勾軍冊內前件項下逐一註寫回答逃故等項緣由明白各用本司府州印信鈐蓋照例差人賫送本部行令委官主事督同清軍監生當該吏典查對無誤將保勘三次以上丁盡戶絕并挨無名籍等項例該住勾者亦就於原冊前件上註寫開豁二字用本司印蓋轉發原造冊衛所查照以後造

冊不許重複開寫仍將發去原冊同新冊繳回再對無誤收架備照以後各司府州回答填註文冊本部收架不必再行發去其各衛所開逃文冊例該每年終一次開造但到京地里遠近有差今定與寬限速者不許過次年五月各實到部違限者係直隸者類行巡按御史係各省者行按察司將首領官吏查提違限半年以上者并將衛所掌印官叅提治罪若係實冊人役在路稽遲一體送問如本衛所無逃軍者與之查照分器其各處司府州清勾逃軍回答文冊亦照軍衛文冊限次年五月以裏送部違限者亦照

前例究問施行及各衛所每年五月以裏造送清軍

文冊一樣二本到部亦定期務在七月以裏查對

完畢一本本部存留備照一本轉發各司府州仍類總填給堪合交付公差并新選軍民職官順實前去明白交割其實冊人員合用舡隻車輛馬匹脚力并廩給口糧俱照例應付不得似前陸續給發遺累驛遞其限外到者不必拘用此例仍於武庫清吏司五府科當該吏內再改撥冊科二名與舊設二名共四名專一收查清軍文冊後滿交代明白方許離役又通行各該巡撫巡按清軍御史等官嚴督軍衛有司

及守把關津官吏人等但有來歷不明經過延住之人不許容留縱放就便拏送所在官司審係逃軍務要追治及審究歇家如果知情窩藏及地方官司容隱藏匿不行舉首者照依律例問發充軍等項發落不許輕縱正德十四年五月十一日具題奉聖旨是清理軍伍係是重事恁部裏既議處停當今後都依這例行欽此

前例究問施行及各衛所每年五月以裏造送清軍

文冊一樣二本到部亦定期務在七月以裏查對

完畢一本本部存留備照一本轉發各司府州仍類總填給堪合交付公差并新選軍民職官順實前去明白交割其實冊人員合用舡隻車輛馬匹脚力并廩給口糧俱照例應付不得似前陸續給發遺累驛遞其限外到者不必拘用此例仍於武庫清吏司五府科當該吏內再改撥冊科二名與舊設二名共四名專一收查清軍文冊後滿交代明白方許離役又通行各該巡撫巡按清軍御史等官嚴督軍衛有司

驛傳類

為乞恩俯念地方查照舊規處置夫役以蘇貧軍困苦事

看得天津三衛指揮使司掌衛事都指揮同知賀勇等奏稱各項公差舡隻南北經過天津俱是上水每舡俱要撥夫二十名各衛原無設立拽舡軍夫止將緊衛京操等項正軍月糧每名扣除銅錢三十文設立綱頭責令雇覓沿河遊食之人拽送其每月所收銅錢止折銀二百九十一兩五錢三分不勾數日支用不意今年二月以來舡隻分外指以貢獻為名加

晉溪本兵敷奏

卷一三

倍索取管進東香王監丞等分外勒取銀兩數多南京尚膳監康太監管運解其將指揮劉良墩鎖在舡勒去貼夫銀五十五兩比之先年貼舡銀數加至一倍即今三衛天旱月久人民逃竄地方驚惶各項舡隻陸續將到似此加倍科貼各官俱被凌虐辱如囚虜賤如犬馬情苦不能盡陳奏行撫按衙門徒為虛文乞

勅本部會議嚴加禁約添撥民夫協濟或將餘稅等項銀兩給發或暫免一二年等情係干激切困苦軍情若不查究議處恐生激變關繫匪輕合無本部移

咨都察院轉行無管巡河御史督同天津兵備副使查勘所奏今年三月以來王監丞等勒要貼夫銀兩墩鎖指揮劉良等項事情如果是實指實參奏仍請勅南京守備太監黃偉等戒諭公差進貢等項官員今後務要鈐束下人沿途經過不許分外逼勒多取貼夫銀兩致生激變本部再行巡撫保定等處都御史督同天津兵備副使并各衛掌印官將天津三衛拽舡軍夫查照先年事例從長計議或摘留軍餘或別為區處俱聽從宜施行務使事有定規勿致遺累所司其有應具奏者具奏定奪仍嚴加禁約再有似

晉溪本兵敷奏

卷一三

前逼勒多取貼夫銀兩害軍者聽該衛官指實徑直奏聞區處其例該應付夫役照舊摘撥應付不許遲誤正德十一年五月十八日具題奉

聖旨是近來進貢等項舡隻該管官員不能鈐束縱容下人挾勢騷擾地方若不查究誠恐激成他變便行與管河御史郎中等官將奏內有名官員分外勒要貼夫銀兩凌虐職官等項事情備查明白開具實蹟奏來定奪餘稅銀兩准與幫貼雇夫應用此外別有通融處置事宜還着撫按等官查議了來說欽此

看得廣東布政司右布政使吳廷舉奏要會官計議如臣言可取流弊當更則畫為定規錫示各驛但有犯者依法施行所貴寬其制以養有道君子之徒嚴其令以懲過取小人之輩等因中間引用經典推原律意非違治體不能及此先年本部議擬公差官員廉給之外不許供饋鹽醬菜蔬不惟立法過嚴抑且官員到彼自買鹽醬蔬菜置辦飲食亦於大體有所不宜今吳廷舉奏稱江西南浦驛庫子每年編銀二千餘兩廣東五洋驛庫子每年編銀一千餘兩先年議編必有所用况用法太刻止妨君子例外求索其

奏議卷之三

三

弊未除誠有如吳廷舉所論者合無本部通行廣東等處地方凡各官公差在外照依定例應付廩給合用柴炭油醬鹽醋菜蔬俱照各處舊例措辦應用從實銷算此外不許饋送下程及折銀等項如有故違與者受者俱照律例從重參究治罪正德十一年八月十八日具題奉

聖旨是欽此

為公務事

看得巡撫保定等府都御史臧鳳奏乞於正德十二年重編驛傳將銀限為等則上馬定銀一百四十兩

中馬一百三十兩下馬一百二十兩將各馬驢入站地畝通融均攤集價發驛止令一家應當或令十戶輪當一節查得馬驛論糧食點馬戶不論人戶多寡乃洪武年間

欽定諸司職掌事例今要將銀限為等則餘點馬戶有碍舊例擅難准擬及前項各年事例通查明白合無候本部奏行審編之期其保定等府所屬馬驛如果論地項畝計其該納糧石不及原數者照例幫食若原設糧食馬頭及有充發市民年久消乏未曾解捕者俱臨時斟酌議處補足其餘幫差馬匹及分外

奏議卷之三

六

費用通行嚴加禁約不許違例應付多添價銀貽累小民正德十一年九月二十四日具題奉

聖旨是欽此

為懇乞天恩辨明重複差役急救困苦免致逃

移等事

照得先因南方馬價過期不解負累土民欽奉

明旨遷起原籍馬頭前來應當欽此臣等慮恐江南馬頭原無審編一旦起取人情不便事體難行議擬行各該巡撫巡按等官從長議處具奏定奪題奉欽依還着巡撫巡按等官議處停當奏來定奪欽此

今巡撫南直隸江西都御史張津孫遂巡按御史孫樂李潤俱奏所人應當不便要照舊徵銀定限完解雇人應役其浙江鳳陽等處巡撫巡按官雖未奏到事體相同若條通奏到日議處誠恐遲誤合無俯從張津等所議通行照舊徵銀完解俱自正德十二年為始除南京會同館徑解南京兵部交納外其餘係北方各驛夫役每年該徵馬價等項銀兩各照原編則例務在年裏追徵完足煎銷成錠係浙江江西者俱經由本布政司直隸等處經由各府就令部運戶部京邊錢糧委官照依原定限期帶解俱於批文內

晉溪奏議卷之三

十七

分豁各該地方馬頭明白南直隸解淮安府山東河南俱解臨清州會同館北直隸俱解順天府各照數交收寄庫出給實收公文交付委官赴本部查照明白給與委官批迴銷繳仍通行河南山東等布政司并直隸各府徑自照舊差官領回給散若查出數內有違限三箇月之上不解到部者本部咨都察院轉行巡按御史將布政司分守官并所屬各府及直隸各府掌印官俱住俸各州縣經該官吏俱提問住俸完日方許收俸若遲至次年限外不完將布政司分守并各處掌印官俱叅奏提問其部運委官違限行

移戶部一併叅究施行其正德十一年以來拖欠馬價銀兩仍行見差郎中王崇獻查勘明白應追徵者上緊督徵追解應分豁者具奏定奪務要事完方許回部以後本部官不必再差正德十二年四月二十日具題奉

聖旨是都准擬行欽此

為急缺走逃馬匹事

看得榆河驛馬站百戶高玉呈稱本驛原額馬一百二十四匹陸續倒死今止有馬三十一匹答應不前乞要關領原額馬數一節查得該驛近該本部題准給

晉溪奏議卷之三

十八

與馬四十四匹并見在馬四十一匹共八十一匹今年之間又倒死五十四匹中間必有作踐致死情弊欲候查明至日撥給但本驛急缺馬匹誠恐有誤應付合無本部一面行移太僕寺於寄養馬內量取四十四匹照例印烙給撥該驛領回走逃仍咨順天等府都御史坐委公正官一員親詣本驛查勘原領馬匹除五年之上倒死外其未及五年倒死者務要查究因何作踐致死曾否告官相視保勘如有尅減草料作踐致死及盜賣等項情弊依律叅究治罪仍照例追收椿頭銀兩送部轉發太僕寺收貯買馬支用正德

德十三年七月初八日具題奉
聖旨是這驛馬不拘常例作急准給與他八十匹走
逆應用其餘照例行欽此

為計處驛傳以便官民事

者得巡撫都御史秦金奏要比照浙江蘇松原僉北
方馬頭事例將湖廣所屬各驛遞夫役除原係先年
免軍額充見在者難以更動其餘糧倉者隨糧帶徵
銀兩雇夫應役者為定例永遠遵守并開議清夫役
定規則均出辦嚴稽考四事皆議處精詳閑防周密
事已施行難以別議但立法雖善行之在人先年巡

撫河南都御史徐恪

九

照蘇松事例將河南驛傳夫銀
隨糧帶徵雇募應當其後糧銀歲有遺欠無以災免
不能周給所雇夫役率多逃亡旋議復舊今秦金奏
稱每年限十二月終徵完違限者掌印管糧官住俸
提問本官亦已預知必有此弊矣合無本部移咨都
御史秦金督同布政司官再將驛傳夫役每年合用
銀兩通算其數却將各該州縣田糧計算每年該徵
銀兩若干使一歲所入務足一歲所出之用稍存贏
餘以備不虞仍將驛傳銀兩另項徵收不在蠲免之
例其所收銀兩除雇夫買馬置買鋪陳事干驛傳者

動支外若修理公廨等項不許動那其餘事宜悉依
秦金所擬施行正德十三年七月十一日具題奉
聖旨是欽此

為審編驛傳事

照得本部先於正德十一年九月內題准通行天下
審編驛傳限六箇月以裏編完奏繳又於今年四月
內題准通行住俸再限半年造完豈期各司府州官
吏聞並不職自前至今二年之上尚未審編完結即
今各處驛傳舊夫因滿十年多有躲避不行應役新
夫又未僉補以致急缺應付失誤傳報所據各官通

合究問合無本部移咨都察院

通

行各該巡按御史
查勘自文書到日為始凡驛傳文冊未完奏繳者將
司府州掌印官通行提問照舊住俸督催完造內有
到任未及半年之上者免提已遷官去任者參奏定
奪量加罰治仍咨刑部將順天府治中楊浩提問行
令該府作急別委官員審編完報正德十三年十二
月十三日具題奉
聖旨是欽此
為陳情乞恩分豁紊亂舊制冊外新添驛傳通
民逃竄以蘇困苦等事

者得浙蘭縣民人劉漆等奏稱本府同知王汝翼審
編驛傳不查臣等各戶黃冊內原編地畝額外添編
馬驢數多臣原額站地止是十畝今增地五頃一十
四畝即今該驛拘拏家屬墩鎖追要馬驢什物等件
不得安生乞要憐憫分豁查處以復舊規一節照得
天下驛傳馬驢夫役論糧愈充各有額數十年一次
查審內有消乏者僉替並無許令額外加增今同知
王汝翼乃敢擅改舊制額外任意加增如奏人劉漆
原額站地止是十畝今增五頃一十四畝係干加賦
害民重情該府掌印并巡撫官俱不駁查改正及為

晉溪本兵數奏

卷一三

東光肅寧等縣民人劉旺等奏發已經本部咨行巡
撫都御史張嶺查勘改正回報却又坐視民患日久
不為分理通屬有違合無本部移咨都察院行巡按
河間等處監察御史選委別府廉幹官一員會同河
間府知府吊查先年原額驛傳文冊與今同知王汝
翼新編文冊逐一磨對改正遵復舊規內有消乏者
照例僉替另造文冊通行所屬州縣遵守應當仍造
冊奏繳送部查考除同知王汝翼病故外但係有罪
應問人犯就便提問應叅奏者叅奏提問干碍巡撫
官員奏請處治及照各該驛遞馬驢夫役數目原有

定額近年往往泛濫撥給擾害多端實無定數合無
行令巡撫巡按官申明舊例嚴加禁約但有犯者究
問如律正德十三年十二月二十二日具題奉
聖旨是欽此

晉溪本兵數奏

卷一三

馬政類

國朝馬政其在陝西遼東者畜於監苑其數少畿內及山東河南者養於民間其數多至十二萬五千匹每歲取駒五萬匹以十歲計之得馬五十萬匹積多民不能養遂多損耗乃責令償補而民始困矣其給京營官軍騎操者每年四月下場牧養冬春給豆三月後雖添支草兩月然軍貧亦不能贍故多羸瘦且歲常病死者數千餘匹軍民蓋兩病焉正德初御史王濟建議

晉漢乘機養馬

十一

歲減科駒之半民困稍甦然又惟取大馬價復湧貴民尚不堪而騎軍不給芻豆馬多餓死尤可惜也故議者欲量定京營之馬以一萬為率月給料草不必下場每季終計其虧欠之數於寄養馬內取補其近京寄養之馬亦以一萬為率每季終計其缺乏之數於民間挨次取補必使常滿一萬之數又通計一歲所入之馬除解發寄養外餘皆折銀解京折放料草及備非時買馬之需庶馬不虛耗軍民兩便而得變通之宜矣

為脩舉馬政事

查得永樂年間北直隸各府州縣俱養孳牧馬匹至宣德四年搭配成群因順天等府別無空閑人戶將山東兗州濟南東昌三府所屬州縣人戶給領牧養至正統十一年又將河南彰德衛輝開封三府所屬州縣人戶給領牧養正統十四年因虜寇犯邊缺馬騎操將順天府所屬州縣寄養備用馬匹原養孳牧分散永平等府領養弘治七年又將保定府易州等七州縣河間府靜海等三縣寄養原養孳牧另給滄州等處領養弘治九年該本部奏差給事中等官韓

晉漢乘機養馬

十二

祐等勘處過直隸保定等府舊例論糧養馬每免糧五十畝養兒馬一匹一百畝養騾馬一匹山東河南濟南開封等府舊例論丁養馬每有力人五丁養兒馬一匹十丁養騾馬一匹俱照舊例每騾馬四匹搭配兒馬一匹領養孳牧科駒起俵弘治十二年又該本部奏差給事中等官王廷等勘處過順天等府所屬霸州宛大等縣人戶每免糧地五十畝悉照舊例編養備用馬一匹節經領養遵行年久事體已定孳牧寄養馬匹論糧論丁派養民間俱係祖宗舊制節該本部奏差給事中等官將直隸山東

河南等牧種馬及將順天等府寄養馬匹照例勘處
丁糧編派領養遵行已久今太僕寺卿楊廷儀建議
更變固是優恤畿內之民脩舉馬政之意本部已經
依擬具題差官分派荷蒙

聖明慮恐擾民還待下年豐收之時舉行即今雖是
秋深在邇但各該地方尚有災傷未見豐稔况查登
青菜等處極臨海隅雖不養馬易州山廠斫柴夫役
所繁甚重民不聊生懷慶等處山多地少水草不甚
便利先年議處皆有深意今若差官前去拘集平民
分派養馬不惟紛更

晉溪奏議卷三

十五

舊制抑且人心驚疑逼迫流移致生他變合無本部
仍行太僕寺悉照節年題准事例遵守施行不必更
張以成紛擾正德十年八月初六日具題奉
聖旨是只照節年題准事例行欽此

為清時弊以蘇民困事

看得南京工科給事中殷雲霄所言賦繁役重民不
聊生思欲變通以拯其弊誠為有識之論但中間事
干規制難擅定奪今將所言開立前件議擬明白伏
乞

聖裁正德十一年五月十七日具題奉

聖旨是准議欽此

一曰舉馬政前件查得各處養馬地方種馬料
駒各有定額近京地方寄養馬匹亦因其便
及兩京設立太僕寺官專管馬政俱係

祖宗舊制遵行年久今給事中殷雲霄奏要於近京
府城擇地蓋房以為馬廄買田除稅以牧馬
匹專設大臣一員總理其事固是變通之意
但係干制度擅難改議其所言民間養馬愁
苦勞費皆是實情不可不處查得今年該派
馬匹本部已因百姓艱難從省派俵及寄養

晉溪奏議卷三

十六

馬匹不過二萬五千匹亦比常年減去一萬
五千匹合無今後本部派馬務從減省以蘇
民困如遇缺馬差官收買及各處節年拖欠
馬匹見該南京太僕寺寺丞牛綱建言本部
奏准查勘今仍行文督催作急勘報至日果
係小民拖欠馬匹艱難不能陪補臨時奏
請通行蠲免如此則不必變法而民困亦得少甦矣
為推行馬政事

看得太僕寺少卿何孟春所奏推行馬政三事指陳
利弊切中事宜合就開立前件議擬明白伏乞

聖裁正德十一年五月十七日具題奉
聖旨是准議欽此

一審分派前件查得弘治十二年五月內該本部議得順天府所屬州縣寄養馬匹人戶近年艱難將地土轉賣以致種地者多不養馬養馬者多是無地依派馬匹之時官司不行查審禁令照舊領養不惟民不聊生亦且馬多瘦損因循既久積弊滋深奏准差給事中
等官王廷等前去各該州縣公同太僕寺分
管寺丞督令本府管馬通判及州縣掌印管

許洪龍題

二十七

馬官員吊取先年免糧地土文冊逐一清查將見種免糧地不曾養馬人戶不分陵戶等戶官員監生吏典之家就將無地人戶馬匹照例給與領養如有多餘之地造冊在官聽候領馬敢有倚恃權豪勢要陵戶等項不行養馬者參送法司問罪仍令領養如有不願種地養馬者將地退出給與無地人戶養馬後該各官查勘得承種免糧地土人戶不分官吏軍民人等悉照舊例每免糧地五十畝派養馬一匹地畝不足前數以十分為率量

派分數着令朋養中間地土以瘦等項及承佃逃絕人戶地畝并丁少貧難者量與減輕丁多并附餘地多去處及得過人戶量為加重其無地并馬多人戶見養馬匹又各照例量給種地不曾養馬之人領養及搭配相應人戶朋貼共清出順天府所屬原額免糧養馬地二萬九千八百頃成丁男子一十八萬九千四百二十四丁編過寄養馬四萬三千九百九十八匹今少卿何孟春奏稱弘治十二年清審之核到今十有七年人多死絕冊

許洪龍題

二十八

未除名地已實盡馬猶在戶要差科道等官親詣審勘誠為有理但即今荒旱百姓艱難又係農忙之月若差官一出清查州縣三十七處勢難親理未免仍行州縣官先查追呼勾攝吏緣為姦督責嚴峻民益受害合無不必差官本部備行該管以卿寺丞分投親詣守養馬匹州縣查勘養馬人戶除見種地五十畝及丁力相應人戶照舊不動外米有人多死絕冊未除名地已實盡馬猶在戶者就便改派實種地其人領養敢有倚勢不服

者舉問枷號問罪若一縣之內地多馬少相應加派或地少馬多相應減除及雖有地少薄拋荒無人承佃領馬俱查明白造冊分給其州縣原額免糧地若干應該養馬地若干該養馬若干應該除豁不養馬地若干該除豁馬若干逐一明白造冊奏繳仍造青冊一本送部查照奏請定奪其各州縣務待太僕寺官親臨督同清查不必求速紛擾亦不許任意遷延限至正德十一年終不行完奏本部叅奏究問再照先年舊例近京地方寄養

平漢奏議卷三

三九

馬匹專備京邊戰馬之用每年寄養不過二萬匹而又交兌有時所以地力有餘民不受累後因加沐備用馬匹數多京邊交兌數少以致寄積馬多民不堪命由是觀之清審編沐利弊雖係於有司而通融斂散得失全由于本部臣等去年奏沐寄養馬不過二萬五千匹漸復舊規又交兌京營宣大等邊數多民力漸寬合無今後每年奏沐寄養馬不過二萬匹緩急勾用若各年寄養馬匹除兌給京邊之外積有餘量再減沐務令馬少而

臆壯得用毋使馬多而羸瘦累民庶幾政本得清弊端自息

一嚴比較前件查得弘治十二年該太僕寺卿王霽奏本部議擬題准行分管寺丞揀選寄養馬內老病瞎癩不堪騎操等牧馬內年齒十八歲以上并漂沙等項不能孳生者造冊奏請或送光祿寺或變賣銀兩贖買馬匹等因本年又該太僕寺少卿唐章造冊開奏本部議擬行分管寺丞再行審實果齒二十歲以上并癩瞎癩等項不堪醫治解寺奏請

平漢奏議卷三

三九

定奪或送光祿寺或變賣銀兩請該少卿彭禮奏前項不堪馬匹每匹追銀二兩徑送太僕寺不必具奏弘治三年該少卿彭禮奏本部查得各年倒失寄養馬共四十四萬餘匹議擬成化二十三年以前者暫且停追弘治三年三月以前者每匹追銀五兩弘治三年四月以後者每匹追銀十兩願陪本色者聽又查得正德十年本部題准起解陝西馬匹若有剋減草料故不用心餵飼以致瘦損沿途倒死者著落牽馬夫陪償送馬官提問通

行欽遵外今少卿何孟春奏要將寄養不堪馬匹正德九年以前者照依舊例揀選追罰正德十年以後者責令變賣添價買補堪調治者責令調治所言有理合依所奏施行及照各處解到備用馬匹每匹費銀三十餘兩倒失止令陪銀十兩不惟虧官抑且使人不肯用心餽養故令倒死以圖納銀者便况舊例作踐官馬致死分外追罰馬一匹今寄養馬倒死止令陪銀十兩委的失之太輕先年少卿彭禮奏行此例為因拖欠馬四十餘萬

奏議類

三

一時難以併徵以此暫議從寬實難經久合無除正德十年以前寄養馬倒失照弘治三年例追補外其正德十一年以後寄養馬匹倒失仍照弘治三年以前舊例倒失備用馬匹務要追補不在宥免之例其遼東并四衛勇士及陝西交兌退回馬匹除遼東馬匹曾經官軍騎征追賊退回難比常例依擬量追一半其四衛勇士并陝西兌軍退回馬匹仍照舊例追補

為劾奏廢壞馬政耽誤軍機官員事

照得

國家馬政最為重務所以歲派馬匹解送太僕寺轉發民間寄養以備征戰之用各府州縣除掌印官外又各添設管馬通判官縣丞專理馬政其兩京太僕寺衙門職列三品各設卿一員以綱維其事在京太僕寺差少卿一員奉

勅專點各營騎操馬匹一員奉

勅專一比較寄養馬匹南北各該地方又各有寺丞一員分管近年又添設寺丞一員專管順天等府寄養馬匹立法不為不密設官不為不多參照各該拖

奏議類

三

欠倒失馬匹府州縣掌印官員因循玩忽馬政付之不問管馬通判判官縣丞等官止知貪贓不脩馬政分管寺丞或才力不及被其欺誑或通同納賄故縱為姦以致寄養馬匹倒失至一萬之多見在數內老病瞎濁有三四千匹之數今年二運該解本色馬匹見今八月尚有一萬一千餘匹未曾解到其以前各年拖欠馬匹尚不在內本部按其所報籍冊俱作見在調取緊急兌軍而有數無馬不堪兌軍乃至一萬見今遊擊將軍金輔陳珣統軍出征該免正馱馬錢至一萬都指揮袁傑等又於團營整點騎兵一萬五

千亦該用馬數多似此各官不職廢壞馬政若不重
加懲治見今耽誤軍機誠非細故及照兩京太僕寺
卿職司總理督察無方亦合有罪合無本部移咨都
察院轉行各該巡按御史查勘拖欠并倒失馬匹各
府州縣掌印官俱住俸管馬官俱取具招由革去冠
帶住俸督令作急買補陸續起解限至本年九月終
不行解完者俱提問內拖欠數多及訪察平昔貪懦
無為官員參奏罷黜監候奏請定奪再行兩京太僕
寺將各分管寺丞俱住俸督令各照地方督催完解
候至九月終通將催完馬匹該寺類總具奏本部臨

晉溪本兵敷奏

卷一三

時查照數目多寡情罪輕重及查各掌印卿并少卿
曾否用心督理緣由逐一明白參奏寺丞送法司問
罪卿及少卿取自

上裁其金輔陳珣該免馬匹先儘團營見在之數交
免袁傑等該免馬匹候解到馬匹陸續交免應用正
德十一年八月初十日具題奉

聖旨是金輔等并袁傑等該免馬匹各依擬交免府
州縣掌印管馬官并兩京太僕寺官該住俸提問參
奏的都依擬行欽此

為換種馬以備寄養事

看得太僕寺卿王承裕等奏稱明年該派之馬春末
夏初始有解到寄養馬匹調兌將盡所餘之馬多係
老病不堪倘若不時免給未免稱之誤事要將保定
等七府種兒馬調取七千匹送寺發屬寄養以備緊
急與驕馬相無免給之用着落各府掌印官公同管
馬通判揀選身量高大齒少力強者交付管馬通判
定限本年九月十五日以前解寺俵發寄養如有作
踐成疾者追陪好馬一匹交兌之日本寺即行給價
每兒馬一匹給銀十兩責付管馬通判領回給付原
養人戶各買兒馬照舊搭配算駒等因權宜通變誠

晉溪本兵敷奏

卷一三

為有見但既要揀選身量高大齒少力強馬匹又拘
定七千匹之數取足於原額種兒馬一萬七百九十
五匹之中誠恐各處見在種兒馬內堪中數少不堪
數多難以足數及馬每匹給價十兩誠恐虧損小民
合無通行保定等七府掌印管馬官從公揀選見在
種兒馬數內但係身量高大齒少力強堪以斬征者
不必拘數盡數起解不許將不堪馬匹一槩混解到
京退回徒勞小民亦不許將堪中馬匹容隱不解以
圖省便如違分管寺丞查出參問其交中馬匹每匹
給與價銀十二兩務要嚴限買完不許遲誤其餘

事宜悉依所奏施行正德十一年八月二十五日具題奉

聖旨是欽此

為陳言馬政以安地方事

看得巡按直隸等處監察御史馬錄所奏馬政三事皆恤民革弊之意合就議擬開立前件伏乞

聖裁正德十一年九月二十四日具題奉

聖旨是准議欽此

一節愛備用官馬前件查得先為軍務事該撫寧侯朱永等奏本部議擬團營官軍騎操倒

晉漢恭議卷三

三十一

死馬匹酌量馬隊官軍朋合出銀買補每年

止令六箇月按月都指揮出銀一錢千百戶

鎮撫出銀七分旗軍出銀五分倒死馬主都

指揮出銀三兩指揮出銀二兩五錢千百戶

鎮撫出銀二兩旗軍出銀一兩五錢走失被

盜馬匹各加銀五錢照依年分陸續買補等

因成化十三年七月十八日題奉

憲宗皇帝聖旨准擬欽此又為區畫馬政事該本部

議得勇士關領馬匹任情驅馳裝馱重物等

項倒死者初關倒死照例免陪二次倒死合

照例追陪等因成化二年七月三十日題奉

憲宗皇帝聖旨是欽此續為計處馬價銀兩以蘇軍

困事該右都督許泰奏稱團營內選出西官

廳官軍見在領馬聽調征進與別項操軍干

繫頗重難再令其朋貼出銀勇士四衛二營

原無朋銀之例馬匹逐年倒失等項數多措

備銀兩買補終非常行事例要查空閒地土

科銀買馬領用本部議得今後西官廳倒死

馬匹查勘是實照例行太僕寺於順天等府

寄養馬內選取給領騎操等因正德十一年

晉漢恭議卷三

三十一

二月二十六日具題節奉

聖旨西官廳馬匹倒失的該營查明照例追替銀送

太僕寺收貯寄養馬給與騎操不必追收朋

銀欽此欽遵外合御史馬錄奏要將勇士官

軍倒死馬匹行五城兵馬查勘瘦損及作踐

在覓等項致死者責令買補似為有理但專

委兵馬司官查勘誠恐滋生弊端况中間軍

士貧苦甚多一一責令買補亦恐理勢難行

合無照舊通行該營禁約不許尅減草料在

覓作踐違者照例究治

一禁華比較馬駒前件查得先為早正種馬以
免廢弛馬政事該雲南道監察御史王濟奏
稱種馬每年科駒民情不便乞將種馬補足
原額給與原戶領養不必較其駒之有無亦
不必差官印烙每年備用馬匹止令一羣之
內各照丁田議和朋買大馬起解每年季報
比較印烙之煩盡皆減省等因該本部依議
於正德二年閏正月二十六日題奉
聖旨是欽此欽遵外但法久弊生不才官員巧立名
色造冊追銀深為擾害今御史馬鑑奏要出

晉溪本兵敷奏

卷一三

榜禁革相應依擬合無本部通行兩京太僕
寺轉行各該分管寺丞查照舊例再行申明
出榜禁約嚴加察訪若管馬官吏敢有仍蹈
前非害人者就便叅提究問施行
一責成分管寺丞前件查得各處管河管倉并
巡鹽清軍御史各有住劄地方俱係輪流差
委今要將太僕寺分管官照依前例或一年
一換或三年一換常川住劄不許擅離地方
緣太僕寺寺丞已設有定員彼此更換管理
並無空閒若使常川在彼住劄以後再無回

京之期似有難行合無行令各官照舊往來
督理如遇馬匹未完務要清查督解事完方
許回寺如有出巡怠惰廢弛馬政者指實叅
究
為開陳馬政便宜事
查得巡按監察御史周鵠所奏馬政便宜四事皆深
切時務不為空言今將所言開列前件議擬明白伏
乞
聖裁速賜施行不勝幸甚正德十二年五月二十六
日具題奉

晉溪本兵敷奏

卷一三

聖旨是准議欽此
一比度時例以省冗濫之官前件者得所奏近
年以來例不徵駒惟令出納備用要將六安
等州建平縣管馬主簿一皆裁革馬政悉
統於掌印官照滁州例差該吏領解備用等
因似為相應但奏內止開六安等州建平縣
縣不曾備開某州某縣共幾處相應裁革管
馬官共幾員難便定奪合無本部移咨巡撫
廣鳳等處都御史查勘六安等州建平縣
原額馬數多寡相應照依滁州事例合令掌

印官管理將添設該管馬主簿裁革共發州縣該革主簿幾員查議明白具奏定奪

一計量財力以均坐派之數前件查得弘治十二年以前舊例每歲派取備用馬二萬匹續為脩省事該吏部等衙門太子太保尚書等官王恕等會議得順天府所屬人戶寄養備用負累艱難合無每歲暫取一萬匹正德二年閏正月內為早正種馬以免廢弛馬政事該雲南道監察御史王濟奏要將種馬補足群數每年一群之內各照人丁地畝議和朋

甘肅奏議卷五

五

納本色或折色大馬一匹一年共取馬二萬五千匹隨民買解本部依擬覆題奉

欽依正德二年以後年分俱派取二萬五千匹正德

九年因各邊聲息緊急缺馬免給本部題

准加派三萬匹正德十年分本部前官失於照詳增

派馬四萬匹委屬過多使民受害正德十一

年該本部議得先年每歲派取備用馬二萬

匹猶恐百姓寄養艱難每歲止取一萬匹近

年增至二萬五千匹比舊已多去歲增派四

萬匹不惟寄養之民被累而小民買解尤甚

甘肅奏議卷五

五

艱難已將本年備用馬匹仍照御史王濟奏行事例派取二萬五千匹太僕寺所屬取七分俱本色南京太僕寺所屬取三分本色折色中半徵解外正德十二年亦照上年事例題准派取二萬五千匹以後寄養馬不勾撥用另行議處動支馬價銀兩差官收買今御史周鵬印烙馬匹深知派馬利病奏要將每年徵解備用馬匹立為定例悉照正德二年并正德十一年十二年分數目坐派每年積有餘馬於內量減本色扣加折色積有餘銀

依備用馬數多寡分作價收買不致過濫多

派難於徵納一節正與本部前議相同但恐

以後官員意見不同仍復更張致為民害合

無本部將所奏案候每年派馬之時務要遵

守前例以為定規如有任意改添者聽兵科

論奏改正其要照戶部寬免稅糧分數將馬

匹一體寬免一節但馬匹終與稅糧不同難

論分數寬免合無除輕災不論外如遇十分

凶荒百姓艱難不能買馬臨時巡撫官具奏

定奪

一清舊額以濟通融前件看得御史周鵠奏稱鳳陽清河寶應等縣人戶消耗不至如宣徐等處之苦要將宣城縣徐州所屬四縣清查養馬丁田出辦備用折色馬價照例解部或將極累縣分畧與通融輕省一節所言深為有理非究心民隱者未有此奏查得先該南京太僕寺官反覆論議未定本部又不果斷含糊展轉以致事久不決俱難辭責合無本部行文巡撫廬鳳并巡撫南直隸都御史親自調查徐州并所屬四縣及宣城等縣戶口

晉溪奏議卷十三

四

籍冊詢訪地方豐歉人戶貧富從輕計筭應派備用馬若干却查撫屬地方如寶應清河等縣衝要貧瘠應分豁買馬若干照依御史周鵠原奏之意通融派減務得均平查議明白文書到彼限三箇月以表具奏定奪如仍似前含糊展轉經年不決誤事殃民聽本部并該科叅奏究問

一明新禁以懲欺玩前件依擬本部查照禁約切要略節事宜通行出榜及行太僕寺翻刊印本徧發曉諭

為禁止借用馬價事

照得太僕寺見在寄養馬匹數少各處缺馬取充數多况今北直隸等處地方水災重大停免又多太僕寺收貯馬價銀每十萬兩止可買馬五千匹近日軍餉缺乏各衙門官往往奏要借支馬價銀兩不思戰馬急缺又借何項銀兩收買若不預行禁止臨期缺馬誤事非輕合無本部申明舊例通行戶部并各邊巡撫都御史今後遇有動支錢糧不許擬奏借支馬價及見在買馬價銀不許擅便那移別用如有故違律禁擅自那移馬價別用致誤軍機者聽本部并兵

晉溪奏議卷十三

四

科叅奏究治正德十二年十一月十四日具題奉聖旨是欽此

為議處馬政大綱與革官民利病事

看得太僕寺卿何孟春所言馬政根究事實切中時弊俱應採納今將所言開列前件議擬明白伏乞聖裁及照奏內事件為因查照前後事例未免繁瑣重複合無候命下之日本部將應行事件撮取緊要略節刪繁就簡列為條件再行奏請刊印榜文通行給發以便遵守正德十三年五月二十五日具題奉聖旨是這馬政利病興革的恁每既議處停當都依

擬行欽此

一清戶籍前件馬出於民清查丁由以定養馬之數誠務本之論但舊法一變未免紛擾條例太繁畢竟難行况當災傷農忙之際差官清查勢難遍歷轉委官屬未必得人立限造冊追呼勾集速近繹騷恐非民便合無只行太僕寺轉行分管寺丞親詣該管州縣出給告示但有地賣馬存馬累丁之者許赴寺丞處陳告查審是實斷令承重養馬地土及丁多有力之人替養如有誣告者抵罪及照養

本條擬議卷五

聖旨

馬與納糧事體攸同不係雜差例不優免敢有勢豪之家不服寺丞斷理阻壞馬政者輕則拏送所在官司問罪發落重則指實參奏處治寺丞一年滿日將查審改汰過養馬人戶緣由開報本寺轉呈本部查照以考賢否一正課額前件查得先為早正種馬以免廢弛馬政事該雲南道監察御史王濟題稱種馬地畝人丁歲取已有定額但要種兒騾馬揀選四尺以上十歲以下高大者存留矮小老弱者賣價區處買補贖完原數照額養在民

本條擬議卷五

聖旨

間府州縣官一年四次太僕寺官一年二次止是照視務令臆壯有病瘦者依律聞罪倒失者就令陪補永為定例有警亦可調用逐年有無孳生不必追究歲取備用大馬止照種馬定額派行各府州縣買解等因本部議得合無亦依本官所擬不必較其有無生駒亦不必印烙每年備用馬匹止令一群之內各照丁田議和朋納本色或折大馬一匹倒失虧欠變賣之例悉行除免每年季報比較印烙之煩盡皆減省惟年終各府備將種馬數目造冊具奏查考本部仍三年一次奏差御史二員請

勅開領火烙分按前去各該地方公同寺丞將見在并買補過兒騾種馬通行查點印烙造冊奏繳等因正德二年閏正月二十四日具題二十六日奉聖旨是欽此欽遵通行外今太僕寺卿何孟春奏要今後種兒騾馬州縣掌印并管馬官半月一點該府管馬官三月一比較立法固為嚴密殊不知法立弊生州縣官下鄉點視未免帶

領跟隨人役必生求索科擾之弊拘取赴縣
點視未免勞擾伺候之苦點視既密貽害必
多即今民力已竭民財已盡不務安養休息
而更立新法揀選誠恐馬數未及完而民數
先已減耗矣合無仍照先年御史王濟奏
准事例府州縣官一年四次太僕寺官一年二次點
視但係曾經官驗印烙馬匹俱令照舊餵養
倒失追陪者照例施行所生馬駒止聽本群
自用不許擅撥別群

一選備用前件查得先為經理馬政事該吏科

晉漢書卷之三

卷之三

等衙門在給事中等官韓祐等奏內一併慎
起俵備用馬匹近來堪俵者少不堪者多往
往朋合買補况收買之際價值頗高多者或
十六七兩次者或十三四兩至於路途草料
之資馬戶往來之費計馬一匹用銀二十餘
兩及其到京赴寺聽驗十退四五往來之程
動以千計弱民羸馬相向而泣歸候來年再
俵勞費如前若其齒歲稍過終擯不用又轉
而求之他矣民被俵馬之害有何紀極為今
之計惟當精選於起俵之初不當濫退於到

寺之日既到而退在官則缺馬在民則傷財
公私俱困等因本部議照備用馬匹例該兩
京太僕寺分管寺丞先期分投所屬州縣逐
一驗看身量高大蹄腿端正堪中者方許起
解矮小病弱者不許解俵各府州縣仍備造
文冊開寫人戶姓名并馬匹毛齒齋送赴部
轉發太僕寺再驗堪中方發寄養以備取用
此乃見行事例但行之年久各該分管寺丞
不肯親詣所屬驗看以致馬多不堪及照起
解備用馬匹情弊非止一端或因管馬官員

晉漢書卷之三

卷之三

聽受勢豪賄騙將不堪馬匹朦朧收買解俵
或齋空白文冊到京違例收買鑽乘老馬意
圖僥倖致使看驗不中負累馬戶究其所以
皆因分管寺丞因循苟且惟務偷安不行親
自揀選以致如此合無行令兩京太僕寺轉
行各該分管寺丞每遇行取備用馬匹之時
務要預先親詣各該州縣將孳生兒駒并買
補馬內逐一揀選堪中者照例造成小冊備
開人戶姓名馬匹毛齒尺寸責付管馬官員
解赴本部發寺驗收不許將不堪馬匹一舉

濫解往復人難各該寺丞仍前不行親詣州縣用心揀選者到寺之日每一百匹揀退三十匹以上者本寺開報本部以憑參奏擊問如律若解到馬堪以收俵毛齒尺寸對冊無差該寺聽信醫獸人等妄言一槩濫退亦許該管寺丞或承委解馬人員將揀退馬匹送部看驗以憑定奪等因私治九年閏三月二十七日具題本月三十日奉

孝宗皇帝聖旨准議欽此欽遵外但各該寺丞并管馬等官因循日久不肯用心嚴選及該寺掌

管馬等官

聖旨

印官每遇揀退馬匹數多亦不行開報本部參究以正前弊茲滋今奏前因合無准其所擬行令該寺轉行分管寺丞以後每年正月申出巡選取頭運馬匹四月中出巡選取二運馬匹務要徧歷各府州縣督同各該掌印管馬官員將派到備用馬照依時價及解俵草料盤費查照人丁地畝會計某戶該派銀若干預先出給告示使民遵守出辦朋合收買馬匹俱要三尺八寸以上兒馬六歲以下駒馬九歲以下蹄腿端正方准作數就差管

馬官員解俵如無管馬官員另差本縣相應官員管解不許順差別縣官員帶解以致責任不專事有推調申批內俱開寫寺丞某人督同府州縣某官驗過如有將不堪馬匹一槩濫收解俵到寺之日看驗不堪先將解馬人員送問馬匹發回換補州縣原驗馬官提問驗退五十四匹以上將該府管馬官提問一百匹以上將該府掌印官并分管寺丞俱住俸三箇月一百五十四匹以上該府掌印官并寺丞俱提問若齒尺相應止是在途瘦損將

管馬等官

聖旨

管解之人送問以上該提問官在京寺丞奏行法司提問在外官行巡按御史提問一責管解前件者得奏稱各府州縣遇有派取收買馬匹買補完日解府掌印官處照例看驗齒歲尺寸果係堪中好馬價值相當方准倒解查得起俵備用馬例該寺丞并本府管馬通判親詣州縣驗看起俵若將馬匹又行解府掌印官看驗不惟重複勞擾抑恐道路不便往還艱難合無俱不必解府該州縣備將寺丞督同各官驗過堪中馬匹毛齒尺寸

造冊送府倒文該府備造印信文冊責付管馬官賚部發寺驗收其餘事宜俱依擬施行
一平價值前件馬匹高下自有不齊各地方馬價亦難一定今定每馬一匹悉以二十兩為率恐有難行合無行令分管寺丞催買備用馬匹務要查照原行年齒尺寸相同督同州縣掌印并各管馬官驗看相應方准收買起解其價值聽民隨時自便收買不必官為之制如有包攬收買便剋原價情弊事務照依律例從重治罪

得奉 聖旨

欽此

一廣儲積前件合無本部通行南北直隸并山東河南巡撫都御史選委廉幹官員親詣各府州縣將正德十年起至正德十二年止該徵草場租銀提調經收人役及卷冊到官要見已徵已解銀兩有無完獲批迴未獲者就便追併批收銷照已徵未解者見在何處收貯即便督令起解未徵者逐一查審是何人戶拖欠或應徵應免查照原行明文施行若有侵欺及那移等項情弊應提問者徑自提問應叅究者叅究治罪事完之日通行造冊

奏繳仍造青冊一本送部查考本部仍行兩京太僕寺轉行分管寺丞一體查照施行
一驗交納前件查得前項禁例不為不嚴但該寺醫獸人等多係積年久慣之徒百計千方瞞官作弊本以一馬今日關節未通則稱老病不堪以致退出明日關節已通則稱齒少無病以致驗中又有姦頑馬戶齊價赴京交通醫販人等收買騎傷攔腰鑽渠鞭花不堪馬匹朦朧驗俵該寺官又不行用心看驗嚴加禁治以致前弊益滋合無行令該寺掌印

得奉 聖旨

欽此

官如遇解到備用馬匹即便查照原來文冊逐一親自看驗務要齒尺相應蹄腿周正臆壯好馬方與印俵若是毛齒尺寸不同顯有抵換情弊及揀退數多具由呈部以憑叅究其揀退馬匹查照先年事例就於禁下用退字小印以杜姦弊其出榜禁約等項事宜悉依所擬施行

一取兌給前件查得近為失誤允軍馬匹事該本部主事王臬呈稱宣府頭撥領馬官軍一千四十九員名到各府關領允馬匹太僕寺

寺丞李彥取到宛平縣寄養馬共二千五百二十匹止充馬五百零三匹其餘馬匹俱各瘦損矮小不堪宣府官軍不肯承領及稱太僕寺原取馬二十五處今解到者已將過半充中馬匹不能十分之一恐妨邊務等因本部議得寄養馬匹以備征戰急切充領之用最為重務弘治三年請

勅少卿一員不時前去點閱比較正德九年又奏准額外添設寺丞一員專管點視寄養馬匹近日本部慮恐一時取充馬匹內有不堪誤事

特據張玠奏

卷一

又奏行寺丞李彥親詣各州縣逐一查驗堪與不堪限今年二月以裏造冊奏報今年二月內又因宣府鎮巡官奏討馬匹本部因思往年居庸關免馬地方窄隘官軍并馬戶到有不齊或馬不堪免致令官軍久住壅滯兩不便益又經議奏定與寬限及預先行文太僕寺掌印官不必挨次用心選取好馬六千一百八十四匹差寺丞一員依限管解赴居庸關交兌前項免馬事宜預處周悉題奉

欽依通行遵守宣期太僕寺寺丞李彥等尸位素餐

怠職誤事以致官軍遠離信地赴關免馬坐守困弊百姓到關送馬不得完結盤費草料妨誤農種軍民兩受其害寺丞李彥過遠二月限期不行造冊奏繳少卿張玠奉

勅點閱寄養馬匹一年已滿尚未造冊奏繳及太僕寺卿何孟春亦不用心查取堪中馬匹轉發交兌通屬故違俱各究問但今宣府官軍在關久住守候免馬合無將各官姑記其罪本部行文太僕寺但遇見解到馬匹并買有新馬儘數陸續押赴居庸關交兌仍切責以卿

特據張玠奏

卷二

張玠作急親詣各該州縣驗看好馬取數依限差官押發居庸關交兌不許以前再將不堪馬匹一槩混解免完之日該府州縣有罪管馬官員并寺丞李彥少卿張玠等本部通行查叅明白奏請定奪庶使法足懲其既往戒可垂於將來倉卒軍機不致失誤等因具題外今奏前因合無本部先咨都察院轉行巡按御史將寄養馬匹順天保定河間三府管馬通判并各州縣掌印管馬官吏俸糧俱各住支及行太僕寺轉行提督少卿督令各

府將寄養馬匹逐一清查要具某年原狀若干見在若干應息幾分馬若干免給軍府官軍若干倒失若干限六月以裏備造文冊賚部查照候各官免軍回日查參明白另行具奏定奪其餘禁約追罰等項事宜悉依所擬施行

一預稽覈前件查得近年京營官軍開領馬匹勘合既已廢格文冊亦不查造該寺提督少卿又不行時常點閱比較將見在倒失數目要報本部查考所以人心玩忽馬匹倒失數

多難以數計所以數百計年以數千計今何孟春奏要嚴稽覈誠為有見合無本部行移太僕寺轉行提督京營少卿親詣各營督同坐營官員查勘該營正德十年起至正德十三年四月終止原有馬若干節年新拔馬若干要見某年月日開領若干係某官軍倒失被盜拐逃各若干已徵已解某年椿朋銀若干未徵某年銀若干實在馬匹要見在營騎操若干某年轉交出征若干舊管新收開除實在各項俱查對明白限在本年七月以

裏備細造冊奏繳及造青冊送部查考仍行各營以後奏討馬匹先將已出過椿頭銀兩官軍姓名造冊二本送本部與該營按季解送椿朋銀冊查對官軍有無相同一本送太僕寺提督少卿先行公同該營坐營官查審官軍有無丁力領養馬匹具數回報本部以憑具奏調取馬匹前來查照免給本部仍照舊例置立勘合本部用印鈐記交付免馬委官收領每官軍開馬一匹給勘合一道公同該營坐營官員將官軍姓名馬匹毛齒填寫

在內給付執執如有官軍事故轉交將馬并勘合送部轉付應領官軍明白填註勘合簿內若倒失等項亦執原領勘合赴部陳告轉行該營查勘照例追收椿頭銀兩完日備將倒失馬匹類總造冊連銀并勘合送部查審明白應免馬匹本部具奏免領其馬匹相應挨次取撥但係年歲應息強壯別無殘傷老病等證照例免領不許恃強揀選毛色及專占好馬或別項刁難如違領馬強軍聽本部委官量情懲治坐營把總官員不行鈐束參

究處治若遇征進調兌馬匹或遠方急缺戰馬不拘次序選取好馬交兌不在此例

一酌緩急前件查得京營官軍騎操馬匹倒失被盜先年俱令原領馬官軍買補馬匹原不常支草料官軍又多艱難不能陪補多累逃亡成化十三年始該撫寧侯朱永議奏徵收椿朋銀兩倒死馬主出銀名曰椿頭票營官軍出銀名曰朋銀其銀該營收貯自行收買弘治四年保國公朱永奏稱街市以馬買補不及要將奮勇等十二營見收椿朋銀兩盡

奏議類

奏議類

數交送太僕寺收庫兌給馬匹本部題

准將前銀查盤明白每馬一匹扣算銀十兩送寺收庫行取寄養馬匹兌給官軍騎操蓋先年官軍倒死馬匹自買陪補不免寄養馬匹所以寄養馬日積月累幾至數十餘萬中間倒死盜失馬匹至不可算馬數耗於民間而虛數掛於籍冊太僕寺官與寄養之民俱得安靜省事固以為便而京營官軍日剝月削困於斂散相繼逃亡則不勝其疲敝矣且官軍盜賣官馬相應追陪若老病倒死貧軍豈能陪

補此不待智者而後知也其後弘治四年始令倒死馬匹者得免寄養馬匹雖未免出銀之苦而得自脫買馬之難又寄養馬亦得疏通取用不至積滯虛耗視前逼軍陪補之法頗為通便至於近年本部為因流賊生發虜寇犯邊議奏發兵征討若非取免騰壯好馬豈能追逐其京邊官軍率多貧困不能自養又積年倒死馬匹數多若當急切用兵之際必待追完官軍椿朋銀兩收買然後免軍及取免寄養馬匹不論肥瘠老壯必取先發寄

奏議類

奏議類

養舊馬交兌然後交兌新馬不免膠柱鼓瑟失誤軍機今太僕寺卿何孟春奏稱順天等府寄養調取之數從後較前歲常倍蓰東使西交不聞空間買馬價銀轉高給軍勒要使壯新收不得存留舊管不得發脫奏要本部斟酌緩急為之可否量分等第查奏等因今五年之間可得寄養馬十二萬五千匹又以每年免軍一萬五千匹計之五年止該免給七萬五千匹尚餘五萬匹寄於民間軍得領

買之馬節其馬數之盈縮以量出入之多寡
調停馬政無有餘不足之時計無出於此者
然此責在本部隨時制宜非寺苑官所得預
也其奏稱近年以來營邊驛操倒失之數自
今視昔日有甚焉出銀之人不知何官住俸
之官不知何人一節緣查京營并各邊倒死
馬匹追收椿朋銀兩買補不及八分官員俱
經本部節年奏行住俸催徵買補並無寬縱
近該巡撫山西都御史張楷奏稱軍在漸火

馬死積多軍官住俸百年無可開之勘是其
明驗其查考追補之法已於前項所奏預稽
覈項下議擬明白別無定奪及照三太營官
軍該徵椿朋銀兩自買馬匹不送太僕寺交
收近因前銀徵收不完不時奏討免馬合無
亦行照馬少卿照團營事例查勘明白具奏
定奪

為減重併祛虛名以濟實用事
看得寺丞牛綱奏稱順天等府所屬州縣倒失馬驢
三萬七千有餘冊有虛名詳無實數乞行各該府州

縣官據冊備查拖欠貧難各戶如倒失三四者朋買
一匹倒死六匹者朋買二匹量從遞減眾輕易舉一
節查得前項正德十一年大僕寺卿何孟春奏該本
部議擬題准正德十一年以前倒失寄養馬照弘治三
年例每匹追銀十兩正德十一年以後倒失者照弘
治三年以前例仍追馬匹後該少卿楊一瑛奏准將
正德十一年以前倒失馬每匹該追銀十兩者每三匹
追納本色馬二匹不必追銀保定河間二府倒失一
匹該追補一匹者每倒失十匹責令買補八匹前項
事例雖已從寬減免未見遵行正德十一年以前倒

失馬七千餘匹既未完報正德十二年十三年新儀
寄養馬匹又倒失一萬餘匹今寺丞牛綱奏稱小民
凍餓逃移誅求不已怨民窮盜起要行據冊備查倒
失馬匹係貧難人戶每三匹朋買一匹固是優恤小
民之意即欲不准嚴加追補未免逼民逃竄欲准寬
減又恐管馬官員并養馬人戶因見不時寬免作踐
盜賣無所懲戒將來官馬日見虛耗失誤兒軍關係
非輕況查先年寄養馬積至四十餘萬喂養年久老
病消耗戶少馬多從宜寬減理所當然近年以來原
派發寄養馬不過二萬又不時免軍在民間者常不

過數千又皆新解齒壯馬匹今乃二年之間倒失一
萬餘匹究其所由蓋是府州縣官不得其人實富差
貧以致累損又法令不行任其作踐盜賣略無稽考
及太僕寺官止知建言以要虛名全不奉行以求實
效馬政廢弛俱難辭責合無本部行文太僕寺專管
寄養馬少卿并寺丞將順天等府寄養馬匹州縣分
定地方各親詣州縣督同該府州縣掌印管馬官將
各年原發未充寄養馬匹逐一清查點視見在者責
令用心喂養聽免老病癩瞎倒失等項俱查照前項
事例處置違陪伴弊人犯依律問罪儘其財產變賣

晉漢本兵數奏卷十三

七

陪補干碍職官六品以下就便提問五品以上參奏
定奪中間該追倒失馬匹人戶原有地糧轉賣與人
或被勢豪占種就於見種地土之人名下追補不服
追陪者參奏處治若養馬人戶有因貧難不能養馬
以致倒死別無作弊見無產業可以追陪者保勘是
實暫且停追開奏定奪事畢之日各備造文冊并將
查處過緣由回京復命各照舊施行如或各官不行
親詣查點處置停當似常虛應故事以致馬數消耗
失誤兇軍本部臨時參奏究問正德十五年正月二
十五日具題奉

聖旨是近來馬政好生廢弛着太僕寺專管寄養官
親詣各該地方督同掌印管馬官依擬查點處置不
許虛應故事欽此



晉漢本兵數奏卷十三

晉漢本兵數奏卷十三

七

奏卷十 雜

希陳情乞恩分豁減革軍功以圖補報事

照得文武官品級服色不同故百戶以上初陞者職
皆有署總旗小旗不離軍後非有官秩故初加者後
皆無署載在會典係是舊例成化十六年安米住以
小旗功陞署一級本部明白議擬係官者陞署係軍
人小旗該陞署一級者俱陞實授總小旗正與會典
所載舊例相合近因安欽襲職本部查得安欽父安
寧即安米住歷陞功次查照新例內小旗陞署一級
不該陞實授總旗及將試百戶并遇例實授百戶共

晉溪奏卷十四

二級俱革去止與總旗以此安欽不服累行奏辯緣
軍人小旗不陞署職係是舊例成化十六年本部明
白擬陞具題非是錯悞况查各項題稿事例相同一
且無故減革有失人心合無將安欽父安寧遇例實
授百戶一級革去與襲試百戶仍以總旗食糧今後
但係先年本部擬陞已定職級不必牽引新例追其
既往一槩減革正德十年五月初五日具題奉
聖旨是安欽准襲試百戶欽此

為舉異才明法令以備邊禦虜事
徐之鸞所奏大意謂邊境巡邏意臣不

督撫都御史稱職者務照給事中任忠近自題准事

懇要令大臣科道官各舉所知奇才異識簡其尤者
三二員授以相應憲職領

勅分道而出經畧邊務明年以後近者秋出春歸遠
者在彼住劄各歲報行過事件以驗其賢勞而覈其
虛實無非欲任人脩舉邊備之意但所奏經畧事宜
俱係各邊巡撫都御史當行之事其見任巡撫都御
史俱係吏部推舉才望相應任用之人各係在廷大
臣奉

晉溪奏卷十四

專委託已重行之年久規制已定今若又用憲臣三
二員前去經畧歲以為常誠恐政出多門人難遵守
係干事體重大臣等擅難改議合無乞
勅遼東薊州宣府大同三關陝西延綏寧夏甘肅各
巡撫都御史將給事中徐之鸞所奏經畧事宜逐一
脩舉申明法令禁治貪殘務便邊備一新宿弊盡革
夷虜不敢侵犯內地藉以輯寧斯稱委任各將行過
事蹟回奏查考如或因循顧忌事無成效聽本部并
科道官糾劾罷回另舉奇才異識官員前去更替其
巡撫都御史稱職者務照給事中任忠近自題准事

刑父任費成不許數為更易其舉與才一節本部仍
咨吏部覆奏定奪正德十年十一月初八日具題奉
聖旨是欽此

為清時弊以蘇民困事

看得南京工科給事中殷雲霄所言賦繁役重民不
聊生思欲變通以拯其弊誠為有識之論但中間事
干規制難擅定奪今將所言開立前件議擬明白伏乞
聖裁正德十一年五月十七日具題奉
聖旨是欽此

一曰脩武備前件查得開刑條例內一款軍職

奏議卷四

三

賣放并後占軍人二罪俱發其賣放已至十
名以上後占不及數者依賣放甚者事例罷
職克軍後占已至十名以上賣放不及數者
依後占甚者事例減降三級賣放後占俱至
十名以上者從重發落不及十名者併數通
論降級後占軍人五名又占餘丁十名及包
納月錢滿貫者從重降級發立功滿日照所
降品級於原衛所帶俸差操又一件各衛所
管軍人等將閑出官軍糧料布花等物若指
以公用差使為由因而侵欺糧料一百石大

布一百匹綿花一百斤錢帛等物直銀三十
兩以上者問擬如律軍職立功五年滿日降
一級帶俸差操旗軍人等加號一箇月發極
邊墩臺守哨滿日疎放又查得本部題准事
例天下軍官應襲舍人有衛學處入衛學無
衛學處附入儒學俱照京學事例責以課程
一體考較係兩直隸者聽提學監察御史係
十三都司者聽提學按察司官比照在京則
例考試量為賞罰年終造冊繳部以憑查照
其父祖年老病故等項本舍即該起送者亦

奏議卷四

四

要照例送學作養一年之後俟其略知文義
粗能書寫方許具結保送襲替文理不通者
不准保送俱係見行事例但奉行未至故弊
未能除今給事中殷雲霄奏言武略廢弛由
於後占數多征科太橫而養之無道操練不
時器械不精而教之無法指陳事蹟切中時
弊又以興革利弊惟在得人故欲每省設一
憲臣專領其事亦為有見但一省地方廣濶
非一人所能兼理見今各省設有按察司官
分巡并直隸地方俱設有都御史巡撫御史

巡按若每省又添一憲臣專領武備一事切
恐總理之名既於巡撫嫌於相同分理之任
又於分巡疑於掣肘况係干官制本部擅難
議擬合無通行各處巡撫巡按三司官查照
舊例痛革前弊鎮守等官伎占科害軍人者
務要訪察禁治指實劾奏仍委用賢能官管
軍如法操練應襲子孫選送入學照例考試
量為賞罰務臻實効毋事虛文

為軍職給憑事

查得會典一書專以

晉漢奏議卷四

五

太祖高皇帝欽定諸司職掌為主類以頒降群書附
以歷年事例皆不失乎

皇祖之意備載

御製序文伏讀可知今會典書內明開兵部職掌將
引選過官員抄榜給憑定限到任仍行該府轉行所
在衛所催任繳憑等因係是諸司職掌原文並無刪
改其兵科項下開稱凡兵部選過官員赴任俱先赴
本科畫字其文憑定限給付乃是附以事例纂集之
言不係原定

制書亦無明開本科官定限給付字樣若以此為據

文憑由本科定限則亦由本科給付矣其文憑年月

尚未用印亦未押字豈得使給付乎况自正德十一

年八月以前兵部選官給憑經由本部并該科官數

多俱是兵科標點僉日本部用印定限給付眾所共

知實非近年更變舛錯近於本年八月內兵科將選

過軍職周隆等文憑定限不僉日該吏領出本部不

敢擅便依從僉日仍送兵科僉日訖並無差官傳語

到科聽從定限却又阻抑情由後康英等文憑一十

一道兵科又止定限不行僉日臣等為照此等事體

俱係諸司職掌定制逐年相傳舊規一旦將文憑改

晉漢奏議卷十四

六

在本部僉日該科定限不行奏請恐有違碍以此備
查明白具題節奉

欽依還照舊例行已行欽遵外今兵科具題前因緣

軍職文憑係遵諸司職掌定制逐年相傳舊規不係

因襲近日事例臣等仍難擅便改議至於六科事體

各有不同俱年遠相傳舊規似難比照合無遵奉前

旨將軍職文憑仍照本年八月以前舊例兵科標點

僉日領回本部定限印押給付施行正德十一年十

一月十七日具題奉

聖旨是今後軍職文憑兵科還照舊僉日本部定限

給付欽此

為武舉事

臣等竊聞書云無稽之言勿聽弗詢之謀勿庸又云事不師古以克永世乃周攸聞正德二年先任本部尚書劉宇等所議武舉條格非有不備乃因求備致未穩當若遵

詔書事例中間豈無應從查革改正者而因襲未改臣等深懼謬陋不可傳後所以奏乞儒臣查議蓋以大禮制度非綿蕞野外之人所能講定也今奉聖諭命臣等議處緣武舉係干制度本部不敢專擅

奏議卷十四

合無本部考據前代武舉制度并查本

朝節年奏行武舉事例逐一明白各開前件會集多

官計議應行應革緣由定擬條格會奏取自

上裁又恐各官會議一時不得盡言合無通行各衙

門大小官員但有所見並聽直陳事理奏下本部參

酌會議庶事不苟簡理無遺漏正德十二年七月初

三日具題奉

聖旨是這武舉條格比先議有未當相應查革改正的恁部裏還隨宜議處了來說欽此

為武舉事

查得今次各處起送應舉官生人等共八百七名內遼東二百三十七名其餘各有二三員者有全無者多寡不均四月初九日試馬上箭每人走馬三回射九矢共該走馬二千四百餘回共射七千二百餘矢本日射必不周又於初十日試馬上箭一日方畢若遇風雨又難拘日期若不照鄉試事例酌量地方南北定數起送不惟地方取人有偏抑恐以後人漸加多難於較射况武舉之設重在騎射或有馬上中九箭步下中四箭以上者因論策不稱不蒙收錄監生省祭官生員等項已有出身正途又應武舉中式仍

奏議卷十四

送吏部選用未免紊亂選法舊例軍職官非親冒矢

石獲有軍功者不陞今以從容較射偶中數矢報陞

二級一級似失之易千戶以下官員徒在取中支米

之列終無出身効用之路其得陞試署鎮撫知事終

身支米亦無可用又文武科舉自有不同今武舉既

做文舉會試殿試事例刊錄文字其馬步數目不載

錄內亦似欠缺既稱答策論三道馬上中四箭步下

又中二箭以上者陞署職二級答策論三道馬上中

三箭步下又中一箭以上者陞署職一級則是專以

騎射為重又稱所答策論參以馬俱優者列為止

等子馬稍次者列為中等則是又以策論為主以致
主司難於去取前項事件俱未穩當臣等議得漢制
武舉皆起布衣至唐開科亦有定議我

太祖高皇帝初定天下召集海內名儒酌古準今議
定制度文職設科貢二途以取士武職世襲故不設
科然又設流官五府都督及方面都指揮俱不世襲
以待有功及賢能者陞用各衛指揮千百戶五年一
次考選委用蓋於世襲之中而寓選舉之意則武舉
之制已在其中矣天順間始議武舉成化弘治以來
間一舉行猶取騎射大略而已至正德三年尚書劉

升

九

宇議定今行條格三年一次舉行著為定例中間條
格如前項所查既不取法于古又不合宜于時規制
苟且事體乖謬誠未穩當臣等先已查奏不係洪武
永樂年間舊例應否舉行不敢擅議奉

欽依照例行今若不備陳議處誠恐紊亂

舊章取議後世伏望

皇上念

祖宗制度係干重事非劉宇與臣等孤陋寡聞之人
所可更定遂以為遵守乞

勅翰林院儒臣考據古今詳度事理如果舉用將材

抵應遵照舊例於武職中推舉考選賢能之人及於

功陞官內酌量推用則武舉一科不必另設若世襲
武職之外恐有遺材則參酌古今定立武舉制度務
在事必師古不礙今制將前項見行條格未穩事件
逐一改擬停當開陳明白徑自具奉本部會集多官
再議上請定奪其以前武舉中式官生人等內都指
揮果有行檢材能者照例推用千百戶鎮撫總小旗
及舍人軍餘所陞試署職級內有情願赴各邊總兵
等官處報効殺賊者在京者具告本部在外者具告
該管官司轉行本部各送所告地方總兵等官處參

晉溪本兵敷奏

卷一四

隨殺賊該支米石就於彼處查照支給仍聽巡按御
史查點不許寄帶空名冒支食米其生員庶人等
所陞試所鎮撫知事及試巡檢聽該管上司就委本
處府州縣衛所專管巡捕如有犯罪依律問革正德
十二年六月十九日具題奉

聖旨是今後武舉還照舊舉行其間事宜有未備的
儘部裏還議處了來說欽此

為武舉事

會同太傅定國公徐光祚等以保兼太子太保吏部
尚書陸完等議得兵部考據前代武舉制度并

本朝節年奏行武舉事例俱已明白中間應行應革緣由定擬條格視前頗為穩當但係議處武舉事例臣等俱未敢擅擬伏乞

聖明裁定正德十三年八月十五日具題奉聖旨是翰林院考驗官臨時再奏請定奪其餘都依擬行欽此

計開

一每遇子午卯酉年十月武舉鄉試預先於九月內各衛所起送都司府州縣起送布政司類送巡按御史會同三司官考驗定數仍行

晉漢書卷之四

七

都司起送兵部兩京衛所俱送中軍都督府候到齊之日本府掌印官會同各都督府并錦衣衛各掌印官考驗定數類送兵部直隸衛所留守司大寧萬全都司并各府州縣俱各送巡按御史考驗定數仍行各都司直隸府州縣衛所照例起送其十月內考驗日期并選取之法一倣武舉會試例行

一武舉天下軍職兩京武學并各衛所各起送五十名南北直隸衛所各起送三十名大寧都司并中都留守司各起送十名遼東萬全

二都司并山西行都司各起送三十名陝西都司起送五十名陝西行都司山西山東河南浙江江西湖廣四川廣東廣西雲南各都司各起送二十名福建貴州各都司各起送十五名湖廣四川福建各行都司各起送十名總小旗舍人舍餘軍餘兩京武學并各衛所及陝西都司各起送二十名南北二直隸衛所遼東萬全二都司山西行都司各起送十名大寧都司中都留守司山西山東河南浙江江西湖廣四川福建廣東廣西雲南貴

晉漢書卷之四

七

州各都司并陝西湖廣四川福建各行都司各起送五名民人南北二直隸各起送二十名每布政司各起送十名以上起送人員雖有定額若堪應舉者必儘數起送不拘定額但不許有過原額

一每遇辰戌丑未年四月兵部於團營教場內會集考驗初九日試馬上箭十二日試步下箭十五日試策一道內閣大學士兵部尚書為考驗官提督各營官兵部左右侍郎錦衣衛官二員給事中樞密為同考驗官監察御

史二員為監試官其餘執事官俱各照例定擬

一武舉會試中選每科照正德三年例取中選武官舍人共六十名官照品級為次序舍人序於見任武職之後外取中選總小旗舍餘民人不拘名數不得過二十名

一各處起送應武舉之人務要詢訪素無過犯操行端謹言貌出眾臂力過人及考驗弓馬熟閑答策通曉兵法者各開註明白方許以禮起送不許求足額數一稟濫舉

晉溪本兵敷奏

卷一四

一選取之法凡有五等以原報考語行檢實跡優劣叙為一等又以言貌臂力優劣叙為一等又以馬上中箭多寡叙為一等又以步下中前多寡叙為一等又以答策優劣叙為一等五等俱在前列者取在中式之列或行檢才識高絕而臂力駢射未稱或臂力過人駢射精熟而答策未稱或精通韜畧而中箭數少聽考驗官公同各官通融參酌優劣定擬去留

一國營考試畢四月十六日公定去取十七日

早兵部門前掛榜十八日引赴

御前叩頭當日中軍都督府赴宴十九日早謝

恩其武舉錄待開榜畢日刊印進呈中選官舍人等前三名判策三道其武舉錄武兵部臨時再擬停當具奏定奪

一武舉中選官員除都指揮使難以加陞外其都指揮同知都指揮僉事指揮使指揮同知及指揮僉事正副千戶俱陞署一級遇有推用指揮使同知僉事俱加署都指揮僉事職銜其武舉中選之人臨用所陞官職俱由武

晉溪本兵敷奏

卷一四

舉而陞止終本身子孫並不得襲

一武舉中式官員舊例常俸外上等給米三石中等給米二石有違

太祖高皇帝欽定額制今議中選武職於已定俸給

該支折色米內准改五石支本色

一中選武職屬都司行都司者遇有本都司官員缺及本都司地方備倭守備把總運糧等項員缺屬兩京衛所者遇有南北直隸地方都司留守司官員缺及備倭守備把總運糧等項員缺本都俱照陞定職事挨次推用或

相兼未中選曾經奏保者共舉二員照例請旨簡用本地方見有武舉中選官員不得於別官內推舉其各衛所軍政掌印僉書管屯巡捕等項遇有員缺亦於武舉中選官內各照陞定職事推用

一中式總小旗舍餘軍餘兩京及各邊鎮者俱委管隊在外者各於本衛所委管守城操練巡捕等項民人委管本州縣民壯俱與冠帶榮身總小旗俱准支本色米舍餘軍餘民人俱月支米一石以後立有軍功照例陞用

一中式應襲舍人俱待襲替後推用職銜照舊加陞

為議處功級以一法例事

參照各項事例原非

祖宗舊制俱係近年更定事件中間不免偏廢之失如署職之與實授獲功則異而止與實授則同舍人之與千百戶納銀則一而至於加陞各異遇例者既已革其實授而又併革其全級犯堂者既已革充總旗而又遞減其軍功是皆輕重失宜委於事體不當相應議處合無今後軍民舍人餘丁人等獲功一級

者與做小旗二級者與做總旗間有納銀冠帶者照舊榮身三級與做所鎮撫四級與做實授百戶其總旗功陞署職者與做試所鎮撫試所鎮撫功陞實授一級者與做試百戶及試署職後功陞署級者止與實授其功陞實授一級者准於實授之外加陞署職一級內署百戶原係總旗功陞署職再獲軍功署級者止陞所鎮撫如係所鎮撫功陞署職再獲軍功署級者與做實授百戶及軍職署職遇例實授之後又獲功陞署職者襲替之日革去遇例級數再加所獲署級功次准與實授如獲功陞實授二級者革去遇

例級數准於實授之外加陞署職及犯堂革旗之人如親祖父立有軍功者一體於總旗上照級加陞其試署職銜例前陞授者不必更改有具奏者俱不准理犯堂及遇例實授先已減革者待後子孫襲替一體扣算施行庶法例適中人心允服正德十二年十月十七日具題奉

聖旨不必更張只照舊欽此

為輯人心以安地方以圖長治事
看得兵科給事中許復禮因福建福州等衛軍人倡亂之後推言和人心以圖長治乞要該部計議轉行

各該鎮巡等衙門將軍衛府司之弊一查處裁革
不急之工役無名之歲辦非分之科擾當減免者量
為減免當釐革者悉與釐革等因引用經旨反覆論
辯雖若泛言實開治道考之前代漢文帝與民休息
而天下治安漢武帝窮兵黷武而海內虛耗末年遂
有輪臺之悔封田千秋為富民侯今天下民窮財盡
賦繁役重而軍官方且扣除貧軍月糧民官逼取貧
民財賄盜賊隨捕隨發不畏法度視死如歸皆因官
吏虐害人不聊生以致然也萬一遠近俱困盜賊蜂
起土崩之勢變生倉卒兵財兩竭計無所施臣等平

時既不能表率諸司及言官論列又不能申明法禁

誤國之罪萬死莫贖伏望

聖明俯念軍民窮困已極先當寬其差徭急宜禁止
科害納許復禮私憂過計之言特降

勅旨通行天下鎮巡等官今後務要撫恤軍民各令
得所非奉

朝廷明文一夫不許擅用一錢不許擅科敢有違者

聽巡撫都御史巡按御史并按察司官指實劾奏處

以重罪但係犯贓官吏務要依法究治不許似常姑
息庶幾可收人心盜賊衰息四方寧謐正德十三年

九月十六日具題奉
聖旨是寬差徭禁科害等項事情便通行與各處鎮
巡等官知道欽此

為整應兵以制黠虜抑貪功以撫疫民事

看得兵科左給事中徐之鸞等所奏大意謂北方之
達賊當勦南方之蠻賊當撫陝西因無提督以致達
賊侵犯臨鞏地方宣大總兵官朱振抗推俱貽略不
足要設謀略具備大將一員往來提督及要將見問
犯人陳九疇赦其罪復其任及稱南方巡撫惟利加
官廢子之榮不顧荼毒生靈之禍南方巡按惟存陞

級超用之望絕無裁抑僥倖之心要將原與馬吳官

廢追奪及行南方巡撫都御史今後地方弗靖務官

曲為撫處果係勢犯大順方許用兵并行南方巡按
御史今後非奉
旨紀驗功次不許奏捷希圖陞賞所言無非欲慎重

爵賞懲戒貪功妄殺之意不為無見但臣等竊議北

虜自來為中國患非兵力所能馴服漢高帝滅強秦

驅除群盜平定天下不能免匈奴白登之圍後與匈
奴和親方得息兵自漢以後中國分裂五胡亂華以
至遼金迄於胡元遂移宋柞奄有萬方賴我

聖祖神宗始能驅逐腥羶光復華夏近年北虜漸強擁衆數萬連年入寇調兵防禦月無虛日加以內地饑饉民困轉輸流徙日甚賑救無策今年陝西防禦虜患事宜已該本部於去年十月節次申明律例請勅各該鎮巡官遇有警報雖非統屬許其依律互相徵調相機策應柰何延綏騎兵不過二萬有奇寧夏騎兵不滿二萬陝西趙文所統固原騎兵不及五千臨邊之地東西相望三千餘里前項各鎮軍馬分散按伏勢孤援寡不得聚集一處及定邊營花馬池等處虜賊出入之地素無糧草積蓄所謂客兵不能久

非徒非議也

十九

留寧夏鎮巡官王時中安國等陝西鎮巡官鄭陽趙文等懼有失事自春以來整擗軍馬極力防禦戰無虛月屢奏兵糧缺乏事下戶部無計區畫本部議奏掣回甘涼備禦官軍三千以為趙文之助亦難別處達賊因見固原一帶備偵知臨鞏地方空虛擁衆數萬直入搶掠得利而還趙文路瑛等方能邀截奪獲被虜人畜且賊既深入搶掠陝西各鎮守臣難謂無罪但虜衆我寡勢不相敵非因提督無人自分彼此以致然也近年都御史叢蘭總制宣府大同寧武等關三邊鄧璋總制延綏寧夏甘肅三邊調度由於

一人各鎮不務彼此山西則虜寇越過寧武等關逼近太原

晉王奏警陝西則虜寇越過固原深入隴州也為今之計若非輕徭薄賦愛養民力固邦本以制四夷修內治以攘外患乃不較賊勢強弱數易將官增兵添戍加賦遠輸遣將出師不惜勞費誠恐外患未除而內變將作雖有智者不能善其後矣且本朝故事沿邊各鎮俱設主將掛印充總兵官專主關外征伐之事若賊勢衆大本鎮兵馬不能支持方

議

十九

命將亦充總兵官別統官軍前去會合所在總兵官協力殺賊如用文臣加以叅贊及提督軍務名目用內臣加以監督軍務名目事寧即回未聞平時用武職大臣充總兵官又提督各鎮總兵官者也今欲再用總兵官一員提督宣大二鎮總兵官朱振杭推又用邵永充總兵官提督甘肅總兵官柳滂俱領客兵前去各鎮見之糧草何以供應若只令二將獨往緣軍無二帥以一鎮之軍稟受二將之令以主將受主將之節制體統一或乖宜軍機必致掣肘非細故也

及查見監犯人陳九疇原任肅州兵備副使專一分
理肅州地方以撫御番夷為職先該肅州寄住哈密
衛夷人米兒馬黑麻賚奏赴京直入長安門伸訴九
疇打死伊父都督失拜烟答抄沒家財等項事情見
該法司會官審問外其土魯番因彼送回金印不與
賞賜拘執夷使火者散者兒等不見放回節次投遞
番文要來犯邊及有附近肅州屬番節次走報土魯
番夷已過哈密搶殺瓜州亦斤柴城兒等處漸近肅
州九疇非不預知却乃故不依律呈請鎮巡官添調
人馬早為設備十一月十一日總兵官史鏞差人肅

晉溪本兵敷奏

卷一四

州瓜探九疇回稱肅州素無糧草甘州軍馬且不必
動至十五日賊已進嘉峪關方報史鏞十七日始到
甘州以致土魯番賊攻陷城堡殺虜軍民數以萬計
揆之法律九疇啓釁失機豈得無罪復何冤枉至其
以夷攻夷之說止據番人綽骨之言事在夷方將何
憑信今欲將九疇免罪并欲復其官職國典具存實
難輕貸及查南方湖廣雲南福建江西四川兩廣等
處各種徭獍苗蠻等賊先年遇有侵凌
朝廷即命公侯伯都督等官佩征夷將軍印統領京
營官軍征討正統年間鄧茂七葉宗留等賊在於福

建浙地方作亂

朝廷亦命侯伯都督等官統軍出剿未聞以南方之
賊威不必加專事招撫亦不聞待其勢犯大順然後
用兵者也正德五六年間中原盜起初事招撫尋復
悖叛主招撫者

朝廷罪之山東等處則都御史馬中錫被收死於獄
中四川則高崇熙逮繫斃於道路江西則吳廷舉銳
意招降祭賊首胡浩三之墓至遣義男吳吉為賊之
婿後賊復叛劫殺方面等官廷舉遭劾僥倖得免其
後四川竟調延綏官軍江西調遼東官軍山東等處

晉溪本兵敷奏

卷一四

調宣大等處邊軍遠出征剿逾年始平供軍之費以
億萬計皆因撲滅不早始事招降以致滋蔓難圖耳
近於正德十一年間巡撫四川都御史馬昊等奏稱
隸人雖邊夷種類其間如阿田阿羅阿尚等皆鈞高
等縣版籍編民始與流民有隙爭擾不聽撫處攻圍
邊堡戍殺戍軍劫掠燒燬無所忌憚今欲急於進剿
恐濫及無辜必傷和氣又恐諸夷煽動兵連禍結不
可輕舉自取損威奏要再加撫處若果聽從直宜隨
俗處分如執迷不返方可調兵進剿該本部議奏務
要先行設法撫處如果向化不必進剿復該馬昊等

安撫不從將楚蠻普法惡等擒斬降散盡絕紀功御
史熊相紀驗造冊奏稱四川流賊甫平楚蠻突起若
非絕之於萌芽未必不缺夫我斧今不及一年遂平
劇賊實由馬昊身自撫師筭無遺策近該巡按四川
御史盧雍亦奏馬昊征剿楚蠻一事為功之魁及查
松潘番賊近年不時侵犯殺虜人民守邊官員俱被
參提監問重罪地方見今不安馬昊會同鎮巡三司
官議奏調兵防剿本部已經議擬覆奏請
勅旨捧前去欽遵行事今要追奪馬昊前與官廕以
為貪功生事之戒但查四川原奏捷音內稱楚蠻普

普法惡等

法惡

法惡初起捏造妖言統領蠻眾殺死民人羅三祭旗
及殺死採木湯照磨男湯文宗等攻圍南溪宜賓富
順青神等縣燒燬居民房屋殺虜男婦三百餘名各
該官司報知馬昊等差旗軍呂明等賁執火牌招降
三次不服方議進剿緣南溪宜賓富順青神等縣俱
係中國縣治普法惡等肆行燒劫向使馬昊坐視不
理玩寇殃民罪又難逃

朝廷比照近年斬獲四川殘賊廖麻子事例加官廕
子似不為過况

成命已下難以追奪及查近年貴州香爐山湖廣柳

桂兩廣府江江西南贛福建汀漳等處猖獗苗蠻等
賊攻圍城堡阻截道路殺害官吏劫掠人民招撫既
不聽從遠近深被其害

朝廷切責鎮巡等官欲治其罪特

勅各官速為征剿授以方略專其委任又蒙

勅旨戒諭惟務殲其渠魁不許妄殺良善各該巡撫

都御史鄒文盛奏金王守仁等恪遵

成命調度有方兵不踰時遂報寧謐

朝廷論功行賞以報勞動竊恐鄒文盛等原無希賞

之心又如往案都督陳友因征銅鼓五開苗賊封武

平伯平江伯陳豫

平

因征鄧茂七等賊封平江侯文官

如尚書王驥征麓川封靖遠伯他如侍郎等官侯璉

白圭程信項忠等非止一人皆因征南功蹟廕子加

秩未必因征北虜及征南方犯順之賊然後陞賞也

近年都御史彭澤等因征內地流賊亦各加官廕子

不聞論列今鄒文盛等不煩

朝廷遣將出師就彼剿平大盜加官廕子出自

朝廷恐不為過及查先年紀功官員隨軍殺賊臨危

蹈險親冒矢石所以論功必加錄用近年剿殺內地

流賊紀功官皆不隨軍所殺者多脅從之人非蠻夷

此各官坐紀籍冊又多容冒濫給事中王萱吳玉榮
黎爽俱陞通政司叅議御史吳堂陞大理寺丞亦
未聞有論其過者今御史周文光之在貴州王度之
在湖廣謝天錫之在廣西屠僑之在江西毛鳳之在
廣東皆奉

勅紀功中間多深入賊巢親臨戰陣秉公既多勤勞
特甚

朝廷雖有恩旨尚未陞用若以為各官惟存陞級超
用之望絕無裁抑僥倖之心亦恐非周文光等之本
心也至如御史毛鳳初至廣東見賊猖獗其時總兵

晉溪奏議卷十四

二十五

巡撫等官俱新任未到毛鳳奉

勅紀功即會鎮守太監及三司官調度兵糧剿平大
盜奏報捷音乃其職任當然亦非希圖陞賞臣等竊
慮即今四夷不靖中原水旱相仍民窮財盡人心思
亂盜賊四起所在官司因循玩愒不肯任怨早為計
處遂至煩兵費財公私俱困而後已又觀前代姦人
以鼠竊狗偷為不足慮以山東盜起謂無能為卒之
釀成大患至亂天下可勝嘆哉臣等深鑒其弊申明
律禁痛懲欺隱啓釁失事者執法叅究玩寇殃民者
必加罪罰仰賴

聖明俯賜采納任之不疑是以南方劇寇以次削平
其餘盜賊隨起隨滅今臣等若懷顧忌而務雷同一
如議者之言使各該巡撫巡按官皆避貪功之嫌為
姑息之計弛已振之紀綱廢已修之武備盜賊無忌
嘯聚千萬如近年劉六劉七等之亂夫豈

國家之利哉合無本部行文宣府大同山西各鎮巡
官撫恤軍士及時操練如遇今冬河凍虜衆過河東
行預為設備相機戰守候明年夏秋草長勢將深入
之時加謹隄備若果虜衆我寨則固守城堡勿或被
其掩襲或用火器出奇攻擊或以步兵力戰拒敵務

晉溪奏議卷十四

二十六

在計出萬全保無一失仍須嚴謹哨探料敵先知果
將深入則火速奏聞區處不許遲誤本部仍行提督
團營內外官候明年春暖即早議奏挑選人馬定委
將官關領賞賜器械遇有警報照例請

勅將官掛印充總兵官統領官軍出關會合各鎮官
軍併力截殺仍行戶部差官供給軍餉俱事寧回京
若所在將官遇賊衆寡相敵任意逗遛退縮或承調
違期不至失誤軍機俱依律治以重罪再行各該巡
撫巡按三司等官今後所在草寇竊發及各邊寨苗
夷侵犯州縣殺害人民務要依律火速申奏量調官

軍乘機剿捕不許隱蔽坐視以致滋蔓難圖及因而失誤軍機如或故違究問明白依律坐斬決不輕貸若一應邊夷本不犯邊貪功生事妄殺啓釁聽巡按御史糾奏亦治重罪正德十三年十一月十五日具題未奉

旨

為申明禁例以杜倖濫事

看得兵科左給事中徐之鸞等題稱各該將官違例奏帶人員冒濫陞官及併功併廕等項冗食萬員大壞名器乞要本部通行查出叅奏行令各該衙門裁

奏

奉

革改正以復舊規仍申明舊例今後再有如前陳乞違例之人嚴加究治一節查得自正德五年以來山東河南四川江西等處流賊作亂官軍征剿奏帶人多紀驗造冊照例擬陞又併功累陞遂致冗濫弊端一開末流難塞今左給事中徐之鸞等舉以為言臣等職典武銓因循踵襲實難辭責合無本部通將近一年奏帶陞職人員查開明白具奏應存應革伏乞上裁定奪仍通行各處鎮守分守守備等官各將原奏帶人員照例存留五名三名應用其餘盡數發回各原衛所供職着後凡遇軍功紀功御史務要查勘

真實方許紀驗不許似前一槩紀錄在冊以致將來冒濫無有紀極自貽後患今後奏帶有功人員除千戶以下照例擬陞但係指揮以上即係領軍官員所斬首級雖造在冊俱遵舊例不許擬陞其因奏帶所陞官員止許累陞至二級而止不許累陞都督都指揮流官重職致傷名器伏乞

聖明俯念爵賞重事特

賜允行永為遵守不勝幸甚正德十三年十二月二

十六日具題奉

聖旨已有旨了欽此

奏

奉

為發明律例以便征戰事

看得給事中傅鑰所奏例不合律以致將官顧忌畏怯不肯殺賊援古証今欲會法司重為議擬一節深為有理合無依其所奏本部會同刑部都察院大理寺各堂上官查議明白奏請定奪奉

聖旨是欽此臣等會同太子少保刑部尚書張子麟

等查議得先為陳愚悃飭邊備以防虜患事該監督

軍務御馬監太監張忠題一件合無行令各邊主將

一面時常選差的當人員速出境外分番爪探賊營

何往定止一面嚴督沿邊哨守人役一遇有警烽砲

分明人知趨避兵知趨戰務在料敵先知功可期成若將領怯懦無益邊備撫按官員即時劾奏速為易置若敵退大眾縱有損傷亦須不拘事例論功分豁等因該兵部會官議得依擬其言敵退大眾縱有損傷亦須不拘事例論功分豁一節切緣各邊失事固由於將領之怯懦亦由將官恐損官軍不敢敵戰所致太監張忠此議尤為有見合無今後出兵果係奮勇迎敵但有追逐擒斬之功者官軍陣亡俱不以損折官軍論若係輕率寡謀被其襲誘追殺敗散損折者仍依律例治罪不准分豁等因正德十一年十一

晉溪奏議卷十四

十九

月初九日會題本月十一日節奉

聖旨是欽此又為陳言邊務預防虜患事該巡撫大同都御史胡瓚巡按御史賈會奏一件原情罪以責戰守照得大同三路將官則有總副叅遊之名所領人馬則有奇遊與援之號數多三千員名俱係各城挑選精銳而守備官操守止餘老家守城官軍七八十人或百十餘人其兵力之強弱責任之重輕不待臣言可知矣邇因虜衆在邊各將領俱調發各城按伏戰守守備官即其所統進止機宜皆不得預及至失事將官得罪反輕守備反重此人心所以不平

而將領得以推奸避事也合無着該部查擬除臨陣與賊交鋒對敵失機照依該部奏行事例問擬外其被賊入境搶虜人畜行劫是實若係本城住有將領畏縮不行截殺問擬守備不設充軍罪名取自上裁本城守備官不能嚴謹烽埃及將領於別城往劄勢不重守備官不能嚴謹烽埃及將領於別城往劄一時赴援不及守備官失於飛報以致深入搶虜人畜者照舊問擬守備不設將領則從輕叅究發落庶情法允當而責任專一矣該兵部議得守邊將帥守備不設計為賊所掩襲攻陷城寨或被賊入境搶虜

晉溪奏議卷十四

二十

人民俱有

太祖高皇帝欽定律條擅難異議但中間有守備已設計本城堡原設軍馬數少可固守城堡不可輕出禦敵以致地方被搶其情與守備該設計而故不設計者委有不同問刑衙門不論有無計策可設一向俱引前律問擬充軍又因事出不測或所搶人畜數少叅稱律重情輕奏請俱免充軍降級發落依律言之雖似減輕以情原之猶似過重所以都御史胡瓚等奏要將各城堡軍少守備官被賊入境搶虜人畜者止擬不應從重照常發落不為無見但賊勢重

大非守備官軍所能支持者問擬不應猶似虧枉倘
賊少勢輕可備而不備被其搶虜者止問不應發落
不無以後守備官員益加玩忽廢弛邊備合無通行
各邊巡撫巡按問刑衙門今後各城堡守備等官可
以設計而故不設計致有失事俱依律例不許寬
縱內有事出不測及失事數少情輕律重者仍照例
奏請定奪若本城堡原有人馬數少賊勢重大力不
能支止可固守及瞭高守哨并徵調隣境兵馬等項
俱無失悞別無計策可設地方雖被搶掠力量不能
支持係干律內該載不盡事理參詳明白引律比附

會漢恭議卷十四

三

具奏從法司再行議擬奏請定奪其調來各城堡按
伏住劄將領往來不常違期畏縮失誤軍機自有本
律難問守備不設充軍罪名等因正德十二年五月
二十四日具題本月二十六日奉

聖旨是胡瓚所陳邊務事宜恁每既逐一查議明白
都着依擬行欽此又查得

大明律內一款凡守邊將帥被賊攻圍城寨不行固
守而輒棄去及守備不設計為賊所掩襲因而失陷
城寨者斬若與賊臨境其望高巡哨之人失於飛報
以致陷城損軍者亦斬若被賊侵入境內虜掠人民

者杖一百發邊遠充軍問刑條例內一款失悞軍機
除律有正條者議擬監候奏請外若是賊擁大眾入
寇官軍卒遇交鋒損傷被虜數十人之上不曾虜去
大眾或被賊白晝晝夜突入境內搶掠頭畜衣糧數
多不曾殺虜軍民者俱問守備不設被賊侵入境內
虜掠人民本律發邊遠充軍若是交鋒入境損傷虜
殺四五人搶去頭畜衣糧不多者亦問前罪數內情
輕律重有碍發落者仍備由奏請處置伏覲
大明律內凡守邊將帥被賊攻圍城寨不行固守而
輒棄去及守備不設計為賊所掩襲因而失陷城寨

會漢恭議卷十四

三

者斬若與賊臨境其望高巡哨之人失於飛報以致
陷城損軍者亦斬蓋棄城不守及可設計而故不設
計并責專望高巡哨而失於飛報以致陷城損軍罪
坐所由故皆處斬若故不設計被賊侵入境內虜掠
人民比之失陷城寨其情頗輕故坐以杖一百發邊
遠充軍原情定罪誠萬世不刊之典也若既與賊為
隣不能保其必不入境既與賊交鋒不能保其必不
損傷故律無守邊將帥致賊入境及臨陣損傷官軍
治罪之條後因問刑條例開載賊衆入寇官軍交鋒
損傷被虜數十人之上及搶掠頭畜衣糧數多不曾

殺虜軍民俱問守備不設之罪以此問刑衙門將臨陣對敵損傷官軍者俱問充軍降級罪名實是有乖律意前項兵部先已會官議擬題准今後果係奮勇迎敵官軍陣亡俱不以損折官軍論通行外但在外問刑衙門仍拘條例問擬多不遵依今給事中傅錦又以為言考據精切議擬明白深合

祖宗制律之本意必須再行申明改正庶使各邊將領勇於戰鬪無所顧忌合無通行內外問刑衙門今後守邊將帥失誤軍機除律有正條外若賊寇入境彼此眾寡相當堪以出戰將官故不設備閉門不出

晉溪奏議卷十四

三

被虜人民者依律問發邊遠充軍若虜眾兵寡勢難抵敵止可固守不可輕出致被搶掠人民者查勘是實奏請定奪若止是搶掠牲畜不曾虜掠人民或殺虜沿邊哨探軍人及沿邊採打柴草軍民不係境內人民者俱坐以應得罪名不許引用被賊入境虜掠人民律條致失輕重及望高守哨之人失於飛報以致不備損折官軍依律坐罪外其輕率寡謀軍無紀律以致損折官軍者律無正條引律比附奏請定奪若奮勇迎敵殺敗虜賊雖是斬獲賊級數少官軍陣亡數多仍須論功陞賞不許擇引律內損軍字樣

擬治罪前項問刑條例與律意不合者革去不用正德十四年四月初九日具題奉聖旨是這會議事情明白詳盡深合律意都依擬行還通行與內外問刑衙門知道欽此

為乞恩廕以圖請報事

看得兵科參論太監張得玉等乞恩陞官太多太倉米少要本部查例酌處上請定奪一節本部查無事例合無行查數內果係已故司禮監太監鄧敏親屬量准外其餘不係親屬之人俱各照舊仍通行禁約以後不許違例奏乞自取罪愆正德十四年六月二

晉溪奏議卷十四

三

十二日具題奉

聖旨朕憂念舊臣已都陞用了你每如何一緊奏革本當查究且饒這遭欽此

晉溪本兵數奏卷十四終

晉漢本兵敷奏跋

正德末年四方多事時王恭

襄公受

簡命主本兵當權倖充斥人心波

靡之日獨能內據忠赤外竭

勤勞毅然以輔翊匡持之力

任諸已於其職之當行而變

本兵敷奏跋

折頹廢者必倡率而振起之

或牖納巷遇於

上以成其志或拔茅推轂於下以

終其道不矯亢以干時名而

艱貞微宛以卒收忠濟之益

一時軍民蠻貊莫不拱手以

尊

朝廷上自藩鎮下而郡邑節鉞將

帥之臣以及抱關執戟之士

莫不俛首恪遵

王度而不敢紊故

鑿與屢出而

宗社宴然北虜之疆一遭挫衄遂

遁伏而不敢南嚮者終公在

本兵敷奏跋

位之日至若閩廣湖蜀江浙

之區深巖大菁保險聚徒之

寇屢攻而不破及有司畏難

苟且欺蔽而不以聞者公籌

畫於內不動聲色皆次第削

平之其著者若宸濠之戡定

吐蕃之叛降功存

社稷嗚呼偉矣公雖橫罹聲望愈

隆今

皇洞察誣妄旋與昭雪光復名位

柄用未極而公告終

九重悼念忠賢每燕對廷臣輒興

拊髀之嘆天下知公者感特

觸事成願起公九京以圖治

本兵集錄

三

理而不可得則相與求公遺

稿思得考見安攘之迹謂高

辱婚公門求者旁午而愧無

以應也惟公踐敷中外垂五

十年文章著述之外若諸司

奏疏至不可勝載其曰本兵

敷奏十四卷者則我曹舊牘

也往歲屬司嘗刻棗於都下

其未成者尚四卷且闕於校

訂因未及傳嘉靖庚子高承

乏秦藩斷材沂隴將刊補以

成全帙而遄歸未果甲辰居

太原東雩先生廖公方綜學

政于吾邦崇正抑浮以身迫

本兵集錄

四

于風教蓋慕公勤且久乃取

京板以歸又取四卷者得高

外舅內泉翁所校本託太守

山泉江公以其俸刻之刻之

工弗勞而成且亟則其端勤

精練之餘惇厥盛美有足相

成者耳工既訖謂高宜紀其

後蓋嘗讀公之說簡質嚴重
無一冗語而意義炳然如指
諸掌其與忠智不優而徒事
詞藻者異矣然此特公政術
之糟粕而當時

廟謨之密若論諫之大者尚多散
逸不具於此又不能無遺情

本無數卷

五

馬惟慶是編之有傳仰二公
之德義後將有取者庶乎高
得藉此而應之也是歲十月
既望

賜同進士出身陝西等處承宣布
政使司左叅議寧化潘高謹

書



刻密勿稿序

密勿稿者今

少傅礪菴毛公居內閣當正德末年恭遇
今上登極時所啓也公相業在天下朝夕
啓沃非止一端其轉移機括大略具見此
疏豈尋常獻納者比中書君侯使節便道
歸省今還朝特遺此稿棟展讀而嘆曰嗚
呼此元老經國之遠猷也昔我大抵事君

密勿稿

有義進言有幾義之可否身之進退所係
言或從違則又在審察幾之發動以為準
的否則空言取累抑何益昔董賈敷陳治
道一代因革所關何取相如之詞賦房杜
謀斷王國卓然成太宗之美治何有馬周
便宜之疏李沆相業先識四方利害司馬
光自洛赴召先捐新法之蠹民若王旦與
介甫諸人得君專行政久未有能壯國勢

密勿稿 序

而固元氣者由是知人臣事君奉身以義
固也若獻可替否非得其幾安能動中肯
綮易曰遇主于巷又曰納約自牖蓋于巷
乃委曲之遇而自牖則因明通蔽又非枉
道求合者必心正學醇慮深思遠始足語
此苟假于巷之謀為投間之計則機會未
乘而事端輒變豈足為事君之義若相如
若馬周末足深咎其介甫之紛更錯雜可

密勿稿

勝道我求之於易果得于巷自牖之義否
公四朝元老自幼發解入翰林為學士判
南宮官尚書又由東閣入贊元樞鈞軸台
衡天下皆知輕重俯仰之所在然其隨事
進規聞見博而考據精勢危岌而詞婉切
勿計小嫌務存大體真古之所謂大臣以
道事君者若棟廟名史局辱公眷愛尤深
正仰公教育而公今適意泉石安享清華

一一七

則高風勁節足以追配古昔豈今世逐逐可擬易曰敦且吉蓋厚終之難也公寔有馬公生平文集其富如九鼎太宰漆指可知餘味豈在畫刻傳哉讀此可以慰天下望也已嘗讀南陽文達李公天順日錄西涯文正李公玉堂燕對錄雖侈美一時榮寵要之兩朝治體識世道者亦得有所考驗夫豈空言耶今此稿當與二錄並傳

密勿稿

嘉靖丁酉歲臘月言

通議大夫提督四夷館太常寺卿前左春坊左中允

經筵講官同修國史山陰晚學生劉棟拜書

密勿稿

曩予以凡庸叨職 禁垣與少師石齋楊公厚齋梁公少傅敬所蔣公預聞 機政後少師湖東費公被 召再入亦同事焉視草之餘凡有謀議必具以上告如 朝廷批答諸司題奏

密勿稿

文書發下擬票有當商確者即具揭帖隨本封進不書銜名遇有論說止云臣某臣某題亦不具銜若事應發出施行者則列銜名年月如常格其本式仍如揭帖以便 乙覽正德末權倖盡惑

武皇數出巡狩尋討逆藩之亂
久于其外百司馳奏政務未免
稽滯諸老奉

勅居守憂勞夙夜寢食弗遑數
年間迎請調護章疏頗多每屬
之予追

今上踐阼修明典章庶政罔缺

密勿稿

序

間有敷納亦一時偶然之見蓋
不敢以吾

君既聖而忘責難之義焉自來
論議不爭文藻類多簡明和婉
庶冀上心易悟稍有涉於激
迫者亦不得已耳顧皆倉卒為
之雖諄復有不暇計者本多留

密勿稿 序

中外或未之知也家居以來山
林日長檢閱舊稿存者得若干
篇私念內告外順臣人之義今
雖既往亦未敢聞之于人姑彙
而輯之俛仰今昔竊有感焉夫
臣之事君曰惟盡心焉耳矣君
猶天也日用云為於理有一之
或違則此心有所未盡謂之事
天可乎知事天則知所以事君
矣或曰遺稿之集固也昔人有
焚諫草者非與曰草可焚也跡
不可掩也意似避名無乃欲蓋
而彌彰乎然此乃密勿之地朝
夕左右輔養

密勿稿

序

二一九

右德隨事匡持惟恐少有遺闕
所謂盡心焉者豈諫之謂乎抑
亦當時之事所宜志者示不敢
忘耳矧弼違納誨恒責之臣實
帝王之盛節也奚以諱為遂納
諸篋而名之曰密勿稿云
嘉靖庚寅冬十有一月長至日

海上逸老礪菴毛紀識

密勿稿

密勿稿卷之一 正德巡特二十五道

題為議處國計事近該戶部節奉

聖旨邊兵寒苦着戶部上緊處置銀一百萬兩差
堂上官一員管領前到該鎮交收以備犒勞欽此
臣等仰惟

皇上巡狩邊境軫念軍士寒苦欲加犒賞以慰其
勞是即天地覆育之仁發自 聖心自不容已但
今日事勢則有大有可憂者蓋天下錢糧歲入自有
定數分外不可增添一遇水旱災傷又當優恤蠲
免難以充足前數况 朝廷經費日增月益無有

密勿稿

紀極即今宣大二城堡糧草處處缺乏鎮巡等
官節次奏討銀兩該部題准已差侍郎鄭宗仁前
去暫理但帶去銀兩不多隨買隨放旋復告乏今
復奉有前旨不知該部又將何以計處聞得太倉
銀庫正收銀兩動支已盡其遞年積下餘銀僅有
十五萬兩該部見在折銀折草等銀亦止二十萬
兩又係見在給與在京官軍夏秋二季折俸之數
今該部欲將前項銀兩暫且那用仍開生員納銀
事例以應一時之命切念在京軍官俸糧寡薄專
一仰給此銀用度若過期不行給與身家養贍不

敷未免致生嗟怨是誠不可不慮及照生員納銀
事例本非美政先年或因緊急用兵及賑濟饑民
不得已偶一舉行近歲以來行之太頻以致人才
冒濫選法阻壞尤有傷於治體伏望

聖明深惟 宗社生靈至計俯從臣等所言特勅
該部將前二項銀三十五萬兩以一半發與二鎮
添充糧草之用存留一半給與軍官養贍免令解
送以彌眾怨所擬生員納銀事例亦併不行仍乞
早迴 聖駕以安天下之人心以防意外之事變
臣等不勝惓惓俟命之至
正德十二年九月

題 該司禮監傳奉

聖旨朕居安慮危不忘武備早晚即振旅回京爾
內閣府部等衙門官員各照舊用心辦事臣等仰
窺 聖意以為數日之間可望旋蹕今又傳聞
聖駕自宣府轉而西行中外人心益加憂懼竊惟
陛下以萬乘之尊巡遊邊徼輦不御營蹕不聞
馳驅跋涉蓋有不勝其勞者此臣等所以日夜惶
惶不敢以自安也况聞夷虜前日近邊駐牧衆至
十數萬勢甚猖獗萬一乘隙侵犯內地我兵寡弱
何以禦之又今腹裏地方災異頻仍人民困苦盜

賊劫掠在在有之儻卒然有嘯聚而起者該部調
度兵糧未免候請 明旨若復往來傳奏於數百
里之外或致失誤事機又况 聖節朝賀之禮未
行孟冬時享之期亦近機務積滯日多朝參放免
日久皆干係

祖宗舊制朝廷大典非細故也臣等已嘗累次具
本恭請未蒙 俞允深愧備員輔導職業罔修罪
不可逭伏望

皇上獨運乾剛俯從輿望即如
聖諭早為回京留心朝政實

題 宗社億萬年無疆之福也臣等不勝懇悃迫切之
正德十二年九月

至 為披瀝血誠上請 迴鑒以安眾心事臣等連
日在閣中不見文書發下詢之道路皆謂
聖駕復出遊幸初意以為或在近郊去處即日可
回今日已時忽得巡關御史傳報 聖駕於本月
二十九日酉時到關開門出去臣等聞之十分憂
惶不知所措竊惟居庸關外臨邊境比虜不時出
沒為寇正統十四年
英宗皇帝誤為奸臣欺蔽妄言親征遂致

英皇陷於虜廷京師大變後雖將奸臣凌遲籍沒事已無及往事未遠可為明鑒今

陛下無故遠出關口之外自蹈不測之危不思

宗廟社稷之重不念 兩宮太后之憂文武群臣

視之如無一日萬機置之不問恐不可以聞於天

下後世也然邊境險阻胡虜不時出沒

陛下亦豈深知其故而樂於輕出哉必有左右近

習之人蠱惑誘引以至於此此輩縱不顧惜

朝廷亦不自恤其身家不知彼欲何以為計也臣

等職居輔臣不能極諫匡弼瘼曠之罪大矣伏望

客勿稿

四

陛下俯覽臣等此奏即日 迴鑾以慰中外人心

仍乞亟 賜明旨上請 兩宮下命文武群臣會

議將 朝儀國政何處 奏聞內府皇城何人居

守庶處分有定而人心少安臣等不勝忠憤激切

待罪之至

正德十二年九月

伏自八月下旬

聖駕巡邊至今已歷三十餘日昨日始傳聞駕在

陽和城邊外達賊擁眾數萬離陽和四百里下

營又縱賊數千四出哨掠臣等在廷之臣不勝憂

懼除白羊口古北口黃花鎮三處兵部已遵照先

次有行事理催督原差官員領軍分投防守外眾

議即欲選撥京營人馬前去護駕策應該部未奉

明旨不敢擅行切慮此虜現知 聖駕在邊日久

潛結醜類陸續而來其勢必大調到遊騎兵相機

戰守固難逆度其隨駕官軍且宜持重堅守城堡

不可輕出追逐貪功致墮賊計又慮陽和孤城所

積糧草不多萬一虜賊率眾圍城兵糧不繼未知

何以禦之及聞宣府等處軍馬今皆調去陽和萬

一虜賊乘虛分擊不知該鎮又將何以為備今京

城內外未有欽依撥軍守衛萬一虜賊分兵入寇

客勿稿

五

京城之外必然被其搶掠恐不但如去年白羊口

之事而已此實地方安危所係中外之人皆知之

而不敢言或欲言之而不能達近日冰雹之降火

星之殞災異甚著此殆 上天仁愛之意

祖宗陰佑之靈所以警告 陛下者可謂切矣

陛下聖資英睿寧不為之覺悟乎至於左右隨從

之臣亦皆不為 陛下懇惻言之謂之忠於

陛下可乎今事勢至此臣等身為輔導大臣若

不深明利害痛切上言他日誤國之罪雖萬死不

足贖矣為今之計欲望

皇上速令六鎮巡等官從長計處密謀布置保
護 聖駕亟為回京務要計處萬全有備無患其
在京在外各處官軍有該調遣防守策應及錢糧
馬匹有該應付關支等項俱乞

聖旨速傳以憑遵守施行如此庶幾內外有備可
保無虞不然臣恐邊鄙之患未已而門庭之寇肘
腋之變又有不可言者至矣今將前項事宜從權
計議擬票封進伏乞 聖明裁處 正德十二年十月

揭帖 近日傳聞蘆溝橋并楊村等地方盜賊生發
所在成群白日之間阻截道路肆行劫掠各處解

密勿稿

六一

納錢糧與販貨物及往來公差官員人等多被其
害又京城內外乞丐甚多往往在市搶奪食物人
不能禁或扶老携幼鬻男賣女骨肉自不相保凍
餓而死者不可數計蓋由今歲畿內大水禾穀未
登米價湧貴加以賦役科派之多民不聊生流離
困苦起而為盜無怪其然伏望

朝廷急降綸音講求彌盜安民之長策速為施行
庶幾可以若消禍患之萌而其本又在

陛下之心一轉移間耳今 郊祀天地時享
大廟正旦朝賀各項大禮相繼在適

陛下能一一慎而行之則天心眷祐 宗廟歆享
臣民歡戴而海內蒼生皆將鼓舞於春風和氣之
中區區寇盜誠有不足慮者矣謹將一二寬恤事
宜擬旨封進伏乞 聖明裁察 正德十二年十月

奏 為自効不職乞 賜罷歸田里以追罪愆事奉
聖旨即今尚有邊報未寧目下不得便行所有閏
十二月初一日起照舊差官輪流看牲不誤
大祀天地爾各衙門大小官員各要安心辦事欽
此臣等拜稽之餘涕淚交下竊惟 郊祀天地
聖駕看牲乃 朝廷第一大禮我

密勿稿

七

祖宗以來每遇 大祀皆於十二月初一日親往
看牲然後文武群臣以次輪看至今有五十餘年
一遵 成憲莫之有改今奉

聖旨止是差官輪看是看牲大禮廢自今日傳之
天下人心驚疑臣等遇此大事不能據禮執奏
聖諭乃欲臣等安心辦事不知在此所辦何事大
馬之心豈能自安乎況今 聖駕在邊日久軍民
困苦物力匱竭意外之患難保必無臣等日夜憂
懼寢食靡寧已嘗累次具本陳請未覩
聖鑒伏而思之臣等待罪禁垣職專輔道守既不

能積誠獻納以助 聖德又不能極力贊襄以修 聖政至使前項大禮亦將廢而不舉皆由臣等竊 祿緘默以至於此上負 厚恩下干清議不職之 罪誠有不能以自逭矣伏望

皇上俯察愚誠奮施乾斷亟將臣等即日罷歸田 里別選才賢代居重任庶幾沃心之論採時之策 或有補於 聖明之萬一也臣等無任激切殫越 俟命之至 正德十二年 十二月

題為懇請 廻鑾以親庶政事近日傳聞大同西 路達賊數萬擁衆東行及陽和邊外煙火不絕竊

念北虜近日深入應州等處搶掠已蒙

皇上分命將士追襲剿殺遁出境外然夷情諂詐 貪利無厭或款糾合醜類潛謀大舉不可不慮所 有各該邊關防守事宜并京營選練人馬聽候調 用及動支錢糧等項各該衙門未敢擅便施行緣 今居庸關有旨守把不容差人往來各衙門文書 既不敢頻數赴奏又不得面奉 諭音前項緊急 機務不知何以處之臣等晝夜憂思不知所措伏 望

皇上留心政務勅令司禮監將內外各衙門一應

文書上緊奏請裁決發下所司以憑遵行仍乞特 降 明旨遇緊急軍情該部即查議處置停當許 其徑自差人馳奏 行在庶不有誤尤望

皇上審度機宜早為還京以修內治以防外患不 勝至幸 正德十二年 十一月

揭帖看得佛朗機國

皇明祖訓并諸司職掌等書原無開載洪武年間 太祖皇帝因南海諸蕃國地方每年蕃船往來進 貢及買賣之人多有詐冒不實特命禮部置立勘 合文簿但遇彼國差來之人俱要比對破墨字號

相同方可聽信今本國雖稱齋捧方物前來進貢 既非舊例該貢蕃國又無來歷堪信文書一旦遽 欲入貢請封儻有假托詐冒情弊或奸人聞風因 而倣效往來勾引致惹釁端地方利害關係不小 况傳聞本國自恃強盛經過滿刺加國及蘇門答 刺國皆行剽劫若將來既受 朝廷封命給與勘 合文書不無愈肆奸計且使海外諸國聞之不得 以自盡其敬順之誠其於事體誠有未宜合無仍 如該部所擬照依先年巴西國事例行令本布政 司將使臣人等以禮犒勞抽分貨物量給價值其

Blank space for a document or report.

題為緊急賊情事近日武清東安等縣蘆溝橋及
 清河店等處四面俱有盜賊生發少則四五十人
 多則百十餘人披帶盔甲兵器擺列馬隊旗號劫
 掠村店燒毀房屋殺擄人口搶奪財物敵殺官軍
 數多往來公差內外官員人等悉被其害道路為
 之不通而京城之內東直門大時雍等坊強賊白
 日殺人劫財亦往往有之即今各該地方報到賊
 情殆無虛日該部奏請調度軍馬支給錢糧未奉
 明旨難以擅便施行不無有誤事機臣等竊思前
 項盜賊固由饑寒窮迫不能聊生以至於此實亦
 數月以來窺知 聖駕巡狩邊境京城居守無人
 投間抵隙肆無忌憚若不及早撲滅恐致日漸滋
 蔓不但如近年流賊之禍而已伏望
 皇上以 宗社為憂以生靈為念亟為還京庶幾
 諸司章奏易於上達 九重裁斷便於奉行彼疆
 梁不逞之徒不待剿捕而自然潛消退伏矣此實
 治亂安危之幾臣等故敢昧死為
 陛下言之儻蒙 俯垂聽納天下幸甚
摺帖近該大同鎮巡等官奏報達賊約有七萬餘
 騎近邊駐劄搶掠勢甚猖獗然聞 聖駕今已駐

驛大同調集各路軍馬皆至仰伏 神謀睿筭分
布將領委任責成相機防守賊眾聞風退避指日
可待矣但恐虜情莫測設伏詐北誘引我兵萬一
輕出追逐致墮賊計未免有損威重臣等雖云書
生未閑軍旅常聞諸老兵宿將皆以為然誠不可
不深為之慮也又恐此賊一旦潛謀分散深入各
該關口兵力寡弱京城內外設軍守衛未奉
明旨處分所以臣等將前項事情昨已具本奏聞
并擬票封進伏乞

聖裁示下以便遵守

正德十二年八月

題為保護 聖躬計安 宗社事近日

皇上遠出遊幸大小臣工憂思迫切罔知攸措竊
惟 天子履九重之尊統萬乘之重內而百官之
所承式外而萬方之所瞻戴其關係豈細故哉伏
覩 皇明祖訓有曰凡帝王居安常懷警備日夜
時刻不敢怠慢則身不被人所窺國必不失若恃
安忘備則姦人得計身國不可保矣雖親信如骨
肉朝夕相見猶當敬備於心此我
太祖居安慮危出入加謹如此其至謨訓昭然萬
代如見 聖子神孫所當敬守而不可忽者也今

聖駕之出已經數日草野之間駐蹕何所風露之
下起居何為在朝文武群臣日候朝參經旬未覩
天顏諸司事務往來傳奏於數百里之外如有機
密重情豈能遽達當此危疑之際安保無奸慝竊
發之虞仰惟 聖性英哲洞見幾先豈有知不及
此但恐左右獻諛希寵之徒妄言外事盡惑

聖聰不知貽患至此今各處地方大水災異非常
人民饑饉遐邇怨嗟不得遂其生者多矣天意人
事至此已極况今 聖嗣未生儲副未建中外人
心惶惶憂懼 陛下奈何置之度外而不加之意

宗社事

十三

乎伏望 皇上留神政務屏遠群小以導迎和氣
培植邦本仍乞特降 綸音勅令廷臣集議選取
宗室近屬一人育於宮中俾之日侍左右以安人
心臣等謀猷罔効心切憂懼不悉緘默不言以上
負 聖恩下誤國事惟

陛下熟思而審處焉天下幸甚

正德十二年八月

題仰惟

皇上去歲巡邊將及半載中外人心憂虞不定今
幸覩 聖駕回京舉行 郊祀慶成之禮神人胥
悅遠邇騰歡近日聞之道路皆云 聖駕將復有

遊之舉臣等固不敢信然亦可為先事之戒竊
惟自古帝王雖以武功定天下而恒以文德致太
平故有虞之時三苗負固不服帝舜誕敷文德而
有苗來格漢武帝窮兵黷武卒致海內虛耗後雖
有輪臺之悔然亦晚矣後世人主當以虞舜為法
以漢武為戒即今各處地方水旱相仍人民饑饉
餓殍盈途 朝廷每每差官賑濟猶恐民不聊生
若復師旅經過勞費當益不堪伏望

皇上念 祖宗創業之艱難思今日保守之不易
深居大內願養天和上以奉 兩宮之懽下以俟

密勿稿

十四

前星之耀天下臣民不勝慶幸 正德十三年正月

題為懇請 迴鑾以承 天意保安 宗社事伏

覩 皇上巡狩回京未及半月又復輕騎出關臣
等愚昧不知 陛下今日之出何為如是其急也

且 聖駕前自宣府起程將回數日之間天色澄
霽風日融和物意皆為之暢達雖有一日之雪猶

為豐年之瑞至於 祀行禮慶成錫宴之時亦
皆天氣晴朗無少陰晦可見 宸衷開悟天心悅

懌有如此者中外臣民曷勝懽慶迨夫
聖駕之復出也數日之間日光陰晦風氣悽慘雨

雪之餘繼以大霧昏濛竟日咫尺莫辨上天示戒
一至於此甚可畏也伏望

皇上審察幾微仰承天意以邊塞非天子所宜居
以遊畋非明主所當務斷自 聖心亟命旋蹕庶
幾人事以正天意以回 宗社靈長之福可保於

無窮矣 正德十三年正月

揭帖近日奉 旨令臣等撰寫分守潼關御馬監

太監黃玉 勅書看得各處關隘如居庸紫荆倒
馬鴈門寧武偏頭等處皆切臨邊境所以先年設

立鎮守分守守備等項官員潼關名雖為關實係
腹裏地方比與各項邊關不同 祖宗以來並不

曾設官分守今一旦無故創設此官有礙舊制以
此該部兩次執奏欲將黃玉留待別處分守有缺

委用臣等仍如該部所擬謹將原票封進伏望
聖明裁納

揭帖看得正副使領占札巴等各該賞賜應付并
買辦食茶絹布等物出給過關勘合已該禮部題

奉 欽依都照舊例行今又奏要換買食鹽等項

該部查無舊例難以施行臣等擬票封進未蒙批
出且鹽法之設本為接濟邊儲緊急之用近年以

求廢壞已甚若此端一開則任意多買夾帶與販騷擾地方貽害不可勝言合無仍照前旨俱如舊例而行其食鹽舊例所無者斷不准給庶於事體

允當 正德十三年四月

題 為早賜 迴鑾以全聖孝事近日

皇上以 孝貞太皇太后梓宮附葬在邇親詣六陵祭告於四月初二日行禮已畢經今半月未覩 迴鑾傳聞 聖駕復往黃花鎮密雲等處遊幸未已切思 梓宮在殯奠獻久虛發引之期未奉 明旨 陛下何為遽忘哀戚而遠涉數百里

八家類稿

十六

之外哉且前日 陛下之謁陵也本出於一念孝思之誠有不能自己者今乃從事遊獵日久未回則人心皆疑惑以為

皇上特借此祭告之名以為遊幸之計耳其於聖德不無少損况東北一帶地臨邊境山路崎嶇人煙稀少加以地方災傷之後盜賊充斥之時陛下駐蹕不知何所扈從不知何人鞍馬跋涉之過勞飲膳起居之違節皆所不免
陛下縱曰心樂乎此然本非至尊之所宜也臣等日夜憂恐不敢自安伏望

皇上思 宗廟社稷之重審治亂安危之幾斷自聖心亟旋法駕留神政務致孝 山陵以遂臣民之願不勝至幸 正德十三年四月

題 為 宗社大計事臣等猥以庸愚荷蒙

皇上簡任官居內閣身為大臣蓋將責以股肱之義資其輔弼之忠非徒取其充位而已也仰惟陛下聰明神武出於天賦信有堯舜之資然而天下望治之心恒若有歉於唐虞之盛者此無他蓋皆臣等戶位苟祿輔導無狀之罪也邇者聖駕時出遊幸踐歷邊關涉危冒險經旬累月於

八家類稿

十七

凡 朝參奏事時節慶賀 廟社祀享與夫四夷朝見之類率皆因循簡畧蓋 祖宗百五十年以來所未見者豈不深可惜哉豈不深可懼哉往者固不可追而來者尚當知戒今幸 聖心開悟還居大內正宜涵養聖德修明庶政以慰中外人心之望茲乃復聞有巡狩之舉欲令臣等撰寫勅書宣示各邊臣等聞之惶汗無措况今各處民窮財盡盜賊縱橫夷虜猖獗意外之患或出於倉卒之際有臣子所不忍言者伏望
聖明念皇天眷命之隆重思

祖宗創業之艱難上而 母后長懷倚望之心遠而宗藩每上問安之奏下而百官萬民之所瞻戴遠而四方萬國之所聽聞一身關係其大如此自今以往願養性體深戒無益之遊端拱穆清載布維新之治則 宗社無疆之慶端在於是而臣等負恩誤國之罪亦可以少逭於萬一矣正德十三年七月

題近該兵部欽奉 手勅云

勅旨一頒中外臣民罔不驚駭臣等相顧失色惶惑累日不意 聖明在上而有此舉措甚非所以傳天下示後世也切惟人君承天命以為天子四

家務稿 十八

方萬國皆其臣妾天尊地卑之禮上冠下履之分截然一定而不可易者也今何為假稱威武大將軍名號至欲加以公爵無故自損下同臣庶是天地可以易位冠履可以倒置矣此事理之甚謬名義之甚乖而不可聞於人者自古及今未之有也興言及此良可寒心不知 陛下何為而樂此乎或曰此乃 陛下假設之辭姑以為戲焉耳嗚呼世之人孰不貴尊而賤卑喜祥而惡異不韙之名無故而加諸人則必嘖然怒是以古人於執玉高卑其容俯仰之類尚以此占其禍福天子無戲言

而可以假設為哉况人君一言一動上通於天不可不慎適者 皇上時出巡遊久不親政天下人心無不危疑憂懼至今尚未帖然若復聞此其為疑懼又當何如萬一宗藩之中或有援引祖訓指此為言且本上請奉知 陛下將何以應之或以朝無正臣內有奸邪為名不知

陛下之左右及臣等代言之言又將何以自解臣等一介寒微戮身亡家固不足恤但恐 朝廷之上禍亂或從此始耳此臣等之所以日夜痛心疾首而不敢以自默者也伏望

家務稿 十九

皇上念崇高富貴之位不可以自輕審治亂安危之幾不可以少忽特勅該部亟罷前旨庶幾可以釋天下之疑弭未萌之禍不然臣等殆不知死所矣臣等忠憤所激言無倫次冒瀆 天威實非得已儻 陛下鑒其愚而用其言則臣等雖遭誅殛貶竄以汙斧鑕以禦魑魅亦不敢辭也臣等不勝惶恐殞越待罪之至正德十三年十月

題為禮儀事正德十三年九月二十四日恭遇

萬壽聖節例該在京文武群臣至期行慶賀禮其王府并在外文武大小衙門及土官四夷人員又

皆齋進表文方物詣闕朝賀今日期漸近未觀
迴鑾竊惟國家禮典莫大於朝賀高呼萬壽乃臣
子祝頌君上之誠有不能自己者然非萬乘之尊
親臨黼座則在朝之臣既不得以仰瞻日月之光
而遠方之使又無以俯遂其朝宗之願帝王之御
世豈宜有此耶况我 祖宗以來百五十餘年儀
式具有每歲行之未之有改至於今日而乃欲盡
棄之豈不深可惜哉又况禮之存亡繫於一身繫
於天下者甚大安危治亂恒必由之誠不可不慎
也伏望

○家易稿

二二

皇上守 祖宗之成憲不敢以少違重 朝廷之
大禮不恐以遽廢澄心靜慮舍舊圖新務全盛典
以慰人心實 宗社無疆之慶也惟

聖明鑒察而採納焉 正德十三年九月

題為處決重囚事照得每歲法司會審過重囚例
該冬至前處決先期該科三覆具奏奉有

欽依押赴市曹行刑之日各犯家屬又有訴稱冤
枉在於登聞鼓下遞狀辯明直鼓給事中隨即封
進取旨定奪此係 祖宗舊典累朝遵行已久所
以欽恤刑獄慎重人命固不容於不殺亦不忍於

必欲良法美意誠聖子神孫之所宜世守而不可
忽者也去年該次囚犯因 聖駕在外有旨都且
監着并今年囚犯該決者總計不下百十餘人即
今冬至漸近又當處決時該科三覆奏本送下擬
票臣等未知所處將款如上年暫留不決歟則犯
法者不死奸宄何所懲戒且犴獄積多已不能容
克憲構結恐生他變此事理之甚不可者也將款
遽行處決歟則臨刑之時各該鼓狀應與辯理者
何以遽得 明旨臣下又安敢擅便議擬乎此事
理之尤不可者也蓋生殺威福之權本出自

○家易稿

二二

朝廷非人臣可得而干者况今當朝綱廢弛之餘
國勢危疑之際若復於此重事萬一處之不得其
當則主柄下移成規中廢刑罰之用無以畏服人
心治亂安危之幾未必不由於此伏望

聖明俯鑒輿情亟為振旅還京將前項重務一一
遵照舊例而行獨渾乾剛浩消禍變臣等不勝至

願 正德十三年十一月

題為陳忠悃以保安 宗社事伏自去秋以來
皇上時出遊幸人心不安惶惶遑遑不安然宣大猶在
近京之地彼時胡虜僥倖幸賴神靈默祐得無他

虞今又聞 聖駕自偏頭關渡河而西遠幸延綏
等處驅馳道路經冒雪霜以臨危險不可測之地
切慮我軍暴露日久疲困已極而河套虜賊近日
自固靖臨鞏諸處搶掠人畜滿載而還勢衆力強
其情叵測萬一乘隙突出為寇顧我疲困之卒何
以禦之 陛下縱不自愛其如 宗廟社稷何且
今沿邊城堡糧草在在缺乏六師經過日用不貲
鎮巡等官節次奏討銀兩緣帑藏空虛既無所積
而各處運司引鹽又開中已盡該部計無所處只
得連年開行納銀事例及差官四出催督小民逋
賦而已事勢窮迫一至於此不知明年又将何以
為計蓋天下錢糧歲入有限近日各鎮用過銀百
十餘萬皆往年所未有者 陛下何為無事而糜
費若此也又延綏去京數千里奏事人員往回動
經五六十日一應軍馬錢糧機密文書未免稽遲
不得即時發出誤事非細况 聖駕之出今已四
閱月矣在朝臣等遙望 天顏固無由得遂瞻戀
之私至於 聖母在上豈不朝夕懸望思欲一見
陛下乎 陛下孝誠久曠問視之禮亦豈不為之
感動乎又况明春郊祀看牲在邇此尤

宗敬天之典禮與尋常祀典不同 皇上之所
以祈天永命維繫人心者正在於此誠不可少
也臣等已嘗具本再三陳請未奉 俞音則廢
事誤國之罪其何以自逭於天下乎伏望
皇上嚴郊祀之敬謹慈 孝樂 禮可以久稽財用
不可以妄費慎攝聖躬深防虞慮則保安
宗社之大計誠無以踰於此者矣臣等無任忠悃
迫切之至 正德十二年
十一月
為辭免賞賜事本月初八日伏蒙頒賜臣等銀
牌各一百紅紵絲各一疋拜稽之餘不勝惶汗仰
惟 陛下念虜寇為患遠臨邊境經閱歲時今方
振旅還京聖體勤勞至於如此臣等輔導無狀罪
戾日益以深曾何功之可言而乃曲荷優容緊加
賞賚臣等心揣分其能以自安乎况有功受賞
則無功者斯知所激若賞及無功則有功者亦不
知所勸矣伏望
皇上俯鑒愚誠收回恩命將所賞物存留內帑
以待將士之有功者庶幾恩賞不至於濫及而臣
等之罪戾或可以少逭矣 正德十二年
二月
臣等近日具本進繳 勅諭伏奉

聖旨朕今不時巡狩... 不勝憂懼又風聞 聖駕... 等以為 皇上比歲以來... 守無人諸司章奏動經... 遑遑不安今幸 聖明... 成人方慰而乃復有此... 加憂懼切惟東南乃國... 水為災兼以征徭繁重... 經過日費不貲不知何... 水淺即今營建大木及... 京儻又加以皇船數多... 必不能至誤事匪輕伏... 皇上端拱穆清願養聖... 下自今以後不復巡遊... 各責之所司照舊舉行... 齊遣還本鎮操守隨侍... 其才能奏請擢用如此... 正德十四年二月

近日以來竊聞 自王上還京之後起居... 有節省等章奏容

受直言巡幸之意漸已... 該司禮監遞出揭帖令... 祖陵皇陵南京孝陵并... 各王府稱呼字樣臣等... 皇上南巡之念猶未能... 具載 祖訓禮制諸書... 並無天子親詣各王墳... 奏皆稱某王或寫書賜... 則曰勅某王或寫書賜... 祖叔祖叔或曰兄曰弟... 稱呼字樣其鳳陽南京... 遣官祭告亦無親祭祝... 祖宗舊章成憲百餘年... 項儀文難以擅擬伏望... 皇上謹天道之變異察... 綸音停止遊幸則 宗... 三十四年三月

宗社靈長之福端在是矣

密勿稿卷之二

正德十四年

查得先年寧夏真錄反叛

朝廷命將出師之時

西宸濠悖逆天道謀為不軌殺害守臣劫郡縣

地方被其荼毒比之真鑄罪惡尤甚

皇上親統六師奉天征討與尋常遣將用兵事體

大有不同正宜照依前日 明旨頒降詔書大誥

天下使知宸濠罪大惡極覆載之所不容王師之

出實非得已臣等所擬寬恤事宜惟欲剷除首惡

分釋脅從固結人心保護邦本謹隨揭帖封進伏

望 聖明俯垂睿覽即賜施行天下臣民不勝歡

慶

獨站 看得宸濠悖逆朝廷已革其王爵削其屬籍

但未明詔天下天下之人恐尚未知宸濠之罪大

惡極至於如此故近日各處題奏本內往往仍舊

提寫寧府字樣見者皆憤惋不平實於事體未便

今臣等再行撰擬 詔旨上請定奪其一應寬恤

條件俱各停止俟大功告成之日另議施行則人

心慰安而逆賊指日可擒矣伏乞

聖裁 正德十四年八月

仰惟

皇上親征神威遠震旬日之內江西逆賊遂已成

擒餘黨解散海內臣民曷勝懽慶臣等尤有私愛

過計不敢不為

陛下言之伏見近日宣府奏報興河城等堡達賊

下營長濶數十里日遣輕騎千百成群入境侵擾

已調大同遊兵前來懷安城往剗但慮各邊軍馬

調去南征數多在鎮軍馬缺少未免顧此失彼伏

望 皇上軫念西北重地萬一倉猝有事恐難支

持合無將調去南征軍馬量賜掣回本鎮照舊防

守仍乞 聖明睿度進止或專命親信重臣前去

江西會同都御史王守仁將生擒斬首逆賊名類

及逆黨家口財產等項逐一查處停當奏請定奪

如此則 陛下既有以全內安外攘之至計又有

以收南征北伐之全功矣兵部覆奏大同遊擊孫

鎮本內亦是此意通乞 聖裁 正德十四年八月

題為恭請 聖駕還京以安人心事照得近日孽

藩宸濠肆行叛逆 皇上念宗社大計不得已恭

行 天討先聲所至威武振揚是以地方守臣仰

遵 廟謨元惡就擒餘黨悉滅正宜即日班師還

京 御朝宣捷百官致詞稱賀後濠因檻至日
 通行各處親王議罪多官會問議擬明白奏請定
 奪然後詔告天下此事體重大難以遲緩不可不
 亟為之處也臣等尤慮 聖駕在外巡遊未已陸
 路有跋涉之艱舟行有風波之險野宿有震驚之
 虞古人云千金之子坐不垂堂况以萬乘之尊四
 方觀聽所繫而可輕自貶損忽畧一至此乎且師
 旅經過日費不貲糧餉之給竭於民之所供物用
 之需盡其地之所產馬匹兒及種騾船夫役至孤
 婺州縣正官多被逮繫驛遞衙門半已逃亡河道
 阻塞糧運稽遲商賈不通物價湧貴官府政務俱
 廢居民室家不保至如回夷近在肘腋者僧召令
 隨行凡若此者皆自來所無之事豈不大為
 聖明之累哉况今各處地方災異迭見京師乃
 宗廟社稷之所在而今日地震不寧江南乃國家
 財賦之所出而連年大水為患他如宣府水雹大
 如盤甌陝西大風至於拔木其餘水旱蟲蝗火災
 不一而足召災致變必有其由又今北虜擁衆在
 邊畿內盜賊蜂起而邊兵缺少未見制回又况京
 城之內居守無人諸司章奏以不得出卒有事變

可為寒心伏望 聖明上畏天變下恤民窮不惑
 於浮言不牽於遠故早賜凱旋脩明庶政實
 宗社萬萬年無疆之大慶也臣等愛君憂國惓惓
 愚悃不覺至此無任激切俟命之至
正德十四年九月
 臣并五府掌印僉書官各自陳蓋因今日江西
 逆賊欲犯南都根本重地武備不可不脩故有此
 議似亦相應今聞 聖意欲令南京該衙門查奏
 定奪緣前項武職大臣自成國公朱輔而下不過
 十餘人其賢否莫逃於聖鑒之下該衙門難以擅
 便議擬合無仍照原票令其自陳去留惟上所命
 則 恩威出自 朝廷亦以見
 皇上體貌大臣之意伏乞 聖裁
正德十四年十一月
 題該司禮監太監傳奉
 聖旨 云 臣等仰惟
 皇上一聞 大行大皇帝崩逝趣駕還京不過信
 宿梓宮在殯又朝夕奉奠凡筵躬行奠獻未忍暫
 離聖德大孝傳播四方凡在臣民無不感動今乃
 奉有前旨欲往山陵親視其工固知哀傷追望之
 情發自聖衷而人心不無駭異在禮居喪寢苦枕

為生理之資正宜教之孽息蕃育豈可禁乎至於
十二支辰所屬物畜乃術家推筭星命之說鄙
俚不經不可為據若曰國姓字音相同古者嫌名
不諱蓋以文字之間雖當諱者尚且不諱嫌名今
乃因其字之音而并諱其物之同者其可乎况民
間日用牲豕比之他畜獨多牛以代耕亦非可常
用之物私自宰殺律有明禁不可縱也此事行之
雖若甚微而事體關係其大如此傳之天下後世
亦非細故誠不可不慮也伏望

皇上洞察物情詳審命令亟勅所司追寢前旨仍

密勿稿 三十二

通行曉諭各處地方人民各安生業毋致驚疑則
事體不乖而人心慰悅矣臣等偶有見聞不敢緘

默伏乞 聖裁 正德十五年二月

題為恭請 迴鑾舉大禮以安人心事正德十五

年二月二十日該司禮監太監蕭敬等傳奉

聖旨朕親統六師正名討賊今各該罪人既以次

擒獲待解到之日隨即班師回京告于

郊廟仍恭行 大祀之禮其考察天下朝覲官員

并殿試傳臚等項及 孝貞純皇后大祥告祔一

應禮節亦俱於三月內次第舉行內外文武大

小官員宜各安心辦事欽此臣等伏聽 明旨拜
稽之餘因以仰窺 皇上慎重大禮慰念臣下之
至意大小臣工無任歡慶茲者佇俟日久不聞
旋蹕之音臣等下懷未免轉生疑慮豈有

聖明在上而肯失信於天下乎切惟 大祀之禮

我 祖宗以來皆於正月行之今歲改卜二月看

牲官員自去冬十二月初一日為始至今百十餘

日輪流未已時既屢更嫌於褻玩况春丁

社稷之祀俱未舉行神人之間兩有未安者

孝貞純皇后大祥在二月初二日禮宜即時祔

廟祀享雖欲擇吉亦當不出數日之內今又將及

禫期而改卜至再揆之禮制似有未宜又天下諸

司入覲官員本以朝正為名今到京數日尚未得

一觀天顏吏部雖已會官考察上請黜陟未奉定

奪難擅放回各該官員俱係司府州縣掌印正官

離任既久政務悉廢雖有署印官員豈能一一幹

理乎至於禮部會試中式舉人例該三月十五日

皇上御殿策試讀卷傳臚具有

皇祖舊規此尤國家登庸賢俊之重事亦不可以

大緩者自去秋 聖駕南行至今八月有餘在京

密勿稿 三十三

在外各衙門題奏俱未發出施行以上事情臣等
累曾具本奏請未蒙允納若知而不言言而不達
則臣等固不能辭其責 陛下顧而不行行而
不決亦恐無以自白於天下也況今沿河一帶連
歲災傷饑饉流離六師屯駐供億繁勞民窮財盡
意外之變尤切隱憂之宣德二年

宣廟親征漢庶人於 月初十日出師至九月初
六日還京計其往 一月之間輯寧邦家貽
謀弘遠伏願 皇上御 祖德俯順人心務懷
遠圖用全大信亟命 師回京悉照前旨將各項

禮典以次舉行仍先將各衙門題奏文書照常發
出毋致事務久稽致生他虞臣等大馬微誠不勝
惓惓之至 正德十五年三月

為懇請班師以慰人心以安 宗社事通者宸
濠叛逆旋已就擒尋奉 明旨待解到之日隨即
班師人心皆為之喜慰今聞停 南都亦已數月
陛下以萬乘之尊六軍之眾暴露於外尚未定
還期則人心之喜慰者又未免轉而為憂
兼屯駐使億既繁而倉庫在在空虛夫
集既多而州縣自日增後從征將士行

無父母妻子之念地方人民貧困已極常有死
轉徙之虞又近日以來京畿及山東河南等處盜
賊竊發百十成群隨撲隨生不能禁止今日之事
豈不大可憂哉豈不大可懼哉此無他蓋以
聖駕出京既遠歷時既久居守無人政務廢弛其
勢必至於此也然此特在 聖心一轉移之間耳
況今罪人既得理當奏凱之時天氣漸涼正可班
師之日伏望

皇上深戒逸遊務存兢業亟降 明旨振旅還京
將各項典禮以次舉行不勝至願 正德十五年八月

題近日傳說
皇上班師已離南都不日奏凱還朝內外大小臣
工聞之不勝懽慶但今各衙門題奏文書已該臣
等擬票封進自去年八月以後至今年正月二月
尚有多半未曾發出以致各衙門本內往往皆稱
未奉 明旨委的前後事情不相照應難以遵行
况中間多係重大緊急事情不可遲誤者且如吏
部推用南京操江并鄖陽貴州延綏等處巡撫都
御史并各處布按二司方面官兵部推用宣夏遼
東官皆係遠方重地鎮巡重任日久缺人辦

密勿稿 卷二

事甘肅地方先年起送進貢夷人差官查理明白
又留住在關及近日備戰機并滿刺加占城等國
進來番文書事干地方俱未見有處置夷情反覆
不可不慮其江西地方逆賊雖已就擒而荼毒之
餘軍民十分困苦見今逆賊未論刑賞太遲至如
都御史孫燧副使許達盡忠死節天下之人皆痛
憤之今已一年之後尚未顯加哀恤何以激勸人
心况今天氣漸寒河道將凍伏望

聖明俯察輿情早旋 法駕仍令通查前後齎奏
文書發與各該衙門遵守施行庶幾政務不廢人

心稍安矣 正德十五年九月

題臣等欽奉 勅旨於本月二十五日恭詣

行在伺候朝見伏聞 聖意欲將逆賊宸濠并拱
櫛等一十四名就在本處議罪行刑切惟宸濠悖
逆天常滅絕人紀肆行反叛覆載不容速宜明正
典刑以雪神人之憤但我朝
祖宗以來凡議擬大罪必於內闕即古廟議之意
處決重犯必於市曹即古刑人於市與眾森之之
意此乃一定不易之成規况前項逆賊

聖駕親征之時嘗告于 郊廟社稷然後出師今

日奏凱還京豈可不行祭告以答庇護之靈况乎
合無待到京之日以賊平班師先行祭告俟郊祀
禮畢仍照近日題奉欽依事理獻俘之後將各該
反逆重犯應處置者即為處置應會問者通行會
問議擬明白奏請定奪然後詔告天下如此則大
禮既舉大法以彰國是不挫人心足有定我
皇上攘外安內之功無備而無遺矣 正德十五年十一月

題近日常來伏聞

聖體漸復康寧大小臣僚不勝懽慶自今以往尤
宜倍加調攝凝神靜慮願養天和凡一切遊說動

心勞形之事悉置之而不聞止之而不為斯可以
收勿藥之全功也臣等尤念 郊祀慶成獻俘頌

詔等項禮典皆已另擇日期尚未奉有
明旨傳云國之大事在祀與戎誠不可以太緩者

况此後又有 殿試開封等事亦當相繼而行但
今 聖躬初愈不宜過勞前項禮儀該部題有獻

俘奏捷一節蓋 聖駕親征與尋常命將報捷不
同况首逆宸濠既已處置而各起罪犯又已有旨

法司會問所據獻俘揆之事體似亦可免伏乞
聖裁 正德十六年正月

聖裁 正德十六年正月

惟仰

皇上凱旋之日禮宜即時頒詔天下一以告大功之成一以布大賚之恩今

聖駕還京兩月餘矣臣等已嘗撰擬

詔旨進呈御覽適遇 聖體違和未蒙發出施行

昨聞欽天監擇日欲在郊祀之後然此與郊祀事

體自不相關未郊之前亦可舉行况今各處地方

水旱相仍災異迭見歲用錢糧小民拖欠數多各

邊軍士月糧經年無支該鎮奏討殆無虛月款徵

之於民而脂膏已竭欲取之於官而帑藏已空間

密勿稿

卷三

間之間愁苦萬狀饑寒所逼瀟聚為非者在在

之其畿內州縣及山東河南陝西等處盜賊百十

為群白晝公行劫掠居民被害行旅不通若非早

為拯救大加寬恤則將來事勢誠有大大可憂者即

今遠近人心朝夕懸望 德音之降真如大旱之

望雲霓其情不容以暫已者伏願

留神省覽將前項 詔書早賜頒降以慰四海臣

民之望則德澤廣施和氣充洽人心悅懌而天意

可格矣

正德十六年二月

密勿稿卷之三

今早伏觀

皇上御門視事宣諭禮官臣等仰瞻

天表喜慰良深退至閣中該司禮監官傳送下

御批題奏數本拜觀之餘竊幸

陛下躬覽章奏

親御宸翰字畫端勁真得中正筆正之意

陛下勤政務學之盛節見於更化之初如此可為

天下賀也尤望

陛下緝熙無間日進高明以延

密勿稿

卷三

宗社無疆之慶不勝感仰之至

正德十六年四月

題 看得 天壽山守備太監某近日蒙調御馬監

管事今又令其提督團營命下之日人皆駭愕以

為御馬監職掌禁兵團營總戎重務豈可授非其

人某昔在 先朝檢邪阿附壞事頗多特加斥逐

不用正德年間竇緣守陵愈肆貪雲強占民田累

死人命數多尅削軍糧歲取動至數萬貫放軍人

二千有餘恃勢為惡人心積怨所以給事中史道

等前後六章論奏欲付之法司明正其罪并追究

援引之人蓋亦去邪慮患之深意也伏望

皇上俯賜鑒納亟將其革去御馬監并園管管事
止令外私宅閒住別選廉靜老成小心無過之人
提督營務庶幾人心悅服而

陛下清明之政亦無累矣正德十六年五月

揭帖聞得近日京城有等無藉之徒指稱皇親名
目強占人房屋地土搶奪人財物畜產直偽莫辯
人心驚疑今燕山衛指揮王延鶴建言內一件保
感里其意實在於此仰惟

聖明御極庶政維新中外欣欣咸享太平之福
前項奸人所為萬一有之未免遺患戚晚為聖
政之累如其果無亦可為先事之戒茲臣等上請

明旨禁約嚴加懲治非徒以革絕弊端亦所以保
全戚里實防微杜漸之一事也伏乞

聖裁正德十六年五月

題看得近年以來京城內外創建寺院窮極土木
侈用金碧委係侵盜國家財物剝削小民脂膏有
傷治化有失人心至如請名額營求護勅甚非
祖宗舊制仰惟

皇上新政之初剷弊除奸闢邪扶正以亦其一端
也所以言官論奏該部覆議皆欲將得安等寺違

照旨拆毀其於聖政深為有助臣等擬票
封進未蒙俞允切惟前項寺院之設萬一有益
於國無損於民則留之可也廢之可也然此乃異
端邪說之流瀆經亂紀上焉無益於國傷風敗俗
下焉有損於民自古聖王之所必誅而不容以並
立者或以種福田求利益為說則他未暇論如舉
近日劉瑾之玄明宮錢寧之石經山亦非本款求
禍也皆身被顯戮家底淪亡而畧不蒙其庇佑焉
由此觀之則其不足信也明矣臣等心知其非不
敢隱默伏望 聖明斷而行之世道幸甚正德十六年七月

題為守成法恤人言以光新政事仰惟

皇上臨御之初推誠任賢虛懷納諫政令頒布悉
從公論務復舊規十數年之奸蠹一旦剷除殆無
遺憾中外之人稱頌 聖德切有至治之望夫何
近日以來事或少變如法司奏上大獄某等已經
多官會審明白擬以重典臣等依擬票旨未蒙
俞允從復執論數次既而從中改俱得免死各
犯財產既不入官有妻子者亦免緣坐止於發遣
充軍而已命下之日莫不相顧竊愕以為此等罪
犯今乃悉從寬縱上無以正國法下無以快人

其何以示天下後世之鑒戒哉皆以為臣等議擬之過而不知臣等之實不與也昨刑官舉以為言至謂失職誤國臣等叨居禁近輔德代言乃其職分如今日之事失職誤國之罪誠不得辭但念臣等前此所以堅執初議而不致阿諛順旨者本以求盡其職圖報於國也今職未能盡而乃來失職之譏國未能報而顧得誤國之罪臣等將何辭以自解亦何顏以自立邪夫朝廷之法乃上天之所命祖宗之所貽

皇上膺上天命討之責守 祖宗畫一之規豈容

有一毫輕重於其間邪况更化之初政令之成否

社稷之安危所繫伏望

皇上仰導 成憲俯恤人言亟將其等仍照多官

原議宣之重典以垂後戒仍乞自今以往凡夫政

令刑賞之施一以大公至正之道處之使臣等得

以各盡其愚勉修職業以無負於維新之政庶幾

少追誤國之罪於萬一矣伏乞

聖明采納

為請讀事今日早該司禮監官傳奉

即旨日經筵日講免了待明年二月內來說欽此臣

等職居輔導聞命惶懼竊惟自古帝王之治天下未有不以講學脩德為先務者仰惟

皇上天性聰明昔在 藩邸早勤聖學踐祚之後

山陵未畢即御經筵在廷群臣瞻望威儀莫不欣

然相慶以為復見太平氣象今方數月忽然傳免

雖先朝於隆冬大寒之時亦有暫免事例但今尚

在孟冬之月天氣未甚寒冷一暴十寒古人所戒

且聖學之勤與不勤政事之減否天下之治亂安

危繫焉不可不慎也伏望收回成命仍舊日御講

筵務至大寒歲暮方行停止庶幾 聖學緝熙德

政修舉古帝王之治可以比隆矣

為慎命令杜賞緣以保新政事近日節該兵部

傳奉 旨意更換廣西鎮守廣東市舶并提督大

壩馬房守備倒馬關等處官員命臣等撰寫勅書

政令紛更中外駭異仰惟

皇上臨御以來采納忠言釐革弊政各處鎮守等

項官員勤慎無過者仍舊其有黨惡黷貨壞事害

人者固已屏黜更置殆盡見任各官類皆廉靜老

成事體漸諳不聞有何過失輒復傳旨更換舊任

老料已無擾於下新任者未必盡優於前而乃朝

更夕以徒爾滋整長奸夕議滿宮皆為之
寵由於左右請託結駘上及宮中不日廢之舊
人則曰戚里之私謁 聖明新政豈有此臣等
實痛惜之且天子以天下為一冬百官萬姓皆其
臣子覆育之下容可少私若以茲為親疎以新
舊分彼此是豈王者至公無私之心哉

先朝權幸徇私干紀幾危 宗社亦

陛下之所耳聞目擊者積言既久餘風未殄所宜

深惡而痛絕之豈可恣之使復熾而益盛乎伏望

聖明深懲往輒昭示永鑒亟命兵部將前項傳奉

鎮守等項官員俱行停止原任者仍令照舊辦事

各該 勅書免令臣等撰寫自今以往尤願

皇上遵 祖訓之內令體乾剛以獨斷慎重王言

詳審政體固不可偏於聽信亦不可過於更張則

國是不搖而 聖治可保矣

正德十六年十二月

昨日該司禮監官傳諭

聖意以 清寧宮後三宮被火宮眷居住稠密款

奉遷

武宗皇后居西城仁壽宮 賢德二妃居永安宮

宮臣等聞之不勝駭異切惟 西城二宮亦宜

相傳以為 先朝廢黜幽閉之所 武宗皇后母

儀天下十有六年豈可一旦遷居其內且

武宗皇帝以神器之重傳之 陛下息德甚大事

其 后妃禮宜從厚今 康陵土尚未乾

陛下遽恐忘之邪又聞 憲廟皇妃原居 清寧

宮後今因災變亦款遷於西城 皇妃建事

皇祖亦既有年與今 皇太后實在同時親愛之

情不言可知偶然遭此回祿之變所當體念安慰

顧款置之此地非惟

陛下之心有所未安恐

容勿藉 四十一

皇太后之心亦有所不款也况今日災變實上天

仁愛懲戒之意無乃近日以來政令所施處之容

有不當者乎

陛下正宜側身思過修德正事以答天戒豈可更

有非禮之舉以失 宮闈之敬拂臣民之心哉此

於事體關係甚大昨對司禮監官已嘗極論其不

可知已停止斯於 聖德無損不然恐天下之議

紛紛而未已也臣等職居輔導不容緘默伏乞

聖明裁納 嘉靖元年正月

看得鎮撫司題參給事中閻閱御史曹嘉主

事李松祥查勘草場違法事情要行提問隨該科道官文章論辯以為該衛設計沮撓勘官故乞究治仍令閩閩等照舊查勘奏本遠與鎮撫司本同日進入俱該司禮監官發下命臣等擬票將閩閩等提問以科道官回護鎮撫司漏泄事情欵令罰俸回話臣等議擬數次未蒙 俞允竊照閩閩等查勘草場行事委有過當但其遵奉 勅書惟欵事情明白跡涉於刻意本為公既該鎮撫司參提朝廷自有處置各該科道官不候 明旨輒便具奏罪以回護亦不為過但優容言官自是

○密勿稿

四十一

朝廷盛德之事其與鎮撫司進本同日者蓋因齋戒將近亦偶然耳仰惟

皇上登極以來釐革弊政開廣言路天下臣民方稱頌之不暇前項舉措關係甚大合無將閩閩等免其提問科道鎮撫司官 特賜寬宥并其餘俱如臣等所擬斯於

聖德聖政兩無所損矣

嘉靖元年十月

○今早該司禮監官傳示

聖躬已就康泰將出視朝大小臣僚曷勝歡慶仰惟 聖德懋隆 天心眷佑固宜早遂勿藥然臣

子之心猶有不能不過慮者蓋人之一身必血氣堅定精神完固然後為安雖在平居之時動靜食息皆有調養之道况當平復之初值此隆冬之日尤望順時保養倍加慎重與居有期飲膳有節和以適體靜以養心但凡快意適情之事皆宜節省至於 宮中不急之務無益之作一切停止不必上干 聖慮庶幾調攝專一太和保合而迓承福履於無疆矣臣等無任忠愛惓惓之至

○近日畿內之地一冬無雪將來農事可憂

皇上軫念民窮 特勅禮部擇日齋戒祭告祈禱

○密勿稿

四十二

乃以本月二十二日為始

皇上朝罷遂致齋于 文華殿是日即見雪霰微落今二十三日自晨至曉雪落未已百官萬民無不欣躍稱頌以為我

皇上一念誠敬之心感格上天神速如此明春農事猶有望但今年自秋無雨至冬無雪土脉乾涸必得盈尺之雪庶為豐年之兆尤望

皇上益堅睿志敬天勤民恒存於念慮之間不使有一息之或間則 聖心純一天意昭乎和氣瑞應將駢集于今日矣伏乞 聖明留意

嘉靖元年十二月

為一法令以息群議事近日巡城御史劉敬題
 參并工部作頭宋鈺等具告被革授充軍匠李陽
 鳳等撥置科斂事情已該刑部將各犯行提到官
 問理間續該太監崔文題節奉 欽依宋鈺李陽
 鳳等拏送鎮撫司打問既而刑部尚書林俊等具
 奏要將李陽鳳等仍送本部問理復奉 欽依宋
 鈺李陽鳳等還送鎮撫司問臣等聞之切恐法令
 不一異議紛起有傷治體大為 聖德之累夫
 朝廷設立法司衙門凡大小刑獄之事皆其職掌
 間有機密奸宄重情則令鎮撫司追問及其問畢
 俱送法司擬罪發落此乃 祖宗舊制行之百餘
 年法有定守事咸歸一莫之敢變未有法司提問
 人犯事未歸結而復改送鎮撫司問者蓋雖正德
 年間權奸亂政亦無此事今
 聖政維新可復有此舉措乎且其事之虛實罪之
 輕重自有公道固不容以一人之私而遂廢天下
 之大法也今林俊等特具奏本至以去就為決蓋
 欲以此感悟 聖心正其法守亦甚不得已之情
 也 皇上若加省覽則其是非可否必能洞見而
 聖意於此猶未釋然者豈鎮撫司可信而法司獨

不可信乎况前日崔文之本不蒙發下旨從中出
 臣等既未得與聞昨林俊等之奏臣等擬票故將
 各犯俱送法司究問而不復商確徑從中改豈一
 人之言可聽而眾人之言顧不可聽乎此事甚微
 所損甚大伏望 聖明俯賜鑒納亟將李陽鳳等
 并陳泰等仍令法司一併問擬取自 上裁庶幾
 法令均一事體允當而天下之議自息矣
嘉靖年閏四月
 看得刑部題款將會審過重囚何明等速正
 典刑一節切惟天道有生長而無肅殺則不能以
 成萬物人君有德禮而無政刑則不能以治萬民
四十九
 蓋人君奉天命以治天下其道不得不然也前項
 囚犯俱係叛逆奸黨強盜人命重情中間如李琮
 等黨比江彬同謀反逆罪大惡極神人共憤乃常
 赦之所不宥者已經多官累次會審情真科道三
 覆具奏所宜速正典刑以上順天道下快人心今
 乃無故連年不決致緩天誅其可以示天下之大
 戒乎陰盛陽微災異迭見未必不由於此雖曰天
 子以好生為德然惡者不去則善者不安去惡人
 正所以安善人大學所 謂惟仁人能好人能惡
 人正此意也且我朝 祖宗以來每歲秋後處決

重曰 成憲具在百五十餘年未之改

先朝或有一二年 決囚蓋因當時偶有妨礙如

上年 孝惠之 爾停刑猶之可也況當時罪

人豈有黨逆如 之 者科道官

連章舉奏臣等 夫蒙

俞允今法司又 聖上俯從衆論仰 聖上俯從衆論仰

前項重囚押赴市曹處決以彰國法天

下幸甚 嘉靖二年十一月

近日有 旨差官前往蘇杭等處織造該工部

及六科十三道各具本疏奏乞要停止未蒙

俞允臣等以事干撰擬勅旨亦嘗題請暫免差官

留中不報今吏部等九卿衙門又復合詞具奏臣

等切念今歲南北直隸山東河南湖廣等處俱各

災傷重大而南直隸地方尤為十分狼狽蓋數十

年以來所未有之災也臣等前此二疏已備陳之

即今傳聞沿河一帶盜賊漸已生發百十成群所

在劫掠甚至人口相食近蒙

皇上差官賑濟困苦垂死之民方感仰

聖德縣縣望若復有此舉是未沾其惠而重

其害將來禍患誠有不可言者

陛下子育萬姓當以節用愛人為心乃以自奉之

物汲汲取辦而民隱不加之意天下人心其將謂

何今滿朝大小之臣皆以為言而天聽未回此雖

一事關係 聖德甚大伏望

皇上俯從衆論暫免差官該用袍服止令本處鎮

守等官計處進用將吏部等衙門題本照依臣等

擬票批出天下臣民不勝幸甚 嘉靖二年十一月

今日復蒙發下鎮撫司本該司禮監官傳示

聖意欲將御史馬明衡朱泚罷職為民御史季本

陳近員外郎林應驄降級外任臣等仰惟

皇上奉侍 兩宮孝敬純篤本無少間馬明衡等

偶因免命婦朝賀一事不加詳審輒行奏瀆季本

等不候問結輒復論救諸臣輕率之罪固不能無

但已下詔獄若量加罰治亦足以示懲戒今若遽

如前項重譴未免用法太過傳之四方將謂

陛下因此五人者言及 官闈激怒得罪則

陛下純孝之心何以自白於天下且此五人者不

足惜 但恐於 聖德不無少損耳況今當災異

修省下詔求言之時而乃以言罪人此豈

聖明之世所宜有哉臣等一念愚忠不容緘默昨已具本未蒙 俞允今再擬票量加罰治伏乞

聖明即賜批出施行不勝幸甚 嘉靖三年三月

揭帖 看得差官織造一事近日在廷大小群臣累

疏具奏欲乞停免尚未奉有 明旨見今各處地

方災傷重大淮揚等處饑民相食骨肉不能自保

盜賊所在生發水路阻滯難行將來禍患恐不可

測所以臣等不敢不披瀝血誠極口為

陛下言之惟恐上畏 天變下恤民窮以全

聖德非有他也若曰成化弘治間亦嘗行之然當

時歲豐時和百姓安樂未有非常災異民窮財盡

如今日之甚者臣等明知利害言而不盡設若事

變之來一旦 聖心悔悟追論及此臣等雖萬死

不足及贖其罪矣今臣等不避煩瀆謹擬旨意一

道封進伏乞

聖明鑒納亟賜行之天下幸甚 嘉靖二年十一月

摺 昨日伏睹

天威將部院等衙門各言事官併下錦衣衛獄臣

等不勝悚懼緣各官伏 闕論奏繼以號泣誠為

有罪但區區一念亦皆出於忠懇其情可矜况

衙門缺官辦事加以天氣炎熱萬一病憊亦恐有傷國體伏望

聖明少霽天威嚴令各回衙門辦理事務亦足以懲戒而無累於

聖德矣臣等不勝惓惓之至 嘉靖三年七月

奏 嘉靖三年七月

跋密勿稿

古之君子以康濟天下國家為心以
致君澤民為任而有我之意不與焉
其進而用也則憂治世而危明主其
退而不用也則淑諸人以傳諸後雖
已不能為有人得而用之使斯世斯
民底於康濟不必其盡出於我也如
賈董之於漢陸敬輿之於唐范文正
歐陽子之於宋率用是道自當時觀
之數君子之言未必其盡行自後世
觀之雖英雄豪傑之士皆宗之而不
能外故魏相條陳賈董之策以濟中
興蘇文忠校進陸宣公奏議以備帝
學皆千載一特也 吾師少保厲菴
老先生以碩德重望歷事
四朝相

密勿稿

五十四

武皇及

今上經綸密勿者垂二十餘年其律
度足以師帥庶僚其遠識足以錯綜
萬務其博聞足以通會九流其忠言
嘉謨足以弼成百度凡致君澤民以
康濟斯世者乃其素所蓄積如先
生所述密勿稿特其一二云爾異時
瑄姦璫難逆藩斧鑕巨堯如左右手
至於處置國家大事保全金甌天下
付諸
聖明天子致治之盛比隆堯舜其旋
乾轉坤之功時論方之司馬文正非
若賈董數君子未能行其言者可以
同日而論也歐陽子所謂垂紳正笏
不動聲色措天下於泰山之安者
先生其人乎迹其所論循忠必一一

密勿稿

五十五

盡行其效驗固已如彼德行之君子
嗣其說而宗之以用於世則其澤流
於斯民者寧有既耶是又 先生公
天下之爲心也因用梓之與天下共
先生所著別有鰲峯類稿二十六卷
聯句私抄四卷辭榮錄一卷歸田雜
識二卷藏於家此特其一爾其大意
先生已敘諸首簡茲不敢僭

嘉靖丁酉夏六月之吉

賜進士萊州府知府前南京廣西道
監察御史沐陽門生仲選謹跋

南宮奏議序

夫古昔聖王將整齊寰宇表垂來世增高累厚曷嘗不在於禮樂哉然匪獨其神明茂也要必有良喆之助焉粵有虞氏命官典禮典樂特屬夔龍周公旦有大勲勞而後之頌之者必以作禮樂為稱首當是時元首股肱貞明純一創儀矱以先天天下莫不惇彝而秩叙末世上鮮完德臣非碩輔廼建制率多襲沿寡所稱述至我

南宮奏議

序

鈐山堂

明

二祖創述

列聖恢張逮今

皇上光闡鴻猷銳志還古自是禮樂已周浹旁洽光融而煥焯矣聞之古人積德而後可興宣其然乎而今少保大學士嚴公負弘毅之質挺高朗之才抱精閑之學應時而起獨膺簡任蓋上以禮樂望公公亦以禮樂事

上其在儀部

上凡肇修諸曠典下公議皆取具倉卒公据經考古伸紙行墨發無停思靡不妙裁精畫以當

南宮奏議

序

鈐山堂

帝心而愜朝論今觀其所詮次有本有文諸體咸秩是故大無不包小無不入遠無不至邇無不存皆盡天下之變而成其務正太史公謂人道經緯萬端靡所弗貫蓋禮之全也斯不亦偉乎哉記曰知禮樂之情者能作識禮樂之文者能述作者之謂聖述者之謂明又曰不聞性與天道而能制禮作樂者未矣若茲非公蘊厚養深窮性命道術之超詣而又遭我

明聖咸有一德酌今古悉情文疇能若是雖然公今當軸在

帝左右履道日亨其將若夔若龍若公且贊格天之業媲美虞周廼遂謀秘議造滕沃心俾海內陰受其庇而人不及知者又不

知凡幾嗣是鏤金勒石以為昭德表功之地則勲業與史冊爭光聲名與天壤同流赫奕乎弗可尚已夫茲編也其殆權輿爾乎

嘉靖乙巳孟秋望日

榮祿大夫太子太保禮部尚書兼東閣大學士知制誥 會典總裁南郡張璧謹撰

南宮奏議

序

三

鈴山堂

南宮奏議序

大學士少傅介谿嚴公先是典禮者七年諸所上疏凡三十卷題曰南宮奏議龍獲縱觀之歎曰德積則禮樂興明良合則治具張非偶然之會也乃若命起朝儀者徒取襲故之儒請草禮制者又逢未遑之主是故弊俗猶沿而煥文多闕也殆自昔難之矣洪惟

皇上聰明憲天中和建極巍乎聖人之德既

南宮奏議

序

四

治定功成四海乂安萬物咸若乃議作禮樂以昭天地和神人公以名德允當帝心特兼夔伯之任公也忠植其性而又惟寅惟清貫以天人之學經以體用之才綜以情文之制昔所未有今所創見者乃緣人情而起本天敘而訂或酌今以法古或稽古以準今規矩無不貫也眾見攸集兩端並陳則辨異同之致而折其中要可否之極而歸諸一真若持衡然簪筆馬上論

次跋踏鞅掌在公叅決從容與嚴陞對揚
細旃敷奏無以異至諸煩則易支簡則易
略也乃累牘千言莫非密理提綱數語無
不會文即煩不溢一辭簡不漏一事蓋高
下相成分合互見洪纖悉舉本末之分彪
列焉而其大者如 大禮大儀大恤郊社
宗廟明堂諸篇真足以贊

聖天子仁孝冊大慶真足以重元良端國本
上修省真足以盡應天之實叅看聖功圖

南宮奏議

六序

五

說真有回天之力申正文體真足以釐變
士習褒勸勤事伏節之臣真足以表揚忠
烈論邊務夷情真足以恢安攘之計其餘
又莫不叅伍典文區畫品式秩秩如也奕
奕如也是故每奏輒稱

制或

面諭用嘉殷三接之儀或

手詔致褒炳十行之札布而行之勒為成典
歲諸庶府紀于太常凡薦紳之士則皆進

而和衷樂成退而同聲歎美矣蓋至禮本
常經未有不協公論由直道未有不符者
也公茲惟政本是司密勿贊襄嘉謨嘉猷
入則告焉出則奉焉以式百辟熙庶績和
萬民調四時則且有西掖奏議著德表功
精貫金石而光映雲漢也夫是編殆為之
兆云

嘉靖乙巳仲秋朔日

榮祿大夫太子太保兵部尚書蘭谿唐龍

南宮奏議

六序

六

謹序

南宮奏議序

南宮奏議者今大學士介谿先生嚴公在禮部時所上也惟我

國家以守成爲治舊章成憲有司世守至禮文之事亦莫或志於損益者故自永樂迄正德百二十年

朝之大典取諸故牘而已足而禮曹爲閒局舊老碩輔姑以養望於其間逮今

皇上師武周繼述之孝始舉所謂典禮稽古

南宮奏議

六序

七

鈐山堂

而致新之而公適當其任諸所重務皆委於公於是前後七年間奏議之上凡千有餘章稿皆公所手創與其所裁決而士大夫得於見聞者因仰歎今日制作之盛非皇上神聖不能爲非公該博英敏不能贊而察公之啓處則仰思俯構寢食不遑其用心之勞甚矣然嘗反覆是編竊歎夫公之用心尤有勞焉者而世或未之識也方禮之初議也

聖明之見高出千古而經生學士或局於舊聞公於其時泥古則拘循俗則陋激則不足以赴

德意之所向而隨則輿情有所拂旁之觀者莫不爲公懼而公精審堅定道擇厥中事求其是義所當從則違衆而不惜或所不可則忤

主而不憚故其議奏大者四五上其次三上又其次再上廣引曲譬必極其歸及其後

南宮奏議

六序

八

鈐山堂

禮成議定既得達於淵聽而海內士庶亦得明於繼述之指損益之義以幸寡過於三重之大而始歎夫慮始之難蓋功莫大於濟時學莫邃於經世是則公之所以不可及而用心之最勞者此也後之君子不讀是編固無以識公之心然或讀焉而未之能識亦豈可謂得其微哉昔伊周之謨訓史臣實述以爲經漢唐以降名宰相所猷爲史亦論次以爲傳

公之是編作史者吾知其必有稽矣然南宮猶六曹之一也公今為相六曹之事皆所平章嘗慨夫今之士習日以媮下而民日就窮百司之職守或失其舊而紀綱或漸以弛轉移振作公之用心益勞則功在天下益大而學之為用益以光顯史氏所稱述奚啻南宮之論建已乎亦預以是編卜之也是編為卷三十為目二十二為章二百六十六事皆舉其大者故視初藁僅什之一云

南宮奏議

天序

九

鈐山堂

嘉靖乙巳閏正月之望

嘉議大夫吏部右侍郎前國子祭酒

經筵講官華亭徐階謹序

南宮奏議序

古以立德立功立言為三不朽今有言焉著之簡牘而輝光施之當時而弘濟垂之後世而可傳德美攸寓而功業從之此非天下之名言邪孟軻氏曰五百年必有王者興其間必有名世者不有名世安得名言吾於少傅大學士介谿先生嚴公見之矣鐘比歲家居亟聞人人稱公南宮奏議思一觀之為快而無繇也乃茲來京辱公見示不鄙無文且以序屬因得莊誦而遍觀之凡為卷三十為目二十有二其所論建皆典禮章程時政彛教法紀邊情之大者也而為國以禮禮莫重於祭奠先於正名故二者特詳焉蓋

德意之所精求而宗伯之所專職尤在乎此鐘愚不足以窺公之大儲嘗槩其平生始而英敏中而淵邃既而練達終之宏博而堅定故其發而為言筆之奏牘也具體而

時出之溫潤而精明警切而平正約靡遺情豐無長語淺近不失之俚深婉不傷於晦剖紛動中乎宵察合異必究其指歸至於倚馬八面之才扛鼎萬鈞之力卓卓乎其莫及用能孚契

淵衷翊宣化理綱維 國是黼黻

皇猷於以濟時而傳後裕如也炳如也經云

觀會通以行其典禮史云識時務者在俊

傑是集蓋有焉知言者可以考德而揆功

南宮奏議

八序

十二

矣所謂天下之名言非邪雖然竊嘗聞之

為臣不易為大臣者其責任有加焉又聞

五帝神聖其臣莫及大臣於此不尤難乎

恭惟我

皇上運應中興

天錫上智乃聖乃神追五帝而並之諸執政

大寮仰承

神聖每懷靡及公昔任南宮於尤難而當其

一今也位正首台無所不統於諸難而當

其全其圖惟報稱憂勤惕厲之心較南宮

為何如使公欲為之心咸獲自盡焉則相

業之所就庶幾哉伊周訓誥之所稱奚啻

南宮已也而密勿之地造膝之頃都俞吁

咈世豈能盡知之然則讀今集與將來續

集者當有以識公之心而公也尚其益持

此心日新又新以答天下之望

嘉靖乙巳日長至

嘉議大夫兵部右侍郎前南京都察院右

南宮奏議

八序

十二

都御史進賢萬鏗謹序

南宮奏議序

南宮奏議若干卷今大學士少保嚴公為宗伯時諸所奏牘也初公之為宗伯也職競彌七年而一代之典章政紀見之題奏者為牘已百十餘卷若茲編者則汝璧為之詮次而什一存者也然而公之蓋勞休聞匹古名臣固已可考而知矣璧嘗為之歎曰甚哉奏議之難言也匪言之難也言而誠與才合道與時亨之難也古之人英

南宮奏議

序

十一

鈐山堂

經洽古之學衷然而總之於廷會則灑翰

成章於行在則倚馬視草蓋雖承

上旨督促取具造次而達之詞則沛如矣是

豈獨公之才之異然哉要之公秉心淵塞

厲節靖共融之為智有定見持之為守有

定力所以幹乎其才者有其本矣由是以

定國是以成幾務以副

一人特達之知以對群心乎願之望而遂以

大亨其道於天下皆公誠定見定力定之

南宮奏議

序

十一

鈐山堂

效也嗟夫公其所謂英偉傑特者非耶公

道日益亨而相業方懋弼謨輔德將有上

與伊訓說命相表裏者在是又載筆者之

責也汝璧雖不敏願執簡以俟

嘉靖甲辰秋八月

中順大夫詹事府少詹事兼翰林院學士

鄉後學貴溪江汝璧謹撰

南宮奏議序

上即位之十有五年制度儀文漸已還古乃復欲創未有起未振備一代獨偉之觀然典在禮官當是時介谿嚴翁為宗伯始也而宗伯明經術習今昔之故然又達情與權明年丁酉 皇太子生天下咸悅遂請正號 東宮順眾望定國本從之其年會議討安南稱不貢也則計以為且須文告不聽則伐之無遽勤兵於遠戍戊戌

南宮奏議

序

五

鈐山堂

上欲尊稱

文皇帝為 成祖

獻皇帝為 睿宗必祔之廟又舉

秋享明堂以嚴 親配諸大議皆下眾恐乃

悉議如禮時以為難已亥

大行章聖皇太后祔

顯陵為條悉事宜先是二月

大駕幸承天以南祔故宗伯從計畫甚夥具

大狩條中其年

大享殿肇工殿取明堂之意而異其號制則頗采部議用之又言官以故禮部侍郎薛瑄從祀下議未一罷之翁言獨多瑄辛丑宗廟災則告修省

上趣有司更起之則告費鉅民困宜順變緩圖以安眾心許之是歲也安南聽始謀果降乃奪國號貶為安南都統司給印如禮部議壬寅

上詔宗伯為大學士兼領禮部如故癸卯侍

南宮奏議

序

十六

鈐山堂

郎呂公楠卒於家請謚與葬不報呂侍郎

者有道仁人也翁疏列侍郎美甚眾願得

請比崔文敏公甲辰

宗廟新復從古制采翁論也凡此皆見南宮

奏議中翁在南宮所進牘且千數不具論

乃論其著者故事宰相得燕見

天子召對他即大臣不召翁為宗伯乃數入

召見與宰相比言多所匡止其事秘莫為

傳獨販販在人聽觀者如此刻焉王維楨

曰余聞之故老云仁哉

孝皇帝當乙丑選士也宮中籲於天願天畀
真才是時嚴翁應選中夫念誠好賢天乃
予之賢豈可常哉乃後遭今

天子興知其才委任焉遂竭忠盡智若此惟
盛世典章寔藉用明往代莫比焉傳稱好
賢之利不於其身於其後人信然哉語亦
有之樹木者比樹穀者肥小言可以喻大
而人君惟在樹人

南宮奏議

卷五

十七

鈴山堂

嘉靖丙午三月望翰林檢討關西晚生王
維楨頓首謹撰

南宮奏議目錄

卷一

大禮一

卷二

大禮二

卷三

大禮三

卷四

大儀

卷五

南宮奏議

目錄

一

鈴山堂

大慶一

卷六

大慶二

卷七

大恤一

卷八

大恤二

卷九

大恤三

卷十

大狩一
卷十一
大狩二
卷十二
郊社
卷十三
宗廟
卷十四
陵寢
卷十五
南宮奏議 六
大典
卷十六
祀典
朝賀
燕享
卷十七
修省
卷十八
宗藩一
卷十九
宗藩二

鈔山堂

卷二十
學校
教習
卷二十一
選舉
卷二十二
邦典
卷二十三
官政
卷二十四
南宮奏議 六
大典
卷二十五
存問
褒勸
恩卹
卷二十六
夷情一
卷二十七
夷情二
卷二十八
夷情三

鈔山堂

卷二十九

夷情四

卷三十

夷情五

南宮奏議

目錄

四

鈐山堂

南宮奏議目錄終

南宮奏議 卷一

南宮奏議卷第一目錄

大禮一

明堂秋享大禮議

奉旨以 獻皇帝配 帝履議

請孟春祈穀以 文皇帝配 帝議

獻皇帝稱宗大禮請會官復議

獻皇帝稱宗大禮議

南宮奏議

卷一目錄

一

鈐山堂

二五九

南宮奏議卷第一 鈐山堂集四十一

大禮一

明堂秋享大禮議

嘉靖十七年五月日該直隸揚州府通州同知致仕
豐坊奏為獻愚議復古禮以隆 聖孝革夷教以尊
朝廷事奉 聖旨禮部會官議了來說欽此 臣等
會議得豐坊奏其一曰孝莫大於嚴父嚴父莫大於
配天誠建明堂而加尊 皇考恭審淵仁寬穆純聖
獻皇帝廟號稱宗以配 上帝則所謂復古禮以隆
聖孝也 臣等竊聞自昔義農肇祀上帝或為合宮

南宮奏議

卷一

一

鈐山堂

或為明堂嗣是夏后氏世室殷人重屋周人作為明
堂之制視殷夏加詳焉蓋古者聖王以為人君天之
宗子其事天也亦如子之事父義尊而情親故制為
一歲四享祀之禮有冬至園丘禮有孟春祈穀禮有
孟夏雩壇禮有季秋明堂禮皆所以尊之也明堂帝
而享之又以親之也先儒曰天即帝也郊而曰天以
后稷配焉以尊稷也明堂而曰帝以文王配焉以親
文王也此周事然也仰惟我 皇上以元聖受命考
禮憲經頃歲以來建園丘及祈穀禮建崇雩壇諸凡
彝典煥乎大備而冬至之祀奉我 太祖高皇帝配

南宮奏議

卷一

二

鈐山堂

天於園丘允合于周之后稷配祭于郊之典矣而明
堂秋享之禮先年側聞 皇上下諭二三輔臣固嘗
講求于斯 淵衷切注至誠默定已非一日矣茲者
恭承 明詔集議于廷則研考禮文宣敷德意以仰
贊我 皇上誠孝之勤固 臣等之職也惟是典禮重
大臣等學術荒陋識見短淺不克贊明萬一連日以
來方切憂懼求其端而莫得其義者然敢不罄竭愚
慮為 陛下陳之夫明堂之禮經見未詳秦漢以下
諸儒所傳議論不一月令明堂中央大室東青陽南
明堂西總章北玄堂皆分左右个周書叙曰明堂前
有應門大戴禮曰明堂凡九室一室有四戶八牖三
十六戶七十二牖陳氏禮書又曰明堂五室外別之
以十二堂通之以九階環之以四門而南門之外加
應門明堂位疏又曰四室十二堂宋儒朱熹又謂當
有九室如井田之制此其所論之制不同如此鄭康
成疏曰明堂上圓下方八牖四闔布政之宮又曰明
堂路寢異實同制據其所言固是王者之常居耳而
淳于登曰明堂在國之陽三里之外丙巳之地韓嬰
詩說在南方七里之郊又曰明堂外水曰辟雍此其
所建之地不同如此大抵皆取時書散逸之文經典

相似之語牽合附會靡所不據蓋聖遠籍亡失之久矣夫善制禮者不必相襲今考之儒先之論彼此異詞參之近代之規先後殊制臣等因此反覆思惟今日秋享之禮國典有缺委宜舉行但明堂之制古法難尋詎能修復要在不膠故常不泥陳迹師先王之意自為今制此惟 皇上睿思淵識妙契千古之上損益百王之中斷而行之所貴昭復古典宣揭孝誠斯可以垂之萬世矣昔魏徵曰聖人有作義重隨時事資通變自我而作何必師古顏師古曰假如周公舊章猶當擇其可否鄭氏臆說淳于諛聞匪異守株

南宮奏議

卷一

三

鈐山堂

以景帝配孝章以光武配唐中宗時以高宗配明皇時以睿宗配永泰時以肅宗配宋真宗時以太宗配仁宗時以真宗配英宗時以仁宗配皆世之遞配此主於親親也宋臣錢公輔曰三代之法郊以祭天而明堂以祭五帝郊之祭以始封之祖有聖人之功者配焉明堂之祭以繼體之君有聖人之德者配焉於是既推周公之心為嚴父又推成王之心為嚴祖於是司馬光孫抃諸臣執論於朝程朱大賢倡議於下此主於祖宗之功德也我 國家復古明堂大享之制其所當配之帝亦唯二論而已若以功德論 太宗文皇帝再造家邦功符 太祖當配以 太宗也若以親論則 獻皇帝 陛下之所自出也一體而分之親也篤生聖人以興萬世太平之治 陛下之功德即 皇考之功德也揆之秋享嚴父之旨若 皇考顧不得配帝之享 臣等竊惟 皇上尊親法古之念容有惕然靡寧于懷者也仰惟 皇上聖學淵微志復三代惟是明堂大祭配帝重典所當慎重必使允合經文足以垂範宇宙則天下之幸也伏乞 聖明裁擇 臣等又議得人君之位天位也以天位相承謂之統殷人稱宗周人稱王繼統之嚴不容或紊

南宮奏議

卷一

四

鈐山堂

此聖人制禮至正不易之道也仰惟我 皇上純誠至孝往歲於我 皇考獻皇帝廟號再三更定務求至當查得嘉靖十五年九月內節奉 聖諭朕聞人子欲報其親匪但取諸尊崇是身不能顯其親雖崇而過之不足云也先議以 皇考廟比世室之義而即名世廟朕今反覆思之推尊 太宗世祭不遷是矣恐 皇考亦欲推讓 太宗者 聖諭又曰 皇考廟名如題曰 獻皇帝廟庶別宗稱以見推尊之意大哉 皇言也真體親之孝也尊親之誠也大公無我之心也臣下方仰頌休德之不暇則今日稱宗

南宮奏議

卷一

五

銓山堂

之禮必有不安於 聖心者矣夫既已稱宗則未有帝宗而不躋祔於太廟之內者也竊恐我 皇考在天之靈亦有所不安者矣且孝經宗祀文王以配上帝者宗之言尊也非祖宗之宗也王肅已嘗駁鄭玄誤疏之非矣而今豈可謬引以為證乎臣等仰思 聖訓遠揆舊章稱宗之說不敢妄議以負 陛下伏乞 聖明裁之臣等又看得豐坊奏其二曰今天下司府州縣衛所等衙門凡遇 慶賀之節皆於佛寺習儀而列 萬歲牌位於佛像之間甚為褻瀆若依古禮今天下皆建明堂以行 慶賀之禮方合尊無

二上之儀則所謂革夷教以尊 朝廷也 臣等議得古之王者巡狩設有明堂以為朝諸侯之所然在四嶽未有隨地而並建者即如趙岐孟子註以為泰山之下存有遺址夫泰山方嶽也則明堂非方嶽不建可知矣今巡狩不行建之無謂夫明堂王者之重制也闕麗尊大之居也制弗備則弗稱即以 朝廷重制而遍立於四方與衙館驛傳等類使人狎視而褻玩之豈得為 聖朝之令典乎且天下郡縣地方不皆殷庶也廣粵之鄉人境稀寂屋不瓦覆府縣廳治茅茨以居亦有解字絕無者選去官員寄宿民舍茲

南宮奏議

卷一

六

銓山堂

欲槩令修治廣勞力役興造事端無補崇嚴適增煩擾非深長思也 臣等又議得慶賀習儀乃漢綿絕之遺意也漢興叔孫通始演朝儀置絃表位率諸生於野外肄之今各處習儀多以寺觀亦取其位設寬敞可以容衆肅儀耳故每遇 聖節及元旦冬至先期二日有司備龍亭儀仗官屬導引迎至其地安設中庭各官於丹墀拜舞行禮至正節日則于本衙門公廳裝設黃幄龍幔香案告天祝讚禮畢撤之視事如舊蓋人君之尊如天即如設位告天立牌展祀祭畢則撤同一理也方國下邑止宜權設幔幄豈可輕擬

朝堂今南京拜牌則于禮部各處宗室拜牌則于本府郡縣有司拜牌則于公廳禮制已定只合如舊茲欲各建區宇比同 朝制稱係明堂臣等未見其可也若夫各寺宮觀俱設有萬歲龍牌乃其徒衆自爲供奉祝釐非爲習儀也但沙門夷寺襲用非宜合無今後各處習儀照兩京朝天宮事例俱赴舊有宮觀去處演習行禮或便近佛寺從宜改飾門廡撤去夷像恭設龍牌嚴戒局輪毋使瀆雜則禮儀整肅而事體亦不至紛更矣伏乞 聖明裁定五月二十五日奉

南宮奏議 卷一 七 鈐山堂

御批明堂秋報大禮着於奉天殿行其配 帝着歸一說 皇考稱宗在今日不爲過情彼建議之引臣下生封某官則追贈不減一者且古人未嘗槩稱其君爲宗近代皆若是在 皇考爲不宜着再會議了來說習儀只照舊行欽此

奉旨以 獻皇帝配 帝覆議 先該本部等衙門奉旨會議具題節奉 聖旨明堂秋報大禮着於奉天殿行其配 帝着歸一說 皇考稱宗在今日不爲過情彼建議之引臣下生封某官則追贈不減一者且古人未嘗槩稱其君爲宗近

代皆若是在 皇考爲不宜着再會議了來說欽此 臣等會同府部等衙門尚書等官許讚等議得仰惟 陛下躬孝治發德音以明堂秋報大禮着於奉天殿行法古王者布政之官舉皇代肇禋之典天識高明睿謨弘達誠非臣下愚陋萬萬所能及也惟是配帝一節恭承 聖諭令求歸一之說 臣等參稽往冊博采輿情覆議得先王之禮本乎人情而爲之節文者也王者之興有殊異而所當之世各不同觀其會通行其典禮要之求即乎人心之所安而已恭惟我 皇考恭睿淵仁寬穆純聖獻皇帝實惟我

南宮奏議 卷一 八 鈐山堂

皇上天性之親德懋純誠功崇啓佑明堂秋報大禮考之季秋成物之旨嚴父配帝之文恭請 皇考獻皇帝配帝侑食允合周道垂訓無極 臣等僉議攸同伏乞 聖明裁定嘉靖十七年六月初四日奉 御批明堂秋報大典當以嚴父配帝之文爲正本與郊禮不同人孰無父且此雖父子皆根於祖一脉其父即祖茲禮自朕舉宜 皇考配 上帝依擬行 請孟春祈穀以 文皇帝配 帝議 該本部會同府部院寺等衙門官會議得明堂秋享配位大禮恭請 皇考獻皇帝配帝已經具疏上聞

訖此外臣等復有芻蕘之見切惟 本朝自我 太祖高皇帝創業開天 太宗文皇帝造邦繼體逮我 皇考獻皇帝積慶累仁應符啓聖其功德並隆而無間也茲 高皇帝作配園丘 皇考作配秋享允合經義無容議矣諸臣之見猶以 文皇帝繼體首君祀天享帝獨少一配似有未安欲望 聖明裁酌而行夫天與帝二名而實一義然微有少異者天以全體言穹窿徧覆冲漠難名故以壇祭示至尊也帝以神道言矜矜陟降洋乎如在故以屋祭示可親也謹按古義孟春祈穀于上帝乃曰帝而不天可見非園丘之比矣 臣等愚管切謂孟春祈穀合無仍用屋祭之義於大祀殿舉行恭奉 皇祖文皇帝配祀冬至以 太祖孟春以 文祖季秋以 皇考如此則禮文周悉誠孝流通我 皇上愛親敬祖之心兩無所憾矣但事干成典臣下擅難輕擬伏望 皇上留神省覽恭候宸斷裁定降勅施行

獻皇帝稱宗大禮請會官復議

該本部具題 廟號稱宗大禮請乞於東閣會官復議等因節奉 聖旨 宗祀典禮係禮官職掌你部裏先無定論如何盡諉諸人顯是推避着便定議來

南宮奏議

卷一

九

鈐山堂

說不必集議欽此 臣等竊惟國家政事自有常體一應典禮若係奉 旨禮部看了來說則本部徑自定擬題覆自不干預諸司若既集官會議則欲求眾論之一可否之公又非本部可得而專也昨會議之時 臣等宣示諸臣謂稱宗初議已經上請若以初議為是本部仍以初議回奏若初議為非本部則改擬回奏一時諸臣可否相半 臣等見得未有定說所以再請集議非敢推避乃慎重國典當如是也查得凡大典禮如往歲 郊祀禘享等禮俱會輔臣於東閣集議此舊例也今蒙 聖旨不必集議只着本部定議來說但恐將來議者謂此典成於二三臣之議姑以聊且畢事而已恐事體不應如是會議之禮自此遂可廢矣今東閣集議不敢再請查得嘉靖九年分祀大禮 勅令在廷臣僚人各具奏今次稱宗合無仍照郊議事例伏望 皇上勅令廷臣具疏以聞但人具一疏似為煩瀆合無五府九卿詹事府春坊翰林院國子監六科十三道預議官員每一衙門各共一疏上請眾論既同然後本部定擬回奏則於盛典為有光矣嘉靖十七年六月初五日奉 御批卿等說典禮重大依擬於東閣同內閣會官議

南宮奏議

卷一

十

鈐山堂

了來說

獻皇帝稱宗大禮議

先該本部會題該致仕同知豐坊奏為獻愚議復古禮以隆 聖孝事奉 聖旨禮部會官議了來說欽此該本部於五月二十二日會官議題節奉 聖旨明堂秋報大禮着於奉天殿行其配帝着歸一說 皇考稱宗在今日不為過情彼建議之引臣下生封其官則追贈不減一者且古人未嘗驟稱其君為宗近代皆若是在 皇考為不宜着再會議了來說欽此該本部於六月初一日會官議得 明堂秋報大禮伏請 皇上恭請 皇考獻皇帝配 帝等因題奉 聖旨明堂秋報大典當以嚴父配帝之文為正本與郊禮不同人孰無父且此雖父子皆根於祖一脉其父即祖茲禮自朕舉宜 皇考配 上帝依擬行欽此續又該禮部於本月初一日具題本日會議 廟號 宗祀典禮重大請乞於東閣會官復議等因節奉 聖旨宗祀典禮係禮官職掌你部裏先無定論如何盡誘諸人顯是推避着便定議來說不必集議欽此隨該本部具題奉 聖旨卿等說典禮重大依擬於東閣同內閣官會議欽此 臣等會同

南宮奏議

卷一

二

鈐山堂

南宮奏議 卷一

內閣大學士李時夏言府部等衙門尚書等官許讚等會議得竊聞有冠世非常之德者宜享冠世非常之稱自古君天下者其所稱號曰皇帝曰王其廟號則曰祖曰宗是皆至尊之殊號帝者之崇名也史記載夏殷之王皆以帝名殷人祔廟稱帝不驟稱宗然商書彤日稱高宗周公無逸稱中宗高宗說者謂殷有二宗祖甲為太宗大戊為中宗武丁為高宗也至周有謚稱王漢稱三宗孝文為太宗孝武為世宗孝宣為中宗其餘皆稱帝自唐以後則皆稱宗誠如聖諭所謂近代皆若是我 皇上受命統

南宮奏議

卷一

二

鈐山堂

天稽古崇制頃者釐正祀典恭建 列聖群廟特建 皇考獻皇帝廟偉制隆儀煥乎大備矣顧以秋享宗稱猶為闕典側聞 皇上前此與密勿大臣屢發德音形於召問仰見 皇上至孝惓惓永懷顧復之恩思聲推崇之典誠欲舉百王之曠禮垂億代之鴻名者也禮記曰立愛自親始教民孝也不忘其親所由生也此我 皇上之謂也 臣等仰奉明旨敢不思所以對揚休命乎但議禮之家名為聚訟意見各殊人情不免 臣等博考群籍廣集眾思連日反覆思惟始得其端頗祛其惑請遂為 陛下陳之夫明堂秋

享嚴父配天此孝經孔子之言千百世莫之有易者矣而其後則宋儒程頤曰萬物本乎天人本乎祖故冬至祭天而祖配之以氣之始也萬物成形於帝猶人成形於父故季秋享帝而父配之以成物之時也朱熹則引此言入於我將之詩註內此又後學相守以為確論者也今議者乃引朱熹語錄所記破易前說謂明堂之配不專於父借使熹果以配父為非則註詩不當復引程頤之論矣今不以此為據而信門人記錄之言安知所錄之無謬誤哉 聖諭有曰明堂秋享大典當以嚴父配帝之文為正茲禮自朕舉

南宮奏議 卷一 三 鈐山堂

宜 皇考配上帝聖明卓見已出尋常萬萬臣等無容再論惟是稱宗之議臣等謹按禮曰祖有功宗有德考之釋名祖始也宗尊也漢書註曰祖之稱始始受命也宗之稱尊有德可尊也孝經曰宗祀文王以配上帝王肅註曰周公於文王尊而祀之也此宗尊之說曰古者天子七廟劉歆曰七者正法苟有功德則宗之不可預為設數宗不在此數中宗變也朱子亦以歆之說為是陳氏禮書曰父昭子穆而有常數者禮也祖功宗德而無定法者義也此宗無數之說禮以義起者也臣等仰思 聖訓 皇考稱宗在今

日不為過情誠深有見於斯義者矣恭惟我 皇考獻皇帝昨壤錫封位于藩服繫天下適駿之望與文王居西伯之位而西土怙冒者同躬修德讓行通神明篤生聖人光承天序與文王昭受上帝生武王而克集大命者同昔程頤論宋僖祖當配天或難其無功業程頤曰今日天下基本蓋出此人安得為無功業以此推之我 皇上今日中興禮樂制作之功業皆 皇考之功業也又與宋程頤論僖祖之意同故今日宗祀之典援據古義推緣人情我 皇考獻皇帝至德昭聞密佑宮昊則尊之匪過乎崇而宗以其

南宮奏議 卷一 四 鈐山堂

德可也且慶祥所啓自 皇上而下聖子神孫傳受無疆皆 皇考一人所衍布則別之匪疑乎專而宗以其世可也仰惟 皇上以聖人之大孝議天下之大禮推武王周公宗祀之意師孔子之訓下采有宋大儒諸說明宗尊之義臣等蠡測管窺之見何能少裨萬一伏乞 聖明裁定施行奉 聖旨着遵照或問會議來行

南宮奏議卷第一

南宮奏議卷第二目錄

大禮二

御製明堂或問

遵照 御製或問 獻皇帝祔廟 文皇帝稱

祖議

請奉 獻皇帝主于特廟祫享于 太廟議

請乞 欽定 文皇帝稱祖 獻皇帝稱宗尊

謚

請乞 欽定上冊并奉題 神主舉祭儀

再請定上冊并題主祭儀

南宮奏議

卷二目錄

一

鈐山堂

明堂造辦儀物并 廟享等禮儀

奉製秋享 正位 配位神牌式

奉題 成祖 睿宗神主儀

南宮奏議卷第二

鈐山堂集四十二

大禮二

御製明堂或問 有序

明堂或問者非上人亦好辯以效常情之所為也實

不得已之言也我 皇祖常假臣下作對奏因作樓

城之上焉故此或問以作云

問曰明堂大享之禮遠古無者本周之始固亦報天

之情祇以配位之位每論不同且在今日有甚難者

汝其何用情哉答曰明堂享禮次於大報重於他祀

雖古遠有無未可知周始著之載籍今日之舉未難

南宮奏議

卷二

一

鈐山堂

時人之情甚非古人比也曰配帝為難將欲奉 太

宗配庶幾可以服天下每思不知視 太宗為何如

之主今日 聖靈在天猶昔日御世一般 太宗本

時君之遠祖以父近之親尊之是非人道之正降祖

為親經所未聞孔子不曾有是言以教後世但世愈

降道愈湮文人學士之心一日昧於一日但騁彼舞

文弄智恣已胡為上籍君父下愚細人此非難者決

不可行之禮也問曰汝蓋欲奉 考配亦非昵於愛

親而不愛祖邪答曰明堂本義是因秋時群物成以

報天即人成於父之義以其所合於義之正大典則

為禮故父配為正不為昵豐不為忘遠問曰父配固是矣將來一世一易抑但以一乎答曰今既用周制為準則即如武王行禮奉以文王配之義一而矣已問曰周公制禮汝何謂武王行之答曰周公者臣職也雖然必稱武王為正豈有臣行君禮哉周自武為之則嚴父必文今日自我舉必皇考配也問者又曰配義雖明稱宗何為答曰稱宗之義在今時無有一說但不過是尊親之意亦無憑據亦無比附亦無重輕亦無利害只是箇崇上之義耳問曰稱宗祔廟否答曰祔廟與稱宗是一行今文臣但以祔廟必祧

南宮奏議 卷二 鈐山堂

不如專享百世為上此不過愚哄其君耳我皇考雖未即生存之位今日亦有如生之義祖宗列聖懽聚一堂獨去我皇考一人人情不堪時義不順皇天皇祖之所眷思子子孫孫之所不忍獨文人殘狠之無比也非害於義害於禮之者即無意思之爭辯必稱宗必祔廟親盡必祧則可以成一代宗廟之禮豈有太廟中四親不全之禮乎人而無父有諸况人君為人之極可乎問者又曰稱宗祔廟祧禮皆明明堂之配親盡將何為答曰明明堂之配百世不可易奉祧何害兩不關涉也問者又曰時人但為

太宗不得一配為爭耳答曰此說不是尊崇之實假借以制時君又上欺太宗為無道之甚夫假借制君之罪固重上欺太宗之罪尤重今日之始祖太祖也始祖故配郊也今日之嚴父獻考也嚴父故配明堂也此文人亦知之明明知太宗即不可上並始祖又不可降擬近親故曰祈穀可一奉配又欲復屋下以重明堂之祭此強牽妄擬欺愚君上是人為哉問曰若是說者則太宗永無配享之典汝寧忍之哉答曰禮之正所當為者不可避不可讓也避則自詭讓則負天禮之不正不當為者不可妄

南宮奏議 卷二 鈐山堂

不可欺也妄則自失欺則詐情以事神神必不歆聖人教人如是邪問曰太宗功兼創守將何以報之哉答曰我太宗當皇祖初定之中又置建文所壞復興起之便是再創一般今同太祖百世不遷此乃報崇之正然稱號太宗未免無異於列聖當以祖字別之庶見其宜也此人情之真焉夫何謂古以祖有功而宗有德今槩以宗尊之太宗所謂有功者焉可同宗稱之此當別之者也云

遵照 御製或問 獻皇帝祔廟 文皇帝稱祖議

該內閣抄捧 聖諭昨禮部以會議疏上內又爭一
祔廟之正朕故未答已與卿等說待作箇或問以示
臣民旬餘未親筆札昨將夕覺神思清悅一作之方
就卿五臣看了就着嵩將去部中刻印遍給與議群
臣限十日內再會議來聞欽此臣嵩恭捧到部除欽
遵刻印進呈 御覽并遍給與議群臣外先該本部
等衙門會議明堂宗祀大禮緣由具題奉 聖旨着
遵照或問會議來行欽此欽遵臣等會議得仰惟
皇上以明堂宗廟典禮重大頃月以來三詔廷議而
又特履睿思親御宸翰法 皇祖嘗假臣下作對奏
南宮奏議 天卷二 四 鈐山堂

皇考只是箇崇上之義誠有如 聖諭者 聖諭
曰必稱宗必祔廟親盡必祧則可以成一代宗廟之
禮豈有太廟中四親不全之禮乎臣等愚昧始者不
能推原 聖主崇孝之心而獨守拘儒章句之說又
見 皇考已隆專廟之享而因憚升祔親盡之祧是
以祔廟之議委不能無疑於心茲者伏讀 聖諭有
曰我 皇考雖未即生存之位今日亦有如生之義
祖宗列聖懽聚一堂獨去我 皇考一人人情不
堪時義不順此真 皇上至孝至痛之所形見而不
能自己者也臣等自非木石寧不感動但祔廟之文
南宮奏議 天卷二 五 鈐山堂

考之古者父子異昭穆兄弟同世數故殷雖四君為
一世而同廟蓋以兄弟一體無父子之道故也其後
晉之廟則有十一室而六世唐之廟則有十一室而
九世宋真宗詔議太廟典禮用學士宋湜等議而以
太祖太宗合祭同位其後禘祫圖則又太祖太宗同
居昭位此皆古事之可據者今 皇考於 孝宗同
氣之親同為一世者也臣等管見竊謂宜奉 皇考
祔於 孝宗之廟伏乞 聖明裁之祭義曰立親廟
四親親也親盡而迭毀示有終也故宗廟之禮雖孝
子慈孫之心無窮而世遠親盡必祧禮制有不容違

越者 聖諭曰奉祧何害非大孝至公不能與於此也夫四親之廟在禰尤為獨親我 太祖高皇帝即位之初首立四親廟 仁祖淳皇帝雖起布衣必享天子之祀今 皇考額獨闕焉宜 聖心有所不安者矣 聖諭又曰我 太宗當 皇祖初定之中又置建文所壞復興起之便是再創一般稱號 太宗未免無異於 列聖當以祖字別之庶見其宜也 臣等切惟古禮宗無定數惟非有功者不得而祖之漢人稱祖者二高帝稱高祖其後光武廟號世祖說者謂光武再造炎劉功崇業鉅故無二祖之嫌我 文

南宮奏議

天卷二

六

鈐山堂

皇帝定鼎持危再造鴻業功莫大焉乘以宗稱於義誠若未盡尊稱為祖 聖見允宜 臣等仰遵休命恭候宸斷勅下施行嘉靖十七年七月初三日奉 御批既會議已定都着舉行禮部會同翰林院便將各樣禮儀開具來聞惟 皇考同 皇伯考一廟此本古禮當為法者但今恐不能容奉二主若夫設位必同一方禮部再詳議來

請奉 獻皇帝于特廟裕享于 太廟議

昨該 臣等會議宗廟大禮緣由奉 聖旨 皇考同 皇伯考一廟此本古禮當為法者但今恐不能容

奉二主若夫設位必同一方禮部再詳議來欽此 臣等仰惟 皇上至孝中發明命渙頒特舉 皇考稱宗祔廟之禮 臣等博考載籍以古兄弟同世之文上請恭奉 皇考祔於 皇伯考孝宗皇帝之廟仰荷 聖明俞允 臣等不勝慶幸不勝欽服自古人君未有如我 皇上閱禮見道之明虛已從善之美者也 伏奉 聖諭恐不能容奉二主令 臣等再加詳議 臣等即恭詣 孝廟相看得寢殿三間原設 孝宗皇帝神床正面居中餘地窄隘委不能容奉二主 臣等思之若奉 皇考並處其中則非異室之制若虛其中奉 皇伯考居東一室 皇考居西一室則又非當尊之位若 皇伯考居中室 皇考居東一室則又失一隅之偏皆非禮之得也為今之計似須於孝廟之東改建新宮以稱嚴祀未為不可但頃者恭建列廟既為地勢所拘規制已定神靈孔安尋復興作殊駭觀聽若必欲展拓須是毀垣闢道但又迫近 獻皇帝廟之北方且他日親盡之祧 皇伯考 皇考當並遞遷則以上二昭廟俱當展拓而後為宜此皆先事所當慮者也 臣等反覆籌度莫知所處竊惟禮有義起要之可適於今而不失古人之意此在

南宮奏議

天卷二

七

鈐山堂

聖心一轉移間耳今 皇考特廟巍崇炳煥已獲寢成之安尊稱昭揭 列聖同符 皇上推崇之孝大矣雖古禮當法而廟室難容合無 皇考神主仍於特廟而遇祫享太廟恭設神座與 皇伯考同居昭昭位如此則在廟有常尊之敬在祫無不預之嫌於義為大順於時為合宜此亦通變之道也況古者嗣世之君有賢聖功德者則其廟難以世拘必別立廟以為世室不在三昭三穆之數 臣等臣子之情終謂我皇考世德宜享世祀他日當遷之期 聖子神孫推本溯源必有能仰體我 皇上罔極之情者則夫

南宮奏議

卷二

八

鈐山堂

今日專廟之祀恐未可易也 臣等愚瞽之見未敢必以為可然實出一念片曝肝膈之忠伏望 聖明矜察而裁擇之 臣等幸甚天下幸甚嘉靖十七年七月初十日奉

御批待朕親視

請乞 欽定 文皇帝稱祖 獻皇帝稱宗尊

謚

先該本部具題議得 皇考稱宗祔廟之禮古禮當復廟室難容合無 皇考神主仍於專廟而遇祫享太廟恭設神座與 皇伯考同居昭位則在廟有常

尊之敬而在祫無不預之嫌等因奉 聖旨待朕親

視欽此本月十七日恭遇 聖駕特詣 孝宗廟

獻皇帝廟逐一恭親閱視該大學士 臣李時 臣夏言

暨禮官 臣嵩 叨與隨侍伏蒙 皇上親覽得孝廟後

寢東西室窄隘委不能容奉二主及廟額難於並揭

當蒙 面諭 臣等 皇考廟既已再建不可虛設茲

仍奉主為宜時祫則享于太廟 臣等仰見 皇上秩

禮尊親訃謨淵識酌古適今情文具備聖人大孝真

度越千古者也然享祀大禮已蒙俯順本部前次所

請今季秋期近一應儀物所當速辦而 文皇帝稱

南宮奏議

卷二

九

鈐山堂

祖 獻皇帝稱宗尊謚須乞 特降勅諭本部欽遵

施行伏乞 聖明早賜欽定八月十九日奉

御批是知道了

請乞 欽定上冊并奉題 神主舉祭儀

本月二十六日 臣嵩伏蒙 皇上面諭以九月十一

日恭上 二聖尊謚冊寶以十四日改題 二聖神

主其十一日先於 皇祖文皇帝廟上冊恭祭行禮

畢隨赴 皇考獻皇帝廟上冊畢即請主入太廟舉

祔廟之祭以代伸我 皇考展謁 列聖之敬 臣謹

欽承訖既伏思之 皇考冊寶雖已恭上神主未經

改題必須恭題新主方可奉迎入廟本日上冊題主
一併舉行為宜但恐禮行既久 聖體過勞臣愚欲
乞 皇考廟上冊畢還如例舉祭却遵照 欽定十
四日先於 皇祖廟題主畢行三獻禮畢赴 皇考
廟題主畢就舉祔廟之祭庶日力寬展禮文周悉伏
乞 聖明裁定恭候 示諭總具儀注上進謹具題
以聞

再請定上冊并題主祭儀

臣蒿今早欽奉 勅諭到部隨將恭擬儀注上進訖
隨該內閣差辦事官邀臣進閣面示 聖諭 成祖

南宮奏議 卷二 十 鈔山堂

上冊畢即詣 睿宗廟上冊即題主俱題主畢就祭
二處通畢歇二三時就行祔廟祭享禮欽此欽遵該
輔臣臣時等面議得十一日 成祖上冊畢即詣
睿宗廟上冊却復詣 成祖廟題主舉祭畢復又詣
睿宗廟題主舉祭通畢乃行祔廟之祭臣愚切思
前議則是二廟一時往復四次未復裕享太廟通計
舉禮五次非惟 聖駕出入登降為勞且事體亦未
免煩雜不便似應於 成祖廟上冊題主舉祭一併
行禮畢却詣 睿宗廟行禮亦如之然後恭舉祔廟
之祭庶節次歸一往來不煩而禮成於一日矣伏乞

聖明裁擇特賜定示將臣所進儀注發下容臣會
同翰林院再恭擬上請謹具題以聞九月初一日奉
御批正是上冊即題主非二起也

明堂造辦儀物并 廟享等禮儀

嘉靖十七年七月初一日該本部等衙門題為欽奉
聖諭遵照 御製或問會議 明堂 宗廟大禮
緣由初三日節奉 聖旨既會議已定都着舉行禮
部會同翰林院便將各項禮儀開具來聞欽此臣等
仰惟 皇上稽聖奉天尊 親敬 祖明堂肇祀而
仁孝之道以彰 宗廟祔升而昭穆之倫不紊報本

兩宮奏議 卷二 十 鈔山堂

則稱宗 皇考追遠則加祖 太宗義必因經事惟
師古可謂舉行數千年以來盛典也臣等躬承 休
命祇奉德音所據一應合行禮儀臣等會同大學士
李時夏言備細酌擬再惟秋享期逼內外各衙門合
行造辦儀物俱不宜緩除祔 廟大禮恭候 宸斷
另題外謹將秋享并 廟享禮儀逐一開坐上請伏
乞 聖明裁定施行嘉靖十七年七月十七日奉
聖旨且依擬行造

奉製秋享 正位 配位神牌式

准工部都水司手本內開該禮部題奉 欽依行內

府成造秋享明堂 正位 配位神牌該內官監御用監官稱說神牌若用沉香該御用監成造若用栗木該內官監成造又稱該何尺寸回報前來煩查應照何項規制尺寸該用何項地質木料議擬明白題奉 欽依咨行以憑轉行造辦等因到部 臣等查得嘉靖九年六月內為郊祀大禮事該本部奏有 聖諭 園丘 上帝御位 太祖配位俱以在殿者奉設及查泰神殿奉藏 昊天上帝 太祖配位神牌俱高二尺六寸闊五寸厚七分座高五寸四分座面九寸三分深闊五寸一分座底長一尺深五寸五分

南宮奏議

卷二

三

鈴山堂

外衙門欽遵施行嘉靖十七年八月初三日奉 聖旨 神御位 配考位今年且用紙牌另擬成製樂歌也着翰林院擬撰來暫用待朕神思清復通製今年儀物禮度你部裏且擬來行 奉題 成祖 睿宗神主儀 照得本月十一日恭上 二聖冊寶祔享 太廟禮儀已經奉有 欽定儀節欽遵外所據十四日恭題 二聖神主謹遵 聖諭再恭擬上進伏乞 聖明 詳定勅下遵行 一十三日司設監設香案于 成祖 睿宗各廟寢殿神龕前設題主案于東置淨水 南宮奏議 卷二 三 鈴山堂 劄子粉蓋筆墨于上又設盥盆腕巾于東 一文官 三品以上武官公侯駙馬伯皇親指揮陪拜 一是 日早免朝鳴鐘陪拜官具吉服于廟街門北向序立 候駕至陪拜 上具翼善冠黃袍乘板輿至 太廟 門右降輿導引官導入 成祖廟左門由殿左門入 寢殿內贊奏就位 上就位太常寺卿跪于神主前 奏請 成祖文皇帝神主降座改題 上詣神主前 親捧主安于東案上 上復就拜位北向立內侍官 洗出舊字別塗以粉中書官書寫題主官盥手西向 立題主題訖 上親捧復安于座內贊奏跪 上跪

太常寺卿跪于 上左奏請 成祖文皇帝神靈上
 神主內贊奏俯伏興 上捧神主導引官導出正殿
 奉安于神座 上就拜位典儀唱迎神導引官導
 上至香案前奏上香 上三上香訖奏復位內贊奏
 四拜興平身 傳贊同 典儀唱奠帛行初獻禮導引官
 導 上至神御前奏摺主奏奠帛訖奏獻爵獻訖
 奏出主奏詣讀祝位內贊奏跪贊讀祝讀祝官讀訖
 奏俯伏興平身 傳贊同 奏復位典儀唱行亞獻禮 儀
 同初獻惟不讀祝 典儀唱行終獻禮 儀同亞獻 太常
 寺卿詣神御前跪奏禮畢請還官內贊奏四拜興平
 身 傳贊同 典儀唱讀祝官捧祝進帛官捧帛各詣燎
 位內贊奏禮畢 上捧主詣寢殿奉安訖導引官導
 出太廟門東乘板轎詣 睿廟門降轎導引官導
 上由廟左門入殿左門至寢殿內贊奏就位 上就
 位太常寺卿跪于神主前奏請 睿宗獻皇帝神主
 降座 上詣 神主前親捧主安于東案上 上復
 就拜位北向立內侍官洗出舊字別塗以粉中書官
 書寫題主官盥手西向立題主題訖 上親捧復安
 于座內贊奏跪 上跪太常寺卿跪于 上左奏請
 睿宗獻皇帝神靈上神主內贊奏俯伏興 上捧

神主導引官導出正殿奉安于神座 上就拜位典
 儀唱迎神導引官導 上至香案前奏上香 上三
 上香訖奏復位內贊奏四拜興平身 傳贊同 典儀唱
 奠帛行初獻禮導引官導 上至神御前奏摺主奏
 奠帛訖奏獻爵獻訖奏出主奏詣讀祝位內贊奏
 跪贊讀祝讀祝官讀訖奏俯伏興平身 傳贊同 奏復
 位典儀唱行亞獻禮 儀同初獻惟不讀祝 典儀唱行
 終獻禮 儀同亞獻 太常寺卿詣神御前跪奏禮畢請
 還官內贊奏四拜興平身 傳贊同 典儀唱讀祝官捧
 祝進帛官捧帛各詣燎位內贊奏禮畢 上捧主詣
 寢殿奉安訖 上還宮嘉靖十七年九月十四日奉
 聖旨依擬

南宮奏議 卷二 五 鈐山堂

南宮奏議卷第二

南宮奏議卷第三目錄

大禮三

欽奉 勅擬上 成祖 睿宗尊謚 南郊奏

告恭上 二聖冊寶 睿宗祔廟及明堂大

享等儀

大享禮成 頒詔表賀儀

玄極寶殿奉安 正位 配位儀

景神殿奉安 成祖 睿宗神位儀

奉 諭增大享配位

大享增太常執事官

南宮奏議

卷三目錄

一

鈐山堂

南宮奏議卷第三

鈐山堂集四十三

大禮三

欽奉 勅擬上 成祖 睿宗尊謚 南郊奏

告恭上 二聖冊寶 睿宗祔廟及明堂大

享等儀

嘉靖十七年九月初一日欽奉 勅諭朕惟我國家

之興始 皇祖高皇帝也中定艱難則我 皇祖文

皇帝也 二聖同創大業功德並焉宜同稱祖號我

皇考獻皇帝躬備大德是以延及朕身入嗣 祖

位宜薦宗稱矧今大享已成奉 皇考配將當舉事

南宮奏議

卷三

鈐山堂

之期先用薦上鴻號尊 文皇帝廟號為成祖謚曰

啓天弘道高明肇運聖武神功純仁至孝文皇帝今

月十一日行禮尊 皇考廟號為睿宗謚曰知天守

道洪德淵仁寬穆純聖恭儉敬文獻皇帝同日異時

行禮初九日預告社稷本月二十一日恭舉大享明

堂之祀于奉天殿奉 皇考睿宗獻皇帝配 上帝

是日禮畢即詔示天下所有合行一應禮儀爾禮部

會同翰林院恭議開具來聞敬哉故諭欽此 臣等恭

捧到部仰惟 皇上至敬奉天睿文稽古親御宸翰

誕告大廷述 祖功 宗德而大義以明陳 秋享

廟祔而大禮以定鴻名美號揭萬古而有光聖藻神謀駕百王而獨出者也臣等恭承 勅命除成造冊寶取用祭器供造牲品及擬奏告祝文等項事宜已經具題通行內外衙門遵行外今將合行禮儀會同大學士臣李時等逐一備細恭擬開坐上請伏乞 聖明裁定勅下欽遵施行

計開九月初九日 南郊奏告儀

一先期司設監設大次于外壇神路之東是日早免朝 上常服御奉天門錦衣衛備隨朝駕如常儀是日車駕至郊 上即大次易祭服詣園丘行奏告禮

南宮奏議

卷三

二

銓山堂

一文官五品以上武官四品以上六科都給事中皇親指揮以下千百戶等官照例具祭服先赴南天門外候駕陪拜同日寅時遣官各具祭服詣 北郊太廟 成祖廟 昭穆群廟 睿廟 社稷壇恭告行禮

十一日恭上 二聖冊寶儀

一初八日太常寺奏致齋三日初十日太常卿同光祿卿面奏省牲如常儀 一同日內侍官設冊寶案四于奉天殿冊東寶西設冊寶綵輿四于丹墀內設香亭于冊寶輿前教坊司設中和韶樂及大樂錦衣

衛設鹵簿大駕并舉輿亭官校 一同日司設監及太常寺官設冊寶案于 成祖廟 睿廟各神座前設 上拜位于各廟殿內正中設具服御幄于二廟戟門左 一十一日早免朝鳴鐘文武百官具朝服于金水橋南東西向序立文官五品以上武官四品以上六科都給事中皇親指揮以下千百戶等官各具祭服于廟街門內北向序立 上冕服御華蓋殿鴻臚寺官奏請行禮導駕官導 上出至奉天殿內侍官捧各冊寶置于案鴻臚寺官舉案由殿中門導駕官導 上隨行至丹陛下鴻臚寺堂上官各取冊

南宮奏議

卷三

三

銓山堂

寶置于輿內錦衣衛官督舉輿 上乘板轎出奉天門降轎陞轎侍衛鼓吹如儀導駕官退冊寶輿至金水橋南文武百官皆跪候過畢輿隨至廟街門退冊寶輿入廟街門陪祀官皆跪候過畢輿 上至太廟門降輦冊寶輿至各廟太常寺堂上官四員各取冊寶由中門入至各廟神御前東西向立冊東寶西陪祀官先赴 成祖廟丹墀內東西序立太常寺導引官導 上至 成祖廟左門由殿左門入寢殿左門請主出正殿奉安訖典儀唱樂舞生就位執事官各司其事內贊奏就位 上就位典儀唱迎神奏樂導

引官導 上至香案前司香官捧香跪進于 上左
內贊奏跪 上跪奏摺圭奏上香 上三上香訖奏
復位樂止內贊奏四拜 傳贊陪祀官同 典儀唱上冊
寶奏樂 上至冊寶案前內贊奏跪奏摺圭奏進冊
寶捧冊官以冊跪進于 上右 上受冊獻訖仍授
捧冊官置于案捧寶官以寶跪進于 上左 上受
寶獻訖仍授捧寶官置于案奏宣冊太常寺官取冊
跪于 上右宣訖置于案奏宣寶太常寺官取寶跪
于 上左宣訖置于案奏出圭俯伏興內贊奏復位
樂止典儀唱奠帛行初獻禮奏樂導引官導 上至

南宮奏議

卷三

四

鈴山堂

神御前奏摺圭奏獻帛獻訖奏獻爵獻訖奏出圭奏
詣讀祝位內贊奏跪贊讀祝讀祝官讀訖奏俯伏興
平身 傳贊同 奏復位樂止典儀唱行亞獻禮奏樂 儀
同初獻惟不讀祝 樂止典儀唱行終獻禮奏樂 儀同
亞獻 樂止太常寺卿進立于殿東西向唱賜福胙光
祿寺官捧福酒胙內贊奏跪奏摺圭光祿寺官以福
酒跪進內贊奏飲福酒 上飲訖光祿寺官以福胙
跪進內贊奏受福胙 上受訖奏出圭奏俯伏興平
身奏復位 上復位內贊奏兩拜 上兩拜平身 傳
贊同 典儀唱徹饌奏樂執事官徹饌訖樂止太常卿

詣神御前跪奏禮畢請還宮樂作內贊奏兩拜興平
身 傳贊同 樂止典儀唱讀祝官捧祝進帛官捧帛各
詣燎位樂復作內贊奏禮畢樂止 上捧主太常寺
官捧冊寶先行詣寢殿奉安訖導引官導 上出至
太廟門東乘板轎詣 睿宗廟門外 上降轎至
戟門外太常寺導引官導 上由左門入由殿左至
寢殿左門入請主出正殿奉安訖典儀唱樂舞生就
位執事官各司其事內贊奏就位 上就位典儀唱
迎神奏樂導引官導 上至香案前司香官捧香跪
進于 上左內贊奏跪 上跪奏摺圭奏上香 上

南宮奏議

卷三

五

鈴山堂

三上香訖奏復位樂止內贊奏四拜 傳贊陪祀官同
典儀唱上冊寶奏樂 上至冊寶案前內贊奏跪奏
摺圭奏進冊寶捧冊官以冊跪進于 上右 上受
冊獻訖仍授捧冊官置于案捧寶官以寶跪進于
上左 上受寶獻訖仍授捧寶官置于案奏宣冊太
常寺宣冊官取冊跪于 上右宣訖置于案奏宣寶
太常寺宣寶官取寶跪于 上左宣訖置于案奏出
圭俯伏興內贊奏復位奏禮畢樂止 上捧主太常
寺官捧冊寶先行詣寢殿奉安訖導引官導 上出
易服還宮

同日 睿宗祔享儀

一先期一日太常寺設牲醴於太廟如時禘禮司設
 監官恭設 睿宗獻皇帝神座衣冠於 孝宗敬皇
 帝位之次 一本日未時 上捧 太祖主遣官捧
 各廟帝后主詣太廟各奉安訖遣官先於 睿宗寢
 殿請主出太常卿跪奏請 睿宗獻皇帝神主詣詣
 祔享降座陞輿遣官奉安輿內至太廟丹陛下太常
 卿跪奏請 睿宗獻皇帝神主降輿至丹陛初登典
 儀唱樂舞生就位執事官各司其事遣官捧主至丹
 陛上門外典儀唱迎神 此樂歌二通典儀唱 睿宗
 南宮奏議 卷三 六 一 鈐山堂

獻皇帝謁廟 上捧主入就拜褥上內贊奏跪太常
 卿跪奏 孝玄孫嗣皇帝御名躬奉 皇考睿宗獻
 皇帝參拜內贊奏興拜五拜三叩頭畢捧主朝上立
 太常卿進立于東北西向唱賜座安主座訖內贊奏
 四拜興平身 傳贊陪祀官同 典儀唱奠帛行初獻禮
 奏樂導引官導 上至 太祖神主前奏摺圭奏獻
 帛獻訖奏獻爵獻訖奏出圭奏復位各廟捧主官捧
 帛爵詣各廟獻訖奏詣讀祝位內贊奏跪贊讀祝讀
 祝官讀訖奏俯伏興平身 傳贊同 奏復位樂止典儀
 唱行亞獻禮奏樂 儀同初獻惟不讀祝樂止典儀唱

行終獻禮奏樂 儀同亞獻樂止太常寺卿進立西向
 唱賜福胙光祿寺官捧福酒胙內贊奏跪奏摺圭光
 祿寺官以福酒跪進內贊奏飲福酒 上飲訖光祿
 寺官以福胙跪進內贊奏受福胙 上受訖奏出圭
 俯伏興典儀唱徹饌奏樂執事官徹饌訖樂止太常
 寺卿詣神主前跪奏禮畢請還官樂止內贊奏四拜
 興平身 傳贊同 樂止典儀唱讀祝官捧祝進帛官捧
 帛各詣燎位樂復作內贊奏禮畢樂止 上捧 太
 祖主遣官捧各廟主捧 睿宗主各詣寢殿 上易
 常服還宮大樂鼓吹振作

南宮奏議 卷三 七 鈐山堂

二十四日本部率太常寺陳設如儀 十五日本部
 率諸執事官恭詣奉天殿演禮 一十六日 上詣
 犧牲所視牲錦衣衛備隨朝駕如常儀由大明門正
 陽門西天門舊路視畢還宮次日以後太常寺具奏
 請命大臣看視 一十七日 上御奉天門太常寺
 奏祭祀齋戒如常儀 一十八日 上詣睿廟告請
 皇考睿宗獻皇帝配帝行一獻禮 一百官本日為
 始致齋三日 一十九日 上御奉天門太常卿同
 光祿卿面奏省牲如常儀 二十日 上常服詣奉

天殿恭視神位免朝錦衣衛備法駕設板輿於左順門 上常服乘輿至奉天門降輿由左門入禮部太常寺官導 上陞奉天殿左陛由殿左門入恭視神位畢還齋宮 一是日司設監設幕次於奉天門左 一二十一日子時鳴鐘 上出左順門乘板輿至奉天左門降輿具祭服導引官導 上由左陛陞典儀唱樂舞生就位執事官各司其事 上至御拜位前內贊奏就位 上就位典儀唱迎神奏樂內贊奏詣香案前奏跪搢圭 上跪搢圭司香官捧香跪進于 上左奏上香 上三上香訖奏出圭至配帝前

南宮奏議

天卷三

入

鈴山堂

讀祝讀祝官讀訖樂復作內贊奏俯伏興平身 傳贊百官同導至配帝位奏搢圭捧爵官以爵跪進于 上右 上受爵奏獻爵 上獻訖奏出圭奏復位樂止典儀唱行亞獻禮奏樂 儀同初獻惟不讀祝 樂止典儀唱行終獻禮奏樂 儀同亞獻 樂止太常卿進立東向唱賜福胙內贊奏詣飲福位 上至飲福位奏跪奏搢圭光祿寺卿捧福酒跪于 上右內贊奏飲福酒 上飲訖光祿寺官捧福胙跪于 上左內贊奏受福胙 上受訖奏出圭俯伏興平身奏復位 上復位內贊奏四拜 上四拜平身 傳贊百官同典儀唱徹饌奏樂執事官徹饌訖樂止典儀唱送神奏樂內贊奏四拜 上四拜平身 傳贊百官同樂止典儀唱讀祝官捧祝進帛官捧帛各詣燎位 上退拜位之東立典儀唱望燎奏樂燎半內贊奏禮畢樂止導駕官導 上至幕次易常服還宮即日早 上御奉天殿頒詔嘉靖十七年九月初五日奉 聖旨都依擬行

南宮奏議

天卷三

九

鈴山堂

大享禮成 頒詔表賀儀

仰惟 皇上肇舉大享明堂之祀大孝尊親至誠享帝追崇先烈並薦徽稱聖製精詳禮儀順正 臣等中

外臣工恭逢盛事豈勝歡忭本月二十一日典禮告成詔示天下理宜稱賀合於二十二日恭請 皇上御奉天殿容文武百官上表稱賀 臣等會司大學士 臣李時等謹將頒詔并慶賀禮儀逐一恭擬開坐上請伏乞 聖明裁定勅下遵行 計開頒詔儀前期一日鴻臚寺官設詔案錦衣衛設雲蓋于奉天殿內東列設雲盤于承天門上設綵輿于午門外鴻臚寺設宣讀案于承天門上西南向教坊司設中和樂及大樂于午門外鴻臚寺列百官班次于承天門橋南是日錦衣衛設鹵簿駕百官各具朝服入丹墀內侍

南宮奏議

卷三

十一

鈐山堂

排班引禮官引文武百官就拜位樂作贊四拜樂止唱宣讀展詔官陞案稱有制贊衆官皆跪禮部官捧詔書授宣讀官宣讀官宣訖禮部官捧詔書置雲盤中贊俯伏興樂作四拜樂止唱搢笏鞠躬三舞蹈跪唱山呼萬歲者三唱出笏俯伏興樂作四拜興平身樂止序班報鴻臚寺官跪奏禮畢駕興百官以次出禮部官捧詔書授錦衣衛官置綵輿中以綵索繫于龍竿頒降禮部官捧詔書置于龍亭內鼓樂迎至禮部授使者頒行天下 百官上表慶賀儀前期一日鴻臚寺官設表案教坊司設中和樂及設大樂是日

南宮奏議

卷三

十一

鈐山堂

立 上具冕服御華蓋殿鴻臚寺官引執事官進至華蓋殿就次行五拜三叩頭禮贊各供事鴻臚寺官奏請陞殿樂作導引官導 上陞座翰林院官先捧詔書于華蓋殿從至御座前東立西向樂作鳴鞭報時雞唱定時鼓訖唱排班文武官入班鴻臚寺官贊四拜樂作興樂止百官出至承天門外伺候鴻臚寺官舉詔案于殿中贊頒詔翰林院官捧詔書授禮部官禮部官捧詔書置于雲盤內案上校尉擊雲蓋俱從殿左門出至午門外禮部官捧詔書置綵輿內樂作公侯伯三品以上官前導迎至承天門上鳴贊唱

錦衣衛設鹵簿駕百官各具朝服入丹墀內侍立 上具冕服御華蓋殿鴻臚寺官引執事官進至華蓋殿就次行五拜三叩頭禮畢贊各供事鴻臚寺官奏請陞殿樂作導駕官導 上陞座樂止鳴鞭報時雞唱定時鼓訖唱排班文武百官入班鴻臚寺官贊四拜樂作興樂止贊進表樂作執事官舉表案由殿左門入置于殿中樂止贊宣表目宣表目官宣訖贊俯伏興贊宣表贊百官皆跪宣表官宣訖贊俯伏興序班徹表案於殿東樂作贊四拜興平身樂止唱搢笏鞠躬三舞蹈跪唱山呼萬歲者三唱出笏俯伏興樂

作四拜興平身樂止鴻臚寺官跪奏禮畢駕興嘉靖十七年九月初五日奉
聖旨依擬行

玄極寶殿奉安大享 正位 配位儀

本年九月初九日該內閣節奉 聖諭大享 神御位 配帝位 二聖內殿神位不宜過期亦須十一日戌刻南宮製造十五日先奉安玄極寶殿吉服祭之卿等即語嵩遵行欽此查得嘉靖十年九月奉神殿成 聖駕親往奉安 神御板該本部具儀題奉欽依外今大享 神御位 配帝位恭製告成 皇

南宮奏議

卷三

三

鈐山堂

上躬詣玄極寶殿奉安致祭理合照例恭擬儀注上進御覽伏乞 聖裁勅下欽奉施行 一先期奉迎神御位 配帝位于重華殿上香行禮捧安神輿次至 玄極寶殿奉安合用大臣二員伏乞欽命 一翰林院撰祝文太常寺備脯醢酒果制帛香燭設神輿香案于重華殿同日太常寺同司設監官設神案二香案二于 玄極寶殿設祭品如常儀司設等監設 上拜位讀祝位于殿中是日質明遣官恭詣重華殿行上香一拜三叩頭禮畢捧 上帝神位捧睿宗獻皇帝神位各奉安輿中訖錦衣衛官校舉

輿禮部太常寺官隨行至 玄極寶殿丹陛下遣官就神御中捧 神御位 配帝位各奉安訖 駕至遣官跪奏神位奉安訖禮部太常寺堂上官各二員導 上由左門入殿左門與儀唱執事官各司其事內贊奏就位典儀唱迎神內贊導 上詣香案前奏跪上香 上三上香訖奏復位奏四拜興平身典儀唱奠帛行初獻禮內贊導 上詣 上帝神位前奏奠帛奠訖奏獻爵獻訖導 上詣 睿宗神位前儀同奏復位典儀唱行亞獻終獻禮如前儀惟不讀祝上復位內贊奏四拜平身典儀唱讀祝官捧祝進

南宮奏議

卷三

三

鈐山堂

景神殿奉安 成祖 睿宗神位儀 九月十三日該本部欽奉 聖諭十五日寅時 玄極寶殿奉安 神御位 配位行禮畢即詣景神殿奉安 二聖神位欽此謹遵 聖諭恭擬儀注上進御覽伏乞 聖裁勅下欽遵施行 一先期翰林院撰祝文太常寺備脯醢酒果制帛香燭設神輿香

案于重華殿是日日本部率太常寺同司設監官恭設神座香案于景神殿設祭品如常儀設 上拜位於殿中是日日本部尚書恭詣重華殿行上香一拜三叩頭禮畢太常寺官捧 成祖文皇帝神位 睿宗獻皇帝神位各奉納輿中訖錦衣衛官校舉輿禮部太常寺堂上官隨行至景神殿丹陛下太常寺官就神輿出 成祖神位 睿宗神位各奉安訖駕至本部尚書詣前跪奏神位奉安訖禮部太常寺堂上官各二員導 上由左門入殿左門典儀唱執事官各司其事內贊奏就位典儀唱迎神內贊導 上詣香案南宮奏議 卷三 鈐山堂

前奏跪奏上香 上三上香訖奏復位奏二拜興平身典儀唱奠帛行初獻禮內贊導 上詣 成祖神位前奏奠帛奠訖奏獻爵獻訖導 上詣 睿宗神位前奏奠帛奠訖奏獻爵獻訖奏跪贊讀祝讀祝官讀訖奏俯伏興平身典儀唱行亞獻終獻禮如前儀惟不讀祝內贊奏二拜興平身典儀唱讀祝官捧祝進帛官捧帛各詣燎位 上退拜位之東內贊奏禮畢 上還宮十四日奉 聖旨依擬 奉 諭增大享配位

本月十三日欽奉 聖諭秋享大禮增設從位八壇一大明二夜明三星辰四雲雨風雷五太社帝社六太稷帝稷七天下司土之神八天下司穀之神俱於奉天殿丹陛設位欽此臣等竊惟上帝所居則百神從之茲者恭舉明堂大享之祀天帝居歆臨之在上百靈儼扈質之在傍允合古者事以人道之義仰見皇上睿思淵微制禮周備非臣下愚謏庸陋所能及也臣等除將奉到欽降圖式另行恭畫全圖上進外理合題請恭候命下行令太常寺將合用牲幣儀物作速恭辦及奏請分獻官員謹題請旨十四日奉南宮奏議 卷三 鈐山堂

聖旨是 大享增太常執事官 本年八月二十六日欽奉 聖諭明堂大享增設太常寺執事官俱照園丘事例行又蒙 聖諭太常寺見在讀祝奏禮等項官遇用不敷禮部便考選堪用的來看欽此欽遵隨行據太常寺開稱園丘壇進俎陳設導引舉麾鋪位看洗祭器收支放牲看燎協律贊禮司樂等官共四十員樂生七十二名文生六十六名武生六十六名燒香點燭樂舞生四十八名典儀執事樂舞生三十五名共二百八十七名臣等為

照太常職專祠祀宗祝贊禮要在得人況今明堂大享我皇上恭舉百代曠典委應備官供事昨者大議方成吉期已迫禮貴從宜事惟克斷此聖人制事之權當如是也今一應禮度儀物若釐正從位若造辦祭器樂器若建置神庫神厨處所俱合逐一計畫

臣等恭候 聖明裁定勅下次第舉行所擬增設太常寺官員 臣等既經奉有 聖諭理合題請伏候命下本部行令太常寺將見任典簿協律郎贊禮郎司樂等官及見在樂舞生俱開送本部嚴加考選擇其器質清厚聲音洪暢禮儀閑習堪備讀祝贊禮者分別等第疏名上請定奪以次充補執事等官庶幾官守充備足稱禋典再照該寺樂舞生見在各壇名數尚缺今次又該加增二百八十七名收選愈難 臣等切惟各壇舉事異時合無將見在樂舞生遴選年質出類者通融兼用伏乞 聖裁嘉靖十七年十月初一日奉

聖旨今秋肇稱大享制度未備諸建置釐正事宜待朕命行太常官便精加考選樂舞生准通融執事

南宮奏議卷第三

南宮奏議卷四目錄

大儀	上園丘冊表預告神祇并發 勅儀
欽定郊壇內圖	
欽定郊壇外圖	
欽定神祇壇位	
欽定 太廟上冊圖	
欽定告祀并發 勅儀注	
園丘上冊表及 太廟上尊號儀	
奉題 太廟神王儀	
南宮奏議 卷四目錄	一
大禮告成請表賀及 頒詔儀	
再上表賀儀	
郊 廟上冊禮成復 命	
請遣官示諭宗藩	
請 詔諭外夷	
請刊給 聖諭	

南宮奏議 卷四

南宮奏議卷第四 鈴山堂集四十四

大儀

上 園丘冊表預告神祇并發 勅儀

嘉靖十七年十月二十日該臣嵩節奉 聖諭朕取

二十四日於茲月躬行奏謝 天垂景雲禮于 玄

極寶殿子刻行事畢往詣南郊恭以 上帝尊號預

告于神祇回御殿發勅秩宗具禮儀注欽此仰惟

皇上昭事 皇天恭上冊表預告百神所以因卑達

尊克盡臣子之義者也 聖見高明裁畫允當臣等

忝職禮官謹當竭誠盡敬仰贊非常之典所據預告

南宮奏議 卷四 一 鈴山堂

及發勅禮儀謹遵 聖諭開列上進 臣等切惟 天

帝尊臨無上凡在天之神在地之祇無所不統然其

稱號難以悉陳合無查照 南北郊神祇壇位恭列

于園丘之下東西相向天神於北首地祇次之謹將

陳設位次上呈 御覽以俟 聖裁其發勅儀今次


上冊 皇天 皇祖典禮隆重難視故常所宜播告

大廷百官各具朝服聽受宣讀伏乞 聖明裁定恭

候勅下遵行本月二十二日奉

欽定上

園丘冊表郊壇內外圖



欽定神祇壇位

天神一大明之神三爵 帛紅色

二夜明之神三爵 帛白色

三木火土金水星之神蓋三十 帛蒼赤素黑黃

二十八宿之神帛白色

周天星辰之神帛白色

四雲師之神蓋三十 帛黃色 雨師之神帛黑色

風伯之神帛黑色 雷師之神帛青色

五周天列職之神蓋五十 帛五色 五段

地祇一中嶽嵩山之神蓋五十 帛俱紅色

南宮奏議

卷四

三

鈴山堂

東嶽泰山之神 南嶽衡山之神

西嶽華山之神 北嶽恒山之神

中鎮霍山之神 東鎮沂山之神

南鎮會稽山之神 西鎮吳山之神

北鎮醫無閭山之神

基運山之神 翔聖山之神

神烈山之神 天壽山之神

純德山之神

二東海之神蓋五十 帛俱黑色

南海之神 西海之神

北海之神

河瀆之神

濟瀆之神

三際地列職祇靈蓋五十 帛五色 五段

四天下之神蓋五十 帛紅色 十段

五天下之祇蓋五十 帛黑色 十段

六戊戌太歲之神蓋十 帛黃色 一

十月神將直日功曹之神

郊壇司土之神

江瀆之神

淮瀆之神

南宮奏議

卷四

四

鈴山堂

欽定太廟海圖

樂生

舞生

文

武

親王功臣

親王功臣

樂生

舞生

文

武

親王功臣

親王功臣

樂生

舞生

文

武

親王功臣

親王功臣

樂生

舞生

文

武

親王功臣

親王功臣

太廟

御拜位 殿

丹

文臨祀官

武陪祀官

冊案

宣讀管 中宮拜位 門

武

文

御史 序班

寶案

舞生

武

文

親王功臣

親王功臣

樂生

舞生

武

文

親王功臣

親王功臣

樂生

舞生

武

文

親王功臣

親王功臣

欽定告祀并發勅儀注

一告祀二十四日朕具常服分獻陪拜官具吉服嚴辦朕至壇所內贊奏就位迎神上香分獻陪祀官跪宣行兩拜奠獻如常典禮唱宣告文分獻陪祀官跪宣文官立宣訖百官俯伏興亞終獻如常送神行兩拜宣文官捧文進帛官捧帛各詣燎位內贊奏禮畢一發勅朕至華蓋殿執事行禮如常樂作朕至殿中立定樂止鴻臚寺官舉勅案至殿中朕親取勅授大宗伯輔臣言立受以制詞授宣制官朕坐鳴鞭行禮傳制如常該寺官奏禮畢樂作朕起大宗伯捧勅由

南宮奏議

卷四

五

鈐山堂中

中道出至奉天門發示禮部捧出開讀叩頭如常

園丘上冊表及 太廟上尊號儀

嘉靖十七年十月二十四日欽奉 勅諭朕以支服藉 皇考聖母積德乃大蒙 天眷嗣主華夷十復七載一政無為獨懷感戴 大造之仁 祖本之重無可仰酬於心今乃特竭朕衷左右諮謀于三五大臣且合辭同情聞之臣庶敢以一念之微上報兆民之主茲已同卿等預告于神祇恭取來月朔旦親率臣民趨詣南郊拜上 皇天上帝大號冊表于園丘是午復詣太廟加尊 皇祖御謚聖號為 太祖開

南宮奏議

卷四

六

鈐山堂中

天行道肇紀立極大聖至神仁文義武俊德成功高皇帝 高皇后慈謚懿號為孝慈貞化哲順仁徽成天育聖至德高皇后度幾盡朕報 天報 祖之微誠聊且少罄焉爾禮部恭具 大儀來聞敬哉敬哉故諭欽此欽遵臣等仰惟我 皇上道高千聖德並九玄獨觀本始之原肇薦丕崇之號此從古帝王未有見於此道之真而能成斯禮之大者也是故禮行于 郊而至敬尊 祖 列聖於是而居歆焉臣等恭廟而大孝尊 祖 列聖於是而居歆焉臣等恭職禮司欣逢鉅典敢不力効愚忠以仰贊 皇上對越精誠於萬一謹遵 欽定日期恭擬合行禮儀注開坐上請伏乞 聖明裁定勅下遵行 一 園丘恭上冊表儀先期翰林院恭擬合用祭告文太常寺嚴備特牲熟薦十二籩豆玉帛及告景神殿脯醢酒果 一 捧冊表 欽命大臣二員文武官陪拜國子監監生順天府生員宛大二縣耆民人等俱隨班行禮在朝于午門外序列在壇于昭亨門外序列先四日 上御奉天殿太常寺奏齋戒如常儀百官致齋三日都察院差御史點齋太常寺光祿寺官面奏省牲如常儀先一日鴻臚寺官設冊表案于奉天殿正

中內侍官設冊表綵輿于丹陛上設香案于冊表輿前教坊司設中和樂大樂錦衣衛設鹵簿大駕并舉輿官校本日禮部率太常寺官恭詣園丘設冊表案于神御位右設上拜位於三成正中司設監設大次于園丘神路之東陳設畢禮部率太常寺官演禮遣重臣上香奉請神御位太常官設輿于泰神殿丹陛下奉神位陞輿導引官二員前導陞園丘奉安訖候上至大次復命神祇十一壇紙位列于內壝下天神東西向地祇北向設酒果脯醢不奠獻其紙位并帛太常執事官俟望燎各起捧分燎天神爐

南宮奏議

卷四

七

鈴山堂約

奏就位 上就位典儀唱迎 帝神奏樂內贊導上至香案前奏跪奏搢圭奏上香 上三上香訖奏復位樂止內贊奏四拜 傳贊百官同 典儀唱升冊表奏樂內贊奏陞壇 上陞壇樂暫止奏跪 傳贊百官皆跪 奏搢圭原遣大臣二員一捧冊表進于 上右 上受冊表獻訖一接受于 上左付宣冊表官奏出圭奏宣冊表太常卿跪宣訖原受冊表大臣復進于 上 上親捧奠于帛篚樂復作奏俯伏興平身 傳贊百官同 奏復位典儀唱奠玉帛奏樂內贊奏詣神御前 上陞至 神御前奏搢圭捧玉帛官以玉帛跪進于 上右 上受玉帛奠訖奏出圭奏復位樂止典儀唱進俎奏樂齊郎舁饌至內贊奏詣神御前 上陞至 神御前奏搢圭奏進俎奏出圭奏復位樂止典儀唱行初獻禮奏樂內贊奏詣神御前 上陞至 神御前奏搢圭捧爵官以爵跪進于 上右 上受爵奏獻爵 上獻訖奏出圭復位樂止典儀唱讀祝奏樂內贊奏詣讀祝位奏跪 上至讀祝位跪 傳贊百官皆跪 樂暫止內贊奏讀祝讀祝官跪讀訖樂作內贊奏俯伏興平身 傳贊百官同 樂止典儀唱行亞獻禮奏樂 儀同初獻惟不讀祝樂

南宮奏議

卷四

八

鈴山堂約

止曲儀唱行終獻禮奏樂儀同亞獻樂止太常卿進
 立于壇上東向立唱賜福胙內贊奏詣飲福位上
 陞至飲福位奏跪奏播圭光祿寺官捧福酒跪于
 上右內贊奏飲福酒上飲訖光祿寺官捧福胙跪
 于上左內贊奏受胙上受訖奏出圭奏俯伏興
 平身奏復位上復位內贊奏四拜上四拜傳贊
百官同典儀唱徹饌奏樂執事官徹饌訖樂止典儀
 唱送帝神奏樂內贊奏四拜上四拜傳贊百官同
 樂止典儀唱宣冊表官捧冊表進玉帛官捧玉帛讀
 祝官捧祝掌祭官捧饌各恭詣泰壇典儀唱望燎奏
南宮奏議 天卷四 九 鈐山堂
 樂上退拜位之東向立內贊奏詣望燎位燎半內
 贊奏禮畢樂止導駕官導上至幕次易服還宮太
 樂鼓吹振作一太廟恭上冊寶儀先期請命大
 臣三員以恭上皇祖尊號分告北郊太社稷
 帝社稷翰林院撰合用祭告文太常寺備辦牲醴
 如時禘儀司設監設冊寶案四于奉天殿冊東寶西
 設冊寶絲輿四于冊陞上設香亭于冊寶輿前教坊
 司設中和樂大樂錦衣衛設鹵簿大駕并舉輿亭官
 校司設監及太常寺官設冊寶案于太廟神座前
 設上拜位于殿內正中祭日上捧皇祖王

合用捧冊捧列聖王欽命官八員中宮捧高
 皇后主助行亞獻女官奏禮文官四品以上武官三
 品以上命婦隨班列東西近兩廡上稍北障以帷幙
 俱先期由東安門進入太廟俟候親王功臣設位
 兩廡酒果脯醢不奠獻是日文武百官先具朝服于
 金水橋南東西向立其陪祀文武等官各具祭服于
 廟街門北向立上冕服御華蓋殿鴻臚卿奏請行
 禮內侍官捧各冊寶置于案鴻臚寺官舉案由殿中
 門出導駕官導上隨行至冊陞鴻臚寺官各取冊
 寶置于輿內錦衣衛官督舉輿上乘板轎出奉天
南宮奏議 天卷四 十 鈐山堂
 門降轎陞轎侍衛鼓吹如儀導駕官退冊寶輿至金
 水橋南文武百官皆跪候過畢輿隨至廟街門內冊
 寶輿入廟街門內陪祀官皆跪候過畢輿上至
 太廟門降輅冊寶輿至冊陞下太常寺堂上官四員
 捧太祖冊寶內侍官四員捧高皇后冊寶由中
 門入至神御前東西向立太常寺導引官導上
 由殿左至寢殿上捧皇祖王中宮捧高皇
 后主出正殿陞座捧王官捧列聖王去櫃捧王東
 西立典儀唱樂舞生就位執事官各司其事內贊奏
 就位上就位典儀唱迎神奏樂內贊對引官導

上至香案前奏跪奏摺圭奏上香 上三上香訖奏復位樂止內贊奏四拜興平身 傳贊百官同 典儀唱舉冊寶奏樂內贊奏跪 傳贊陪祀官同 奏摺圭樂暫止捧冊官以 皇祖冊跪進于 上右 上受冊獻訖仍授捧冊官捧冊官以 高皇后冊跪進于 上左 上受冊獻訖仍授捧冊官捧寶官以 皇祖寶跪進于 上右 上受寶獻訖仍授捧寶官捧寶官以 高皇后寶跪進于 上左 上受寶獻訖仍授捧寶官捧寶官奏出圭典儀唱宣冊宣冊官二員以次跪宣訖置于案唱宣寶宣寶官二員以次跪宣訖樂復作

南宮奏議 卷四 十一 鈐山堂

奏俯伏興平身 傳贊陪祀官同 捧圭官各恭捧 列聖王陞座典儀唱奠帛行初獻禮奏樂內贊對引官導 上至 神御前奏摺圭奏獻帛獻訖奏獻爵獻訖奏出圭奏復位捧王官詣各廟上香獻帛爵訖奏跪 傳贊陪祀官同 贊讀祝讀祝官讀訖樂作奏俯伏興平身 傳贊陪祀官同 樂止典儀唱行亞獻禮奏樂

中宮獻 太廟爵皇妃八氏獻 八廟爵 傳同初獻惟不讀祝 樂止典儀唱行終獻禮奏樂 儀同亞獻 樂止太常卿唱賜福胙光祿寺官捧福酒胙內贊奏跪奏摺圭光祿官以福酒跪進內贊奏飲福酒 上

南宮奏議 卷四

飲訖光祿官以福胙跪進內贊奏受胙 上受訖奏出圭俯伏興平身奏復位 上復位內贊奏四拜 上四拜平身 傳贊陪祀官同 典儀唱徹饌奏樂執事官徹饌訖樂止太常卿詣 神位前跪奏禮畢請還宮樂作內贊奏四拜興平身 傳贊陪祀官同 樂止典儀唱讀祝官捧祝進帛官捧帛各詣燎位樂復作內贊奏禮畢樂止 上捧 高皇祖王 中宮捧 高皇后王太常并內侍官俸冊寶詣寢殿奉安捧圭官捧 列聖王各詣寢殿奉安訖 上還宮大樂鼓吹振作本月二十七日奉

南宮奏議 卷四 十一 鈐山堂

聖旨依擬捧冊表 方澤等告捧 列聖王官候別諭行

奉題 太廟神王儀

嘉靖十七年十月二十六日該臣高於文華殿面奉聖諭以十一月初三日巳時吉奉題 皇祖 高皇后神王欽此恭擬儀注上進奉 聖旨是奉請詞如何改了着更正欽此欽遵查得先該 成祖 睿宗二聖題王家欽定記事儀節發給 臣 嵩等查對今擬儀注失於詳檢謹欽遵更正即行內外衙門遵行仍將原發欽定記事儀節黃紙一帖隨本進繳 一

二八九

太廟奉題神王儀先期翰林院撰文太常寺備脯醢酒果如常儀司設監設題神王案于太廟寢殿東西置淨水刷子粉盞筆硯設盥盆帨巾中設香案文官三品以上武官公侯駙馬伯皇親指揮陪拜一合用題主大臣二員伏乞 欽命是日早免朝鳴鐘陪拜官具吉服于廟門街北向序立候駕至陪拜上具翼善冠黃袍乘板輿至太廟門右降輿太常寺導引官導 上由殿左入寢殿 上就位上香一拜叩頭畢至神床前跪太常卿跪奏謹請 皇祖太祖高皇帝 孝慈高皇后神王恭用奉題 上詣高

南宮奏議 天卷四 圭 鈐山堂

皇帝神王前捧王安於東案上內侍官詣 高皇后神王前捧王安於西案上 上復就拜位北向立內侍官各洗出舊字別塗以粉中書官重寫題主官各于東西向立奉題記 上捧 高皇帝王安于座內侍官捧 高皇后王安於座內替奏跪 上跪太常卿跪奏謹請 皇祖太祖開天行道肇紀立極大聖至神仁文義武俊德成功高皇帝神靈上神王太常卿跪奏謹請 孝慈貞化哲順仁徽成天育聖至德高皇后神靈上神王內替奏俯伏興 上捧 高皇帝神王內侍官捧 高皇后神王導引官導出正殿

陞座 上就拜位唱迎神內替對引官導 上至香案前奏跪奏上香 上三上香訖奏復位替四拜興平身 傳贊同 典儀唱奠帛行初獻禮導引官導 上至 皇祖神御前奏獻帛獻訖奏獻爵獻訖至 高皇后神御前奏獻帛獻訖奏獻爵獻訖奏復位內替奏跪 傳贊同 贊讀祝讀祝官讀訖奏俯伏興平身 傳贊同 奏復位典儀唱行亞獻禮 儀同初獻惟不讀祝典儀唱行終獻禮 儀同亞獻 太常卿詣 神御前跪奏禮畢請還宮內替奏四拜興平身 傳贊同 典儀唱讀祝官捧祝進帛官捧帛各詣燎位內替奏禮畢

南宮奏議 天卷四 圭 鈐山堂

上捧 皇祖神王內侍官捧 高皇后神王詣寢殿奉安訖導引官導 上出太廟門東陞輿還宮嘉靖十七年十一月初一日奉 聖旨還少降殿奉享四字題 主着武定侯勛輔臣鼎臣

大禮告成請表賀及 頒詔儀

嘉靖十七年十一月初一日恭遇 皇上親率臣民趨詣南郊拜上 皇天上帝大號冊表是午復詣太廟專上 皇祖御謚 高皇后慈謚大禮告成該本部具儀題請於本月初二日百官上表慶賀奉 聖

一第 476 冊 續修四庫全書 第 0 卷 史部

旨表賀待大報禮後行欽此又該臣嵩面奉 聖諭十一月二十一日 園丘大報禮成駕還百官行慶成禮畢即頒詔示告中外夷夏欽此 臣等切惟 園丘大報乃祀典之重而今次之祀比之常歲尤重臣等伏請 皇上於是日禮成回鑾臨御紫宸容令 臣等文武百官上表稱賀行禮畢即 頒詔覃恩誼告夷夏則天人交慶誠敬流通禮文昭備於一時聖澤覃敷於八表矣 臣等謹將上表 頒詔同日儀注恭擬開坐上請

再上表賀儀

南宮奏議

天卷四

十五

鈴山堂

二十一日於內閣抄奉 聖諭今日大報 皇天鉅儀九成朕銘心仰戴而斯大儀之賀可抑卿等之情乎着明辰刻間作賀如正且冬至儀內用傳制一節制云 皇天之尊升冊荷鑒朕心祇戴與卿等同之午前即大宴以歡慶云即示嵩行欽此仰惟 皇上尊上 皇天太號 皇祖尊稱駿典非常精禮禮達 臣等遭逢熙事恭覩告成禮宜稱賀昨者具請表賀未蒙俞允茲蒙 聖慈容令於明辰刻稱賀午前即大宴仰見 皇上曲體輿情上欽 帝賜愛同百辟懼溢兩間 臣等祇捧綸音不勝忻躍除即通行內外

各該衙門知悉及行鴻臚寺照依正旦冬至儀節併欽定制詞遵行外并行順天府生員耆民人等一體隨班行禮為此謹將上表 傳制儀注開具題知一二十一日鴻臚寺設表案教坊司設中和樂及設大樂是日錦衣衛設鹵簿駕百官各具朝服入丹墀內侍立 上具冕服御華蓋殿鴻臚寺官引執事官進至華蓋殿就次行五拜三叩頭禮畢贊各供事鴻臚寺官奏請陞殿樂作導駕官導 上陞座樂止鳴鞭報時鷄唱定時鼓訖唱排班文武百官入班鴻臚寺官贊四拜樂作興樂止贊進表樂作執事官舉表案由殿左門入置于殿中樂止贊宣表目宣表目官宣訖叩頭興贊宣表贊百官皆跪宣表官宣訖贊俯伏興序班徹表案于殿東樂作贊四拜興平身樂止傳制官奏 傳制俯伏興由殿東門出至丹陛之東西向立稱有制贊跪百官皆跪宣 制訖樂作贊俯伏興平身樂止唱搢笏鞠躬三舞蹈跪唱山呼萬歲者三唱出笏俯伏興樂作四拜興平身樂止鴻臚寺官跪奏禮畢 駕還宮侯設宴齊備恭請御殿行大宴禮

郊廟上冊禮成復命

南宮奏議

天卷四

十六

鈴山堂

嘉靖十七年十一月初一日恭遇 皇上冊拜 皇
 天大號同日冊上 皇祖高皇帝 高皇后尊號先
 於十月二十七日欽奉 勅臣嵩充導 泰神興官
 及知 太廟上冊監禮使發與之夕欽給簡一道
 御筆書敬之二字恩隨命下榮與懼并是夕子刻園
 丘行禮宇靜氣和風休雲歛星河朗潔燈燭燦輝至
 午 太廟行禮風日和煦景色尤佳凡在臣工均深
 贊慶而 廟祀大禮 欽定中宮亞獻一節備內外
 之官示陰陽之教為古禮之正此數千百年所不
 克舉之事非大聖人深達奧義力行古道其孰能與
 南宮奏議 卷四 七 鈐山堂
 於斯也 臣恭承簡命幸覩告成無任欣慶之至謹具
 題復 命以聞
 請遣官示諭宗藩
 嘉靖十七年十一月初一日恭遇 皇上拜冊 皇
 天大號 皇祖尊稱禮成先該臣嵩面奉 聖諭上
 冊禮成候園丘大報畢頒詔天下仍諭知宗藩欽此
 已該本部題奉欽依於本月二十一日頒詔例該差
 委行人等官并監生齋捧詔書前往各處開讀所據
 示諭宗藩齋捧御書官員合照例於翰林院六科官
 內行取疏名上請點用本部俱給文定立限期回還

如有違限者恭問奉
 聖旨是
 請 詔諭外夷
 伏遇 皇上恭上 皇天上帝太號 皇祖謚號禮
 成欽奉 聖諭詔示中外夷夏該本部議得朝鮮國
 照例行取翰林院并給事中各一員領勅前去詔諭
 其安南國先年朝貢不絕遣官詔諭事體俱同近因
 彼國叛亂不常貢道梗絕昨者恭奉 聖諭以其國
 亦在天覆之下宜與聞知以示無外大哉 皇言凡
 在臣工不勝欽服所據遣官 詔諭合遴選廷臣中
 南宮奏議 卷四 木 鈐山堂
 有文學才識通達國體者三四員疏名上進點差二
 員充正副使齋捧詔書前去播諭差去官員合無量
 假侍從堂上官職銜照例賜以一品服色庶幾事體
 崇重夷裔聳觀待其回日果有勞勩另議陞賞其琉
 球日本等國合無備行福建浙江等處布政司如遇
 本國使臣至彼合以今次恩詔騰黃一道就彼封付
 齋捧回國令其一體知悉伏乞 聖裁奉
 聖旨是安南詔使吏禮二部便會同推舉有才識堪
 以大用的三四員來看
 請刊給 聖諭

嘉靖十七年十一月二十二日恭遇 皇上園丘大報禮成 親賜宴群臣於奉天殿宴畢伏蒙 欽發面諭群臣 聖制一道制曰朕聞君人者父 天母地而為之子必若父子焉然知所 尊以尊尊焉凡一言一動以至於賞刑則不敢私一己之欲知所親以親親焉凡出入語默以至於民物則不敢作纖毫之惡無過與不及之患乃盡事天如父之道是謂之天子猶之子克肖以顯父母者也朕弗類帝王未盡事天之實顧且區區奉一字之尊以粉飾焉固若斯恐亦為一孝敬情者今 皇天下鑒朕之衷赤

兩宮奏議

卷四

九

鈐山堂

於言動賞刑出入語默之際以盡事天如父之道又勅諭臣工交相儆飭此真純一不已之誠踐形惟肖之聖千古帝王所不能及者也 臣等無任忻忭感戴之至謹恭捧到部命工刊刻合候命下遍給與宴群臣使之朝夕顧諟恒若天威在上玉音在耳各思竭忠贊輔以仰答洪恩於萬一焉為此謹將刻完 聖制一通上進 御覽謹具題以聞

兩宮奏議

卷四

三

鈐山堂

兩宮奏議卷第四

南宮奏議卷第五目錄

大慶一

請舉冊立 東宮大禮

再請舉冊立 東宮大禮

冊立 東宮請擇日具儀

冊立 東宮儀 大臣命婦慶賀
中宮儀附

請賀千秋令節儀

再請賀千秋令節

千秋令節各王府告祝儀

冬至請賀 東宮儀

南宮奏議

卷五

鈐山堂

南宮奏議卷第五

鈐山堂集四十五

大慶一

請舉冊立 東宮大禮

臣等切聞太子天下之本也自夏殷周以來享國有道之長莫不以儲嗣為大本豫建為急務故易稱主鬯禮重承祧漢世有司請立太子曰蚤建太子所以敬宗廟也賈誼亦曰太子正而天下定矣頃者皇天孚祐 列聖垂休 聖嗣誕生天下臣民鼓舞謳歌謂我國家億萬載無疆之慶然今誕降之期已踰數月中外臣工引領跂足咸願冊立之典及早舉行南宮奏議 卷五 鈐山堂

上以仰承 宗廟社稷之重下以繫屬四海蒸民之心臣等備員禮官恪敷彝典祇奉德音乃其職也是敢披瀝愚衷上干天聽恭惟 皇上治法三代道配兩儀臨御以來于茲十有六載肇 天地郊丘之祀正 祖宗禘祫之儀 九廟崇構適成 兩宮徽稱咸備諸所典禮煥然盛美獨有蚤建 元良豫端國本今日 朝廷至大至急之務莫有先於此者維時青陽布令淑氣凝和沍雷啓出震之祥明照應繼離之象所宜肇開鶴禁光闡鴻儀用綿萬世之禎允答三靈之眷伏望 皇上特賜俞音勅下本部行令欽

天監擇日舉行所有一應禮儀容臣等題請施行宗社幸甚天下幸甚臣等不勝惓惓祈懇之至嘉靖十六年正月十九日奉

聖旨卿等以冊立太子請具悉忠思可少待之

再請舉冊立 東宮大禮

臣等竊觀簡冊所載人君即位必蚤建太子此古今不易之道也其或謙讓未暇則有司請之所以尊宗廟重社稷定國本繫人心也仰惟 皇天眷命 列聖垂休元良篤生國本攸繫頃該臣等具題及勲戚文武百官上表陳情舉行冊立大禮 聖心謙讓未

南宮奏議

卷五

二

高

鈐山堂

賜俞音臣等踧蹐不復敢言然退而抱犬馬之忠積葵藿之悃耿耿于懷未敢一日而忘也茲者 皇嗣誕生之期已及周歲側聞天姿秀發日表異常中外輿情曷勝頌慶引領屬望咸願 陛下蚤騰明詔光舉盛儀予以仰承 帝眷祗慰 慈歡臣等職忝禮官義存體國輒敢不避煩瀆再竭悃誠用祈 天聽擬於十月朔旦容臣等勲戚文武百官再行上表陳請伏乞 聖明蚤賜宸斷勅下本部擇日舉行實宗廟社稷永永無疆之休臣等不勝惓惓祈懇之至嘉靖十六年九月二十六日奉

聖旨卿等以冊立元子大禮欲非請之但朕以為嬰弱茲卿等謂一國本定人心勉從忠愛知道了

冊立 東宮請擇日具儀

嘉靖十六年十月初一日該文武百官上表恭請冊立東宮奉 聖旨卿等以建儲重大復茲表請具悉忠誠 聖母亦以數言朕恭以 慈訓順以群情勉從所請用欽 天眷禮部知道欽此臣等仰惟 皇上祇奉 聖母皇太后慈訓上欽 天眷俯順輿情特賜允俞舉行大典綸命渙頒歡騰朝野實宗社萬萬年無疆之休臣等不勝慶幸合無本部行令欽天

南宮奏議

卷五

三

鈐山堂

監選擇吉日并合行儀注本部通行議擬上請候命

下施行

冊立 東宮儀

嘉靖十八年正月二十三日欽奉 勅諭禮部 朕仰承 皇天下眷賜生元子 已逾二歲宜前體慈聖面訓文武群臣累請茲朕親取來月朔丑刻躬奏告 南郊 太祖廟分命大臣祭告 北郊列聖宗廟 太帝二社稷朝日夕月神祇四壇即日申吉冊立 為皇太子并冊封第二子 為裕王第三子 為景王庶幾上慰 六祖 七宗之

神靈近遵 皇妣日切之訓遂副中外臣民之望爾
 禮部便如期具儀奏覽裁奪欽哉故諭欽此仰惟天
 啓 聖衷茂端國本適當蒼震發春之初爰定 青
 宮王鬯之禮仰承 慈訓俯答群情而 天枝競秀
 桐葉分封縟儀並舉于一時和氣暢延于六合誠
 宗社萬萬年無疆之慶也 臣等恭際昌辰欽承渙命
 不勝仰贊權戴之至謹將合行儀注恭擬逐一開坐
 上請伏乞 聖裁勅下遵行 一欽定冊立吉期嘉
 靖十八年二月初一日 一皇太子金冊金寶冠服
 玉圭等件已經通行內府成造 裕王 景王金冊
 雨宮奏議 卷五 四 鈐山堂

金寶冠服玉圭等件合行內府作速造辦 一前期
 三日齋戒初一日丑刻 皇上躬詣南郊以冊立
 皇太子 裕王 景王奏告 皇天上帝 駕回恭
 詣 太廟告聞 皇祖分命大臣祭告北郊 列聖
 宗廟 太社稷 帝社稷朝日夕月天神地祇合用
 欽命文武大臣十五員俱詣園丘陪拜畢各詣祭所
 行事俱用祭服太常寺恭辦祭品通用酒果脯醢三
 獻 上帝 皇祇加一牛翰林院撰告文文武陪祭
 官如常儀各具祭服陪拜百官各具吉服并耆老生
 儒俱於昭亨門外陪拜 一郊廟祭告畢 上以冊

立遣使告于 昭聖慈壽皇太后 上具常服恭詣
 慈寧宮以冊立告聞 慈孝獻皇后 欽命文武大
 臣九員充正副使持捧節冊寶前期鴻臚寺設節冊
 寶案各三于奉天殿中節冊東寶西設冊寶綵輿
 于丹陛之東教坊司設中和韶樂及大樂于奉天門
 內侍官設節案三于文華殿正中設冊寶案各三于
 節案前設香案于冊寶案前設 皇太子拜位于香
 案前設 裕王 景王拜位稍于後初一日錦衣衛
 設大駕鹵簿百官各具朝服入丹墀內侍立 上具
 冕服御華蓋殿鴻臚寺官引執事官進至華蓋殿就
 南宮奏議 卷五 五 鈐山堂

次行五拜三叩頭禮贊各供事鴻臚寺官奏 陛殿
 樂作導駕官前導 上陞座樂止鳴鞭報時雞唱定
 時鼓訖唱排班文武百官及生儒耆老人等入班鴻
 臚寺官贊四拜樂作興樂止左右侍班引禮正副使
 入就拜位贊四拜傳制官跪奏傳制俯伏與執事官
 舉節冊寶案由殿左門出置御道中傳制官由左門
 出稱有制贊跪正副使跪傳制官稱 制曰嘉靖十
 八年二月初一日冊立元子 為皇太子并冊封
 第二子 為裕王第三子 為景王命卿等持
 節行禮贊俯伏與又四拜禮畢執事官舉節冊寶置

于綵輿中黃蓋遮送教坊司作樂前導王文華殿正副使由中門入至丹陛上停止保姆奉 皇太子裕王 景王迎于文華殿門內正副使各捧節冊寶置于案節中冊東寶西內贊導保姆奉 皇太子裕王 景王就拜位贊四拜保姆奉 皇太子裕王 景王各拜興贊宣冊贊跪保姆奉 皇太子裕王 景王跪鴻臚寺宣冊官取冊立宣于 皇太子之左宣訖贊受冊捧冊官以冊授 皇太子內侍官跪代受以冊授捧冊官置于冊案宣冊官取冊立宣于 裕王之左宣訖贊受冊捧冊官以冊授 裕王內侍官跪代受以冊授捧冊官置于冊案宣冊官又取冊立宣于 景王之左宣訖贊受冊捧冊官以冊授 景王內侍官跪代受以冊授捧冊官置于冊案贊宣寶鴻臚寺宣寶官取寶立宣于 皇太子之右宣訖贊受寶捧寶官以寶授 皇太子內侍官跪代受以寶授捧寶官置于寶案宣寶官又取寶立宣于 裕王之右宣訖贊受寶捧寶官以寶授 裕王內侍官跪代受以寶授捧寶官置于寶案宣寶官又取寶立宣于 景王之右宣訖贊受寶捧寶官以寶授 景王內侍官跪代受以寶授捧寶官置于寶案

南宮奏議 卷五 鈐山堂

南宮奏議 卷五

贊俯伏興保姆奉 皇太子 裕王 景王興贊四拜保姆奉 皇太子 裕王 景王拜興禮畢正副使捧節由正門出于 奉天門具本復命初二日早太常寺備祭品脯醢翰林院撰祝文 上恭詣宗廟捧 德祖主各 廟列祖及 列聖神主十二位俱欽命捧 王大臣捧 王奉安畢 上具常服率 皇后貴妃王氏康妃杜氏靖妃盧氏各具禮服保姆奉 皇太子 裕王 景王恭行告謝三獻如常儀是日遣內侍官詣謝 昭聖慈壽皇太后 上具常服詣慈寧宮謁謝 慈孝獻皇后 皇后率貴妃王氏康妃杜氏靖妃盧氏代 皇太子 裕王 景王行八拜禮貴妃王氏康妃杜氏靖妃盧氏又代皇太子 裕王 景王詣 皇后前行八拜禮保姆又代 皇太子 裕王 景王詣 貴妃康妃靖妃行四拜禮畢回宮 一同日上表慶賀頒 詔儀前期一日鴻臚寺設 詔案表案錦衣衛設雲蓋雲盤于奉天殿內東別設雲盤于承天門上設綵輿于午門外鴻臚寺設宣讀案于承天門上西南向教坊司設中和樂及設

南宮奏議 卷五 鈐山堂

二九七

大樂于午門外鴻臚寺列百官班次于承天門外橋南錦衣衛設鹵簿駕百官各具朝服入丹墀內侍立上具冕服御華蓋殿鴻臚寺官引執事官進至華蓋殿就次行五拜三叩頭禮贊各供事鴻臚寺官奏請陞殿樂作導駕官導 上陞座翰林院官先捧詔書于華蓋殿從至御座前東立西向樂止鳴鞭報時鷄唱定時鼓訖唱排班文武百官入班鴻臚寺官贊四拜樂作興樂止贊進表樂作執事官舉表案由殿左門入置于殿中樂止贊宣表目官表目官宣訖叩頭興贊宣表贊百官皆跪宣表訖贊俯伏興序班徹

南宮奏議 卷五 八 鈐山堂

表案于殿東隨舉詔案于殿中贊四拜樂作平身樂止鴻臚寺官贊頌詔翰林院官捧詔授禮部官禮部官捧詔置于案上雲盤內叩頭興鴻臚寺官舉案從殿左門出鴻臚寺官跪奏禮畢駕興校尉擎雲蓋至午門外禮部官捧詔置綵輿內樂作公侯伯三品以上官前迎至承天門上鳴贊唱排班引禮官引文武百官就拜位樂作贊四拜樂止唱宣讀展詔官陞案稱有制贊衆官皆跪禮部官捧詔授宣讀官宣訖禮部官捧詔置雲盤中贊俯伏興樂作四拜樂止唱播笏鞠躬三舞蹈跪唱山呼萬歲者三唱出笏俯伏興

樂作四拜興平身樂止禮畢百官以次出禮部官捧詔授錦衣衛官置綵輿中以綵索繫于龍竿頒降禮部官捧詔置于龍亭內鼓樂迎至禮部授使者頒行天下同日文武百官慶賀 昭聖慈壽皇太后表文一通奉至午門外司禮監官捧進同日文武百官命婦慶賀 中宮行禮是日文武百官上表畢進箋慶賀 皇太子前期鴻臚寺官設案于文華門至日班首官捧箋置案上行叩頭禮司禮監官捧進遣官齋捧御書禮物前往各王府報知俱用南郊原遣各官一併齋捧遣官詔天下例該差行人等官監生各十

南宮奏議 卷五 九 鈐山堂

二員名充正副使本部照例題請詔諭朝鮮國同南郊冊禮詔諭一併齋捧本部行取翰林院六科官各二員疏名上請點用本月二十六日奉

聖旨是都依擬行命官別待諭命婦着入內行賀禮

慶賀千秋令節儀

嘉靖十八年十月初六日敬遇 皇太子殿下千秋令節例該文武百官行慶賀禮節該本部具題奉聖旨慶賀儀便具擬來看 臣等仰惟青宮正位虹渚屆祥今歲首行稱賀此實我 皇上茂膺皇天休眷國家無疆之大慶也然此典曠而弗舉者三紀于茲

所據慶祝禮儀_臣等謹按本朝典章國初正日冬至
千秋節皇太子於大本堂受三公師傅賀設答拜褥
位此禮後不復行於東宮受群臣賀侍儀司設文武
官使客學官等拜位拱衛司陳儀仗承令官引進啓
外備官目雖與今殊而儀節則不甚異今據大明會
典所載及查得弘治九年九月二十四日皇太子令
節朝賀儀注係累朝相承舊規_臣等理合遵照恭擬
開坐上請仰乞 聖明裁定勅下遵行庶縉典肇陳
而臣民胥慶矣 一先期內侍官設 皇太子座于
文華殿中錦衣衛設儀仗於殿外東西教坊司陳大
南宮奏議 卷五 十 鈐山堂
樂於文華門內東西北向府軍衛列甲士旗幟于門
外錦衣衛設將軍十二人于殿中門外及文華門外
東西相向立鴻臚寺官設箋案於殿東門外設文武
官拜位于文華門外設宣箋等官位於殿內東西是
日早文武官於奉天門常朝畢各出具朝服赴文華
門外北向立俟 皇太子具冕服於文華後殿陞座
本部官入啓朝鮮國王進貢馬匹方物數目畢鴻臚
寺官贊執事官行禮訖啓請陞座導引官奉迎 皇
太子出樂作陞座樂止贊禮唱_臣齊鞠躬樂作四拜
興平身樂止唱進箋給事中前_臣箋案由殿東門入

置殿中內贊唱宣箋目宣訖俯伏興平身唱宣箋外
贊唱跪展箋官取箋宣箋官宣訖內外皆贊俯伏興
平身即舉案置殿東外贊唱衆官皆跪代致詞官中
道跪致詞云具官_臣某等茲遇 皇太子殿下壽誕
之辰_臣某等敬祝千秋壽贊俯伏興樂作四拜平身
樂止鴻臚寺官啓禮畢嘉靖十八年九月十五日奉
聖旨儀中既云具冕服必待冠禮之後可行
再請賀千秋令節
該本部恭擬儀注具題奉 旨儀中既云具冕服必
待冠禮之後可行_臣等捧誦 明旨仰見 皇上重
南宮奏議 卷五 十一 鈐山堂
禮俟時未合事理之宜但_臣等恭遇令節_臣于慶祝
未伸下情實不安處合於是日早敬請 皇太子具
常服御文華殿陞座錦衣衛照例陳設儀仗教坊司
設堂下樂文武百官仍具朝服先行四拜禮鴻臚寺
官具班首官名致詞稱賀畢復行四拜禮其啓進方
物宣箋等項全儀暫且免行合遵今奉 聖旨待冠
禮後本部另行題請舉行本年九月十九日奉
聖旨依今擬行
千秋令節各王府告祝儀
該潘王胤移奏敬惟 皇太子殿下正位東宮茂隆

國本所有千秋令節臣等拜祝禮儀雖會典開載略節未詳理合奏請乞勅禮部定制示下庶得便宜行事等因奉 聖旨禮部知道欽此臣等查得大明會典開載洪武十八年定王國禮儀凡遇東宮壽日行告祝天地禮其日設香案於露臺上設王拜位於案前文武官拜位于丹墀之東西王皮弁服就位百官具朝服隨班四拜王詣香案前跪衆官皆跪王致祝詞訖俯伏興復位衆官皆俯伏興又四拜禮畢今照潘王奏稱 皇太子千秋令節拜祝禮儀乞要定制示下遵行一節為照前項禮儀會典開載已備本部

南宮奏議 卷五 三 鈐山堂

難以別議但臣等看得會典內王致詞訖項下有十字註隨意致詞四字則各府稱祝不一似當定擬理合題請勅下翰林院恭擬祝詞發下本部通行天下王府各長史教授啓王知會一體遵守施行嘉靖十八年九月十四日奉

聖旨是依擬行 一祝詞內府抄出

欽定皇太子千秋令節 某王臣某敬惟 皇太子

殿下壽誕之辰敬祝 睿筭千秋

冬至請賀 東宮儀

照得嘉靖十八年十一月初三日冬至節文武百官

各具朝服於初四日恭俟 皇上御奉天殿行慶賀禮畢隨該赴文華殿朝賀 東宮查得舊例 皇太子千秋節及冬至文武百官朝賀其宣贊興俯之儀皆同二節致詞後例有傳令冬至致詞云茲遇律應黃鍾日當長至敬惟 皇太子殿下茂膺景福賀畢傳令官稱有令宣令云願長之節同臻嘉慶元旦致詞云茲遇三陽開泰萬物咸新宣令則云履端之節同臻嘉慶香得先該本部具題 皇太子正位東宮所有元旦冬至千秋令節理合行移各王府并南京禮部及在外五品以上衙門一體拜進箋文慶賀等

南宮奏議 卷五 三 鈐山堂

因奉 聖旨這箋文且着賀生辰元旦冬至暫待三年後進賀欽此又查得本年十月初六日千秋令節該本部覆題是日早敬請 皇太子具常服御文華殿陞座錦衣衛照例陳設儀仗教坊司設堂下樂文武百官仍具朝服行四拜禮鴻臚寺官具班首官名致詞稱賀畢復行四拜禮其啓進方物宣箋等項全儀暫且停免等因奉 聖旨是依今擬行又該鴻臚寺具題千秋是日日本寺執事官例該先於文華殿行禮等因奉 聖旨且罷是日暫免待出閣時行禮部知道欽此欽遵外今照冬至令節在邇其 東宮朝

賀禮儀臣等理合照例題請於初四日早慶賀畢隨
赴文華殿行禮合無遵照今歲千秋題准前項儀節
致詞前後行八拜禮惟復遵照待三年後行伏乞
聖明裁奪以便遵守嘉靖十八年十月初十日奉
聖旨已有明旨了

兩宮奏議

卷五

五

鈐山堂

兩宮奏議卷第五

兩宮奏議卷第六目錄

大慶二

議 東宮啓本事宜

參看尚書霍韜等聖功圖說

看議贊善羅洪先等乞舉 東宮朝儀

請報謝高祺

皇第四子生請告 長陵等陵及從官詞賀

皇第三子 皇第四子命名剪髮儀注

冊封貴妃淑嬪等儀

兩宮奏議

卷六

一

鈐山堂

南宮奏議卷第六 鈐山堂集四十六

大慶二

議 東宮啓本事宜

該本部題節該欽奉 聖諭這東宮奉啓事宜還查舊制詳議來說臣等查得大明會典所載洪武十年令群臣大小政事先啓皇太子處分十四年定啓東宮者皆稱臣二十八年定各衙門合啓事目至永樂二年定有東宮朝儀合啓事務在京止用奏本在外衙門務要奏本一本啓本一本欽此臣等又查得嘉靖十八年二月初七日該本部題冊立 皇太子正南宮奏議 天卷六 鈐山堂

位東宮所有元旦冬至千秋令節理合行移各王府并南京在外文武五品以上衙門照例拜進箋文慶賀等因奉 聖旨這箋文且着賀生辰元旦冬至暨待三年後進賀欽此臣等敬惟 東宮殿下顯受封冊正位元良天下臣民皆已繫望應合欽遵 祖宗舊制東宮合啓事務俱用啓本呈進但臣等議得國朝初制東宮或以年齒稍長出閣講學或以分攝朝政上決取裁封啓一節誠不可缺今 聖明在上軍國萬幾統於君父且官府官屬雖已建設而殿制朝儀俱尚未備又經奉有 聖旨東宮元旦冬至暨

待三年後進賀則一應請名請封章疏及天下諸司官吏給由之類似亦當恭候 東宮皇太子出閣受朝之時方議啓進其自今各處進到啓本合無仍令該寺暫且免進惟復別有定奪臣等未敢擅擬伏乞 聖裁

參看尚書霍韜等聖功圖說

該禮科抄出南京禮部尚書霍韜南京吏部考功司郎中鄒守益奏臣等伏蒙 聖恩擢補 東宮官僚臣等竊取古意繪為聖功圖一十三幅裝為一冊獻上 東宮殿下伏乞勅下內侍謹厚人員將臣等所繪圖冊時進 皇太子觀玩等因奉 聖旨霍韜鄒守益所進圖冊中間語多回隱意實假借謗訕非人臣禮着禮部看了從實來欽此臣等奉 旨看得霍韜鄒守益所進圖冊大約以稽古法 祖考勤恭儉為啓沃元良之助夫舉簡冊之格言聖王之遺範以仰裨 聖功此儒臣所當盡之職也但其中引義演詞不無窒誤夫奏內既云 東宮親王無讓齒之禮而又曰古聖齒胃謙德既曰神堯茅茨土階大禹卑宮非食 聖祖宮中隙地種蔬蓋云儉樸之為美營建之為勞矣而又曰恭遇 皇上應時創制宮室

繪圖冊時進 皇太子觀玩等因奉 聖旨霍韜鄒守益所進圖冊中間語多回隱意實假借謗訕非人臣禮着禮部看了從實來欽此臣等奉 旨看得霍韜鄒守益所進圖冊大約以稽古法 祖考勤恭儉為啓沃元良之助夫舉簡冊之格言聖王之遺範以仰裨 聖功此儒臣所當盡之職也但其中引義演詞不無窒誤夫奏內既云 東宮親王無讓齒之禮而又曰古聖齒胃謙德既曰神堯茅茨土階大禹卑宮非食 聖祖宮中隙地種蔬蓋云儉樸之為美營建之為勞矣而又曰恭遇 皇上應時創制宮室

服器規制大備為萬世法是其先後論詞自相矛盾不行明白開說却只托詞諷喻誠為語多回隱者恭照南京禮部尚書霍韜南京吏部考功司郎中鄒守益性資多僻議論好高徒知陳善納忠之為敬而不知迹類謗訕之為非矣臣等從實叅看伏乞 聖明裁奪嘉靖十八年閏七月初六日奉

聖旨你每既這等說姑念納忠免罪冊疏不行

看議替善羅洪先等乞舉 東宮朝儀

該左春坊贊善兼翰林院修撰羅洪先翰林院編修兼右春坊右司諫唐順之翰林院編修兼司經局校

南宮奏議

天卷六

三

金山堂

書趙時春各奏稱來歲首春當朝觀會試之期而文華受朝之儀缺而未講乞勅下各該衙門凡 東宮朝會一應儀注早為詳訂一應職屬早為慎選即於元日群臣於 奉天殿朝賀禮成即詣文華殿朝賀皇太子等因俱奉 聖旨禮部看了來說欽此臣等切惟為治以正名為先論禮以酌時為貴邇者伏遇 皇上肇建元良冊禮渙頒既以端天下之大本正天下之大防矣然歲時令節并千秋等筵賀節該本部具儀上請奉有 明旨待出閣時行 聖慮弘深以 皇太子年尚冲幼且重加保護俟睿體允臧

而後舉行朝賀之儀此蓋審禮酌時不欲徒示觀聽之文焉耳至於官僚之設慎簡預待使之靜修沃心之業以冀用於他日非遽責効於目前也 雄斷淵謨中外臣民翊戴欽承無容議矣今羅洪先等其所陳請雖出効忠但本部題奉 欽依已定且 君父在上近日 聖躬違和尚未全復 皇上既不受賀

東宮豈可臨朝所據 東宮正旦朝賀禮儀合遵

前 旨候出閣時本部另行題請舉行嘉靖十九年

十二月二十七日奉

聖旨卿等看得是羅洪先等狂背浮躁好生無禮姑

南宮奏議

天卷六

四

金山堂

從寬都着為民該部知道

請報謝高禱之神

臣等查得嘉靖十八年二月十五日該本部尚書李時題為崇禱祀以祈聖嗣事奉 聖旨朕嗣守祖宗洪業十八年于茲儲嗣未立深用切懷覽奏具見忠愛便會翰林院議擬具儀來說欽此隨該本部會同翰林院具儀上請節奉 聖旨是欽此已經欽遵擇吉設壇行禮訖今者 元祥誕降天胤日繁弓鞬載陳貯蠶斯答 宗社生靈永有攸賴此實我 皇上憲法經典肇修古祀精意感通之所致也禮宜崇修

報謝之典以彰祺神孚應之功伏望 皇上勅下所司先期設壇備制擇吉舉行本部酌擬儀注開具上請施行奉 聖旨是

皇第四子生請告 長陵等陵及從官詞賀

茲者恭遇 聖駕躬修春祭於 山陵該司禮監太

監鮑忠傳奉 聖旨嘉靖十六年二月二十九日朕

第四子生禮部知道欽此欽遵 臣等仰惟 皇上肇

修春祀式迓天休吉報逆馳儲祥疊見七陵擁佑瞻

佳氣之鬱葱萬眾謳歌頌皇圖之鞏固歡增 慈極

南宮奏議

卷六

五

鈐山堂

喜溢行宮是惟稀闕之逢正值享嘉之會此誠 皇

上峻德承天大孝格祖之所致也 臣等曷勝忭慶恭

請暫停 聖駕俯遂輿情於三月朔旦 皇上以誕

祥之慶恭告 長陵遣官分告六陵初二日容 臣等

從官於行宮鴻臚寺官致詞行慶賀禮以申 臣子惟

忻踴躍之忱 臣等不勝祈懇之至嘉靖十六年二月

二十九日奉

聖旨奏告典儀別有諭了詞賀從請

皇第三子 皇第四子命名剪髮儀注

先該本部題嘉靖十六年正月二十三日恭遇皇第

三子生所有三月之末命名剪髮之儀合於四月望

後選吉舉行奉 聖旨這命名儀視元子當等差再

擬來欽此又該嘉靖十六年二月二十九日皇第四

子生計今亦及三月之期所據命名禮儀相應一時

舉行並告 祖考合慶宮闈實為盛典查得先次元

良誕生其命名剪髮之儀節該本部題奉欽依擇日

皇上親告 皇祖 皇考及遣官分告 七廟前

期及擇師姆等以奉 皇子剪髮是日 皇后祇見

皇子 上具皮弁服命以制辭執 皇子之右手咳

而賜之名 皇后敬對承旨及一應禮儀題奉 聖

南宮奏議

卷六

六

鈐山堂

旨依擬欽此除欽遵外 臣等謹按禮經冢子生三月

之末擇日剪髮母以子祇見於君師姆相之執其手

咳而名之命以辭度子見於外寢撫其首咳而名之

禮率初無辭又曰庶子生其母沐浴朝服見於君擯

者若傅姆之屬以其子見君所有賜則君名之蓋以

重元子昭天倫等威之辨誠所當謹者也 臣等欽承

聖諭謹將合行儀注通行議擬上請伏乞 聖裁

勅下施行 一行欽天監擇皇子剪髮吉日上請

一欽命皇第三子皇第四子雙名該用載字行下字

用上邊傍字樣先勅內閣開擬上請 聖明簡定

一是日 上以命皇第三子皇第四子名告 皇祖于太廟告 皇考于獻皇帝廟遣官分告 七廟先期太常寺備香帛脯醢酒果翰林院具祝文 上以命皇第三子第四子名遣使聞于 昭聖慈壽皇太后前期 上擇內夫人敬慎者一人使為傅姆以奉 皇子剪髮是日早傅姆各抱 皇子于寢宮剪髮為鬢剪角如禮是日 上具常服御乾清宮陞座 皇后率康妃靖嬪各具服朝見行四拜禮畢 皇后侍立東面康妃靖嬪並中立傅姆各抱 皇子出自寢由西至殿內授皇第三子于康妃授皇第四子于

兩宮奏議

卷六

七

鈐山堂

靖嬪內贊奏曰康妃杜氏靖嬪盧氏敢用吉日祇見 皇子 上降座撫皇第三子之首咳而賜之名康妃 承且畢左還授皇子于傅姆立康妃後次撫皇第四 子之首咳而賜之名靖嬪承且畢左還授皇子于傅 姆立靖嬪後 皇后率康妃靖嬪再四拜畢傅姆抱 皇子隨各還宮次日 上御奉天門降手勅以皇子 睿名傳諭禮部行移宗人府上籍玉牒

冊封貴妃淑嬪等儀

嘉靖十六年四月十七日該內閣傳奉 聖諭朕荷 天庥賜生元子生母昭嬪王氏宜有進加以示寵異

取今月二十三日告于 皇祖 列聖 皇考遣使 持節以金冊金印進封為貴妃第四子生母靖嬪盧 氏進封為靖妃又列御錦衣衛正千戶英女劉氏補 封為淑嬪俊女王氏為宜嬪受女王氏為徽嬪嬪女 王氏為裕嬪嬪女陳氏為雍嬪具儀來看臣等恭捧 到部謹將合行禮儀注擬開坐上請伏候命下欽遵 施行 一冊封吉期遵照欽定嘉靖十六年四月二 十三日是日寅時 上具常服以進封貴妃靖妃告 于太廟分遣文武大臣八員告于 太宗廟 昭穆 群廟 獻皇帝廟先期太常寺備香帛脯醢酒果翰 林院撰告文其冊封淑嬪宜嬪徽嬪雍嬪前此已具 祝詞預併告訖茲不再告先期內府造貴妃金冊金 印并靖妃淑嬪宜嬪徽嬪裕嬪雍嬪各金銀冊冠服 玉圭等件本部奏請持捧節冊印行禮正副使十五 員前一日鴻臚寺設節冊印案于奉天殿節案居左 冊印案居右設節冊印綵輿于丹墀內教坊司設中 和樂韶樂及大樂錦衣衛設儀仗如朔望儀是日早 內官設貴妃受冊位于宮中設節冊印案于受冊位 之北節案居左冊印案居右設香案于節冊印案前 設靖妃淑嬪宜嬪徽嬪裕嬪雍嬪受冊位于各宮中

兩宮奏議

卷六

八

鈐山堂

設節冊案于受冊位之北節案居左冊案居右設香案于節冊案前設內贊各三人引禮各二人 一告廟畢 上具皮弁服御華蓋殿鴻臚寺官奏執事官具朝服行禮畢奏請陞殿導駕官導 上陞座文武百官各具朝服入班行叩頭禮左右侍班正副使亦具朝服入就拜位鳴贊贊四拜興傳制官跪奏傳制執事官舉節冊印案由殿左門出置御道中傳制官由左門出稱有制替跪正副使跪傳制官稱制曰嘉靖十六年四月二十三日進封昭嬪王氏為貴妃靖嬪盧氏為靖妃冊封錦衣衛正千戶劉英女劉氏為

南宮奏議

卷六

九

鈐山堂

淑嬪王倭女王氏為宜嬪王受女王氏為徽嬪王嬪女王氏為裕嬪陳璿女陳氏為雍嬪命卿等持節行禮贊俯伏興四拜禮畢執事官舉節冊印至綵輿中黃蓋遮送教坊司鼓樂導至右順門正副使朝北面立內官舉貴妃節冊印輿入將至宮門引禮請貴妃具禮服出迎于宮門外節冊印由正門入貴妃隨至拜位內官以節冊印各置于案贊四拜贊宣冊贊跪宣冊女官取冊立宣于貴妃之左訖贊受冊贊播圭宣冊女官以冊跪授于貴妃貴妃受冊授女官女官跪受于貴妃之右立于西贊受印女官以印跪授于

貴妃貴妃受印授女官女官跪受于貴妃之右立于西贊出圭贊興贊四拜禮畢又請靖妃淑嬪宜嬪徽嬪裕嬪雍嬪節冊輿同入將至各宮門引禮請靖妃淑嬪宜嬪徽嬪裕嬪雍嬪各具禮服出迎于宮門外節冊由正門入靖妃淑嬪宜嬪徽嬪裕嬪雍嬪隨至拜位內官以節冊各置于案贊四拜贊宣冊贊跪宣冊女官取冊立宣于靖妃淑嬪宜嬪徽嬪裕嬪雍嬪之左訖贊受冊贊播圭宣冊女官以冊授靖妃淑嬪宜嬪徽嬪裕嬪雍嬪各受冊授女官女官各跪受于靖妃淑嬪宜嬪徽嬪裕嬪雍嬪之右立于西贊出圭

南宮奏議

卷六

十

鈐山堂

贊興贊四拜禮畢內官持節由正門出貴妃靖妃淑嬪宜嬪徽嬪裕嬪雍嬪各送出宮門外內官齋節出至右順門外以節授正副使報禮畢正副使得報持節復命是日貴妃靖妃淑嬪宜嬪徽嬪裕嬪雍嬪受冊畢各具禮服候 皇上率詣景神前殿後殿行謁告禮如常儀先期太常寺備酒果脯醢翰林院具請撰告詞謁內殿畢貴妃靖妃淑嬪宜嬪徽嬪裕嬪雍嬪各具禮服詣 昭聖慈壽皇太后前 章聖慈仁皇太后前俱行八拜禮畢各詣乾清宮候 上服皮弁服陞座 皇后亦具服陞座贊引女官引貴妃靖

妃淑嬪宜嬪徽嬪裕嬪雅嬪諠前就拜位行八拜禮
畢還官次日 上御奉天門文武百官各具吉服鴻
臚寺官致詞稱賀

南宮奏議

卷六

十一

鈐山堂

南宮奏議卷第六

南宮奏議 卷七

南宮奏議卷第七目錄

大恤一

大行章聖皇太后喪禮儀

請定 顯陵合葬事宜

請行奉慰禮并頒 制諭禮儀

駕詣大峪禮儀

奉遷 顯陵合葬大峪事宜

請釋服還宮

上 大行皇太后尊謚并頒詔儀

南宮奏議

卷七

一

鈐山堂

南宮奏議卷第七 鈐山堂集四十七

大恤一

大行章聖皇太后喪禮儀

嘉靖十七年十二月初四日寅時該司禮監太監張佐傳奉 聖旨朕積愆深禍延 聖母不幸於本月初四日丑時崩逝合行喪禮事宜便會同翰林院計議具儀來看仰惟 大行皇太后奄棄至養 臣等驚怛不能已已謹即會同計議查照先年 孝貞皇太后喪儀參酌增損恭擬合行儀注上進伏乞 聖明裁定發下遵行 一聞喪日 上素服詣 大行皇太后宮前舉哀哀止括髮設奠復舉哀畢歸喪次 武廟皇妃 皇后皇妃皇嬪仁和大長公主等涇簡王妃舉哀禮同哀畢各歸次是日未時頒 遺詔小殮凡二十七日不鳴鐘鼓 一文武百官烏紗帽黑角帶素圓領俱詣 慈寧宮門外哭畢列班司禮監官由中門捧 遺詔出置于案鴻臚寺官替行四拜禮禮部尚書至案前跪取遺詔起捧授鴻臚寺官開讀宣讀訖鴻臚寺官替舉哀十五聲而止復替行四拜禮畢尚書捧遺詔衛士用黃傘覆由思善門中道右順中門午門等中門出至東長安中門出至部勝

黃次日進繳 一次日辰時大殮 上素服束髮詣

大行皇太后宮前舉哀設奠大殮奉安梓宮設几

筵安神帛立銘旌哭盡哀而退 一三日成服 上位服綴服詣 梓宮前舉哀行禮祭一壇 昭聖皇

太后遣祭一壇 武廟皇妃 皇后皇妃皇嬪公主

王妃皆成服各設祭一壇六尚及官人各隨祭禮畢

歸喪次是日內官內使祭一壇翰林院撰祭文光祿

寺辦祭物 一五日 上詣 大行皇太后宮前舉

哀朝夕設奠 武廟皇妃 皇后皇妃皇嬪公主王

妃哭臨如前儀六日如前儀七日公侯駙馬伯五府

南宮奏議 卷七 鈐山堂

六部等衙門官共祭一壇三品以上命婦共一壇每

七百日設祭 上位一壇 昭聖皇太后遣祭一壇

武廟皇妃 皇后皇妃皇嬪公主王妃各一壇

一在京文武官員自本日至第三日俱詣慈寧宮門

外哭退於本衙門宿歇不飲酒食肉第四日各具斬

纓服至慈寧宮門外朝夕哭臨三日各十五舉聲而

止凡在朝及在衙門視事用布裹紗帽垂帶腰經麻

鞋退居即服孝服通前二十七日而除一品至三品

命婦麻布大袖圓領長衫麻布蓋頭清晨由西華門

入慈寧宮門哭臨三日而止仍素服共二十七日而

除在京諸寺觀各聲鐘三萬杵禁屠宰十三日軍民素服婦人素服俱二十七日而除外國四夷使臣工部造與孝服隨朝官哭臨及行祭禮凡祭祀品物光祿寺備辦在京聽選官辦事官監生吏典僧道坊廂人等聞喪即易素服次日至第三日皆清晨赴順天府朝闕設香案朝夕哭臨至第四日官各具斬纓服監生人等素服朝夕哭臨三日舉聲各十五仍素服通前二十七日除 一在外諸王世子郡王王妃郡主以下聞赴皆哭盡哀行五拜三叩頭禮畢易素服第四日服纓服二十七日而除 一遺詔到日在外

南宮奏議 卷七 三 鈐山堂

文武官員人等素服烏紗帽黑角帶行四拜禮跪聽宣讀訖舉哀再行四拜禮畢各置斬纓於本衙門宿歇不飲酒食肉每日率合屬官僚人等朝闕設案朝夕哭臨三日各舉聲十五自是素服通前二十七日除在外官員命婦聞喪素服舉哀三日各舉聲十五素服通前二十七日除軍民男婦止素服十三日 一本部奏差行人等官齋捧 遺詔前往各處開讀本月初四日奉 聖旨依擬

請定 顯陵合葬事宜

茲者 大行章聖慈仁康靜貞壽皇太后駕馭升遐凡一應禮儀所當行者該本部題請次第舉行臣等查得先年 母后崩逝未踰旬月則議舉山陵開土之役誠以事莫大於送終窆窆之期理不可緩也但往時天壽山 列聖陵寢程途不遠事舉為易今皇考顯陵遠在承天所據合葬事宜臣下擅難輕擬仰冀淵衷睿畫早賜裁定勅下遵行嘉靖十七年十二月初七日奉 聖旨卿等以 山陵大事言朕惟 顯陵之奉遷在今日已無他諱便於天壽山大峪去處擇日興工作

南宮奏議 卷七 四 鈐山堂

急寫勅舉行 請行奉慰禮并頒 制諭禮儀

茲者伏遇 大行章聖皇太后奄棄至養永即仙遊仰惟 皇帝陛下誠孝發於天性顧復愴於至懷攀號感慕何以勝處臣等連日跂望天顏不勝徬徨系戀之至伏讀 遺詔叮嚀欲以萬幾為念保護 聖躬毋過哀戚伏望 皇上仰遵慈訓深抑至情以幸天下 臣等躬請 皇上於是月十二日早纓服御西角門容令文武百官行奉慰禮等因奉 聖旨卿等以奉慰為請朕正當守奉 几筵未忍一刻離次但

卿等所請勉從之欽此切惟終天之哀雖切萬機之應寔繁 慈誥叮嚀所以重大業而保 聖躬者也 伏蒙 皇上俯從 臣等所請不勝幸甚是日行奉慰禮畢恭候欽頒 制諭奉議 大行皇太后尊謚所有合行禮儀開坐上進

一十二日 上具縷服御西角門鴻臚寺官致詞文武百官素冠素服腰經行奉慰禮畢侍班 上召禮部官詣前跪翰林院官捧制諭授禮部尚書鴻臚寺官贊禮畢 上還禮部尚書捧制諭從中左橋中左門出至午門外文武百官隨出鴻臚寺官贊行四拜

南宮奏議

天卷七

五

鈴山堂

禮跪鴻臚寺官宣讀訖再行四拜禮各退禮部尚書捧 制諭出至部設香案行叩頭禮畢騰黃次日進 繳嘉靖十七年十二月初九日奉

聖旨是

駕詣大峪禮儀

茲遇 大行章聖皇太后慈駕遐升先該本部具題

山陵大事恭請 聖裁節奉 聖旨便於天壽山

大峪去處擇日興工欽此隨行據欽天監選到本月十五日辰時上吉破土興工本月初八日本部尚書 臣蒿恭奉 面諭於十三日聖駕發京恭詣大峪相

看作穴去處欽此 臣等仰惟 皇上聖孝天至自遭大故以來儼然衰經日奉几筵頃刻未忍離次茲以山陵事重不遑寧處召見勲輔 臣等面議擗踊號慟叩地呼天諸 臣莫不酸泣茲復慎重大事遠歷岡原躬親營度自古帝王未有 大孝純德如我 皇上者也 臣等謹遵 聖諭隨即傳行內外各該衙門知悉照依秋祭山陵事理如例遵行外仍恭擬儀注開坐上進伏乞勅下施行 一太常寺備辦告廟及祀陵祭品如常儀 一翰林院撰合用告祭文 一錦衣衛設丹陛素仗儀衛扈行 一簡命文武大臣居守

南宮奏議

天卷七

六

鈴山堂

京師請勅行事及兵部奏請直守皇城九門分調提督武臣把守各山口關隘選點扈駕軍馬奏差科道官點開俱如例 一戶部照例關給扈從官軍行糧工部差官隨宜整墊橋道光祿寺隨處預備御膳湯飯 一扈從官五府九卿堂屬官太常寺鴻臚寺官翰林院學士并日講官六科官六員十三道官十三員 一前期一日告廟遣官行禮 一十三日早駕發扈從官前行居守官同文武百官俱趨德勝門外候送 駕駕過退 一駕至沙河昌平州官吏師生耆老人等俱跪迎 駕駕過退 上至行宮進湯

膳畢陞座從官朝見行叩頭禮如常儀鴻臚寺官引
昌平州官吏師生及公差有事官吏見行五拜三叩
頭禮朝罷從官先行至天壽山行宮候 駕駕至從
官朝見行叩頭禮畢退 一十四日早從官朝參各
衙門奏事如常儀 一十五日 上具素翼善冠腰
經恭以建造 顯陵告於 長陵遣大臣六員分告
六陵同日遣大臣二員告 皇祖太廟 皇考睿
宗廟俱乞欽命 一告天壽山之神大峪山后土之
神共大臣一員伏乞欽命 一回鑿日免朝從官先
行 駕至沙河行宮從官行叩頭禮如常儀鴻臚寺
南宮奏議 卷七 七 鈐山堂

官引昌平州官吏辭行禮如常儀朝罷從官先行至
德勝門文武百官及軍民耆老人等俱於門外候迎
居守文武大臣伏謁 駕前致詞行叩頭禮 駕入
告 廟畢還次初九日奉
聖旨依擬行
奉遷 顯陵合葬大峪事宜
嘉靖十七年十二月初九日欽奉 勅諭昨該爾部
奏 聖母大行慈駕遐升謂事莫重於山陵蓋此實
孝子第一大事委不可緩朕受 遺訓以萬幾為重
郊廟為先矧時非上古朕雖不類先聖然今昔之

理大有不同且昨來 郊禮大儀尚餘未盡豈宜置
而後之目今便寫 勅分命重臣一面於原朕親視
之 天壽山大峪去處建造 顯陵作急擇日恭聞
于 祖宗列聖啓事興工一面南奉 皇考梓宮來
山合葬庶慰朕 二親之靈以伸朕以禮終事之微
情焉爾禮部便將合行事宜會同皇親內閣六卿共
議來聞故諭欽此 臣等會議得仰惟 皇上以 皇
考顯陵遠在江漢頃歲以來每履時歲之懷茲遇
慈馭上賓 聖情中切亟以襄事為圖而大峪之擇
實天設地藏之勝建造 玄寢南奉 皇考梓宮來
南宮奏議 卷七 八 鈐山堂
山合葬揆之古禮而正即之 聖心而安稽之羣議
而協 二聖安靈無復遺憾者矣茲蒙 聖諭特命
臣等將合行事宜共議來聞 臣等敢不悉心殫慮以
仰副 聖心於萬一蓋今日舉事二端一與大峪之
役一啓 承天之殞大峪之役內監庀工冬曹司計
輟各項凡役以速今工計日可就承天之役勅遣大
臣將命而往 靈駕就途亦刻期可至但奉啓之儀
要在嚴辦周慮務極情文之備何則 皇考始葬王
禮也今則天子也 陛下貴為天子富有天下而得
以天子之貴天下之富終事其親此古今之難值君

父之至榮也茲舉也 皇上大孝朝廷大典禮國家
 大舉措孟子曰養生不足以當大事惟送死可以當
 大事朱熹曰孝子之事親舍是無以用其力矣伏惟
 皇上聖孝惓惓以大事為重昨者賜召勳輔諸臣
 感慕哀慟命官董事具有成命 聖裁各極其當臣
 等愚慮萬弗能及者也目今有司仰遵 宸斷宜備
 尊謚香冊銘旌之屬宜備吉仗朝駕儀衛之屬凶
 仗龍輜香輿素翼之屬宜用斂衣冕服弁服圭玉佩
 綬烏履之屬俱合勅下內府成造奉將而往至於
 梓宮南至奉迎之禮俟差去大臣以啓程日期奏報
 南宮奏議 卷七 九 鈐山堂

另議題請至 慈駕發引之期 皇堂奉厝之禮俱
 容禮官次第具儀上聞臣等再惟 陛下孝德非常
 天人交贊臣子自宜效勞大事適當就緒伏望少抑
 思痛重護 聖躬天下幸甚臣等不勝幸甚謹將共
 議過合行事宜開坐伏乞 聖明裁定

一 顯陵奉遷儀

一 欽天監選到動土啓攢三吉日臨時酌用翰林院
 撰各合用祭文祝文太常寺備辦各祭告品物香燭
 制帛 一 今月十二日以奉遷 顯陵梓宮并大峪
 興工恭告 皇祖 列聖於景神殿 一 祭告 顯

陵啟遷發引各祭一壇 純德山之神后土之神榮
 澤河神各祭一壇俱差去大臣行禮光祿寺整辦有
 司出給品物太常寺具制帛香燭 一 梓宮備料製
 造開壙畢舊壙以土實之 一 隆慶殿神位香冊并
 陵殿香冊寶一應儀物等件俱隨行 一 製銘旌
 恭書 大明睿宗知天守道洪德淵仁寬穆純聖恭
 儉敬文獻皇帝梓宮 一 製 天子冕服弁服常服
 珮玉圭綬烏履全俱內府衙門作速恭製 一 備吉
 凶儀仗吉用見在丹陛駕凶用全物差去錦衣衛官
 督領擺設 一 欽命兵部尚書掌禮領兵合於禮部
 南宮奏議 卷七 十 鈐山堂

選差郎中二員兵部郎中員外郎各一員管理一應
 禮儀兵馬太常寺少卿一員掌祭帶執事官十人鴻
 臚寺少卿一員帶屬官等十人光祿寺少卿一員帶
 四署官四人各供事都察院奏差御史二員該科奏
 差給事中二員監視糾察差去內外重臣各請勅并
 給符驗關防官員吏役人等兵部照例起關應付應
 給口糧夫馬車輛 一行湖廣河南直隸真定保定
 撫按官督令各該有司衛分等官搭蓋席殿修理橋
 梁道路預處過河船隻差撥官軍夫匠供給各項行
 糧馬匹草料所過軍衛有司驛遞等衙門俱照關文

應付廩給口糧不許分外餽送下程等物因而指稱科擾 一告遷是日太常寺官設酒饌如常儀內贊唱執事官各司其事導引官導遣祭官至 山陵前替四拜興各差去官陪拜奠帛獻酒讀祝俯伏興四拜焚祝帛贊禮畢 一發引是日遣祭官至 梓官前致祭如前儀祭畢掌祭官跪奏奉請 睿宗獻皇帝梓宮啓行奏訖俯伏興以次前發如圖儀各官護行 一沿途每日早啓行太常官跪于 梓官前奏奉請 梓宮啓行奠酒俯伏興各官行叩頭禮每晚止宿太常官跪于 梓官前奏奉請 梓宮安駐奠

南宮奏議 天卷七 土 鈐山堂

酒俯伏興各官行叩頭禮每日朝夕二次各備饌五樣蔬果酒膳神官監尚膳監奏食如常儀 一經過有王府去處許王領率宗室素服出城奉迎致祭有司官先具幕次于席殿西王候 梓宮至跪迎道傍該府官預陳設祭物於席殿內贊唱就位鞠躬拜四拜興贊詣 靈駕前跪上香畢復位跪奠帛初獻爵讀祭文亞獻終獻畢贊四拜興平身焚祝帛禮畢 梓宮行王辭贊拜四拜興候道傍 梓宮過退還府 一王府附近去處遣輔導官致祭先於席殿陳設祭物候 梓宮至執事官贊拜四拜興贊詣 靈

駕前跪上香畢復位跪奠帛三獻爵讀祭文俯伏興四拜興焚祝帛禮畢 一各該撫按并三司官 梓官經過處所致祭與王府遣官儀同所過府州縣大小官員各致祭如前儀 一致祭品物簇盤一座豕一羊一果五盤點心五盤餛飩五盤餅五盤俱用顏色紙花案酒五樣菜五碟粉湯五碗飯五碗帛一段酒三爵并香燭紙 一撫按以下官員俱素冠服見辭各行五拜三叩頭禮所過地方街巷途次軍民人等遇梓宮過皆俯伏在地 一純德山陵殿隆慶殿守護人役及守備官俱候 梓宮到京該衙門奏請定奪

南宮奏議 天卷七 土 鈐山堂

一 梓宮啓行圖

騎軍	騎軍	素仗	儀仗	騎軍	步軍
<small>地方軍衛有司</small>	<small>奉侍迎護等官騎從</small>				<small>金鼓旗</small>
梓宮	神輿	神位亭	冊寶亭	香燭亭	銘旌
<small>地方軍衛有司</small>	<small>奉侍迎護等官騎從</small>				<small>金鼓旗</small>
騎軍	騎軍	素仗	儀仗	騎軍	步軍
<small>扈送官員人等</small>					

一大峪興工儀

一欽天監選到動土興工吉日翰林院撰合用祭文祝文祭告 六陵井 天壽山之神大峪山后土之

神司工之神各 欽命遣官行禮太常寺備辦各該
祭品香燭制帛 一請勅命知建造大臣并掌擬禮
制禮部堂上官總督官軍兵部堂上官提督工程工
部堂上官監收物料點閱官軍科道等官總提督工
程內官監官 一顯陵規制合遵奉 欽定儀式工
部內官監仍會同畫圖上請 一兵部查照 壽宮
事例處撥做工官軍工部議奏處辦木植甄石物料
錢糧及工匠夫役等項俱暫輟各項工役赴今所併
力成造本月十一日具題奉

聖旨奉迎 皇考梓宮遷建顯陵朕今日大事彼此

南宮奏議 卷七 銜山堂

合行事宜卿等會議亦既詳備朕心少慰并行圖俱
依擬行禮卿只在部掌禮不必赴工

請釋服還宮

茲者伏遇 大行章聖皇太后崩逝仰惟 皇上聖
孝天至慟慕情深日奉 几筵未忍離次此千古帝
王所不能及者也 臣等切惟帝王之孝與凡庶不同
故以日易月之制自漢以來至今數千年間莫之有
改誠以大寶傳承萬機聽覽厥繁惟重非可徇曾閔
之小節而妨宗社之大計也 臣等遠稽古義近循
祖宗舊典仰遵 慈誥恭請 皇上於本月十五日

釋縗服十六日易素翼善冠布袍腰經至本月三十
日通前二十七日而除且禮經凡人子居喪有疾則
飲酒食肉言不以戚傷生也凡庶且然况天子之貴
乎今 聖駕躬詣大峪經始陵役 聖體為勞伏望

皇上抑情從禮還宮倍萬衛攝不必復處喪次仰

體 慈聖平昔慎愛 皇上之心所以為 聖孝之

大也 臣等無任惓惓願望之至本月十五日奉

聖旨卿等具奏覽之足見忠愛但人子之情忍便抑

割只是朕昨者因疾未愈遽遭 母喪連日乍作乍

可茲又內以虛火生熱外受風寒石目赤痛必須將

南宮奏議 卷七 銜山堂

理况我 聖母愛子之心異常朕當思順勉從卿等

禮請行

上 大行皇太后尊謚并頒詔儀

該本部欽奉 制諭禮部朕惟身備天下之至善沒

受天下之顯名姬宗稱於無窮垂母儀於不朽此人

子尊親之大典慎終之要務也洪惟 聖母大行章

聖慈仁康靜貞壽皇太后王國克生天作之合相我

皇考睿宗獻皇帝坤章敬順陰教肅雍仁厚興周

風化行於江漢警戒成聖闡望達於家邦誕育眇躬

夙承慈訓蒙而養之以正長而教以義方無所不至

焉暨于入承大統治臻小康增光烈於祖宗行休
祥於胤祚咸我 聖母誨迪之功善慶之澤也方期
慈壽萬年備膺百福夫何遽茲瘡疾遽爾棄違街罔
極之恩思報酌而莫及抱終天之恨徒攀戀以無從
嗚呼哀哉追惟厚德弘深率土仰戴上薦徽號舊有
綏章是宜采衆之公稱天而謚以播告寰宇昭于後
世庶朕荼毒之痛摧裂之傷其少舒焉爾部裏即會
文武百官議擬來聞欽哉故諭恭捧到部該 臣等欽
遵恭擇上 大行章聖皇太后尊謚并奉告 南郊
等日合行禮儀議擬開坐上請等因奉 聖旨是日
南宮奏議 天卷七 圭 鈐山堂
期另擇欽此續於本月十五日奉 欽定日期到部
本月二十日又於內閣欽奉 聖諭更定諸儀仰惟
聖上文理密察裁畫精詳 臣等愚陋因襲舊文所
擬失當謹欽遵更正通行各該衙門遵行外謹恭錄
上 尊謚并頒詔禮儀開坐上進併將 御筆硃注
揭帖一本隨本進繳謹具題知
欽定儀
一二十七日辰時恭上 尊謚前期二十三日太常
寺官奏告齋戒三日二十七日卯時遣官奏告 天
地 宗廟 社稷行祭告禮用祝文香帛果酒脯醢

南宮奏議 卷七

如常儀欽定奏告官 南郊侯勳命官不可請園丘
奠獻香燭等執事
俱仍在止上行事前三日着服青
衣命官於昭亨門行禮俱祭服 北郊公溶 太廟
公希忠 成祖廟輔臣言 睿宗廟輔臣鼎臣六廟
尚書讚嵩廷相廷相伯温瑤 大社稷伯鏞 帝社
稷駙馬詔各行禮俱用青衣本等帶以重 南郊是
日早告祭 几筵陳設祭品如常儀設冊寶案于
几筵前冊東寶西設讀祝案于 御拜位右祭前一
日內侍官置冊寶輿香亭于 奉天門捧冊寶各置
輿中是日 上素冠服御 奉天門內侍官舉輿外
導駕官導 上隨冊寶輿後降階升輅外道駕官退
南宮奏議 天卷七 十六 鈐山堂
百官素服於金水橋南皆北向立候冊寶輿將至百
官皆跪冊寶輿過畢輿皆隨至慈寧宮門外北向立
太常寺導引官導 上至慈寧宮門外降輅冊寶輿
由中門進至 几筵前冊寶輿上導引官導 上由左
門入至丹墀內贊唱執事官各司其事導引官導
上至丹陛上拜位太常寺官於冊寶輿內捧冊寶由
殿中門入至 几筵前左右北向立內贊奏四拜禮
在外鴻臚寺官傳唱百官皆四拜導引官導 上由
殿左門入至 梓宮前奏跪傳贊百官皆跪 奏進冊
太常寺捧冊官以冊跪進于 上右 上受冊獻畢

三一五

以冊授捧冊官置于冊案奏進寶太常寺捧寶官以寶跪進于上左 上受寶獻畢以寶授捧寶官置于寶案奏宣冊太常寺宣冊官詣案取冊跪于上右宣訖奏宣寶太常寺宣寶官詣案取寶跪于上左宣訖奏俯伏興平身 傳贊百官同 奏復位導引官導 上至 几筵前唱初奠禮奏跪 傳贊百官皆跪 奏獻帛奠酒贊讀祝讀祝官跪于右讀訖唱亞獻禮終獻禮奏俯伏興平身 傳贊百官同 奏復位導引官導 上由殿左門出至拜位奏四拜 傳贊百官同 導引官導 上由左門入至 梓宮前以冊寶授太常寺官捧入內導引官導 上入內安冊寶行叩頭禮導引官導 上由左門出至冊陛上奏禮畢

一 同日未時頒 尊謚詔

百官各具青服烏紗帽黑角帶於承天門外伺候大臣於午門前導引 上御 華蓋殿具黑翼善冠犀帶執事官先行五拜三叩頭禮鴻臚寺官奏請陞殿導引官導 上御 奉天殿鳴鞭訖序班設 詔案翰林院官捧詔立于左鳴贊唱頒詔翰林院官以詔授禮部官置于案序班舉案由 奉天殿左門出鴻臚寺官奏禮畢 駕還宮錦衣衛用傘蓋捧至承天

門百官入班鳴贊唱四拜平身稱有制贊跪開讀訖再行四拜禮鴻臚寺官唱禮畢錦衣衛具輿亭迎至禮部膳黃次日進繳遣行人等官齋捧詔示天下本月二十一日奉

聖旨是 二十七日復奉

聖諭明日上 皇妣謚號高上陛下監禮看所行是

否

南宮奏議 卷七 六 鈐山堂

南宮奏議卷第七

南宮奏議卷第八目錄

大恤二

論 慈宮南祔事宜

奉 諭定擬除喪後服色并 郊廟用樂事宜

再乞審處南祔事宜

大行梓宮南祔引發并沿途經過去處 梓宮

奉遷合葬等儀

恭錄 欽定儀進呈

南宮奏議

卷八目錄

一

鈴山堂

南宮奏議卷第八

鈴山堂集四十八

大恤二

論 慈宮南祔事宜

嘉靖十七年十二月十八日該大學士夏言節奉

聖諭昨朕與卿面加慎詳於遷陵一事或謂為先入

之言朕改議云今朕復思一夜中心甚懼夫三年之

喪上下一道故曰雖天子必有父所以無別止此一

大道理爾後世日繁萬幾之務易月為日此縱有聖

人來見於後朕度必不能復設使示爭于初必不終

于后徒費虛名不若以時為順乃為識理之真至于

南宮奏議

卷八

一

鈴山堂

墓次於廟也且禮不明者子為天子諸侯父為大夫

士則葬用死者爵以安親為上不敢強在生之實矧

奉藏體魄將二旬歲忍啓露於風塵之間撼搖於途

路之遠朕心既不寧我 皇考亦必不寧我 聖

母又大不寧也茲決以禮之正情之安的奉 慈宮

南詣合葬穴中不必粉飾果有未善即彼處置朕渾

躬至 顯陵親臨調度此恐與北來為孝之大卿將

此諭播之群臣禮官當作急上議欽此抄捧到部臣

等會議得仰惟 皇上以 大行皇太后崩逝恭建

山陵於大峪迎 皇考梓宮前來合葬明詔渙頒命

使迎扈已刻日戒行矣茲者伏奉 聖諭奉蒞體魄將二旬歲忍啓露於風露之間撼搖於途路之遠欲奉 慈宮南詣合葬臣等仰見 皇上慎重大事憂深思遠勅下群臣禮官再加詳議臣等連日踧踖徊徨莫知所處竊惟人臣食祿事君惟上所命赴河蹈火所不敢辭夫 靈駕之北來與 慈宮之南詣其理一也但易曰作事謀始傳曰謹始慮終及今不致詳審一時有誤後悔何及今奉遷下議國之大事莫重於此其事有所當慮者 臣等不敢不為 皇上言之夫往年臣下屢有建遷陵之議者矣 陛下亦屢嘗下之廷議矣然旋議旋止蓋以其時 聖母在上不忍遽言茲事耳昨者恭奉 明旨為 皇考奉遷今日已無他諱臣等輿情莫不慰悅將順何也蓋頃歲 顯陵之遠深厯聖懷 皇上躬擇大峪地勝而近神寢再建不惟聖靈並慰且朝廷展謁之禮春秋陵祀之儀得以便於修舉千萬世 聖子神孫率循彝典可仰遵而無替也今近捨朝發夕至之地而遠即數千里之外每歲春秋之祀 皇上祇謁 列聖而 二聖反不與焉于此之時聖心望遠興哀何以自解此其所當慮者一也術家地理之法以龍脉沙

雨平奏議

卷八

二

淮

鈐山堂

水較其地之美惡其說未為無理然亦未可的據以為準者幽宅之內理難遙度正使實有未善必須先期相擇別有佳處灼然可用斯為善美今一山之中其善惡相去幾何東西趨那不免穿鑿地氣既洩要無全力萬一果有未善彼處倉卒便難得一善地則 慈宮已奉而南又復返而北乎此其所當慮者二也昔朱熹嘗論壽皇葬地非吉疏請遷改然有取於孫逢吉之言少寬日月別求吉兆為上今 顯陵果為吉地而不可遷歟果非吉地而必當遷歟此非 臣等所能知也 臣等愚見咸謂宜如昨者 聖諭必須南宮奏議 天卷八 三 鈐山堂

先遣一二親重之臣帶領精曉地理人員星馳前去會同彼處撫按官員恭詣相看果風氣攸厚玄宮融結則亟宜謹闕萬一未善則何憚改移今 大行几筵安奉慈寧遲之數月未為不可伏請 皇上仰遵遺訓無妨萬幾無廢 郊廟常祀目今暫服淺淡至發引之日仍用始喪之服俟命官承天逆返從實具奏上請定奪庶幾事體停妥可免後悔昨者遣官之命頗似迫趣至厯 聖明今茲之慮若夫 乘輿南涉關係匪輕豈容造次輕誤而不為長慮却顧哉 臣等非敢畏難辭責有所憚避亦非遷就姑為之說恐

事體必當如是伏望 聖明深察淵謀英斷有以自致其決臣等無任惶死屏營俟命之至本月日奉御批覽這所言只是專重在人情私俗上不思四海非王土歟如我 皇祖孝陵之在南京今歲時展謁得親否乎又我 成祖豈不永慕 皇祖邪卿等既執前議為是朕心終不安只管如昨旨遵照原朕親

定日期行

奉 諭定擬除喪後服色并 郊廟用樂事宜

本月二十四日該內閣抄出節奉 聖諭今日部疏所據未免循故事未見損益何如禮曰三年之喪賢

南宮奏議

天卷八

四

鈐山堂

者勿過不肖者不可免若拘此紙上法度自後世君人者皆罪人也不但景君一人耳朕氣質微弱志念實不副每有志於古道力不克然時亦不同也今既曰以日易月無有不知無有不見非虛文也是實行也更不必小惠報父母姑息以事親直便實為之庶不傍牽蔓引而聖人可作偽乎雖 山陵之未就而實不是古人未葬之時百事皆輟之美吉典亦行郊社在上又雖云廢委不敢廢封建征伐賞刑諸事命出一人本無虛日謂之居喪吾不信也便當如制定服後皆不必遷就遇 郊有事宜吉服作樂况父

在柩子嗣位率用全吉何事天反云云邪此尊尊也

廟有事着淺色不作樂此親親也居他處服墨布

至喪次仍素色直候奉引安陵仍用始服之服以終

之庶為情實卿等即抄明白付宗伯翰林禮科各議

來行否即曰否卿等其以為何如欽此先該本部題

為禮儀事伏遇 大行章聖皇太后崩逝嘉靖十七

年十二月三十日遵依 遺詔二十七日服滿查得

先年 孝貞皇太后崩逝服制滿後 上位仍素翼

善冠布袍腰經御西角門不鳴鐘鼓百官俱素服烏

紗帽黑角帶侍朝待 梓宮入山陵本部另行奏請

南宮奏議

天卷八

五

鈐山堂

變服臣等議得本月三十日 大行章聖皇太后服

制雖除山陵未就應合查照 孝貞皇太后事例遵

行等因奉 聖旨已有諭着議了來說欽此欽遵 臣

等會同翰林院學士張潮禮科給事中 等會議

得自漢文以日易月之制天子不復行三年之喪數

千年間雖有英君諡辟莫之能改者誠以人主一日

萬幾揆宰事物發施號令命討諸典不容少曠焉者

禮有中制時不古若故諒闇不言之制決不可復行

於後世也仰惟我 皇上凡所制作力法前古然獨

深惟 宗社萬幾之重灼然有見斯理之真以謂後

世人君非獨景君之過雖山陵未就不是古人百事皆較之美 郊社在上委不敢廢此不易之論矣臣等愚昧昨者疏擬徒襲故常無所損益伏讀 聖諭不勝慚汗蒙諭便當如制定服後皆不必遷就仰見至聖無偽天德不飾且尊天之儀不同於廟事別殿之服必異於喪次至於奉引安陵仍用初服此皆 聖慮周至析理精微不但得孝親之實且有以定千古之疑臣等謹欽遵 聖諭本月三十日服除自正月月初一日以後 皇上常服俱墨布至喪次仍素色百官俱青色冠服 郊有事吉服作樂 廟有事淺南宮奏議 天卷八 六 鈐山堂

色不作樂俱欽遵 聖諭伏候命下本部通行內外衙門一體遵行本月二十六日奉 聖旨是

再乞審處南社事宜

該勳輔臣等抄示節奉 聖諭所有大事朕見愚夫細人滿世雖讀書的亦把禮義為虛矣可慨矣夫况譏不斷之者又見大峪工復也卿等明日口傳朕命與禮部令示內外三命使着四日寅刻起行勅內監俱發與并內外各原定官役隨行啓奉 嚴宮十三日外時乃朕自擇况趙俊奉視即係啓始朕疾煩今

次用日時俱令所司司事 嚴宮既至 慈輿發引一切事宜先期有制俱以各司擬行欽此臣嵩秉燭恭讀仰知 皇上以大事憂勞今本部示內外命使初四日寅刻南發啓奉 嚴宮臣展轉徊徨不敢安寢切思命使之行固不可緩但趙俊既奉前命奉視刻期可還臣愚猶望 皇上少遲旬日姑俟俊回奏報定奪庶於事體穩當今知道者自能仰體 皇上慎重大事不厭詳慮惟即 聖心所安者行之是即義理之正若夫愚夫細人難與慮始何足為計伏望 皇上留神審處勅下遵行臣犬馬愚衷謹冒昧具南宮奏議 天卷八 七 鈐山堂

聞不勝戰慄之至嘉靖十八年正月初二日奉 聖旨是優柔不斷婦人所為即日擇日命官恭奉梓宮南社 顯陵合葬一應禮儀事宜各衙門便逐一具議奏來定奪

大行梓宮南社引發并沿途經過去處 梓宮

奉遷合葬等儀

嘉靖十八年四月二十八日欽奉 聖諭朕南巡因謁陵寢及視大峪已畢然峪地空淒豈如純山完美決用前議奉 慈駕南社引發吉辰別候欽此續於五月初二日節奉 聖諭恭奉 慈宮引發吉日用

今月十七日子時奠獻使等官仍用原定官員一應禮儀亦宜用原定者如有增損臨期酌擬但改水程奉 梓官行欽此 等仰惟 皇上秉禮慎終殫思竭方睿謀宸斷精審無遺 等欽遵 聖諭謹將 慈宮引發 二聖合葬禮儀查照原定節次量加增損謹逐一再行開坐上請伏乞 聖明裁奪恭候勅下遵行

計開引發儀 一太常寺備辦各祭告品物香燭制帛翰林院撰合用祭祝文先期勅命勳戚重臣一員充奠獻使并護行武職大臣一員管領官軍扈侍 梓官行禮部堂上官一員監禮扈行題 王大臣一員護喪內侍官并入皇堂內官內使匠作太常少卿一員執事官十人鴻臚少卿一員屬官等十人光祿少卿一員四署官四人錦衣衛指揮一員千百戶四人各供事給事中御史各二員監視糾察欽天監官一員率博士官二員安葬候時五府九卿等衙門分官奉送 梓官俱照近日欽點職名各送至張家灣水次恭祭而回工部委官會同內官監官先期於通州及張家灣水次二處搭蓋奉安 梓官席殿及朝陽門至通州各處祭所蓆棚及行文沿路府州

南宮奏議 卷八 八 鈐山堂鈔

縣各該有司預於水次搭蓋祭所蓆棚 一引發前二日百官及皇親命婦文武官三品以上命婦俱緣服每日早詣慈寧宮門外哭臨命婦設祭一壇免朝禁屠宰音樂至 神主回京日止 一十一日子刻以 皇妣祔葬 顯陵祭告 太廟 睿宗廟遣官分告 列聖群廟 一十三日子刻 上親告 天神地祇郊壇祭品行禮俱如常儀用吉服百官陪拜一十五日 上預告几筵內侍官陳設牲醴如常儀 上具縷服內導引官導 上詣拜位奏四拜奠帛三奠酒讀祝俯伏舉哀哀止奏四拜興焚祝帛禮畢 一設奠辭靈 昭聖皇太后遣祭一壇 武廟皇妃一壇皇后一壇皇妃一壇皇嬪一壇皇太子一壇裕王景王仁和大長公主等一壇涇簡王妃一壇內官內使共一壇是日遣官祭告各門及諸神廟慈寧門思善門右順門午門端門承天門御橋大明門俱遣內官行禮玉河橋朝陽門并橋關王廟顯靈宮靈濟宮城隍廟東嶽廟真武廟俱遣太常官行禮祭用酒果脯醢香帛 一十六日司禮監禮部錦衣衛提督執事者設大昇輦于午門外至大明門外 一啟奠戌初刻行啟奠禮內侍官陳設酒饌拜位如常

南宮奏議 卷八 九 鈐山堂鈔

南宮奏議 卷八

儀內導引官導 上具縗服詣拜位奏拜奠讀祝舉
 哀禮畢內侍官跪奏請 慈孝獻皇后梓宮升龍輅
 執事者升徹去帷幙等物拂拭 梓宮進龍輅于几
 筵殿下安扛并擺列輿亭內侍官先捧謚冊寶由殿
 中門出置輿內次奉桑主由中門出奉安輿內次香
 亭安置訖內侍官捧銘旌由中門出執事官升捧
 梓宮內執事持翬分左右障 梓宮降殿執事官奉
 登龍輅訖以綵色帷幙障飭 梓宮執翬者仍分列
 左右內使擎繖扇侍衛如常儀儀仗用存日所御者
 謚冊寶輿香亭銘旌以次先行 上至 梓宮前跪
 內侍官跪奏謹請 皇妣靈駕進發舉 梓宮出
 上由殿左門出宮眷皆哭後隨至午門內侍官跪奏
 請 靈駕安止安定行祖奠禮 一祖奠內侍官陳
 設酒饌拜位如常儀內導引官導 上縗服拜奠讀
 祝舉哀畢內侍官跪奏請 靈駕進發午門執事者
 進大升輿奉安訖遂行 上率宮眷隨至端門外行
 朝 祖禮 一朝祖禮欽定捧 主官九員是日各
 具青服恭捧各廟王詣 太廟奉安訖太常寺陳設
 脯醢酒果于 列聖位前 不奠 執事官先設褥位
 于 太廟丹陛正中 梓宮至端門外 上具青服

太常寺導引官導 上詣祭主輿前跪太常卿跪于
 上之左奏請 慈孝獻皇后朝 祖 上捧桑主
 由 太廟中門入至 太廟丹陛上立典儀唱迎神
 各捧王官上香退典儀唱行朝祖禮太常寺卿詣殿
 中之祝位處朝上立定內贊奏跪 上捧桑主跪奉
 桑主于褥位內贊奏贊讀辭太常卿跪奏曰 孝玄
 孫嗣皇帝御名謹奉 慈孝獻皇后謁辭訖內贊奏
 四拜禮興平身 上跪捧桑主起立太常卿跪奏曰
 禮畢請還宮捧王官納 王還各廟 上捧桑主退
 下陛東西面立俟 列聖王後隨出安亭內行辭奠
 禮 一辭奠禮先期太常寺官於承天門內陳設牲
 醴如常儀內侍官設 上拜位設宮眷帷幙于近西
 桑王朝祖畢 上易縗服太常寺導引官導 上詣
 拜位內贊奏上香奏二拜典儀唱奠帛三獻讀祝俯
 伏舉哀哀止奏二拜焚帛祝禮畢 上退宮眷入拜
 哭盡哀止太常官跪奏請 靈駕進發 上攀送而
 還宮眷俱還司禮監禮部錦衣衛官提督輿亭儀衛
 等以次前行 梓宮出承天門大明門轉東由朝陽
 門出大樂鼓吹前導設而不作 一行遣奠禮先期
 太常執事官陳設牲醴如常儀工部搭蓋祭棚于朝

兩宮奏議

卷八

鈐山堂

兩宮奏議

卷八

十一

鈐山堂

陽門外 梓宮至太常寺導引官引奠獻使詣拜位
行四拜禮奠帛奠酒讀祝俯伏舉哀止贊四拜興
焚祝帛禮畢太常寺官詣 梓宮前跪奏請 梓宮
啓行 一路祭八侯伯五府九卿等衙門官員耆老
人等路祭共一壇朝陽關外五里 僧道官共一壇通
州皇親及駙馬共一壇各衙門奉送 梓宮官員一
壇俱張家灣一京城至張家灣沿途市巷軍民男婦
遇 梓宮至皆跪俯伏舉哀候 梓宮過輿 一大
升輿行沿途校尉昇送選委內官同錦衣衛官專一
提督務要起止有節行步安穩送葬官員人等不許
南宮奏議 卷八 士 鈐山堂

贊四拜焚祝帛官跪奏請 慈孝獻皇后神主降座
陞輿命官捧 主陞輿還京內侍官捧桑主用帛輜
櫃 靈駕行內執事官焚楮駕凶儀于野 一十八
日 神主回京內執事官備儀衛教坊司大樂鼓吹
前導至道中行饗神禮命官員青綠錦繡服色 百官
同典儀唱執事官各司其事贊就位命官就位贊詣
前上香復位贊四拜 百官同 唱奠帛行三獻禮贊四
拜焚祝帛禮畢 神主輿行至朝陽門命官員吉服
隨行 百官同 寅刻至午門外儀衛等退內導引官導
神主入 上具常服率皇后宮眷出迎隨行至
南宮奏議 卷八 士 鈐山堂

逼近儀仗失次喧嚷有失禮儀者聽糾儀官舉奏
一是日戊刻題 王前期内侍官設神座香案于通
州席殿內靈駕至奉安訖奠獻使行上食禮畢退執
事官陳設祭品設題 王案于香案前西向奉栗主
置案上奠獻使具青服百官俱釋綬具青服陪拜太
常寺官引使就拜位贊三上香訖贊四拜興退百官
分侍左右題 王官盥手西向立恭題訖內侍官捧
王奉安神座命官青服行降神禮 一降神禮典
儀唱執事官各司其事贊就位贊詣前上香復位贊
四拜 百官同 唱奠帛行初獻禮獻爵讀祝亞獻終獻

慈寧宮門外 武廟皇妃公主涇簡王妃宮眷等俱
吉服迎 神主于 宮門內 神主至几筵殿內
皇后皇妃以下序立于殿西稍北東向 上立于殿
東稍南西向內侍官詣 靈輿前跪奏請 慈孝獻
皇后神主降輿陞座畢 上捧 神主奉安于靈座
訖行安神禮內執事官陳設牲醴如常儀內導官導
上詣拜位奏拜奠讀祝禮畢后妃以下入行四拜
禮鴻臚寺官引百官于慈寧宮門外俱隨班行禮傳
唱如儀 一神主輿行奠獻使等官行叩頭禮上食畢
太常寺官跪奏奉請 梓宮啓行至張家灣奉 梓

宮登舟奉安訖行祭告禮太常寺官陳設奠獻使行禮如常儀各衙門奉送官俱陪拜祭畢舟發沿途每日三上食奠獻使等官俱素冠服詣 梓宮前行叩頭禮如常儀神宮監尚饌監恭辦上食饌五樣蔬果酒饌 一經過有王府去處許王素服出迎致祭該府官預陳設祭物于水次席殿內贊唱就位贊鞠躬贊四拜興贊香案前跪上香畢復位跪奠帛初獻爵讀祭文亞獻終獻畢俯伏舉哀十五聲而止贊四拜興平身焚帛禮畢 一王府附近去處遣輔道官致祭先于席殿陳設祭物候 梓宮至執事官贊四拜

南宮奏議 卷八 十四 鈐山堂

興贊上香畢復位跪奠帛三獻爵讀祭文俯伏舉哀哀止興四拜興焚祝帛禮畢 一南京守備文武衙門各處鎮巡三司官 梓宮舟經及附近處所俱致祭舉哀與王府遣官儀同所轄有司大小官員通許陪拜致祭物品用簇盤一座豕一羊一果五盤點心五盤餽燂五盤餅五盤 俱用顏色紙花案酒五樣菜五碟粉湯五盃飯五盃帛一段酒三爵香燭紙 陳設

如儀一 梓宮自通州登舟抵承天張家灣祭潞河之神天津祭海口之神安平鎮祭龍王之神徐州呂梁二處祭洪神淮河口祭淮瀆之神儀真南京祭大

江之神彭澤祭小孤山之神九江之神漢江之神所過大川俱用牲醴致祭俱勲臣具青服行禮其各處應祀水府之神開載未備者臨期增酌致祭

奉遷 二聖梓宮合葬儀

一欽定奉啓 先帝舊玄寢出梓宮加重函吉日閏七月十三日辰時同日 聖母梓宮至陵用未時掩玄宮本月二十五日辰時 一先期遣官祭告 顯陵光祿寺官陳設牲醴如儀贊四拜興奠帛奠酒讀祝贊四拜興焚祝帛禮畢百官陪拜如儀 一舟至承天府太常寺官陳設祭告牲醴如儀百官具縵服

南宮奏議 卷八 十五 鈐山堂

奉迎 梓宮升岸席殿奉安奠獻使行祭告禮贊四拜奠帛奠酒讀祝贊四拜興焚祝帛師生耆民人等俱隨班行禮使先詣 睿宗舊寢前贊四拜興各差去官陪拜奠帛獻酒讀祝俯伏興四拜焚祝帛贊禮畢辰時奉遷 睿宗梓宮重函奉安于 稜恩殿畢使復詣 聖母梓宮前候發執事官先陳龍輅于顯陵稜恩殿門外候未時大升輿至太常官詣大升輿前跪奏請靈駕降輿升龍輅詣稜恩殿執事官奉梓宮升龍輅由中門入奠獻使由左門入詣稜恩殿奉安訖 謚冊寶輿等仍陳于前 一行安神禮

執事官陳設酒饌如常儀設奠獻使拜位于 二聖
梓宮前內侍官引奠獻使詣拜位贊四拜興贊跪奠
帛奠酒讀祝俯伏舉哀止贊四拜興焚祝帛禮畢
執事撫按等官陪拜鴻臚寺官傳贊行禮同一以合
葬祭告后土并純德山之神陳設牲醴如常儀 一
閏七月二十五日辰時行遷奠禮執事官陳設酒饌
如常儀設奠獻使拜位于 二聖梓宮前太常官引
使詣拜位贊四拜興贊跪奠帛奠酒讀祝訖俯伏舉
哀哀止贊四拜興焚祝帛退候掖玄宮時至太常官
引使詣 二聖梓宮前跪太常寺官跪奏請 靈駕
南宮奏議 天卷八 主 鈐山堂
赴玄宮使俯伏興執事官升奉遷 二聖梓宮進皇
堂奉安訖太常官同內侍官奉 謚冊寶置于前陳
列冥器等畢行贈禮 一贈禮內執事官陳設酒饌
于皇堂門外奉玉帛案置香案設奠獻使拜位于前
太常官引使詣拜位贊四拜興贊跪奠酒讀祝進贈
執事官捧玉帛跪進于使之右使受玉帛獻畢以授
內執事捧入皇堂安置訖贊俯伏興贊四拜舉哀哀
止興贊贈事畢內侍官出遂掩玄宮行享禮執事官
陳牲醴于玄宮前如常儀太常官引使詣拜位贊四
拜贊跪奠帛奠酒讀祝俯伏興贊四拜興焚祝帛百

官陪拜鴻臚寺官傳贊行禮同一掩玄宮畢太常寺
官同內侍官恭捧 慈孝獻皇后桑主并魂帛奉藏
于玄堂外遣官祭謝后土并純德山之神陳設酒饌
如常儀禮同祭告 奠獻使執事等官回京復 命本
月二十二日奉
聖旨是

恭錄 欽定儀進呈

嘉靖十八年五月十七日恭遇 皇妣慈孝獻皇后
梓宮南祔 顯陵合葬引發一應禮儀該本部具擬
上請奉有欽依外續又奉 欽定 太廟辭謁禮儀

南宮奏議 天卷八 主 鈐山堂
增承天門辭奠朝陽門遣奠并題 主後降神享神

等禮 梓宮登舟及升岸等祭除欽遵傳示內外遵
行外臣等仰惟 皇上至孝純誠凡所裁定思精義
密於哀痛沉迫之中有詳續條序之節大聖人卓識
非臣下愚昧所能及也茲者終禮告成輿情慰悅臣
等禮官受成睿斷苟免罪愆益不勝慶幸謹將 欽
定過禮儀恭錄上進謹具題知

南宮奏議卷第八

南宮奏議卷第九目錄

大恤三

永孝殿慰祭儀

奉報 梓宮至承天祭謝神祇壇

獻皇后祔廟大禮議

獻皇后祔廟大禮儀注

再擬 獻皇后祔廟捧主儀

陵廟禮終請行奉慰禮

甄別梓宮經過沿途官員功罪

奉 諭查賞 梓宮江行畫策官員

南宮奏議

卷九目錄

鈐山堂

請乞 欽定 獻皇后祔祭儀

南宮奏議卷第九

鈐山堂集四十九

大恤三

永孝殿慰祭儀

嘉靖十八年閏七月十九日該內閣傳出節奉 聖

諭朕 慈宮奉合 顯陵二十六日可於永孝殿行

一慰神祭后妃當從以盡子婦之情欽此 臣等仰惟

皇考獻皇帝 皇妣獻皇后 方寢奉合神靈孔安

皇上特舉慰祭恭率后妃從事此誠 聖孝純至

彌深罔極之懷式展如存之敬者 臣等謹將合行禮

儀酌擬開坐上請伏乞 聖裁勅下本部行令各該

南宮奏議

卷九

鈐山堂

衙門遵行 一翰林院撰祝文太常寺恭辦牲醴香

燭制帛 一先期太常寺奏請簡命文武大臣陪拜

各具吉服 一先期一日司設監同太常寺官恭設

皇考 皇妣神座於永孝殿 一是日 上具翼

善冠黃袍率 后妃至景神殿門外 上降輿導引

官導 上由左門入至永孝殿典儀唱執事官各司

其事內替奏就位典儀唱迎神內替導 上至香案

前奏上香 上三上香訖奏復位奏四拜 傳贊陪拜

官同 典儀唱奠帛行初獻禮內替導 上詣 皇考

位前奏獻帛奏獻爵訖詣 皇妣位前奏獻爵訖奏

復位奏跪傳贊同贊讀祝讀訖奏俯伏興平身傳贊
同典儀唱行亞獻禮 中宮獻爵內執事官奏禮儀
同初獻惟不讀祝 典儀唱行終獻禮 上獻爵訖內
贊奏四拜傳贊同典儀唱讀祝官捧祝進帛官捧帛
各詣燎位內贊奏禮畢太常寺官恭遷 皇考 皇
妣御座于景神殿奉安駕還宮 本月二十二日奉
聖旨依擬

奏報 梓宮至承天祭謝神祇壇

該巡撫湖廣右副都御史等官陸杰等奏嘉靖十八
年七月二十四日臣等率領都布按三司掌印及武

南宮奏議

卷九

干

鈐山堂

昌道守巡江防等官李經等恭迎 慈孝獻皇后水
殿降臨湖廣境內 臣等謹已奏聞外入境以來連日
順風天氣晴爽本月二十八日酉時至武昌府地方
入漢口龍艍上流四日之間共行四百六十里隨據
荊州府知府李元陽報稱潛江縣地方白汭舊口以
上江灣沙衍淺澀數多集夫疏導臣等方切憂懼忽
聞西山大雨漢水漸增雖毗吏之愚皆知神異本年
閏七月初六日巳時 梓宮水殿降臨承天府水次
仰惟 皇上誠孝動天百靈効順長江之險刻日而
渡易涸之漢新漲朝宗臣等幸畢犬馬微勞祇襄山

陵大典理合馳奏等因奉 聖旨覽爾等馳奏恭知
皇妣梓宮已於今月六日屆臨承天府又山雨效
靈漢水增漲江途徑達 慈神孔安此實仰荷 天
庥朕心今日便寧以悅爾等竭誠宣力朕知已是月
二十六日朕詣 神祇壇祭謝照前行禮部知道欽
此欽遵臣等切惟 慈聖舟行踰涉險遠而以六月
入江炎風漲水逆流而上沿溯甚艱仰惟 皇上聖
心晨夕軫慮臣等犬馬下情亦抱隱憂茲者湖廣守
臣馳奏 慈舟屆臨承天府水次式聞吉報足慰
聖懷凡在臣工均深慶忭且江險而如涉安流漢涸
而遽增新漲靈雨應期而至載觀神異是豈人爲此
誠 皇上至誠大孝感動天地 上帝垂庥百靈効
順之所致也查得本年五月十三日 皇上躬祭
天神 地祇于郊壇以祈 慈舟安利今果臻靈貺
禮宜舉行祭謝之典臣等謹欽遵傳示太常官恭辦
祭品脯醢酒果制帛俱照前次祈告儀行是日 上
具常服文武百官各具吉服陪拜但昨奉 聖諭是
日行慰神禮于永孝殿所據 駕發詣壇并永孝殿
行禮時刻伏乞 欽定勅下本部通示百官遵行嘉
靖十八年閏七月二十二日奉

南宮奏議

卷九

三

鈐山堂

聖旨是 永孝殿寅刻禮畢即詣 神祇壇祭謝

獻皇后祔廟大禮議

仰惟 皇上至孝尊親訃謨篤禮粵自 慈馭上僊

諸所服制禮儀屢召勳輔禮臣環跪 榻前 面賜

裁成曲承指授毫髮纖悉各極其當茲者又以 祔

廟大禮為重令臣等詳議以式後世臣等伏考 祖

宗以來 帝后神王祔廟一節自君上以及百官皆

具縗服將事而祔享畢復奉主出 廟仍事 几筵

此於禮誠若有未安者臣等欽遵 聖諭謹議得禮

有中制弗敢畧也亦弗敢過也夫天子服制既日以

南宮奏議 卷九 四 鈐山堂

日易月矣則制終之後日理萬幾奉郊廟命征討諸

事悉從古典矣而間又服縗可乎昨日伏奉 聖諭

有曰便當如制定服後皆不必遷就此至當不易之

論也夫主以依神窀穸之事既畢有神明之道焉今

神主還京則郊迎廟祔服用吉祭用樂斯神以事之

之義夫廟以妥靈裳衣之設具有時裕之享焉今

主既祔廟則不宜復還几筵設若循舊為之每遇廟

享則又不免復奉几筵之主以入斯禮有龐雜之弊

祖宗時因循舊章未暇更正而卒有待於今日所

謂禮樂百年而後定者聖人制禮孝子事親我 皇

上兼有之矣臣等謹恭擬祔廟大禮儀注開坐上請
伏乞 聖明特賜裁定著在令典以為後世定守臣
等無任屏營候命之至嘉靖十八年四月二十三日
奉

聖旨是祔廟禮必如是始正宜著為定典遵行

獻皇后祔廟大禮儀注

該本部題稱 皇妣慈孝獻皇后神主祔享 皇考

睿宗獻皇帝廟伏乞欽定吉期勅下本部遵行等因

奉 聖旨是 慈主祔廟可八月七日卯刻吉便議

來看 皇后與事欽此欽遵查得本年四月二十二

南宮奏議 卷九 五 鈐山堂

日該臣等謹恭擬 祔廟大禮儀注上請等因奉

聖旨是祔廟禮必如是始正宜著為定典遵行欽此

欽遵今復奉 明旨皇后與事仰見 皇上盡制盡

倫篤行古禮允為萬世法程臣等謹將先次題准

慈孝獻皇后祔廟禮儀逐一恭錄併增 中宮亞獻

一節開坐上請伏乞 聖明俯覽重賜裁定勅下本

部通行內外各衙門欽遵施行 嘉靖十八年八月

初七日卯刻 慈孝獻皇后神王祔享太廟禮儀

一初四日太常寺奏祭祀初五日為始致齋三日

一初五日遣官以祔享告 太廟 列聖群廟合用

大臣九員及祭日捧 各廟神主大臣八員伏乞欽命 一文武官俱照例陪祭 一 中宮皇后率皇妃皇嬪助行亞獻禮合用文官四品以上武官三品以上命婦陪拜列東西近兩廡稍北障以帷幙俱初七日丑刻由東安明進入 太廟俟候 一太常寺官設牲醴于 太廟如時祫儀司設監設 慈孝獻皇后神座于 太廟 睿宗廟錦衣衛設儀衛于午門外是日早內執事官設酒饌于慈寧宮設 慈孝獻皇后衣冠于几筵前進神主輿于殿前設衣冠輿于舟陸上設 上拜位于几筵殿上正中 上常服

南宮奏議 卷九 六 鈴山堂

內侍官捧衣冠隨入至廟舟陸上典儀唱樂舞生就位執事官各司其事唱迎神奏樂典儀奏 慈孝獻皇后謁廟 上捧神主入內侍官捧衣冠隨入內贊奏就位 上捧主就位安主于拜褥上內贊奏出主躬奉 皇妣慈孝獻皇后祔廟恭拜內贊奏典拜五拜三叩頭禮 上代拜奏摺主 上捧王朝上立太常寺卿唱賜座 上捧主安于 睿宗廟神座內贊奏出主奏復位導引官導 上至香案前司香官捧香跪進于 上左內贊奏跪 上跪奏摺主奏上香

南宮奏議 卷九 七 鈴山堂

奏跪奏措圭光祿寺官以福酒跪進內贊奏飲福酒
上飲訖光祿寺官以福胙跪進內贊奏受福胙

上受訖奏出主俯伏興典儀唱徹饌奏樂執事官徹

饌訖樂止太常寺卿跪奏禮畢請還宮樂作內贊奏

四拜興平身傳贊同樂止典儀唱讀祝官捧祝進帛

官捧帛各詣燎位樂復作內贊奏禮畢樂止 上捧

太祖王各捧王官捧 各廟王詣各廟奉安于寢

殿捧 睿宗王官同內侍官捧 慈孝獻皇后王出

太廟門外奉安神輿還 睿宗廟太常寺官奏請

降輿奉安禮畢 上還宮鼓吹振作

南宮奏議 卷九 八 鈐山堂

再擬 獻皇后祔廟捧王儀

本月初七日恭遇 皇妣慈孝獻皇后神王祔享

太廟該臣等於今日同太常寺官并各捧王官恭詣

太廟演禮間臣等思得昨奉 聖諭亞獻不必妃

御助止朕與 中宮獻 太廟爵 八聖前仍各捧

王官行臣等議得昨者恭上 皇祖冊禮 中宮妃

御亞獻執事等官俱退避幙次今 皇上與 中宮

同獻 太廟爵各捧王官必須候 皇上獻畢 中

宮復位後方詣 八聖前獻爵臣等誠恐臨期參錯

失禮理合題請 欽示遵行嘉靖十八年八月初五

日奉

聖旨是如此有些不齊選用妃嬪行禮朕已簡定八
氏了

陵廟禮終請行奉慰禮

茲者恭遇 皇妣慈孝獻皇后歸祔 顯陵閏七月

二十五日奉闈玄寢本月初七日奉王升祔 皇考

睿宗獻皇帝廟臣等仰惟 皇上純孝為親顧於終

禮之大殫力竭思既踰一載茲乃山陵事畢 二聖

妥萬年之安於是嚴崇祀之儀舉躋祔之典 皇上

事親之禮至此可以無遺憾矣 慈恩罔極 聖衷

南宮奏議 卷九 九 鈐山堂

思慕未平然服制已遠歲月漸更抑情徇禮尤所以

為聖人之大孝也 臣等下情謹擬於初八日早恭請

皇上具常服御奉天門文武百官各吉服致詞行

禮以伸臣子慰安之敬伏乞 聖明俯賜俞允 臣等

不勝惓惓嘉靖十八年八月初六日奉

聖旨卿等以奉慰禮言但朕在少理免行

甄別梓官經過沿途官員功罪

該 欽命奉侍內官司禮監太監等官鮑忠等題臣

等欽承簡命恭奉 慈孝獻皇后梓官由水路南祔

顯陵節奉 勅諭內開如有慢令誤事者許爾指

實叅奏處治欽此欽遵臣等謹將各官有罪者以次查究有勞者以等而甄錄等因奉 聖旨你每說的是這誤事并有勞官員着禮部便甄別查叅來說欽此臣等竊惟 皇妣獻皇后梓宮南祔 顯陵經過水程俱先該本部恭擬一應事宜題奉欽依行移各該地方撫按官員通行曉示去後各該大小官員所宜仰體 聖孝恪共大事乃臣子職分之常也而各官勤惰不一應合甄別以警將來所據太監鮑忠等舉奏各官前因中間效勞宣力者功固可錄而慢令誤事者法豈能容惟是職守有小大事體有難易則

南宮奏議

天卷九

十

鈐山堂

功罪有輕重臣等竊謂諸臣迎護之勞以地方而言湖廣乃我 二聖陵寢之地建造特重供億為繁似當首論其次江途艱險南直隸諸臣次之河路經過江北直隸山東并北直隸諸臣又次之以職守而言職專統理事出勅裁撫按官當為首論分理協濟藩臬諸司次之臣等謹奉 旨甄別有功官員如督工太監袁亨工部左侍郎顧璘首董大役恭建玄宮工速材良勤勞懋著巡撫湖廣右副都御史陸杰撫治鄖陽右副都御史王以旂巡按御史朱篋姚虞克稱重任罔不周詳以上四臣勞績居最當為一等鎮守

大監張泰守備太監傅霖鎮守總兵官新寧伯譚綸當為一等右布政使馮時雍左叅政陳煥右叅政陳則清右叅議胡松副使汪堅宋宜周禪僉事魏良輔孫雲承天府知府李士翺署都指揮李經當為一等以上諸臣分理庶務均屬勤勞此有勞於湖廣舊邸者也南京操江都御史簡霄已聞罷革尤謹護行同御史胡賓隨侍於承天涉歷險遠勤誠匪懈巡按御史邢第迎送調度事皆綜理以上當為一等公差御史馮天馭楊瞻王惟紹錢籍所隸地方廣濶自江行直抵安慶護送效勞當為一等此有勞於江路經過

南宮奏議

天卷九

十一

鈐山堂

者也巡撫鳳陽左都御史周金巡按御史吳梯漕運總兵官鎮遠侯顧寰叅將李節巡撫山東右副都御史曹蘭巡按御史周鈇當為一等左叅政底蘊按察使呂陶副使張邦教知府呂顯知州鄭玟以上諸臣謹護龍舟過閘渡淮俱有督率之勞當為一等此有勞於河路經過者也巡撫順天右僉都御史張漢巡按御史金清巡撫保定右僉都御史劉隅巡按御史陳脩公差御史黃綬舒汀周南陳蒙樊得仁王達兵備副使王鳳靈於赦知府邵相盡心幹理風動前途當為一等而順天地方梓宮發程伊始百爾督辦張

漢金清經畫尤詳其勞勩又在諸臣之上此首勞於
畿內者也以上諸臣或獎勵書以示優異或賜資
金帛而分等差臣等不敢擅擬伏乞 聖裁及該

高本年八月二十日於南郊欽奉 面諭 慈舟經

行江險其書策鑿山寄纜官員應合獎賞但今奏內

未見開具各官職名無憑查議合無再行南直隸撫

按官疏名上請以俟 聖裁其有罪官員 臣等查得

數內巡江御史黃正色湖廣左叅議朱子恭副使張

惟恕俱節奉 明旨鞫問知縣高社蘇檟俱着為民

難以別議外叅照揚州府高郵州知州鄧諾因公科

南宮奏議 卷九 三 鈐山堂

欽臨祭在逃情罪特重所劾科欽數多合行彼處撫

按衙門勘實奏請定奪知縣李玩吏目何應奎承委

協濟水手夫役全無其怠玩闕茸可知應合即行黜

革專管夫船副使管懷理知府孫鑾康河綜理無方

縱吏行賄雖已經駙馬崔元提問該吏而各官情罪

應合通行提問究治通判畢竟恭耿朝用丁律葉思

齊運同蕭珩右叅政吳章知府吳至梁建辰同知董

鳴鳳知縣程燦藍因祝繼英司供應而俱坐失事之

愆副使屠大山知州陸時望知縣孫燦黃霽周仕陳

光華王士翹照磨張炫辦祭祀而均有苟簡之罪知

府陸岡鄧繼曾知縣高節趙春王有南縣丞谷世用

各因不能禁戢下人逞兇喧擾以上各官事雖不一

罪責惟均通合勅下各該巡按御史嚴提問擬明白

奏請發落其巡撫應天都御史歐陽鐸職任臺憲重

臣乃於水手逃竄不行究治實難辭責但事體稍輕

及奏內開稱本官迎送恭勤功過相準似應量加罰

治山東布政使劉士奇雖准致仕尚未離任不行迎

送 梓官委屬怠玩相應革職閒住以為臣下臨事

避難之戒 臣等奉命甄別查叅據事核真不敢飾隱

伏乞 聖明詳定特賜 宸斷勅下欽遵施行嘉靖

南宮奏議 卷九 三 鈐山堂

十八年九月初四日奉

聖旨這効勞并有罪官員你每既甄別停當素亨顧

璘各賞銀三十兩紵絲二表裏陸杰王以旂朱虎姚

虞各銀二十兩紵絲二表裏張泰傅霖譚綸各銀二

十兩紵絲一表裏馮時雍陳煥陳則清胡松汪堅宋

宜周釋魏良輔孫雲季士翹李經各銀十五兩紵絲

一表裏簡霄胡賓邢第并馮天馭楊瞻王惟紹錢籍

各銀十兩周金吳梯顧雲李節曹蘭周鈇并張漢金

清各銀十五兩紵絲一表裏劉隅陳脩黃綬舒汀周

南陳豪樊得仁王達底蘊呂陶張邦教王鳳靈於敖

呂頤部相鄭致各銀十兩紵絲一表裏管懷理鄧誥
等都依擬着各該巡按御史嚴提問罪歐陽鐸既迎
送効勞姑罰俸一箇月劉士奇着革了職為民

奉 諭查賞 梓官江行畫策官員

該巡撫應天等府地方都察院右副都御史歐陽鐸
題內開准本部咨該 臣 嵩欽奉 面諭 茲舟經行
江險其畫策鑿山寄纜官員應合查明旌賞欽此該
臣 鐸會同巡按直隸監察御史邢第查得撫屬沿江
地方若人頭望夫馬鞍采石等磯極為峻險蓋左則
水勢洶湧右則山形斗峭不可駐足昨該太平府同

南宮奏議

天卷九

四

鈐山堂

知梅山首謀知府路珠適至當塗縣知縣姜沂協贊
畫鑿山寄纜之策舟楫始有攀循之地其蕪湖等處
設法實自山等啓之等因奉 聖旨該部知道 臣等
看得都御史歐陽鐸御史邢第題稱查勘過鑿山寄
纜官員一節為照 皇妣慈孝獻皇后梓官南府
顯陵舟行神護寔惟我 皇上孝誠所致其江路官
司効勞皆臣子常分惟是磯濤峻險之處各官畫策
鑿山維舟而上其能勞稍為殊異頃者奉有 聖諭
欲加旌賞仰見 聖慈俯念臣勞至意今該彼處撫
按官具題前來所據旌賞伏乞 聖裁嘉靖十八年

十二月初七日奉

聖旨各官畫策鑿山維舟濟險忠勤可嘉梅山陞一
級路珠姜沂陞俸一級還各賞銀十兩紵絲一表裏
請乞 欽定 獻皇后祥祭儀

嘉靖十八年十二月初四日恭遇 慈孝獻皇后周
年查得 孝貞純皇后周年事例是日几筵殿有祭
祀 上位一壇 皇太后 皇后皇妃公主親王妃
各一壇各王府差官詣陵共祭一壇及在京文武衙
門分官詣陵致祭等因 臣等為照國家凡遇帝后喪
周年之期几筵殿例有前項祭祀今我 皇上登正

南宮奏議

天卷九

五

鈐山堂

典禮 皇妣獻皇后神主升祔于廟所據 獻皇后
周年禮儀合無於是日免朝恭請 皇上具青服躬
詣 永孝殿致祭公侯駙馬伯文官二品以上大臣
各具青服陪拜其 顯陵祭告合無欽遣勳戚大臣
一員恭捧祝帛前去行禮惟復別有定奪及照各王
府差官致祭應合照例俱詣 顯陵均乞 聖裁勅
下欽遵施行嘉靖十八年九月二十二日奉
聖旨 皇妣二次祥祭朕同后妃詣几殿 慈容前
致祭一壇 顯陵之遣少待各王府着照例差官詣
陵致祭仍着奏回

南宮奏議卷第十目錄

大狩一

車駕巡幸承天禮儀

再定 巡幸禮儀

東宮監國事宜

望祭北嶽儀

題親王朝見致詞總兵等官戎服迎駕

經過地方親王朝見儀

欽定儀

請遣官致祭經過古帝王等祠廟

南宮奏議

卷第十目錄

一

金山堂

南宮奏議卷第九

南宮奏議

卷九

共

一

金山堂

南宮奏議卷第十 鈐山堂集五十

大狩一

車駕巡幸承天禮儀

嘉靖十八年正月二十六日欽奉 勅諭禮部朕惟
 孝子之事親送終為大矧陵寢所在體魄攸居必求
 允臧庶親安而人子之心亦安且盡矣 皇考顯陵
 昔者建造狹隘雖嘗增修猶多未稱茲朕恭詣 陵
 下與諸左右大臣周閱山川更卜吉兆重建玄宮以
 妥 皇考 皇妣神靈於無窮以昌厥後永綿胤祚
 於萬世朕親擇於二月十五日子時發京前期五日
 南宮奏議 卷一 鈐山堂
 朕親奏告 皇天子玄極寶殿及 太祖廟 睿宗
 廟分遣大臣祭告 北郊 五祖 六宗大帝二社
 稷朝日等四壇所有合行事宜爾禮部會同在廷群
 臣詳議即便開具奏來處分故諭欽此 臣等仰惟
 皇上以 先皇帝神寢經制未備 聖心不安茲者
 恭遇 慈聖上仙圖襄大事特勤 聖駕親詣 顯
 陵將以協謀神人更卜吉兆奉 二聖以妥靈永萬
 年而裕後此聖人慎終慮遠之孝之大也而 輦輅
 所經省察風俗秩祀山川存恤高年旁求遺逸或問
 民疾苦以宣布德澤或稽覈吏治以彰寓勸懲又兼

舉古昔王者巡幸之政之大也非聖不世出其曷克
 臻茲 臣等欽遵 勅諭會同五府九卿科道等官并
 錦衣衛官本月二十七日於左闕門將合行事宜公
 同詳議除各該衙門各另具列奏請謹將合行禮儀
 恭擬開坐上進伏乞 聖明裁奪施行本月二十八
 日題奉
 聖旨依擬祭陵用吉服 續奉 面諭發京更二月
 十六日寅時

再定 巡幸禮儀

先該本部遵奉 勅諭恭擬 聖駕巡幸承天合行
 南宮奏議 卷十 鈐山堂
 禮儀開坐上進節奉 聖旨依擬欽此昨者 臣等復
 奉 面諭巡幸禮儀合再更正為此欽遵謹將先次
 儀注稍加更正上進 御覽伏乞 聖明再加詳定
 勅下遵行其 駕入承天府告祭等項禮儀候至彼
 處另行擬請 一十一日辰時 上親奏告 皇天
 于玄極寶殿畢同日告聞 皇祖太廟 皇考睿宗
 廟遣官分告 北郊 成祖 列聖群廟 太社稷
 帝社稷朝日夕月天神地祇合行大臣十四員伏
 乞欽命 一行事俱用祭服太常寺備合用脯醢酒
 果制帛翰林院撰各項告祭文 一輦祭于承天門

遣官祭旗纛之神俱用牲醴制帛三獻如常儀一
 駕發出正陽中門 后妃輦轎後隨錦衣衛恭設欽
 製武陳駕備輦輿儀仗等項扈行本衛揀選精壯旗
 校八千人內以六千人專管擡奉 上坐輿輦以二
 千人專管擺執駕儀及一應正直巡緝傳宣等用選
 委千百戶一百二十員分投管理各分撥班接替行
 太僕寺調取寄養馬三千匹允給各旗校令其更迭
 騎坐以紓困乏錦衣衛前驅使率領本衛千百戶等
 官先期前去肅清道路 一簡命武職重臣二員留
 守北京兵部尚書一員參贊機務各請勅行事文職
 南宮奏議 天卷十 三 一 鈐山堂中

大臣二員總督整飭宣大等處軍務提督薊州山海
 關等處地方邊備各請勅行事文職重臣一員往遼
 東薊州宣大鴈門固原等九邊閱視邊備戶部齎銀
 若干隨帶前去勞賞官軍請勅行事兵部奏請 皇
 城四門京城九門 大明門外兩邊合用守門文武
 大臣各一員坐邊官侯伯二員增設守門官軍用科
 道官點閱京城內外巡捕官軍除舊有外合行團營
 再選有馬官軍三千員名分為兩班酌派五城地方
 與同舊有官軍巡邏仍選委坐營官及各提督把總
 等官晝夜巡捕安定門各土城外及鄭村壩大黃莊

居庸關白羊口六處地方該營揀選有馬官軍每處
 一千員名分為兩班輪流下營防守安定德勝門土
 城各用東西官廳聽征總兵官一員其餘各用叅將
 一員統領下營紫荊倒馬二關保定撫鎮官揀選精
 銳有馬官軍每關一千員名分為兩班每月輪流下
 營守把各委坐營官一員統領下營 一兵部於團
 營東西官廳御馬監勇士內揀扈駕官軍六千員名
 給允馬匹執武陳駕儀一千人總兵官一員領之駕
 前後各二千人叅將二員領之駕左右各五百人翼
 駕行左右副將軍領之及行文沿途撫按等官調撥
 南宮奏議 天卷十 四 一 鈐山堂

屯駐及扈駕軍馬戶部請勅命侍郎一員率屬官六
 員帶領太倉銀三十萬餘兩先期前去沿途整理官
 軍糧料工部行文原奉勅郎中同內官監督理沿途
 橋道及行官席殿禮部行南北直隸浙江等十三布
 政司凡有緊要重事俱達 行在所奏聞其餘事務
 俱達在京通政使司照常封進各該衙門啟請 皇
 太子令旨行其事有疑礙者各差人赴 行在具奏
 取 旨各處拜進表箋文除歲例等項赴在京禮部
 照常類收啟請司禮監官捧進其特賀大禮不係常
 典者原差人恭詣 行在投進 一扈從官五府堂

一第 776 冊 續修四庫全書 2 5E5

上官各一員首領官五員吏五人吏部堂上官一員
文選等四司官四員辦事官六員吏六人戶部堂上
官二員浙江等十三司官十二員辦事官二員吏十
三人禮部堂上官二員儀制等四司官六員鑄印局
官一員辦事官六員儒士三人吏十二人鑄印匠四
人兵部堂上官一員武選等四司官六員辦事官一
員吏六人刑部堂上官一員浙江等十三司官十三
員辦事官一員吏十三人工部堂上官二員管繕等
四司官十員辦事官二員吏十人都察院堂上官二
員浙江等十三道監察御史二十六員辦事官四員
南宮奏議 卷十 五 高 鈐山堂

書舍人一員吏一人行人司行人十員吏三人太醫
院堂上官五員御醫吏目八員 聖濟殿醫士選帶
三分之一吏二人欽天監堂上官一員博士等官八
員天文生陰陽人共十人吏一人教坊司奉樂韶舞
司樂八員排色長樂工二百人扈從文武內外官及
各項人役合用夫馬驢騾車輛廩給口糧各項應付
事宜兵部定擬奏請轉行在外有司一體應付內府
印綬監收貯年 行在衙門印信關防本部領出
給付各扈從官使用尚寶司給領文武字樣牙牌
一駕發留守大臣率在京文武衙門官員各具吉服
南宮奏議 卷十 六 鈐山堂受

先期恭赴宣武門外彰義關候送 駕駕過退扈從
官員分程先行在途俱免朝參候駕禮兵二部鴻臚
寺太常寺科道糾儀官俱從行光祿寺隨路預辦
御膳酒飯供具凡遇 行宮進膳處所各該撫按守
巡兵備等官選委精壯官軍披帶盔甲器械拱衛
乘輿不許喧嘩錯亂違者聽錦衣衛即時具奏拏問
扈駕官軍戶部給散行糧工部辦鍋竈不許分外索
害有司及入民舍混擾違者許被害之人赴撫按衙
門告治仍行隨駕緝事官校訪拏重治各該軍衛有
司不許分外科取斂民違者聽撫按官體訪指實叅

究重治各衙門跟隨吏書人等各照兵部原行關文於軍衛有司驛遞衙門應付不許分外多索其應付衙門亦要即時應付毋得遲誤違者俱所在官司告治經過駐劄地方原有商賈店鋪開賣飲食等物照常市買不許躲避亦不許從駕人員用強輕價勒買違者許被害之人即時告治兵部咨行各該巡撫官預先出給榜文曉諭 一經過處所真定望祭北嶽恒山之神衛輝遣官祭濟瀆之神鉅州望祭中嶽嵩山之神榮澤祭河神南陽遣官祭武當山之神沿途古帝王聖賢忠臣烈士祠墓禮部查訪預期奏聞遣南宮奏議 卷十 七 一 鈐山堂

官致祭嶽瀆用太牢次用少牢又次脯醢酒果 一各處撫按并三司官俱於所屬境上候 駕先赴鴻臚寺報名 駕至行宮各具吉服朝見所過府衛州縣官吏生員耆老人等俱于三十里外候迎道傍跪叩頭 駕過退 駕至行殿鴻臚寺引見俱五拜三叩頭禮 一各處近路王府許親王具常服預先出城候 駕駕至跪迎道傍 駕過退 駕至行殿王具朝服見行五拜三叩頭禮畢 上賜宴勞光祿寺備宴席給領其餘宗室俱免出迎不許擅離府第二月初七日節奉

聖旨依擬百官迎送但立而已親王更不可跪諸路側從官不許索取諸物有司不許私媚奉事有犯科道官不舉或厥衛看奏或體訪得出皆罪不宥

東宮監國事宜

二月初一日欽蒙 皇上召見勳輔 臣助 臣希忠 臣言 臣鼎臣 禮部尚書 臣嵩於 文華殿 面諭 東宮監國事宜 臣等會官議擬來聞欽此 臣等仰 惟 皇上豫建 儲官茂崇國本茲者 車駕巡幸 承天特以京師為重循監國之彛章篤保安之至計 此誠 聖神許遠之謨 宗社熙明之福也 臣等謹 南宮奏議 卷十 八 一 鈐山堂

於本月初二日於東閣會同叅酌議擬開坐上請仰 乞 聖明裁定勅下各該衙門欽遵施行 一東宮朝駕儀仗等件勅內府各該衙門恭行造辦請勅欽命輔臣一員居守京師保護 皇儲一應軍國機務悉聽啓行凡在京文武衙門遇有內外軍機各王府緊要重大事務悉奏請處分其有各處啓報聲息即調邊軍剿捕仍遣人馳赴 行在所奏聞 一皇城四門京城九門守衛圍宿比常時皆須增撥官軍留守武職大臣同叅替尚書仍每日操閱軍馬如各衙門稱奉 令旨調遣官軍及處分事務所司須覆啓

施行五府九卿各衙門凡有緊要重事俱達 行在所奏聞其每月進繳精微監生考勤宴賞鈔錠官軍俸糧及五府比試等項俱照常具啓行 一祭祀凡遇享 宗廟及祀典神祇 皇太子攝祭至期太常寺啓請取 今旨遣官行禮 帝后忌辰祭祀俱具啓行 一各處拜進表箋文特賀大禮不係常典者原差人恭詣 行在所投進其進貢 中官 東宮箋文俱在京禮部類收司禮監官捧進各王府進獻 孝慈獻皇后香并南京進香官朝鮮國弔使禮部啓請命司禮監官捧進 凡筵照例給賞綵段鈔錠

南宮奏議

卷十

九

鈐山堂

把事隨司辦事長官等項俱具啓裁度各處奏報邊功應該覈勘及勘明應該陞賞等項俱啓行 一在外撫按官劾奏不職文武官文官方面以上武官恭將以上奏聞待報 一京衛軍士冬夏布絹及邊衛軍士冬衣布花襖但係年例給賞等項錢糧該衙門啓請行在京各邊鎮遇有緊急調用馬匹啓請調取允用 一在京各衙門赴 行在奏事人員俱兵部啓請給關應付 一各王府奏訴重情辯復爵位祿米者俱詣 行在所奏聞其請名請封請婚等項在京具啓行 一天下歲貢生員到部者該部查照廷

南宮奏議

卷十

十

高鈐山堂

詳擬罪名干係生殺并提問大小京官具奏其每月繳刑部都察院問過囚犯奏本照常啓行俱送科備照初五日奉

聖旨都准議祭祀條止以 忌辰陵祭群常典祭啓行 郊廟社稷之祀候勅命行

望祭北嶽儀

嘉靖十八年二月二十二日恭遇 聖駕駐蹕真定府先該本部具儀駕至真定望祭北嶽恒山之神已經奉有欽依外所擬望祭禮儀相應題請合候命下行令所司欽遵施行 一翰林院撰祭文太常寺備

南宮奏議

天卷十

十一

淮

鈴山堂

辦香燭制帛 一祭用牛犢羊豕等品物有司出辦

太常寺官督理 一次日質明 上具常服行禮如

常儀五府九卿巡撫大臣吉服陪拜奉

聖旨是

題親王朝見致詞總兵等官戎服迎駕

臣等恭備禮官恭扈 聖駕一應禮儀已經本部具

擬題奉欽依外其該載未盡者 臣等理合次第題請

以俟 聖裁 臣等思得親王朝見當致詞以伸迎謁

之敬合無候 上御行殿文武大臣侍班鴻臚寺官

引王至拜位立定鴻臚寺官代致詞畢贊五拜三叩

頭禮而退 上降旨慰勞王并賜宴席庶禮體既嚴

而恩亦周浹伏乞 聖裁 臣等又見得各該副總兵

守備等官迎駕各具常服於禮體未宜 臣等嘗考唐

制遣使詔諭藩鎮其鎮帥雖三公之官必戎服繫鞬

郊迎蓋重王命如此况今 萬乘親行將佐迎見而

可常服乎記曰介冑之士不拜言以軍禮見也合候

命下行令各該總兵以下及河南湖廣都司官迎接

聖駕各要披戴盔甲拱立道旁候駕至行殿方具

吉服隨班朝見庶 皇威以肅而武備亦嚴飭矣

經過地方親王朝見儀

南宮奏議

天卷十

十一

鈴山堂

該 臣等具題 車駕巡幸經過地方親王朝見禮儀

已經奉有欽依外今該趙王厚煜奏稱乞要扶疾朝

見等因 臣等看得趙王所奏具見能盡事上之忠相

應俯從所請 臣等謹將前項儀注合再備儀上請恭

候命下行令該府輔導內外等官啓王知會遵行以

後經過王府一體遵照施行 一駕將至王具常服

預先出候 駕駕至立迎道旁駕過退 上至行殿

少憩王具朝服候 上御殿文武從官東西丹墀侍

班欽命隨駕文武大臣六員殿內侍班鴻臚寺官引

王由殿左門入至拜位立定鴻臚寺官跪于王左少

前代致詞訖贊五拜三叩頭禮畢鴻臚寺官引王仍由殿左門出 上傳旨慰勞王賜宴席王具本謝恩 二月十五日奉

聖旨王朝見儀候降示 十七日奉

聖諭

一凡親王迎接去處着翊國公郭勛成國公朱希忠京山侯崔元輔臣夏言禮卿嚴嵩夏卿王廷相左右從行并王朝見處殿內侍班

欽定親王朝見儀

一凡諸王迎接已命文武大臣侍于途王於道傍拱

南宮奏議

卷十

三

鈐山堂

立文武大臣下馬侍 上左右禮部尚書跪奏云某

王其恭迎 聖駕見內侍官引王至 駕前跪行叩

頭禮禮部尚書進立于 上前候旨承旨訖起立傳

旨示王隨行至行宮 上入少憩王具冕服欽定文

武大臣于殿內左右侍從從官于丹墀東西侍班候

上陸座鴻臚卿引王由殿左門入至拜位贊行五

拜三叩頭禮畢內侍官引王於別次少候從官叩頭

如常儀鴻臚卿跪奏禮畢

請遣官致祭經過古帝王等祠廟

先該本部具儀 車駕巡幸經過地方古帝王忠臣

烈士祠廟查訪致祭已經題奉欽依外查得彰德府

等處沿途所有古帝王忠烈祠廟理合逐一開坐上

請伏候 聖裁各頒降香帛祝文遣所司守吏致祭

以彰 聖明崇德表賢之典 一彰德府湯陰縣周

文王廟在縣北一十里廟後方城即姜里文王居此

演易處合遣官祀以太牢 岳飛廟在縣治飛宋將

湯陰人也史稱飛忠孝出于天性志欲滅金恢復宋

室 本朝建廟 賜額精忠勅有司春秋致祭合遣

官祭用少牢 一衛輝府濟源縣濟瀆之神合遣官

祭用太牢 一滎澤縣 上親祭河瀆之神奉有

南宮奏議

卷十

四

鈐山堂

欽定以二十九日酉刻行事 一紀信祠在縣西二

十五里漢高祖時人 本朝正統三年追封信為榮

澤侯謚忠烈命有司春秋致祭合遣官祀以脯醢

一鈞州 上望祭嵩山之神 一裕州漢光武廟在

州東北帝起春陵至新野由南陽討河朔駐兵于此

合遣官祀用太牢 一南陽府諸葛草廬在城西南

七里卧龍岡上即孔明所居今立廟有司每歲春秋

致祭合遣官祭以脯醢 一武當山在鈞州治合遣

官致祭用牲犢 一襄陽府羊祜廟祜晉人鎮襄陽

有遺愛今廟在峴山合遣官祀以脯醢嘉靖十八年

二月日

南宮奏議卷第十

卷十

五

鈐山堂

南宮奏議卷第十一目錄

大狩二

龍飛殿奏告 上帝次祭國社恭謁 顯陵及

頒詔表賀等儀

請從官朝服詞賀

再請表賀

題叅伊王不行躬迎 聖駕

詔免承天田租撫按等官率官生耆民人等上

表謝 恩儀

面諭承天百姓

南宮奏議

卷十目錄

一

鈐山堂

進繳百諭 御筆帖

回鑾請免諸王朝見

慶都縣堯母陵祀覆議

請刻布 御製南巡諸什

擬上 大駕旋京奏謝 郊廟及百官表賀儀

回鑾奏謝并慶賀儀

恭擬承天府城樓名扁

南宮奏議卷第十一 鈐山堂集五十一

大狩二

龍飛殿奏告 上帝次告國社恭詣 顯陵及

頒詔表賀等儀

嘉靖十八年三月十三日節該欽奉 聖諭朕躬事

孝親于慎終之典已臨舊邸仰戴 天眷宜即恭行

奏告禮于行在不可少緩仍用原擇之吉日子刻行

事次詣 國社等二壇祭告次日恭謁 顯陵二十

日詔告中夏欽此 臣等謹按古者天子巡狩所至則

祀天誠以人君為天子出往遊衍必與天俱是故

南宮奏議 卷十一 鈐山堂

禋于上帝則有升中禋燎之儀懷于百神則有茅莝

表望之禮仰惟 皇上祇謁 顯陵躬巡楚服仰承

上帝眷懷之重百靈呵護之嚴展祀之儀誠不可

緩矧今承天舊邸乃我 先皇帝肇封基命于此

皇天眷命篤生 大聖人于此非群方下國之比我

皇上親卜吉辰奏告 皇天奉 皇考以配至誠

大孝真足以款慰 天親宣揚休烈甚盛舉也其

國社山川諸神雖為藩祀要皆毓秀降靈奉 天佑

聖功德駿隆爰申崇報於禮允宜 臣等謹遵 欽

定吉日恭擬奏告等儀及躬詣 顯陵 詔告中夏

百官表賀逐一開坐上請伏乞 聖裁勅下施行

一翰林院撰合用告祭文太常寺備各牲醴脯醢制

帛 一告祭山川壇合用文武大臣四員上香分獻

行禮伏乞欽定 一十一日 駕入承天府之舊邸

少憇十二日太常寺奏祭祀 上御龍飛門百官吉

服侍班行叩頭禮自十三日為始致齋三日 一十

五日禮部率太常寺官恭詣 龍飛殿丹陛國社山

川等壇各陳設 一十六日 上具祭服恭詣龍飛

殿丹陛行告祭禮文官五品以上武官四品以上六

科都給事中俱具祭服餘官俱吉服陪拜 上至丹

南宮奏議 卷十一 鈐山堂

陛典儀唱樂舞生就位執事官各司其事內贊奏就

位 上就位典儀唱迎 帝神內贊導 上詣香案

前奏播圭奏上香 上三上香訖詣 配位香案前

儀同 奏出圭奏復位奏四拜興平聲 傳贊百官同 典

儀唱奠帛行初獻禮內贊奏詣 神御前奏播圭奏

奠玉帛奠訖奏獻爵獻訖內贊奏詣讀祝位奏跪 傳

贊同 贊讀祝讀祝官讀訖奏俯伏興平身 傳贊同 詣

配位神御前 儀同 奏出圭奏復位唱行亞獻禮 儀

同初獻惟不奠帛讀祝 唱行終獻禮 儀同亞獻 典儀

唱送 帝神內贊奏四拜興平身 傳贊同 典儀唱讀

祝官捧祝進帛官捧帛各詣燎位唱望燎內贊奏詣望燎位燎半奏禮畢 上更皮弁服詣 國社壇行告祭禮典儀唱執事官各司其事內贊奏就位 上就位典儀唱迎神內贊導 上詣香案前奏搢圭奏上香 上三上香訖奏出圭奏復位奏二拜興平身傳贊百官同 典儀唱奠帛行初獻禮內贊奏詣神位前奏搢圭奏奠帛奠訖奏獻爵獻訖奏出圭贊讀祝讀祝官讀訖唱行亞獻禮儀同初獻惟不奠帛讀祝 唱行終獻禮儀同亞獻 唱送神內贊奏二拜興平身傳贊百官同 典儀唱讀祝官捧祝進帛官捧帛各詣南宮奏議 六卷上 三 鈐山堂金

燎位內贊奏詣望燎位燎半奏禮畢 上詣山川壇行禮儀同前 一十七日恭詣 顯陵太常寺前期陳設牲犢酒醴香燭制帛是日 上具常服詣陵由陵左門入殿左門內贊奏就位奏上香奏四拜奏奠帛行初獻禮贊讀祝奏跪讀祝官讀畢奏俯伏興平身奏行亞獻終獻禮如儀奏四拜焚祝帛禮畢 一從 駕官及撫按等官俱吉服陪拜 一二十日上表稱賀及須詔前期一日鴻臚寺陳設表案詔案于龍飛殿中錦衣衛設隨朝駕儀及迎詔綵輿香亭于丹墀教坊司設中和韶樂百官各具朝服地方官

吏師生耆老人等俱隨班行禮是日早鳴鐘鼓 上具冕服御後殿執事官行禮畢 上陞殿鳴鞭欽天監官唱時鴻臚寺贊入班贊四拜興平身唱宣表目宣表目訖唱宣表宣表官宣訖贊俯伏興贊四拜興贊須詔翰林院官捧詔授禮部尚書捧詔置雲盤內叩頭興由殿中門出置綵輿內錦衣衛官校舉輿教坊司鼓樂前導百官趨出候于 龍飛門外鴻臚寺贊入班行四拜禮贊跪宣詔畢贊俯伏興搢笏贊舞蹈山呼出笏贊四拜興平身禮畢禮部尚書捧詔出騰黃奏差行人等官領示天下嘉靖十八年三月十日南宮奏議 六卷上 四 鈐山堂金

五日奉 聖旨山川壇不必分獻表賀不必行只須詔餘依請從官朝服詞賀

嘉靖十八年三月十三日該司禮監太監張佐傳奉 聖諭朕躬事孝親于慎終之典已臨舊邸仰戴天眷宜即恭行奏告禮于行在不可少緩仍用原擇之吉日子刻行事國社等二壇祭告次日躬詣 顯陵二十日詔告中夏其表賀一節乃朕據禮儀論你每謂朝服致辭此乃因事之變儀豈有朝服致辭之者非是要你每表賀今仍宜去服致辭為是若親王

來朝亦微前例所謂行在茲亦是行在非常御之所也欽此臣等仰惟 皇上遠勤聖駕祇慎 親終恭謁 寢園光臨舊邸奉圭幣以展祀頒聖詔以覃恩 上帝眷懷臣民歡戴耿光徽烈真超千古而軼百王者也臣等欣逢盛事無任忭私若止吉服致辭實於典禮未備伏望 皇上俯從臣等前請禮儀仍於二十日百官上表稱賀臣等不勝惓惓祈懇之至

再請表賀

臣等恭遇 皇上巡幸承天祇謁先 皇帝陵寢卜吉奏告 皇天詔示中夏節該本部具儀題請上表

南宮奏議

天卷上

五

鈴山堂約

稱賀奉 聖旨表賀不必行欽此臣等竊以王者舉事上合天道下協輿情雖一時舉動而萬世之典則繫焉洪惟我 皇上事重為 親道勤涉遠茲者光駐龍飛之邸爰即大廷恭修嚴祀奉 皇考以配上帝所謂仁人孝子享帝事親兼舉之矣此大聖人之所作為誠有出於尋常萬萬者而沛里歌風春陵過宅不足言也矧 鑾輿所至扶杖之老襁負之幼連袂接踵闐郭溢郭莫不舉手加額瞻禮讚歡其欣欣之色萬眾一致皆出自天真不謀而合不強而同者臣等觸目激中莫不感動竊歎聖神功化得民之

大如此而禮官群臣慶禮弗展後將謂何伏望 皇上赦臣等再三之瀆深惟大禮俯納蕩蕩仍容二十日文武百官恭伏 龍飛殿墀下上表稱賀非但臣等犬馬一念之私得以少罄亦以昭宣鴻烈垂示於萬世也三月十五日奉

聖旨這表賀一節原不是你每忠誠敬夏言說回鑾上表纔是你每文臣當知尊敬之禮每每慢忽禮樂自上出亦不為害者表賀

題恭伊王不行躬迎 聖駕

該伊王奏稱恭聞 皇上巡幸承天臣欲躬迎 聖

南宮奏議

天卷上

六

鈴山堂約

駕已差官具奏伏蒙 聖諭免臣遠迎不勝戰慄之至謹遣承奉副巴欽左長史楊汝宮於鄭州地方代臣奉迎等因奉 聖旨行在禮部知道欽此臣等為照天子巡狩則方國諸侯畢會此古帝王之令典也查得先該伊王奏乞奉迎 慈孝獻皇后梓宮奉欽依罷免此前日事也茲則 聖駕躬巡各該附近諸王奏請迎謁俱有 旨允其來朝伊王自合踰境奉迎伏謁輦轂之下以伸臣子之忱却乃妄引前旨一槩混作今次俱免不思先後異事吉凶殊禮顯是該府內外輔導官事體罔知以致王於有過事屬有

違相應究治合候命下移咨行在都察院轉行巡按
河南監察御史將該府內外輔導等官通行查提到
官問擬應得罪名以為不恭之戒嘉靖十八年三月
初七日奉

聖旨是

詔免承天田租撫按等官率官生耆民人等上

表謝 恩儀

該巡撫湖廣都察院右副都御史等官陸杰等奏稱
恭遇 皇上巡幸南服躬謁 顯陵荷蒙 恩詔特
免田租親率司府縣官師生耆老人等上表稱謝庸

南宮奏議

卷十一

七

鈴山堂

展感激之私等因奉 聖旨准表謝着明日舉行行

在禮部知道欽此 等謹將儀注開坐上請 一先

期鴻臚寺設表案于龍飛門御道正中是日恭請

皇上具常服御龍飛門從官具吉服東西丹墀侍班

湖廣巡撫都御史等官具朝服該府官吏師生耆老

人等各具本等服奉表至丹墀立候從官行叩頭禮

畢本部尚書具說帖引湖廣撫按等官并師生耆民

至御道中跪本部尚書奏該湖廣巡撫右副都御史

陸杰等恭遇 聖駕巡幸承天府荷蒙 恩詔蠲免

田租率領司府等官并師生耆老人等上進謝 恩

表文一通引奏進收畢鴻臚寺贊撫按等官行五拜
三叩頭禮畢三月二十一日奉

聖旨是依擬

宣諭承天府百姓

說與故里的眾百姓每我 父母昔在 孝宗皇帝

時封國在這里我 父母積許大的德行生我承受

天位今日我為 父母來到這里你每也有昔年的

舊老也有與我同後生者今日一相見但只我全沒

德行 父母都天上去了這苦情你每也見麼我今

事完回京說與你每幾句言語各要為子的盡孝道

南宮奏議

卷十一

八

鈴山堂

為父的教訓子孫長者撫那幼的幼者敬那長的勤

生理做好人依我此言語况我也不能深文這等與

你每說以便那不知文理之者教他便省的你每可

記着嘉靖十八年三月二十一日

諭五臣

此諭卿等看了朝罷地方官引承天府老人坊廂長

于重明門外禮部尚書口宣此諭畢與他酒食將諭

帖着刊布于眾

進繳 諭承天府百姓 御筆帖

本月二十一日該 臣 嵩欽奉 面發宣示承天府百

姓 聖諭一道該地方鎮巡布按三司官引承天府
老人坊廂長王諒等共一百五十八名于重明門外
臣謹恭捧 聖諭宣示眾民俯伏拱聽及傳與酒食
俱望闕叩首感動下泣仰惟 皇上篤念承天為
先皇帝封國之地義重本根 詔蠲租稅茲復親發
玉音特頒 宣諭欲令小民易於通曉詞不深文而
意獨懇至皆自 皇上一念孝親之衷所發讀之使
人流涕所謂親親仁民帝王仁孝大德於此備矣傳
之萬世盛美無極 臣謹欽遵恭錄 聖諭本部刊摹
布于該省官民令其家傳人誦世世子孫無忘 皇
南宮奏議 卷十一 九 鈐山堂

上大恩謹將原捧 御筆帖一道進繳謹題以聞

回鑾請免諸王朝見

該崇王奏恭遇 皇上巡幸承天乞於裕州地方恭
迎 聖駕等因節奉 聖旨允王來朝行在禮部知
道欽此欽遵仰惟 大駕南巡 崇王踰境竭誠奏
請奉迎自是尊君之敬伏蒙 皇上俯賜嘉納寔廣
睦親之仁但 臣等切照昨者 聖駕南來各該諸王
已展覲儀即今 回鑾欽定程次剋刻不停若諸王
再復謁見不無煩勞 聖體稽滯行期况奉有 御
筆諭知趙王等王俱免送駕所據崇王候迎一節合

無暫賜罷免候命下本部行令該府長史啓王知會
免其朝送庶事體歸一程期無阻而王之誠敬亦既
蒙 聖明之允鑒矣嘉靖十八年三月二十六日奉
聖旨是諸親王昨皆係迎見程次尚緩茲朕趨大事
回京以理日無間刻可暫止王來尚有日以便行文
與該府長史司遵依

慶都縣堯母陵祀覆議

該巡按直隸監察御史謝少南奏為乞賜表揚先聖
母氏陵墓以弘達孝以光巡幸事 臣經理供應前至
慶都地方採訪舊跡則城之東隅有堯母墓北郭有
南宮奏議 卷十一 十 鈐山堂

唐帝祠詢之有司乃未經載在祀典雖有廟宇三楹

卑隘狹小不稱表揚 臣愚惟我 皇上所過凡名山

大川古先帝王陵寢皆有秩祀乃所以崇先德而廣

達孝風臣民而厚禮俗至盛典也伏望 勅下行在

禮部將堯母祠表揚修建載入祀典則數千年之陳

跡一旦鼎新有裨 聖治有光巡幸等因奉 聖旨

堯母克生大聖有功永世義當崇報這御史所言爾

行在禮部便詳議來說欽此 臣等謹按史帝嚳高辛

氏娶陳鋒氏女生放勳是帝堯之母即帝嚳妃也皇

覽曰帝嚳塚在東郡漢陽墳丘城南臺陰野中即今

大名府滑縣東北七十里其妃為慶都陵在今保定府慶都縣誌載謂堯始受封之地堯母葬焉則慶都陵為帝嘗之妃帝堯之母厥跡甚明昨者我 皇上祇謁 顯陵南巡楚服所過秩祀帝王忠烈祠墓先該本部咨行北直隸等處巡撫官轉行所屬有司查該本境古帝王忠烈祠墓應秩祀者令其實封開報前來以憑題請而沿途有司漫弗之省今御史謝少南乃能蒐訪輿圖表揚聖跡於 聖上省方盛典不無有助况我 大聖人至孝至德媲美唐堯因而推崇往聖之母永光錫類之休亦千百載間一盛事也

南宮奏議

卷十一

十一

鈐山堂

伏望 特製宸章遣官致祭以備巡幸秩祀之典其修建祠墓合候命下本部行都察院轉行撫按官再行親詣該縣稽審坐域相度地方定議回報以俟覆請定奪四月二十五日奉 聖旨帝堯父母異陵可徵人彛非古依擬便行有司修建祠寢以副朕追崇往聖之意謝少南能表揚建白才識可嘉着改左春坊左司直兼翰林院檢討吏部知道

請刊布 御製南巡諸什

該巡按直隸監察御史劉士達題 臣聞虞帝之有天

下也當受終觀象之後正始班瑞之餘他務未遑獨先巡狩當是時尤以柴望為先巡狩既畢歸格于藝祖用特羊以成功告於先王此聖帝明王之心不能一日忘天下者固如此也恭惟 皇上親馭六飛遠涉萬里因純孝之至情舉巡狩之盛典往者詔墨初宣舉朝不可建議諸臣過有所慮及今事竣回鑾一祭告而河嶽效靈一震疊而神人受職制度以定名分以列禮樂征伐自天子出有虞之盛于今見之歸告 大廟對越無愧慰愜有加乃知大聖人之明斷固有懸合聖指而動中機宜者豈尋常所能窺測哉

南宮奏議

卷十一

十一

鈐山堂

臣竊惟近日 皇上御製得之臣工之莊誦皆綱常倫理之大端所以一道德而同風俗者 臣願出諸珍什發下該部翻刻以傳 臣又惟 皇上與承天故里百姓一諭發明仁孝之道臣民誦之無不感激流涕相期不負聖世為太平有道之良民惜未能遍之天下也亦乞勅下該部翻刻廣布與 太祖高皇帝教民榜文並行於世則作範於 帝鄉而效法於天下等因奉 聖旨這御史說的是行在各該衙門看了來說欽此 臣等看得御史劉士達奏乞將 御製珍什發下該部翻刊以傳及宣示承天故里百姓諭遍

之天下與 太祖高皇帝榜文並行一節臣等仰惟
皇上聖學緝熙睿思卓越知識周于六藝藻翰動
乎三光諸凡制作迥備天人近者南巡楚服雖涉風
塵不忘翰墨紀行則有出京渡河之篇臨謁則有題
漢江閱純山之什慕親有思恩之賦禮神有秩祀之
文至於蠲租下詔教民賜諭仁言懇惻讀者感泣誠
所謂盡制盡倫止仁止孝言為世法行為世則非空
文無補之云也但琅函寶笈絨襲孔嚴延閣木天秘
藏惟謹在廷臣僚或未周知下邑遐方豈獲遍觀御
史劉士達欲刻布天下具見尊崇 聖制忠愛至意
南宮奏議 天卷十一 三 鈐山堂

伏望俯從所請勅下內閣將一應 御製詩詞詔諭
祭告祝文等項逐一查錄編輯成書發下本部一體
恭刻頒示臣民家傳人誦則曠儀備觀于一時盛事
永傳于萬禩矣四月二十八日奉

聖旨准題請行
擬上 大駕旋京奏謝 郊廟及百官表賀儀
茲者恭遇 皇上南巡楚服恭視 顯陵特惟卜兆
之圖兼舉省方之典尊 天配 考而秩徧群神惇
族展親而恩覃兆庶大孝鴻儀曠千古而一見者也
仰惟 上帝眷懷百靈擁衛往返六旬 聖躬萬福

今 大駕旋京理宜奏謝 皇天 皇祖列聖北郊
社稷等神于以仰答休貺亦禮出告反面之意而臣
等文武百官合行上表稱賀以盡臣下歡慶踴躍之
私其合行事宜謹具擬開坐上請 一欽定四月十
五日 駕入京師是日留守大臣率文武百官先於
彰義關迎駕駕至留守官致詞行叩頭禮次日太常
寺奏齋恭辦合用脯醢酒果制帛翰林院撰合用祭
文十八日 上親奏謝 皇天于玄極寶殿同日
上親告謝 皇祖太廟 皇考睿宗廟遣官分告
列聖群廟及北郊太社稷帝社稷朝日夕月天神地
南宮奏議 天卷十一 四 鈐山堂

祇合用欽命大臣十四員供事文武官照例祭服陪
拜如常儀同日 上詣 慈寧宮几筵行謁禮十九
日恭請 皇上御奉天殿公侯駙馬伯文武百官上
表稱賀行禮如常儀嘉靖十八年四月初三日於新
鄉縣進奉

聖旨且依擬仍候旨 續於保定行官節奉 聖諭
奏謝等用二十四日

回鑾奏謝并慶賀儀
茲者恭遇 大駕回鑾 聖躬萬福凡在臣民均深
懽慶先該臣等於行在所具疏恭請 皇上奏謝

天地宗廟百官上表稱賀等因奉 聖旨且依擬仍
 候旨欽此本月十九日臣嵩於文華殿欽奉 旨諭
 奏告殿廟等處都着子刻行事質明御殿百官行慶
 賀禮俱二十四日欽此欽遵臣等謹將奏謝并慶賀
 禮儀恭擬開坐上請伏候命下欽遵施行 計開
 一奏謝儀 一太常寺備辦合用祭品脯醢制帛翰
 林院撰合用祝文 一二十四日子刻 上親奏謝
 皇天于玄極寶殿是日 上至玄極門東導引官
 導 上至玄極門內填版畢出導 上至東陞由左
 門入典儀唱執事官各司其事內贊奏就位典儀唱
 南宮奏議 天卷上 五 鈐山堂
 迎帝神奏陸壇奏跪播圭上香出圭復位奏四拜典
 儀唱奠帛行初獻禮奏陸壇奏播圭獻帛獻爵出圭
 詣讀祝位奏跪讀讀祝讀祝訖奏俯伏興平身復位
 典儀唱行亞獻禮行終獻禮儀同初獻惟不讀祝獻
 帛典儀唱送帝神奏四拜訖典儀唱讀祝官捧祝進
 帛官捧帛各詣燎位望燎奏詣望燎位燎半奏禮畢
 上躬詣 皇祖太廟 皇考睿宗廟告謝行禮如
 常儀 一遣官分告 列聖群廟及 北郊 太社
 稷 帝社稷朝日月天神地祇太歲等神旗纛等
 神都城隍之神承天門之神俱遵照本年二月十一

日祭告巡幸欽命大臣各行禮 一行事俱用祭服
 文官五品以上武官四品以上六科都給事中皇親
 指揮千百戶等官照例陪拜 一慶賀儀 前期一
 日鴻臚寺設表案教坊司設中和樂大樂是日錦衣
 衛設鹵簿駕百官各具朝服丹墀內侍立 上具冕
 服御華蓋殿鴻臚寺執事等官進至華蓋殿行五拜
 三叩頭禮畢贊各供事鴻臚寺官奏請陞殿樂作導
 上陞座樂止鳴鞭報時鷄唱定時鼓訖唱排班百
 官入班贊四拜樂作興樂止贊進表樂作執事官舉
 表案由殿左門入置于殿中樂止贊宣表目宣訖贊
 南宮奏議 天卷上 六 鈐山堂
 宣表贊百官皆跪宣表訖贊俯伏興撤表案于殿東
 樂作贊四拜興平身樂止唱播笏鞠躬三舞蹈跪山
 呼萬歲者三唱出笏俯伏興樂作四拜興平身樂止
 鴻臚寺官跪奏禮畢駕興四月二十一日奉
 聖旨遣官着照近諭有更代的行餘依擬
 恭擬承天府城樓名扁
 該欽差工部左侍郎兼都察院右副都御史顧璘題
 為請垂遠圖以光仁孝事比者伏蒙 皇上遠勤
 萬乘臨幸承天克定大儀人神胥悅復荷憫念舊國
 困於供億特恩詔蠲租三年又 親揮宸翰化諭舊

民申命宗伯耳提詳切老穉伏聽感動下泣一時觀者無不仰嘆大聖人之所施為真契我 皇祖惠恤鳳陽故民之意仁澤霑濡德教洋溢有以遠過漢高唐宗故事萬萬者也近據鍾祥縣父老等告願將前恩詔 聖諭建碑於承天府前以示萬世不忘之思如蒙乞勅該部議請於舊邸時乘御天牌坊之南左右各建碑亭一座覆以黃色琉璃惟復隹於承天府豎立以從其願 臣又竊念古者武王既有天下追尊太王王季上祀先公以天子之禮遂制禮法達于上下孔子稱為達孝邇者 皇上追尊我 獻皇為睿宗又尊 文皇為成祖可謂與武王異世同符矣 臣請將承天府城表曰達孝乞賜朱榜金書懸於陽春門城樓之額使四方仰瞻等因奉 聖旨碑亭隹建於坊前左右勿毀民舍城樓之扁禮部看了擬來欽此 臣等竊惟古者帝王之有豐功偉烈則必托名表物以垂示萬世使後之觀者有所據而興起其景仰欣慕之私焉仰惟 皇上睿德先天弘謨憲古以今承天府為我 先皇帝基命之地邇者躬勤萬乘祗謁寢園光臨舊邸指顧而煙雲改色陟降而草木增輝首殷薦則嚴配帝之儀舉會朝則備展親之禮秩

南宮奏議

卷十一

七

鈴山堂

禮祀以懷柔列神昭黜陟以震疊群辟蠲租賦而減澤流賜訓諭而仁言洽往返僅惟兩月而盛德大政莫可殫述民之愛戴不啻赤子之戀慈母蓋行本為親動罔愆禮而漢祖唐宗過宅之舉有不足云矣所據表名該府城樓用示鉅觀誠不朽之盛事也 臣等祇承明詔謹恭擬城樓名曰達孝洪仁之城蓋帝王大德曰孝與仁而已孝以為親仁以為民此我皇上之實德也伏乞 聖裁勅下施行嘉靖十八年 月日奉 聖旨達孝二字非朕敢當但諸臣累擬進勉從之榜

南宮奏議

卷十一

六

鈴山堂

曰顯親達孝橫扁為之

南宮奏議卷第十一

南宮奏議卷第十二目錄

郊社

恭進大報等祀日冊儀

欽奉 勅 泰享殿肇工

增拓 泰神殿制請定日興工

皇穹宇成奉安 神御位 配位儀

請遣官奉安 皇穹宇神位

奉安 皇穹宇神位禮成復 命

請定 躬禱郊零禮儀

零祀儀注

南宮奏議

天卷十二目錄

鈐山堂

請定零祀樂舞

神祇壇改正嶽鎮海濱神牌

南宮奏議卷第十二

鈐山堂集五十二

郊社

恭進大報等祀日冊儀

嘉靖十八年八月十四日本部題該嘉靖十九年大

報等祀日冊例於嘉靖十八年九月朔日奏進查得

先奉 聖諭祀冊就着具冊副看仍來月朔進之欽

此欽遵行據欽天監選擇嘉靖十九年大報等祀吉

期前來 臣 嵩謹恭錄冊副上進 御覽伏乞 聖明

詳定發下登載日冊恭候九月朔日奏進其來歲季

秋大報吉期奉有 聖諭臨期卜吉茲該監未敢擅

南宮奏議

天卷十三

鈐山堂

定伏乞 聖裁等因奉 聖旨是欽此今日該文書

房官齋捧 聖諭發下原奏并冊副到 臣 恭具吉

服焚香叩首捧領訖仰惟 皇上欽 天重祀 臣 恭

冒禮官恭承綸命無任榮幸悚息之至伏奉 御批

大享用九月六日 臣 謹遵登載日冊恭候進呈謹具

題以聞

欽定儀

一每歲九月朔大宗伯以大報等日期告于 皇帝

前期于本衙門宿鴻臚寺卿具請御殿及設案奉天

殿中是日百官公服侍班 皇帝服皮弁大宗伯具

朝服自午門中道行捧祀日冊立置于案 皇帝就案先立定大宗伯跪奏曰嘉靖十九年分大報等祀日冊請敬之 皇帝指圭取而恭視訖序班舉案置于華蓋殿中 皇帝陞座百官叩頭如常禮畢

欽奉 勅泰享殿肇工

嘉靖二十一年四月初六日欽奉 勅諭朕惟三代之禮至周大備後世治不古若乃因陋就簡焉朕究覽古初斟酌百代惟文武是憲是式故 郊正分祀廟隆特享宋儒朱熹所謂大事者朕所尚重之惟是季秋大享于明堂此周禮重典與郊祀並者也數

南宮奏議 天卷三 二 一 鈐山堂

歲以享地未定特舉祭於 玄極寶殿朕誠猶未盡惟茲南郊舊殿原為大祀之所今禮既是正則故構不當襲留昨歲已令有司悉撤之朕自作制象丘為殿恭薦名曰泰享用昭寅奉 上帝之意庶完古典乃今肇工爾禮工二部如勅奉行欽此 臣等竊惟自昔聖皇御宇靡不盡倫備制以為民極然禮有因時而定制有借物而新故三代之禮至周大備我 皇上德崇虞舜制憲姬周 郊正分祀而天明地察之道弘 廟隆特享而尊祖敬宗之義盡宋儒朱熹所謂天下大事千載無有能舉之者蓋至於我 皇上

煥乎畢舉而無以加矣然禮莫大于事天孝莫大于嚴父而嚴父莫大于配天此明堂所由作也蓋郊以事天尊之也而配之以祖亦所以尊祖也明堂以享帝親之也而配之以父亦所以親父也尊尊而親親此周禮之為大備而周公之為達孝也頃歲我 皇上以郊廟禮禮大成乃定明堂大典歲以季秋大享上帝而奉 皇考睿宗獻皇帝配享焉惟是數歲享地未定故舉登於玄極寶殿雖對越之誠已孚而明堂之位未協 聖心見道分明析禮精微乃即南郊大祀之基鼎崇親構恭薦鴻名位應明離法象玄宇

仰惟 聖人在天子之位議禮制度恢闡上儀蓋至是而古典始完是宜臣鄰駁奔民庶子來竭萬國之歡心以成一人大孝者也 臣等敢不祗承休命除行欽天監擇吉興工一應合行事宜容 臣等另行具題外今將原奉 勅諭一道進繳謹具題知四月十一日奉

聖旨候諭行 增拓 泰神殿制請定日興工

嘉靖十七年十月二十四日該勳輔四臣同 臣嵩恭隨 聖駕于南郊恭詣 泰神殿閱視當蒙 面諭

頃者殿制初建弗稱尊崇宜加增拓隨奉 欽定此
面生二丈東西每邊生五丈圓徑三丈增築臺基高
九尺踏垛十五層殿高照舊左右配殿各五間前門
三券額扁曰皇穹宇欽此 等仰惟 皇上尊事
皇穹特厯睿思載嚴峻宇丕拓鴻規足稱欽崇至意
茲者秋序方臨物成時爽理合具題上請伏乞 欽
定大良日期肇興工役候命下本部行令所司各欽
遵敬慎從事嘉靖十八年七月初五日奉
聖旨候旨行

皇穹宇成奉安 神御位 配位儀

南宮奏議

卷十二

四

鈐山堂

嘉靖十八年八月十二日欽奉 聖諭於南郊祗建

皇穹宇該本部題奉欽依遣官暫奉安 上帝神

御位 配位從位于蒹殿今照 皇穹宇落成在邇

所有奉安禮儀理合題請施行 等仰惟 皇上尊

事 帝天載宏穹宇茲者厥工告竣萬年之鴻構已

成一代之上儀大備誠足以妥有赫之靈肇無前之

典者也 等不勝欣仰贊慶之至香得先年 泰神

殿工完該本部尚書夏言奉有 聖諭泰神殿石座

既成朕當親往行奉安禮欽此已經本部欽遵具儀

題請施行外今者恭覩 皇穹宇落成 等恭請

聖駕親詣南郊舉行奉安之禮伏候命下本部行令
欽天監選擇大吉日期施行嘉靖十九年六月二十
二日奉

聖旨待九月朕躬安奉

請遣官奉安 皇穹宇神位

先該本部題稱 皇穹宇落成恭請 聖駕親詣

南郊舉行奉安之禮等因奉 聖旨待九月朕躬詣

安奉欽此本年八月二十日節該欽奉 勅諭朕權

如常靜理 郊廟大典奉候處分欽此為照 皇穹

宇落成先該本部具題奉有明旨躬詣安奉但今

南宮奏議

卷十三

五

鈐山堂

聖躬方在靜理合無暫遣重臣恭代奉安行禮 等

理合題請伏候 聖裁命下行令欽天監擇吉舉行

嘉靖十九年八月二十九日奉

聖旨 泰神上位久未奉安朕心日惕但多時已過

今去大報不遠恭候至期諭行

奉安 皇穹宇神位禮成復命

嘉靖十九年十一月十五日冬至大祀 天子 園

丘該太常寺題奉欽依命 等請 神上香行禮 臣

潮 承恩充導引官 等欽遵謹率太常寺官各加

敬慎先詣蒹殿各恭捧 正位 配位以及從位恭

詣園丘安設虔誠行大報禮畢隨各欽捧至皇
穹宇各安奉于匱室仰惟大禮告成臣等無任慶幸
之至謹具題以聞

請定躬禱郊雩禮儀

嘉靖十七年四月十七日該輔臣李時等面會臣高
捧讀 聖諭近少旱朕正憂禮部已請命所司致禱
外又聞近郊小民踣斃心加憂之朕處人上罪在朕
躬即今十八日為始與卿等齋心潔慮禁止屠宰三
日青衣辦事二十一日朕躬禱郊雩目會高示群臣
知之勿忽十八日暫罷朝一日欽此欽遵仰惟我

南宮奏議

天卷上

六

鈐山堂

皇上恩覆黎元志勤稼穡天時亢曠宸慮憂勞遠形
罪已之詞亟致籲神之禱此誠聖帝明王視民如傷
之盛心也臣高即已出給告示宣示百官咸令知悉
外所據 躬禱郊雩禮儀臣查得嘉靖十二年五月
內崇雩壇告成該本部具儀上請奉 聖旨是依擬
行今奉前因查得前項儀注凡遇一歲亢曠禮部奉
行欽天監擇仲夏吉日舉行前期五日太常寺奏請
欽命文武大臣視牲前期二日告請 太祖配
神但目今已奉 聖諭二十一日致禱期已迫促則
於禮文儀節之詳未能悉備合無視牲告 祖俱於

前期一日其正祭禮儀應否照舊儀用牲幣樂舞以
祭服行事惟復照常祭告儀以青服行事伏乞 聖
明裁定嘉靖十七年四月十八日奉

聖旨茲禱甘澤乃修省之事只宜青衣上香進帛三
獻八拜成禮百官陪拜未可用所開全儀亦不必奉
祖配便具此儀來行祭用酒果脯醢牛一以熟薦

雩祀儀注

臣等欽奉聖諭仰遵 皇上修省至意一應合行禮
儀務從簡約以示貶損謹開坐上請伏候命下遵行
嘉靖十七年四月二十一日 上親禱于崇雩壇翰

南宮奏議

天卷上

七

鈐山堂

林院撰祝文前期一日遣官祭告于景神殿如常儀
太常寺預設酒果脯醢香帛于崇雩壇牛一以熟薦
設 上拜位于壇壝正中錦衣衛設隨朝駕不除道
是日昧爽免朝 上具青服御奉天門太常寺官跪
奏請 聖駕詣崇雩壇 上陞輿護駕官校侍衛如
常儀百官各具青服先於南天門外候迎 上乘輿
至昭亨門西降輿過昭亨門東 上乘輿至崇雩壇
門西降輿導引官導 上入崇雩壇門內贊對引官
導 上行典儀唱執事官各司其事內贊奏就位
上至拜位典儀唱迎神內贊奏陞壇導 上至香案

前奏跪奏上香 上三上香訖奏復位奏四拜

傳贊百官同 典儀唱奠帛行初獻禮內贊奏陞壇導上

至神御前奏獻帛訖奏獻爵訖奏詣讀祝位奏跪

傳贊百官皆跪 贊讀祝訖奏俯伏與平身

奏復位典儀唱行亞獻禮內贊奏陞壇導上至神

御前奏獻爵訖奏復位典儀唱行終獻禮

典儀唱送神內贊奏四拜

官捧祝進帛官捧帛各詣燎位內贊奏禮畢導引官

導上出至幕次少憩 駕還宮嘉靖十七年四月

十八日奉

南宮奏議 卷三 八 鈐山堂

聖旨是以中夕行事

請定雩祀樂舞

嘉靖十二年五月該本部題崇雩壇告成其合行儀

注增設樂舞一應事宜俱經奉有欽依遵行外目今

天時亢暵等擬欲恭請 皇 舉行雩祀盛典而

儀物未備隨據太常寺手本開稱崇雩壇增設樂舞

製造舞衣羽旄等項先奉欽依移行各該衙門造辦

去後俱未造送等因到部 等謹按古者龍見而雩

乃建已之月萬物始感待雨而長聖人為民之心切

故祭天遠為百穀祈膏雨也與啓蟄之郊其意同然

樂則必用威樂與他祭獨不同通典曰祭於南郊之

旁命樂正習威樂舞皇舞蓋樂舞者所以振盪聲容

宣暢和氣詔告天地感通神明冀其陰陽和而雨澤

始降也查得先年本部議擬正樂之外神樂觀增設

鼓吹數番選教舞童百人青衣執羽繞壇周旋歌雲

門之曲而舞曲凡九成而終又查得已經撰有歌章

頌之該寺惟是一應舞衣羽旄等項未經造辦仰惟

皇上憲則古先敦崇祀典諸所彙章煥然大備而

恭建崇雩壇於園丘之旁以祀天禱雨為民祈福誠

摺王之重務勤卹民隱之盛心也但今壇制雖成儀

物尚未完備豈非有司者之責歟 等仰承德意稽

覈舊文理合申明題請恭候命下行移各該衙門將

應用舞衣羽旄等項作速造辦如制給送該寺其選

教舞童一節查得四郊九廟朝夕月及歷代帝王

等壇見在樂舞生通計二千二百名屢據該寺呈稱

各生在逃尚且名數短少選補不敷今若再加增設

愈益浩繁非惟收選之難抑且經費之冗 等以為

各壇舞生雖係分設既定要之舉祀供役自非併集

一時似可通融兼習不必復有增設合無行令該寺

就於見在樂舞生二千二百名內揀選年幼質秀者

南宮奏議 卷三 九 鈐山堂

百名以充零壇之數本部劄仰該寺堂上官一員專
一提督教演務要音節詳明聲容閑習以俟緩急應
時而用庶幾 聖明鉅典蕪總條貫靡有關遺我
皇崇祀為民之心可少慰矣嘉靖十七年四月二十
二日

神祇壇改正嶽鎮海瀆神牌

嘉靖十八年六月初四日臣嵩欽奉 旨諭神祇壇
嶽鎮海瀆神牌石龕俱着改正北向欽此臣等仰惟
皇上正禮安神睿思精當茲以五嶽五鎮四海四
瀆神牌石龕改正面坎背離允合從陰之義謹欽遵

南宮奏議

卷十三

十

鈐山堂

傳諭該寺遵行訖謹具題以聞

南宮奏議卷第十二

南宮奏議卷第十三目錄

宗廟

議 廟建事宜

請暫安 列聖神主於 景神殿

奉題 成祖 仁宗神主儀

內殿奉安 列聖神主儀

請定 睿宗廟捧 主儀

豐坊請定不遷之宗覆議

奉 列聖忌祭儀

南宮奏議

卷十三目錄

一

鈐山堂

南宮奏議卷第十三 鈐山堂集五十三

宗廟

議 廟建事宜

嘉靖二十年四月初五日之夕 宗廟災該本部具題內開宗廟禮當修復特請停止內外一切工役蓄力預材以圖大舉等因荷蒙俞旨勅下所司停止一切工程復蒙特降 勅諭暫止大享殿大工用圖專力廟建欽此欽遵外今該翊國公郭勛奏為順天時處天變速建宗廟以成 皇上孝道事奉 聖旨

宗廟奉先極大典禮誠不可緩禮部會官議具來聞

南宮奏議 卷十三 鈐山堂

欽此 臣等看得翊國公郭勛所言欲請勅工部會同府部科道及內官監掌印官公同踏勘各廟臺基并所遺石料等項奏請處分一節除行工部勘處施行外欽惟 廟建大典 臣等祇承休命謹會議得禮莫大於宗廟我國家七廟之建實由我 皇上稽古作制遠紹三代一正相沿之謬屢經廷議斷自 聖衷積數載之勤捐數百萬之費以迄茲役而今者上天降虐回祿槩災遂使鴻構崇規一旦煨燼何以慰祖宗在天之靈何以副 皇上孝享嚴禋之盛此 臣等夙夜兢惕而不敢違中外臣民咸謂所當修復而

不可已者也然 臣等切惟制事當審緩急之宜施為要識先後之序成大事者必上順天道下協人情方今天戒所當畏而修省之念方新民窮所當軫而寬恤之詔初下故 廟建不可緩也而勢亦不容以亟也且與舉大役財力為先夫天子以天下為家合萬國之奉以為祀先之圖豈憂財力之不足惟在調度有經不至妄費耳 臣等曰財力非所慮也各廟規舊制或限於地址於茲更創之期或稍為展拓之計但與工尚遠徐可諮圖 臣等曰規制非所急也今日之事獨有材木為難蓋大木產於湖廣四川其千仞名

南宮奏議 卷十三 鈐山堂

材必處鳥道崎嶇人跡罕至之地而後能久存今斧斤伐之絕壑窮崖凡幾轉歷而後可達水次又泝江濤越萬里而後可達京師水陸搬運歲月難計此首當預為之所也合行工部查盤見在水廠并水次堪用者若干今合用若干會計量度常使有餘該部即便會推有才力經濟大臣一員請勅專督其事仍選差屬官數員分投作速前去合謀協力待其採取既完發運有緒奏報前來禮部題請降勅擇日興工其合用石料物料等項事宜工部一面區畫奏請營辦庶幾事預論定用力于休養之餘皮材于充積之後

一舉手而眾庶子來一經費而泉貨山集將見天人協應命與聿新而 皇上奉先孝享之盛心可仰慰矣 臣等再惟目今各廟神主恭安于 景神殿暫即九室之安以奉蒸嘗之薦 皇上一念力圖修復之誠 列聖神靈固已昭格而慰歆矣伏望 皇上少寬聖慮順變安眾以需惟永圖嘉靖二十年五月初三日奉

聖旨興建 宗廟朝廷急重典禮莫切于此朕心皇皇弗寧惟是為大你每會議的是採木誠為首務工部便會官推舉有才力大臣兩三員來看其餘都依南宮奏議 天卷三 三 鈔山堂

擬 請暫安 列聖神主於 景神殿 臣等為照昨者 宗廟之火起於東北故 成祖廟 仁廟神主火勢封門不能恭捧以出號籲莫及矣 大廟 宣廟 英廟 憲廟 孝廟 武廟神主俱得捧出安全目今合無暫請奉安于 景神殿恭請 皇上行奉慰祭告禮所有 成祖廟 仁廟神主合即行該監擇吉恭製又 皇考睿廟歸然完好此亦足以少慰聖情但未免神靈震驚宜安慰俱候命下欽遵施行嘉靖二十年四月初六日奉

聖旨 皇祖列聖神主暫奉安于景神殿即行奉慰禮 成祖 仁宗神主便急恭製詣 陵奉題還安各廟儀物所司即行補造

奉題 成祖 仁宗神主儀

本月初五日夜伏值宗廟之災 成祖廟 仁廟當火勢初起神主一時延燬號籲莫及隨該本部題請擇日恭製節奉 聖旨 成祖 仁宗神主便急恭製詣 陵奉題還安欽此除即行該監欽遵恭製外 臣等切惟題主於墓而厝之於朝此古禮也茲奉 聖旨重製 二聖帝后神主詣陵奉題還安仰惟

南宮奏議 天卷三 四 鈔山堂

聖見超卓誠得先王制禮之精義所有遣官奉題祭告并迎主奉安一應禮儀合行開坐上請恭候命下欽遵施行 一本月二十一日 長陵 獻陵恭題 神主合用命官四員 一前期所司詣陵恭製 神主 一是日質明遣祭官具青服行祭告禮如常儀內侍官設題主案于 祿恩殿西向奉木主置案上中書官恭書 尊謚訖題主官盥手恭題主畢遣祭官同內侍官捧主置于神座上遣祭官跪太常卿跪于左奏云請 成祖啓天弘道高明肇運聖武神功純仁至孝文皇帝神靈上神主又太常卿跪于右

奏云請 仁孝慈懿誠明莊獻配天齊聖文皇后神
靈上神主訖遣祭官俯伏與遣祭官更吉服即行朝
奠禮畢太常官跪奏云請 成祖文皇帝 仁孝文
皇后降座陞輿還京遣祭官同內侍官奉 神主陞
輿進行儀仗侍衛如儀遣官後隨次玄福宮神御幄
行夕奠禮同前次日還京 獻陵告祭題主 儀俱同
神主還京所司先期于土城外設幄次 神主至
百官行叩頭禮 神主啓行大樂前導 設而不作百
官從後至承天門外樂止神主入午門儀衛百官退
上常服奉迎由左順門東華門東上門東上南門
南宮奏議 卷三 五 鈐山堂
永泰門入 景神殿東門行安 神禮如時祫禮儀
于 永孝殿 惟不用樂 畢奉主還 景神殿 上至
幄次少憩公侯伯駙馬九卿堂上官皇親指揮以下
陪拜嘉靖二十年四月十二日奉
聖旨定命官候別諭
內殿奉安 列聖神主儀
臣等節奉 聖諭廟主宜奉安內殿可少俟 皇伯
妣禮訖舉行欽此 臣等查得嘉靖十四年二月內營
建 七廟節該遵奉欽依恭請 列聖帝后神主于
奉先殿奉安外茲者 孝康敬皇后神主祔廟禮訖

所據奉遷神主事理 臣等惟國家奉先之禮有宗廟
以象外朝有內殿以象內寢茲方有事于廟建 聖
諭欲行奉遷廟主于內殿以俟宗廟之成委為得理
之正 臣等欽遵謹將一應禮儀開坐上請伏乞 聖
明裁定勅下各該衙門一體遵行 一行欽天監擇
奉遷吉日 一太常寺備辦告景神殿并奉安內殿
祭品香帛翰林院撰祝文 一太常寺請命捧 帝
主大臣十二員捧 后主內臣十二員各具祭服
一前期一日司設監會同內閣禮部太常寺官恭詣
內殿陳設神座等項 一至日司設監備 神主金
南宮奏議 卷三 六 鈐山堂
輿并冊寶亭衣冠亭各十二座于景神殿門外候行
告奉遷禮畢各官捧冊寶衣冠安置訖亭內後隨
一錦衣衛設傘扇儀衛導從如儀 一神主輿冊寶
等亭由端門午門奉天門中左門後左門至內殿門
外儀衛退捧 主官各捧 神主奉安于奉先殿畢
行奉安禮 一至日司設監備 神主金輿一座于
睿宗廟門外候 列聖帝后主出捧主官捧 睿
宗廟帝后神主由中門出以次奉入內殿行奉安禮
畢 主還廟儀衛導從如初嘉靖二十年十一月十
四日奉

聖旨是

請定 睿宗廟捧 主儀

嘉靖十七年十月初五日恭遇時禋享宗廟該太常

寺題奉 聖旨着文武大臣張溶陳鏞夏言顧鼎臣

許讚張瓚嚴嵩毛伯温各捧 主欽此欽遵臣高伏

蒙 聖恩遣命以次該恭捧 皇考睿宗主臣等竊

惟 皇考廟路稍遠每遇禋享 太廟合令司設監

恭設神輿于 睿宗廟丹陛下遣官詣後寢捧 主

出跪納輿中太常寺官前導至 太廟門外遣官跪

出 主恭捧與 群廟主同入廟祭畢遣官捧 主

南宮奏議

卷十三

七

鈴山堂

出太廟門外仍納 主陞輿還廟奉安神床訖叩頭

而退臣等理合題請伏乞 聖明裁定者為定式以

後 欽遣捧主官并內外各衙門官員求為遵守嘉

靖十七年十月日奉

聖旨是凡奉 主陞降輿太常寺官二員佐捧 主

官供事守為定式

豐坊請定不遷之宗覆議

該揚州府通州同知致仕豐坊奏古之王者祖有功

而宗有德皆不遷之廟也是故有不遷之祖必有不

遷之宗近奉明詔以 文皇帝功兼創守加尊為成

祖而未言當以何廟為不遷之宗或者有司之未違

也臣考之周人以后稷配天于郊是不遷之祖也文

王配帝于明堂是不遷之宗也臣前議伏謂 皇考

獻皇帝比德文王當稱宗以配上帝今既配帝矣則

當如文王為不遷之廟無疑抑又思之 憲宗純皇

帝 皇考之父也 孝宗敬皇帝 皇考之兄也

憲宗御世二十三年 孝宗御世十有八年敬天法

祖恭儉愛民聖文神武四海攸歸深仁厚澤萬類均

被本朝太平之盛有無過於成化弘治之時較之商

之三宗漢之七制實遠邁焉臣愚竊謂 太祖 成

南宮奏議

卷十三

八

鈴山堂

祖當為本朝不遷之二祖 憲宗 孝宗 睿宗當

為本朝不遷之三宗庶幾 五聖功德之隆益彰于

萬世 皇上追宗之孝益著于萬全矣伏望 皇上

斷自聖心考古定議著之令甲詔示天下以為 聖

子神孫萬世之規等因節奉 聖旨該部看了來說

欽此抄呈到部臣等議得古者不遷之廟所謂祖有

功而宗有德者也殷人祖契祖湯而有太甲太戊武

丁為宗周人三昭三穆之外有文武世室漢高帝為

太祖而孝文孝武孝宣為宗光武為世祖而孝明孝

章為宗唐之高祖太宗玄宗肅宗憲宗宋之太祖太

宗真宗仁宗高宗孝宗廟皆不毀此古事之可據者也近者 皇上明詔以 文皇帝功業創守加尊為成祖而未言當以何廟為不遷之宗此今事之難預擬者也若夫 皇考獻皇帝稱宗配帝當為百世不遷之廟昨者 臣等則嘗言之矣 臣等曰古者嗣世之君有賢聖功德者則其廟難以世拘必別立廟以為世室不在三昭三穆之數夫我 皇考躬集大命篤生 元聖佑啓後人既有世德宜享世祀他日當遷之期奉為百世不遷之廟確然無疑此非 臣等之臆見也乃天下之公言也豐坊建議謂當合 憲宗純

南宮奏議

卷三

九

鈔山堂

皇帝 孝宗敬皇帝為本朝不遷之二宗夫 憲宗之深仁厚澤海宇豐亨 孝宗之恭儉仁恕臣民愛戴定議專祀比隆殷周上姬 二祖要亦未為無見但 臣等切詳昔周公制禮之時文王武王尚為昭穆近廟其為世室特起於數世之後蓋都宮之內昭穆匪虛親盡則祧匪祧則奉于特廟茲 列聖未及親盡之時又 本朝神聖代作巍乎功業煥乎文章遠邁商三宗漢七制似未可遽斷自 憲 孝二宗而止特祀之典來世 聖子神孫至孝之君知禮之臣必有能以至公之論嗣而行之者 臣等質考古義竊

謂不遷之宗有難以今日預擬者仰惟 皇上聖鑒淵澄見禮精到伏乞 聖明俯賜裁之

列聖忌祭儀

該 臣 嵩於 文華殿百奉欽定 列聖忌祭禮儀恭捧到部 臣等切惟記曰君子有終身之喪忌日之謂也故忌祭之禮於祀為重我 國家凡遇 祖宗忌祭于奉先殿行禮 列聖具在似於奠獻未便茲我 皇上特加釐正恭以 太祖高皇帝 高皇后忌日祭行于景神殿示有尊也 列聖帝后忌日祭行于永孝殿示有別也是誠得禮之當而盡敬之實 臣

南宮奏議

卷三

十

鈔山堂

等謹將忌祭儀節恭錄上進伏候命下遵行 一五月初十日太祖高皇帝忌祭八月初十日高皇后忌祭俱于景神殿行禮用牲醴酒果香幣服用淺淡色太常寺官供祀先期三日日本寺具奏請欽定大臣陪拜 一列聖忌辰俱于永孝殿行禮 遷奉景神殿神位祭畢仍還殿是日 上至景神殿東門內 上降輿導引官導上由左門入至殿左陛上典儀唱執事官各司其事內贊奏就位典儀唱迎神內贊導 上至香案前奏上香訖奏復位奏四拜典儀唱奠帛行初獻禮內贊導 上至御案前奏獻帛奏獻爵訖奏復位奏跪贊

讀祝訖奏俯伏興平身典儀唱行亞獻禮終獻禮初獻惟不獻帛讀祝內贊奏四拜典儀唱讀祝官捧祝進帛官
捧帛各詣燎位內贊奏禮畢 上還宮嘉靖十八年
五月初八日奉
聖旨是着著為令

南宮奏議

六卷五

十一

鈐山堂

南宮奏議卷第十三

南宮奏議卷第十四目錄
陵寢

奉祭 聖蹟亭儀

看議 陵殿門名

長陵改題 成祖聖號碑

奉諭更定 各陵妃配祭

請御製 各陵碑文

請御製 皇陵 祖陵碑文

覆請 御製 皇陵 祖陵碑文

顯陵忌祭并春秋二祭事宜

南宮奏議

六卷四

一

鈐山堂

議罷 顯陵歲暮祭

顯陵明樓碑改題 尊號

條陳興都事宜覆議

護養陵山樹木覆題

南宮奏議卷第十四 鈐山堂集五十四

陵寢

奉祭 聖蹟亭儀

嘉靖十七年四月初一日該內閣傳示 聖諭 太宗奉祭于新亭還宜一往七日發京至沙河可示嵩具儀來欽此 臣等仰惟 天壽山之東平臺山者昔我 太宗文皇帝駐蹕之所歲久蹟湮逮我 皇上躬修陵祀周覽山原追惟 皇祖陟降于茲永懷謨烈之光式展繼承之孝特勅工曹恭建 聖蹟新亭命與增華巖巒改觀真聳一代之鉅瞻垂萬世之不

南宮奏議

卷十四

鈐山堂

構者也維時落成特舉裡祀 臣等欽遵 聖諭行據欽天監選到奉祭吉辰於本月初十日吉謹恭酌謁陵禮儀議擬上請伏乞 聖明裁定勅下施行 一太常寺備辦告廟及祭 聖蹟亭祭品如常儀翰林院撰告祭文錦衣衛設丹陛儀衛扈行兵部奏請簡命文武大臣居守京師請勅行事及奏請直守皇城四門京城九門分調提督武臣把守各山口關隘選點扈駕軍馬奏差科道官點開戶部照例關給扈從官軍行糧工部差官隨宜修理橋道光祿寺隨處預備御膳供具教坊司官備奉大樂以從 一扈從官

五府六部都察院通政司大理寺正官司屬官各一員太常寺鴻臚寺堂屬官光祿寺太僕寺卿翰林院

學士并日講官國子監祭酒順天府府尹六科官六員十三道官十三員從官在途供事以便衣朝參用

吉服 一前期一日 上告廟畢還宮初七日早免朝 駕發由長安左門從官前行居守官同文武百

官俱吉服趨德勝門外候送駕過退是日 駕至沙河昌平州官吏師生耆老人等俱跪迎道傍 駕過

退 駕至行宮進膳畢陞座從官朝見叩頭禮如常儀初八日早從官朝參事畢鴻臚寺官引昌平州官

吏師生及公差有事官員見行五拜三叩頭禮朝罷從官先行至 天壽山行宮候 駕駕發至天壽山

紅門 上降輦由左門入 駕至行宮進膳畢 上

出陞座從官行叩頭禮禮畢退初九日早從官朝參奏事如常儀是日日本部官率太常寺官俱詣 聖蹟

亭陳設初十日早免朝以質明 上具翼善冠黃袍乘輿至平臺山麓降輿導引官導 上登詣 聖蹟

亭典儀唱執事官各司其事陪祀官就位內贊奏就位 上就位內贊導 上至香案前奏上香 上三

上香訖奏復位 上復位奏迎神 大樂萬歲樂 奏四

南宮奏議

卷十四

鈐山堂

拜 大樂天香鳳韶傳贊百官同 典儀唱奠帛行初獻

禮 細樂水龍吟 內贊導 上至案進帛官捧帛跪進

于 上右奏獻帛 上獻帛捧爵官捧爵跪進于

上右奏獻爵 上獻爵訖奏復位 上復位奏跪 傳

贊百官皆跪 贊讀祝讀祝官讀訖奏俯伏興平身 大

樂水龍吟傳贊百官同 典儀唱行亞獻禮 細樂水龍

吟 內贊導 上至香案前奏獻爵訖奏復位典儀唱

行終獻禮 細樂水龍吟 儀同亞獻贊四拜興平身 傳

贊百官同 奏送神 大樂天香鳳韶 典儀唱讀祝官捧

祝進帛官捧帛各詣燎位捧祝帛官出奏禮畢從官

南宮奏議 卷十四 三 一 鈐山堂

俱吉服於平臺山麓平迤處序立陪祀祭畢先行趨

赴行宮候 駕 一每日早從官朝參如常儀 一

回鑾日免朝從官先行至沙河行宮候 駕駕至行

宮從官行叩頭禮如常儀次日早朝參奏事畢鴻臚

寺官引昌平州官生辭行禮如前儀朝罷從官先回

駕由德勝門入文武百官及軍民耆老人等俱於

門外迎候居守文武大臣伏謁 駕前致詞行叩頭

禮教坊司大樂鼓吹振作 駕入告 廟謁 皇太

后禮畢還宮

看議 陵殿門名

嘉靖十七年二月二十七日該大學士夏言欽奉

御筆更定 陵殿門名隨蒙面諭令禮官講臣再加

議擬如有可否令其各據所見來聞欽此傳示 臣等

仰惟 皇上追崇 列聖修飭 諸陵功鉅制隆聿

增煥麗真聖人繼述之大孝也茲者 鑾輅躬臨特

修春祀周覽之餘親撫 睿思更定 陵殿門名以

殿曰稜恩殿門曰稜恩門 臣等謹按載籍稜者祭名

也又曰福也有祭而受福之義焉又曰靈也有神靈

昭著之義焉恩即固極之意以為春秋祭祀以報本

源鞠育之恩 欽定稜恩二字允為精當仰惟 皇

南宮奏議 卷十四 四 鈐山堂

上聖學精微孝思深遠高出百王之上永垂萬世之

觀 臣等不勝欽仰悚歎之至具本題覆以聞

長陵改題 成祖聖號碑

該武定侯郭勛題 長陵碑文 皇上欲用木廂碑

身刊刻 祖號非萬年長久之計宜磨平從石重書

等因奉 聖旨禮部翰林院看議來說欽此 臣等欽

遵看議得 文皇帝長陵尊號碑蓋自 文皇帝升

遐之後 昭皇帝所恭上者顯文深刻燦如日星千

萬世聖子神孫所當崇寶無斁者也昨者 皇上追

念我 文皇帝偉烈駿功尊稱 祖號適秋祭山陵

恭以更題陵碑告聞 皇祖周覽徘徊不忍刮傷舊
號額諭勲輔欲用木廂碑身刊刻 成祖聖號臣等
竊歎 聖裁允當蓋今日之鴻號有加先朝之舊題
無毀也武定侯郭勛冒昧上言徒執已見之偏詎知
聖孝之大自謂納忠而不知其言之失禮者矣伏
望 皇上勅下所司欽遵 聖諭將陵碑用木如式
廂製刊刻擇吉奉安則我 皇上秉禮孝思之誠足
以昭格 二聖而允垂於萬世矣嘉靖十七年十月
日奉

聖旨是着工所速造完木片恭安

南宮奏議

卷十四

五

鈐山堂

奉 諭更定各陵妃配祭

嘉靖十七年八月二十六日該本部尚書臣黃面奉

聖諭 成祖東西井二妃墳并 憲廟十三妃墳

俱宜各立石碣表識又金山各妃墳所之祭俱宜併

入 天壽山各陵殿置設木位配祭其金山墳祭罷

之欽此欽遵案查嘉靖十五年該本部尚書臣言已

經奉有 聖諭題奉 欽依通行工部及太常寺欽

遵去後今奉前因行該太常寺回稱各 廟妃號前

來 景陵一十六妃 獻陵四妃 景陵七妃俱謚

號無存歲時但以几案設祭 仁廟三妃 宣廟一

妃 英廟十八妃 憲廟皇貴妃一妃十二俱謚號

開列明白臣等切惟 皇上即今恭舉 山陵秋祭

列聖諸妃禮宜遵照 聖諭於各 陵殿一體致

祭但木位未經成造合無暫於每位標設紙位配祭

惟復行催內外各該衙門作速成造木位完日設祭

伏乞 聖裁其擬立石碣本部照依先年題准事理

移咨工部差官恭詣各該墳所逐一相度規制并擬

立石碣處所畫圖貼說徑自奏請發下所司如式建

造完日該部仍行翰林院擬名書刻嘉靖十七年十

月二十二日奉

南宮奏議

卷十四

六

鈐山堂

聖旨 列聖諸妃今次秋祭俱且設几案一體從祭

陵殿墳所祭以後不必舉行碣石着所司及時建

立

請 御製 各陵碑文

嘉靖二十一年五月十六日該內官監遞出揭帖內

開 諸陵工所建造 列聖碑亭并石碑今已蓋造

完備所據各該撰文書丹鐫石 長陵碑二通 獻

陵 景陵 裕陵 茂陵 泰陵 康陵碑各一通

皇貴妃石碣一座東西二井石碣二座等因仰惟

皇上尊 祖 奉先飭修陵殿茲者恭建 列聖

碑亭厥工告成臣等查得成祖文皇帝聖德神功碑文乃仁宗昭皇帝御撰今長陵等陵碑文伏請皇上親御宸翰製文鐫石以紀述列聖功德垂示于萬萬世其皇貴妃及東西二井碣文合行翰林院撰擬伏候明旨遵行本月二十日奉聖旨是朕知道了

請御製皇陵祖陵碑文

該直隸鳳陽府同知鄭潤奏臣竊觀泗州祖陵我

熙祖裕皇帝之玉體威焉鳳陽府皇陵我仁

祖淳皇帝之玉體威焉萬年祚胤皆此發祥國家

南宮奏議

卷十四

七

鈴山堂

根本之重地也我太祖高皇帝即位之初首命官修飭皇陵及即位之後又命官修建祖陵特製碑文一首刊諸穹碑建立於皇陵金門之左王業之艱難世德之淵厚歷歷備陳垂示罔極臣以為一碑足矣而當時又立一碑於其右與左並峙經今一百七十餘年中間雖嘗修理皆未有若我皇上今日工役之大臣竊謂皇陵右碑實天留之以待中興之制雖祖陵原無碑而規模增備固可併識臣願皇上萬幾之暇親御宸翰製為修理碑文一通簡命善書之臣捧赴陵所登刻於虛碑之上昔有

太祖建立之碑叙述創業之所由始今有皇上修理之碑揚厲中興之所以威不惟彰我聖朝之威制而我皇上之孝思亦衍諸無窮矣等因奉聖旨禮部看了來說臣等看得鳳陽府同知鄭潤奏稱皇陵右門虛碑一座乞請親御宸翰製為修理碑文一通捧赴陵所登刻及將祖陵修理事蹟併識於皇陵碑文內一節臣等仰惟鳳陽府皇陵

乃我仁祖淳皇帝玄宮太祖高皇帝即位之初

首命官修飭特製碑文勒之貞石蓋本朝王業肇

基胤祚發祥之重地也然歲久陵廟圯缺頃者我

南宮奏議

卷十四

八

鈴山堂

皇上特命官修飭功崇制備祇祀安靈大聖人繼述之孝可謂於千古有光矣告成之日禮宜有紀述以昭示罔極而陵右舊有亭碑文石一座空豎百七十餘年同知鄭潤請乞嗣而成之勒文其上似為允當伏望皇上親製宸章遣官前去寫書登石則聖祖神孫天葩睿藻輝映後先傑構穹碑屹峙左右真國家億萬載無窮之偉觀也再照祖陵在泗州與皇陵隔越雖係重修其實添設補造增益未備之制為多似難與皇陵重修事蹟併識一文合無別製祖陵重修碑文仍命有司祖陵暨造碑

亭一座伏乞 聖裁嘉靖十七年二月十二日奉
聖旨 皇陵勒文并 祖陵建碑事體崇重還着撫
按官恭詣相度議擬來說

覆請 御製 皇陵 祖陵碑文

該欽差巡撫鳳陽等處地方都察院右都御史周金
據直隸鳳陽府知府劉安申稱備奉 欽依修理鳳
陽 皇陵皇城白塔壽春等王墳本職與各工提調
之責出入禁地仰見金門御路左右各設碑亭一座
路左一亭乃我 太祖高皇帝御製碑文路右一亭
一如左制內有碑石與左碑相對未經勒文見今節

南宮奏議 天卷十四 九 鈐山堂中

奉 明命修理廟貌一新斯固足以慰 聖祖報本
之心彰 皇上光前之孝但前碑未勒煩為轉達請
乞 御製碑文一通勒於右石等因 等仰惟 皇
上留神基本光邁 先朝銳意陵園謀貽來嗣其
祖陵及壽春等王墳俱在一時崇修如蒙伏望 皇
上勅下該部查議上請通乞 御製碑文各一通須
示建立其 皇陵就於前項右亭原石鐫勒以配左
亭 聖祖御製之文 祖陵壽春等王墳亦各建碑
亭鐫勒睿藻庶本源懋濟哲之祥宗社永磐石之固
中外臣民不勝幸甚奉 聖旨禮部看了來說欽此

抄送到司案查嘉靖十七年二月初九日該本部題
該直隸鳳陽府同知鄭潤奏奉 聖旨 皇陵勒文
并 祖陵建碑事體崇重還着撫按官恭詣相度議
擬來說欽此已經移咨都察院轉行彼處撫按官員
欽遵去後今該前因看得巡撫鳳陽等處地方都察
院右都御史周金巡按御史蘇叢會題稱 皇陵修
理工完全門御路左右各有一亭其左亭碑文乃我

太祖高皇帝宸翰親製在右一碑尚空及 祖陵
壽春等王墳俱一時崇修乞要通請 御製碑文各
一通 皇陵就於前項右亭原石鐫勒以配 聖祖
南宮奏議 天卷十四 十 鈐山堂中

左亭 御製祖陵壽春等王墳亦各建碑亭鐫勒睿
藻一節 等仰惟 皇上重修 皇陵 祖陵告成
之日宜有碑文紀述大工光揚祖烈昨該同知鄭潤
建議本部題奉欽依備行撫按官恭詣相度議擬去
訖今撫按官亦各具題前來謀議會同勒文垂世委
為一代盛典伏望俯從所請 親製睿文遣官勒石
其建設規制仍遵前 旨備行各官恭詣相度務求
精當仍備細畫圖貼說以呈 御覽其壽春王墳應
否另製碑文紀述 等未敢擅擬伏乞 聖裁嘉靖十
七年四月初二日奉

聖旨知道了文着翰林院撰擬來

顯陵忌祭并春秋二祭事宜

照得嘉靖十八年十二月初四日恭遇 皇妣慈孝

獻皇后周年該本部題稱遣官顯陵致祭等因奉

聖旨 皇妣二次祥祭朕同后妃詣几殿慈容前致

祭一壇 顯陵之遣少待各王府著照例差官詣陵

致祭仍著奏回欽此 等仰惟 慈聖上仙奄踰一

載 皇上裁正典禮恭率 后妃特舉 几殿一祭

仰見 聖孝純誠情文兼備 臣等不勝欽服之至除

顯陵遣官恭候明旨外但以後年歲忌辰之祭未

南宮奏議

卷十四

十一

鈴山堂

經定有常典查得每年六月十七日 皇考睿宗獻

皇帝忌辰十二月初四日 皇妣慈孝獻皇后忌辰

例該 顯陵致祭合無就於湖廣地方 欽差勳戚

大臣內簡命一員行禮伏乞 聖裁欽降祝文一道

著為歲例以便遵行再照 顯陵奉祀蔣華今已陞

都督僉事專一奉守陵寢則一應祭祀必須設官分

理查得 天壽山諸陵各設奉祀一員應合比照前

例 顯陵增設奉祀祀丞各一員伏候命下本部行

令太常寺考選吏部照例銓補前去供事庶官備祭

嚴足慰我 皇上篤親之念矣本年九月二十六日

奉

聖旨是顯陵 一聖忌日并春秋二時祭祀歲遣鎮

守湖廣勳臣行禮如有故着都督僉事蔣華代承為

定例奉祀官遵制增設

議罷 顯陵歲暮祭

祠祭清吏司案呈該欽差守備湖廣承天府等處地

方內官監太監傅霖題奉 聖旨禮部看了來說欽

此案查嘉靖十七年九月內該欽差巡撫湖廣都察

院右副都御史顧璘題稱純德山 顯陵祭品繁瑣

不典奠獻儀注疎簡無章乞要將純德山比照天壽

南宮奏議

卷十四

十一

鈴山堂

山 顯陵比照 長陵等陵各祭祀行禮并將品物

禮儀須降儀注遵行等因該本部具儀畫圖題奉

欽依遵照去後今該前因行准太常寺手本回稱查

得 長陵等陵每年止是元日清明中元霜降冬至

舉祀原無歲暮祀典惟是奉先殿每年四立歲暮有

五享禮等因案呈到部為照 顯陵與 長陵等陵

事體相同隆慶殿與奉先殿事體相同歲時祭享已

有定儀今隆慶殿既已如例舉歲暮之祀則在陵殿

不必瀆舉所據太監傅霖乞要增添顯陵歲暮祭祀

似難創議伏乞

聖裁嘉靖二十一年四月三十日奉
聖旨長陵等陵既無歲暮祭不必增

顯陵明樓碑改題 尊號

該工部左侍郎兼都察院右副都御史顧璘題等
奉命督理 顯陵大工見造寶城等處恭親顯陵明
樓碑額原題 恭睿獻皇帝之陵邇者仰惟 皇上
篤孝追尊已上我 獻皇帝謚號曰知天守道洪德
淵仁寬穆純聖恭儉敬文獻皇帝廟號睿宗前項碑
額相應改題又覩明樓舊碑堅厚完固似亦不必更
換乞勅禮部查議行下臣等將見題 聖號從新磨

南宮奏議

六卷十四

三

鈐山堂

磨仍乞差善書中書一員前來改題 廟號以垂萬
世惟復別賜定奪等因奉 聖旨禮部看議了來說
欽此看得工部左侍郎顧璘題稱 顯陵明樓原題
碑額今 獻皇帝廟號睿宗相應改題及覩舊碑堅
厚不必更換乞要磨舊差中書一員前去改題一節
臣等仰惟 皇上下大孝尊親更薦我 皇考睿宗廟
號所據 顯陵尊號碑禮應改題以昭揭萬世但昨
者 天壽山長陵改題 成祖陵碑 皇上以不忍
刮傷 皇祖舊號欽定用木裝廂碑身刊刻允為善
美今 顯陵舊碑堅厚完美應否磨治或恭照 成

祖陵碑例仍用廂木恭書伏乞 聖明裁奪勅下本
部行令所司欽遵施行仍行翰林院撰祭文本部差
官齋捧香燭制帛前去擇吉奉安仍乞欽命重臣一
員致祭行禮嘉靖十八年十月十七日奉

聖旨是顯陵碑依恭照 成祖陵碑製更題 聖號
條陳興都事宜覆議

該欽差工部尚書兼都察院右副都御史顧璘題
誤蒙 聖明委督興都大工仰荷 皇上下大孝格天
神人協相十餘大役次第告成今 顯陵永奠 舊
邸鼎新內外備官文武陳列實與南北二都同其體

南宮奏議

六卷十四

西

鈐山堂

勢 孝 長七陵並其奠安矣然創業至難守成匪
易恭惟我 皇上神謨睿筭垂統開先造此大業以
比隆我 太祖 成祖二聖者既無不備良法美意
貽謀啓後保此大業以求貽我 聖子神孫萬世者
又無不周 臣在郢督工三年及奉命纂修興都志遂
得備觀規模之洪大究考文理之精詳然咨詢或有
所聞籌思或有所得不敢隱默畢陳于 上亦使
之常職也故敢效其一念之愚伏惟 聖明垂覽勅
下該部議立永久之制以為保業之助 臣不勝幸願
除修宮殿護養樹木二事另有專疏外謹將後開

十事題請等因奉 聖旨該部看了來說欽此看得
工部尚書顧璘條陳興都事宜關係國家典制相應
議處 臣等謹逐一擬議上請伏乞 聖裁勅下遵行
一定舊邸之官守竊照南京內府自成祖北遷
京師而殿門官守常秩如故今興都 舊邸一應供
御之物悉同大內其守把官員俱宜與兩京內府同
體 前件看得興都舊邸委與南京內府事體相同
其大內門禁合行彼處守備太監查撥相應內臣看
守關防其 內府供御等物及犯禁罪例合行彼處
撫按衙門申明禁約 一正廟祀之樂章 臣時節陪
前官奏議 卷一四 鈐山堂

理何事至於 隆慶殿早午進膳不知原屬何衙門
辦理亦不見有職官監造乞勅禮部轉行布政司分
守荆西道備查設官供祀本意議定各官職任查出
本署通有幾項供事人役其官管理何事其後治辦
何物至於祭品祭器一應纖采等事俱令各有攸司
務致精潔 前件看得祠祭署奉祀祀丞職專供事
陵寢其 隆慶殿早午進膳亦必有司香內官在
彼專司其事據稱見無職官供奉合行彼處守備太
監備查如果缺官即便選撥相應內官專一供奉進
膳其祠祭署原設官校合行彼處分守道着落各供
前官奏議 卷一四 鈐山堂

祭 陵廟每聞樂工唱奏神懽之曲考其歌詞殊為
鄙俚甚非尊崇之道我 皇上前歲 大狩上陵聖
製歌詩皆求慕孝思之發蓋 二聖之所歆鑒乞勅
禮部轉行翰林院按諸音節製為樂章發仰樂官肄
習凡於陵廟祭祀奏以享獻 前件看得 顯陵與
天壽山諸陵事體相同而諸陵歲祀原不用樂
隆慶殿與 奉先殿事體相同而奉先殿舉祀亦不
用樂所據請撰興都陵殿樂章似難創議 一專祠
祭之供祀 臣竊觀 皇上虔奉陵廟設立祠祭署選
奉祀二員祀丞一員專理祭祀 每陪祭更不見所

職役不許怠悞 一崇郢梁之護奉為照郢梁二王
先前殞絕遺有墳墓舊屬內官看守至今年遠老絕
止是校尉管山而已且歲時奠獻王妃神位不宜外
人瀆近乞勅司禮監議行守備太監比照岳懷王墳
事例量撥一二員前去住守以供香火 前件看得
郢梁二王墳坐原撥看守內臣年遠事故見今止遺
校尉看管欲乞勅下司禮監行守備太監查撥陵廟
司香多餘內臣前去看守合候命下備行司禮監查
議奏請施行嘉靖二十一年三月二十三日奉 聖
旨依擬

護養陵山樹木覆題

臣等看得工部左侍郎顧璘題稱 顯陵周圍紅墻
舊松柏近神路者皆已鬱葱遠在山坡等處蓬蒿蒙
翳乞要於松柏缺欠之地逐年補種每至秋冬芟治
一節 臣等議得 顯陵廼 二聖安神重地昨者

聖駕躬臨奉瞻寶山神路往歲所植松柏曾未十年
俱已蒼然挺茂盤鬱青葱拱護 聖陵足占王氣所
據各山坡處所松柏缺乏委宜種補其蓬蒿荆棘雜
樹委宜芟修毋令蔓繁以妨嘉木本官以事干 陵
寢之重未經奉 旨所以題奉前來具見敬慎合候

南宮奏議 卷四 七 鈐山堂

命下行令彼處內外守備官員恭詣陵山逐一踏勘
應該補種芟治之處徑自議處以後年分如遇雜木
長茂蒙翳聽令奏請芟修施行嘉靖十八年十月十
七日題奉

聖旨陵山松柏缺少處着逐一補植應芟治的內外
守備官便會同在工官踏勘從宜芟除以後松柏既
成一枝一柯不許擅動

南宮奏議卷第十四

南宮奏議卷第十五目錄

祀典

薛瑄從祀議

薛瑄從祀覆議

郭英配享議

正 太廟功臣配享位次

文華殿奉安先聖先師位議

修正三皇祀典以復 祖制

題丁祭先師廟六品以下官免陪祀

請定先農壇遣官行禮

南宮奏議 卷五 鈐山堂

天雨請暫罷親耕

祀典

薛瑄從祀議

看得御史楊瞻焚得仁題稱乞要將前禮部左侍郎薛瑄從祀孔子廟庭一節臣等考之昔者帝王秩祀孔子以孔子道德刪述有教萬世之功而祀之所以教民報也諸孔子之徒俎豆堂廡亦以其人躬備道德能有以羽翼聖學功可祀而祀之而從祀之典通乎萬世是謂崇德是謂報功自漢以來大儒從祀代不乏人逮我 國朝正統間以宋胡安國蔡沈真德秀元吳澄從祀弘治間以宋楊時從祀 皇上嘉靖九年又以宋陸九淵從祀表章先儒寔為國家盛典而累朝諸臣若給事中張九功楊廉解一貫都御史姚鏞叅政許讚俱嘗建議請以本朝名臣禮部侍郎薛瑄從祀謹按瑄山西河津縣人年甫幼學一見濂洛之書嘆曰此學道之正脉也即焚棄詞賦以程門居敬窮理為學之法以孟子復性為學之功由壯至老造詣純篤蓋見於大學士李賢尚書彭韶國子監丞閻禹錫等所撰行狀碑文者如此瑄所著有讀書錄十卷今觀其書格言要論發明理道每有新得非

南宮奏議

卷十五

一

鈐山堂

體認密切踐履真實者不能至於立朝行已風塵卓絕有功名教可謂豪傑之崛起聖門之宗裔矣自瑄之歿言者頌其學術行德凡數十上今御史楊瞻焚得仁復以為言若瑄之賢朝廷特加褒顯以風來學進之從祀誠足以慰眾論之公彰聖朝之美也然或者之論以為前代所定從祀必求傳釋六經之人以合祭法報功之義故助孔子垂統之人如二十二經師雖其身有過愆猶應議功之條本朝所祀四人者安國傳春秋沈註書德秀著大學衍義濬著諸經纂言皆以用其書行其道宜有以褒大之也查得先年

南宮奏議

卷十五

二

鈐山堂

亦嘗下儒臣議薛瑄從祀然卒鮮有成議者以罕所著述疑之也臣等切惟求士於漢唐之世聖學榛塞固當專錄其釋經之功自有宋諸儒繼出理學大明之後世之儒者雖論述罕傳似當特取其履行之實惟是侑坐孔庭受職嘉享事重禮殷其選不得不慎臣等謹按漢法有大事中朝逮文學掌故皆以其議上號為近古今祀典重事必下廷議集眾思斯於事體為得而据考經典折衷群言又非頃刻立談可盡查得弘治間宋儒楊時從祀該本部奉旨行翰林院諸臣撰議上進伏望 皇上特勅翰林院詹事府左

右春坊國子監諸文學之官令其博考詳論各撰議進呈御覽以俟 聖明裁擇施行庶盡天下之公使後世罔有遺議嘉靖十八年十二月初九日奉聖旨是着翰林院詹事府左右春坊司經局國子監堂上官人各上議

薛瑄從祀覆議

該本部於禮科抄出太子少保禮部尚書詹事府詹事等官霍韜等各議薛瑄從祀等因俱奉 聖旨禮部知道欽此送司_臣等看得衆議祀典篇牘繁多不能悉錄請撮其辭之槩以俟聖明采擇焉尚書霍韜

南宮奏議

卷五

三

鈐山堂

曰瑄造詣弗及董仲舒而誠篤似之穎悟弗及韓愈歐陽修而篤行過之粹精淵醇弗及程灝而渾厚師之從祀孔廟薛瑄無愧侍郎張邦奇曰篤實足以砥偽中正足以律偏純粹足以訂雜臣愚以為瑄當從祀無疑詹事陸深曰本朝以理學為宗者實自瑄始考其平生出處進退言論風旨不合於聖人之道者鮮矣從祀之選非瑄不可少詹事孫承恩曰夫理學莫盛於宋使瑄而生其時未足多也而在今日則可無崇重乎_臣故以為祀之是祭酒王教曰瑄著述所存固雖少讓於前賢德馨之美亦足感發乎後學以

之從祀未為不可學士張治曰純粹可以正偏駁篤行可以破澆漓廉介可以勵貪鄙恬退可以黜奔競惇大可以裕淺狹薛瑄從祀之典似不可緩府丞胡守中曰議從祀者道德為重著述為輕當以天理人心裁之而不當惑於浮議之私也表章從祀無出瑄之右者庶子楊維傑曰潛心孔顏抗志程朱若秩之從祀實足以彰我朝人文之盛論德龔用卿曰其人誠賢也雖不必於著述可也以瑄之賢而特允其從祀主張斯文實在此舉屠應峻曰崛起興起卓越自信卒為本朝理學名臣稱首以之侑坐孔庭且與古

南宮奏議

卷五

四

鈐山堂

祭于馨宗之義合洗馬徐階曰以身衛聖道非徒托諸空言誠祀瑄以表向往之端示風勵之意其於聖化亦豈小補鄒守益曰考其出處進退之間不折節於權姦不謝恩於私室不曲法於貴近不懾志於臨刑不濡滯於相位一時翕然尊信揆之於古其近於狷者之流乎進瑄從祀以昭國家之盛其於世教未必無補中允李學詩曰瑄之專言性理綱常如彼其醇也修身行道如彼其正也以瑄侑食孔庭揆之禮意最為有得秦鳴夏曰瑄獨反躬實踐遯尋正脉使學者瞭然知所趨向此其功誠不在著述下進瑄而

祀之庶幾繼往開來永先吾道閔如霖曰瑄生明盛
之世卓然有見以居敬盡性為學進瑄從祀實斯道
之幸贊善閻樸曰體認精詳造詣深粹昭代之士曾
無瑄若者不瑄之祀而誰祀哉可直謝少南曰從祀
孔廟當論其學術之醇駁不當論其著述之有無國
家直儒宜以瑄為第一進瑄從祀實協公議呂懷曰
其學已有諸已寔寔乎篤實而有光輝特加從祀之
典則鼓舞感孚將不有振刷興起因流求源以上繼
往聖之傳者哉編修王同祖曰瑄言行篤實似許衡
出處峻潔過楊時以之從祀誠為無忝趙時春曰言
南宮奏議 卷五 五 鈐山堂

而後始定雖以俟後世可也是以瑄為不必祀而其
辭猶婉郭希顏則曰瑄可為一時之豪傑而不可繆
稱理學之宗支所享一方之明禋而不可濫叨聖門
之禮樂臣請莫若罷之便此直以瑄為不必祀矣給
事中丁湛等則曰傳曰三人占則從二人之言是仰
贊聖明以瑄為必可祀者也臣等為照薛瑄從祀始
見請於臺章繼詳延於廷議諸臣之奏無非以我
祖宗列聖培養作興百有餘年之久孔庭俎豆宜得
其人焉以彰國家之盛則如瑄者庶無忝茲選矣故
集眾之詞無或訛議此推仰先哲之心也而庶子童
南宮奏議 卷五 六 鈐山堂

必底績行不愧心如瑄者百年以來實難其人是亦
聖人之徒也以聖人之徒從聖人之祀於理為當唐
順之曰瑄之可附於祀典者有四無歉於祀典者有
二宜如御史臣贍臣得仁所疏黃佐曰瑄之誦法著
述與其躬行於孔子之道無愧焉列之從祀於典禮
為宜侍讀胡經曰舉瑄而從祀之俾經生學子在於
敦行而不在乎多言務於實勝而不貴於虛談則吾
道幸甚以上二十三臣言雖人人殊而其以為可祀
則一也庶子童承叙則曰莫如姑緩以俟將來贊善
浦應麒則曰如董仲舒韓愈王通諸人亦各曠千古

皇上神謨聖學卓越千古頃者諸所祀典疊章悉經裁正誠所謂考諸三王而不謬建諸天地而不悖也惟茲孔廟之祀關繫萬世天下之所仰瞻實為重大臣等愚昧不敢輕議伏乞 聖明特賜睿斷以垂式萬世臣等不勝幸甚又看得尚書霍韜奏內欲將宋臣司馬光陸九淵議黜從祀夫司馬光平生所學惟是漢王之議失父子之倫委為昧禮若其公忠鯁亮勲業偉峻為宋一代名臣無問賢不肖皆知尊信似未可以一肯病之陸九淵資稟高明見道超悟揆其學術論議當在薛瑄之右今議進瑄則九淵似難南宮奏議 天卷五 七 鈐山堂刻

遽罷臣等又看得司直呂懷奏內欲將道統正傳皆欲進廟堂系之四配之下夫十哲四科之賢親受聖教者也濂洛諸儒似難越居其上以上合無只照舊祀伏乞 聖裁嘉靖十九年三月初五日奉 聖旨聖賢道學不明士習趨流俗朕深有感焉薛瑄能自振起誠可嘉尚但公論久而後定宜俟將來童承叙浦應麒議是罷司馬光陸九淵從享與四配等位次俱歷代秩祀又經我 太祖欽定都只照舊今後不許妄議

郭英配享議

該武定侯郭勛奏始祖郭英未得廟庭從祀懇乞天恩以明祀典等因到部 臣等重覆看詳先後奏詞歷查前因洪武二年享太廟以功臣配先定越國公胡大海等六人以後續進中山王徐達等六人二十一年功臣廟成塑功臣像自中山王徐達以下總計二十一人其功在大封之列而未從祀者公馮勝等三人侯耿炳文等四十一人都督以下無慮數百人武定侯郭英則耿炳文等未與之數此定典也 臣等切惟古之聖王禮臣莫重於崇德報功之典崇報莫大於登堂配享之制考之書享先王爾祖其從考之南宮奏議 天卷五 八 鈐山堂

禮曰凡有功者祭於大烝考之漢制及魏高堂隆晉任茂梁何休之議與夫唐貞觀禮長興咸平等詔則是典也三代以下靡不由之矣至觀配魏太祖者惟荀攸程昱鍾繇三臣配唐太宗者惟房玄齡杜如晦高士廉屈突通魏徵長孫無忌李靖七臣配宋太祖者惟趙普曹彬二臣則代雖不廢然亦不敢濫又可見矣洪惟我 太祖高皇帝龍飛淮甸汛掃胡元起義之初豪傑群起而攀附而其出奇制勝斬將奪旗摧城拔邑翊成大業者亦不可以什百數矣迨夫混一定鼎之後親定其功可配食塑像者止於中山王

徐達等數臣此非有所靳也蓋惟簡德明勳以勸嗣臣之大典不得輕焉故也至於太宗之世見聞甚邇其功烈小大孰得而誣之昔宋孝宗時太常少卿林栗欲增配享其尚書汪應辰言先朝所圖共政之臣未有能勝其任者若應故事姑令備數上非所以尊宗廟下非所以勸有功既無可配乞更罷之而徐璉亦曰累朝佐命配享功臣不十餘人是皆擇精取嚴足稱大典求為可萬世法不但可施於一時而已謹按開國功臣錄及誌傳所紀郭英當年十八即從起義甚見親信每令直宿帳中既而從克徐泗滁和

兩宮奏議 卷五 九 鈐山堂

此而遺彼則或失之偏將連茹而彙躋則或失之濫所以竟置而弗取者意或出此也今其嗣孫郭勛陳疏以請是固宋吳總所以請其父璉配享之義崇表先烈子孫同情無足異者惟是事大體重乃三代以來所傳之典我祖宗所定之制非臣等所敢輕議恭惟皇上以睿聖神明之資作禮樂神人之主凡厥祀典釐正必求其精處析各極其當今事關宗廟伏望 皇上留神省覽考究本末差次輕重仰揆皇祖太宗之心念國家至公之典特賜聖斷以息群疑臣等不勝幸甚嘉靖十六年二月日奉

兩宮奏議 卷五 十 鈐山堂

正 太廟功臣配享位次

先該本部題議得 祖宗時定例功臣位次皆序封爵首王次公次侯次伯洪武功臣以徐達等自為序未樂功臣又以張玉等自為序觀 廟廡所列以誠意伯劉基列於六王之次而越群公之上似為不倫今營國公郭英定列從祀之時合無將劉基亦照封爵定列伏望 聖明裁定等因奉 聖旨廟中配享即朝廷宴禮一般豈可讓私這位次都着以爵序欽

此臣等謹遵 聖訓將兩廡功臣俱照各爵序列開
 坐上呈合候 明旨本部行令太常寺於祭告先期
 將新舊牌位一體安設施行 一東廡 中山武寧
 王徐達 岐陽武靖王李文忠 東廡襄武王湯和
 河間忠武王張玉 號國忠烈公俞通海 越國
 武莊公胡大海 泗國武莊公耿再成 寧國忠莊
 公王真 誠意伯劉基 一西廡 開平忠武王常
 遇春 寧河武順王鄧愈 黔寧昭靖王沐英 東
 平武烈王朱能 蔡國忠毅公張德勝 梁國武桓
 公趙德勝 營國威襄公郭英 永義侯桑世傑嘉
 靖十六年三月二十日奉

南宮奏議

卷五

十一

鈐山堂

聖旨是

文華殿奉安先聖先師位儀

該大學士夏言奏奉 聖旨是禮部知道欽此 臣等
 仰惟尊祀 聖師於文華東室此我 皇上學懋進
 脩道光承繼之盛舉也茲當經筵開講之期輔臣欽
 奉 聖諭以舊奉旁室未安議請奉安於九五齋位
 正地嚴是誠足以仰副 皇上尊崇之盛心矣本部
 行該欽天監選到奉安 先聖先師牌位本年三月
 十七日午時吉所據合行禮儀 等合無於是日早

內閣輔臣同禮官等恭率太常寺官恭詣永明後殿
 上香畢奏請牌位置于神輿恭隨至九五齋奉安上
 香畢退至二十一日恭請 皇上早朝畢詣九五齋
 行祭告禮畢次日文華殿開講 臣等謹恭擬開坐上
 請伏乞 聖裁勅下遵行其合用上香官陪拜官員
 俱乞 欽定嘉靖十九年三月十二日奉
 聖旨依擬是日朕行奉安祭拜以開講告上香遣輔
 臣夏言陪拜官着輔臣同禮卿日講官照先年例俟
 朕禮成入於階下瞻拜

修正三皇祀典以復 祖制

南宮奏議

卷五

十一

鈐山堂

嘉靖二十一年十二月初二日該司禮監傳奉 聖
 旨太醫院舊有廟係奉祀三王之所乃修合御藥重
 地年久圯壞弗稱祀典着相度地面重加增拓修建
 用副 皇祖崇奉之意禮工二部知道欽此 臣等稽
 諸禮曰聖王之制祭祀也法施於民則祀之能禦大
 災捍大患則祀之非此族也不在祀典蓋聞上古聖
 神繼天立極開物成務壽世福民其功尤繫於醫宓
 義觀天文明曆氣神農嘗百草黃帝與岐伯
 問答而有素問之書醫道蓋昉於此矣周禮小宗伯
 兆五帝於四郊說者謂祭以天帝配食以五人帝春

以太昊夏以炎帝季夏以黃帝然此主於五方之位
未有醫藥之專祀也至於有元自國都以至郡縣皆
立三皇廟於醫者之學如宣聖釋奠禮太昊伏羲氏
以勾芒氏之神配炎帝神農氏以祝融氏之神配軒
轅黃帝氏以風后力牧氏之神配及黃帝臣俞跗以
下十人姓氏載於醫書者從祀兩廡有司歲春秋二
季行事而以醫師主之其臣虞集有言三聖人之所
以惠利生人者不必以醫之一技而求夫為醫之道
不上達於三聖人則不足以盡其至聖之能事是其
祭雖專為醫道而設然徧於郡縣則又不免失之黷

南宮奏議

卷五

圭

鈴山堂

矣肆我 成祖御宇誦經稽典正名定祀尤以醫道
關係民生至重乃即太醫院立廟以崇祀三皇正統
間重加修葺 聖祖神宗先後一揆咸欲躋斯世斯
人於仁壽之域而永貽燕翼之令圖也洪惟 皇上
膺天凝命上法 祖宗謂修合御藥保和 聖體實
維茲所廟制湫隘則祀典弗稱欲恢拓而一新之創
矩以盡度備物以章虔斯其佑享昭假于三皇在天
之靈而宣滯保和以迓乎 萬壽無疆之慶 臣等敢
不祇承德美用樹宏基 臣等竊惟廟必有制祀必合
法不為畫一之制則恐襲前時之故轍而無以稱觀

瞻不正從祀之名則恐失醫聖之心傳而無以垂法
守 臣等謹將合行規制恭擬上進伏乞 聖明裁定
勅下施行 一廟制 臣等看得廟在大醫院署原有
藥庫七十二間欲大其展拓勢有未能今定為廟門
三間正殿三間中列配位墀之東西列兩廡以設從
祀之位神廚神庫隨便建置其藥庫有礙處所禮工
二部委官相度悉令拆去另行蓋造 一正位太昊
伏羲氏炎帝神農氏黃帝軒轅氏共為一室俱用木
主 一配位 臣等謹按會典國初祭三皇用勾芒祝
融風后力牧配享雖因元舊蓋此四神者分配四時
而主肝心肺腎有功醫道甚大合無仍舊列于配位
一從祀 臣等考之元史其兩廡從祀以俞跗等十
人按醫書所載有仇貸季有天師岐伯有伯高有鬼
史區有俞跗有少俞有少師有桐君有太乙雷公有
馬師皇是皆黃帝時臣見於素問等書法得從祀者
也其後商有伊尹作湯液秦有神應王扁鵲秦越人
著難經及漢有倉公淳于意有張機魏有華佗晉有
王叔和有皇甫謐有抱朴子葛洪隋唐有巢元方有
真人孫思邈有藥王韋慈藏有啓玄子王冰宋有錢
乙有朱肱金有劉元素有張元素有李果有朱彥

南宮奏議

卷五

西

鈴山堂

脩之十八人者或訂醫方本草或脩脉訣病源皆有功醫道亦宜列于從祀合無分祀東西兩廡 一主祭官_臣等考之古以醫師主祭今太醫院官職專於醫今擬用本院掌印官主之或臨時太常寺具奏欽遣大臣行禮其兩廡從位用本院堂上官二員分獻俱候 聖裁 一祭日本廟舊典舉祭故祭無定期今擬以春秋二季朔日行禮其祝文行翰林院撰為定式以便舉行 一祭品_臣等謹按會典洪武元年令以大牢祀三皇及後議定建帝王廟中一室以居三皇其牲用犢一羊一豕一每位登一釧二籩豆各十簋簠各二帛一篚一酒尊一爵三與先師孔廟畧同茲係皇祖舊制理宜遵用其東西配位今擬東配位共羊一豕一釧二籩豆各十簋簠各一帛一篚一爵六西配位亦如之其從祀二十八位每五位共一壇東廡十四位共豕一而析分之為塊如孔廟兩廡例及用爵三帛一篚一西廡亦如之每壇籩豆各六簋簠各一酒盞五前項器皿預行工部置造嘉靖二十一年十二月二十一日奉 聖旨是祭期仍遵先定仲春冬月各上甲日餘都依擬行

南宮奏議

卷五

五

銓山堂

題丁祭先師廟六品以下官免陪祀 祠祭清吏司案呈查得舊規每歲丁祭先師孔子除文官五品以上陪祀外六品以下官原無陪祀之例但崇報先師之誠不能自己每先一日俱具錦繡服至廟謁拜畢各回此例相承既久至嘉靖九年二月內戶部主事梁喬升奏該本部覆題六品以下序拜干陪祀官之後已經遵行一次但各官數多衢巷擠塞入夕止息無所事體不便呈乞定奪等因案呈到部_臣等看得六品以下官員數多一時俱赴先師廟行禮混列于陪祀官後委的紛擾喧雜不無褻慢况各官原無祭牌祭服尤非事體之宜合無仍照舊規今次丁祭六品以下官先期一日陸續赴廟瞻拜以伸尊師之義拜畢即回其文官五品以上六科都給事中照例具服陪祀以後著為定例庶禮制不紊而人知遵守矣嘉靖二十二年二月初二日奉 聖旨着照舊例遵行 請定先農壇遣官行禮 照得嘉靖十七年二月二十日例該 聖駕躬祭先農親耕籍田查得本部先於嘉靖十六年二月十二日於內閣抄出節奉 聖諭昨卿等謂先農宜遣官

南宮奏議

卷五

六

銓山堂

代祭朕惟凡親耕則簡命代祭如不行親耕定為戶部尚書祭之朕至只行三推禮此可為制欽此欽遵外今奉前因_臣等仰惟 皇上親定耕籍之禮歲一躬行重農勸穡此固帝王之盛典也但臨御以來每勤萬乘親載耒耜屢涉郊坰 聖心憂勤無逸已足以風勵臣民矣今歲二月尚猶春氣未融陰風寒冽 聖躬正值調攝之日 皇上為天地神人之主葆和為重今次親耕合無暫免其先農之祭合照前諭欽命戶部尚書至期行禮伏乞 聖裁本月初五日奉

兩宮奏議

卷五

十七

鈐山堂

聖旨是親耕今歲暫免先農遣尚書李廷相行該衙門知道

天雨請暫罷親耕

嘉靖十六年二月十五日恭遇 皇上祇祓青郊親載黛耜躬三推之禮勸農重穡真帝王之盛節也昨十三日申刻偶有微雨今日晝之間時或陰雲四興誠恐未能旋霽_臣等竊惟 皇上躬萬乘之尊遠臨郊甸臣民觀望盛禮必天時霽暖庶便舉行茲濛雨時作餘寒尚凜 聖躬正宜崇護萬一冒雨行事泥淖沾濡臣子之心惶及不安伏望 皇上今次親耕

乞暫賜罷免猶以敬身之道為重奉 聖旨卿等以雨下欲暫罷親耕輔臣也說具見忠愛今歲姑停

兩宮奏議

卷五

十八

鈐山堂

兩宮奏議卷第十五

南宮奏議卷第十六目錄

朝賀

正旦請 御殿受朝

正旦請 御殿百官致詞

萬壽聖節請行慶賀禮

萬壽聖節請御門前後八拜禮

甘澤應禱奏賀

福建進甘露具題

河南進瑞麥具題

欽天監測候太陽不虧具題

兩宮奏議

卷十六

一

金山堂

燕享

定立春宴例

賜宴朝鮮國使臣

申明慶成宴貼圖例

南宮奏議卷第十六

鈐山堂集五十六

朝賀

正旦請 御殿受朝

先該本部具題奉 聖旨履端大慶臣民所同但朕
哀戚未平宜照前旨罷免卿等宜體朕意欽此 臣等
切惟元旦乃王者奉天體元肇新政令事有關於正
始禮必觀其會通况 慈聖服制既已先期除釋雖
聖人之孝終慕不忘而誥訓之遺萬幾惟重伏望
皇上於是日御殿受朝非惟俯順輿情實以欽崇天
道臣等無任祈請之至嘉靖十七年十二月二十六
日奉 南宮奏議 卷十六 一 鈐山堂

聖旨履端歲首朝會之始但方昨除服 梓官在上
卿等連以禮請且朕亦謂當行實事依擬在奉天門
百官青衣本等帶只行五拜叩頭禮不必公服致詞
鐘鼓鳴鞭俱輟之

正旦請 御殿百官致詞

先該本部題照得嘉靖二十一年正月初一日正旦
節文武百官先期於嘉靖二十年十二月二十八日
二十九日習儀至日早行慶賀禮等因奉 聖旨是
欽此續該鴻臚寺具題節奉 聖旨元旦朝賀令

皇伯妣神主遵 累朝例未奉廟中暫免行大禮着照朔望御殿例行群臣行五拜禮亦不必致詞這習儀禮部知道欽此

皇伯妣神主未奉入廟元旦朝賀大禮特令暫免

着照朔望御殿例行仰惟 皇上孝敬發於宸衷禮

教刑于四海臣等謹欽承 聖意朝賀大禮并百官

習儀傳令罷免俱不敢瀆請外但維時一元肇始萬

象更新恭惟 皇上茂膺乾祐端御紫宸中外臣工

及四夷朝貢人員均懷拱極之誠願效履端之祝伏

望 皇上是日容令鴻臚寺官具班首官名致詞稱

南宮奏議

天卷六

二

鈐山堂

賀百官前後行八拜禮庶以仰祝鴻庥匪同常禮臣等不勝祈願之至嘉靖二十年十二月二十八日奉聖旨卿等復以是請依擬

萬壽聖節請行慶賀禮

該本部題嘉靖十六年八月初十日恭遇 萬壽聖

節文武百官各具朝服先於本月初七月初八日俱

赴靈濟宮習儀至日早行慶賀等禮奉 聖旨罷欽

此臣等仰惟 萬壽聖節內而廷臣外而天下藩臬

諸司及四夷陪臣萬里貢琛聚于闕庭莫不歡欣鼓

舞願效無疆之祝及照項者 宗廟告成典禮大備

皇嗣屢誕祥祉駢臻今次慶賀大禮伏望特賜俞允庶天人協慶夷夏交歡而臣子一念之誠得少申於萬一矣嘉靖十六年七月二十二日奉

聖旨卿等復以賀生辰請但 上天示戒謹身殿未

補葺以脩省之餘此一內殿未建 祖考神位未回

此二 聖母暫居官城之外如安居可也久日疾痛

未愈日夕不寧于朕心此三三事有一且不可況集

於此時朕安便受賀乎况歲一值之今年暫罷卿等

宜承朕意與賀同也

萬壽聖節請御門前後行八拜禮

南宮奏議

天卷六

三

鈐山堂

該本部題嘉靖二十年八月初十日恭遇 萬壽聖節文武百官各具朝服先於本月初七月初八日俱赴靈濟宮習儀至日早行慶賀禮等因奉 聖旨今

時方罹廟災朕正待罪 皇天 祖宗之下生日小

節罷行賀禮是日當重貶青衣御門與群臣一接見

中秋後即照舊朝講慎勿又請欽此 臣等仰惟 萬

壽聖節 皇天眷命萬國來朝是惟朝會崇典而茲

者我 皇上因災避殿能行賀禮 臣等仰見 皇上

深以 宗廟罹災是懼畏 天念 祖厚自剋責此

蓋堯舜兢業湯武抑畏之心 臣等敢不仰體 聖心

將順德意以成 陛下克謹天戒之盛美乎除欽遵
明旨於御殿受賀全禮不敢復請外伏望 皇上
是日具常服御門容文武百官各具公服鴻臚寺官
具班首官致詞稱賀前後行八拜禮則 皇上敬戒
之意既昭而臣子拜頌之忱亦少申矣其公侯駙馬
伯進到綵段暫免陳設類進內府該衙門交收其各
王府及天下文武衙門進到表文亦暫免陳設宣讀
司禮監官捧進俱候命下行令各該衙門遵奉施行
嘉靖二十年七月二十三日奉

聖旨朕欽荷我 皇天仁愛自當貶損但時情似未
兩宮奏議 天卷十六 四 鈐山堂
宜依卿等奏常服御門百官止叩頭免致詞餘可

甘澤應禱奏賀
該本部題今歲自春入夏雨澤愆期合照例齋戒祈
禱等因奉 聖旨朕憂時少雨方躬禱宮中覽奏依
擬各務竭誠以助欽此仰惟 皇上憂軫歲功慮勤
民隱項因少雨先事竭誠宮中致禱宸衷積念天意
遽回即於二十日霖霖稍沾至二十一日申時濃雲
布空甘澤隨降入夜不絕且不疾不徐田塹潤沃焦
熯頓蘇將來西成端有望此實我 皇上憂勤懇
惻之念昭假 上穹殷后桑林之禱周王方社之祈

不是過也 臣等慶優渥之普霑愧分毫之莫助其於
歡忭則倍萬恒情嘉靖十九年四月二十二日奉
聖旨 上穹下眷甘澤隨降朕心感悅覽奏賀知已
福建進甘露具題

該本部於禮科抄出巡按福建監察御史李元陽等
題稱嘉靖十七年正月二十二日巡歷漳州府龍溪
縣據署縣事通判唐澤等稟稱本年正月十五日本
縣天保地方松樹上朝有凝露其味如蜜其白如米
者老成謂甘露連枝摘取到 臣因會同福建布政
司右叅政田秋按察司副使方升僉事錢世賢辨驗
兩宮奏議 天卷十六 五 鈐山堂

果是甘露隨詣其地視之 臣等以器受之僅盈一杯
當同各官焚香拜受擇吉進呈間是夜甘露復降次
日則見甘露在於松上明映朝暎或如珠琲或如稻
穗然猶濕嫩未堅比至日午陽光灼烈而濃露厚結
華如冰雪粒如玉屑始可採矣 臣聞神露播於子而
成於午理或然也 臣度其林方九十五畝松榕雜植
然惟松受之而他樹洗然不受惟餘葉上點灑如蜜
如油舐之頗甘不可掬取謹採松露貯為九罐見在
進御等因奉 聖旨甘露留宮中禮部知道欽此抄
出送司案呈到部 臣等謹按古志有曰體睿窮幾合

靈獨秀謂之聖人所以能君四海而役萬物是故天不愛道地不愛寶而禎瑞興焉甘露者載在典籍人皆知之乃聖德之休徵帝王之上瑞也然歷觀往古未有駢見疊臻如今日之盛者蓋自我 皇上臨御以來一降於長泰再降於 顯陵三降於固原至今龍溪復降林木雜植獨受於松且日應上元地名天保亨嘉之會信不偶然恭惟 皇上德及太清仁合萬類孝誠貫徹和氣感通惟皇上帝申命用休符慈體之安篤 皇儲之慶兆國家億萬載無疆之祚者也 臣等查得洪武二年甘露降於死松群臣表賀

南宮奏議 天卷十六 六 欽山堂

永樂年間甘露降于武岡于孝陵 文皇帝祇薦宗廟頒賜百官 皇上嘉靖七年汀贛撫臣以甘露進 聖諭有曰天降瑞露理宜答謝齋戒遣官詣郊壇告謝天地朕仍於丹陛露告便擇日來看欽此 臣等竊見今次福建巡按官奏到甘露多盈九罐味旨顯豐比之前次倍勝仰惟 聖德謙冲留之官掖而臣等遭逢熙事欣頌之私自不能已伏望 皇上遵用祖宗時故事容令 臣等表賀仍以所進甘露薦之祖考以仰承玄貺宜暢群情 臣等職在禮官預聞瑞應謹議請以聞嘉靖十七年三月十一日奉

御批寶露之降實拜 天庥朕躬于 玄極寶殿拜謝祭薦于 宗廟奉于 兩宮表賀罷

河南進瑞麥具題

該河南開封府歸德州永城縣知縣劉瑤奏據本縣在城坊民張鍾執捧瑞麥一莖七穗二本又據棠林等耆民練松等共執捧瑞麥一莖六穗一本一莖五穗一十二本一莖四穗一十三本一莖三穗七十五本一莖二穗一百三十三本各到縣仰惟 皇上大孝感於天地至仁格於上下是以日月精光風雨時適瑞麥挺生質惟一本穗則殊呈由二穗三穗四穗

南宮奏議 天卷十六 七 欽山堂

以至於五穗六穗七穗匪徒一阡之被澤應知六合以同春蓋禾麥之呈祥有補民生之日用豐年穰穰端兆於此謹以瑞麥二百三十六本并繪圖進呈等因奉 聖旨禮部看了來說欽此 臣等仰惟 皇上聖德感孚休祥駢集嘉禾瑞麥之應嘗屢見矣而茲河南之境頃者 聖駕南幸承天乃輦輅所經近地仰荷溫綸特蠲租稅仁恩汪被協氣攸同瑞麥之應蓋非偶然誠年穀豐登閭閻康足之慶也伏望 皇上欽定吉辰恭以二瑞奏謝 皇天告聞 祖考并宣付史官登載簡冊庶表天休允合古義嘉靖十八

年六月十一日奉

聖旨別有旨了

欽天監測候太陽不虧具題

本月初二日據本部委官祠祭清吏司主事冠陽呈稱奉本部劄付先該欽天監呈據曆科春官正等官周相等推算到嘉靖十九年三月初一日癸巳午正四刻日食至未初二刻復圓劄仰本職會同該監官測驗回報等因依奉前去登臺觀候自午至未仰觀日光未見虧食理合呈報等因臣等考之傳曰日乃眾陽之宗人君之象也若遇陰掩于陽則日為之食

兩宮奏議

卷十六

八

高

鈔出堂

春秋謹書之以為天戒若王者脩德行政上勤于天則當食而不食茲者臺司觀測是日日體圓明不見虧分實惟我 皇上聖德昭明陽剛中正陰慝潛消之象也臣等不勝欽頌之至嘉靖十九年三月初四日奉

聖旨上天示眷朕仰承所奏知道了

燕享

定立春宴例

該光祿寺題照得嘉靖十六年十二月二十七日立春節例該欽賜文武百官於午門外喫春餅欲照例

備辦等因題奉 聖旨照例辦欽此送司案呈到部為照本月二十七日立春節特享 皇祖列聖春享 獻皇帝廟是日免朝該本部題奉欽依於二十八日早文武百官朝服侍班順天府官行進春禮所據頒賜春宴亦宜從二十八日恭候進春禮畢然後退令即席庶為得禮以後著為定例奉

聖旨是

賜宴朝鮮國 賀大享使臣

該本部題照得朝鮮國王李懌差使陪臣戶曹叅判柳仍淑等二十二員名各赴京進賀事畢將欲回還

兩宮奏議

卷十六

九

鈔出堂

例該上馬筵宴等因奉 聖旨准辦給領欽此本月初十日該本部尚書臣高節奉 聖諭十四日早間朕視朝于奉天門朝鮮賀大享使臣禮重 明堂著引進表文欽此 臣等為照朝鮮素稱禮義之國茲者恭遇 皇上肇舉明堂大禮慕義貢詞稽首稱賀伏蒙 皇上特賜進見使者于庭仰見 聖明欽崇大典優禮該國至意似當仍賜一宴以寵其行合無仍行該寺照例備辦宴席於十四日早引進表文後即於本日命官待宴使遠人懷德嚮風而欣慕祇惕於無替矣惟復照前旨給領伏乞 聖裁嘉靖十八年

二月十二日奉

聖旨是賜宴于禮部卿嵩待之

申明 慶成宴貼圖例

精膳清吏司案呈查得先該本部題照得大祀禮成臣民胥慶 皇上賜宴殿陛所以訓恭儉觀威儀其於禮教非輕也故未宴之前寫帖填圖當宴之際序秩列位尤當嚴敬今各衙門開報職名中間又有事故扣席隨報隨至以致每年俱在臨期四五日前寫帖填圖且寫且更晝夜書辦惟恐差錯委的忙迫及至進呈之後當宴之日遇有事故等項又一具本

南宮奏議

卷十六

十一

鈴山堂

題知煩瀆 聖聽其五府公侯等爵雖襲封有先後親屬有尊卑但朝廷之上惟以官秩衙門為序官同以府府同以年則豈私情所容與哉合無今後十二月三十日以前與宴官員續報事故等項手本到者就於帖圖內叩除職名若有正月初一日以後序列已定於宴期前三日既已進呈 御覽縱有事故等項手本到者聽本部照例徑行該寺扣除那移卓席亦不必一一具本題知俱待宴畢五日內查對宴帖宴圖底稿除領宴外將事故等項扣除那移卓席若干通行類本題知其五府公侯伯官爵相同者則以

中左右前後為序如府與爵同者則以歷年深淺為序不得臨宴執論攪擾有乖大體凡一應與宴大小官員合再申明舊例敢有仍前爭議者照例治罪俟命下之日通行各衙門欽遵知會永為定例該本部題奉 欽依節該欽遵外今照嘉靖十九年十一月十五日 大祀慶成次日奉天殿筵宴文武百官所據前例合再斟酌申明案呈到部看得今次大祀慶成筵宴日期比之先年尤為迫近合無候命下本部通行在京文武衙門若在十一月初五日以前序列未定各該與宴官員報到事故等項手本到者就於

南宮奏議

卷十六

十一

鈴山堂

帖圖內扣除職名如在初五日以後序列已定帖寫填圖縱有事故等項報到不必再動聽從本部徑行該寺扣除卓席其出差回還陞遷到任等項官員并續到未曾見朝四夷使臣與女直都督朝鮮國陪臣等官該坐於殿之內者各到在宴期之前例該與宴並聽本部斟酌位次徑行該寺添設席面俱不必一一具本題知通待宴畢五日內查對宴帖宴圖底稿除領宴外將事故續添等項扣除那移添設席面類總具本題知嘉靖十九年十一月初八日奉 聖旨是

南宮奏議卷第十七目錄

修省

宗廟災請乞修省事宜

廟災奏謝儀

廟災示諭各王府頒詔天下

謹身殿雷火災乞修省事宜

類奏災異

星變請修省

奉先殿雷警請修省

風霾請修省

南宮奏議

卷十七目錄

一

鈐山堂

時旱請禱雨澤

刊布 御製濟疫方具題

南宮奏議卷第十六

南宮奏議

卷十六

三

鈐山堂

修省

宗廟災請乞修省事宜

嘉靖二十年四月初五日酉時分忽雨雹交作風霆震飛入夜宗廟火起一時延燬臣等倉卒聞變驚走入視率諸內外人役救護無及所據神官監併該宿衛等官合候該衙門請旨收問外臣等切惟禮有焚其先人之室則三日哭蓋災變無大于此者况宗廟祖宗列聖神靈所御一夕遭此大變皇上平素敬天孝先聖心驚惕何以堪處然臣等所欲

南宮奏議 卷十七 鈴山堂

告於皇上者今祭告奉慰禮在所先恐懼修省政宜責實伏請皇上竭虔親祭告于內殿以慰神靈引過奏祭於上帝以謝譴告青服御西角門延見群臣以共謹天戒下哀痛之詔以安人心行天下宗室共加修省以盡一體之誠勅內外臣工痛加剋責以盡交修之儆此今日遇災修政之大義也臣等又惟變不虛生乃由人召仰惟皇上聖敬聖孝上格天心豈宜有此變故實臣下奉職無狀積咎愆愆之所致也今文武群臣有姦欺負國蠹政殃民者言官指實劾奏九卿堂上官并各衙門四品以上官

令各自陳以聽罷免科道官許極言時政得失伏望皇上特賜采納務修實政以上回天意臣等再惟宗廟天子孝享所先禮當修復但數年大工並與公私財力俱耗今內外一應工作合無一切暫罷庶幾畜力預財可圖大舉否則民力重困無以上慰孝享仰答天心此又今日遇災修政之急務也伏望皇上留神裁覽恭候命下遵奉施行臣等無任殫越待罪之至嘉靖二十年四月初七日奉

御批 宗廟災燼無前大禍罪在朕一人而已仰戴皇天仁愛便齋戒分擇吉辰奏謝 南北郊祭告

南宮奏議

卷十七

二

鈴山堂

景神殿 太社稷俱朕躬行禮遣官祭告朝日夕月等神陳言時政言官常職何待災變一切工程除欽定殿就緒外俱着停止奏謝禮畢次日御門視事如故

廟災奏謝儀

嘉靖二十年四月初六日該本部題為非常火災事節奏 聖旨 宗廟災燼無前大禍罪在朕一人而已仰戴 皇天仁愛便齋戒分擇吉辰奏謝 南北郊祭告 景神殿 太社稷俱朕躬行禮遣官祭告朝日夕月等神欽此隨該臣嵩欽奉 聖諭奏謝

南郊以本月初九日 北郊以初十日俱夜中行事
景神殿 太社稷俱以十一日質明行事同日命
官祭告朝日夕月天神地祇及應祭祀典之神俱欽
此欽遵所有前項一應合行儀注謹議擬開坐臣等
查得祀典神祇內有真武廟三官廟天將廟都城隍
廟火神廟謹開列上請伏乞 聖裁勅下遵行

本月初九日奏謝南郊儀 一前二日齋戒太常寺
備脯醢酒果香帛如常儀翰林院撰祝文錦衣衛設
常朝駕儀司設監設大次於靈星門外 一初八日
午後百官青服先赴南天門候 駕是夜戌刻 上

南宮奏議

卷十七

三

鈐山堂

青袍乘板輿由大明門出至昭亨門西階輿導引官
導 上至大次禮部尚書等官復命畢 上出導引
官導 上至內壇典儀唱執事官各司其事內贊奏
就位典儀唱迎帝神奏陞壇奏跪奏上香奏復位四
拜平身 傳贊百官同 典儀唱奠帛行初獻禮奏詣神
御前奏獻帛 上獻訖奏獻爵 上獻訖奏詣讀祝
位奏跪 上跪 傳贊百官皆跪 贊讀祝讀訖奏俯伏
興平身 傳贊百官同 奏復位典儀唱行亞獻禮行終
獻禮 儀同初獻惟不獻帛讀祝 典儀唱送帝神奏四
拜平身 傳贊百官同 典儀唱讀祝官捧祝進帛官捧

帛各恭詣泰壇典儀唱望燎奏詣望燎位內贊導

上至燎位燎半奏禮畢駕還宮 初十日奏謝北郊

儀 一太常寺備脯醢酒果香帛如常儀翰林院撰

祝文錦衣衛設常朝駕儀 一初九日午後百官青

服先赴北郊候 駕是夜戌刻 上青袍乘板輿由

東安門出至北天門 上降輿導引官導 上至齋

官少憩出導引官導 上至內壇典儀唱執事官各

司其事內贊奏就位典儀唱迎神奏陞壇奏跪奏上

香奏復位奏四拜平身 傳贊百官同 典儀唱奠帛行

初獻禮奏詣神御前奏獻帛 上獻訖奏獻爵 上

南宮奏議

卷十七

四

鈐山堂

獻訖奏詣讀祝位奏跪 上跪 傳贊百官皆跪 贊讀
祝讀訖奏俯伏興平身 傳贊百官同 奏復位典儀唱
行亞獻禮行終獻禮 儀同初獻惟不獻帛讀祝 典儀
唱送神奏四拜平身 傳贊百官同 典儀唱讀祝官捧
祝進帛官捧帛各詣瘞位唱望瘞詣瘞位內贊導
上至瘞位埋祝帛奏禮畢 十一日祭告景神殿
儀 一太常寺備祭品香帛如常儀翰林院撰祝文
一 上青袍乘板輿至景神門外東 上降輿導
引官導 上至東陛上典儀唱執事官各司其事內
贊奏就位典儀唱迎神內贊導 上至神御前奏上

香奏復位奏四拜 傳贊百官同 典儀唱奠帛行初獻
 禮執事官各獻帛爵訖奏跪 傳贊衆官皆跪 贊讀祝
 訖奏俯伏興平身 傳贊衆官同 典儀唱行亞獻禮終
 獻禮各獻爵訖卿奏禮畢請還官奏四拜 傳贊衆官
 同典儀唱讀祝官捧祝進帛官捧帛各詣燎位奏禮
 畢 一陪拜公侯駙馬伯九卿衙門三品以上官各
 青服 一同日祭告太社太稷儀 一太常寺備祭
 品香帛如常儀翰林院撰祝文 上乘板輿由右闕
 門至北壇門東降輿導引官導 上至拜殿南門外
 典儀唱執事官各司其事內贊奏就位典儀唱迎神
 南宮奏議 卷七 五 鈐山堂

奏陞壇內贊導 上至太社神前奏跪奏上香至大
 稷神前奏跪奏上香奏復位奏四拜 傳贊衆官同 典
 儀唱奠帛行初獻禮執事官各獻帛爵訖奏跪 傳贊
 衆官皆跪 贊讀祝訖奏俯伏興平身 傳贊衆官同 典
 儀唱行亞獻禮終獻禮各獻爵訖典儀唱送神奏四
 拜 傳贊衆官同 典儀唱讀祝官捧祝進帛官捧帛各
 詣瘞位奏禮畢 一陪拜文官五品以上武官四品
 以上皇親指揮六科都給事中各青服 一同日祭
 告朝日夕月天神地祇真武廟三官廟天將廟都城
 隍廟火神廟太常寺備祭品翰林院撰祝文俱如常

儀合用遣官祭告大臣八員伏乞欽命嘉靖二十年
 四月初七日奉
 聖旨是還增景神殿分遣官着翊國公勛定國公延
 德英國公溶京山侯元輔臣鑾遂安伯鏞尚書譚高
 各行禮

廟災頒詔儀
 茲者伏值 宗廟之災該本部題請修省事宜 皇
 上敬天孝先引咎責己即已躬行奏謝奉慰諸禮訖
 昨又該臣嵩欽奉 面諭以本月二十日詔告天下
 及致書示諭各王府仰見 皇上遇災修政克謹天
 南宮奏議 卷七 六 鈐山堂

戒之實 臣等敢不祇奉德意即日舉行除示諭各王
 府御書司禮監奏請差官八員齋捧外所據頒詔合
 照例取差行人九員并監生齋捧前去南北直隸十
 三布政司開讀本部給文定立期限回還如有違限
 者參問 臣等謹將頒詔公行禮儀恭擬開坐上請恭
 候命下欽遵施行嘉靖二十年四月十二日奉
 聖旨是

謹身殿雷火災乞修省事宜
 該內閣傳 聖諭今日午時 上天示戒于謹身殿
 實朕所致也卿等具奏回慰朕已悉忠愛但雷火非

人之為必有所謂修省之宜當何如此論錄示勛及禮部欽此欽遵臣等切惟天之愛君如親之愛子親不以子能順孝而忘教戒之言天不以君之能敬畏而忘警懼之意然因教戒而益求所以順孝乃子之善事親也因警懼而益求所以敬畏乃君之善事天也時者迅雷震驚火入殿楹幸賴帝心仁愛旋起旋熄然不干他所而于謹身殿則所以警懼者深矣夫謹身殿即古之路寢天子肅容之所也皇上引咎責躬彌切憂懼而求所謂修省之宜此古帝王罪已之意孝子順事其親之道也臣等捧讀聖諭不勝惶懼及覆思惟變不虛生實由人致切念我皇上敬天勤民修身體道至德純孝足以感通神明導迎和氣詎宜有此惟是大小臣工不能仰體德意奉職無狀罪過深重變所由生則夫修人事以格天心飭庶官以貞百度誠所當致謹而不可忽焉者也臣等恭候命下百官青衣角帶自本月二十二日為始至二十四日止同加修省三日然臣等又惟先儒有云應天以實不以文今日之舉尤當求刑政所以失者而改之乃為消弭之實蓋近日所司或職任匪人而名器僭濫或賦役不均而徵求大急或寅清

南宮奏議

卷七

七

鈐山堂

道缺而神人弗治或兵戎政敵而軍士重困或情罪弗當而刑獄冤滯或工役繁興而財力殫竭或舉刺失實而公議猶沸或獻納壅伏而嘉言罔聞凡此皆致變之由伏望皇上勅下各該衙門官員痛加修省勉圖化理其關涉國家利害大計容令諸臣具實陳奏伏乞俯賜采納施行其兩京堂上官合無仍令照例自陳庶幾修弭以實而天意可回矣嘉靖十六年五月二十一日奉聖旨上天垂戒朕切感懼致招在朕勿以他諉自二十二日始朕與卿等修省如例大臣不必自陳各衙門大小官人但要思盡厥職如果有關係國家大計各自陳說來行二十五日仍露奏上天遣官暫于景神殿祭告祖考類奏災異

祠祭清吏司案呈嘉靖二十二年三月十七日該巡按陝西監察御史陳音等題稱鎮番衛本年正月十二日地震一次二月初七日地震一次本年四月十五日該巡按湖廣監察御史史褒善等題稱武昌府本年三月二十一日戌時地震有聲亥初復震如前軍民房屋俱撼動本年五月初二日該巡撫甘肅等

南宮奏議

卷七

八

鈐山堂

處地方兵部右侍郎兼都察院右僉都御史陳卿等題稱鎮夷守禦千戶所本月十三日戌時忽聞天鳴有聲從西北方往東南方行初似砲響後如播鼓本月十五日該提督雁門等關巡撫山西等處地方都察院右副都御史劉臬題稱太原府本年五月初五日寅初地震有聲本年閏五月二十七日該巡按山東監察御史楊本深題稱濟南府本年閏五月十二日卯初地震二次有聲如雷嘉靖二十一年六月二十一日該巡按陝西監察御史周南等題稱固原州本年閏五月十八日寅初地震有聲隆德縣本日丑

南宮奏議

卷七

九

鈐山堂

時地震聲響如雷震動房屋清澗米脂等處天降冰雹大者如盈升小者如雞卵商州鎮安山陽等處天降猛雨山水暴發軍民房屋衝沒漂蕩不計其數嘉靖二十一年七月二十二日又該巡按湖廣監察御史史褒善題稱荊州府歸州本年六月初六日沙子嶺雷雨交作崖口崩裂人民逃走壓陷房屋四十餘間將川江河道填塞約有二里本月初十日巳時土夾石山傾崩江邊長約四百五十一丈闊一百二十丈嘉靖二十一年八月十六日該巡按陝西監察御史伊敏生題稱靖虜衛本年七月二十日午時地震

響聲如雷嘉靖二十一年十月初七日該欽差總督陝西三邊軍務兵部尚書兼都察院右都御史楊守禮題稱固原州本年九月二十七日戌時地震三次有聲驚動居民房屋嘉靖二十一年十月二十二日該巡撫寧夏等處地方都察院右副都御史范總題稱寧夏衛本年九月二十七日地震有聲嘉靖二十一年十一月十六日該巡撫陝西等處地方兵部右侍郎兼都察院右僉都御史趙廷瑞題稱西安府本年十一月十一日辰時地震三次有聲等因節奉聖旨該部知道欽此俱經案候類奏外今該前因案

南宮奏議

卷七

十

鈐山堂

呈到部臣等聞之書曰惟天降災祥在德惟吉凶不僭在人故咎有由召變不虛生仰惟 聖明御極聖德格天 皇穹錫佑今歲畿甸之間雨暘以時風霾不作年歲豐熟近又屢見三白之祥非和氣感召何以有此然據有司奏聞前項災異疊見於陝西等處天鼓鳴者一地震者十七水雹者一水溢山崩者二豈祥異頓殊哉臣等深思其故蓋以天下之大氣數所不能齊惟古之帝王但知布德行政修人事以奉天道故祥至不喜而以德政之修為祥災至不懼而以不能弭災為懼觀夫克正厥事兆殷道之中興側

身修行基周業之復振是皆以德消變之明驗也我
皇上懋昭聖德總攬乾綱夙夜憂勤圖惟治理三

代聖王所不能過矣臣等揆厥所由實惟內外臣工
奉職無狀有以致之且前項地震及冰雹等災異質
之傳記乃陰乘陽之故夫以內言之則君子為陽小
人為陰以外言之則中國為陽夷狄為陰今國事紛
紜而毀譽失實邊防廢弛而賞罰不明虜寇縱橫連
年為患則其醞成乖氣為災為異職此之故也臣等
理合題請恭候命下通行內外衙門大小臣工務各
修省前滌前愆盡心職業臣等區區一念芹曝之誠

兩宮奏議

卷七

十一

鈐山堂

尤望 皇上遠覽前猷圖惟至計密察於天人之際
深攷其感召之由順性約情以養和平之福疑道修
德以弘中正之休辨賢否以進人材察臧否而稽吏
治計虜患侵擾以飭邊防度工役緩急以節財費將
見人事修於下天心悅於上仁愛弗替眷顧有加星
辰順軌嶽瀆効靈清寧位育亨嘉豈遂諸福之物可
致之祥莫不畢集而王道成矣何止消伏災變而已
哉伏乞 聖明留意嘉靖二十一年十二月二十一
日奉

聖旨是上天仁愛災異疊見以示警告事關朕躬的

知道了便通行各該衙門官員痛加修省盡心職業
共圖治理以回天意

星變請修省

嘉靖十八年四月二十三日等夜切見有彗星見於
雲中約長三尺光指東南在柳星二宿之次旬日以
來明晦無常尚未銷滅臣等仰惟 皇上尊天法祖
勤政安民休德至治上帝歆鑒自無致變之理考之
傳曰彗者除舊布新之象晏子曰天之有彗也所以
除穢也變不虛生由人所召今者星見之異實皆臣
等大小臣工不職所致然上天垂戒無非仁愛人君

兩宮奏議

卷七

十一

鈐山堂

之意伏望 皇上仰承天意益加祗慎擇日躬禱於
玄極寶殿勅下大小臣工省己洗心自本月初八
日為始如故事青衣角帶辦事三日仍通行兩京九
卿堂上官各令自陳臣等禮官奉職無狀感召災變
實為諸司之首誼伏屏息以俟天威重加謫譴臣等
無任恐懼隕越之至五月十二日奉

御批上天垂此星異非一次者在朕躬的過違自省
察之內外大小官員人人皆有代理之責宜各思過
圖改不必青衣角帶外飾虛畏須實奉行贊朕上承
天眷奏禱今多事之日安得精專兩京九卿堂上官

都待考察一併處分各處鎮守內官俱着取回該衙門知道

奉先殿雷警請修省

嘉靖十八年六月初一日酉初天垂雷警于 奉先殿擊碎殿左吻插及東室門槁菱花少損同時皇城北鼓樓被燬臣等聞知無任惶駭夫 奉先殿祀祖宗列聖以妥神靈鼓樓繫京城壯觀以警昏夜而變出一時上天示戒之意亦非小矣臣等切以變不虛生必有由召仰惟 皇上至敬格于 皇天至孝歆于 祖考圖治勵精恤民敷惠聖德治政自無致變召災之理惟是 臣等大小臣工奉職無狀稔過深所以致此然每遇上天變謫之見獨歷 一人罪已之憂此益重臣下之罪而莫道者也伏望 皇上仰祇天戒深察咎端勅下百司官員自本月初四日為始至初六日止素服角帶辦事痛加修省兩京九卿衙門堂官責任彌重咎罰難辭合無行令俱各自陳其一應政務有關國家大計者許科道官條陳具奏以俟聖明採擇施行庶幾應天以實而災變可弭矣本月初七日奉

聖旨朕仰 天慈下戒實切感懼還待諭行祭告禮

修省着今日始青衣角帶至祭日止百官勿外示儀相須加中省畏自陳依行餘罷

風霾請修省

臣等切見旬日以來天色晝冥風霾時作至本月十三日申刻黃氣四塞濛霧亘天隨變為紅赤色暴風從西北方起文德坊并西長安街坊牌斗拱簷瓦俱各飄落西長安中門椽木板折及鐵鎖鈕皆壞又各城上旗杆亦毀折數處至夜分方息臣等時其驚駭隨詣西長安門審看得椽木壯巨時已下鎖捍拒甚牢乃至衝折數段如摧拉枯朽此其為變大矣考之南宮奏議 未卷七 西 鈐山堂 洪範曰休徵則聖時風若曰咎徵則蒙恒風若且其日乙巳角所用事角本為民民恐將災揆茲變異實臣等佐理無狀咎深所致所宜痛加修省但時值 宗廟有祭合無於本月二十二日為始如故事各衙門官青衣角帶辦事三日恭請 皇上擇吉於玄極寶殿躬行奏告仍分命大臣祭告京城內外秩祀神祇以圖回天變嘉靖十九年三月十八日奉御批近日風霾之變仰天垂示本朕自致爾群工百職但要同寅協心分贊治理不必事文飾然災變有數亦莫之逃朕觀此異三見占書曰兵喪火西北邊

防不可不慎當有預禦之備兵部會官集議來聞

時旱請禱雨澤

切照今歲入春以來亢曠少雨頃者間有微雨未得
霑潤兼以風霾時作土脉焦枯生物不遂郊畿重地
播種未全臣等謹按民為邦本食為民命雨澤愆期
則年穀無望生民重困仰惟 皇上敬天仁民憂勤
惻怛堯舜之心不過是也臣等竊聞永平等府地方
民饑乏食殍死道路相望近日各處流民有至崇文
門郊外接踵紛藉空餓疲病踣斃亦多臣等待罪有
司仰承德意目擊時難寧敢隱默不以上聞擬合題

南宮奏議

卷十七

五

鈴山堂

請照例行令順天府率領所屬人員擇日齋戒虔禱
於京都城隍等廟祀神祇求回天意仍行所屬州縣
一體齋戒禱祈務須罄竭精意仰冀感通所據郊外
流民伏乞 聖慈哀憫勅下所司查議蚤為拯卹救
養之計嘉靖十七年四月十七日奉

聖旨是今春亢旱少雨便着有司竭誠祈禱郊外流
民查議賑恤

刊布御製濟疫方具題

臣等竊惟天災流行氣運不免惟皇歛福錫厥庶民
在昔御極之后惟神農黃帝以其道理身其緒餘以

及萬民故本草素問作焉頃者人夏不雨京師旱疫
我 皇上積誠祈天靈雨應禱轉沴回祥 聖心視
民如傷又特按古方加減隨宜勅下所司如法救療
仰見 皇上遠嗣軒農之道曲成位育之功直欲斯
世斯民俱免扎瘥而同躋於仁壽也 臣等不勝欽戴
感仰之至謹將 御製濟疫方恭行刊布已完摹印
裝潢上進 御覽謹具題以聞嘉靖二十一年閏五
月初三日題

南宮奏議

卷十七

六

鈴山堂

南宮奏議卷第十七

南宮奏議卷第十八目錄

宗藩一

題各王府襲替等項事宜

叅治越關奏進丹書

郡王出居別境查議停寢

親王請勅禁諭宗室

親王襲封後出郭祭掃

叅治奏本失格

建安王奏瀆事情乞加戒飭

弋陽王奏以審理輔導乞加戒飭

南宮奏議

卷十八

一

鈐山堂

叅治周府將軍安瀕等擁眾凌逼撫臣

叅治周府儀賓等聚眾擁入藩司

代府樂昌王改遷府第覆議

乞恩推封養母查無事例

交城王長孫表相比例請封事情

南宮奏議卷第十八

鈐山堂集五十八

宗藩一

題各王府襲替等項事宜

臣等看議得各王府宗室襲替及奏請名選婚儀賓等項查得見行事例親郡王病故其子應襲者例該各王府具奏本部行宗人府查對玉牒倫序生年月日明白即與題請行造冊服等件俟年歲已足服滿之日遣官冊封及親王子女郡王嫡長子長孫俱年五歲請名一十五歲請封選婚俱該各王府具奏本部行宗人府查對明白方與題請應選婚者類行該

南宮奏議

卷十八

一

鈐山堂

布政司於本地方選配保送該府仍行具奏備查無碍即與照例題請冊封為妃并授封夫人等項儀賓請授本等職事賜給冠帶引奏回還成婚其冊服賜名封號誥命祿米房室從人等項俱行各該衙門奏請定奪俱有定規遵行已久而中間多有不由親郡王類奏驀越具陳及不應承襲妄引事例奏請及一應例外陳乞者本部俱照例查叅立案其有行宗人府查對玉牒年歲差訛及查無奏報或年歲未及輒自奏請名封或倫序不明具奏爭襲或不候奏請擅自成婚及選婚不係本土人氏或一應題請事情不

行備開年月朦朧具奏於例有碍者例應駁行經該撫按官及布政司轉行長史等官查勘明白方與題請但本部行文駁查有司承勘動經歲月不無延滯之弊臣等理合題請合候命下本部類行各布政司轉行各該長史教授具啓各王府親郡王并管理府事將軍知會今後凡各王府新生子女務要依期奏報玉牒冊內備開的確年歲月日不致遺漏差訛若年歲未及輒行具奏倫序不明妄奏爭襲及不候奏請擅自成婚與不係本土人氏及一應題請不行備開年月者俱不許朦朧具奏如再故違本部查出將

南宮奏議

卷六

二

高 鈐山堂

經該官吏并輔導等官通行查叅究治其有不係類奏慕越具陳與不該承襲妄引奏擾及一應例外陳乞有關大法者俱聽該科及本部明白叅駁將該府輔導等官查叅從重究治若奏請名封襲替冠婚儀賓等項查無違碍經該官吏不與題請者查出一體究問處治庶人心知警而弊源可革矣嘉靖十七年四月初二日奉

聖旨准議

叅治越關奏進丹書

看得周府鄢陵王府鎮國將軍安瀕奏稱乞要選擇

名山建立壇室修煉成丹越關進獻丹書期欲補報一節叅照鎮國將軍安瀕本以宗支享有祿位自合恪遵 祖訓以奉藩封經史名教自有樂地却乃猥習異術妄信陳言以不可考信之事無所證驗之書干瀆 聖覽至欲擇地開壇具材候火尤為乖謬所據進到丹書應合給與領回况明知慕越關津禁例事屬故違其本府輔導等官并沿途關隘守把官員失於覺察俱應叅治合候命下移咨都察院轉行各該撫按衙門照例查提問擬如律其鎮國將軍安瀕見住會同館原其以獻愚忠永 聖壽為言非有別

南宮奏議

卷六

三

高 鈐山堂

項情由伏望 聖恩免其罰治仍咨吏部取辦事官一員伴送回還惟復別有定奪伏乞聖裁嘉靖十八年十二月二十八日奉 聖旨是

郡王出居別境查議停寢

看得衡王奏稱第四弟高唐王厚煥第五弟齊東王厚炳俱各授封成婚年久先該父王存日比照德府泰安王事例具奏乞行有司照例蓋造府第已蒙該部行山東布政司查勘相應蓋造因本布政司掌印官遷轉不常一向未經復奏見今尚無府第樓身甚

為不便乞要將沂州先涇王廢第賜給二弟棲止一節為照初封郡王其蓋造府第料價例該工部行令司府查勘會計明白於本境內起蓋今查高唐齊東二王先年授封已經工部將該造府第行令山東布政司查勘議處去後但今年久尚未回報所以衡王又行具奏要將沂州先涇王廢第改為高唐齊東二王居住臣等看得郡王應該統於親王同居一城庶有約束今衡府國於青州而沂州地方相離遠本部查無初封郡王出居別境事例道路隔別事體不便恐後相援為例以致紛擾地方所據衡王奏乞改

南宮奏議

卷六

四

鈐山堂

遷事屬違碍臣等擅難再議合候命下本部移咨工部查照高唐齊東二王先年原行蓋造府第緣由行令山東布政司上緊查議復奏前來以憑該部覆請定奪嘉靖二十年九月初二日奉聖旨初封郡王無出居別境事例只照先年原行蓋造

請 勅禁諭宗室

臣等看得周王奏稱本府宗室儀賓三千餘多其間暴橫無忌為惡不悛者不少恐日滋月盛為害地方乞要降勅曉諭禁治一節為照郡王將軍中尉等近

年以來往往不守禮法故違訓制赴闕瀆奏人相效尤雖經 明旨禁諭率多怙終罔悛今周王以襲爵之初而能明法謹度請勅禁治本部查有請勅鈐束事例相應題請合候命下本部行移翰林院請勅一道給賜周王朝綱鈐束闔府宗室併儀賓人等各令改過遷善安分守法不許仍前為惡不悛如有抗違不服者聽王指名具奏前來照例參奏處治嘉靖二十年四月二十三日奉

聖旨是准與王勅

親王襲封後出郭祭掃

南宮奏議

卷六

五

鈐山堂

查得親王襲封後例許出城祭掃一次今周王朝綱奏稱賜襲祖爵乞要親詣祖墳祭掃一節看得周府王墳原在祥符者係附郭鄭州者相去百里故先年親王以下襲封後得照例祭掃其後周恭等王葬鈞州則去省城四百里今周王朝綱欲出祥符達鄭州以至於鈞州往回動經旬日况今禾黍布野車從蹂踐不無擾民似宜酌處合無待秋成之後照例准令赴鄭州祖墳祭掃一次祭畢即回餘聽本府差官致祭亦足以盡王孝思之誠矣嘉靖二十一年五月初七日奉

聖旨是

參治奏本失格

查得鄭王奏本四本本內稱弟俱不稱臣又不稱聖號俱稱 皇兄字樣又進到表文二通俱各稱弟鄭王厚煇不行稱臣俱稱 皇兄陛下不稱 聖號臣等竊惟君臣之分同於天地 國家定制宗室懿親雖係伯叔尊行亦必虔恭寅畏稽首稱臣執禮惟謹所以嚴大分遏僭踰等陛森然毫髮不可違越者也今參看得鄭王奏進慶賀謝恩四疏及進賀表文乃輒用家人之禮俱各稱弟不行稱臣及俱稱 皇南宮奏議 天卷六 六 鈐山堂 兄不稱 聖號是徒知親愛之私情罔識君臣之大分顯是該府長史等官不諳典制有失輔導以致王於有過之地事屬有違法當查究合候命下移咨都察院轉行巡按河南監察御史將該府輔導等官提問如律仍行長史司啓王知會及通行天下各王府今後奏進章疏表文務要恪循典制不許妄意稱謂有乖禮法庶恩義並舉 皇度惟貞而宗室各知所警矣嘉靖十六年九月二十日奉 聖旨卿等說的是該府長史等官本當都查提問罪且饒這遭各罰俸三箇月便通行天下王府一體遵

守

建安王奏瀆事情乞加戒飭

看得建安王覲鍊奏稱弋陽王拱橫以旁支郡王賄理府事今要主祭社稷乞行切責一節為照王府一應奏請俱本部查照舊規題覆其應立案應參奏者亦皆再三酌議必求事理克當昨該弋陽王拱橫奏要主祭山川社稷本部查無事例已經立案外今建安王覲鍊妄指前因其奏內情詞明指拱橫不應管理府事務欲洩其忿恚以此大肆煩言上瀆天聽且拱橫管理府事先年本部題奉 欽依不以親踈倫序為言以宸濠前後有無相干行勘意以倫序近則相干之迹著屬籍遠則相干之勢踈節經江西鎮巡等衙門會勘本部會同五府九卿等官議得建安王樂安王前後相干各相指擿雖蒙曠蕩之恩終有嫌疑之迹弋陽王拱橫素行在人別無訾議及與宸濠前後無干題奉 聖旨着管理府事今經一十六年成命有歸宗親所服覲鍊何乃復有此議若不戒飭將來釁端無已伏望 皇上將覲鍊拱橫 天語嚴加戒飭各宜安靜毋得輕信撥置妄生事端致傷國體再照王府奏事人役潛住京師內外探聽事機不

由王意輒用空印黃本自寫封進因此奏牘日繁委
為積弊雖經本部具題禁革日久人心玩肆罔知懲
戒伏乞特勅緝事衙門嚴加緝訪如有此等人役潛
住京城即時拏送法司從重問擬則奸人畏法而宗
室爭競之風可息矣嘉靖十七年二月十四日奉
聖旨你每說的是拱橫管理府事已有成命主祭原
未准行覲鍊如何累次妄奏大肆煩言本當查究且
饒這遭其餘依擬

弋陽王奏以審理輔導乞加戒飭

看得管理府事弋陽王奏稱本府凡有上下文移一

南宮奏議

卷六

八

鈐山堂

應政務俱係教授掌行近蒙賜審理谷遠前來與臣
輔導乞要將本府一應政務行令本官掌管一節臣
等為照王府設官各有職守親王府設有審理職專
問理刑名郡王府止設教授職專輔導此 祖宗成
法正名定分萬世守之不容一毫踰越僭者也叅
照弋陽王雖係管理府事實本郡王之爵據奏添有
審理是郡王府而有親王之官已為非分之得矣今
又奏乞以審理為輔導是以理刑名而紊輔導之
任却將額設教授奪其職守恣意紛更瀆奏將來隴
蜀之望又不知其如何也所據弋陽王拱橫伏乞

皇上天語嚴加戒飭今後雅宜安靜守分恪遵成憲
無得仍前妄議奏擾自取愆咎其審理谷遠顯有設
謀撥置欲要收攬事權情由其教授官不行規止顯
是庸懦無為不堪輔導以致王有此奏合候命下本
部咨行都察院轉行巡按江西監察御史將谷遠并
該府教授官查提究問發落以儆將來 臣等事關典
制不敢不上聞舉正伏乞 聖明裁奪嘉靖二十二
年二月十五日奉

聖旨是拱橫屢有奏擾不務安靜着今後恪遵典章
保守祿位毋得聽信撥置自取愆咎谷遠等提了問

南宮奏議

卷六

九

鈐山堂

叅治周府將軍安溜等擁眾凌逼撫臣

看得巡撫河南右僉都御史魏有本題稱本年十一
月十五日節該周府永寧汝陽鎮平鄆陵遂平內鄉
等府鎮輔奉國中尉安溜陸樾等二百餘位擁聚布
政司攔截逼要加添祿銀不從又約五百餘位擁入
本院攘鬧逼令批司取劄方散有傷政體乞要申勅
周王將安溜等嚴加切責戒諭一節為照王府宗室
一切應行事務例該長史教授文移轉達所司衙門
酌處而行叅照安溜等位列宗藩不知自重故違
勅戒聚眾擁入巡撫衙門大肆喧攘凌逼風憲大臣

又至藩司辱置官僚迫脅行事若不嚴加戒飭恐漸不可長將來官司何以展布為此亂階誠亦非宗藩之利所據安瀕等既經巡撫都御史魏有本參奏前來相應議處安瀕陸櫟係首倡聚眾攘亂恭請 皇上乾斷嚴行罰治其餘五百餘位合候命下本部移咨都察院轉行河南布政司備行該府長史司具啓周王知會通行嚴加切責今後務要定分守法如有應行事情照例具啓移文轉達不許擅自聚眾輕詣所司瀆亂如再不悛一體指名參治及照安瀕陸櫟該府教授不能以理勸阻亦合有罪仍行巡按御史

南宮奏議

卷六

十一

鈐山堂

提問如律照例發落嘉靖二十一年正月二十四日

奉

聖旨宗室擁眾凌逼撫臣所司好生不守朝廷法度本當通行究治但罪重首倡安瀕着革為庶人其餘依擬行該府遵照勅旨嚴加約束各府教授都提了

叅治周府儀賓等聚眾擁入藩司

看得河南巡撫都御史魏有本題稱儀賓牛振羅江等憑恃宗婚輕蔑藩省主率郡縣王君喧攘司堂公座事出異常比之將軍安瀕陸櫟等情罪尤重欲乞

將首倡儀賓牛振羅江重加懲治及周府承奉李進陳阮斬用長史劉元嗣依違坐視亦乞切責各一節叅照儀賓牛振羅江等主率郡縣王君混入藩司攘亂止知憑天潢之勢可以凌辱所司不思犯踰闕之嫌至於卑褻宗室故違勅戒重傷國體據法通合叅究其牛振羅江倡率為首情罪尤重及照長史劉元嗣職專輔導并承奉李進陳阮斬用各明知郡縣主君不合擅出官闈不行啓王禁止罪實難辭既該都御史魏有本參奏前來相應究治合候命下本部移咨都察院轉行河南巡按監察御史將儀賓牛振羅

南宮奏議

卷六

十一

鈐山堂

江等及長史劉元嗣各行提到官從重問擬照例奏請發落其承奉李進陳阮斬用及郡縣主君本部仍行河南布政司備行該府長史司具啓周王知會將李進等嚴加切責郡縣王君各加戒飭以後不許再肆輕出以瀆國典如再不悛聽周王指名參奏前來以憑題請重加處治嘉靖二十一年五月初九日奉

聖旨是

代府樂昌王改遷府第禮議

該禮科都給事中丁湛等題奉 聖旨這所言禮部看了來說欽此查得嘉靖十七年正月內該巡撫大

同地方右副都御史史道題為遵例懇乞天恩願分封域以便安養事內開大同邊鎮本在遐荒近年以來宗室生育繁衍城中填塞日不可容今樂昌王令教授呈乞要比照山陰等王隨府改遷願將大同府第變易自力營修官室備辦脚力不敢勞民合無准令照例改遷別城其餘宗室有情願者一體准改等因奉 聖旨該部知道欽此本部見得事體重大難以施行已經立案外本年六月內又該樂昌王奏為比例懇乞天恩憫念宗室繁衍俯從改遷地方以便居處事乞要遷移蔚州地方相去大同二百餘里道

南宮奏議

卷六

七

鈐山堂

力欽此天順五年二月內又節該欽奉 英宗皇帝致書代王將大同城內山陰王襄垣王遷居蒲州隰川王遷居澤州俱欽此欽遵外有此前例以故本部查照題奉 欽依行令彼處巡按官及該府長史教授啓王知會從公查勘樂昌王是否與山陰等王相同其本宗位下見今宗室儀賓人等員位若干是否繁衍難居於地方恐有疑貳其事情俱在彼中通行詳處停當會奏前來以憑題請 臣等蓋以彼處撫按等官事在自擊則查處必盡其詳而身有地方之責果於事體未便則勘報不敢有隱也至嘉靖十八年

南宮奏議

卷六

七

鈐山堂

覆具題上請奉 聖旨代州係代王始封爵邑准遷朔州今後不許相援為例以致紛擾地方欽此欽遵備行翰林院請勅准令遷改外今該前因通查案呈到部看得禮科都給事中丁湛等題稱前事乞要收回成命勿准改遷一節具見該科慮終謹始至意相應依擬合候 命下本部行令彼處撫按等官將樂昌王停止改遷以後不許奏擾嘉靖十八年閏七月初八日奉

聖旨是准今議行

乞恩推封養母查無事例

南宮奏議

天卷六

古

鈔山堂

該徽王厚燭奏奉 聖旨禮部看了來說欽此欽遵抄出送司查得洪武二十五年閏十二月內該本部同翰林院等官奉欽依議得王妃以下有所出者稱夫人永為定例奏奉 太祖高皇帝聖旨是欽此又查嘉靖十八年二月內 恩詔內開各王府親郡王嫡母與生母並存者詔書到日其嫡母准加稱太妃生母准授封次妃又查得先該徽王厚燭節次具奏乞要將妾媵趙氏請封次妃已經禮科具參本部立案外今又具奏前因通查案呈到部看得微王奏稱庶長子伍城王載堉嫡母妃張氏薨逝生母齊氏早

亡與養母趙氏撫育今遇恩詔已將生母具奏追封外乞要將養母趙氏賜封次妃一節為照王妃以下有所出者稱為夫人係 累朝遵行定制郡王生母封授次妃乃近年崇異特恩蓋重其所生母以子貴之義今微王官妾趙氏原無所出十八年 恩詔止准生母授封亦未及於養母今伍城王生母齊氏已經追封復欲推恩養母趙氏情雖可原而分則有限其奏稱養母之服同於生母係律令所載制服之義本以緣情若本部於宗室請乞之文止應守例誠恐將來比例一槩陳乞無有紀極 臣等不敢擅擬嘉靖十九年六月十三日奉

聖旨養母原無受封之例但王父子情詞懇惻必其恩義深篤特允所請後不許比例陳乞

交城王長孫表相比例請封事情

該交城莊僖王長孫管理府事輔國將軍表相奏奉

聖旨禮部知道抄出送司查得弘治十年五月內

該秦王奏據保安莊簡王妃陳氏啓稱有子保安榮

穆王誠潢病故無子夫莊簡王庶第三子鎮國將軍

誠淶乃榮穆王之弟乞要比例承襲該本部看得保

安榮穆王既無嫡庶兒男合無照例將誠淶襲封為

安榮穆王既無嫡庶兒男合無照例將誠淶襲封為

安榮穆王既無嫡庶兒男合無照例將誠淶襲封為

南宮奏議

天卷六

古

鈔山堂

保安王以承繼伊父莊簡王之爵等因覆題奉 孝宗皇帝聖旨是欽此又查得本部見行事例郡王病故無嗣者其宗支止許以本等官職奉祀管理府事又查得正德七年閏五月該巡按山西監察御史周奎題稱交城榮端王表杻正德六年二月初五日薨逝絕嗣查得本府鎮國將軍奇伊係表杻親支相應管理府事等因該本部看得交城王表杻病故絕嗣伊叔奇伊既該巡按御史奏報應合照例請 勅一道止以本等官職管理府事等因覆題奉 武宗皇帝聖旨是欽此又查嘉靖十六年十月內該鎮國將軍奇伊內助孔氏奏稱 臣夫奇伊於嘉靖十六年三月十八日病故乞要將庶長子輔國將軍表杻承繼伊父管理府事該本部照例覆題奉 聖旨表杻著以本等官職奉勅管理府事欽此欽遵外今該前因案呈到部看得交城莊僖王長孫管理府事輔國將軍表杻奏稱伊祖莊僖王次子榮惠王奇昌薨逝之嗣第三子奇瀟先故奇瀟子榮端王表杻承襲伯爵後表杻亦薨逝之嗣臣父鎮國將軍奇伊係莊僖王第六子未襲病故臣係莊僖王親孫乞要比照保安王誠祿等事例承襲祖爵一節為照交城榮端王表

南宮奏議

卷八

共

鈐山堂

杻於正德六年二月初五日病故絕嗣其親叔鎮國將軍奇伊彼時照依郡王病故絕嗣事例止以本職管理府事後奇伊於嘉靖十六年三月十八日病故伊子輔國將軍表杻亦照例以本職奉勅管理府事外今乃比照保安王誠潢病故絕嗣伊弟誠祿等襲封事例奏乞承襲祖爵雖查與弘治十年保安王誠祿襲封事例相同但係襲封重典 臣等不敢輕擬伏乞 聖裁嘉靖二十年三月十三日奉 聖旨你部裏既查有事列表相准承襲祖爵

南宮奏議

卷八

共

鈐山堂

南宮奏議卷第十八

南宮奏議卷第十九目錄

宗藩二

宗室不遵 明旨駕視虛情傾陷大臣乞賜究

治以正國法

襄垣王第五子仕坏襲封緣由

查勘襄府代理府事事情

覆勘襄府管理府事事情

韓府隴西王違例請繼

荆府永新王子女請封事情

秦府永壽王下爭襲事情具題行勘

南宮奏議

天卷九目錄

一

鈐山堂

永壽襲封事情勘報覆題

南宮奏議卷第十九

鈐山堂集五十九

宗藩二

宗室不遵 明旨駕視虛情傾陷大臣乞賜究

治以正國法

嘉靖十八年十一月該魯府鄒平王長孫觀熿奏請

襲封及輔國將軍健柯亦奏爭襲等因該本部備查

節年會勘過案卷見得觀熿應該承襲祖爵健柯累

次爭襲奏擾已經嘉靖十年 降勅戒諭今又聽人

撥置執迷不悛請乞戒飭等因嘉靖十八年十一月

二十六日具題奉 聖旨是健柯不許仍前奏擾欽

南宮奏議

天卷九

一

鈐山堂

此欽遵外不意健柯又令伊男觀冷出名規詞奏擾

於今年二月初七日驀聞都察院門首貼有觀冷奏

詞一道至十二日於刑科抄出觀冷為父健柯具奏

事與所貼詞語相同內開觀熿不該承襲王爵伊祖

母丁氏原封繼妃已經削奪要得復還封號重給金

冊明圖爭襲又稱觀熿差人向伊抱本人王朝卿說

稱夏閣老已受俺銀五千兩嚴尚書二千兩劉郎中

一千五百兩王該俺襲又稱前都察院僉都令戶部

侍郎王杲是汶上縣徐尚忠親家徐尚忠是觀熿岳

父你若再奏就死都察院等語臣聞此不勝驚異切

惟觀熾承襲緣由本部都察院前後卷案明白可查豈有倫序不明臣等輒敢枉法違例冒昧請封之理只是徒柯因爭未遂恨臣入骨見臣近遭浮論乘機附和駕擬虛詞搖惑衆聽意圖翻異成案以遂爭奪之計其爲牽扯誣罔情狀甚著 皇上日月之明自能洞察但臣若不辯明恐無以白于群情將謂臣實狗私不得不詳言之緣本部覆查得鄒平恭懿王陽鐸存日妃張氏於成化五年病故無出成化六年妾周氏庶生長子當渙即觀熾之祖也成化九年選丁氏爲內助庶生次子當涼即健柯之父也彼時陽鐸溺於私愛將當涼朦朧請封長子又將丁氏朦朧請封繼妃陽鐸於正德四年薨逝該魯王陽鐸奏爲乞明襲封王爵事該本部會同皇親公侯駙馬伯府部等衙門議得郡王妃病故無後者許選繼室不拘嫡庶但有所出者止爲內助不授繼妃之封內助若有所生亦止爲庶子不得稱嫡承襲此 累朝定制今鄒平恭懿王妃張氏病故未久妾周氏即生當渙是有庶長子矣後雖奏選丁氏止爲內助而不當授繼妃之封丁氏雖續生當涼止應爲庶次子而不當授其嫡長之封該府朦朧奏請致將當涼誤封長子則

兩宮奏議

卷九

二

鈐山堂

母得借以爲詞兄反屈於其弟况鄒平王成化九年奏選丁氏而弘治七年始敢請封遷延二十餘年情弊昭然可見合將當渙承襲王爵革去當涼丁氏之封題奉 欽依當渙當涼倫序事情鎮巡內外等官既查勘明白你每又會議停當當渙准襲王爵當涼革去長子封號欽此後當涼奏辯該都察院覆請勅差司禮監太監賴義刑部左侍郎黃珂錦衣衛都指揮陸宣前去同彼處鎮巡等官勘得當渙當涼俱係鄒平王庶子而當渙倫序居長應該承襲王爵本院覆題節奉 欽依這前後事情既查勘明白原封

南宮奏議

卷九

三

鈐山堂

廷臣會議又經 欽差內臣法司及在外撫按三司重臣查勘明白 朝廷寫書與各王府知會又經題奉 聖旨觀熾封為長孫聽繼王爵已定 臣等據有成案方與覆題請封並不敢以一毫私意輕重其間蓋當漢應立已決於三十年之前非至今日而始定觀熾乃承其本有之爵又何以財而行求徼柯明知倫序不得稱嫡承襲伊祖母原封削奪已久輒敢故違 明旨妄肆奏擾汚及大臣且既有奏詞即合聞奏何乃先期貼向都察院門首必有主使之入以為他事不足以搖撼 臣等惟是納賄宗室可深逞其毒

南宮奏議 卷九

四

鈐山堂

此往年將晉府新地襲封事誣害夏輔臣之故計也今宗室此等事情甚多若一槩劾尤橫加汚穢將來一應事務本部愈難定處欲避謗停寢則以刁難而生怨欲據理題覆又以偏重而受誣事皆掣肘動必招尤 臣豈能一日安乎其於 朝廷紀綱法度不知視為何物刁惡之風實不可長訪得該府已問發充軍當京婚儀劉廷爵等一向潛住京師為其管幹爭擾無已伏望 皇上俯賜昭察如蒙 勅下厥衛緝事衙門於五城地方緝拏徼柯差來奏事人犯劉廷爵王朝卿及本內詐稱家婆楊氏齋奏俱追

拏到官究問要見何人主謀規寫本詞依律問擬發遣至於爭襲事情若不重加勘議 臣等何以自明伏乞 勅下三法司堂上官吊查部院節年文卷從公查勘備將始末情節開具上進 御覽便見應否何人承襲本部有無徇私若果本部所據失當 臣甘受黜譴若徼柯肆辯不實亦乞重加罰治以正 國法使宗室知所警憚而不敢瀆擾矣嘉靖十九年二月二十一日奉

南宮奏議 卷九

五

鈐山堂

聖旨是觀熾倫序應襲祖爵先朝勘議明白處斷停當徼柯累次爭襲又曾降勅戒諭乃敢故違成命妄肆奏擾及又造規虛詞誣讒大臣好生不遵 祖訓劉廷爵王朝卿楊氏及該府在京潛住管幹的錦衣衛便差的當官校緝拏送都察院三法司務要根究主使教誘之人追問明白來說欽此續該都察院會同具題本年四月二十一日奉 聖旨這事情既會問明白徼柯故違 祖訓謀奪王爵規詞奏擾煩瀆累朝節經降勅戒諭及會官奉旨處斷恬不省改畏忌觀冷踵父所為信用群小設謀誣謗大臣都好生不遵朝廷法度徼柯本當重處姑從寬革去祿米觀冷罰住俸米一年劉廷爵王朝卿

檢置宗室累犯不悛着押發極邊衛分永遠充軍其餘依擬

襄垣王第五子仕坏襲封緣由

該襄垣恭簡王第五子管理府事鎮國將軍仕坏奏為再乞天恩請繼父爵以彰親親事奉 聖旨禮部看了來說欽此本部查得嘉靖十六年八月內該襄垣恭簡王第五子管理府事鎮國將軍仕坏奏稱伊父恭簡王係伊祖代簡王第五子蒙 太宗文皇帝始封郡王天順四年封建山西蒲州病故伊長兄仕壘襲封王爵與伊三兄仕聖四兄仕埭俱因荒淫無度打死人命互相訐奏勅差皇親等官勘問是實俱革去封爵降為庶人俱死及稱伊父恭簡王曾以孝行蒙恩獎勵夫以始封有德之父為襲封不肖之累俾伊父生全之爵斬然而絕乞要比照岷府南渭王曾府樂陵王等事例于襲父爵等情奉 聖旨禮部知道欽此該本部覆題奉 聖旨這襲封事情你每還會官議了來說欽此本部會同吏部等衙門尚書等官許讚等議得襄垣恭簡王係 太祖高皇帝第十二子代簡王之第五子永樂二十二年始封襄垣王其長子仕壘承襲王爵後因與其弟第三子仕聖

南宮奏議

卷九

木

鈐山堂

第四子仕埭各犯罪革去爵職降為庶人各于不許承襲其第五子仕坏先封鎮國將軍至弘治六年以倫序相應奉勅管理府事已經年久今要比照曾府樂陵王健概岷府南渭王彥瀆各奉欽依准襲事例雖於情理可據但查本部先年並無郡王長子已封王爵因事革去次子承襲事例其曾府樂陵王健概岷府南渭王彥瀆雖奉有 欽依准襲俱係一時特恩况仕坏既已奉勅管理府事亦足以世承恭簡王之祀所據仕坏奏要子承父爵臣等擅難比擬伏乞 聖裁等因會題奉 聖旨你每既這等說着照舊

南宮奏議

卷九

七

鈐山堂

管理府事欽此又於嘉靖十七年內該仕坏復比例具奏請繼父爵等因奉 聖旨禮部看了來說欽此隨該禮科參看得仕坏奏繼父爵前次奏請會議詳明夫何復為瀆擾是使 朝廷政令不能信於一郡國也宜從查照施行等因該本部覆題前事已經奉有 欽依着照舊管理府事今又奏乞請繼父爵誠如該科所參 臣等不敢依違具奏等因題奉 聖旨是欽此今又具奏前因查得本部收貯 玉牒冊內遼簡王第二子貴哈已襲王爵後與其第三子貴燧各犯罪革去爵職降為庶人其第四子貴燧襲封遼

王通查到部臣等為照 累朝事例郡王無嫡子者許令庶子襲封絕嗣者其宗枝止許以本等官職奉祀管理府事故先年岷府南渭王嫡長子膺鑑革爵庶長子膺釵未襲病故膺釵所生嫡長子彥濱以孫承祖爵其魯府樂陵王嫡第一子天亡第二子當河已封長子革職第三子當漆未襲病故當漆所生嫡長子健概亦以孫承祖爵但比郡王無嫡子者許令庶子襲封事例素有 欽依准襲王爵今襄垣恭簡王先年因長子仕壇已襲王爵與第三子仕聖第四子仕埭俱各為事革爵其鎮國將軍仕坏比時止以兩宮奏議 天卷九 八 鈐山堂

倫序管理伊父恭簡王府事近見南渭王彥濱樂陵王健概各得襲封所以屢次奏比乞要子承父爵本部雖查得伊兄仕壇先以襲封王爵與南渭膺鑑樂陵當河亦與襲封長子革職俱同但本部查無郡王長子已襲王爵因事革爵次子承襲事例節該本部會議具題節奉 聖旨着照舊管理府事去後仕坏復比前例具奏又經本部遵照前旨覆題外今仕坏又奏前因蓋襄垣恭簡王之有仕坏猶南渭王之有彥濱樂陵王之有健概也彥濱健概既得襲封而仕坏以恭簡王第五子管理府事則與郡王絕嗣者不

同所以累次陳奏不已原其情理亦屬有因但襲封重典思出 朝廷所擬仕坏應否准照彥濱健概事例承襲父爵臣等不敢擅擬伏乞 聖裁嘉靖十七年十二月三十日奉 聖旨既查有彥濱健概事例准照例襲封

查勘襄府代理府事事情 看得巡撫湖廣等處地方都察院右副都御史顧璘巡按湖廣監察御史馮震各題稱藩國之政統于親王若有事變則以郡王代理庶於體統不紊又必倫序相當素行端謹者乃可服眾今襄王患疾已久又無續生嫡庶之子府中一應事務委的缺人代理重復會勘得鎮寧王祐樞係襄王第三枝倫序相應承奉韓恕指撻有過究其所坐亦係誣奏微愆別無違犯鎮國將軍祐棧係襄王第二枝陽山王親弟倫次雖稱相當緣非王爵似難攝行王事乞要查議上請於內簡命一位代理府事候陽山王長子襲封之日或襄王有子再議定奪一節為照前項事情先該襄王具奏有疾本部覆題奉 欽依命陽山王祐樞代行禮儀并管理府事今祐樞病故所生一子尚幼難以代行又該襄王具奏本部覆題奉 欽依行彼處

第一冊 續修四庫全書 第 27 版 反外

撫按官查勘郡王中擇其倫序昭穆相當者定擬一位奏請定奪隨該承奉韓恕具奏欲將鎮國將軍祐稜代行本部併行撫按官查勘二年之上未見回報續該襄府左長史高仁等儀衛正陳守道等各奏稱鎮寧王祐樞一位讀書明理安重老成又與陽山王祐楫俱係襄王堂弟乞要早賜勅書暫為代理等情該本部查照節年事例親王無嗣有病者俱以親枝郡王代理題奉 欽依行彼處撫按官查照先次題奉 欽依事理再行查勘於郡王中擇其倫序相應者定擬一位回報又經備行去後今又該巡撫右副

南宮奏議

卷九

十

鈴山堂

都御史顧璘巡按御史馮震具題襄王患病已久府中事務委的缺人代理查得鎮國將軍祐稜雖係襄王第二枝陽山王親弟倫序雖稱相當緣非王爵似難攝行王事其鎮寧王祐樞係襄王第三枝倫序相當並無違礙乞要於內簡命一位代理回報前來本部查有親王無嗣患病俱以郡王代理事例合無請勅一道令鎮寧王祐樞暫行代理候陽山王長子厚穎襲封之日或襄王有子另行議處定奪本部未敢擅擬伏乞 聖裁嘉靖十六年九月十六日奉 聖旨是着鎮寧王祐樞暫行管理

覆勘襄府管理府事事情

看得欽差司禮監右監丞王燾刑科給事中馬汝彰巡撫湖廣右副都御史顧璘各題稱襄王又疾無嗣例該郡王一位代理府事先該撫按勘議明白該禮部題奉 欽依着鎮寧王祐樞暫行管理奉有 勅書欽遵已久止因承奉韓恕等利在立幼結搆奏擾欽蒙屢行查勘今行據守巡官會勘前來除將犯人陸能等問招并將應參人員另行參究外查得鎮寧王倫序及奏伊各項事情俱無違礙與節次撫按勘議相同鎮寧王祐樞代理府事委屬相應再議照陽

南宮奏議

卷九

十一

鈴山堂

山王長子厚穎倫序應該代理止緣年幼未曾襲封以故各該府衛守巡等官節次查勘未敢輕議舉保致使韓恕等執此為詞屢行奏擾先該守巡官勘議待厚穎襲封之日即行具奏交代不必稱候襄王生有子息又啓疑端似亦議處明當但恐襲封之期尚遠不無愈起爭疑乞要由為宗藩息訟之處度量時勢人情權為計處襄王府事仍令鎮寧王暫行管理候陽山王長子厚穎十歲之上合無不拘常例早准請封令其代理鎮寧王即行交代等情一節為照襄王有疾無嗣先代理府事陽山王祐楫薨逝雖有一

子厚頰年齒尚幼府事難以付托先該襄王具奏本部題奉 欽依行令彼處撫按等官累次勘議得鎮寧王祐樞應該代理已經本部題奉 欽依降勅着鎮寧王祐樞暫行管理外近節該承奉韓恕等假捏襄王宮妾何氏訐奏鎮寧王祐樞違礙事情該都察院題奉 欽依勅差司禮監右監丞王燾刑科給事中馬汝彰會同彼處撫按等官查勘去後今據勘報前來謂鎮寧王奉 勅暫理府事委屬相應止因承奉韓恕等意在立幼利己結構奏擾既經勘問罪狀已明別無再議所據奏要將陽山王長子厚頰待十

南宮奏議 卷九 鈐山堂

歲之上不拘常例早准請封令其代理以息爭端臣等查得宗室封爵郡王庶長子例該十五歲請封係累朝事例遵行已久今查厚頰係已薨陽山王庶出之子年方九歲襲封尚遠 祖宗政令臣等擅難更易但各官所奏無非曲為宗室息訟至意似應酌處合候命下本部移咨都察院轉行湖廣撫按等官令襄府長史司具啓奉 勅暫理府事鎮寧王務要仰體 聖明委託之重恪秉至公睦愛宗族凡有應奏事情照例具啓襄王轉奏毋得徇私招怨以負德意仍將陽山王庶長子厚頰加意撫恤勿令失所待

其年歲將近十五歲以前量為早請行造冊封之日鎮寧王即便奏辭交代今後本府宗室人等各要循理守法如有仍前結構奏擾者聽本部參奏從重區處如此庶府事有統國典不紊而爭端可息矣嘉靖十八年正月二十八日奉

聖旨這事累經勘問奏擾不已厚頰既倫序應該襲封况年已十歲只着伊母保護內外輔導等官協理府事待年長及例徑自請封鎮寧王祐樞不必代理致生事端原勅繳來

韓府隴西王遠例請繼

南宮奏議 卷九 鈐山堂

看得韓王奏稱隴西王旭林見年五十五歲之嗣承繼乞要將伊嫡生第二子謨塾過府與隴西王承繼一節為照郡王之嗣薨故之後方許昭穆相應之人承嗣不許奏乞繼嗣名目此係著例遵行已久今隴西王旭林年未六十無故請人之子為後韓王不察輒以第二子過繼於人且倫序不應又稱過府已經三載私擅授受違例請乞顯有他日貨綠冒爵之圖揆之國典事屬有違參照韓府長史并隴西王府教授各職輔導明知違例不能諫阻以致妄行奏擾應合有罪合候命下本部移咨都察院轉行巡按陝西

監察御史將韓府及隴西王府各輔導官員行提到官問擬如律以警將來嘉靖二十年九月二十九日奉

聖旨是

荆府永新王子女請封事情

看得荆府永新王厚燠奏稱正德十四年選得附籍蕪州民革任知縣黃佐女黃氏候奏請成婚間遇寧賊作亂母妃劉氏權與黃氏婚配生有子女六人俱年長成乞要將黃氏賜給封號及將所生子女一體賜給名封一節為照各王府選婚例該各府具奏本

南宮奏議

卷九

四

鈴山堂

部題准選擇本土人氏結勘無礙候本部奏請方許成婚若不係本土人氏及不候奏請擅自成婚者俱該革退另選今荆府永新王厚燠先年選到蕪州附籍原籍四川潼川州中江縣革任黃梅縣知縣黃佐女黃氏既不係本土人氏又行擅自成婚先該伊母荆和王妃劉氏并伊兄荆王與伊認罪陳情具奏請封本部看係革前成婚生有子女查奏題奉 欽依黃氏姑免革退所生子女不許請名請封節該荆王代為援例陳乞俱經本部遵照前旨立案外今又該永新王厚燠以所生子女六人各年長成俱在怨曠

又具奏認罪乞要比照事例請封及辭爵分封子女情詞懇切似非得已但辭爵分封子女本部查無事例及違例擅自成婚雖查有唐府鎮國將軍彌瓌等准封事例亦俱係一時 特恩况黃氏既經奉有前項 欽依難以比擬但黃氏既免革退其所生子女六人俱已長成若不與之區處終難杜其奏擾亦似非古者罪人不孥之意合無俯念宗室將所生子女姑與請給名封惟復仍照前奉 明旨施行嘉靖十六年八月二十一日奉

聖旨准他封

南宮奏議

卷九

五

鈴山堂

秦府永壽王下爭襲事情具題行勘

儀制清吏司案呈奉本部送內府抄出秦王惟焯奏據永壽莊僖王次妃龍氏啓切照臣妾男永壽王秉權並無嫡出之子先年將男庶長子惟燿奏准在本府西書堂住居以便後嗣其惟燿病故見有嫡長子懷塔係臣妾男嫡長親孫今男病故例應承襲王爵累男第二子惟焯計舉惟燿生母張氏係侍校之女不應承襲又男第六子惟燿自稱妃生之子意要承襲看得伊母邵氏生子在前既報庶出封妃在後難改為嫡若不具啓切思惟焯等各執偏見謀奪王爵

伏望轉奏 皇上將懷塔應襲王爵照例請封又據永壽王妃邵氏啓為懇乞天恩襲封王爵以正名分事有臣妾夫永壽王秉樞因前妃湯氏病故無出家廟缺人奉奠官眷無人管束又見 祖訓開載郡王庶子原無襲封之文弘治十八年四月二十日禮部題准郡王庶子不得襲封有夫恐失傳爵以禮娶臣妾入府為繼妻准為內助管理家事又奏蒙 天恩進封為妃不勝榮幸臣妾有生二子其長惟燂蒙賜封鎮國將軍其次惟燂尚幼不幸夫王於本年十月二十九日病故自思臣切係永壽王妻到繼妻奏蒙 兩宮奏議 卷九 一 鈐山堂

欽依進封為妃實奉奠家廟管束官眷之人既蒙賜封妃號所生之子惟燂即係嫡長兄臣妾父邵璋係西安後衛籍由舉人任登州府通判因盡忠身故贈本府知府其惟燂係夫妾媵張氏庶出况張氏又係本府校丁張秀之女各奏前因案呈到部看得奏王奏稱永壽王秉樞於嘉靖十七年十月二十九日病故並無嫡出之子庶長惟燂存日受封鎮國將軍故夫人盧氏嫡生長子懷塔係永壽王嫡長男孫已令王喪倫序應該承襲祖爵今永壽王庶第二子惟燂庶第六子惟燂母邵氏紛紛啓擾乞要正倫理定

承襲以息爭端一節為照郡王無嫡子者許令庶子襲封又正妃病故無出但有庶子止許選娶一人為內助不授繼妃之封若續有所生亦為庶子不得稱嫡承襲係是累朝定制今永壽王病故位下無嫡出之子本部行該宗人府備查玉牒倫序應該伊已故庶長子鎮國將軍惟燂嫡長子懷塔襲封但永壽王庶第二子惟燂許舉懷塔伊父惟燂生母張氏係侍校之女不應承襲庶第六子惟燂伊母邵氏原係內助進封為妃又稱惟燂係伊所生即係嫡長各行爭襲本部難以定擬合候 命下本部移咨都察院行 兩宮奏議 卷九 一 鈐山堂

陝西撫按衙門轉行秦府長史司具啓秦王知會應該何人承襲明白具奏前來以憑題請定奪嘉靖十九年二月初九日奉 聖旨是

永壽襲封事情勘報覆題

該巡撫陝西等處地方都察院右副都御史趙廷瑞巡按御史張光祖各會題據該府長史司啓奉秦王令旨懷塔故父惟燂雖稱妾媵所出居長惟燂雖稱妃生即係庶出 臣等議照永壽恭和王位下原無嫡出之子其生前未曾立有長子長孫正名是以身歿

之後懷墻惟煒惟熉人執一詞紛競陳乞係干王爵
事體重大不敢擅議乞要仰候 聖裁一節為照永
壽恭和王秉樞於嘉靖十七年病故該伊庶長男已
故鎮國將軍惟燿嫡長男懷墻以伊父惟燿居長乞
以長襲庶第二子鎮國將軍惟煒以惟燿生母張氏
係本府侍校所生之女懷墻亦未授封長孫又以邵
氏雖妃生子惟熉在前並無嫡生字樣俱不應承襲
乞以惟煒襲庶第六子鎮國將軍惟熉生母邵氏以
伊係繼妻准封內助進封為妃伊子惟熉即係嫡出
乞以嫡襲各相爭乞該秦王具奏前來本部擅難定
擬已經題奉欽依備行彼處撫按衙門查勘應該何
人承襲明白具奏定奪今撫按官員趙廷瑞等具題
前因_臣等查得舊例郡王病故無嫡子者許令庶子
襲封及正王妃無出病故生有庶子止許選娶內助
不授繼妃之封所生之子不得稱嫡今永壽恭和王
秉樞病故原無嫡出遺下王爵除惟煒係庶次之子
例難干預外所據已故庶長男惟燿嫡生長男懷墻
查照玉牒應該承襲但該惟煒許舉惟燿係本府侍
校之女所生_臣等查得弘治十六年本部題奉 孝
宗皇帝聖旨各王府子女不許於本府軍校之家選

南宮奏議

卷九

六

鈐山堂

配是以惟煒許奏及看得邵氏以伊進封為妃伊子
惟熉稱嫡承襲_臣等查得嘉靖十七年該秦王奏稱
永壽王內助邵氏生有子女乞要照例進封為妃該
本部覆題奉 聖旨邵氏准進封為妃是以邵氏因
有妃號遂稱惟熉為嫡承襲據彼處撫按官員回稱
人執一詞訖無定說_臣等看得若據庶長則懷墻應
該承襲若以妃生則邵氏所生惟熉稱嫡似亦有因
但封爵重典_臣等擅難定擬 恩命出自朝廷伏乞
聖明裁奪嘉靖二十年二月二十七日奉
聖旨邵氏已受妃封准伊子惟熉襲封王爵

南宮奏議

卷九

九

鈐山堂

南宮奏議卷第十九

南宮奏議卷第二十目錄

學校

增孔顏孟三氏子孫教授司廩米

授宗聖曾子裔孫皆質粹為博士

定設金山衛學廩額

雲南馬龍州等處建設儒學

貴州普定等衛學定設廩額

湖廣鄖陽府鄖縣復議建學

貴州婺川縣建立儒學

廣西隆安縣學准設教官一員

南宮奏議

天卷五目錄

鈐山堂

酌處提學官以便巡歷

請禁私糊書院

教習

議處國學事宜

公侯伯等爵及應襲子弟送監讀書

南宮奏議卷第二十

鈐山堂集六十

學校

增孔顏孟三氏子孫教授司廩米

該巡撫山東右僉都御史李中題議照孔顏孟三氏子孫乃大聖大賢苗裔故我 國朝累加崇重之典

洪武二年特設教授司正統九年許就科目成化元年增定歲貢嘉靖九年 皇上俞撫臣之議准照州

學例設廩增各三十名貢亦如之其制漸以備矣所未備者廩米耳蓋廩以養士其他郡邑生員皆然而三氏子孫既有廩膳之名未有廩米之實豈有所靳

南宮奏議

天卷二十

鈐山堂

於此哉特偶未之講耳今生員孔公戡等具呈前來而該司與提學道會議明白相應議處如蒙乞勅該

部再加查議上請定奪施行等因奉 聖旨該部知道欽此看得都御史李中題稱孔顏孟三氏子孫教

授司乞照他郡邑廩膳生員事例議添廩米以便肄業一節為照孔顏孟三氏子孫我 朝特許另設教

授司以作養之及許就科貢以臻向用嘉靖九年皇上又准照州學例設廩增各三十名規制已備但

各府州縣俱有廩米養膳生徒而三氏教授司未經議給委為關典既該彼處巡撫官查議具題前來相

應依擬合候命下本部移咨都察院轉行山東撫按
官將三氏教授司廩膳生員查照原議兗州府所屬
通融處給廩米以助養贍庶各生肄業有資 朝廷
所以優遇之典無遺矣嘉靖十九年十二月二十八
日奉
聖旨是

授宗聖曾子裔孫曾質粹為博士

該巡按江西監察御史陳襄據吉安府永豐縣民曾
質粹狀告為嗣守先賢墳廟事查得嘉靖十四年四
月內該本部看得吏部左侍郎兼翰林院學士顧鼎
南宮奏議 卷二 鈐山堂

臣奏稱顏孟二氏各得世襲翰林院博士一員以承
祀事惟曾子之後不霑一命之榮一節為照曾子親
受一貫為聖門之高弟獨聞大學得吾道之正傳垂
世立教與顏子孟子同功謚號宗聖已並追崇然獨
世嗣弗傳祀墓失守雖配聖有靈而象賢無主誠為
闕典本官欲追求其後同於二氏子孫以作賓王家
以主祀事實足以仰承 朝廷崇儒重道之盛心也
但歷世久遠譜牒無傳若非精訪博求難免無偽冒
之弊今去曾子之世上下千有餘年中間更歷變故
子孫播越流寓豈無散而之四方者如南豐曾氏輩

肇布兄弟並顯於宋其家乘以為出自曾子之後今
其嫡派子孫亦不知誰何合無仍行天下南北直隸
十三布政司撫按衙門一體訪求務得其人具實聞
奏但不許輕易起送前來以啓夤緣爭訟之端臣等
竊惟聖賢之後神明所扶必得真流芳胤以承大賢
之澤以應 聖天子之所敷求者矣等因覆題奉
聖旨是欽此到部看得江西布政司咨呈該提學副

使徐階親詣永豐縣審據曾質粹送到譜牒查得曾

子十五代孫曾據不仕新莽遷居廬陵吉陽生子曾
闡曾場闡居吉陽場徙處州闡後十一代曾永生子
南宮奏議 卷二 鈐山堂

曾珪曾舊曾略珪仍居吉陽舊徙雲蓋略徙撫州曾
珪傳至曾孫慶生子曾偉曾駢偉生輝輝生後十二
代孫曾晞顏晞顏生子曾雷順曾德裕曾巽申德裕
曾孫榮為學士上距曾子五十四代駢生曾耀耀傳
二十代即今曾質粹父曾奮用上距曾子共五十九
代查看曾氏自遷江南而言居永豐者為嫡徙處州
雲蓋樂安者為支自永豐一派而言出輝之後者為
嫡出曾耀之後者為支輝後見有永豐縣廩膳生員
曾高曾袞各文行脩飭若應勘合之求則合立嫡之
法但曾高兄弟回稱生長南方不樂北徙惟質粹往

來齊魯欣然肯行又結稱曾質粹譜系源流真正明白原係合族推舉讀書循理委無別項違碍應合起送承守宗聖祀事一節為照曾子學躋聖亞道本心傳三省功勤一貫妙悟立教當時有功後世歷稽前代具有追崇至我國 朝追謚宗聖加封邾國四配同享于孔子廟庭但顏孟子孫已蒙甄錄之典顧曾子後裔未霑一命之榮先該掌詹事府事今輔臣顧鼎臣上請乞要詳訪其後該本部覆題廣行咨訪今據江西布政司咨呈前來臣等看得曾氏子孫在逆莽之時避難南徙居于吉安而永豐為嫡數傳至偉南宮奏議 天卷二十 四 鈐山堂

而曾輝為正但曾輝之後見今有曾高曾表兄弟二人皆文行脩飭各稱生長南方不欲北遷則曾耀之後唯曾質粹讀書循理又該彼處提學官勘查譜系明白鄉族共推既無別項違碍情由起送前來所據宗聖曾子之祀應合曾質粹繼承查有顏孟世襲事例相應一體授以博士之職以彰我 皇上重道崇儒之意與滅繼絕之仁其於教化非小補矣但恩命出自 朝廷臣等未敢擅便伏乞 聖明裁處嘉靖十八年二月初八日奉

聖旨曾質粹既勘係先儒曾子之後准照顏孟二氏

例授翰林院五經博士仍與世襲

定設金山衛學廩額

該巡撫應天等府地方右副都御史夏邦謨等題據金山衛儒學生貢陸中美等呈稱本學建自正統至成化年間始得兩年一貢與縣學同初照邊方衛學未經設廩每遇貢期或論入學年深或論科舉次數致多爭較貢序混淆事無定體士靡顧藉乞為查照平海衛學實廩事例定其貢額庶使人知向上士杜爭端深為便益等因奉 聖旨該部知道欽此看得巡撫應天等府地方右副都御史夏邦謨巡按直隸南宮奏議 天卷二十 五 鈐山堂

監察御史舒汀會題稱直隸惟金山一衛設有儒學屬松江府提調乞要查照福建平海衛事例將優等生貢二十名列為廩膳每名月給廩糧一石分派上海華亭二縣出辦以奮勵士心一節為照學校儲才給之餼廩此 國朝造士之盛典邊方衛學以錢糧無可措處故特缺之非有所分別也今直隸止有金山衛一學既屬有司提調比與各邊衛學校數多難給者委有不同既該撫按官查與福建平海衛設廩事例相同會題前來相應依擬合候命下本部移咨都察院轉行彼處撫按衙門并提學官將該衛原考

優等生貢二十名照例定為廩膳查照原議行令松江府所屬華亭上海二縣處給糧米以助廩餼庶生徒肄業有資而朝廷養士之恩亦溥矣嘉靖二十一年閏五月二十七日奉

聖旨准與廩膳二十名

雲南馬龍州等處建設儒學
該欽差巡撫雲南等處地方都察院右僉都御史劉渠等題據雲南按察使程旦提督學校副使蔡雲程議得雲南所屬學校遺缺尚多其他偏僻地方猶有可諉若馬龍州祿豐縣正係一省通衢觀望

兩宮奏議

卷二十一

六

鈴山堂

所係向未建學委非事體即今馬龍州生貢寄尋甸府學祿豐縣生貢寄安寧州學各相距二百餘里往來奔走殊為不便且各州縣士民願備財費鳩工建立又非勞民傷財者可比所據各呈稱建學如蒙乞勅該部查議覆請 聖裁行臣等將馬龍州祿豐縣各建一學仍乞勅下所司將六涼衛學與前項州縣學各銓選學行教官一貢給與印記前來教理庶遐方文教以漸脩舉等因奉 聖旨該部知道欽此看得巡撫雲南地方右僉都御史劉渠巡按雲南監察御史包節各題稱馬龍州生貢寄尋甸府學祿豐縣

生貢寄安寧州學各相距二百餘里往來不便且一省通衢觀望所係向未建學誠為缺典州縣士民願備財費鳩工各建一學及六涼衛學已經建立完備乞要一併銓官降給印記一節為照學校迺賢士所關文物攸萃雲南先以荒服僻遠未徧建學適年以來 聖化漸被文教四訖雖山澤溪洞之人無不知讀書嚮用前項州縣既稱通衢務學必多而使遠寄別學道里隔越不無阻絕未便既該彼處撫按等官勘議各建一學及與已經建學六涼衛一併銓官給印會題前來相應依擬合候命下本部移咨都察院

兩宮奏議

卷二十一

七

鈴山堂

轉行雲南撫按衙門備行該司府將馬龍州祿豐縣照依原擬事宜各建立儒學一所并先建完六涼衛學俱從宜通融撥給齋膳夫役俸廩等項衛學照依虛廩事例仍咨吏部各銓選教官一貢給憑令其到任誨訓生徒本部鑄造馬龍州祿豐縣儒學記各一顆六涼衛儒學印一顆給發前去用使其各該寄學生貢令行提學官盡數掣回各學肄業原係廩膳應回六涼衛者改作優等名色與各州縣廩增名額起貢等項俱各照例施行嘉靖二十一年九月二十四日奉

聖旨依擬

貴州普定等衛學定設廩額

該巡撫貴州等處地方兼理軍務都察院右副都御史劉彭年題據按察司按察使胡松提學副使蔣信議照清平普定等十三衛儒學生員項恩等呈稱各衛自設儒學以來叨蒙作養舉貢不乏雖名衛學其實與貴州宣尉司程番都勻等府軍民並育事體相同但設廩之制止於一司八府一州其各衛生員乃獨未霑斗粟似為作養未均乞要比照湖廣偏橋等衛開設廩糧等因奉 聖旨該部知道欽此臣等看

南宮奏議

天卷三

八

鈐山堂

得巡撫貴州等處地方右副都御史劉彭年巡按貴州監察御史趙大佑會題稱貴州普定等十三衛儒學生員先年各衛地方貧薄錢糧減少未曾議給廩糧近來人才漸盛乞要比照湖廣偏橋衛學事例每學設廩二十名先量行月支廩米四斗普定安莊清平畢節四衛於各衛倉支給興隆赤水二衛於附近黃平白撒二所倉支給威清平壩安南烏撒龍里新添平越七衛造冊於布政司折糧銀內關支回衛給散候倉糧充裕照例與各府州縣儒學一體支給一節為照學校儲才給之廩餼此 國朝造士之盛典

也今普定等十三衛學優等生員月支銀米既該撫按等官議處停當及查與湖廣偏橋衛設廩事例相同相應依擬合候命下本部移咨都察院轉行彼處撫按衙門并提學官將各衛原考優等生員二十名再加考定照例列為廩膳行令各該衙門通融處給銀米查照原議給散以充廩餼候各倉糧充裕照依各該儒學事例一體支給庶稱 朝廷養士之意嘉靖二十一年十一月二十五日奉 聖旨是

湖廣鄖陽府鄖縣復議建學

南宮奏議

天卷三

九

鈐山堂

看得巡撫湖廣右副都御史顧璘提督撫治鄖陽地方右僉都御史路迎各題稱鄖陽府鄖縣先年創設府治人才未廣故將縣學停建今風氣漸盛人才輩出况其學基條記俱存乞要興復添選教諭訓導各一員領印管事一節為照天下府州縣俱各建立學校所以作養人才先年鄖縣創設府治人才尚少以故議將縣學停建即今府學生員既有一百七十餘人視昔加倍似堪另建縣學既該都御史顧璘路迎會同巡按御史揚宜議題前來相應准擬合候命下移咨都察院轉行湖廣撫按衙門備行該府縣動支

無得官錢脩復縣學并撥僉吏典齋膳夫役仍移咨吏部銓選教官給憑令其到任訓誨生徒其學記見存不必更鑄合行就彼交收用使其見在府學生員行令提學等官量為分派府縣學肄業廩增名額及起貢等項俱各照例施行嘉靖十七年六月二十一日奉

聖旨依擬

貴州婺川縣建立儒學

該巡按貴州監察御史倪嵩呈稱會同貴州布按二司守巡提學等官體勘得安順州與普定衛同居一

南宮奏議

天卷十

十

鈴山堂

城印江縣從思南府學相去不遠俱應照舊其婺川縣比年以來人才漸盛離府二百餘里士子從學不便查有舊縣基址可為學基脩建木植師生俸糧等項該縣足敷支用乞要查議建立學校聯設師儒作養人才以廣聖化一節為照天下建立學校以作養人才必使便於肄業乃能責其有成况于邊鄙化導轉移尤當加意婺川縣本黔南古邑僻處遐方先因人才移少未嘗建學邇者 聖明御極文教誕敷該縣士子嚮風迭出視昔為盛遠就府學無以居業樂群揆之事體誠為不便既先該都給事中田秋建議

本部題行查勘今又該巡按御史倪嵩會同布按二司守巡提學等官重覆勘明回稱該縣委可建學錢糧支費查有舊遺物料工可易成民皆樂助事關教化相應准議合候命下本部移咨都察院轉行貴州撫按衙門備行該司府縣照依擬請事宜建立縣學撥僉吏典齋膳夫役移咨吏部銓選教官一員給憑令其到任訓誨生徒本部鑄造婺川縣儒學記一顆給發前去用使其見在府學生員行令提學官掣回該縣肄業廩增名額准依原議起貢等項俱各照例施行嘉靖十九年六月二十日奉

南宮奏議

天卷十

十

鈴山堂

聖旨准議行

廣西隆安縣學准設教官一員

該提督兩廣軍務兼巡撫都御史蔡經題要專設教官訓誨生徒一節看得廣西南寧府新設隆安縣先因學宮未建將生徒暫寄府學地里遼遠諸生憚於往返人情不便茲該彼處撫按題稱該縣儒學今已建完齋膳廩糧亦經編定所擬選官鑄印相應准擬合候命下本部移咨吏部銓選教官一員給憑令其到任本部仍鑄造隆安縣儒學記一顆給發前去用使其暫寄府學生徒行令提學官掣回該學肄業廩

增准照新建縣學事例各設十名仍准其三年一貢
則學政有成而風化益廣矣嘉靖十九年十一月十
三日奉

聖旨都依擬行

酌處提學官以便巡歷

該巡撫大同地方督理軍務都察院左僉都御史史
道題照得大同一鎮所屬府州縣衛所儒學雖隸山
西按察司提學官但其地孤懸朔漠之外計自山西
省城西歷代州又四十里出鴈關即係胡馬經行之
衝從來奉使人員率多不利經往以故督學之官數

南宮奏議

卷三

三

鈐山堂

十年不一就其地必至科舉之年方到代州通取考
試一次以致各生踈於統束漫無馳策臣愚欲將大
同提學比照遼東帶管事例改隸冀北道分巡官代
理其事等因奉 聖旨該部知道欽此本部查得嘉
靖十年十月內該遼東都司衛學生員徐潮等奏為
乞恩比例附近科舉事該本部看得遼東科舉生儒
先附山東應試乃緣海道之便今海道又塞陸路遼
遠德州左衛儒學本是山東地方而科舉反附順天
事體人情通屬未便今後德州左衛儒學山東布政
司應試遼東科舉生儒聽遼東巡按御史考送順天

府鄉試等因覆題奉 聖旨是依擬行欽此今該前
因臣等為照大同乃北邊重鎮近因地方多故以致
督學之官少至其地考校弗時遂使人才無所造就
今既該本官具奏前因其於轉移化導之機不為無
見况查有前項遼東事例相應准擬合候命下本部
移咨都察院轉行山西按察司提學官將大同所屬
府州縣衛所儒學生員俱聽冀北道分巡官帶管以
便督率肄業庶學政舉而邊方以寧矣嘉靖十六年
六月十八日奉

聖旨准擬

南宮奏議

卷三

三

鈐山堂

請禁私剽書院

該巡按直隸監察御史游居敬題為戒飭陽倡道學
陰懷邪僻大臣以端士習以光聖化事臣竊見邇年
以來迂儒乖士率多倡為新說別立門戶以誤後學
而世之學者亦多厭常喜新沽名趨異從而和之雖
其中多俊傑之士然迂濫之徒助成偏說信以為是
遂至雷同標榜蕩然成風慕虛名而壞實行背先訓
而售空談臣見其倡之者則南京禮部尚書湛若水
是也若水之學蓋與先尚書王守仁並立爭長以鳴
于世王守仁之言良知蓋祖宋儒陸九淵尊德性之

說謂只用一良知便了更不須說行此其詞之偏姑未暇論若水之言體認天理則又暗宗守仁之說變其詞以號召喜名之士其實乃私附之也然王守仁嘗因宸濠之變極力撐之以靖大難雖當時亦有他議而其謀國之忠濟變之才定不可泯若若水者則一迂腐之儒其才不足以濟用其學不足以達權聽其言則是稽其行則大非也伏望 皇上洞察若水偏諛之學濫鄙邪詐之行俯賜罷歸或致仕以示懲創仍乞勅下禮部將近來王守仁及若水所私著之書盡行黜遠唯遵我 朝明經取士諸經史傳註講

南宮奏議

卷二

五

鈴山堂

求正道以求致用不許妄生異同以沽虛名以垂聖制其有為守仁若水所創書院或令拆毀或令改別館以滅其名伏惟 聖明垂察斯道幸甚天下幸甚等因奉 聖旨吏禮二部看了來說欽此看得巡按直隸監察御史游居敬劾稱南京禮部尚書湛若水偏諛之學等情欲得俯賜罷歸或以禮致仕仍禁約先兵部尚書王守仁及若水所私著之書并毀改門人所創為書院戒治在學生徒遊逸一節除王守仁已經奉有欽依禁約外為照尚書湛若水始自家食及官詞林素常潛心理學希迹古人迄今老猶不倦

究其學術操行未可盡非但自任南京祭酒以來一時生徒多從講授間有冒竊之輩近於附和標榜以致御史游居敬有此論列是蓋生徒之誤若水乃是而深咎若水之罪似未免於責備之過也緣本官心行臧否莫逃 聖明洞察之下近以考滿到京該吏部查奏本官年及七十之上例不引復奉有明旨着復職又近該本官奏乞休致 明旨不准休其去留進退出自宸斷臣等別難議擬再照本官所著書論中間窺測古人章旨容有意見不同措詞未當但原非詆毀之說況於經傳亦有發明無足過謫惟是

南宮奏議

卷二

五

鈴山堂

門人創為讀書房舍扁稱書院寔於典刑有乖相應議處合候命下移咨都察院轉行南北直隸提學御史及各處提學官即查奏內所稱地方書院名額若果得實不拘在城在鄉俱行改正扁為地方社學仍省諭各學校生徒自後專崇經史註傳以求正道不許仍前附和則人有定守士習端而風化正矣嘉靖十六年四月二十五日奉

聖旨湛若水已有旨了書院不奉明旨私自創建本當治罪且都不究着有司即便改毀以後但有私創的巡按御史指實參奏近來陽倡道學陰懷邪僻之

人照前旨通行嚴加禁約不許踵襲以壞士習
教習

議處國學事宜

該司經局洗馬管國子監司業事童承叙題一曰備
規制二曰明法守三曰慎出納四曰專訓教五曰隆
優恤六曰疏壅滯伏望 勅下該部議處施行等因
奉 聖旨該部看了來說欽此除專訓教一事移咨
吏部題覆外 臣等謹將所奏事宜逐一開具議擬上
請 一備規制古者天子之學謂之辟雍今旋丘無
水樹侯無地非所以崇禮制明道化也 臣請廟門外

南宮奏議

天卷二十

六

鈐山堂

橫鑿一池上建石橋三座以備壁水橋門之制 臣又
查得洪武二十三年令國子監關射圃給弓矢 臣惟
朝聘饋食諸禮不合今制姑令免習其鄉射冠祭士
相見禮皆切日用謹於講誦之暇躬率諸生月一再
行但本監原未闢有射圃無從肄習乞勅該部委官
相地估計興造 前件 臣等謹按古者天子立辟雍
行禮其水旋丘如壁以節觀者故曰辟雍禮曰諸侯
貢士於天子試之於射官故辟雍又為大射行禮之
處其弘規盛制誠有所當備者但今大工方殷一應
修理事宜似難輕議其關射圃一節今天下府州縣

學俱有射圃而國學獨無使諸生無所肄習委為缺
典合候命下本部行工部候大工畢日委官相地估
計興造徑自題請施行 一明法守本監撥歷原有
定序比來微幸之徒或增減月日或欺隱壓曠或公
行請謁撓亂國典除痛加懲戒外 臣查得監志各堂
舊有通知文簿登寫生員甲貫月日事故以憑序撥
近年此簿多不置立又查得監規生員初犯紀錄集
愆冊再犯決五下三犯決十下四犯發遣安置近年
此法亦多不行二者既廢是法守不明也今後各堂
仍置通知文簿明白登記聽 臣等不時取對勘因

南宮奏議

天卷二十

七

鈐山堂

而考驗各官賢否其生員再有屢犯前弊者亦聽 臣
等照例舉奏 前件 臣等看得生員進監既有定期
撥歷宜有定序舊規各堂俱有通知文簿以憑序撥
既該司業童承叙舉以為言相應申明遵守其僥倖
撥歷等項作弊事發自有本等律例治罪難用發遣
安置之條 一慎出納本監錢糧各有主管近年加
以科道等衙門監收註銷亦云密矣但今生徒衆多
來去無常盈縮無定每月饌米悉憑各堂糧冊關支
或有已出而復給者混冒之弊亦稽察之無術也至
於膳銀麥豆銀椒油錢鈔派納不一時常遲延拖欠

生徒坐班日久未得支領及至解到補給人數未免
不齊比之倉糧尤難稽考再照本監額數膳夫一百
名俱順天保定永平河間四府僉替後因停止會饌
每名徵銀十兩解用又於數內改撥廟戶十名庫子
一名逃亡八名見在八十一名該銀八百一十兩先
年題准內除十分之一公用其餘七百二十九兩并
麥豆銀三百五十三兩共一千八十二兩均給坐班
生徒本監見在及陸續補支人數大約二千有奇以
一千有奇之銀均攤給散每人一月不過四分已為
太少况各處拖欠數多往往不足臣惟前銀既給生
徒即同會饌原額膳夫相應復舊合無將查出改撥
逃亡十九名仍行四府照數僉補徵銀一百九十兩
解監與同前銀贖補均放 前件臣等看得國學乃
首善之地風化所關而祭酒司業之官又專以教人
為務若錢糧出納自有典簿等官管理但以生徒來
往不常盈縮靡定每月饌米關支中間不無已出復
給混冒之弊其膳銀等項又以解納不一給散無期
尤難稽察誠有如本官所論者今後該監放支一應
錢糧其經該人負如有仍襲前弊故違者聽堂上官
指名叅究治罪及照該監原設膳夫一百名後因停

南宮奏議

卷二十

六

鈐山堂

止會饌改撥廟戶庫子一十一名其餘每名徵銀一
十兩作膳銀等項支用遵行已久今本官奏要仍復
舊額膳夫一百名徵銀解納其廟戶庫子行宛大二
縣另僉應役竊詳本監生徒數多縱使照舊徵納亦
是所分無幾而宛大二縣另僉廟戶庫子不免又增
勞費止宜照舊其逃亡及拖欠等項相應行令各府
照例僉補 一專訓教 臣看得本監書籍闕略雖有
鏤板數十餘種率皆殘缺不完典籍似為虛設師生
無所誦習 臣請開列經史子籍書目選委本監官員
前赴南京及蘇浙等處收買其價值之費官為措給
南宮奏議 卷二十 九 鈐山堂

庶學官有掌故之實諸生有考業之資 前件臣等
查得先該監察御史徐九臯奏要將歷代藝文志書
目參對今貯經籍凡有不備者並令搜採藏諸中秘
該本部覆題節奉 聖旨書籍充棟學者不用心亦
徒示虛名耳苟能以經書躬行力踐為治有餘都罷
欽此大哉皇言真足以破一時之陋習示諸士以大
方者矣所據該監差官買書一節難以再議但成均
乃誦法之所學官有掌故之職若應置經籍缺而不
完相應行令該監聽令在京從宜收置完備仍教諸
生仰遵 聖訓用心講學務期力踐躬行以臻實効

一隆優恤查得監規生員有患病無家小者許於養病房安養醫士於順天府處給弘治十四年本監題准工部造保安堂五間以濟監生疾病今年又事廢醫士止徵銀七兩解用而保安堂倒塌不修臣請於故址建堂五間醫士照舊於順天府醫學內選差精通術業二名供事五年之後考其勞効送赴太醫院食糧其一應藥費聽於公用銀內支給臣又查得會典洪武十五年令監生病故者有司給棺具歸其喪弘治十五年又該祭酒謝鐸題准監生病故移文順天府給銀三兩以為殯殮其脚力口糧仍行兵部

南宮奏議

卷三十一

三

鈐山堂

行一疏壅滯查得各衙門歷事名缺及監生歷事月日屢年更定不常景泰年間正歷一年三箇月寫本一年長差三年天順年間生徒盈萬歷期頓減正歷六箇月寫本八箇月長差一年六箇月成化年間正歷十箇月寫本一年長差一年六箇月弘治年間正歷寫本各一年長差二年正德年間正歷八箇月寫本七箇月長差一年六箇月嘉靖六年禮部具題惟以弘治年例為則蓋弘治年間止是舉貢二途數雖不齊大約有限故一年之歷二年之差可以為常成化正德各因開納人數壅塞其勢不得不減嘉靖

南宮奏議

卷三十一

三

鈐山堂

應付還鄉近年以來該府多折鈔貫實惠不敷臣請自今行移順天府查照舊例如數支給前件臣等看得監生疾病無家小者於保安堂安養醫士於順天府處給雖係舊規但年遠事廢房舍已久倒塌今大工方殷不急事宜俱應停止况患病生徒又令移處別室官撥醫士術業未必精通恐徒虛費錢糧亦於人情不便但宜聽從其便自行請醫調治其有貧難及無家小者監官時加存念量給藥餌如有病故者照例移文順天府給銀三兩以為殯殮兵部應付口糧脚力還鄉或該監從宜措置津遣俱聽徑自施

十年雖嘗暫准景泰年例而行緣選貢之時歲額多廢兼且開納未行在監不過二三百人其勢不得不增然皆非通行之常法也嘉靖十五年本監具呈禮部題准增缺減歷不過止復弘治之舊近奉恩詔減歷二次止減見在歷事月日又遇科舉之年各生多有稱病遷延以圖應試不肯實減作缺故先次止減一百餘人後次不過三四十人恩雖浩蕩尚未疏通即今本監坐班生徒已及二千各項短差依親通前揆撥又七八百人歲貢官生及舉人會試在邇入監復班者日多一日加以歲貢復舊先年停止者俱得

考補人數有增無減前者未通後者復集以有限之缺待無窮之人及今不處將有數年而不得撥數十年而不得選者合無今後撥歷於見行弘治年例之外酌量弘治正德之例將正歷雜歷巡歷長差各再減四月或三月其各衙門歷缺亦各不為常例量為添註 前件臣等看得各衙門歷事監生名缺年月屢年更定不常惟視在監生徒多寡以為增減嘉靖十五年本部題准正歷十二箇月雜歷出巡九箇月長差一十八箇月為照今次在監生徒幾三千人比之嘉靖八九年間不啻十倍人數日增無減積壓壅

南宮奏議

卷二十

五

鈐山堂

塞恐至數年不得入選者相應議處合無酌量先年事例各遞減三箇月正歷九箇月雜歷出巡六箇月長差一年三箇月已撥出正歷等項各照遞減候他日坐班生員稀少之時仍行再議停止庶見在者得以疏通而後來者亦無壅滯之患矣嘉靖十六年六月初四日奉 聖旨是依擬

公侯伯等爵及應襲子弟送監讀書

該兵部咨該本部題國子監司業兼司經局校書王同祖奏內開一曰教世胄臣請自今公侯伯子弟年

十八以上者該部具名上請送監讀書習禮本監仍每名選撥友伴監生二名與之講學相資薰陶規勸每五日一赴監候諸生立班定友伴引至階下恭揖而退侍立兩傍以觀揖讓周旋之節候堂儀畢赴廂授書講習其有不率教者憑本監堂上官奏聞區處三年之後學有成效者本監奏聞該部註記候異時襲封之後有所委任據以甄別賢否等因奉 聖旨該部知道欽此該本部查照節年事例議擬覆題勲臣之家子孫得以承襲爵祿或遇蒙任使管理軍務責任匪輕書曰若生子罔不在厥初生言立教之不

南宮奏議

卷二十

五

鈐山堂

可不早也况公侯伯子弟出自膏梁素養富貴易生驕惰苟非預養而善教之欲望其能不變於習而成其德也難矣我 國家慎重典禮凡將官子弟年幼者送監讀書見諸洪武五年成化弘治年間節經舉行 皇上嘉靖元等年又因該部建白申明前例題請凡公侯伯等爵無分已襲未襲已任未任年三十以下十四以上通行查出開送本部轉送國子監行祭酒司業將大學語孟諸書相兼點授令其在家講讀仍每十日赴營觀操等因嘉靖八年十二月二十二日題奏 聖旨是都准照舊例行欽此已經通行

去後今本官奏要疏名上請送監備諸勸典無非脩明禮教至意相應議處合候命下本部通行在京五軍都督府及行南京兵部轉行南京五軍都督府將見在公侯伯等爵及應襲子弟年十四以上三十以下未任者通行查出備具年甲籍貫徑自開送禮部類具姓名上請分送兩京國子監照依嘉靖八年題准教法分撥習禮肄業等因題奉 聖旨是欽此欽遵咨部送司隨准後軍都督等府經歷司手本開送襄城伯李應臣等前來案呈到部理合疏名上請伏候命下本部將各爵俱劄送國子監肄業行令本監

南宮奏議

天卷二十

一

鈐山堂

堂上官查照嘉靖八年題准事例教習務俾學有成效庶文武兼濟他日可備干城之用而不墜其先世閱閱之風矣其南京各爵候各送至日本部徑行該部一體施行嘉靖十九年十二月二十一日奉 聖旨是各爵准送國子監讀書觀禮着本監堂上官用心教習務有成效

南宮奏議卷第二十

南宮奏議卷第二十一目錄

選舉

申明正文體以變士習

議處京闈科舉事宜

正科場文體

增湖廣鄉試解額覆題

題請會試正榜舉人額數

參看廣東試錄文字

參看應天府試錄失格

應天府取中生儒乞准送監讀書

應天府生儒乞准令會試

南宮奏議

天卷三目錄

一

鈐山堂

南宮奏議卷第二十一 鈐山堂集六十一

選舉

申明正文體以變士習

臣等竊惟文章與氣運相為流通而場屋程式之文關係最重蓋所錄之士即他日卿大夫之選主司以言考行以文觀志其文醇正明白根極道理者則其人必端雅他日事業必光明俊偉所謂如青天白日如高山巨谷國家得之則賴以理矣其艱深詭異毀經叛道者則其人必儉邪他日事業必回過不忠所謂瑣屑如蟣虱糾結如蚓蝮國家用之則胥以殆矣

南宮奏議

卷二十一

一

鈐山堂

故文詞之純駁人才之邪正治運之隆替關焉我國家設科取士之法遠超前古黜詞賦專經術為文必以濂洛關閩諸儒傳註為主百六十年理學大明文治日昌真才輩出蓋至成化弘治間科舉之文凡會試及兩京鄉試文字深醇典正炳蔚暢達真所謂治世之文有以鳴國家之盛者矣近年以來士子所作文字偏尚奇詭競駕虛詞往往不依經傳本旨原題起結決裂破碎漫無體制或引用莊列雜書爭相崇尚以自矜衒其於純正博雅之體優柔昌大之氣蕩然無有叛理害治莫此為甚查得嘉靖十一年正月

內該本部尚書夏言題為科舉事內開正文體以變士習事請乞力救斯文之弊等因題奉 聖旨是文

運有關國運所係不細近來士子經義詭異艱深大壞文體誠為害治恁部裏便出榜曉諭今次會試文卷務要醇正典雅明白通暢的方許中式如有仍前鈎棘奇僻痛加黜落甚則令考試官指名具奏處治欽此已經禁約去後乃昨歲各省進到鄉試錄其文類皆狠誕不經奇詭相襲背盤經旨決裂程式廣東錄文尤為悖謬該臣等參奏究治外切照今歲會試開科天下士子投牒就試雲集京師仰惟 聖明御

南宮奏議

卷二十一

二

鈐山堂

極方將不闢人文以化成天下若不痛懲往習力振頹風誠恐將來效尤愈趨愈下道術日微人才日壞欲得人才以輔成治理豈不難哉臣等忝備禮官職司貢舉摠忠報國以人事君之義莫重於此伏望 聖明采納勅下主考重臣督令同考官員今歲會試較士務要遵照先奏欽依事理必須醇正典雅明白通暢合於程式者方許取中其有似前駕虛翼偽鈎棘軋茁之文如尚書夏言所論者必加黜落仍聽考試官摘出不寫經傳本旨不循體制及引用莊列背道不經之言悖謬尤甚者將試卷送出以憑本部指

實奏請除名不許再試庶幾文體可回宿弊可革合
候命下臣等先期出給榜文曉諭諸士俾各知
懲革故習恪遵休命庶真才效用而治化可臻矣嘉
靖十七年正月二十七日奉
聖旨是你部裏便出榜曉諭

議處京闈科舉事宜

該河南道監察御史沈一定奏稱增解額釐宿弊以
收實才事臣等竊惟 祖宗定制兩畿十三省鄉試
解額各有定數而兩畿生儒之外有國子生諸司歷
事監生歲貢生京衛武學生等項故解額一百三十

南宮奏議

卷五

五

鈐山堂

五名視各省獨加多焉查得上年該提學御史方一
桂條陳科舉事宜本部議准將原額一百名以錄畿
內生儒其三十五名錄外省監生各項人士但自選
貢法行及累開輸粟之例太學生徒多至三千餘名
而諸司歷事監生新到歲貢等項大約將及二千之
數一時人才之盛大倍往昔而所取解額尚限於三
十五名之數委的額少人多不足以盡天下之才查
得景泰四年國子監生徒數多順天府解額增至二
百五十名係出一時恩命不為定例所據御史沈一
定具奏前因無非因時變通以廣收人材之意合無

南宮奏議

卷五

四

鈐山堂

將今次兩京解額各量增數名專以錄外省監生各
項人士庶幾遠近不遺而暇方士子懷才抱藝者咸
得自奮不孤 皇上教育之恩矣其應增之數臣等
未敢擅擬伏乞 聖明欽定 臣等又惟京師乃都會
之地順天鄉試起送儒士多有四方緣事黜革生員
潛住京師改名冒籍以圖科舉及至就試之時又有
顧倩熟識頂替入場希圖僥倖奸弊滋多誠有如御
史沈一定所奏者相應禁革合候命下本部劄付順
天府轉行各該衙門今後應試儒士務要查審辯驗
籍貫明白者方許保送其附籍可疑之人取有同鄉
官印信保結正途出身者方許准理入試之時提調
官取具各生并歇家年貌親供互相保結置立文簿
聽監試御史設法審究仍行五城巡視御史并緝事
衙門密切緝訪若有前弊將原保人連坐治罪務要
視常倍加嚴謹以防奸弊其奏要考試官每場公同
提調監試官揭書出題及去取硃卷與同考試官意
見不同者會同提調監試官虛心斟酌雖皆為革弊
防奸之意但 祖宗舊制兩京鄉試簾以內屬之考
試官簾以外屬之提調監試等官不相干預恐致漏
泄事情以故內外職守禁防甚嚴其出題閱卷去取

等項自有場屋相承舊規遵行已久再難別擬况兩京鄉闈主試俱係朝廷簡命文學侍從之臣事在得人宜專委任但既該御史具奏前因合候命下本部行移該衙門轉行兩京考試官務要精白一心恪恭乃事以仰副 聖明委任求賢之意其提調監試等官先期嚴加防範臨期着實巡察如考試官去取不公交通關節事有顯證者聽監試官即時糾舉庶職守不紊宿弊克清而共成國家賓賢之盛典矣嘉靖十六年七月初十日奉

聖旨科舉朝廷重事便着提調監試官嚴加防範禁革奸弊考試官出題閱卷都照舊例行簾外官不許干預解額仍舊不必開增

正科場文體

該河南道監察御史聞人銓題奉 聖旨禮部知道欽此着得正文體以變士習先年節經本部具題通行禁革外今御史聞人銓以來歲當鄉試之期復以爲言蓋本官先年提學南直隸身有教士之責目擊時弊深懲往昔故有此論 臣等切惟時文之弊久矣轉移化導之機其要在於司考校之責故知貢舉有歐陽修則軋茁之文自黜今試錄所刻之文士子視

南宮奏議

卷三

五

鈐山堂

以爲趨向彼見詭異不經之言尚在所錄必曰主司好尚如此有不靡然效之者乎如是雖日諄諄告戒之無益也本官奏稱先責之學校使提督憲臣痛加黜罰次責之場屋使考試等官公爲品題決不以此等中式此爲知本之論相應依擬合候命下本部移咨都察院轉行南北直隸提學御史并浙江等按察司提學官及各處監臨御史各遵照本部節年題奉欽依事理刊刻榜文播告多士仰各遵聖訓爲文必崇尚雅正根據經傳如有仍前收錄叛經離道之文俟進到試錄本部詳加翻閱查出奏請照例將考試

南宮奏議

卷三

六

鈐山堂

等官追奪禮幣監臨提調等官一體提問究治庶人皆知警文體可正而士習可端矣嘉靖十八年十二月二十三日奉 聖旨是便通曉告今後鄉試進到試錄你部裏務要詳閱舉奏如再仍有叛經離道詭辭邪說定將監臨考試等官罪黜取中舉人辯驗公據得實革退爲民

增湖廣鄉試解額覆題

看得御史姚虞等題稱湖廣乃龍飛之地人文之盛有非昔比乞要少增解額著爲常例一節 臣等切惟

設科取士國家盛典其兩京十三省解額名數多寡具有定制遵行不易惟近歲給事中田秋御史王杏奏稱貴州先年鄉試附搭雲南今要分設科場以備全省之制二省解額乞均賜加增三五名該本部題奉欽依開設科場雲南准增四名蓋亦宜時通變之義也今照御史姚虞饒天民所奏以湖廣為我皇上飛龍之地府名承天宜比照順天應天事例增其額數臣等查得順天應天解額俱一百三十五名緣兩京有國子監生及各衙門歷事監生禮部儒士太醫院醫士等項四方之人聚焉非皆出自畿內也故

南宮奏議 卷三十一

七

鈐山堂

額數視各省為獨多今以湖廣例之似有不同但二臣之奏無非欲崇表帝鄉作興士類之意湖廣舊取八十五名合無於額外量增數名以示優異臣等不敢擅擬伏乞 聖裁嘉靖十九年七月二十五日奉 聖旨湖廣朕 皇考德化所及之地解額准增足九十名

題請會試正榜舉人額數

嘉靖十七年會試天下舉人三場已畢該考試官掌詹事府事太子太保禮部尚書兼翰林院學士顧鼎臣等送出揭帖取到文理平順堪中正榜者四百二

十五卷文理平通堪備正榜者一百二十三卷擬於本月二十四日揭曉開送到部臣等切惟人才關乎世道而惟進士為重守令切乎親民而惟進士為良查得永樂年間會試取士有幾五百名者成化弘治間多有四百或三百五十名暨我 皇上臨御之初亦嘗取及四百之數況今人材輩出視昔益盛則其錄用之數自當視昔有加近該本部左侍郎兼翰林院學士張璧奏要少增額數用網俊髦上副 陛下側席之求下慰多士入彀之望庶幾仰禪聖化巡撫陝西都御史任忠題稱關陝重地軍民困弊虜患方

南宮奏議 卷三十一

八

鈐山堂

張整理振作必須得人乞於進士常數之外量加數名以為陝西州縣之用庶州縣得人政務修舉巡按山西監察御史何贊亦奏稱天下之州邑得進士為之長令者不勾十之一二緣進士額數太少任使不充伊欲救弊圖治非增科額誠為不可乞要倍加甄錄授之各省疲弊要害阜繁州邑以隆聖治所據各官論奏相應備列上請其取士額數例該本部臨期奏請取自上裁臣等不敢擅擬伏乞 聖明定奪嘉靖十七年二月二十二日奉 聖旨是只照上科取三百二十名

參看廣東試錄文字

據廣東布政司進呈嘉靖十六年鄉試錄查得前序內聖謨帝懿表內玉牒金枝四郊上帝朱掖宸樞社稷等字俱不行擡頭及序內稱陳白沙倫迂岡等字樣俱屬失格臣等切惟三歲開科取士國家重典各省試錄進呈御覽傳布四方關係甚大其所錄文字必醇正典則以示士子之法程其體式必虔恭敬慎以昭聖朝之儀度參看廣東布政司鄉試錄內擡頭字樣差錯數多顯是不行敬謹古者君前臣名父前子名朋友則稱以字近來士俗競以號稱已

南宮奏議

卷三十一

九

鈴山堂

失古人稱字之意然止同輩私相稱謂而已今前序內陳白沙倫迂岡之號豈可輒對於君父之前及策問兵戎詞多隱晦至於四書義經義及論等作尤為詭異不經之甚臣等仰惟祖宗定設科目革前代詩賦弊習專以經義取士作文悉依朱氏傳註必理明詞達不失題目本旨方在所取國家成化弘治間程文俱深醇典正明白敷暢近年以來士大夫競慕新奇務為險僻背盤經旨決裂程式純正爾雅之體優柔昌大之風蕩然無有嘉靖十三年八月該本部題為變文體以正士習節奉聖旨是文運有關

國運所係不細近來士子經義詭異艱深大壞文體誠為害治恁部裏便出榜曉諭今次會試文卷務要醇正典雅明白通暢的方許中式如有似前鈎棘奇僻痛加黜落甚則令主考官指名具奏處治欽此通行欽遵去後臣等看得廣東錄內中庸義自原題以至終篇全不說破是子思之言其曰體存故可以厚本用利故可以明漸厚本故可以合同明漸故可以鼓舞錯雜謬妄全非作義體式批語謂中和不可分動靜位育不可分中和大悖經傳未發已發心正氣順之旨孟子義結末飛衛紀昌相遇交射是乃列子

南宮奏議

卷三十一

十

鈴山堂

之寓言詎宜引之以亂聖賢之雅道書經義二篇漫衍無倫畢命一篇全不說出康王命畢公之由不知為何而作至論內黃郊紫微二君碧虛子之問詭異尤甚此如漢賦中假托亡是公烏有先生之類是徒知眩博以為奇而不知戾道亂正之為害四方學者將謂如此文字可得高選必更相做慕日甚一日將見文體大壞學術日微欲得真才以輔成治理豈不難哉仰惟皇上大明理學崇雅抑浮此等所宜深絕而痛革之者也參照考試官學正王本才訓導郭愷同考試官學正黃仲陽教諭蔣孟倫林人紀陳玉

郝光潤王蘭各以儒官應聘主試却乃體式罔知實上違於制典文詞多謬敢自叛於經常責有所歸罪奚容追及照巡按廣東監察御史余光職主監臨事專場屋提調官廣東布政陸杰左叅議余鏗監試官廣東按察司按察使蔣淦副使鄒守愚各有贊襄之責均失校對之詳俱各有罪合候命下本部移咨都察院轉行各處巡按御史將考試官王本才等二員同考試官黃仲陽等六員通行查提到官問擬應得罪名奏請發落仍將原受禮幣銀兩追奪還官以警將來左布政使陸杰等按察使蔣淦等四員行巡撫

南宮奏議 卷三十一 鈐山堂

兩廣都御史提問發落其御史余光係在京官負取自 聖裁仍令 臣等備行南北直隸提學御史各布政司提調官各按察司提學官行令各該府州縣儒學嚴加禁革今後應試文字務遵舊式以經傳為主不許引用莊列諸子荒唐恠誕之說以亂聖經務使文詞不變庶幾他日科目得人可副國家之用矣嘉靖十六年十一月初八日奉

聖旨是王本才等并黃仲陽等都着各該巡按御史查提了問禮幣追奪還官陸杰等及蔣淦等着巡撫都御史提問余光送司提了問便通行天下提學官

嚴加禁革士子敢有肆為恠誕不遵舊式的即行革退

參看應天府試錄失格

應天府進呈嘉靖十六年鄉試小錄九月二十一日通政使司封進二十二日奉 聖旨這小錄內考官如何不填名禮部參着了來說不許支對欽此 臣等竊惟國家三歲一開科選士其典至重而兩京則命文學儒臣以司校文之任其責為尤重試錄進呈所以獻達宸旒對揚休命錄內考官批語於例俱該填名方敢上進蓋兩京十三省皆然 臣子對上之體罔

南宮奏議 卷三十一 鈐山堂

敢弗欽當如是也參看得應天府進呈小錄內考官批語俱各不行填名顯是不知敬謹參照考試官左春坊左諭德江汝璧司經局洗馬歐陽衢各以儒臣欽承簡命所宜竭心效勞協力程事却乃臨時弗慎自取愆尤相應罪治以懲弗恪提調官應天府府尹孫懋府丞楊麒責任既同均難辭咎及照同考試官學正舒文奎錢舉教諭周隆盛徐州唐尚忠歐陽烈梁士翹張禹卿訓導楊忠孚各有分考之責通合查究合候命下之日本部移咨刑部候左諭德江汝璧洗馬歐陽衢到京之日行提問罪及咨南京刑部將

府尹孫懋府丞楊麒就被提問通行奏請發落其湖廣沅州學正舒文奎等九員本部移咨都察院轉行各該巡按御史將各行提到官問擬應得罪名照例發落以警將來再照監試官南京江西道監察御史何宏河南道監察御史沈應陽與有監臨之責於封錄進呈既有前項差失乃各不行糾舉亦屬有罪合無行南京刑部一體提問惟復量加罰治均乞 聖裁嘉靖十六年九月二十四日奉

聖旨這進呈小錄考官既不填名策題又以國家祀戎大事作問所對中間語多譏訕好生無禮江汝璧

南宮奏議 卷五 三 鈐山堂
歐陽衢錦衣衛差官校掣來問孫懋楊麒并何宏沈應陽着南京法司提了問同考官舒文奎等着各該巡按御史提問取中生儒都不許對制你部裏不行

參出顯是回護本當查究且饒這遭
應天府取中生儒乞准送監讀書
據王諷等各告係直隸徽州等府祁門等縣軍民等籍名蒙 朝廷作養由廩增附生員中應天府嘉靖十六年鄉試誤以草茅庸昧干冒 聖明欽奉 聖旨不許對制欽遵外今會試事畢諷等各洗心悔改願切補報所有原抄取中文字公據理合告投伏乞

轉奏庶得補報等因到部臣等看得應天府取中生儒一百三十五名俱以草茅微生幸蒙朝廷作養緣考官以祀戎作問所對中間語涉譏訕已該臣等遵照 明旨不許對制但各處試錄程文多係考官筆削其主考等官已經奉有欽依究問處治我 皇上深得夫激厲人才懲革士習之道矣今各生咸知洗心悔改願切圖報會試已畢方將公據告投前來情詞懇惻伏望 皇上少霽天威念涵濡之久作養之難俯賜矜宥容令 臣等將各生俱送國子監讀書令其改習三年方許會試是真天地無棄物聖人無棄

南宮奏議 卷五 四 鈐山堂
人之仁也恩威出自朝廷臣等不敢擅擬伏乞 聖明定奪嘉靖十七年三月二十五日奉
聖旨准送國子監讀書
應天府生儒乞准令會試

臣等看得應天府嘉靖十六年取中鄉試生儒王諷等一百三十五名先奉欽依都不許對制續該本部題奉 聖旨准送國子監讀書仰見 皇上激勵人才懲創之義優容之仁誠為兩得今照各生入監肄業坐班已滿 聖化陶鎔師儒督正必有以改其舊習而成其學業矣茲當會試之期合無容令入試以

備選舉其有事故先未入監近日方纔到京送監者似未經作卷應合遵照前旨仍令坐監肄業以俟下科會試嘉靖二十年正月十六日奉聖旨是這生儒入監坐班的准入試其有事故未經作卷還送監肄業以俟下科

南宮奏議

卷三十一

五

鈐山堂

南宮奏議卷第二十一

南宮奏議卷第二十二目錄

邦典

進繳 御製寶曆文式札子

大閱大射禮議

奏進樂書乞興正樂議

南京大朝賀出制帛及百官相遇禮

請纂修興都典制及承天府志

申明士庶家冠婚喪祭禮

南宮奏議

卷三十二目錄

一

鈐山堂

南宮奏議卷第二十二 鈐山堂集六十二

邦典

進繳 御製寶璽文式札子

嘉靖十八年二月初五日該本部尚書臣高於重華
官欽奉 面發札子一道 欽定成造御寶一顆見
方一尺五寸九分文曰奉天承運大明天子寶五顆
俱見方九寸五分文曰天子信寶天子行寶皇帝信
寶皇帝行寶大明受命之寶五顆俱見方七寸九分
文曰巡狩天下之寶垂訓之寶命德之寶討罪安民
之寶勅正萬邦之寶欽此恭捧到部臣等切惟符璽

南宮奏議

卷三十一

鈐山堂

之制自秦漢以來天子印得稱璽故其制謂之璽書
所以正位凝命世為傳守者也仰惟 皇上睿知先
天聖謨憲古百凡制作俱盡善美爰以 本朝璽寶
未備特勤宸思親煥帝文立義定名各有攸當大聖
人之所作為卓冠千古傳之萬世永永而無極也臣
等曷勝欽仰之至謹恭錄 欽製文式即行內府該
衙門擇吉恭造施行原奉 御筆札子一道理合進
繳謹具題知

大閱大射禮議

該禮科給事中陳斐題 臣等會同兵部尚書毛伯溫

等議得其一日大閱之禮臣等竊惟周禮中冬教大

閱古者四時因田講武滅僨伯謂治兵振旅以數軍
實昭文章明貴賤辨等列順少長習威儀也春秋書
大閱公羊傳曰大閱者何簡車徒也蓋自軒轅用干
戈征非享以來三代聖王皆以武功為重故周公言
於成王曰克詰戎兵召公言於康王曰張皇六師詩
頌殷高宗則曰殷武奮伐美周宣王則曰車攻馬同
有由然也漢唐以下雖治不古若然漢承秦制十月
幸長安水南門五營士為八陣進退東漢制以立秋
日斬牲於郊東門武官肄兵習戰陣之儀唐太宗閱

南宮奏議

卷三十一

鈐山堂

武城西玄宗講武驪山之下徵兵二十萬親擐戎服
臨觀宋太祖講武近郊太宗築講武堂於西郊而唐
開元禮皇帝講武儀注特感誠以文武之道不可偏
舉五材之用難以廢一此數君者亦知夫古先哲王
所以制治未亂保邦未危良必有此以為長久之道
也洪惟我 太祖龍飛淮甸間關百戰汛掃胡元我
成祖親率六師北征殘虜雖大閱之禮今不可考
見然臣等伏讀大明會典內一款開載洪武六年定
教練軍士律凡騎卒必善馳射及鎗刀步兵必善弓
弩及鎗凡在京衛所每一衛以五千人為則內取一

千人令所管指揮等官領赴御前試驗以次輪班在外都司衛所亦然至於箭步鎗法俱有定式而以其能否為之賞罰有差其所致意於武備者如此蓋我二祖神武聖文兼致其用是以豐功偉烈遠出前代之上而不可及者也仰惟 皇上臨御以來稽古右文制禮作樂追法 二祖獨冠百王文教之威誠巍然煥然不可加矣邇者北虜敢肆跳梁深入三晉上厯宵旰之慮凡在臣工固當思所以振揚威武之方今團營務頗弛廢雖有操練之名而無簡閱之實將帥不習本業士卒徒存虛數老弱坐耗軍實壯強

南宮奏議 天卷五 三 鈐山堂

被役私門倘蒙煥發繪音大講武事 聖駕親閱視其舉廢以加賞罰則 聖意所加自足以作將士之氣而天威遠播尤足以寒醜虜之膽此國之大事在今日所當務者也合無俯從所言令臣等開具合行儀注上請聖裁行令各衙門修理道路將臺旗鼓器械等項完備恭請 大駕幸臨閱武大教場舉行古今之曠典以成安不妄危之道而文事武備兼舉無遺矣伏乞 聖明採納勅下施行其一曰大射之禮臣等竊聞古之射禮有五而大射為重周禮天子將有郊廟之事行大射之禮天子大射天官司裘供武

侯熊侯豹侯設其鵠夏官射人以射法理射儀其大射曰射侯者射中則能服諸侯故曰射者所以觀盛德也是天子親行之禮也儀禮曰大射之儀君有命戒射宰戒百官有事於射者射人戒諸公卿大夫射司士戒士射又古者將有祭祀王命諸侯卿大夫射中者則與祭諸侯貢士於天子天子試之射官中多者而君有慶益以地中少者而君有讓削以地是天子之命臣射亦曰大射然必天子親行於上而公卿大夫從之臣等又聞之記曰天子將祭必先習射於澤已射於澤而後射於射官注曰澤澤官也所以擇

南宮奏議 天卷五 四 鈐山堂

賢之官也射官國之小學在西郊則虞庠是也此皆謂行大射禮之地也自周而下若漢明帝臨壁雍行大射禮唐太宗屢賜群臣射於武德等殿宋太宗詔定射禮為大射圖而唐開元禮有皇帝射於射官皇帝觀射於射官三月三日九月九日賜百寮射儀注尤詳書曰侯以明之易曰弧矢之利以威天下故明乎其節之志以不失其事則功成德行立無暴亂之禍而國家安者此也洪惟我 太祖 成祖平定安輯之初嘗令群臣合射及詔成均博士弟子郡縣庠序之士習射於射圃各制禮儀臣等伏讀 大明會

典內一欵洪武三年定凡遇郊廟之祭先期命文武官行大射之禮其儀按周禮大司馬之職今以兵部掌之自天子皇太子親王以至文武官射禮各有等差其射鵠有七自虎鵠五彩而下以至布鵠無彩其射中有五自皮樹中而下以至鹿中其職事官有八曰司正司射司射器舉爵請射待獲執旗引禮是其儀物大備典章具存而大明集禮所載圖說尤詳但行禮之處不可考見今給事中陳棐以大射為言而特主於臣下不忘武備之意且謂擇廢寺間地倣古澤宮射宮及照國初射圃之制創圃數區令文職官

南宮奏議

天卷三十一

五

鈐山堂

射禮儀合無恭候廟工完日另議請施行其兩京國子監及各省府州縣學校射禮合再申明 國初定制務俾及時暇隙着實舉行則與周禮賓興六藝大學造士行同能偶別之以射之意亦為有合而士於未服官以前皆得習射而一代之典亦可漸備矣嘉靖二十二年正月二十七日奉

聖旨且罷

奏進樂書乞興正樂議

南宮奏議

天卷三十一

六

鈐山堂

本部於禮科抄出新選山西遼州同知李文察奏臣聞諸周禮奏黃鐘歌大呂舞雲門以祀天神奏大簇歌應鐘舞咸池以祭地示奏夷則歌小呂舞大濩以享先妣奏無射歌夾鐘舞大武以享先祖聞諸詩肅雖和鳴先祖是聽聞諸書舜命夔典樂教胄子自古聖帝明王未有舍是而能以化成乎天下者矣陛下之聖德復古樂於今日正所急之先務也故敢將順其美於樂記而有補說之作以足陳浩集說之意所以明樂理也於律呂新書而有補註之作以發蔡元定之蘊所以明樂聲也於伏羲卦圖文王卦圖夏禹九疇圖箕子洪範圖而有解說之作所以明樂理之原也於興樂而有要論之作所以明古樂必可

興於今日也不揣愚賤瀆冒奉獻以為興樂採擇之備覽且四聖圖中非徒寓乎樂理體無不具用無不周有養身之術焉有正心之方焉有修身之要焉有行政之道焉故臣又作四圖用說第一圖用說所以保聖躬也第二圖用說所以明聖心也第三圖用說所以一聖動也第四圖用說所以直聖政也為此將臣所撰四聖圖解一卷樂記補說二卷律呂新書補註一卷興樂要論三卷共二帙親齋謹具奏聞等因奉 聖旨禮部看了來說臣等切惟我 太祖高皇帝定鼎之後奉奉以復古樂為念但時當草創欲為南宮奏議 六卷三十一 七 鈐山堂

未就仰惟 皇上以義黃堯舜之德際重熙累洽之運期值百年聖蕪述作既制大禮以定天下之式必作大樂以平天下之情但樂之道廣大微妙非惟情義難明而所謂制度者亦失傳久矣西漢去聖未遠樂家有制氏世在樂官但能記其鏗鏘鼓舞而不能言其義况數千載之後乎今遼州同知李文察奏進樂書乞興正樂一節臣等看得其所進樂記補說補註等書所以明樂聲樂理樂原亦有前人所未發者其議於人聲中考定五音以為制律候氣之本其法似為徑截昔宋人楊傑議曰八音皆不能無失惟

人稟中和之氣而有中和之聲八音律呂宜皆以人聲為度且人言人志詠以為歌五聲隨歌是為依永律呂協奏是為和聲此皆取之虞書者也李文察所議似與此合惟我 皇上聖德居位懋建中和之極實秉制作之權則考定元聲興復雅樂今日實惟其時但考制習文非朝夕所能湏積之歲月然後可以成功所據本官陳奏相應議處合無暫以原職留京與支本俸太常寺選委典簿等官熟知音律三四員并選能歌樂舞童生百餘名開設樂館聽本官協同肄習待其稍有次第每季終本部委官同該寺堂上南宮奏議 六卷三十一 八 鈐山堂

官按試一年之後本部堂上官再行按試如果聲律諧協雅俗判殊及截管飛灰吹律候氣皆有應驗奏請定議擢用伏乞 聖裁嘉靖十七年六月初四日奉

聖旨是李文察改授太常寺典簿協同該寺官肄樂南京大 朝賀出制帛及百官相遇禮該南京禮部尚書霍韜奏奉 聖旨禮部查明來說欽此臣等查得先該南京禮部尚書霍韜奏為申明禮制以定體分事該本部看得所奏三事其一曰大慶儀凡遇元旦冬至及 萬壽聖節南京文武百官

俱行呼蹈十二拜禮臣等查得南京衙門凡遇二天節前期進奉表文已行全禮至日止告天祝壽行八拜禮此係 太宗皇帝欽定禮儀及奉有 英宗皇帝聖旨具載 英廟實錄 祖宗舊典難以輕改所據慶賀諸儀俱應從舊其二曰出制帛南京舊例每年出制帛二次其日文武百官吉服導送於郭門之外尚書霍韜議欲每歲止送制帛一次及南京官導送則北京官宜迎臣等切惟制帛以備郊廟禮神奉先之用事體崇重使者啓行導送出郭乃人臣致命之恭南京官員導送於禮允宜到京之日進送內府

南宮奏議

卷三

九

鈴山堂

交收舊無奉迎之例所據前議亦合從舊其三曰百官相遇相臨禮尚書霍韜奏曰去年臣具奏官員相遇迴避之禮都察院會同禮部覆題六科相遇部院三品以上官引馬遜避今途遇給事中未嘗見其迴避又曰行且避路坐必避位宜照會典申勅遵守臣等查得都察院會題六科給事中與三品以上官公聚序坐如刑部會官審囚給事中坐於西班之後禮部會議民情給事中坐於西傍此會典所該載者教場比試選官賜酒飯又有並坐對坐之禮為會典所不載者中間事體俱已明備無容再議以故臣等照

依都察院會題申明禁約今後六科給事中務宜遵照先奉 欽依崇讓導制有故違的叅奏治罪題奉 欽依准行外今尚書霍韜奏稱該司郎中陳箴增減緊關情節切惟本部覆題既與都察院會同原奏無異本內又明開刑部會官朝審禮部議民情俱有定規此即會典所載其序坐之詳部院會同前奏已備今次覆題中間並無增減緊關情節但百官相遇相臨禮既經本官節奏前來相應再行申明禁約令各遵守施行嘉靖十六年七月二十四日

請纂修興都典制及承天府志

南宮奏議

卷三

十

鈴山堂

臣等看得承天府知府吳惺等奏請纂修 興都典制承天府志以俟收入一統志內及圖上 純德山形勝與 顯陵規制進呈 御覽以慰孝思各一節臣等謹按周禮惟王體國經野設官分職有外史以掌郡邑之志所以大一統通四方為民極焉故夏作禹貢周述職方所由來遠矣我朝稽古建極有一統志各省有通志郡志縣志以紀職方蓋取諸此惟承天府實我 皇考睿宗獻皇帝始封之國我 皇上龍飛之邸又今為 二聖萬年陵寢之所也宜有紀述以昭示無極據稱欲將興都典制與承天府志各

為一書意以興都大典疑非府志所該然禹貢並叙九州而專統於帝都書法凡例體裁有則固不嫌為一書也况近例金陵志中都志亦為一書今日承天有作宜為興都一志其法則先興都宮殿陵寢諸典而後及有司所守其義則取諸禹貢以示有尊庶為合理其純德山形勝 顯陵規制法得區列為圖載于志之首再據更欲繪圖以便揭之殿壁用慰 聖孝瞻覽之思亦應依擬但前項書籍總裁分纂尤在得人為照見督工今陞工部尚書顧璘素以文學著稱足當筆削之任合無行令不妨原務督率該府有

南宮奏議 天卷三 七 鈐山堂

司聘委文學官儒不拘見任家食分局修纂而璘特為總理俟脫橐之日繕寫成帙進呈 御覽或下內閣者詳恭請 聖明欽賜裁定然後本部轉發翻刊成書傳布四方付之史館別議增入一統志內庶足以成一代之典而於 聖孝聖政昭示為無窮矣嘉靖二十年二月十九日奉 聖旨依擬

申明士庶家冠婚喪祭禮

看得南京兵部尚書湛若水奏內申禮制以馴民俗一節臣等為照冠婚喪祭所以綱紀人道始終乃王

教之大端化民之首務也仰惟 皇上御極百度俱新道德齊禮之治既惇嚮風承德之效自應况留都首善之地卿士大夫之家服行禮教固固或愆其間閭細民庸有不能如禮制者亦力有所不逮也至於喪事或失則奢祀事或失則忘習俗相踵習義漸乖今尚書湛若水具奏前因無非欲明禮制以敦教化之意相應依擬其前項禮儀宋儒朱熹者有家禮傳世繁簡得宜士民兩便合候命下本部移咨南京都察院出給榜文張掛曉諭士庶之家悉訪家禮儀式舉行如冠禮年十五至二十者皆可冠務筮戒賓客

南宮奏議 天卷三 七 鈐山堂

延聚親隣少長共觀之使知成人之義昏禮如問名納吉不行已久止做家禮納采納幣親迎等禮行之所有儀物二家俱無過求以傷和好其喪禮各稱其家之有無以為厚薄時忌致祭亦各隨所有以伸慕不以富侈不以貧廢山外嚮宴奢靡服飾僭踰排筵散悶剪絲靡費等項如本官所云者通行禁治巨家大族能遵禮者實舉行以為細民之倡者有司量加勸勵庶幾日改月化古禮漸興道德一而風俗同者在是矣嘉靖十八年十一月初六日

南宮奏議卷第二十二

一書 廿 冊 續修四庫全書 第 29 版 反外

南宮奏議卷第二十三目錄

官政

申明職掌以杜請託

查革譯字生先年貪緣姦弊

申明慎選通事

停止投告補役醫丁

太醫院官醫暫免三年類考令照舊習學

覆題太醫院徵解拖欠藥物

議處光祿寺厨役

議止光祿寺揀選守門人役

南宮奏議

卷二十三目錄

一

鈐山堂

陝西布政司違例解到厨役發回究治

議處各處僧徒

奉 旨恭看三法司會審過期

南宮奏議卷第二十三 鈐山堂集六十三

官政

申明職掌以杜請託

臣等切惟國家設官分職各有司存如行人之設專以奉使為職查得大明會典行人條例項下內開凡開讀詔赦等事例該本衙門官差遣不許別衙門侵奪如臨時乏人方許別官兼差而朝廷用此稽其年勞以為功課訪其辭受以觀廉節驗其行事臧否以為黜陟所以人皆砥礪畏慎爭思自樹以期將來華要之選節年本部遵守定制凡遇頒詔并各王府南宮奏議 卷二十三 鈐山堂 一 祭葬齋勅獎勵俱例差行人其每歲冊封宗藩則翰林六科官及卿寺五品以上官亦得充副使與行人相兼差用而別項官員不得差遣且如光祿寺署丞等官職專供膳鴻臚寺序班等官職專朝儀內閣兩房中書等官職專書寫各部司屬等官俱有部事而刑部大理寺職專刑名俱難擅離於例不應差用近來各官求借差遣圖便回家營殖私計延住經年不行復命近該大理寺副王應芳等齋詔開讀過限一年之上方纔回京已該本部具題叅問外然本部裁制雖嚴人情求討無厭每遇一差而數人爭之奔

競成風職掌侵紊甚乖事體理合題請申明今後除冊封宗藩照例於翰林六科等衙門行取相兼上請點用外其餘一應差遣本部照例先儘取行人如行人不敷然後訪取各衙門空閑官員量情借差不為常例其今科辦事進士方入仕途遠懷私念亦合通行禁革合候命下本部備行各該衙門官員一體遵守知悉仍行各衙門堂上官各要嚴轄戒諭不得縱容所屬託故求回此亦正士習儆官箴之一大機也再照行人出差自合遵限前來供職却亦往往回籍久住以致本衙門差用乏人啓各官侵擾之弊此

南宮奏議

卷三

二

鈐山堂

緣所司徇情弛法批限太寬伏望 皇上勅令該科務照先年原定地方水程嚴立限期仍候命下本部移咨都察院轉行各該巡按御史今後公差官員在道過家遷延久住者聽各該巡按御史指名劾奏前來以憑究治如此則法令昭明官守無曠差遣畫一而請託可息矣嘉靖十七年七月二十七日奉 聖旨依擬

查革譯字生先年貪緣姦弊

儀制清吏司案呈准翰林院手本開稱四館鞋靴等九館譯字生除給假丁憂事故問革等項不開外

見在肄業譯字生叢德等七十五名監生曹金等五名俱於嘉靖十六年五月二十日到館習譯三年已滿例該會考食糧等因查得嘉靖十六年五月內該大學士李時等題准本部考選得監生王世業等十四名世業子弟福守仁等九名軍民子弟朱光祖等九十七名俱年貌相應題奉欽依送翰林院分撥各館肄業去後又查先年節該本部題准事例譯字生習學三年後本部會官考試中者作食糧子弟月給米一石不中者許過二年再試不中者許過六年三試不中者黜退為民中者照例食糧又查得嘉靖元年

南宮奏議

卷三

三

鈐山堂

年八月內該本部題覆為嚴規制以成譯學事議得各館官生凡送考食糧等項不中俱有再試之例但中間委有愚頑不學屢考無成者仍容再試終於無用合無今後習學三年考不中者徑黜為民其有資稟年歲相應量終有成者聽翰林院酌量方許再試等因題奉 聖旨是准擬欽此俱欽遵外今該前因看得翰林院開送四夷館鞋靴等館譯字生叢德等共八十名俱於嘉靖十六年五月內送館習譯三年已滿例該會官考試食糧一節各照先年事例引赴午門裏翰林院出題會同各部并都察院堂上官及

諸曉夷字官員考試合用監察御史二員監試錦衣衛量撥官校看守試畢將考試過等第緣由另行奏請定奪等因題奉 聖旨是欽此會考間續於禮科抄出少保無太子太保禮部尚書武英殿大學士掌部事嚴 題為考試譯字生乞賜查革先年貢緣茲弊以正國法以清士途事內開 於近日訪得數內郭元梓郭元材曹金田稷王詔蔣縉喻承恩張述朱光祖李宏陳樾張宗召潘儒劉鑰龐棟俞縉戴鏞韓景隆翟廷相蔡廷相陸九思柴可禎柴志學委係京師富商巨室先年鑽刺貢緣玷汚名器乞將郭元梓等二十四名不許預考徑自革退為民此外各生尚多宦家子弟比之商賈雖若有間大抵屢經論議若再得之終於事體有礙合無盡數黜革以正士風惟復嚴加考試其譯字差繆者照例革退為民或業有頗通量為留用十數名以充任使等因奉 聖旨覽卿奏朕具知悉郭元梓等二十四名納賄貢緣情實可惡本當究治姑從輕都革了後着為民其餘嚴加考試務要譯業精通量為留用該衙門知道欽此除將郭元梓等二十三名并未經起送郭潁一名俱革後為民今將見在叢德等五十名引赴午門裏考試

南宮奏議

卷三

四

鈐山堂

內除西番館譯字生一名張麒火落題紙已該監察御史石永等參究外考得靖九經等十五名譯業精通合無准送翰林院照依先次題准事例月給米一石仍舊在館習學辦事責持國等十五名譯業精通資稟年歲尚堪策勵姑准送館習學不許食糧候三年滿日另行再試劉承祖等二十三名譯字差繆習學無成及楊蓉馬銳劉汝勤臨考不到顯是畏避考試俱合革退為民通候命下欽遵施行嘉靖二十一年十二月初六日奉 聖旨是

南宮奏議

卷三

五

鈐山堂

申明慎選通事

先該鴻臚寺卿魏境等題該本部覆題議得各國通事除丁憂緣事未結俱不作缺其有見缺十人以上及一國全缺者鴻臚寺呈缺到部本部奏行各邊鎮巡官訪保及劄付鴻臚寺掌印堂上官出給告示許在京在外各真正籍貫俊秀子弟二十歲以下平昔身家無過者赴寺報名該寺徑行各該印信衙門保勘是實類總具本寺結狀粘連各人親供呈送本部仍行該城兵馬司拘集隣佑人等取具不扶結狀到部覆審相同選揀人物齊整語音洪亮之人再行考

試文義一篇律判一條務要文理通曉字畫端楷者每缺一人奏送該寺分派各國年深老成通事教習如本國無人許其自行從師受業或令隣邦通曉者教習待其習學一年邊方訪保到部通行試以夷語將精通夷語之人照缺收補戴平巾辦事二年考中支米辦事六年考中冠帶支米辦事九年考中咨送吏部受職其願通夷語之人仍令習學候缺考補如習學一年夷語生澁不通者就行黜退發回原籍當差不許妄稱守候年久奏告濫收如勘結人員妄將身家有過改名冒籍之人朦朧妄保者事露連坐以

南宮奏議

六卷五

六

鈴山堂

罪題奉 聖旨是欽此通查到部看得通事之設專為引領夷人朝見整肅儀度譯審語音干係至重收選貴嚴今查得各館見無員缺而候缺通事一國多至三人緣初止憑邊方保訪前來未經本部考試文義暫送鴻臚寺習學見今各邊陸續起送到部人役數多難以濫收所據本部先次覆題鴻臚寺卿魏境等題稱前因頗為切當但法久弊滋因循玩廢合再申明舉行嚴加條約除將已送鴻臚寺候缺通事未經本部考中具題者俱照舊例分派各該館年深老成通事習教夷語本部及提督主事時加考校候有

負缺臨期試以文義語言研審去取量為收補今後不許實緣告擾濫行訪保務要遵照前例見缺十人及一國全缺者方許鴻臚寺呈缺到部具奏訪保考送該寺教習施行仍戒飭在館通事序班人員務脩職業互相教習其辦歷辛勤素行端謹夷語精熟者該寺具奏量加秩俸如有恣肆曠廢唆誘夷人為非受賄作弊抗違該司提督官約束者俱聽本部指名叅究待各官考滿考察之日填註賢否咨送吏部以憑黜陟庶幾選擇既嚴稽考亦當而官屬亦奮於効用矣

南宮奏議

六卷五

七

鈴山堂

停止投告補役醫丁

臣等看得太醫院醫士見在人數倍於常額已為冗濫而近來告稱補役醫丁之輩日逐纏擾不已緣此輩非真能知醫多係外省罷閑吏役黜退生員潛住京師夤緣鑽刺藉以為容身干祿之途而其日某祖某人戶籍俱係朦朧詭寄漫不可考此緣先年部議停止訪取明醫事例却冒認姓籍告稱補役醫丁古語曰弊源如鼠穴彼塞則此開正此之類謂也若不嚴加禁革冒濫之弊靡所紀極間有官醫子孫雖稱的派相傳實於術業無取一槩補收亦不過虛糜廩

食而已本部查有先次題奉欽依又據該院所呈理合申明題請今後告補人役合無一例停止待該院缺人供事之時另行呈請收用敢有仍前告擾者聽本部叅送治罪其果係官醫親男弟姪亦合行令該院省令習學本業務極精通不許陸續投告亦候該院缺人呈請方准赴部具告收考如術業不精照例為民當差不准替役仍自嘉靖十九年四月為始備將各籍開造花名文冊呈送本部以憑查驗臣等又訪得每當科舉之年京官子弟隨住京師者往往冒認醫籍以圖入試之便今照科場在邇亦合嚴禁此

南宮奏議

卷三

八

鈐山堂

弊以正士風俱候命下本部一體禁革施行嘉靖十九年四月十八日奉

聖旨是

太醫院官醫暫免三年類考令照舊習學

祠祭清吏司案呈案查嘉靖十一年該本部題稱合將官醫通令習學本業按季考試每遇年終劄令該司官前去會同考校三年滿日通送本部督同本院掌上官嚴加考試一等送御藥房供事二等給與冠帶與考居三等俱發本院當差遇有御醫吏目員缺送部再考御醫於吏目內銓補吏目於醫士內銓補

良醫大使等缺於三等人內考補等因題奉 聖旨是欽此今照該院官醫習學已經三年例該嘉靖十六年終類考等因案呈到部看得太醫院習學官醫又該三年類考但各醫雖有習學之名然自棄者多留心者少專候考試之期圖為陞授之地及至臨病用藥殊鮮奇術真才查得該院見在御醫吏目等官及 聖濟殿供事人員節年考送倍於常額已為冗濫所據今次類考相應暫免仍令再習三年以責成效合候命下本部行令該院將見在官醫照舊習學每年終本部劄令該司官前去會同考校候後供事人員缺乏然後通行送部考試遇有員缺照例以次補授庶術業得以專精名器不為冗濫而倖進之風可少息矣嘉靖十六年十二月十三日奉

南宮奏議

卷三

九

鈐山堂

聖旨依擬

覆題太醫院徵解拖欠藥物

看得太醫院掌院事通政使許紳等奏稱近年各處藥材拖欠數多不行解納惟四川蘇州雖有解到俱係藥價到京買納以致藥性不真供應缺乏乞要將朝覲官吏查究徵解一節為照太醫院藥材所以上供御用調護 聖躬所資甚重 國家立法各該地

方俱有額設採辦亦求地產真正庶乎性味不差治病得以獲効今各處藥材節經本部題奉 欽依嚴限查催往往不行依期解納其四川蘇州係產藥地方積欠尤甚嘉靖十四年等年却又徵解折價銀兩前來節據管解人員告稱萬里程途往返受累雖經從宜准令在京召商買辦終是藥性不真用之罔効甚非臣子仰體 君上衛生慎疾之義今行據太醫院回稱自嘉靖十四年起至十六年止各處拖欠藥味俱未解到各該有司明知奉有前 旨却乃視為泛常恣意延緩既該具奏前因將遲悞拖欠藥材浙

南宮奏議

卷三

十

鈴山堂

江等布政司應天等府來朝官員於考察畢日行提究問庶法守獲嚴人心知警嘉靖十七年正月初二日奉 聖旨這藥材拖欠數多誤事官員本當鞫問姑從寬着各該巡按御史查提問罪以後都着徵解本色不許折價

議處光祿寺廚役

該戶科給事中楊傑題為酌時宜明舊法以裨國用事近聞光祿寺添補廚役一百五十名每名月給米一石選數既多謀充必濫城市廝養之徒皆得寅緣

聚食於太倉月將萬計歲計上萬餘矣且見在廚役四千通融差使亦自有餘乞將新收廚匠差官精選如果技藝通曉量留應用係廝養無藉盡行革退仍將月糧分別新舊亦行裁減等因奉 聖旨該衙門看了來說欽此案照先據光祿寺掌醢署廚役葛昇奏為急缺廚役供應不敷事該寺議稱掌醢一署獨為徧累本部議准量添廚役一百餘名於嘉靖十六年九月初六日題奉 聖旨是欽此委官選補間今該都給事中楊傑等所奏在寺廚役見今四千名通融差用亦自有餘若使選補既多必致冗濫一節誠節財惜費至意已經就行該寺查勘應否通融差用去後今據該寺呈據大官等四署各申先年各署原額廚役共有六千八百八十四名見今各署當差廚役止有四千九十三名逃亡事故二千七百九十一名比之原額之數損失已及三分近年以來添設四郊 九廟并 駕詣 山陵比與先年舊制復有增益以致事繁役少應當不前若欲四千人通融四署之事則間有動作未免顧此失彼理合備由呈請議處施行等因到部看得該寺呈稱大官等四署廚役共有六千八百八十四名之數雖係先年舊額然

南宮奏議

卷三

十

鈴山堂

揆事圖治要在講求長策豈容牽視舊文當因仍積習之餘而為振勵變革之計此今日之務也况節年事例以奉 旨在前者為准查得嘉靖九年九月間該禮科左給事中田秋等題准光祿寺厨役至不滿四千名者方將在冊餘丁頂補今該寺厨役既有四千九十三名未至不滿四千名之數 明旨具在近歲遵行未聞廢事雖稱添立 郊廟比於舊制有增要之舉事動眾各有其時未有重襲併積同日並會者也若使綜核其人夙夜在公宜無不足之理訪得四署官員將各役濫占跟用數多或因而差撥奉承

南宮奏議 卷三十一 三 鈐山堂

所私繫籍公家服役私室以致徃徃負累逃匿如此即使其數愈多愈不足用徒費糜粟之繼祇為姦利之資但查掌醢一署缺人尤甚合無查照原議候命下之日本部委官將掌醢署先年報冊餘丁嚴加揀選年約二十以上藝業精良之人查無違碍量取七八十名撥補應役以後三署不許援例奏添背違成名如違聽本部參送治罪其有仍前私自差撥厨役奉承內外人員亦聽本部及巡視科道官查訪糾奏庶冗役不滋而供事無乏矣嘉靖十六年十二月二十七日奉

南宮奏議 卷三十一

聖旨是

議止光祿寺揀選守門人役

看得太監章輝奏要將本寺守門人役覆行揀選常令着役免行闖撥著為定例一節查得先年該寺因是容庇積年慣熟之人徼圖私便專一守門寫字搜檢巡風役既輕省不勞又得窟處其中緣為奸利凡大小錢糧出入必有常例銀錢其重大繁難之事絕不相及以此人情爭欲求為多或十數年不之改易故給事中田秋題請歲一闖撥互換無常所以嚴積弊之防均勞逸之節其法為最公也今欲有所翻異

南宮奏議 卷三十一 三 鈐山堂

使利益安便之事常專於數十年狡猾之輩則勞者竟無寧期逸者終身自適有乖舊例仍踵弊端所據揀選厨役常川守門等項難以再議合候命下之日本部仍行該寺遵照先年題准事例歲終更換施行庶法守畫一無紛更寅緣之弊嘉靖十七年正月初四日奉

聖旨這守門寫字人役既係科道官奏准章輝如何輒欲更改顯有徇私情弊本當究治姑從寬降一級照舊辦事

陝西布政司違例解到厨役發回究治

據陝西布政司咨呈據延安府申批差鄜州大戶雷漢等管解光祿寺逃厨王欽補役又據本布政司批差延安府安塞縣大戶高小老管解僉補厨役王江妻樊氏各緣由到部查得嘉靖六年二月 詔書內一欵太常光祿二寺厨役有逃亡者先年該寺奏准事例要將在冊餘丁揀選補役免行原籍勾擾最為兩便後又中止仍行原籍勾丁騷擾鄉民津貼盤纏小民憚於應役未久即逃有損無益禮部查原奏事理將逃故厨役冊內有果壯丁堪以替補者准令收役免行原籍勾丁若餘丁數少不敷照舊清解欽此

南宮奏議 天卷三 七 鈐山堂

但法久弊生事弛人玩訪得各處每遇發下清勾文冊不行起解正丁多將聽選官吏監生人等家人冒頂厨役姓名却令柴縣津貼盤纏齋文赴京願人頂補到寺不久即行逃避者有之亦有起解正身到京不服水土度日不過隨到隨逃者有之以致清勾文冊竟不停歲原籍騷擾迄無寧日該本部題奉 欽依行文二寺各查逃故厨役的確名數前來本部將見在冊餘丁精壯者盡數頂補逃故厨役行文原籍暫免清勾外此例已經遵行年久中外稱便一向未有題行原籍清勾者今據陝西布政司解到延安府

厨役王欽等於例有違難以收役恭照前項司府州縣經該官吏既奉前例自合欽遵乃敢背違成命往復人難蓋緣吏胥人等求索不遂以致朦朧稟白恣行勾擾每解者一人押解者兩人中間科害里甲津貼盤費其為騷動何可勝言當此民窮力屈之時豈堪行齋居送之擾所據承行官吏俱屬有罪除將解到人役隨批發回省令照舊收管應當本等差徭外合候命下本部咨行都察院轉行陝西巡按御史將各該承行官吏問擬應得罪名仍行浙江等布政司南北直隸等府一體遵守今後非奉本部明文清勾

南宮奏議 天卷三 五 鈐山堂

不許擅自起解違者一體參奏治罪庶貧民得以休息不致重加負累矣嘉靖十七年正月十九日奉 聖旨是

議處各處僧徒

該刑科給事中李秦題為申明律例闕除異端以光聖治以資國用事臣伏觀大明律所載凡私剏寺院發邊遠充軍見行條例僧人府州縣各有名額私度者發口外為民其創造房屋仍行拆毀并地基神像等物入官又查得近年以來欽奉 聖諭申明此例有司不行用心但將寺廟暫改社學名色以應故事

一第 7 9 6 冊 續修四庫全書第 30 版反內

圖完勘合其僧衆佛殿固皆無恙是以至今依然復其故物臣請今次嚴行各處撫按等官即將所屬地方僧人私度私朔犯該前罪明爲開諭俱係革前減免究問但令首改還俗許就於本地方仍以原住僧房該入官者給與永遠爲業其違制殿宇等項一應物料悉皆依律拆毀入官變賣如有司不行用心虛應故事者俱聽撫按官指名參奏治罪等因到部臣等看得給事中李秦所題竊惟人君主張世道爲生民慮其功莫大於崇正闢邪而其施爲之方亦自有序宋儒胡寅作闢邪論曰太上立德以教變之其次

南宮奏議

卷三

六

鈐山堂

治變邪之本頃者詔旨頒行諭令僧人還俗一時歸化之徒無慮千萬當此王政脩明之時禮義之教充於天下所謂脩其本以勝之雖有佛無所施於吾民矣今給事中李秦建言無非仰體德意務臻實効之意但今各處水滂災傷若一切寺院槩欲拆毀誠恐官吏奉行處置欠當不無騷擾之弊僧徒繁衆遽乏安插不無流移失所之患且其估計變賣有司乘此不無侵漁之私恐徒起事端無益也况各寺原有田額賦役冊籍已定一時蕩拆便無歸着此皆所當慮者合無候命下之日本部申明禁例行各該有司欽

南宮奏議

卷三

七

鈐山堂

立功以法革之其次立言以辭闢之歐陽脩作本論亦曰救之之術莫若脩其本以勝之禮義者勝佛之本也夫佛爲夷狄自漢始入中國而其徒遂繁其教以寂滅爲宗其言近理亂真似是非足以惑世誣民是故其害爲大若今之佛者則名存實亡已不能深造其師之說不過徒有宮室徒有像設窮民聚養爲圖衣食之計且服田輸租以供徭役亦王化中一民而已况我朝置設僧綱僧會有官私朔私度有禁維檢防革法制具備至我皇上以至聖之德居天子之位臨御以來建極敷言表明正道已足爲端

聖旨依擬

奉 旨參看三法司會審過期

該刑科題處決人犯緣由奉 聖旨這各犯屢審應決之者但朕仰欽大報甫行謝典又迫近 大報本當決了又今日補行吉禮有碍處置姑且都着原問衙門取回嚴加好生刑具牢禁監候不許踈虞昔年有旨着不許推延過期上逼冬至之日如何累不遵奉三法司官并該科的禮部從重叅了來說欽此欽遵臣等竊惟國家祀典以 大報天為重大小臣工俱當預期審肅以候供事一應刑名等項俱不許具

兩宮奏議

天卷五

六

鈐山堂

奏蓋所以欽天重祀仰贊我 皇上竭虔之至意也臣等查得嘉靖十四年十月初九日該三法司多官會審情真重囚類題節奉 聖旨你每官稱執法專一市恩大廢法義去歲以 郊祀不遠三旬如何又待這時候方會審請旨來年着霜降之後即便奏請欽此照得嘉靖二十一年九月初四日霜降節法司自合欽遵前旨即便題請會審處決却乃延至本月十五日方纔會審相隔十有一日既審之後該科遷延亦未即三覆奏請參照刑部尚書吳山左侍郎葉相右侍郎屠僑職司邦禁讞獄惟專却乃罔思勤畏

肆志遷延上逼大報冬至之日及恭遇崇報大典又適當補行吉禮方行奏演以致應決重囚有碍處置市恩廢法事屬故違法難輕貸都察院右都御史毛伯温右副都御史周煦左僉都御史劉詡大理寺卿戴金左少卿楊行中左寺丞董珊右寺丞曾守約均係刑獄之司同有稽緩之罪及照刑科給事中劉三畏劉養直廖天明職係該科雖因崇報吉典而未敢覆奏然該部會審遲延而不行舉劾以上各官均合罰治以為臣下慢事者之戒嘉靖二十一年十月十二日奉

兩宮奏議

天卷五

九

鈐山堂

聖旨刑賞大柄豈臣下敢擅專市私觀此一端則賞者亦非賢善秋後處決重囚 祖宗制守近累年暫停刑典多因仰逼 大報之期如何累不遵奉測度朕意賞法市恩吳山等失職廢法劉三畏等扶同不舉奸生蔑視國法且郭勛既問謂略其不軌之謀不軌罪名古今無略之之理既曰不軌却又擬按不合又今死於獄中是何律法本都當鞫問重治姑從寬處毛伯温戴金等各罰俸三箇月葉相屠僑姑留用各降俸二級劉三畏等各降二級出邊方用吳山着為民不許起復明年再違旨延遲定行重治不饒郭

勛已死這事情未有發落着三法司議擬來說該衙門知道

南宮奏議卷第二十三

南宮奏議

卷二十三

平

鈴山堂

南宮奏議卷第二十四目錄

褒勸

叅將張世忠立祠諭祭

遊擊周宇副總兵丁璋贈謚祭葬

周宇丁璋祠祀

都督姜漢祠額

指揮王綱祠額

諭祭尚書王竑文補給

貞婦胡氏祠祀

存問

南宮奏議

卷二十四目錄

一

鈴山堂

遂平王安洛年七十二

尚書陳雍年九十

大學士毛紀年八十

南宮奏議卷第二十四 鈐山堂集六十四

褒勸

參將張世忠立祠諭祭

該巡撫順天等府地方右副都御史侯綸題稱參將張世忠當虜騎猖獗之日諸軍畏縮之際乃能奮不顧身與段堂張文懿等約以炮響為號表裏夾攻不意堂與文懿俱各奔逃而世忠確守前盟獨任其難竟至慘毒以死臣愚以為山海衛乃世忠生長之鄉祁縣乃世忠死事之地宜各建一祠歲時守土之官致祭使世忠之英魂有所依據忠義之節久而不泯

南宮奏議

卷二十四

一

鈐山堂

伏望 勅下該部查議題請特賜祠額諭祭等因為照張世忠殞身報國忠魂義魄隨處而在已經本部題奉 明旨准與立祠歲祀於死難之地今撫臣題請欲祠祀於生長之鄉是亦樹風聲以垂激勸至意合無俯從所請行令原籍山海衛照例立祠歲時享祀伏乞 欽賜祠額以彰 聖明旌忠之盛典嘉靖二十一年十二月二十三日奉

聖旨是准山海衛照例立祠歲時享祀

遊擊周宇副總兵丁璋贈諡祭葬

看得總督尚書樊繼祖都御史陳講各題稱山西鴈

南宮奏議

卷二十四

二

鈐山堂

門等三關遊擊將軍署都指揮僉事周宇提督代州三關副總兵署都指揮僉事丁璋與虜對敵陣亡乞要俯賜卹典一節切照今歲北虜兩次大舉入寇諸路將領未有能邀殺堵截以少挫賊鋒者遂使此虜意輕中國雲擾山西盛氣而來滿欲而去周宇丁璋獨能奮不顧身提孤軍以抗強虜衆寡不敵以死殉戰若使諸將各懷滅胡之心共成犄角之勢則犬羊之羣豈能肆害至此茲蒙 皇上嘉念宇等忠勇既已給銀治喪又奉 明旨事寧之日奏請重加優典誠以慰忠魂於溟漠昭激勸於將來也所據周宇丁璋一應卹典錫之謚贈祭葬及錄後陞級或于遇害地方立祠歲祭俱各相應但係特恩出自 朝廷臣等未敢擅擬伏乞 聖裁嘉靖二十年十二月二十三日奉

聖旨是周宇丁璋俱贈都指揮僉事與祭葬他男還照例襲陞一級其餘罷

再請周宇丁璋祠祀

該都察院咨准左給事中任瀛題內開陣亡周宇等乞行禮兵二部查議明白重加卹典等因節奉 聖旨是失事將官并陣亡周宇等使會同議處來說欽

此臣等查得先該兵部咨准巡撫山西都御史陳講
揭帖報稱本月初九日達賊驟至寧武關東北十里
地名石湖嶺與偏頭關副總兵丁璋對敵被圍將丁
璋殺死賊眾長驅直下又據報稱探得零賊在孟縣
遊擊周宇率眾奪獲當斬首級四顆營下十里侯村
方劄營達賊精兵陸續增添萬餘步賊在前馬賊在
後周宇身率眾兵自午時戰至酉時火藥弓矢射使
盡絕人馬被傷賊從西北角驟入營伍潰散將周宇
育前射傷一箭衝下深溝身死看得遊擊周宇統領
孤兵身先士卒整日鏖戰眾寡不敵矢竭潰營身死
忠勇可嘉等因到部為照周宇丁璋捐生赴敵與張
世忠事體相同今世忠遇害之地與生長之鄉已皆
立祠歲祀獨此二臣者祠祀未崇義魄忠魂無所依
附似為缺典既該左給事中任瀛題請都察院議覆
奉有 欽依重加卹典合候 命下移咨都察院轉
行巡撫衙門於周宇丁璋死難之地共立一祠歲時
享祀伏乞 欽賜祠額使人人知 朝廷有報忠之
典死者既慰而將來者益有以勸矣嘉靖二十二年
正月二十七日奉
聖旨是祠名與做二忠

南宮奏議

卷二四

三

鈐山堂

都督姜漢祠額

該巡撫延綏等處地方右副都御史萬潮題據榆林
城把總都指揮彭果等各呈稱榆林衛指揮姜漢正
德五年二月內以都督僉事充總兵官鎮守寧夏地
方四月內值安化王之變罵賊遇害蒙 武宗皇帝
憐其死節特賜祭葬加陞其子所有本官祠宇奉祀
表勵延今未舉輿情甚歉伏乞查照孫燧許遠立祠
賜額事例等因看得都御史萬潮題稱原任都督僉
事鎮守寧夏地方總兵官姜漢當逆藩之變迫脅不
從伏節死難與孫燧等事體相同乞要特賜祠額列
南宮奏議 卷二四 四 鈐山堂
諸祀典一節為照姜漢以武臣而明大義抗逆兇而
全大節委與孫燧等死節事體相同雖蒙給與卹典
及已經巡撫立祠而未有祠額似為闕典合無俯從
所請 欽賜祠額令守土之官歲時享祀蓋以慰忠
魂於既往垂激勸於將來也但恩典出自 朝廷臣
等未敢擅擬伏乞 聖裁嘉靖二十二年二月二十
五日奉
聖旨是祠額與做憫忠
指揮王綱祠額
先該本部題該欽差分守涼州等處地方副總兵都

指揮僉事王輔奏父王綱存日任甘州中衛指揮同知傳報烽火追剿賊眾當被分解屍身已蒙撫按衙門比例奏准建立祠廟乞要查照毛忠芮寧等賜給祠名等因奉 聖旨祠額准他你部裏撰擬二名來看欽此臣等看得指揮同知王綱陣前被殺緣由委的忠勇可憫謹撰擬二名開坐上請伏乞 聖明裁定候命下欽遵施行嘉靖十六年二月二十一日奉 聖旨祠額與做憫忠

諭祭尚書王竑文補給

該陝西都司河州衛歲貢生員王筆奏伊祖尚書王竑先年蒙賜謚建祠而祭文贈賡因子孫微弱邊方寫遠不能以時奏請乞要補給一節為照尚書王竑忠義憤激手擊權奸平生大節載在國史傳之名臣後因言官表揚受有 先朝卹典既謚莊毅立有專祠但彼時未經給領祭文歲時止是有司從宜撰文致祭今據伊孫王筆所奏理合題請合候命下行移翰林院檢查先年曾否撰有文稿或從宜補撰本部領出給發彼處有司春秋致祭用稱 朝廷褒勸忠盡之意嘉靖二十年九月十九日奉 聖旨祭文准補給

貞婦胡氏祠祀

該巡撫江西等處地方都察院右副都御史王暉題據建昌府南城縣生員許瓊等呈有本縣民李華妻胡氏先年李華出外生理胡氏獨與其姑易氏家居易素行淫亂胡氏每用正諫易氏反生嗔妬誘逼要得同汗以圖緘口本婦執意不從屢次凌虐逼打幾死本婦甘受絕口不言姑惡嘉靖十八年正月內易氏要得害死胡氏阻截飲食與奸夫徐璉張炳一等商同捏寫胡氏久生淫疾虛詞告官執照密取沙升餘炒熟用布裹進入房內狠將胡氏按住又用鐵箠戳傷左眼將前沙撲壓身死有地隣人等訪知前情呈縣審勘是實將易氏徐璉等問擬各罪監候外為照胡氏前項貞烈異常既該府縣勘議是實相應旌表欲將久廢淫祠改建本婦祠堂以表貞烈等因奉 聖旨該部知道欽此本部查得嘉靖十年十一月內該巡按直隸監察御史葉照題稱直隸鳳陽府泗州盱眙縣署戶何雄因年荒携二女賣與樂戶為娼不從並投淮水身死逆浮水面形貌若生用帕縛臂固結不解蓋有生死不離之意乞要旌表本部議題欲將二女立祠屍所以表貞烈等因奉 聖旨是祠

南宮奏議

天卷二十四

五

鈴山堂

南宮奏議

天卷二十四

六

鈴山堂

額與做雙貞欽此今看得都御史王暉題稱建昌府
南城縣民人李華妻胡氏貞烈一節為照胡氏遭遇
惡姑每肆淫行使其操守弗確必為所移乃能秉禮
執義誓不同汗或絕粒餓膚或赴泉蹈火備嘗苦楚
順受若夷逼令改嫁寧死不從卒之群惡相濟謀害
致死而絕口不言姑惡其事尤為卓異夫婦之事姑
視子之事父臣之事君其理一也昔晉申生遭驪姬
之譖懼傷父志不欲自明而甘就死於新城石晉時
程福贊定亂倉卒被讒見收人皆寃之終不自言以
死原二子之心期於安父志忠國事而已何必言哉

南宮奏議 天卷二四 七 一 鈐山堂

建胡氏祠宇伏乞 聖明賜之祠額歲時俾有司致
祭庶貞烈表揚而民俗益知所勸矣嘉靖十九年四
月十三日奉
聖旨准立祠賜名哀烈還與祭一壇諸惡犯者從重
議刑
存問
遂平王安洛年七十二
該周世孫朝綱奏稱遂平王安洛自幼純孝事親敬
長睦宗禮賢下士見今行年七十二歲德壽並隆賢
良茂著宗藩之中實為難得乞勅禮部欽遵節年
南宮奏議 天卷二四 八 一 鈐山堂

恩詔比照慶成王奇渚事例俯賜存問獎諭以光藩
屏等因奉 聖旨該部知道欽此本部查得嘉靖九
年十二月二十三日節奉 詔書內一欵一親郡王
年七十以上寫書并賜羊酒幣帛存問以示優老之
意欽此又查得嘉靖十一年十月內該慶成王府鎮
國將軍奇洪等奏稱慶成王奇渚壽年八十賢德非
常乞要旌獎等因該本部題奉 聖旨是着差官齋
勅褒諭欽此欽遵外為照遂平王壽躋七十有二賢
德可稱既該周世孫奏舉前來本部查有先年 恩
詔存問賜勞及慶成王奇渚 褒諭事例但恩典出

自朝廷臣等未敢擅擬伏乞 聖裁嘉靖十九年二月二十日奉

聖旨是着差官齋勅褒諭

尚書陳雍年九十

看得浙江紹興府知府湯紹恩奏稱原任南京工部尚書陳雍歷官四十餘年致仕壽登九十四朝耆舊一郡達尊查有先年尚書胡拱辰年登九十於正德元年特遣行人齋 勅存問并賜羊酒月加食米二石歲加人夫二名乞要照例查議優禮存問一節為照致仕尚書陳雍歷仕臺部久著賢勞謝事林居克

南宮奏議

卷三十五

九

鈐山堂

全晚節得年既耄海內所稀茲實遭逢 國家熙盛

之運 聖澤涵濡之所致也查得節年 恩詔民年

八十以上則有粟帛之賜况壽躋九袞官至六卿特

賜表異似亦相應既該彼處有司具奏前來查有尚

書胡拱辰事例合無量賜舉行以彰 聖明優老之

典嘉靖十八年十二月二十二日奉

聖旨陳雍累朝舊臣年登九袞德壽可嘉賜以羊酒

就着浙江巡按御史及門存問仍月給食米二石歲

撥人夫二名

大學士毛紀年八十

看得巡撫山東都御史曾銑巡按監察御史楊本深題稱致仕少保兼太子太保吏部尚書謹身殿大學士毛紀平生建立功在社稷澤被生民及謝政一十九年節槩愈茂壽躋八袞奏乞特加殊典一節為照致仕大學士毛紀致身密勿匡輔有勞謝跡山林名節無間年登耄耋壽考維祺實 國運熙洽之所鍾而黃耆君子又足以徵邦家之基者也查得致仕尚書陳雍先蒙 皇上聖恩賜以羊酒遣官存問仍歲加食米人夫所據毛紀係內閣重臣比之陳雍勳業職位誠非其等加以優典似亦相應既經彼處撫按

南宮奏議

卷三十四

十

鈐山堂

官具奏前來合無照例差官舉行以彰 聖明崇獎

舊德褒禮元臣之盛但恩典出自 朝廷伏乞 聖

裁嘉靖二十一年五月二十八日奉

聖旨毛紀輔弼舊臣年登八袞德壽並茂可賜以羊

酒着山東撫按官及門存問仍月給食米四石歲撥

人夫六名應用

南宮奏議卷第二十四

南宮奏議卷第二十五目錄

恩卹

尚書潘蕃祭葬

尚書顧清祭葬

尚書李浩祭葬

輔臣張孚敬祭葬

輔臣李時祭葬

輔臣顧鼎臣祭葬

尚書楊志學祭葬

尚書孫文謚并妻祭葬

南宮奏議 卷第二十五

鈐山堂

尚書吳一鵬祭葬

尚書周倫祭葬

尚書霍韜祭葬

侍郎林文俊祭葬

侍郎崔銑祭葬

侍郎蔡昂祭葬

侍郎呂柟祭葬

太常寺卿穆孔暉祭葬

輔臣夏言遷葬父母

侍郎張璧母祭葬

學士張潮父母祭葬

尚書張潤母祭葬

侍郎劉儲秀父祭葬

諭德屠應坡母祭葬

都給事中許天錫諭祭修墳

御史蔣欽諭祭修墳

御史程材諭祭修墳

都督王佐祭葬

都督梁震父祭葬

南宮奏議

卷第二十五目錄

二

鈐山堂

南宮奏議卷第二十五 鈐山堂集六十五

恩卹

尚書潘蕃祭葬

該巡按浙江監察御史傅鳳翔等題奉 聖旨禮部知道欽此為照我 朝令甲在京文職三品以上官員歿後例有祭葬乃報功勸忠之盛典也查得刑部尚書潘蕃歷官勲勞茂著晚年謫戍以守正而蒙逆瑾之難瀕允賜還既論定而荷 先朝之恩其大節秀與尚書劉大夏等相同惟是蕃門祚衰薄子孫寒微不及以時聞奏所以卹典尚缺况蕃歿已隔世而

南宮奏議

卷二十五

一

鈐山堂

公論不泯既該有司學校巡按觀風之臣連疏具奏可見人心好德所同相應俯從所請合候命下查照在京二品文職事例與祭二壇行工部照例造墳但恩典出自 朝廷臣等未敢擅便伏乞 聖裁嘉靖二十年三月十五日奉

聖旨潘蕃准照例與祭葬

尚書顧清祭葬

該吏部聽選監生顧應陽奏本部看得致仕南京禮部尚書顧清原任三品雖經考滿陞任二品未曾到任致仕病故今照依三品事例與祭一壇行移翰林

院撰祭文工部造墳安葬及行直隸松江府支給官錢買辦祭物香燭就遣本府堂上官致祭其乞要賜謚一節為照本官器局端雅才識闕深學懋詞林士類素高其望迹湮里舍登用未盡其才然守道自怡執德不變其平生節行先因被劾而枉後以論薦而明要之終身令問實無所損相應賜謚以示彰善之公臣等未敢擅便伏乞 聖裁嘉靖十六年十月一十五日奉

聖旨顧清准照例與祭葬還與他謚

尚書李浩祭葬

南宮奏議

卷二十五

二

鈐山堂

該巡撫山西地方都御史陳講等題稱原任太子少保禮部尚書李浩致仕在家病故看得尚書李浩致仕在家病故合照例與祭四壇工部造墳安葬及行山西布政司轉屬支給官錢買辦祭物香燭就遣本布政司堂上官致祭其乞要賜謚一節為照本官敷歷有年清貞無玷先年懇疏求退朝著並高其風晚歲守靜家居鄉曲愈欽其德既該撫按官會題前來易名賜謚似亦相應伏乞 聖裁嘉靖十九年九月十八日奉

聖旨李浩照例祭葬還與他謚

輔臣張孚敬祭墓謚

該巡按浙江監察御史傅鳳翔題案呈到部查得先該大學士桂萼病故奏乞祭墓等因奉 聖旨桂萼議定大禮功賞非常項以病歸猶冀痊可起用茲聞身故實傷朕心一切應得卹典都准照席書例行該部知道欽此本部查得見行事例在京文職一品官病故例有聞喪七七下葬祭祀九壇翰林院撰祭文工部應付棺木造辦喪儀冥器照依品級造墳安葬并輟朝一日今大學士桂萼係在京一品官員除輟朝日期另行具題其贈廕安葬等項移咨吏工二部

南宮奏議

卷五

三

鈐山堂

照例施行謚號祭文行翰林院撰擬及行江西布政司轉屬支給官錢買辦祭物香燭就遣本布政司堂上官致祭等因覆題奉 聖旨是又查得先該大學士張孚敬妻蔡氏封夫人病故乞要祭墓等因該本部覆題奉 欽依移咨工部照例併造夫壙外今該前因看得少師兼太子太師吏部尚書華蓋殿大學士張孚敬病故本部查與大學士桂萼勲勞位秩事例相同一應卹典相應俱照前例賜給合候命下本部除輟朝日期另行外其贈廕開壙等項移咨吏工二部照例施行及行翰林院撰擬謚號祭文浙江布

政司轉屬支給官錢買辦祭物香燭就遣本司堂上官致祭嘉靖十八年五月初十日奉 聖旨是

輔臣李時祭墓謚

該大學士夏言等題本部看得少傅兼太子太師吏部尚書華蓋殿大學士李時在任病故係在京文職一品官員除贈官移咨吏部施行及輟朝日期本部另行具題外合照例與祭九壇行移翰林院撰祭文工部照例開壙合葬及行直隸河間府轉屬支給官錢買辦祭物香燭就遣本府堂上官致祭差官一員

南宮奏議

卷五

四

鈐山堂

護送喪柩還鄉其聞喪諭祭一壇應合照例在京舉行爲照本官久居輔弼懋著忠勤遭逢眷遇始終完美表行易名禮宜賜謚但恩典出自 朝廷伏乞 聖裁嘉靖十七年十二月二十四日奉 聖旨李時內閣重臣輔朕有年勤勞懋著諭祭開壙并遣官護送俱照例還與贈謚

輔臣顧鼎臣祭墓謚

看得少保兼太子太傅禮部尚書武英殿大學士顧鼎臣在任病故係在京文職一品官員除贈官移咨吏部施行及輟朝日期本部另行具奏外合照例與

祭九壇行移翰林院撰祭文工部造墳安葬差官一員護送喪柩還鄉及行直隸蘇州府轉屬支給官錢買辦祭物香燭就遣本府堂上官致祭其聞喪諭祭一壇應合在京舉行爲照本官起自掄魁登于輔弼忠勤懋著遇優隆表行易名禮宜賜謚但恩典出自朝廷伏乞 聖裁嘉靖十九年十月二十二日奉

聖旨是顧鼎臣照例與祭葬還與他謚

尚書楊志學祭葬謚

該原任陝西按察司副使丁憂楊守謙奏本部看得

南宮奏議

卷三五

五

鈐山堂

刑部尚書楊志學致仕在家病故係在京文職二品

官除贈官移咨吏部施行外合照例與祭二壇工部

造墳安葬及行光祿寺辦祭順天府買辦香燭就遣

本部堂上官致祭再照本官敷歷中外懋著勤清出

撫邊鎮屢收安攘之功入掌邦刑克贊平明之治進

退以禮終始完名賜謚似亦相應伏乞 聖裁嘉靖

二十年五月三十日奉

聖旨楊志學准照例與祭葬還與他謚

尚書孫交謚并妻祭葬

該巡撫湖廣右副都御史顧璘等題已故太子太保

戶部尚書孫交存日端雅清介未蒙賜謚乞要復謚及伊妻楊氏病故祭葬一節爲照本官德性謙冲操履清介踐登部寺茂著才猷蚤退丘園益稱恬退晚遭 聖明召用再陟崇階既而懇疏歸休駢承獎賚進退有光於士論燕貽尤善於家規全節完名者年碩德宜有易名之謚以示崇眷之恩今本官身故多年謚典尚闕臺臣狀列上聞可見懿行在人輿論不泯本部相應題請伏乞 聖明裁奪及照伊妻楊氏原授封夫人合照例與祭一壇工部開墳合葬嘉靖十七年十一月十六日奉

南宮奏議

卷三五

六

鈐山堂

聖旨是

尚書吳一鵬祭葬謚

該巡撫應天等府右副都御史夏邦謨等題本部看

得太子少保南京吏部尚書吳一鵬致仕病故合照

例與祭四壇行移翰林院撰祭文工部差官造墳安

葬及行直隸蘇州府堂上官致祭其乞要賜謚一節

爲照本官性資醇謹操履端方學著詞林才優史局

掌綸東閣積効勤勞持衡南銓允孚輿望逮其餽疏

乞休猶以居貞善俗高年清德晚節完名既該撫按

官會題前來益可徵其素履所擬易名賜謚似亦相

應伏乞 聖裁嘉靖二十一年九月初一日奉

聖旨是准照例與葬還與他謚

尚書周倫祭葬謚

該吏部聽選官生周鳳起奏看得原任南京刑部尚書周倫致仕病故係二品文官合照例與祭二壇工部差官造墳安葬再照本官敷歷有稱操履無玷進退以禮福履考終所據賜謚似亦相應伏乞 聖裁嘉靖二十二年正月二十七日奉

聖旨准照例祭葬還與他謚

尚書霍韜祭葬謚

南宮奏議

卷二五

七

鈴山堂

看得太子少保禮部尚書霍韜在任病故係在京文職二品加太子少保官員合照例與祭四壇工部造墳安葬聞喪祭祀一壇應合在京舉行其餘壇數行廣東布政司堂上官致祭本部照依吳寬事例差官一員護送喪柩兵部應付船隻脚力還鄉所據乞要賜謚一節為照本官秉資果毅勵志忠勤事以矯時為賢學以自信為主贊議 大禮簡在 聖心謚以表名相應賜給伏乞 聖裁嘉靖十九年十一月二十四日奉

聖旨是霍韜照例與祭葬還與他謚

侍郎林文俊祭葬謚

看得南京吏部右侍郎林文俊在任病故係在京文職三品官員除贈官錄歷移咨吏部施行外合照例與祭一壇其葬價雖該減半但本官曾有編摩講讀之勞比與諸曹卹典似應優厚合無給與全葬再照本官文學優贍制行端嚴兩教國學人材有所造就未竟厥施士論所惜所據賜謚似亦相應伏乞 聖裁嘉靖十六年五月十九日奉

聖旨林文俊既講讀效勞祭葬准給還與他謚

侍郎崔銑祭葬謚

南宮奏議

卷二五

八

鈴山堂

該巡撫河南等處地方都察院右僉都御史魏有本題稱原任南京禮部右侍郎崔銑致仕在家病故看得崔銑係兩京三品文職未經考滿合照例與祭一壇其葬價雖例該減半但本官曾有講讀纂修之勞比與林文俊等事體相同合無給與全葬再照本官古文與學颺勵詞林闡義纂言多可稱述易名之典似亦相應伏乞 聖裁嘉靖二十年十一月十六日奉

聖旨崔銑准給全葬還與祭謚

侍郎蔡昂祭葬

看得禮部左侍郎翰林院學士兼詹事府府丞蔡昂
在任病故係在京文職三品考滿官員除贈官錄蔭
移咨吏部施行外合照例與祭一壇工部造墳安葬
所據乞要賜謚一節為照本官器局端厚文學優該
講筵史局久著勤勞南省官荐膺簡擢賜之以謚
似亦相應伏乞 聖裁嘉靖十九年九月二十三日
奉

聖旨准照例與祭葬謚罷

侍郎呂柟祭葬謚

看得原任南京禮部右侍郎呂柟致仕病故係兩京

南宮奏議

卷三五

九

鈐山堂

三品文官未經考滿合照例與祭一壇其葬價雖例
該減半但本官曾有纂脩講讀之勞比與崔銑等事
體相同合無給與全葬再照本官發迹倫魁克敦古
道力學而造詣日精纂言而著作可訓廉介一致孝
友足稱誠儒林之妙選聖代之英儒也易名之典似
亦相應伏乞 聖裁嘉靖二十二年三月十一日奉
聖旨恩典只照定制行則經久不紊呂柟既未經考
滿准給半葬祭如例謚罷

太常寺卿穆孔暉祭葬謚

看得南京太常寺卿穆孔暉致仕在家病故係在京

文職三品未經考滿官員合照例與祭一壇其葬價
雖該減半但本官曾充經筵日講官效勞年久比與
諸曹卹典似宜優厚本部查有侍郎林文俊事例合
無給與全葬其賜謚一節為照本官久職詞林學行
純確節惠易名似亦無忝伏乞 聖裁嘉靖十八年
十二月初九日奉

聖旨穆孔暉講筵效勞有年准給與祭葬還與他謚

輔臣夏言遷葬父母

看得大學士夏言奏稱先臣附葬祖隴近年為水衝
決乞要特遣欽天監通曉地理博士一員前去擇地

南宮奏議

卷三五

十

鈐山堂

改遷母墳及照講臣事例賜給卹典一節臣等查得
日講官吏部侍郎兼學士張潮禮部侍郎兼學士張
壁俱荷蒙 皇上追賜各父母祭葬又查得文官一
品父母病故者例該賜祭二壇造墳安葬又查得先
朝吏部尚書兼詹事府詹事義父寒源斌病故遣
行人雷誠原籍諭祭今照大學士夏言弼亮聖謨簡
在宸眷才猷勲業爰出群僚况伊父夏鼎先任臨清
州知州卓有惠政勤事成疾歿後吏民思之奏建祠
祀尤宜褒卹以嘉有子所據卹典合照文官一品父
母病故祭葬事例賜祭二壇合無照依尚書寒義事

例特差行人一員致祭以示優寵工部差官修治改
選葬所欽天監選差通曉地理博士一員擇視方向
俱如例舉行伏乞 聖裁嘉靖十八年十月二十九
日奉

聖旨准擬行夏言須要竭忠事主

侍郎張璧母祭葬

看得左侍郎翰林院學士兼詹事府少詹事張璧奏
稱伊父張維先年病故荷蒙 皇上賜給祭葬伊母
淑人王氏繼歿未沾恩典今乞要俯賜祭葬一節為
照張璧係日侍講悼先年蒙賜給伊父祭葬續伊母

南宮奏議

天卷三五

十一

鈐山堂

病故本官彼時居憂未及陳請以致恩典未得均露
孝念未申乃有此奏本部查有侍講學士廖道南前
例而侍郎張璧比之道南官品既崇日講效勞復久
所據伊母王氏相應一體賜給祭葬但係特恩臣等
未敢擅擬伏乞 聖裁嘉靖十八年九月二十一日
奉

聖旨准給

學士張潮父母祭葬

看得太子賓客吏部左侍郎兼翰林院學士張潮奏
稱伊母劉氏先年病故乞要給葬一節為照朝廷優

禮講臣父母恩卹不限官品每蒙異數查得先年曾
充日講官侍講學士廖道南為母江氏充經筵講官
侍讀學士張袞為母胡氏右諭德王用賓為父王懋
中先後陳乞俱蒙賜給祭葬今張潮官品既崇日侍
講惟比與諸臣效勞復久所據伊母劉氏相應給葬
但係特恩臣等未敢擅擬伏乞 聖裁嘉靖十八年
八月二十二日奉

聖旨准給葬不為例

尚書張潤母祭葬

該工部尚書張潤奏臣母韓氏在家病故臣伏覲大

南宮奏議

天卷三五

三

鈐山堂

明會典內一欵凡兩京二品文官并父母妻三品文
官并父母曾授本等封者俱照例祭葬欽此又查得
見行事例其以侍從及春官并有遠功者祭葬俱由
請自上裁及查得禮部左侍郎李時母邊氏授封大
淑人病故照例請給祭葬并伊先故父李彜准與應
得贈官誥命并祭祀一壇顧臣昔在薊州等處整飭
兵備地方多警固安大夥強賊入城攻劫臣親詣督
兵擒斬盡絕朵顏泰寧福餘諸虜不特侵犯預調各
路人馬邀擊斬獲甚眾繼而巡撫寧夏擒斬獲賀蘭
山之捷乞勅禮部查照前項事例題請賜給臣父母

祭葬等因奉 聖旨禮部看了來說欽此看得工部尚書張潤母太淑人韓氏病故合照例與祭一壇工部差官造墳安葬再照其父張鏞雖非生前授封而歿受加贈本官奏稱屢立邊功陳乞比照侍郎李時日講效勞父母並賜祭一壇事例本部雖查與前例相同但係特恩伏乞 聖裁嘉靖二十年四月二十三日奉

聖旨韓氏照例祭葬張潤既有邊功伊父鏞還准與祭一壇

侍郎劉儲秀父祭葬

南宮奏議

卷三十五

七

鈐山堂

看得戶部右侍郎劉儲秀父劉檜授封通奉大夫右布政使病故乞要祭葬一節查得大明會典兩京三品文官并父母曾授本等封者照例祭葬今劉檜係授外官二品之封但劉儲秀先巡撫遼東歷有邊功似與都御史劉天和封母事例相同但係特恩例該請自 上裁嘉靖二十年十二月二十五日奉

聖旨劉儲秀既有邊功伊父准照例與祭葬

諭德屠應垞母祭葬

該右春坊右諭德兼翰林院侍讀今守制屠應垞奏臣父勲於正德三年任刑部尚書加太子太保致仕

臣母牛氏加封一品夫人父勲病故蒙賜諭祭造墳安葬記今臣母病故查得見行事例文官一品夫人病故祭二壇造墳安葬夫故在前併造妻墳後止令開墳合葬臣竊見同官右諭德王用賓洗馬徐階伊父母病故俱蒙 聖恩憫念講幄之勞賜給祭葬臣於嘉靖十四年任翰林院修撰充 經筵展書官十五年充 經筵講官較之二臣歲月頗久臣母今故伏望 勅下禮部照例賜祭開墳合葬量加祭典等因節奉 聖旨禮部知道看得已故太子太保刑部尚書屠勲妻一品夫人牛氏病故合照例與祭二壇

南宮奏議

卷三十五

七

鈐山堂

工部撥夫開墳合葬所據乞要俯照講臣事例量加祭典一節為照右諭德屠應垞母一品夫人牛氏前項賜祭開墳係本等卹典但本官效勞講幄比與王用賓等陳乞事體相同量加伊母祭典出自特恩臣等未敢擅擬伏乞 聖裁嘉靖二十二年三月初六日奉

聖旨伊母准與本等卹典日講官方許請給祭葬近年一槩陳乞恩典太濫宜從改正

都給事中許天錫諭祭修墳 該福建福州府學生員許春奏父許天錫由進士官

至工科都給事中正德元年奉使安南歸復命間先
因查盤內庫逆瑾挾恨中傷臣父隨即冒旨擊問身
死痛思臣父與周璽蔣欽等一十二人俱遭逆瑾陷
死該吏刑等部及科道等官交章奏准祭廕修墳一
例人數今獨父死見遺未蒙錄及乞勅該部查照正
德十六年 登極詔書恩例并周璽蔣浣自行陳乞
緣由乞賜給祭廕修墳等因看得許天錫始以言官
抗疏權奸致罹慘禍死於非命其情可憫今伊男許
春引例陳乞又該巡按御史李元陽保勘前來本部
查有前項節年優卹 明旨周璽蔣欽祭廕修墳事

南宮奏議

卷二五

五

鈐山堂

例相同所據乞賜論祭修墳似應准給以示表揚但
恩典出自 朝廷伏乞 聖裁嘉靖十九年九月二
十三日奉 聖旨是准賜論祭修墳

御史蔣欽論祭修墳

該巡按直隸監察御史陳蕙題常熟縣學生員繆熊
等呈稱生員蔣浣故父蔣欽由進士先任衛輝府推
官尋陞南京陝西道御史正德二年劉瑾亂政蔣欽
疏其姦惡致被捉寫旨意擊解來京送錦衣衛打問
執論不屈又上疏請誅瑾賊然後斬欽以酌瑾怨三

次被打九十身死照得已故監察御史蔣欽奮不顧
身義存匡世雖危言以歿莫折權近之姦而大義既
明足紓國家之氣既不負君且堪勵後况奉有恩典
不可又虛乞 勅下禮部詳議旌叙等因為照蔣欽
抗疏權姦致罹荼毒而死節義可嘉本部又查有
詔書修墳事理所據蔣欽合無賜祭一壇及行令有
司量修墳墓以示表勸伏乞 聖裁嘉靖十八年十
月十二日奉

聖旨是都准與

御史程材論祭修墳

南宮奏議

卷二五

六

鈐山堂

該直隸徽州府歙縣民程應魁奏祖程材由進士歷
授河南道監察御史同給事中許天錫監視十庫陳
言弊政致忤逆瑾尋差出浙江清軍適地方火傷因
建言重大火傷事其間指斥逆瑾擅權不法干和召
災等語瑾怒致矯 武宗皇帝聖旨罰祖輪納宣府
米百石祖因憂憤道死瑾猶積憤未消復行令府縣
將臣全家僉發海南極邊為民曾祖程祚特年七十
有四驚跌身死受禍慘酷臣家為甚伏望 勅下禮
部查照給事中許天錫事例給與廕祭修墳等因為
照當逆瑾竊柄擅弄威福一時守正忠直之士無不

被其害者如御史程材以建言忤瑾竟中奇禍身死
不足而復延其親以及其家亦既慘矣所賴 聖明
御極顯忠遂良多被卹典今查御史程材與給事中
許天錫大節相同似應一體論祭修墳以表臣節但
恩典出自 朝廷伏乞 聖裁嘉靖二十年七月二
十八日奉

聖旨是准照例賜論祭修墳

都督王佐祭葬

看得錦衣衛都指揮使王佐在任病故男王槐乞要
祭葬一節為照本官才識敏練謀慮深沉漕梁之績

南宮奏議

卷三五

七

鈐山堂

効既多禁衛之忠勤尤著受知 聖明切圖報稱近
因力疾治獄過勞遂致不起其身後卹典似宜優厚
查得舊例都指揮使病故例應與祭一壇今都指揮
使王佐荷蒙 聖恩贈以右都督職事本部查有贈
都督同知葉廣及都督僉事陸松事例所據王佐合
無照右都督事例與祭五壇但係特恩臣等不敢擅
擬伏乞 聖裁嘉靖十七年四月初二日奉

聖旨祭葬照右都督例給與

都督梁震父祭葬

該征西前將軍鎮守大同地方總兵官左都督梁震

奏本部查得大明會典內一欵凡在京在外文武官
員不拘品級其以死勤事者恩典取自上裁今鎮守
大同總兵官左都督梁震奏父正千戶梁棟先年殺
賊陣亡今要辭去近日 欽陞廕子恩典賜給祭葬
一節為照千戶梁棟雖係先年殺賊陣亡原無祭葬
恩例但梁震近該擒斬達虜首級奪獲夷器數多

朝廷嘉其功勞特陞左都督并廕一子與做百戶本
官痛父死事之慘欲辭陞廕而乞卹典其為親之孝
似有可尚本部查有前項會典事例理合題請合無
允其所辭陞廕量與祭葬以勵邊臣樹功報國之忠

南宮奏議

卷三五

六

鈐山堂

臣等未敢擅擬伏乞 聖裁嘉靖十八年九月十八

日奉

聖旨梁震伊父與他祭葬廕准辭陞職罷

南宮奏議卷第二十五

南宮奏議卷第二十六目錄

夷情一

譯審安南奏事人鄭惟僚事情

會議鄭惟僚具呈事情

再會議安南事宜

南宮奏議

卷二十六目錄

鈐山堂

南宮奏議卷第二十六 鈐山堂集六十六

夷情一

譯審安南奏事人鄭惟僚事情

該本部於禮科抄出安南國世孫黎寧奏先於正德十一年四月初六日本國有逆賊陳暘作亂臣祖考黎暘遇害無子本國頭目耆人黎炯并鄭江黎叔祐鄭筵黎念黎公亮等暨國人以臣父黎諫係是前國王黎炯長兄故黎灝嫡長子原已育在宮中立為世子嫡宗派裔禮應承襲共推立權管國事謹守 欽賜印信正德十三年正月內臣父謹差陪臣阮時雍

南宮奏議

卷二十六

鈐山堂

阮正卿等欲於本年十月齋捧歲貢奏事求封方物等禮被逆賊陳暘父子窳在諒山地方阻截途路未得發行臣父已移咨欽差總鎮兩廣地方等官煩為轉奏 天朝正德十六年八月命將出兵聲討逆賊陳暘力屈計窮潰散走死其陳暘子逆陳昇與餘逆遠竄道路稍通臣父以攝國既久未得恩封復徵方物進貢求封等禮具表命臣卜日將發豈期於嘉靖元年七月二十七日夜時本國復有逆臣莫登庸與阮時雍等謀作不軌臣父知之間行得脫居於清華地方都城園寢皆為賊有逆賊肆行奸計脅立親王

故黎瀨庶出幼子黎應假攝國事凡號令一切悉出於逆臣莫登庸之口本國益亂路途益阻使道不通貢儀久缺時蒙 天朝差翰林院孫編修禮科俞右給事中同齋 詔勅綵段等物於嘉靖元年十一月抵龍州傳送牌文差人馳送諒山衛官諭其傳報本國 詔勅到日急為迎迓時遭本國干戈搶攘城邑丘墟驛路橋梁俱為毀圯仍被逆徒遮截不通至嘉靖二年正月十六日諒山衛官黎景珥始具啓得聞深知 天恩浩蕩一國之人欲奔走以仰拜休命奈何國家不幸以致訊醜阻其君命本年正月內臣父南宮奏議 天卷三六 一 鈐山堂

已備言本國事情上書欽差天使冀其轉達 天朝謹差頭目譚慎齋至界首付土官閉醴泉轉遞路途遙遠浮沉罔知本年四月二十二日承總督府委官南寧衛指揮使湯抄奉總督兩廣軍務都御史張鈞牌送下本國高平衛備云據龍州把隘頭目丁源等說稱訪得安南國王黎暉今已沒世七年後該國已立黎姓為主稱為光紹被逆臣莫登庸作亂趕逐在於海邊舟住議照該國既無定主 天朝詔勅禮物豈宜妄授於人况經會題暫令使臣回京雖未有明旨必須另為奏 請擬合再行查勘該國黎王即今

有無一定應襲之人逆臣陳昇莫登庸等曾否削平定有國主委係舊王黎暉嫡派宗裔查實姓名見今在於何處相應奏請就便取其該國印信明文一一務查明白等詞承此仰見 天朝委任得人奸偽情狀皆瞭然矣本月二十四日逆臣莫登庸仍鴆殺黎應偽立已子猶冒黎應姓名僭號統元吏民人等劫制如初揣知國人去就之心難必成敗之勢未定冀托 天恩以協人望乃使逆黨阮文泰等將偽本并通年歲貢偽禮物圖欲欺罔 天朝覬覦 恩寵至坡壘驛嘉靖三年三月承整飭左江兵備分巡按察南宮奏議 天卷三六 三 鈐山堂

司僉事楊察知僭偽之由不容入關斥回本國由是阻奸謀而奪賊氣矣并承提督兩廣軍務右都御史蕭總鎮兩廣地方內官監太監鄭鎮守總兵官朱鈞牌送下本國查勘緣由事情臣父節次備言本國前項事由差目人黃瑞陵等齋至界首將書傳遞通滯難知嘉靖四年六月內臣父謹差陪臣黎啟等齋捧歲貢方物等禮圖欲問道通往至於山西地方亦被逆臣莫登庸截路遮道不前本年八月十九日臣父再差頭目耆人阮拔萃黎景珥朱垣等抱本間道潛行馳奏 天朝乞兵救援以存該國之宗祧頭目耆

人途中不幸一病一死惟有朱填行至南寧衛被兵備官不許前往使回憑祥州待令仍接取本詞代奏經數年間未見有行因此逆臣莫登庸益肆奸凶無所忌憚遂於嘉靖六年五月十七日明白篡立僭號明德墮壞該國之社稷塗炭該國之人民臣父子付慮我祖宗自宣德六年祇荷天恩拜封爵土為賊攘奪甚可痛心臣父常率本國臣民腹背夾攻逆臣莫登庸統兵拒守乃於嘉靖九年正月十三日再偽立其子莫方瀛僭號大正而莫登庸妄自尊稱為太上皇帝每見人心不服益縱兇殘擾亂邦畿國中大雨官奏議 卷二十六 四 鈴山堂

因臣父以國難未平舊邑未復上闕天朝之典彝下負祖宗之重責播遷日久憂憤成疾於本年九月十七日臣父身沒本國頭目耆人黎垌等以臣係前世子黎諱親生嫡長子禮應承襲共推立臣為世孫權管國事謹守 欽賜印信嘉靖十年九月有本國脫朗州忠義目人阮合勸阮景山等寓居憑祥州地方抄得牌文於嘉靖十年五月十六日提督兩廣軍務兵部右侍郎林鈞牌送下憑祥州查勘邊情以安國度案照正德八年以來俱不見安南國歲貢訪得該國世子黎諱被逆臣莫登庸先逐出外而莫登庸

霸掌該國中開俱未准信為照憑祥州原係鎮南大關隘路喉舌之司理合移文行查該國世子黎諱見今被逆臣莫登庸趕逐出外坐落何方該國民心有無向護具申回報以憑會議奏倘該國已有貢物欲來求封亦要明白申報以憑差官開隘放入等詞得此乃以仰知天朝必已通曉小國被逆臣僭竊艱難之故矣臣仍有書備言本國先後事情差前項目人阮合勸欲就憑祥州轉遞行至長慶府温州地方被逆徒截道捉得阮合勸殺死而各處衝要途路逆徒益加把守自此雖有天朝聲教及兩廣軍門

南官奏議 卷二十六 五 鈴山堂 號令管爾莫聞今者國人嗷嗷時或聚泣被其劫制皆非獲已咸謂弔伐之師何其不至加以逆賊性極兇殘猜嫌左右暴虐臣民臣嘗累次具本差人欲潛行間道馳奏天朝而通過關隘衝要諸路逆徒皆已把截意欲借道潛往達奏而沿邊州峒土官皆謂係非安南往來之舊路恐被天朝罪累並不許過關透入臣切慮自臣始祖黎利奉天朝正朔以來歲貢諸儀未曾少缺如前所見本國歷代數往凡其少有僭逆爭亂之萌不待奏請先興問罪之師以救藩臣之急量當今聖朝必不遺小國久困於逆臣

之手矣謹差陪臣抱本馳奏累經歲月俱無所聞鬱抑于懷無門控訴反覆思惟罔知所處幸有廣東商船漂海到于此處地方海口為此臣敢冒罪備將本國前項先今事情具本并寫作宗圖專差頭目鄭惟傑朱顯等寄與商船隨風航海間道潛行抱藏本圖親齎赴 闕謹具奏 聞又奏為陳情首罪事自正德十一年以來本國不幸被逆臣僭竊相繼作亂於邇年例應歲貢諸禮久缺臣甘受其罪乞待本國平定仍為奏請增例辦納為此臣備將前項事由自先陳情首罪乞望 聖德曲垂憐憫之仁鑒此艱屯之

南宮奏議

卷二十六

六

鈐山堂

故恕其罪譴等因奉 聖旨這安南國奏本二本并宗圖一紙不類外國人文字且方差官勘問如何遽有此奏跡涉可疑禮兵二部便會同將該國差來人并所奏事情備細譯問明白來說欽此 臣等譯問得奏事人鄭惟傑等稱係安南頭目因逆臣莫登庸稱亂世孫黎寧播遷清華地方累差陪臣頭目馳奏被逆黨及沿邊土官閉阻不得通達中國嘉靖十三年四月十七日黎寧具本差惟傑等及朱顯等十人分為二起各潛行投入海船取道來京惟傑等六人被風漂至占城國至嘉靖十五年七月內始得抵廣東

西南驛一路附搭商船直抵高郵由陸路入京原來通事杜廷寶在道病故其朱顯等四人寄在別船不知去向其口詞大率與奏相同據此 臣等看得安南國逆臣爭亂信使不通踰二十年近因 朝廷問罪之師將興而彼國告變之奏奄至委的迹有可疑况鄭惟傑等附舟漂海延住占城遂經二載及既行至廣東地方緣何不呈身赴告所在官司給文起送越來京據其奏詞難以盡信但該國事情見今差官在彼查勘合無候命下之日兵部差人馬上齎文付原差錦衣衛官查照先奉欽依將所奏事情會同撫

南宮奏議

卷二十六

七

鈐山堂

按三司選委流土能幹人員前往該國一併體勘真偽明白星馳具奏定奪庶國法不失而真偽可辨矣再照黎寧竄伏草土莫登庸據國城兵戈相尋臣主角立關隘不通鄭惟傑等輒難發回本國合無暫留在館候勘明另處惟復差人伴送前去廣東交與撫按官真量給食糧在彼聽候均乞 聖明裁斷嘉靖十六年正月日奉

聖旨這夷情真偽你每既譯審不出依擬兵部便行與原差勘事官會同兩廣雲南撫按衙門一併查勘明白議處停當作速奏來定奪鄭惟傑等着錦衣衛

拘留嚴密處所聽候不許與外人交接光祿寺照朝鮮國貢使例供給

會議鄭惟僚具呈事情

又於禮科抄出錦衣衛指揮使王佐題據鄭惟僚遞出揭帖呈為急切事情乞憐憫施行事承本國世孫差來奏事累蒙審問未有施行本月十二日奉見錦衣衛調來着鄭惟僚等在本衛緣為何故不得明知怕誤國事竊慮鄭惟僚自離家至今將及三年不知本國今日之事如何其阻在道途則要赴京奏訴國事茲已進奏則要濟國事以復國讐再被收留在此

南宮奏議

卷三十一

八

鈔山堂

怕於查勘不明恐害本國大事亦恐妨朝廷德政所有應乞行查之事陳開呈達乞詳查照今者本國之勢譬如被病之人久望天朝救援如望天上神醫要救及其氣脉尚存使於治療則所用少而見効多如或遲緩至於氣衰脉弱始乃治療則所用費多而見効少嘗聞醫藥可以療病人愈疾難可療死者更生鄭惟僚如乞藥之人豈不呻吟哀告以求急救伏望聖朝廣推興滅繼絕之仁拯溺亨屯之德願加速救以遂本國世孫及一國人民後後來蘇之望若鄭惟僚坐經歲月徒費朝廷給養之厚罔知利

害則非鄭惟僚憂君愛國之意為此備將前項急切

事情上呈伏乞審其情理憐憫施行等因奉聖旨

這所奏安南夷人具呈事情似是的實禮兵二部將

本國原奏即會同多官議了來說欽此臣等會同府

部等衙門看議得安南國奉貢稱臣其來已久自正

德十年後至今二十餘年信使不通隳廢典常致勤

聖慮欲正不庭之計曩者傳聞其國多故未委虛

的所以差官體勘今而黎寧遣使告變備陳莫登庸

僭竊稱王逐君棄主逼脇臣庶荼毒生靈欲乞天

朝之師以為救援之舉又該差來人鄭惟僚具呈前

南宮奏議

卷三十一

九

鈔山堂

因則莫登庸罪狀顯著彼中禍亂之由固已莫逃

聖鑒之下矣登庸逆勢已成黎氏境土日蹙兵力

竭雖有職貢其何能修且既為賊奪其關隘則亦無

自而達於中國所據該國不庭之罪固在莫登庸而

不在黎寧亦明矣臣等竊以莫登庸本微眇賤夷敢

行稱亂欺孤奪國僭號稱元罪通于天法不容死黎

寧年在幼冲播遷艱屯告急于我春秋之義諸侯之

國有相滅亡尚求救恤矧我皇上為華夷臣民之

主安南之於國家世脩貢典伏蒙聖慈憫其困阨

特賜宸斷討賊平難真古帝王綏遠字幼除暴救民

之道也但用兵事宜先該禮兵二部會議奉有明旨興師備討必行又該兵部會官議奏節奉 明旨安南國在所必討你每既會議停當都依擬欽此已無容議 臣等僉謂興師伐遠事體重大務在謀屈羣策計出萬全則義聲所加蕞爾小醜不足平矣再照原差錦衣衛官前去彼中體勘今該國事由大畧已見合無兵部馬上差人行令勘官除武嚴威照舊查勘其赴安南者暫於境內停止及照鄭惟傑等亦合選差的當官員伴送前去廣東地方交與鎮巡等官收管聽候等因嘉靖十六年三月初十日奉

南宮奏議

卷之六

十

鈐山堂

聖旨這所議未見明白正大再會議停當來說

再會議安南事宜

欽奉前旨案查先該嘉靖十五年十月二十六日該本部尚書夏言節奉 面諭 皇子初生既詔告天下何獨外國不遣使詔諭當使華夷一體知悉卿宜議擬舉行隨該本部題所據來月初六日頒降告皇子生詔書合無遣翰林院官充正使給事中充副使齊捧詔書往諭朝鮮安南二國知悉候冊立 皇太子之日再行遣使詔諭等因奉 聖旨是又查得嘉靖二年四月內該翰林院編修孫承恩題為開讀

事奉 聖旨該部看了來說欽此隨又該 欽差總督兩廣軍務右都御史張嶺總理太監韓慶總兵官撫寧侯朱麒巡按廣西監察御史張鉞等各題同前事該本部看得兩廣鎮巡等官議奏安南國王黎暲沒世已經七年被莫陳二姓逆臣互相讐殺國土分裂未有定主勢難前進合無行令編修孫承恩右給事中俞墩暫且回京容 臣等探聽安南國事定差人且奏另為舉行等因題奉 聖旨是這所奏事情還着鎮巡官查勘明白孫承恩暫着回京欽此已經備行彼處鎮巡等官欽遵查勘去後又查得嘉靖三年

南宮奏議

卷之六

十

鈐山堂

十二月內該本部題為緊急邊情重務事准兵部咨該巡按廣西監察御史汪淵等題稱會同總鎮兩廣太監鄭潤總督兩廣軍務右都御史張嶺總兵官朱麒議照安南國 請封納貢臣等歷查案卷博訪人言大槩倡亂於陳高等之叛逆黎暲遇害繼亂於莫登庸之姦雄黎暲播遷今據該國長慶府牒文則云奸人杜温潤等脅遷黎暲頭目莫登庸等以一方人民無有統攝共推黎暲弟黎慮權攝國事謹守 欽賜印信差陪臣赴京奏事求封又據該國高平府牒文則云本國猶是逆臣陳高子昇竄在諒山再有逆

臣莫登庸等謀作不軌竊據衝要以致道路梗阻未能逕達又云世子前被逆庸等僭亂暫出居先國王鄉今方命將出師討平逆賊指日恢復差陪臣奏事求封等因臣等會勘得該國擾亂未有定主乃輒朦朧差陪臣進貢求封中間又不明白開說所封何人姓名顯是立非相應國人不服或是姦雄謀篡假立詭名所據該國地方其長慶府與廣西憑祥州接壤海東府與廣東欽州接壤即今莫登庸黎應所據之地於中國道地切近而文移易達其清都高平等府即今乃黎諱避居之地其入中國必經長慶海東等

南宮奏議

卷二十六

三

鈐山堂

處道路阻隔文移難通論順逆之理則黎諱為正規搏噬之勢則莫登庸黎應為強方鵠蚌相持雌雄未決彼各不候本國平定輒遣請封其或莫登庸伏誅黎諱光復舊物則名正言順人心允服倘黎諱或致他虞黎應具名請封從之則遂其奸謀不從則別無應立乞勅禮兵二部將該國事情從長查議請乞聖裁等因奉 聖旨這該國事情着從長查議來說該部知道欽此本部看得安南 請封該御史汪淵等具奏前來臣等逐一參詳前項會勘緣由則彼國無定主事未歸一遽然請封委難輕擬合候命下本

部轉行彼處鎮巡等官再行訪勘本國即今有無寧一其黎諱黎應是否已故國王黎暲親派宗裔應否何人襲封多方博訪務得其真具奏施行奉 聖旨是着鎮巡等官再行訪勘得實奏來定奪欽此遵行去後今該前因通查到部看得安南國本秦漢以來中國郡縣之地我 太祖高皇帝開國之初陳氏首先納款後為黎季犛所篡逾年陳氏孫名添平者至京想其實 太宗文皇帝體 高皇之意乃遣使送添平歸其國季犛伏兵殺之并及使者事聞我 太宗皇帝始赫然用兵征之既平求陳氏後不可得乃

南宮奏議

卷二十六

三

鈐山堂

郡縣其地後國中姦夷名黎利者肆逆假以得陳氏後為詞上表請立 宣宗皇帝體 文皇之心聽之俾復繼陳氏之絕自是以來雖郡縣不置而該國職貢克修嗣位則遣使請封遇 朝廷大慶則遣使入賀三年一貢罔敢愆期今查得自正德十年該國王黎暲差陪臣阮仲達等赴京進貢之後迄今二十一年貢使不至及我 皇上登極改元欽遣編修孫承恩給事中俞敦齋捧詔勅往諭竟以該國作亂道路梗阻未達而返節該孫承恩具奏及兩廣鎮巡等官具題再經本部題覆俱奉 聖旨令彼處鎮巡等官

訪勘的實奏請定奪該本部備行去後今經一十四年各該官員竟無一字奏報前來今照 皇嗣誕生若復頒詔本國則必如前梗阻命使不得徑抵其國徒損國體合無今次止行詔諭朝鮮國王其安南國暫免遣使伏候 命下本部行取翰林院官給事中疏名題請點差各一員止令齎捧詔書前往朝鮮國諭賚庶事體為便再照安南國職貢不修歷二十餘年背叛之罪已無所逃在法當與問罪之師但飾據奏稱該國賊臣作逆國無定主分裂竊據荼毒生靈義當與之討賊平亂斯得中國君主四夷之道但查南宮奏議 六卷二十六 一 餘
得兩廣鎮巡等官節奉欽依訪勘迄無回報顯是輕忽邊情違慢明旨以致縱長夷奸積損國體所據經該官員相應通行查究合無乞勅兵部馬上差人星馳兩廣等處地方着落鎮巡等官即便查先年節奉欽依事理訪勘該國事情的實會同三司及該道守巡官員從長謀議務要區畫停當上緊具實奏聞不許隱匿遲違誤國大事庶幾叛亂之罪可懲朝貢之典不廢裔夷以畏邊境以寧而中國之體尊矣等因具題奉
聖旨是詔使且待彼國事情你部裏還會同兵部計

議來說勿視為非要

南宮奏議 六卷二十六 一 五

南宮奏議卷第二十六

南宮奏議卷第二十七目錄

夷情二

議差官勘問夷情及預備征討事宜

會議征討安南事宜

再議勘處剿撫事宜

南宮奏議

天卷五頁錄

十一

鈴山堂

南宮奏議卷第二十七 鈴山堂集六十七

夷情二

議差官勘問夷情及預備征討事宜

准兵部咨該兵部看得鎮守雲南總兵官黔國公沐
 紹勛巡撫雲南都御史胡訓巡按雲南監察御史董
 珊各會本題稱安南國賊黨武嚴威武文淵武子陵
 等亡命叛賊避罪出逃犯我邊疆羈留酋長在彼國
 則為叛臣在我 朝則為逆寇罪大惡極法在必誅
 八寨長官司土官副長官龍徹教化三部長官司土
 舍張澤通把李者來白俊等交通外夷引惹邊釁情
 南宮奏議 天卷五頁錄 十一 鈴山堂
 犯深重法難輕貸內龍徹見被外夷拘執固由自取
 縱死亦不足惜但龍徹乃我 中國職官豈可置之
 不究設欲舉兵進討而武嚴威係是外國亡命避居
 兩來之地勢難攻伐恐徒費兵糧卒難成功及欲將
 張澤據法鞫問但各酋見與武嚴威等交通誠恐持
 之太急別懷思謀釀成大患深為未便一面嚴行隣
 近一帶地方各整擄軍馬協力防守一面選委能幹
 土流官員前去撫諭務要龍徹挾取回任一節既該
 撫鎮等官會奏相應議處合候 命下備行雲南撫
 按衙門會同總兵官嚴督該道守巡兵備守備等官

親詣前項地方速行各該府州縣衛所整棚軍馬輪
 番防守相機追剿毋容逃遁入境貽害地方等因題
 奉 聖旨是欽此臣等會同兵部尚書張璠等計議
 前事為照安南國古稱交趾秦并天下於此置象郡
 在漢為九真日南象三郡五代時為劉隱所并至宋
 初始封為郡王然猶授中國官爵勳階如特進檢校
 太尉如靜海軍節度觀察等使如賜號推誠順化功
 臣皆例待以內地之臣未始以國稱也其後封南平
 王奏章文移猶稱安南道宋孝宗時始封以王稱國
 而天下因以高麗真臘視之不復知為中國之郡縣
 南宮奏議 大卷五十一 鈐山堂

矣其先李氏傳八世陳氏傳十二世至日焜為黎季
 犛所篡我 太宗皇帝時季犛上表竄姓名為胡
 元子蒼易名吞詐稱陳氏絕嗣吞為甥求權畧國事
 朝廷從其請逾年陳氏孫名添平者始遁至京懇
 其實季犛乃表請迎添平歸還以國 朝廷不逆其
 詐遣使送添平歸抵其境季犛伏兵殺之并及使者
 事聞 太宗皇帝震怒徧告於天地神祇釐罪致討
 遣征夷將軍朱能副將張輔等征之生擒季犛及其
 子蒼澄獻俘京師詔求陳氏遺裔立之國人咸稱為
 季犛殺之盡無可繼者乃復古郡縣其地立交趾都

布按三司及各府州縣衛所諸司一如內地之制其
 後有黎利者乃夷中之夷復設謀肆逆詐以求得陳
 氏後為詞上表請立我 宣宗皇帝謂此 皇祖意
 也遂聽之即棄其地俾復為國蓋我 太祖高皇帝
 開國之初陳氏首先納款故著之祖訓不許後人伐
 其國者嘉陳氏之能輸誠效順首先臣服之忠也詎
 意陳氏為賊犛所戕遂絕其祀卒之天道好還而賊
 利逞凶復滅季犛之宗可見亂臣賊子天必殛之而
 覆轍相尋無可逃者然黎利既幸而得國傳之子孫
 所當嚴奉天道恪守職貢敬神恤民毋敢怠忽庶可
 南宮奏議 大卷五十一 鈐山堂

以世食茲土今乃廢職不修棄民不保自正德十年
 黎暉差陪臣阮仲達進貢之後迄今二十一年朝貢
 之使不至廢棄正朔罔秉臣節今據兩廣守臣所奏
 則黎暉黎應皆非黎暉應立之嫡莫登庸陳高陳昇
 阮時雍杜溫潤鄭綬等俱屬篡逆之臣及按該國長
 慶高平二府牒文所云則其國中交爭割據逼王弼
 君綱紀蕩然冠履倒置且兵戈相尋互相魚肉則地
 方分裂生靈塗炭不問可知且敢於背叛 朝廷偃
 然自肆既不行入貢以奉王正又不來告變以請天
 討昏迷不恭反道敗德莫此為甚該禮部先議移文

體勘責以守臣奏報不過詰問所由欲備知其曲直所在然彼國黎氏失守宗祧既不上告天子其逆臣交亂又皆各據土疆俱屬背逆天道干犯王法春秋大義亂臣賊子人得而誅矧聖天子在上繼天立極君主華夷而該國負固作逆久不來庭所據彼國事情罪狀顯著無所逃於天討如蒙乞勅錦衣衛選指揮千百戶內素有膽氣材略言語便利通達事機者二員先領勅書一道前往廣西地方着令鎮巡等官仍選彼處軍衛有司官員人等能深曉夷情熟知道路強幹有謀者三五員名伴送勅使徑入安南

南宮奏議

天卷五

四

鈐山堂

廣都御史錢如京一面乞勅鎮守雲南征南將軍總兵官黔國公沐紹勛會同巡撫雲南都御史胡訓貴州都御史汪珊即便整飭漢土官軍調度錢糧嚴備待命再照雲南奏稱武嚴威武文淵武子陵等係安南國亡命避罪出逃犯我邊疆及羈執我土官瓏徹雖法不可容但據聞彼國逆臣搆亂已非一人武嚴威舍彼就此必非篡國之賊抑或不忍親主受禍不肯甘心從逆亦未可知合無乞勅錦衣衛另選如前能幹官二員齎領勅書一道前往雲南體勘武嚴威事情責令鎮巡等官差本處的當人員前往八寨長

南宮奏議

天卷五

五

鈐山堂

氏不恭夏啓有于甘之誓則討罪之兵聖王所不能
已况大司馬九伐之法賊賢害民則伐負固不服則
侵放弑其君則殘而蠢茲安南實負三罪是其上干
天討自速滅亡聲罪正名已無容議但與師伐遠命
將討罪事體重大合無恭請 宸斷勅下兵部會集
在廷文武多官從長計議為今之計首宜慎擇大將
妙選偏裨簡設總督督餉文臣更置地方守土官員
調集諸路兵馬所在儲峙芻糧一一區畫停當奏請
定奪施行將見天聲所震因壘來降莫爾小夷固可
傳檄而定矣奉

南宮奏議 卷三

六

鈐山堂

聖旨是安南國先次詔使不諭而返有傷體面又久
不入貢非叛而何兩處差官都依擬着實勘明奏報
便寫勅與他去與師備討必行兵部便會官議奏

會議征討安南事宜

臣等欽奉前旨會同府部等衙門科道等官再議得
安南國世孫黎寧奏稱本國先於正德十一年逆賊
陳嵩作亂祖考黎暉遇害無子國人推立其父黎鏞
權管國事方擬修貢請封值逆臣莫登庸與阮時雍
等謀為不軌播遷清華地方登庸據國城又復脅
立黎鏞庶弟黎庶儼假權國事凡號令一切悉出於登

庸之口嘉靖元年蒙差翰林院編修孫承恩禮科右
給事中俞敦齋捧 詔勅禮物傳賜彼國俱被逆賊
守把關隘以致信使難通中道而返嘉靖二等年節
次備由申達兩廣鎮巡等官轉聞中國不能上達不
期莫登庸愈肆猖獗謀殺黎庶陰立己子登瀛詐冒
黎姓妄自尊稱為太上皇帝僭號大正黎鏞憂憤病
故黎寧以嫡子嗣立仍居清華地方潛遣鄭惟憐等
赴京具奏前因懇乞 朝廷與師討罪以救彼國危
難臣等查得安南自正德十年以來久不庭貢致令
詔使不通 皇命為梗節該禮部行文兩廣撫臣查

南宮奏議 卷三

七

鈐山堂

勘彼中事情未見奏報故頃者禮官陳請 皇上赫
然震怒亟下廷議欲與問罪之師已該差官行勘去
後今黎寧遣使告變具陳莫登庸父子僭逆之由乃
知該國馴起亂階連結兵禍皆莫登庸父子與其逆
黨之所釀成而職貢不修非黎寧之罪矣臣等竊惟
帝王之待夷狄當其臣服則有撫綏懷柔之恩若或
背叛則有與師討罪之法故大舜征有苗夏啓攻有
扈氏商高宗伐鬼方周宣王北伐獫狁南征荆蠻著
之史冊昭然可鑒矣至我 太祖高皇帝因安南交
讎互噬特下詔諭謂春秋大義亂臣賊子王法必誅

不以夷夏有間若本國不擇親賢命而立之將十萬大軍水陸並進正名致討以昭示四夷我 太宗文皇帝因奸莽戕滅陳氏僭號則命朱能張輔等出師聲罪致討卒叛賊就擒是夷狄之有征伐自古帝王及我 祖宗皆嘗舉行所不但已者為照安南為我朝世封之國遵我王化奉我正朔莫登庸乃敢逼逐黎鍾占據國城其罪一也以臣下而取國母其罪二也鳩殺黎厲偽立己子其罪三也逼黎寧遠竄其罪四也僭稱太上皇帝其罪五也改元明德大正其罪六也設兵關隘以阻詔使其罪七也大肆誅殺荼毒生靈其罪八也阻絕貢路其罪九也偽置官屬僭擬中國之制其罪十也昔漢交趾女子徵側為亂馬援提數十萬之師討平其國其在宋時本國大將黎桓擅權劫遷丁璿於別第太宗舉兵加誅斬首萬餘級今莫登庸踵黎桓之故智而罪浮於徵側逆惡滔天神人共怒所謂亂臣賊子其何以逃於天誅 臣等又看得黎寧奏稱國人嗷嗷時或聚泣被其劫制皆非獲已咸謂吊伐之師何其不至而鄭惟僚呈稱本國事情哀痛迫切日冀天兵之至真有倒懸求解之思後後來蘇之望我 皇上華夷之主天地之仁寧

南宮奏議 卷二十七 八 鈐山堂

南宮奏議 卷二十七

忍坐視小國之困而弗之恤哉 臣等切謂莫登庸之罪狀顯著法不容誅黎寧之國緒岌危義當拯救今日與師致討之舉此我 祖宗之所已行而今 皇上之所續承而取法者也仰惟 皇上智勇天錫睿謨神授伏望大發宸斷播告中外選將訓兵剋期致討于以發舒華夏之氣震聳四夷之心 臣等府部院寺及科道等官重覆詳議眾志僉同伏望 皇上勅下兵部查照先次題奉 欽依會推總督軍務武職大臣一員并副叅遊擊等官吏部會推叅贊軍務素有才望文職大臣一員戶部會推督餉大臣二員合

南宮奏議 卷二十七 九 鈐山堂

行錢糧兵馬戶工二部計處詳議徑自具奏仍差科道官隨軍紀驗功次俱各該衙門奏請施行再照鄭惟僚合無隨帶軍門以備總兵等官諮訪調用其餘未盡事宜俱聽兵部陸續具奏上請施行嘉靖十六年三月十八日奉

聖旨安南國久不來庭法當問罪今本國奏稱近臣莫登庸篡亂阻絕貢路又僭稱名號偽置官屬罪狀顯著你每既會議明白便命將出師前去征討總督等官各推選素有才望的來看調度兵糧事宜戶兵二部即議處具奏其餘依擬

四八一

再議勘處剿撫事宜

該提督兩廣軍務兵部左侍郎兼都察院右副都御史潘曰題查得接管卷內先為緊急邊情重務等事嘉靖十六年四月十四日據憑祥州差頭目趙奇隨同安南國行人陳必聞范光佐陳瑒通事阮穎陳密齋執申分守左江道公文自報到臣內開本年月日本國差阮文泰等齋捧奏事求封表箋文奏啓本及方物請命于 朝其阮文泰等在諒山界首經十年餘未得進程今差行人陳必聞等隨同舍人并憑祥州頭目詣審轉申軍門奏請于 朝差委官目開關

南宮奏議

天卷五

十一

鈐山堂

使阮文泰等得以進程斯為萬幸若本國事情已具在本國國書并長慶府諒山衛前後牒文執結等因年月上無印俱嘉靖十六年三月十五日又一封安南國行人陳必聞范光佐陳瑒通事阮穎陳密等申為奏事求封內開情節緣由俱同前因據此本道看得中國柔遠禮宜從厚陳必聞等三名係夷官合支廩給阮穎等二名係通事合支口糧已經呈奉本院批允行梧州府蒼梧縣府門驛供應并撥官役防緝奸弊外其安南國王自先年黎暘被逆臣陳嵩篡殺貢使不通雖稱黎鏹黎慮相繼管國事皆非 皇朝

所封其為黎暘正派與否已難盡據今該國府衙申文俱稱國人共推莫登庸莫方瀛前後權管國事而黎慮之存沒與黎氏子孫之有無應否襲封皆不明聲說况稱本國平定供結的確却不明指所結何人既稱莫方瀛護守 欽賜印信而黎寧進本却又有真正印文俱屬可疑有礙議處合無備抄前項申文連原差人陳必聞等五名俱發分巡左江道僉事鄔閱管束仍將申內事情轉行原差錦衣衛官會同一併查勘明白併奏定奪庶事體歸一而朝典大彰等因到臣等議照安南本夷國也夷狄之亂中國之

南宮奏議

天卷五

十一

鈐山堂

福自黎暘遇害彼國內亂二十餘年貢使不通者此也兩廣邊關警報不聞者亦此也蓋陳嵩害其主黎暘高誅而子昇據有諒山之地黎鏹為莫登庸所立既而避遷海上據有清都之地而莫登庸者始焉與兵討賊擁立黎鏹黎慮終假遜位之名成奪國之計此亂臣之奸雄也今鏹慮俱死據黎寧之奏其所存不過清都數郡而已據諒山衛之文則陳昇又為莫登庸所圖明矣始則三國鼎立今惟莫黎二氏國內疆土大約黎氏僅存十之一二莫氏已據十之七八矣 朝廷方遣問罪之使彼隨有求貢之文雖其名

分未正要亦慕 皇上之德畏中國之威而然也夫
夷狄之國本無人倫究弑主之罪則陳高父子也而
今已就戮矣若莫氏乃奸雄之賊黎氏亦逆臣黎利
之裔律之以中國之法固皆非所宜立若處之以夷
狄之道元昊可爵不義可侯而黎利可王也然莫氏
倚其兵強有併吞黎氏之心黎氏藉其世業有恢復
舊物之志彼此分爭兵革未已皆欲假 天朝名號
以爲之主彼既未定我誰適從此非 臣等所敢輕議
也伏望 勅下禮兵二部從長議覆請自 上裁合
無俯從寬處容 臣等先將行人陳必聞等五人遣之
南宮奏議 卷二十七 鈐山堂

之義固不以夷夏而有異焉今安南國王黎暉先被
逆賊陳高倡亂遇害無子國人既已推立其姪黎鏞
管理國事名分已定莫登庸既能爲國討賊何乃視
主播遷竟不迎復乃又擅立幼弟黎應且既稱後已
迎歸黎鏞因病身故則黎應既卒之後又何不延立
黎鏞之子黎寧以管國事乃遂假遜位之名以成篡
奪之計此其逐君弑主專制奪國情罪顯著且安南
爲我 祖宗封國憲焉得而授之逆庸逆庸焉得而
受之於應若謂夷狄之國素無人倫不顧理之逆順
而惟論其勢之強弱謂元昊可王不義可侯則將來
南宮奏議 卷二十七 鈐山堂

事為證事理不倫非所以服夷奸而崇國體也况據該國府衛所申事情既稱護守欽賜印信而黎寧奏本又有真正印文據黎寧奏稱被莫登庸謀逆黎魏脫居清華地方鄭綏等俱係從難之臣今莫登庸却稱黎魏被逆綏等狡計脅遷且黎寧尚在清都地方見今差人告變志圖恢復今却稱本國俱已平定輒行上表求貢中間事情俱屬隱蔽查得洪武二十七年該安南國差使臣阮均齋表進貢奉 太祖皇帝聖旨安南篡弒不許來貢欽此今稱登庸上表求貢遽難准從但該國事情先今黎寧具奏節該兵部題南宮奏議 卷二十七 鈐山堂

聖旨你每議的是便行與提督等官遵照前首行南宮奏議卷第二十七 鈐山堂

南宮奏議卷第二十八目錄

夷情三

議莫方瀛投降事情

再議莫方瀛投降事情

查處安南夷使

查給總督等官印信關防

鑄給安南都統司印

南宮奏議

卷二十八

一

一

鈴山堂

南宮奏議卷第二十八

鈴山堂集六十八

夷情三

議莫方瀛投降事情

該鎮守雲南總兵官征南將軍黔國公沐朝輔題稱
 嘉靖十六年十一月十六日據都指揮王守中等呈
 稱安南國頭目范正毅等齎遞投降公文束身赴營
 投見隨遞莫方瀛伏罪奏本正副二道降書一幅并
 頭目耆人三百六名申結轉呈到臣看得前項奏
 本降書結狀緣係外夷乞罪來文事體重大會同巡
 撫都御史汪文盛巡按御史陰汝登及雲南都布按
 南宮奏議 卷二十八 鈴山堂 三司等官李顯等議照帝王之馭夷狄拒則懲其不
 恪而以威刑之來則嘉其慕義而以禮懷之此所謂
 治之以不治之法也安南雖云外國實我中國輿圖
 納貢稱臣其來已遠自倡亂於陳高之叛逆而黎暉
 遇害繼亂於莫登庸之奸雄而黎德播遷貢職不修
 二十餘年今世孫黎寧所奏莫登庸謀為不軌黎德
 間道竄於清華地方莫方瀛書內執稱黎德聽姦人
 鄭綏等誘遷清都暨國頭目以黎德無子共推伊弟
 黎慮權攝國事後迎黎德歸還國都病篤而卒黎慮
 染被癘瘵不能管事又無子孫乃謀本國頭目人等

南宮奏議

卷二十八

一

一

鈴山堂

召父莫登庸付以 欽賜印信暫管國事臣父莫登庸不得已於本國國都謹守 天朝所欽賜印信權管國事後國內既平方瀛年長可代任本國事務父乃謀諸國人皆從乃付方瀛 欽賜印信權管國事撫集臣民已經差人奏事求封未得開關進呈及稱鄭惟僚所奏稱黎寧係是阮淦之子詐冒黎姓摹寫印文妄訴及據槩國者人申狀共舉方瀛等情論以大義土地人民受之天朝黎錫孱弱失守不能及時以告變登庸父子擅專國柄又未具由以上聞其間互相魚肉塗炭生靈阻絕貢路法亦難追今當聲罪

南宮奏議 卷三 二 鈐山堂

致討之時乃有投降歸附之舉是蓋朝廷之威有以畏之然者武文淵彼之勅敵也招之首先歸附而願為先鋒寧遠綏阜水尾等州各土酋彼之藩籬也招之次第投順而願為嚮導阮璟裴行儉彼之偽官也

被土舍刀鮮以姦細擒獲解報固知將來罪莫可逃而求生之望自不容已况奉 欽依從宜撫剿及逆罪畏威懷德悔罪向化繫頸軍門待以不死星馳奏聞今莫方瀛既投降伏罪具奏陳情雖皆文飾之詞實出求生之願所據原先歸附土酋及蓮花灘防守官軍有功人員陞賞等項事宜俱應議處其乞罪奏

文相應轉達與黎莫二氏占據土地均請上裁及照安南國王印信黎氏莫氏各藏其一直偽莫辨相應具奏辨驗偽者令其自行銷燬俟職有定分另行請給黃明指等以其人歸刀鮮等以其地歸既蒙恩賞矣相應隨其所居而安插之使之各自管食莫方瀛等既恭俟天命不許仍前互相吞噬以取誅戮其寧遠州等處地方原係雲南臨安府管轄因與交地相攙久沒于夷相應復歸臨安府管轄優卹三年之後令其比照土官衙門事規出辦差發再照蓮花灘結營防守軍兵一以遙振軍威一以招納降附今莫方瀛

南宮奏議 卷三 三 鈐山堂

已歸順前營不掣未免致起疑心相應併行兵備道查處掣回仍存一千名照舊在於臨安協守等因奉 聖旨禮兵二部看議了來說欽此又該太師無太子太師武定侯郭勛題為處夷情復 國制分土設官永圖治安事乞要明出黃榜招示本土人民削去安南名號就將本地各府衛州縣等衙門比照雲南兩廣所屬土官事例許其開款納貢將彼所管地土人民編成里甲行伍亦照兩鎮土官衙門事例呈報兩鎮所司孝順天朝奏請朝廷請給印信誥命永享太平之世勉圖後効等因奉 聖旨禮兵二部看了

來說欽此臣等會同太子太保兵部尚書張璠等看
得雲南鎮守總兵官黔國公沐朝輔巡撫雲南右僉
都御史汪文盛巡按雲南監察御史陰汝登各會同
題稱安南國頭目范正毅等齎遞投降公文及莫方
瀛伏罪奏本降書及頭目耆人申結不敢擅拒理合
封進取自 上裁及乞勅廷臣從長計議將莫方瀛
父子曲賜寬宥俾其改過安分不許與世孫黎寧及
武文淵等互相讎殺遺患地方其黎寧宗祀亦不可
絕及要將歸附土舍武文淵等從宜安插掣回蓮花
灘防守官軍及臨安兵備副使等官論功陞賞等因

南宮奏議

天卷天

四

鈔山堂

又該武定侯郭勛奏請處夷情復 國制分土設官
永圖治安各一節臣等竊惟安南雖係荒服之區實
我朝世封之國頃者 皇上赫然震怒欲興師致討
者為其久不來貢耳今則黎寧播遷于外雖欲來貢
勢有不能我 皇上既已洞悉其情而有其罪矣若
夫逆庸僭竊既非受命 天朝則又不當許其來貢
也據其奪國之罪在王法所必誅無赦者今照雲南
鎮巡等官各題稱莫方瀛納款投降輸誠悔罪詳其
本詞與先次侍郎潘旦所奏長慶府諒山衛申文大
略相同但稱黎寧係逃罪人阮淦之子摹寫印文妄

訴于 朝及稱該國地里圖具載一統誌內不必圖
獻其間事情多涉譎詐邊難准信顯是方瀛父子不
過文飾虛詞以探測 朝廷欲為緩師請封之計况
鎮巡各奏止據范正毅等投遞奏文遽謂方瀛投降
納款而黎氏宗祀存亡下落不見作何處分所據奏
要掣回防守官軍及論功行賞等因俱難輕議合無
候命下兵部備咨雲南兩廣鎮巡等官再行會同勘
處如果方瀛父子悔罪向化畏威懷德該國土地人
民悉聽 朝廷處分別無虛詐即與星馳奏聞待以
不死如其飾詞欺妄怙終不悛即當遵照 明旨多

南宮奏議

天卷天

五

鈔山堂

方計畫具奏定奪不得遲回觀望坐失機宜以損國
法臣等又謂安南之有國如陳氏黎氏所以能居位
稱王歷數世而民俯伏聽命者以有 天朝爵命恃
以為重也今者方瀛父子徒逞僭竊之謀脅眾自立
其兇焰橫肆雖可劫制於一時而名義不正終難厭
服于永久彼國之中寧無豪傑憤其僭逆一聞 天
朝之命戮力助順義勇林立壤地瓜分彼庸不旋踵
而漸滅矣臣等看得武定侯郭勛所奏事宜欲要出
給黃榜招諭彼土人民無非計處夷情以安南土之
意合無行令鎮巡等官宣示朝廷威德出榜招諭彼

處府州衛所衙門若能首先納款歸附者即與奏聞
朝廷授以土官職事其處置黎氏子孫及武文淵
父子功勞等項事宜俱聽彼處鎮巡官逐一從長計
議具奏請乞 聖明裁處施行嘉靖十七年三月初
五日奉

聖旨這事情兵部還會同多官詳議了來說

再議莫方瀛投降事情

該提督兩廣軍務兵部右侍郎兼都察院左僉都御
史蔡經題據廣東等布政司等衙門右布政使等官
楊銓等呈安南國諒山衛呈報公文一件內開安南

南官奏議

卷天

六

嶺山堂

國諒山衛為乞恩宥罪表文事本國大頭目莫方瀛
專差頭目阮文泰阮拔萃等齋進大頭目莫方瀛表
文乞要開關放阮文泰等投謁軍門陳首轉達 天
朝等因備咨到臣除將阮文泰等仍發南寧近關地
方聽候外臣等會同總鎮兩廣地方內官監太監馬
廣鎮守兩廣地方總兵官征蠻將軍安遠侯柳珣巡
按廣東監察御史王德溢巡按廣西監察御史鄒堯
臣巡按兩廣監察御史陳儲秀議照安南本古交州
之地自秦漢以來或為郡縣或修職貢變故不同事
體隨異逮入我朝其酋長陳日燧首行降附而我

太祖高皇帝嘉其忠順錫以封爵厥後黎季犛為逆
我 成祖文皇帝命將出師遂致削平時求陳氏無
人莫可繼立乃因而郡縣其地彼黎利者忽肆姦謀
敢行僭亂其時我 宣宗章皇帝以彼裔夷之地不
足久煩民力於是仰體 皇祖初心因其懇請昇而
授之茲蓋天地覆載之量朝廷浩蕩之恩則凡黎氏
之為子孫者誠宜祇承委託以保藩封而乃不能謹
守至於黎暲荒縱而為陳曷所圖黎鏞雖自稱為後
然以孱弱避居海隅且不及時告變致失封壤是在
彼地為失國之主於我 朝亦為失職之臣縱其遺
裔猶存恐難復振而况黎寧或稱嫡子或稱次子而
真偽誠有未審者乎仰惟我 皇上繼天立極君主
華夷始因禮部以該國久不入貢議稱差官查勘續
因鄭惟僚抱奏即 命下該部選將練兵正名伐罪
而振弱扶顛之議興滅繼絕之仁實與我 成祖文
皇帝討平賊莽欲與陳氏之後同一盛心惟陳氏之
祖日燧則首行投附而黎氏之祖黎利則首為亂階
情則或有間也但黎氏之土地人民實我 天朝所
授而莫方瀛父子乃相繼竊據今雖以黎慮私相投
受不行請命于 朝自首請罪然其因亂欺弱乘危

南官奏議

卷天

七

嶺山堂

據土其情自莫能掩又何能逃於天罰哉惟安南久已修貢雖與西戎北狄不同然椎髻之俗雕題之邦地本炎荒人終夷類若莫方瀛父子聞我興師討賊尚負冥頑罔知降附則雖在夷方亦宜大舉王師必誅毋赦今則仰聞天討乃畏威懷德屢次乞降先因情詞未順累行駁回今其省改茲當罷議之後而乃投首益堅昔猶繁詞隱飾今則惟陳情首罪矣昔謂有功于國今則以專輒為罪矣昔謂地里不必圖獻今則以土地人民之數奏進望天朝處分矣觀其詞曰悔過者聖門所與首罪者王法所寬及稱為南宮奏議 卷二十八 八 鈐山堂

臣本國臣民立命庶臣父子獲釋丘山之罪蓋亦乞哀之情求生之計也今據兩廣二司等官會議前來揆以待夷之道似宜俯處蓋帝王之待夷狄也逆則振之以威順則綏之以德所謂治之以不治之法也昔者有苗弗率舜命徂征然其來格實在于干羽舞階之日乃若洪武年間朝鮮李成桂扣邊求貢我太祖高皇帝始惡其篡絕之人因邊臣以請伏蒙命下該部移文報之聽其自為聲教蓋待之者為甚輕而責之者不求備彼莫方瀛父子之罪固有苗之弗率成桂之為逆也今已陳情自首則亦苗之來格成

桂之納款爾仰惟我 皇上體舜為心法 祖為治神武之威藏於不殺顯比之化溥於無私是致九伐方舉而黠虜服從一矢未遺而蠻邦底定合無勅下該部會議上請取自聖裁如蒙伏望 皇上憫其首罪之切鑒其納款之誠少霽天威俯垂寬宥待之以夷賜之不死或容以大頭目戴罪本土管束夷民以後果能悔罪自新省已安分恭順 天朝恪守正朔聽令彼國者舊夷屬議奏前來另行請自 聖斷別賜定奪俟其職名有定然後俾遵舊典虔修貢職則體統尊嚴中外又安而炎荒裔夷再沐我 皇上更生之賜矣等因又該禮部尚書兼翰林院學士黃綰奏為慎機務以謀始終事乞命都察院六科各推老成才識不為阿黨科道官各一員仍命吏禮兵三部共推地方相近素有才識諳曉彼處事情部屬等官二員同至彼處資訪以應緩急之用臣又見鄭惟懌所齎奏內云本國頭目耆人黎垌鄭江等共推黎寧權管國事謹守欽賜印信播遷在清華地方莫方瀛所上投降表文內又云伊父莫登庸承黎氏付託攝撫人民謹守 欽賜印信即此二言則一國有兩印信矣一在黎寧者用在奏本之上 一在莫登庸者用

在降表之上請合觀之必有同異真偽之辨臣請查出內府所藏彼國先年進貢表文谷文上所用印文比對見今二處所用印文孰同孰異孰真孰偽以此付臣至彼待其有言以折其姦欺如蒙准奏乞 勅各該部將前項合行案牘及應查印文通行付臣至彼有所憑據等因奉 聖旨是這安南事情禮兵二部還詳議了來說欽此臣等看得彼處鎮巡等官所奏蓋因其來降而欲盡緩懷之策黃綰所奏蓋先事預備而曲為奸詭之防皆所以慎重國體兼著恩威者也為照安南本夷裔之地自國初以來錫之封爵

南宮奏議

卷十八

十

鈐山堂

頃緣彼國兵爭職貢不修使臣鄭惟憐等奏稱賊臣莫登庸放逐故主竊據土宇等情我 皇上赫然震怒廷議徂征特勅重臣經理軍務先聲所加逆庸父子已奪氣而禡之魄矣頃者卑詞誨過奉表乞降戶口輿圖悉獻聽理據其陳情首罪之詞已不勝畏威懷德之至而都御史蔡經等代為陳奏其所計畫籌慮亦頗周詳無非仰祈 皇上霽雷霆之威赦狂悖為忠順變殺戮為生成以為地方生靈之福也但臣等議得理貴深謀事難遙度夷情叵測變詐靡常前項效順事情雖經各官詳問覆審猶恐非其本心且

莫方瀛既稱本國大頭目則原無位號豈得輒用天朝所賜王印黎氏苗裔壤地隔絕存亡莫知豈得信其絕無可嗣立之說然論事之道常變異形難易殊勢又未可以一槩論者夫伐暴除兇義矣然來降之寇古有勿殺之訓與滅繼絕仁矣然如綫之緒恐無復振之期故自有此事以來勘報文移虛實疑似之迹先後不同節次會題擅難定決者職此之由也昨以恭薦 皇天太號伏蒙 皇上欽命尚書黃綰學士張治充正副使詔諭彼國仰見 聖度如天包舍徧覆與虞舜之舞干格苗周文之修德降崇者同

南宮奏議

卷十八

十一

鈐山堂

一揆也臣等聞之古者國有大事重於遣使所貴得使有善揣敵情之智有不辱君命之賢則假以重權許其專制今尚書黃綰已荷 聖明簡命勅令兩廣雲貴鎮巡官以下悉聽節制候黃綰至日將前項夷情會同各官協心審勘應否聽其來降應否用兵征討相機審處務求的當如果莫方瀛父子悔罪輸誠別無詐偽星馳具奏取自 聖裁許其束身就降待以不死若使投首匪誠犯分生事則廟謨雄斷別議征討蠢爾裔夷亦何所追於天誅也哉其兩鎮官員務要相與圖謀不得論議異同致相掣肘及地方二

司官員聽其委用抗違不服及誤事者聽令參奏治罪再照尚書黃綰奏乞選差科道官各一員部屬官二員與之同事乃嚴糾察以求正論廣詢謀以圖共濟之義相應依擬合候命下都察院六科各推素有才識謀慮給事中御史各二員疏名上請點用吏禮兵三部會推部屬官二員隨帶前去務在合謀同志用建長策以仰副我 皇上委託至意及照黎寧奏本莫方瀛降表印文并該國先年進貢表文見皆收藏內府直偽固可立辨但今姑宜置之俟事情勘處既定另議處分情偽自莫能掩也 臣等膚淺愚見仰

南宮奏議

卷二十八

三

鈐山堂

惟 聖明裁處不勝幸甚嘉靖十八年六月二十八日會題

查處安南夷使

該提督兩廣都御史蔡經題據廣西布政使等官祝續等呈稱安南國差來夷人陳必聞等羈留日久阮穎陳場俱已病故陳密又患重病即再久羈恐各夷使盡斃於此亦為無益似宜議處乞 勅該部查議除齋捧表阮文泰等十二名仍於南鎮府聽候 明旨至日另行外合無先將原差陳必聞等差官嚴密伴送至鎮南關出境聽其自行回國庶彼獲更生之

造而不失懷柔之意矣惟復照舊羈管與阮文泰等一併聽候區處施行等因 臣等議得陳必聞等先該兵部題奉欽依係是聽令總兵等官究明徑自酌處人數比與齋捧降表阮文泰等不同即若放回亦於事體無礙而開誠恤遠尤見 朝廷寬大之仁既稱羈留日久先已二人病故見今陳密又患重病似應准其所請合候命下兵部移咨都御史蔡經等令其先將陳必聞等依例應給廩糧差官伴送出境聽回本國而已故者地方官善為視其瑩域則彼存沒感恩而遠夷咸知所慕服矣其阮文泰等仍留原所候

南宮奏議

卷二十八

三

鈐山堂

奉有欽依詔使往日一併處分嘉靖十八年閏七月初五日奉

聖旨陳必聞等原着總督等官究審明白今如何處擬放回此亦關係事機着再查處停當來說

查給總督等官印信關防

該兵部等衙門會題議得安南為國地本夷荒昔我太祖高皇帝創有天下得錫封爵自是繼世襲封逆臣莫登庸暨子方瀛不顧黎氏土地人民本我天朝所授乃敢乘機濟姦篡逼國主僭號改元前項十罪法不容誅且往正其罪止於莫登庸父子其餘

一切不問查得原擬欽命咸寧侯仇鸞總督軍務兵部尚書兼都察院右都御史毛伯溫兼督軍務各請給勅書鑄給關防并符驗旗牌令其前去兩廣提督及節制各該撫鎮并副叅以下三司等官應調漢土官兵合用錢糧從宜命計軍機重務悉聽便宜等因奉 聖旨這安南事情你每既這等議奏依擬行欽此看得兵部咨稱總督叅贊官各請給關防一節既經本部題有前項欽依其印及關防俱各見在該監收貯合候命下本部差官前赴內府尚寶監領出征夷副將軍印與總督軍務咸寧侯仇鸞收掌內府

南宮奏議

卷三十八

古

鈐山堂

印綬監領出叅贊軍務關防與叅贊軍務兵部尚書兼都察院右都御史毛伯溫收掌嘉靖十八年九月初二日奉

聖旨是

鑄給安南都統司印

該兵部等衙門會題內開莫登庸既承新命准給印信行使合候命下禮部遵照欽定職名衙門鑄給印信一顆齎赴安南欽遵行事等因節奉 聖旨這事情你每既再經會議安南國着輩作安南都統使司莫登庸授與做都統賜從二品衙門銀印仍與世襲

看得安南都統使司 欽賜從二品衙門銀印一顆該用銀兩合照例於內府關領送赴六科廊本部委官會同內官監督鑄造合用銀池木匣袱襖絲線鎖炭料等件通行各該衙門造辦應用鑄完印信咨送兵部差人齎赴兩廣都御史轉發安南都統使祗領欽遵行事其原降王印查明獲日奏繳嘉靖二十年四月二十二日奉

南宮奏議

卷三十八

古

鈐山堂

南宮奏議卷第二十八

南宮奏議卷第二十九目錄

夷情四

議處甘肅夷貢

議處土魯番夷貢

議處番夷候貢事宜

南宮奏議

不卷五錄

十

鈐山堂

南宮奏議卷第二十九

鈐山堂集六十九

夷情四

議處甘肅夷貢

該兵部咨該巡撫甘肅地方都察院右僉都御史趙載題稱甘肅地方北控達虜西備回夷內撫屬番南隣羌谷治皆衛所而無郡縣政多邊計而匪他謀臣居邊十有一年夷虜情狀邊計得失目擊耳聞茲謹擄愚慮條為一十二事伏望 勅下該部計議施行等因題奉 聖旨該部知道欽此內開立成法以驗西夷重譯使以待西夷二事咨送到部臣等謹開立前件議擬上請 一立成法以驗西夷照得西域入貢原無定例先年止據哈密忠順王差人伴送近年忠順王已無先次西夷入貢天方國撒馬兒罕額即此名號之外番文開稱某地面某王某速壇番本百餘其稱號不係我 朝封爵無憑稽查歷考書史并詢問夷使西域地方自嘉峪關到沙州七百餘里沙州到哈密七百餘里俱係先年屬番住牧今已無人哈密到土魯番一千餘里自土魯番到义力失六七百里即漢之監澤皆土魯番種類迤西大則撒馬兒罕天方國魯迷亦郎小則黑婁怯迷阿即民沙密把

南宮奏議

不卷五錄

二

鈐山堂

黑且等處即漢之車師康居大宛之屬隨代易名者皆由土魯番之地始可達於中國今其人至雖云各國名色緣各夷面貌語言相類真偽難辨節年差人止到土魯番夷西諸國皆未曾到西域動靜虛實皆不能真知先年雖有忠順王掌金印主各夷貢事恐亦未能如東南諸夷入貢有符驗者可憑信也乞勅該部計議應否照依東南日本等國東北朵顏建州等衛或給發號紙或定立限期或譯審酋長體例使臣名數及該部原有先年西夷定例事宜備查議擬題奉欽依永為成式庶邊官有所憑稽夷使免於南宮奏議 未卷五 二 鈐山堂

欺詐 前件臣等議得西域諸夷種類不一如哈烈哈三哈撒兒沙的蠻等四十國經哈密而來或二年五年許貢一次其餘如土魯番天方國撒馬兒罕皆朝貢不常載之會典可稽也未樂四年止封哈密酋長阿克帖木兒為忠順王以後襲封錫以金印使掌西夷貢事今忠順王已無而諸夷之入貢號為王者不一大抵皆其私稱不係我朝封爵且如嘉靖十二年土魯番稱王者七十五人天方國稱王者二十七人撒馬兒罕稱王者五十三人又額即叱哈辛原非入貢番夷亦差來使臣五十八名蓋西域賈胡素

號貪利窺知回賜國王儀物繁縟遂詭立名色要求齎予此其奸謀章明甚及今不為限制則將來入貢必復倍於前昔冒濫殊稱私竊名器且以府庫有限之財填谿壑無窮之欲恐非所以存紀綱而節財用也所據都御史趙載奏要給發號紙定立限期譯審酋長體例使臣名數及查本部先年原有西夷定立事宜題奉欽依永為定式不為無見但臣等查得東南日本等國皆世有爵土國有專主所以先年給發號紙置立底簿差官齎散各該地方遇各夷來貢令其填寫收執比號相同方許來京朵顏建州等衛南宮奏議 未卷五 三 鈐山堂

則一年一至歲貢之期既不踰越來貢之人亦有定名而西方諸夷素非附屬貢獻不常並無給發號紙之例定立期限則三年五年載在舊典俱難別議至於譯審酋長體例使臣名數及查西夷一切事宜則正為之限制之意本部查有節年題准事例相應再行申明合候命下移咨都察院轉行鎮巡等官今後如遇各夷入貢一一查照事例處分中間若有名種殊常番文繁疊務須詳加譯審研究來歷如係各國部落冒濫稱王則當發其奸謀責以大義令改正使臣名色如其仍前驕肆怙終不悛即當以禮阻回不

容通貢每國俱分為等第照例每十人准起送二人
來京其餘存留在邊聽候給賞通行造冊馬上差人
先齎送部收貯仍另出半印花欄勘合給使臣親執
來京以憑比對定擬給賞其伴送人員嚴立限期毋
得縱容沿途買賣騷擾驛遞生事害人一面行文知
會陝西河南巡撫各轉行回夷經過處所預備車輛
人夫遇到即便差撥防護起送不許淹留久住就將
經過并起送過日期申呈巡撫衙門類造清冊咨送
本部查考仍預行沿途大小王府毋輒與買賣到京
之日本部仍行該管衙門不許私相往來通事人員
兩宮奏議 卷三九 四 鈐山堂

無人非其同類不能譯其語也合無於四夷館內選
令漢人習學番語前項序班俱以漢人充之不惟不
肯漏泄中國事機亦示彼夷謂中國之人無所不能
是亦防備外夷之一端也 前件臣等議得通事之
設所以通夷使之言引領朝議譯審真偽因以宣示
國家恩信而懾服夷心誠不可缺焉者也今各國通
事皆有定員外夷色目人在中國亦得為通事者蓋
訪保考選之時大抵取精通夷語者為之初未問其
族類也但諸夷之中惟回夷極為桀黠在外則侵擾
邊疆入貢則要求齎賞需索無厭則驛遞苦於供億
兩宮奏議 卷三九 五 鈐山堂

私買違禁貨物則官司被其欺瞞反覆靡常奸偽百
出誠為可惡然彼夷自萬里而來豈能盡知中國之
事良由我中國有等細人開端倡始崇惡長奸巧設
邪謀陰為主使以致回夷輕視中國輒敢挾制邊臣
污衊朝士投進之詞無慮百十甚或泄漏事機勾啓
戎心似茲所為不可枚舉緣漢回通事實本非我族
類同惡相濟同類相親固理之必有雖其中賢否不
齊難以一槩指論而謹嚴於先事防杜其將來亦不
可不重為之慮也所據都御史趙載條陳重譯使一
節相應依擬及查回回館署丞白傑序班王鳳鮮明

丁憂通事鎖守貴候缺通事撤文奇俱係漢回合無
候命下之日通飭送鴻臚寺各帶俸支米候有別國
員缺考改其前項員缺一面行邊訪保一面行鴻臚
寺查取見在人員精通回語及行止端莊者各送部
考補仍行鎮巡等官今後如遇回夷入貢伴送通事
亦用中國精通回語之人不得差委漢回致生奸弊
臣等再照各國序班通事以上人員雖在鴻臚寺帶
銜而職專朝貢實隸本部掌行切緣各官止是考滿
經由本部况考語亦馮該寺開送中間賢否慢無可
稽是以此輩敢於為非無所顧忌合無行令該司及

南宮奏議

卷五十九

六

銓山堂

聖旨准議

議處土魯番夷人進貢

該巡撫甘肅右副都御史等官牛天麟等會題內開
臣等會同鎮守太監廖斌總兵官姜夔議照魯番速
壇滿速兒等番本一百三十五紙正副使從人滿刺
失納咱兒等二百九十四名口撒馬兒罕并附搭額
即訛伯等番本一百一十九紙正副使從人火者也

此等二百九十七名口天方國寫亦納速魯兒丁等
番本四十一紙正副使從人寫亦陝西丁等一百名
魯迷沙速來亦蠻等番本三十三紙正副使從人火
者下即力等七十五名哈密衛襲職未回都督米兒
馬黑木母古力比扯等番本二紙正副使從滿刺馬黑
麻等三十名本衛伴送各地面夷人滿刺搭兒馬黑
麻等四十名各該地面買賣夷人火者阿克力等一
百九十一名口各番本內詞語悉皆遵照舊規感恩
獻貢祝讚 皇上福壽萬年江山平安大畧相同所
據前項夷人并原進馬匹方物既經各官審處明白

南宮奏議

卷五十九

七

銓山堂

相應照例起送但土魯番速壇滿速兒番本內稱求
討牙木蘭及欲奏討和番賞賜天方國寫亦納速魯
兒丁番本內稱使臣寫亦陝西丁不圖賞賜乞要見
過 朝廷金面遊轉地方觀看景致直到海邊然後
打發出來等情查得速壇滿速兒先年求討牙木蘭
并和番賞賜已該兵部會同多官計議奉有 明旨
曉諭朝貢夷使傳示本夷謹修職貢不許仍前浮言
奏擾 宸斷赫然豈容別議其天方國夷使寫亦陝
西丁遊轉地方雖若仰瞻我中原山河之意恐亦未
必不因之以覘我內地之虛實也必須廷臣會議取

自 上裁及照各夷番本繁疊稱王數多希求不貲
臣等再四審問各夷始終執稱各有地面城土管束
人衆自來稱道番王名色蓋遐方夷狄原非素附之
國不係我 朝封貶委亦無憑稽究再照前項夷使
雖經會行陝西行都司掌印并肅州兵守等官照例
每十人起送二人及土魯番天方國各止例外多添
一人但今入關夷人比之先年爲數尤多臣等慮恐
賈胡之心貪得無厭將來倣倣番本益增夷使愈多
必須裁定額例方免異日增添紛擾之弊伏望 勅
下該部會同府部寺院科道等官從長計議合無將
南宮奏議 卷三十九 八 鈔山堂

却乃故違 明旨襲稱王號倍遞番文連絡入關視
昔益衆該邊重臣自合遵照節奉 明旨督令所屬
千戶通事等官嚴加曉諭阻回其衆或先事請命於
朝以爲進止顧乃一槩濫放入關及先行起送土
魯番人來京似此姑息依違地方何所倚賴所據甘
肅鎮守等官相應照依先年事例 降勅切責其守
關呈報人員徑行御史查提問罪庶足以示懲戒其
土魯番夷人既經起送在路似難中止合候彼夷到
京之日本部會同兵部從長計議上請處分天方等
國未經起送夷人合候命下轉行都御史等官督令
南宮奏議 卷三十九 九 鈔山堂

土魯番等各地面以後進貢夷使俱比照肅州衛寄
住哈密衛都督毗吉孛刺等事例酌量刪定等因奉
聖旨禮部看了來說欽此臣等看得都御史牛天
麟題稱土魯番等夷使乞要比照哈密衛都督毗吉
孛刺等事例酌量名數進貢各一節照得我 祖宗
撫有四夷其在西邊特設哈密以爲西域諸戎之控
制至錫之王號假之貢期正以其効力 國家庸示
優待之意各夷入貢限期人數俱有 累朝定例稍
或過多輒行阻回今土魯番等處入貢正係年例而
各夷人數自合照常入關并各頭目合稱本等名色

千戶通事人員開誠曉諭一依先年事例應阻回者
阻回應起送者起送務在昭德布信正以大義其天
方國寫亦陝西丁求要遊轉地方觀者景致 國家
百七十年諸夷來貢並無此等恩例而該國遠在西
域其欲遊覽中土意果何在恣肆奏擾冒瀆 天聽
所宜嚴禁痛絕以破其奸使知 朝廷有不可犯之
威有不可變之例庶幾外夷懾服而中國之勢以尊
矣嘉靖十七年正月十五日奉
聖旨依擬寫亦陝西丁不許起送
議處番夷候貢事宜

看得巡按陝西監察御史顧堅會同巡撫甘肅都御史丁汝夔各題稱土魯番等處地面差來夷使米列阿都寫民等各夷齎進番文馬匹方物前來進貢限期未至相應阻回但恐深拒太甚則失遠人傾慕之心若容久住候期又恐別生意外之患除買賣夷人哈只馬黑麻等七十五名照例行令買賣畢日照名督發出關及將火者皮列遵照先奉 欽依事理阻當關外不許進入仍一面將米列阿都寫民等多方撫阻及加謹關防備嚴禁軍民人等不許交通乞勅下該部從長議處一節為照土魯番進貢以五年一貢之期例該於嘉靖二十年方纔入關二十一年起送到京今夷使米列阿都寫民等已於十八年入關則是先期二年矣揆厥所由乃奸夷火者皮列先以兇惡獲罪而歸輒敢撥置番王違亂貢例誘眾而來本當阻回但該鎮巡等官具奏已經諭阻米列阿都寫民等告稱路遠艱苦自陪口糧在彼住坐以候貢期是各夷自知違例之罪今夷眾安插日久勢難中遏所據住候貢期已經鎮巡等官議奏前來相應酌處合候命下本部備行都察院轉行撫按等官再加省諭果無別情聽其自陪口糧在彼住坐但要嚴

南宮奏議 天卷三九 十一 鈐山堂

加約束不許容縱地方軍民交通生事候至該貢之期再無各夷重遣貢使照例起送赴京進貢其火者皮列仍行彼處回夷國王知會查照究治以懲其奸庶法例昭明遠人知所遵守而夷情俯順亦不至於失其所矣嘉靖十九年七月初八日奉 聖旨是這夷人違例進貢本當阻回既各夷哀告路遠艱苦愿自陪口糧在彼住坐以候斷期便行彼處撫按官再加省諭果無別情依擬行還要嚴加約束不許容縱地方軍民交通生事候至貢期再無各夷重遣貢使照例起送赴京火者皮列仍行彼處國王知道查照究治以懲奸惡

南宮奏議 天卷三九 十一 鈐山堂

南宮奏議卷第二十九

南宮奏議卷第三十目錄

夷情五

議處日本朝貢事宜

會議日本朝貢事宜

請禁革朵顏三衛求添入貢人員

議量加朵顏三衛夷人賞賚

議止奏討朵顏三衛夷人犒勞段疋

琉球國解送通番人犯

南宮奏議

卷三目錄

一

鈴山堂

南宮奏議卷第三十

鈴山堂集七十

夷情五

議處日本朝貢事宜

該巡按浙江監察御史傅鳳翔鎮守太監劉福各題
 嘉靖十八年五月十四等日見梁瓊等洋有夷船三
 隻上掛日本國進貢旗號等因前來隨令各該海道
 把總等官督令通事譯審得日本國使臣碩鼎等呈
 稱到臣為照日本國自嘉靖二年自啓慶端奉有
 明旨阻絕進貢將一十七年矣今據使臣碩鼎等來
 貢節該書呈情詞懇切及稱前犯罪人宗設等逃往
 朝鮮國被殺指揮袁璉等中途沒亡俱無的確堪信
 欲遵 明旨仍前堅却但其卑詞效順別無變狀勢
 難阻遏及照宋素卿先該浙江按察司問擬謀叛中
 林望古多羅故殺人俱斬罪已經轉詳都察院題奉
 欽依處決人犯今據探哨人詢得宋素卿有二子在
 船未據審究情偽擅難定擬如蒙 皇上憫其悔悟
 之忱略其蒙昧之罪乞勅該部再加詳議合無令臣
 等遵照舊例同都布按三司堂上官各一員開盤方
 物見數起送另行具奏施行庶外夷納款之情得以
 自通而邊海軍民亦免警擾之患等因俱奉 聖旨

南宮奏議

卷三

一

鈴山堂

該部知道欽此為照日本國例該十年一次入貢自嘉靖二年宗設等來貢逞兇構辭擄去官軍情罪深重其宋素卿等已經問擬斬罪見在監候處決其無罪妙賀等六十七人又經給遣歸國迄今兇惡宗設等未縛原擄官素璉等未歸奉有前旨不許通貢而該國遣使復來據其呈稱宗設素璉等遇風亡沒亦無的確且又邀求宋素卿等重罪夷犯其情可惡所據夷使碩鼎等來貢應合阻回但據浙江鎮巡等官合詞具奏彼夷航海遠來卑詞效順別無變狀勢難阻遏咸望 皇上憫其悔悟之忱略其蒙昧之罪

南宮奏議 天卷三 二 鈐山堂

欲行照例開盤方物見數起送庶通外夷納款之情亦免邊海軍民警擾之患臣等看得前項事情既該彼處地方官員議奏前來似應酌處合無候命下行令巡按浙江監察御史市舶內臣督同三司堂上官親詣該府再加譯審差來使臣碩鼎等究問兇惡宗設等如果亡故是實許令照例起送五十人差官嚴加防護赴京進貢不許在途生事惟復遵照前旨阻回不許通貢伏乞 聖裁其宋素卿等係重刑人犯合行巡按并三司守巡等官仍前監候所稱二子在船亦合訪究真偽或別行區處從長議擬作急聞奏

定奪毋得輕忽致生別變嘉靖十八年閏七月初七日奉

聖旨這夷情誦詐難遽憑信還着巡按御史市舶內官督同三司堂上官嚴加譯審委係效順納款別無藏蓄異志准照例防送五十人進貢宋素卿等監候處決巡按御史守巡官仍嚴禁地方軍民人等不許私與夷人交通及嗜利背義賣鬻男女或聽哄誘潛從叛逆事發奏聞處以重刑其餘依擬

會議日本朝貢事宜

該禮科都給事中丁湛等題稱該禮部題為進貢事奉 聖旨這夷情誦詐先年勘合未經進繳應否置立再給邊備查舊例詳議來說欽此臣等切惟日本自近年宗設之亂致擾一方已奉 欽依不許通貢矣今次復遣使臣卑詞效順 皇上天度恢宏不吝既往特賜來廷至其所請數事率非可從勘合一事必繳舊給新交相授庶幾有所憑執而不至為偽托者之所罔今乃先年勘合未經進繳而遽欲重復頒給萬一為其所罔則將何以處之臣等又聞之倭夷自漢魏以來始通中國至勝國時許其互市少有不愜輒殺掠燒劫以去始為瀕海郡縣之害我 聖

南宮奏議 天卷三 三 鈐山堂

祖以神武定天下四夷咸賓雖西北勁虜亦皆款塞
惟是倭夷時或犯我海道又暗通姦臣謀為不軌以
故絕之明載 祖訓昭示久永臣等竊謂是後倭夷
再來修貢仰承 祖訓却而不受以示天朝不通無
禮義之國等因奉 聖旨這本說的是禮部便會同
兵刑二部都察院詳議來說欽此臣等會同看得禮
科都給事中丁湛等題稱日本國進貢所請數事率
非可從不必屈徇所請輕授勘合為其所罔及欲將
宋素卿等速正典刑以絕戎心及先事戒飭巡海巡
捕等官并禁約地方交通夷人之徒及稱再來修貢
南宮奏議 卷三 四 鈐出堂

故而禮遇之故自 成祖文皇帝元年已容其入貢
二年始賜國王誥命金印永樂大統曆及文綺古器
書籍等項恩賚甚厚自是歷累朝 列聖皆容其入
貢至我 皇上嘉靖二年因使臣宋素卿等逞兇構
亂干犯天紀奉有明旨不許通貢者一十七年此我
皇上絕之之心即 太祖之心也春秋懲其不恪
之義也昨歲據浙江鎮巡等官監察御史傅鳳翔等
合詞奏稱該國遣使臣碩鼎等航海遠來卑詞納款
別無他故乞照例起送以通外夷納款之情亦免邊
海軍民警擾之患該禮部議擬合無行令浙江各該
南宮奏議 卷三 五 鈐出堂

防其偽罔似難再議外為照禮部主客一司專職四
夷進貢但係 祖宗以來例該入貢之國赴京有常
期夷使有常數進獻有常物宴賞有常格一應事宜
俱照常題請舉行茲者日本之夷仰遵 明旨既已
容其入貢雖其所請三事委涉非分已經禮部面詰
其使以義裁之彼帖然而畏服矣茲復議絕之似出
無名且王者之馭四夷有不庭也則征之今來貢也
絕之恐無以感興四夷嚮服之情所據外夷進貢關
係甚大應否禁絕 臣等揜難輕議但往後入貢事宜
要當預為之處合無禮部查照大明會典及嘉靖六

南宮奏議

卷三

六

鈐山堂

年題准事例移咨該國務要遵制十年一貢夷使不
過百名貢船不過三隻勿得指貢多帶兵器別起事
端如貢不及期人船過額及文移詞語不順使臣不
恭求討非禮等項聽浙江巡按御史徑自奏請阻回
不許起送則法制允釐恩威並著既不拒其來王之
誠而亦遏其非禮之望矣伏乞 聖明裁奪 臣等又
議得該科要將宋素卿等速正典刑以絕戎心而昭
國憲一節查得嘉靖四年先該戶科左給事中劉穆
巡按浙江監察御史王道奉勅會問宋素卿犯該謀
叛者律中林望古多羅犯該故殺者律各斬已該刑

部覆題節奉 欽依依擬處決續該巡按浙江監察
御史傅鳳翔題為進貢事又該禮部覆題節奉 欽
依宋素卿等監候處決合候命下移咨都察院轉行
浙江巡按監察御史會同都布按三司掌印守巡等
官再審無異遵照節奉 欽依處決則典刑正而國
憲昭委亦制馭夷情之一端也及照近來沿途備倭
衙門武備久弛防禦或疎况今倭使貢畢回還慮恐
生事重為民害合備行浙江福建直隸廣東山東撫
按等官督率備倭巡海等官通行沿海衙門操練官
軍鋒利器械整理戰船修補墩臺習占風候以備不

南宮奏議

卷三

七

鈐山堂

虞各該官員若有失於防禦以致貽害地方者責有
所歸及行寧紹等府地方嚴禁軍民人等不許交通
夷使嗜利起釁但有違犯者即便叅究訪拏從重問
擬發落兵部仍馬上差人行令浙江巡按等官將見
在夷人嚴為提備速之出境不許延住仍將發遣回
夷使起程日期徑自奏聞以上俱候命下通行各該
衙門一體欽遵施行嘉靖十九年六月初八日奉
聖旨這夷情既會議停當都依擬行欽此
請禁革彙類三衛求添入貢人員
看得整飭薊州等處邊備都御史等官徐錦等題稱

朶顏衛都督革蘭台帶領部落一百餘名到關稱說
收捕達賊要奏討六百人進貢一節為照 國朝設
立朶顏等三衛錫之勅命授以官秩每年許其兩次
朝貢賞給特厚比之他夷或三年五年十年一貢者
不過數十人其數既倍而國恩有加正以其密邇邊
鄙先世効順而使之為我東北蕃籬歷年以來遵行
已久貢有常期員有定數賞有常格典制所關實難
增改所據該夷自稱收捕達賊事情有無俱不可知
無從查究夷性詭譎不過假此以圖增貢貪求恩賞
情狀可見若不預先區處誠恐臨期別生事端以開
南宮奏議 天卷三 八 鈐山堂

邊患合候 命下之日本部移咨兵部轉行彼處鎮
巡等官責令通事人等從宜撫治諭以 朝廷恩威
令其回還悔罪改過安分守法務遵歷年舊制依期
驗入朝貢不許妄行求請增添以速罪戾仍行各該
總兵守備等官通行沿邊大小將領比前嚴加隄備
將各關寨墩堡軍卒從宜添補完足務使烽燧警策
法令嚴明則外夷聞風而知畏矣嘉靖二十年五月
二十三日奉

聖旨是兵部便行文鎮巡官省諭阻回只照常驗放
入貢不許增添一人

議量加朶顏三衛夷人賞賚

該整飭薊州等處邊備右副都御史徐嵩題稱嘉靖
二十年五月內准兵部咨為夷人乞要增添進貢事
臣等以 朝廷恩威曉諭責其妄求添貢及遲慢之
罪革蘭台等叩首悔謝隨於本日將進貢人馬公同
照常驗放三百名數畢次日將預備鹽米段疋酒肉
逐一犒賞示以 皇上賜賚厚恩及照革蘭台告稱
官職要略比常加大及收捕做賊達子無喫無穿要
為奏處一節臣等竊惟自去年冬至今地方晏然比
之往年搶掠人畜殺傷官軍慘毒不可勝言者其功
南宮奏議 天卷三 九 鈐山堂

亦可嘉尚誠能即今因其願報効之時或量加陞賞
仍令其愈加用心管束收捕若有侵犯大則拒絕剿
滅次則革去職賞則彼貪我之利而益有感恩圖報
之心畏我之威而不敢肆其犬羊貪噬之性地方亦
可望於無事矣臣等因其告說輒敢上陳伏乞勅下
該部從長計議等因奉 聖旨該部便看了來說欽
此看得朶顏等三衛夷人進貢先該本部具題奉有
明旨着撫按總兵等官再行省諭責以大義姑容補
貢已經行令各官遵行去後今該都御史徐嵩具奏
前來開稱巡關御史翁五倫責令通事人等授以曉

諭宣示國威遂致各夷感激大恩叩首悔過照常乞
 貢已於本月初一日各夷俱已到館此實由我 皇
 上神謨英斷威震遠夷不煩天討而醜類自爾輸誠
 懾服不敢復有增貢之請惟是該夷入貢往往愆期
 據法應該究治但都督革蘭台執稱為天雨所阻又
 被黃毛達子來搶所以來遲察其情詞似亦有因伏
 望 皇上特垂優恤俯賜寬宥本部仍行令提督主
 事施千祥督同通事人等嚴加省諭今後務要依期
 進貢不許遲慢以自取罪戮再照都御史徐嵩奏稱
 自去年冬至今沿邊未有夷賊侵犯地方晏然異於
 南宮奏議 卷三十一 鈔出堂

往昔未必非本夷收捕之功今因其報効之時或量
 加陞賞令其愈加用心管束收捕則彼益有感恩圖
 報之心臣等看得徐嵩所奏蓋亦懷遠人以安地方
 至計既該邊臣所請且本夷節次告稱窮乏乞哀之
 情合無於今次常貢正貢之外將都督革蘭台量給
 賞資以示國家酬獎之典不為常例其所稱加大職
 事鈐束部落一節事隸兵部掌行應否加賜該部徑
 自查議題覆施行嘉靖二十年九月初五日節奉
 聖旨是今次正貢之外量加賞資以示酬獎不為例
 議止奏討朵顏三衛夷人犒賞段疋

該總督薊州等處軍務兵部右侍郎兼都察院左副
 都御史胡守中題奉 聖旨該部便看議了來說欽
 此看得侍郎胡守中奏討綵段疋疋以充犒賞一節
 臣等切思本夷今次補貢荷蒙 皇上既赦後期之
 誅復加殊格之賞 聖恩已極寬大及聞昨來都御
 史徐嵩御史翁五倫於本夷入關之時已經於常例
 外又措官錢增賞段疋等項各夷俱已感悅夫此舉
 出自邊臣行之事體頗善猶恐後作為例今若又以
 欽降段疋解送出邊不無長其驕傲之習抑且啓
 其貪得之望犬羊之性無厭將來或執為歲例奏擾
 南宮奏議 卷三十一 鈔出堂

貪求不滿所欲適足啓釁前項綵段疋疋似未可輕
 議給發合無本部行移本官會同撫按官再行計議
 將附近所屬動支無礙官銀從宜買辦綵段疋疋以
 為軍門一時犒賞後不為例如此則恩威並著而夷
 虜益知感懼矣嘉靖二十年九月二十五日奉
 聖旨是只着胡守中會同撫按等官置辦綵段疋疋
 以充軍門犒賞後不為例

琉球國解送通番人犯
 該巡按福建監察御史徐宗魯題稱犯人陳貴等節
 年私駕大船下海通番夷人蔡廷美等招引入港曾

與貿易今因爭利彼此互相殺傷該國中山王將陳貴等咨稱爲賊遣差蔡廷美解報資本稱要起送赴京奏聞及稱乞勅責中山王尚清禁緝夷衆毋得輕與中國交通貿易以絕弊端各一節臣等看得奏內陳貴等七名節年故違明禁下海通番貨賣得利今次適遇潮陽海船二十一隻稍水一千三百名彼此爭利互相殺傷蓋禍患所由起自陳貴厥罪實深重矣但該國既知陳貴等違法私駕大貨船到國只合遣人送回 天朝自有昭然憲典却乃縱令齎執牌面招引入港接賣貨物據陳貴等所供二十六船貨物俱被彼國盤起顯是該國利其所有因議價不同彼此互相攻殺遂從而誣之爲賊夫航海萬里深入島夷衆寡之勢自不相敵而曰爲賊此事理之所必無者也據陳貴等執稱攬載各主貨物俱有各籍姓名通商來歷原非作賊人犯况國王咨內亦云連年入境貿易與陳貴等供招相同今既經巡按御史徐宗魯委官會議重復駁問明白除陳貴等違法通番查照律例處治外所據該國巧捏虛詞冒瀆 天聽事屬不恭情甚可惡參照琉球國中山王尚清世荷聖朝素霑 皇化恩賚特厚禮遇攸隆自合格遵

典制未效恭慎却乃縱容夷人屢次交易不行禁緝又復奪取貨物羈留人衆不行究治及至各犯亡命四出方纔懼其歸愬 朝廷徐議遣使稱奉指以解賊爲名既貪貨倖之入已又捏虛詞以誣人伏望 皇上天語切責以戒欺慢候命下本部備行福建布政司移咨戒諭着令中山王尚清自反已過嚴緝夷衆以後不得輕與中國商民交通貿易致生亂釁其夷使蔡廷美等原係招引通商人犯本當收留監禁以候處分但念彼國王遣差及猶執詞互異姑從寬宥所奏夷本不必更令瀆進其無搭番貨於例有違亦合着令帶回及查去歲該國進貢使臣殷達魯等回還計抵柔遠驛即將所移咨文付彼齎達彼國并蔡廷美等責付率領同回再照近來沿海巡視守備等衙門防禁太疎以致奸商肆意出沒海島交通番夷其弊固非一日若不重加禁治將來損威起釁又不特如陳貴等而已所據各該守巡備禦等官通合有罪除巡按御史徐宗魯題稱查明徑自參究外合候命下本部移咨兵部轉行各該巡海衙門務要嚴飭武備不時哨探以防後患庶法令修明而邊釁可息矣嘉靖二十一年五月十八日奉

聖旨是陳貴等一千違法通番人犯着各該地方查勘明白遵照國法從重處治玆球國既屢與交通今次乃敢攘奪貨利擅自拘殺我人却又誣以為賊奸生詭逆不恭夷使蔡廷美等本當拘囚重處姑念國王且從寬放回今後再似這等生事絕其朝貢便備細行與該國知悉



端簡鄭公奏議叙

門人項篤壽撰

夫敷奏之典昉於虞廷所以潤色王猷鋪張峻績理道所關者也顧熙運艱值泰交鮮終賈傳策侷伊管而前席不遐陸相志幹璿衡而台階未遠斯明良之遇寥寥於簡編而雍和之盛罕聞於後也昔

叙

一

萬卷堂

先皇帝勵精圖治寤寐英賢我外舅澹泉鄭公會邁雲龍望懸柱石始試職方尋典選部既而遠播南國稍遷留省即案牘在笥亦因人成事不足存也甲寅乙卯之際海若多虞東南騷動輓途既阻饑饉荐臻公被命開府兼督漕儲乃議築議濬請餉請兵增張官吏控制要害莫不動中機宜

畢協羣策以戰則克以守則完膚績所奏頰膺上賞他如錄功罰罪賑貸蠲徵又足以勸良策鈍弭災濟變此建白大槩可紀於淮陽者也已而召自南服入佐天官甫縮留鑰未發詔還簡領戎政協贊經畫屬草不存會雲中紛擾右衛合圍適三司馬缺人公已晉陟司寇特旨兼署樞務時勢

叙

二

萬卷堂

切疾雷機難終日公獨運精思上資宸斷千里勝負決於帷中方且有事公功戎夫執役者十蓋六七勞止弗息失伍良多公乃抗章上陳得報免役焉則又兼文武之資猷稱禁帷之頗牧此建白大槩可紀於本兵者也庚申之歲留都戍卒因饑憑陵敢行稱亂

帝怒斯赫謂禍因有激罪在發難欲赦
過弗問公獨奮然曰豐鎬舊京堂構
斯在豈可自弛王章坐成汚俗若是
可忍孰不可容遂累章執奏得請後
已蓋所關國是毛髮必爭苟涉身謀
山陵不比諸所詳讞務在屏斥回壬
振揚法紀至於言官詔獄則力為營
救邊臣失律則曲與論功即未能盡

叙

三 萬卷堂

如平反減從末條然亦可稍回

聖心因而開釋者多矣此建白大槩可
紀於刑曹者也夫公家居敦孝友之
素立朝著蹇諤之風籌邊展匡攘之
畧典獄弘敬忌之能注措大端蓋已
略存此編顧其慮事雖詳而宅心博
大發言殊峻而作用弘舒每見議論
煩苛法網滋密輒愀然不怡此又邁

辛生之先識抱范氏之隱憂沉機朗
鑒固非淺陋之所能窺也夫其愛君
憂國之忠博古通今之學自炎漢以
來罕有出公之右者譬諸麟鳳之靈
為禎熙代瑚璉之美必薦明堂而乃
浮沉常調晦掩晶瑩更陟艱危不專
履順即荐登八座不為不遇而長才
遠略未究施為况復苛姦憮人揣摩

叙

四 萬卷堂

風旨妄執憲章上撓天聽自非

先皇明聖知公執法則東陽洛灌之說
寧獨懷陸賈而興嗟哉篤壽執經門
館筆札見遺感知已以深惟懷舊德
而何極顧養疴多暇稍事編摩爰檢
藏書緝奏草若干篇為類者三列卷
者十有四俾鈇之梓以俟來括
昔

隆慶辛未暮春禊日書于寶墨山房



叙

五

萬卷堂

鄭端簡公奏議目錄

卷之一

淮陽類

謝恩疏

交收 勅諭 符驗關防疏

請給 勅諭疏

告謝河神疏

添設沿海把總疏

遵 勅旨明職掌以防倭寇疏

擒斬倭寇疏

鄭端簡公奏議目錄

一

萬卷堂

重大倭寇乞處錢糧疏

添設兵備官員疏

十分緊急倭寇疏

河道疏

倭寇劫掠河道淺塞航誤糧運疏

復設江南管河官及參究違誤運務官員疏

薦參政胡松疏

乞留軍職官員疏

擒斬倭寇首惡疏

剿逐倭寇疏

卷之二

淮陽類

遣祭 基運 翔聖山神疏

擒剿倭寇疏

乞收武勇亟議招撫以消賊黨疏

添設官員疏

水旱倭寇乞蠲夏稅疏

倭寇燒燬糧船疏

倭賊燒燬糧船比例折兌疏

糧運過淮疏

鄭端履奏議目錄

二

萬卷堂

預處來年江南沿海漕糧疏

久任理刑疏

修築城寨疏

勘辦冤抑疏

進繳 勅諭疏

卷之三

淮陽類

補造運船疏

倭寇燒劫糧船疏

漕運議事疏

卷之四

淮陽類

添設沿海把總疏

保留徐州兵備李天寵疏

議處驛傳疏

定議江南江北兵糧疏

請發銀兩築城疏

參浙江運糧把總吳韜疏

奏報賑濟疏

剿逐倭寇查勘功罪疏

鄭端履奏議目錄

三

萬卷堂

卷之五

淮陽類

東兵過淮疏

陵寢工程銀兩疏

開設干羅巡司疏

地方秋災乞免糧議賑疏

拏獲強盜疏

查催補造糧船銀兩疏

拏問鎮江管河官員疏

預處來年漕運疏

倭寇登劫疏

招撫流民疏

剿滅江北倭寇疏

卷之六

淮揚類

申明兵備職掌疏

剿平倭寇首級疏

佃種昭陽湖櫃外餘田疏

秋災再請蠲減稅糧疏

挑濬河道疏

鄭端簡奏議目錄

四 萬卷堂

剿滅江北倭寇查勘功罪并乞預為防禦疏

卷之七

淮陽類

謝 賜銀幣疏

建三里溝閘疏

預徵馬匹折銀疏

保留知府雷達給由疏

申明三湖禁例疏

叅屯官侵欺倉糧疏

叅軍官索詐白糧船疏

乞專官練兵拱護 陵寢及留沿海春班官

軍疏

瓜洲築城疏

卷之八

淮陽類

謝陞俸給 賜銀幣疏

議變塘田湊築瓜城疏

議留朝 覲正官疏

四奏災傷折徵秋糧疏

議請餘鹽鈔課放支淮安官軍俸糧疏

鄭端簡奏議目錄

五 萬卷堂

火燬糧船疏

奏巡按御史劉世魁養病疏

回奏賑濟舉劾疏

濬完運河疏

叅廠官侵欺船料疏

卷之九

淮陽類

剿逐倭寇疏

議借糧銀以備軍餉疏

便宜行委叅將防守淮城疏

急缺分守通泰將官疏

浙西漕糧疏

官軍奮勇殺敗大勢倭寇疏

奏報清理罪犯疏

異常水雹疏

修理陵墳告成疏

陵墳工完請官告謝疏

停建江閘疏

生擒首倭斬獲首級疏

斬獲倭寇首級疏

鄭端履奏議錄

六

萬卷堂

斬獲倭寇首級生擒姦細疏

奏繳挑濬淮安河工錢糧疏

卷之十

淮陽類

乞留江北府州預編徑銀疏

剿逐江北倭寇疏

剿滅淮北倭寇疏

斬獲江北倭寇疏

備運糧儲疏

剿逐江北倭寇疏

鹽法莫御史奏功附錄

進繳勅諭疏

薦舉兵備官員疏

公舉劾以勵庶官疏

舉武職以備擢用疏

薦舉境內人才疏

兵部題請陞賞錄廢疏附錄

卷之十一

兵部類

掣做工京營正兵疏

鄭端履奏議錄

七

萬卷堂

會議做工軍夫疏

查催覈冊疏

叅大同撫鎮朱笈龔業疏

覆大同右衛兵糧疏

議處重鎮將官疏

會議大同巡按欒尚約條陳兵餉疏

覆給事中徐浦條陳疏

覆御史王本固倭寇疏

兵部印信疏

選軍疏

大工軍役疏

取用錢糧疏

卷之十二

刑部類

奉旨從重擬罪疏

擬大同撫按官楊順路楷罪疏

薦文武官疏

明職掌疏

參參將周現疏

參武選郎中盧岐疑疏

鄭端簡公奏議目錄

八

萬卷堂

參福建巡撫阮鶚疏

覆南京刑部詞狀疏

會看查勘吳嘉會修邊疏

看議知府宿應麟等疏

看擬科道官查勘楊順路楷疏

覆兵科給事中鄭茂條陳殘割被害漢人首

級疏

卷之十三

刑部類

進繳勅諭疏

參巡撫趙忻等疏

問擬巡撫朱笈疏

覆陝西總督魏謙吉疏

定擬葉宗文冷光裕等罪疏

擬總督王忬等罪疏

覆題余大猷等立功疏

卷之十四

刑部類

會題詳議賊犯王直等疏

參提成安伯郭應乾疏

鄭端簡公奏議目錄

九

萬卷堂

擬知縣胡美罪疏

參提知縣周孔徒等疏

會題處置南京叛軍疏

申明律例疏

辯御史鄭存仁欺罔疏

認罪回話疏

嘉市現氏

萬濟平所

鄭端簡公奏議目錄終

鄭端簡公奏議卷之一

門人項篤壽校梓

淮陽類

謝恩疏

奏為謝 恩事臣於嘉靖三十三年正月二十四日
接到吏部咨為缺官事該本部會題奉 聖旨鄭曉
改兵部右侍郎兼都察院右僉都御史總督漕運兼
巡撫鳳陽等處地方寫勅與他欽此欽遵備咨到臣
本年二月十一日臣至揚州府准前任總督漕運兼
巡撫鳳陽等處地方兵部左侍郎兼都察院右副都

鄭端簡公奏議卷之一

高卷堂

御史吳 將原奉備賑救荒督造黃冊查催班操

勅諭三道 符驗一道漕運巡撫關防二顆吏卷咨

臣接管當即望 闕叩頭謝 恩恭候 勅書至日

欽遵外伏念臣草茅賤品樛櫟庸流幸遇 龍飛之

始獲隨鴻漸之班歷任兵曹備員宰屬 留都甫及

十載卿寺已叨五遷未能效力於涓埃惟知感恩於

天地比蒙疊至之 寵復領兼授之銜昇漕輓之攸

司仍拊循之是寄 帝鄉四郡表裏徐揚 京儲萬

艘襟喉水陸蓋欲足兵而足食務在裕 國而裕民

苟非其材曷稱斯任伏惟 皇帝陛下 蘊聰明睿

智之資 備聖神文武之德 堯仁舜哲既知人而
又愛人 乾始坤成有容物而無棄物至如臣者徒
知章句何異面牆頗習農桑未諳錢穀方自慚其瘵
曠每深省於愆尤詎意疇咨誤膺 懋簡顧惟職守
之愈重益知稱塞之彌艱臣敢不勉竭愚衷祇承
明命問閭閻之疾苦求所以宣 上德而達下情考
決塞之便宜庶幾乎順天時而因地利伏願 帝德
廣運 聖祚隆長 有開必先邁周家之豐鎬 無
思不服陋唐室之江淮奠 壽域於八荒 求保海
晏河清之盛華 皇圖於萬世遠紹 祖功 宗德

鄭端簡公奏議卷之一

高卷堂

之休臣無任仰戴 天恩感激屏營之至嘉靖三十

三年二月十五日 進奉 聖旨禮部知道

交收 勅諭 符驗關防疏

題為交收 勅諭 符驗關防事照得臣於嘉靖三十

三年正月二十四日准吏部咨為缺官事該本部

會推題奉 欽依改臣前職隨於本年二月十一日

前到所屬揚州府准前任總督漕運兼巡撫鳳陽等

處地方兵部左侍郎兼都察院右副都御史吳 咨

將原奉備賑救荒督造黃冊查催班操 勅諭三道

符驗一道漕運巡撫關防二顆各捧送到臣除望

闕叩頭謝 恩接管行事外嘉靖三十三年二月十五日 進奉 聖旨該部知道

請給 勅諭疏

題為請給 勅諭事嘉靖三十三年二月十一日准 原任總督漕運兼巡撫鳳陽等處地方兵部左侍郎 兼都察院右副都御史吳 咨為交代事內開本官 近奉招撫營田督理海防 勅諭各一道原係坐名 應該 進繳咨行徑自題 請遵行等因到臣為照 即今海防正當多事之秋而營田又係地方急務所 據本官原奉坐名 勅諭既經 進繳今臣接管相

鄭端簡公奏議卷之一

三

高亮堂

應 請給除督行撫處不敢怠誤外如蒙乞 勅戶 兵二部查照原議上請 頒給庶便欽遵行事嘉靖 三十三年二月十五日 進奉 聖旨該部知道

告謝河神疏

題為黃河淤塞異常乞 賜亟處以重漕務以安地 方事嘉靖三十三年三月初四日申時准禮部咨准 工部咨稱看過去歲河流泛溢糧運梗塞上厓 聖 慮特允輔臣之議 遣官祭告河神修築疏濬茲甫 六月之瞬河工告成水歸故道本年漕艘如期早達 其感應之機既已著昭則祈報之典難以偏廢欲乞

勅下禮部查議題 請舉行庶幾河流永正而 國

計有賴等因節奉 聖旨告謝河神禮部奏來行欽

此欽遵查得嘉靖三十二年二月內該本部議覆今

次黃河興工疏濬須仗 聖誠感孚庶幾神效其靈

所據大河之神東嶽泰山之神東鎮沂山之神徐州

洪金龍廟呂梁洪神廟清河天仙水母廟邳州河神

廟及沿河一帶靈感應祀諸神俱應祭告已經題奉

欽依行彼處漕運都御史等官分詣祭告外今該前

因看得徐邳河道疏濬告成實我 皇上至德感格

上玄所致而諸神陰佑默相之力亦有不可誣者所

鄭端簡公奏議卷之一

四

高亮堂

據告謝之典委應舉行合候 命下行移翰林院撰

告文太常寺差屬官一員齋捧香帛前赴彼處總督

漕運都御史管河都御史山東巡撫都御史動支官

錢買辦祭品照依前次祭告諸神各隨所近地方竭

誠致祭其沿河一帶顯應諸神仍聽各官分委各府

州縣正官一體告謝事畢之日通將告謝過神祇各

另具奏未敢擅便等因題奉 聖旨是欽此欽遵備

咨前來隨該太常寺博士李東華齋捧告文香燭帛

到臣遵照前次祭告諸神各隨所近地方致祭查得

清河 天仙水母廟之神係淮安府地方即行該府

動支官錢買辦牲醴祭品臣擇於本月初八日先期齋戒竭誠祭告其邳州河神廟之神行令淮安府署印同知呂尚古及查靈感應祀河淮二瀆之神天妃聖母之神靈應陰澤侯之神龍王廟之神平江恭襄侯之神俱各備牲醴併行令通判党淳知縣史朝宜縣丞劉鮮教授仇俊卿等亦各先期齋戒於初十日分投一體竭誠致祭訖竊惟 國家財賦仰給東南而淮徐一帶河道實係通漕要路去歲河流泛漲糧運梗阻田廬淹沒民不聊生上厯 聖慮遣官祭告河神修濬未幾工即垂成水歸故道百川朝宗萬艘

鄭端簡奏議卷之一

五

高卷堂

通利商賈輻輳軍民奠安復荷 聖明畱念 遣官頒賜祝文香帛前來告謝臣竊待罪漕司仰見我皇上純誠粹德 天神感孚地靈效順人心豫說國儲豐盈實 宗社萬萬年無疆之休也臣等幸甚天下幸甚嘉靖三十三年三月十一日 進奉 聖旨該部知道

添設沿海把總疏

題為比例添設沿海把總官員以便防守事臣會同巡按直隸監察御史李逢時議照近准兵部咨該巡按直隸監察御史孫慎題要添設南漕所吳淞江劉

家河鎮江各把總官統馭該本部議擬如係千戶量陞署指揮僉事以後遇缺會推等因題奉 欽依添設外今照淮揚二府濱海通江其通泰等處雖設叅將一員駐劄防守緣地方曠遠一遇警急顧理不周即今倭寇因上年突犯江北慣知海道今年糾眾復肆侵掠各該險要俱應備禦查得鹽城縣洋麻港口及海州東西二所僻在海濱孤懸特甚須設把總分佈督理庶克有濟訪得直隸武平衛武舉署指揮使楊縉 皇陵衛武舉署指揮同知謝詔堪任鹽城洋麻港口把總分管鹽城興化等所淮安衛守禦海州

鄭端簡奏議卷之一

六

高卷堂

中前所副千戶楊天駿大河衛中前所正千戶吳漢堪任東海把總分管東西二海所并雲梯關地方防守以上四臣俱弓馬熟閑頗稱謀勇如蒙乞 勅該部查議比照前例添設將楊縉等各定委一員把總如用千戶亦照前例量陞署指揮僉事名目各照信地統領官兵嚴加防守遇有警急互相應援庶地方得人而無顧此失彼之患嘉靖三十三年三月三十日 進奉 聖旨該部知道

遵 勅旨明職掌以防倭寇疏

題為遵 勅旨明職掌以防禦倭寇事嘉靖三十三年

年三月二十九日辰時據直隸揚州府通州申准通
州所掘港寨備倭劉千戶飛報本月二十二日未時
木墩直南川沙淤港口閣泊雙桅大船一隻約有倭
寇七十餘人俱穿紅綠色衣各執鎗刀弓箭兇器棄
船登岸放砲吶喊擁至北坎將軍餘黃勝張華等家
劫掠衣糧當捉黃勝張華督軍李權竈戶陸鼎殺死
又捉男子二人領路未否存亡其賊一半歸船一半
又奪長沙直竈戶吳禹等家劫掠去訖隨即督軍協
同掘港巡檢王濟帶領弓兵夫甲六百餘名到於北
坎奮勇進前追捕間但倭賊請詐分爲兩處器械鋒

一 鄭端簡公奏議卷之二

七

萬卷堂

利又且天色昏晚狂風驟起海灘空野兵無存劄未
敢輕易對敵只得領軍暫回營寨防守次日整兵再
舉合行飛報煩爲星馳轉報解參將并通州海門縣
嚴督各該巡捕巡司并備倭等官各一體嚴加防禦
等因到州除通行申報外申乞施行又據該府同知
未哀稟據備倭劉千戶等報稱本月二十三日亥時
又到倭船二隻在南坎灣泊坎日辰時木寇相結先
二十二日報過前船共合百十餘寇棄船登岸搶虜
人口殺死數十餘人其勢猖獗難敵只得將官軍在
於本寨西田所屯營守因前寇等因各報到臣據此

照得即今漕務方殷疏濬河道催督糧船遽難離任
俟續有急報臣即前赴通州督剿前賊不敢怠忽致
貽 皇上南顧之憂除行儀真守備都指揮張壽松
楊州衛千戶洪岱各統兵快前赴掘港寨剿捕及行
兵備各府州縣衛所巡司官兵各用心防捕候地方
寧息併將失事人員查明另行外竊照臣於本年二
月初六日行至鎮江府分守通泰等處參將解明道
稟稱操江衙門調委帶領江北兵勇壯快一千名大
小沙船數十隻前往江南蘇松策應捕倭臣當令本
官如江南賊勢稱平倭寇出沒無定即便回兵嚴守

一 鄭端簡公奏議卷之二

八

萬卷堂

信地三月十一日臣交代後因見江南倭寇消息恐
其乘風往來或犯江北濱海州縣節行守禦瓜州武
舉千戶方矩并批行通州催督解明道亟回信地防
守通不回報至三月二十五日據解明道手本開稱
三月初一日到上海初七日蘇松境內俱已寧息江
南巡撫衙門委職駐劄吳淞所整棚兵船修築城池
及沿海墩堡置造器械等因到臣看得解明道原奉
勅書分守通泰等處係江北地方既策應江南即宜
回兵江北豈可不奉 欽勅而遵案委離信地而駐
鄰境萬一地方有事定奉 欽依參劾仍行操江衙

門催取去後曾未四五日而倭寇果犯江北通州地方臣待罪巡撫到任逾月一籌莫展致寇殃民罪宜首論伏望 聖明少寬斧鉞之誅將臣罷黜別選才能以充任使臣仍會同巡按直隸監察御史李逢時議照通泰等處濱海通江去歲倭寇流劫受害尤慘仰蒙 皇上憫念蒼生添設叅將解明道駐劄通州防守 勅旨甚明職掌有在顧乃久離信地坐失事機徒費江北之財力無救江北之軍民雖稱承委豈能辭責伏乞 天語丁寧解明道務要遵奉原擬職任防守通泰等處及行江南巡撫衙門遇有警報止

鄂端復奏議卷之二

九 萬卷堂

當調兵策應不許輒留 勅差將領改委駐劄別境地方庶防守得人緩急有賴矣嘉靖三十三年三月三十日 進奉 聖旨該部知道欽此該兵部覆題通行巡撫應天鳳陽浙江各撫按會議浙西領兵叅將通泰叅將應否聽蘇松撫按調遣會議具奏定奪等因奉 聖旨是

擒斬倭寇疏

題為擒斬倭寇事照得嘉靖三十三年三月二十二日倭寇侵犯通州地方已經會本具 題外續於四月初三日未時據直隸揚州府中據如臯縣知縣

陳雍差人報稱三月三十日午時有倭寇四十餘人逼縣二里許卑職督同主簿等官閻士奇等吏役勇士吳位等抵巢交鋒臨陣斬獲倭賊首級三顆生擒一名餘賊被敵當即逃散見督官兵追捕獲日另報等因又據泰州申報土民花虎等斬獲倭寇首級一顆奪獲倭刀三把及據通州申報餘東場竈戶蔡伸等斬獲倭賊首級一顆并倭刀弓箭送府各緣由到臣據此案照先因倭寇出沒臣備奉 欽依賞格斬劇賊首級一顆賞銀三十兩從賊一顆賞銀十五兩告示徧掛沿江沿海曉諭軍民人等及行催取叅將

鄂端復奏議卷之二

十 萬卷堂

解明道去後隨據通州申報倭寇登岸已督發儀真守備都指揮張壽松等官分統水陸兵快前赴通州剿捕通行各屬嚴加守禦外今據前因為照倭賊南自閩廣北至登萊出入二年慣知海道近因江南兵將糧餉調集數多賊中姦細調知江北兵船盡赴江南乘虛侵犯仰仗 天威官民協力頗有擒斬臣嚴督各路官兵乘勝會剿不日殄滅除候事寧之日併將有功失事人員另行具奏外嘉靖三十三年四月初四日 進奉 聖旨該部知道

重大倭寇乞處錢糧疏

題為重大倭寇懇乞亟處錢糧以便剿捕以固地方
事嘉靖三十三年四月十一日據直隸揚州府知府
吳桂芳申稱本府所屬通州海門如臯掘港東臺等
處突於今年三月末旬以後大夥倭寇航海而來大
肆劫掠近已增至千餘圍困通州流入泰興縣界勢
甚猖獗節蒙督令叅將解明道儀真守備張壽松本
府同知朱哀等設法進剿又經起取原任守備陳律
會同運司判官馬倫領兵前去會合應援及又蒙分
發火牌四路徵兵策應即今邳徐宿毫淮泗池河等
處官兵不日即至所據軍行糧從支費浩大至於火

鄭端簡公奏議卷之一

十一 萬卷堂

藥器械出軍犒賞等項合用銀兩數多及近該如臯
海門通州并各地方統兵敵殺節報斬有首級四十
一顆生擒八名應合照例重行給賞以勵人心為費
通屬不貲查得本府在庫錢糧除解京給軍之外各
衙門贓罰等項堪動銀兩不過數千目倭寇入境以
來募兵賞功旬日之間已用過九千餘兩賊焰雖云
少挫而蕩平尚未有期若不懇乞破格陳請脫有臨
事缺乏致誤軍務責將誰諉乞念軍興重事會議題
請量留運司餘鹽銀數萬兩及本府一應解京事例
歲例銀兩通暫停止以聽急救軍前之費等因到臣

據此案照先據通泰等處節報倭寇登岸劫殺為害
已經調取各路官兵前去通州會合征剿合用糧料
犒賞等項備行該府供應去後今據前因除臣待罪
督兵剿捕外會同巡按直隸監察御史李逢時莫如
士議照倭寇連年侵犯 中國蓋南自閩浙北至登
萊皆被其害而江南蘇松杭嘉等府田賦甲於天下
江北揚州通泰等處鹽課甲於天下今皆屢經劫掠
焚燒之禍農人釋耒鹽丁罷竈阻誤漕運虧損錢糧
若不聚兵調食大為經理將來患害何所底極此非
特東南數郡之憂關係 國家大計及今不捐銀數

鄭端簡公奏議卷之一

十二 萬卷堂

十萬急為整備恐他日所失要不止於數百萬而已
此臣為財賦而言至於人民荼毒閭井蕭條就使生
養休息不十餘年未得復舊興言及此寔切憂懼再
照倭寇侵犯其中類多福建浙江并江南江北直隸
之人或姦蒙射利之徒或勇悍無聊之衆齎糧漏師
肆無忌憚結黨效尤苟活旦夕若不早為區處日甚
一日其禍不啻烈於戎狄而已如蒙伏望 皇上軫
念地方重務乞 勅該部從長計議大破常格捐發
官銀數十萬兩收貯府庫聽候打造海船修築城堡
募兵買馬積糧蓄草以備軍前緩急應用其被害民

竈照例優恤寬減糧差數年以蘇困苦再乞 勅該部將福建浙江并江南江北地方通番從賊者作何處治庶幾外有瓜牙之衛內無腹心之憂田賦鹽課要緊地方得保無虞矣嘉靖三十三年四月十三日進奉 聖旨該部知道欽此該兵部移咨戶部覆題將運司餘鹽銀量動四萬兩揚州府稅契事例賊罰等銀相兼接濟奉 聖旨是

添設兵備官員疏

題為比例添設兵備官員以保固邊海重地事切照連年倭寇為患侵擾江南浙江蘇松并江北揚淮通

鄭端履奏卷之十一

十三 萬卷堂

泰等處先該兵部題議江北通泰添設參將一員解明道駐劄通州調度備倭誠為先事預防至計惟文職官員未蒙添設一應軍務似難責成臣會同巡按直隸監察御史李逢時莫如士議照揚淮地方濱連江海而通泰尤為緊要但原屬徐州兵備副使管轄相去通泰將二千里一遇有警卒難援濟合無添設兵備副使一員專管通泰海州一帶海道兼理揚州府軍民商竈詞訟及屯田河道捕盜等項事務駐劄泰州相度險要分布官兵打造海船置辦器械選募驍勇操練兵馬區處錢糧撫回良善解散脇從一應

軍務悉聽從宜酌處儻遇倭寇生發把截剿捕仍與參將計議而行各該府州縣衛所等官俱聽調用如蒙伏望 皇上軫念邊海重地乞 勅該部再加詳議查照浙江嘉杭等府原有分巡副使一員添設參將一員近又添設兵備副使一員專在嘉興駐劄事例擬議上 請定奪儻蒙 俯賜施行就於附近去處官員不拘年資惟取才力推舉二員請 旨簡用定擬職掌請 勅欽遵行事註於江西湖廣遠省帶銜免得往返辭謁耽誤日時其應得俸薪就於揚州府支給蓋才力既優必能濟務年資尚淺自應久任

鄭端履奏卷之十一

十四 萬卷堂

庶幾地方有賴而倭寇不足為慮矣嘉靖三十三年四月十六日 進奉 聖旨該部知道欽此該吏部覆題准揚地方濱連江海通泰尤為緊要合照浙江閩廣事例添設淮揚海防副使一員推得湖廣副使張景賢堪以調用奉 聖旨是欽此

十分緊急倭寇疏

題為十分緊急倭寇事嘉靖三十三年四月初十日據直隸揚州府通州申稱本年三月二十七日酉時據海門縣報稱呂四餘東二場倭寇劫殺切近本州其鋒不可當參將解明道棄其職守貪功遠離反逐

江南之賊而盡歸江北燒人房屋煙焰滔天殺人滿地命如草菅本州請兵剿捕未到除歛集糧草起選排門義勇登城日夜巡守等因本月十一日據儀真守備張壽松揚州府同知朱哀各呈與揚州衛千戶洪岱等領兵前去如臯縣據報黃橋地方有倭賊六十三人從立發口過河相去如臯四十五里職等領兵前去追至史家莊得獲一名湯黃毛餘賊奔至泰興縣曹家埠搶得沙船一隻開江去訖收兵仍回如臯千戶洪岱等領兵直抵通州西門外與倭寇七十餘人交陣彼時各兵饑困城中見有解參將在內通

鄭端簡公奏議卷之一

一五 萬卷堂

不發兵接應亦不放砲吶喊以致千戶洪岱等遇害等因本月十二日據泰州申探得通州西門外三里橋有倭寇七十餘人與各官兵交陣殺死千戶文昌齡千戶洪岱被箭射傷落馬無存泰州所千戶王烈被火燬傷無存及殺死民兵五十餘人等因又據泰州申准通州飛報開稱本州倭寇約有二三百人并本處無藉鹽徒及脇從百姓一二百名圍城作耗已經其申請兵征剿聞有人報俱是先問充徒顧表等姦細揚言倭寇萬餘遠使來兵畏阻其倭寇連日已被我兵生擒斬獲數多猖狂之氣已喪合報來兵無

程進剿以慰民望等因本月十四日又據參將解明道呈稱原取軍兵未到只得募兵出城堵門力戰斬獲倭賊首級一十一顆生擒七名佛郎機打死三十餘名又差總甲馬德入倭探得實有賊寇六百餘名并夥太倉泰興如臯海門通州各場鹽徒四百餘名擒獲勝從宣湖等三名發州究問乞請官兵策應等因本日又據通州申稱參將解明道於三月二十八日回州統兵征剿至四月初二日有海門縣官吏師生軍民人等被倭寇殘害逃入州城本日巳時不意倭寇即從東西相合直倭約有六百假倭者不計其

鄭端簡公奏議卷之一

十六 萬卷堂

數將城門圍困在外放火殺人劫掠申請官兵未至本州署印通判唐維會同參將解明道并巡捕判官施耀吏目孫好仁與海門縣知縣程次喬統領軍兵義勇民快速連日奮勇斬獲倭寇首級并生擒倭賊與緝獲姦細即今前倭聚眾猖獗圍城七日夜城外居民房屋焚燒罄空又捉獲姦細招稱倭寇欲從通州直抵揚州又云真倭者少假倭者多真倭欲去假倭利其災而挽留之事甚危逼本州兵少糧缺凡百器械弓箭火藥等項俱無可繼困乏之甚實難支持豈但通州乘勝深入雖泰州揚州恐亦不免乞要速催

兵糧器械以救困敝等因各到臣除本月初九日調發守備陳律判官馬倫十五日又調武舉鎮撫等官戴克臣等各統領官兵赴援去訖其宿毫邳徐等處官兵星夜催督至日前去設法征剿待事寧之日另行具 奏及照臣待罪海防已及兩月既無豫備之謀又失調度之策致使解明道挾詐欺人洪岱等效忠殞命罪豈敢辭仰望 聖慈少寬斧鉞之誅姑候賊平伏俟譴罰外臣會同巡按直隸監察御史李逢時莫如士參照分守通泰參將解明道心術狡猾語言誇詐始馬久離信地坐失事機既而避賊入城堅不出戰視四郊之焚掠曾不動心受萬民之唾罵略無愧色援兵奮勇直抵城西擁眾苟全竟不策應迹其督促各官陷之死地及其文移屢至若罔聞知蓋欲諉云賊勢衆大援兵且敗僅保孤城自以為功耳豈知洪岱等既能趨四百里冒險而直前解明道獨不能遣百十人縋城而夾擊乎相應懲治警戒將來但緊急用人之際惟復嚴加戒飭勉圖後效務蓋前愆再照揚州衛右所副千戶洪岱中所正千戶文昌齡泰州所正千戶王烈官職雖卑忠勇素著一承委用毅然請行矢心報 國戮力解圍遇賊血戰奮不

鄭端簡公奏議卷之二

一七 萬卷堂

顧身義氣英魂之死靡憾伏乞 聖明俯賜褒卹勅下該部量贈一官仍查照陣亡事例陞授應襲親男職級以風勵將校其參將解明道合無行令戴罪殺賊通候事寧之日聽巡按御史再加覈實功罪奏請定奪緣係十分緊急倭寇事理及解明道又係奉勅將領官員俱未敢擅便嘉靖三十三年四月十六日 進奉 聖旨兵部知道欽此該部覆題千戶洪岱文昌齡王烈首嬰其鋒俱各陣亡委宜褒卹解明道亦應罰治奉 聖旨是洪岱等死事可憫各贈指揮同知解明道姑著革了職戴罪殺賊立功事寧奏請定奪

鄭端簡公奏議卷之二

一八 萬卷堂

河道疏

題為河道事據直隸淮安府申報挑通運河船行便利緣由三臣據此案照節據該府申稱清河口自新莊開起至淮安舊城西門外南角樓止一帶河道六十餘里中間深淺不同截長補短大約三十里皆因連年黃水泛漲渾流漫入裏河水去沙存積漸淤塞阻礙漕運乞要預為疏濬等因隨經行府委官勘議估計應需丈尺合用人夫工食動支錢糧作速挑濬及 管理 河道工部郎中彭澄督同府衛縣掌印管

河等官勒限完報去後今據前因臣會同提督漕運鎮守淮安地方總兵官鎮遠侯顧 議照前項河道先因淤沙淺塞今已挑通用過錢糧既寓賑濟之急役過夫力無成隄岸之功一應進 貢弁重運糧船經行利涉除將錢糧夫役通候管河郎中查覈明白另行外嘉靖三十三年四月二十日 進奉 聖旨該部知道

倭寇劫掠河道淺塞耽誤糧運疏

題為倭寇劫掠并河道淺塞耽誤糧運事嘉靖三十三年四月十八日據浙江把總運糧署指揮僉事朱

鄭端簡公奏議卷之一

十九 萬卷堂

仁呈據台州衛運糧千戶曹應鵬報本衛派兌華亭縣糧米三月二十六日門兌本日午時忽報倭寇殺到楊家坵等地方該松江府火票將船催駕偏僻去處候寧出兌及據紹興衛千戶張恩呈報倭寇燒燬坐兌本衛廩糧一千六百八石又聞寧波衛兌上海縣船一隻被賊燒燬嚴州所百戶吳節報四月初二日倭寇復聚華亭南倉燒燬倉廩七連台州衛領兌上海縣軍船七隻因避賊勢駕至七保地方遇賊燒燬等因到總緣係倭寇劫殺誤運重務除行領運官旗保守軍船稍候寧息交兌起運緣由到臣據此案

照嘉靖三十二年十一月初三日先准戶部咨為剿捕倭寇急缺糧賞事該巡撫應天都御史彭黠題前事內開備行漕運衙門將減存未運船隻先撥與上海嘉定太倉崑山海鹽常熟江陰丹徒等州縣限年裏兌載以避倭寇緣由該本部議擬不候會議先行題差監兌官員督兌等因覆題奉 欽依備咨前來與漕司預嚴催兌速運事體相同隨行把總吳韜等各查照先撥軍船將沿海州縣糧米早為兌運去後節據江北等總運糧把總指揮千百戶等官張孤等呈稱各衛官軍俱於正等月日赴各水次聽候領兌

鄭端簡公奏議卷之一

二十一 萬卷堂

守至三月十六等日太倉上海糧米方纔出兌又多不完與嘉定縣糧米至今未兌執稱已該巡按衙門具 奏折銀解部存糧備用致使貧乏官軍借食坐守不惟過淮有違 欽限尤恐黃河水阻貽累無辜等因前來又查得鎮江地方呂城丹陽一帶河道先該戶部題 准事例但有淺淤處所即便起夫疏濬封閉蓄水以待糧運若仍前怠緩壅阻難行聽彼處巡撫并漕司一面參究一面將各官住俸督理等因節行該府催併疏導延推不理及將管河官住俸嚴督續據報稱河工已完本年四月十七日又准協同

漕運叅將黃印手本據泗州衛運糧指揮等官王官等開報鎮江呂城丹陽等處河道淺阻其陵口一帶十分水涸糧船雖令起剝亦難前進該縣未曾大挑止令人夫撈濬工大夫少無官鈐束任意遷延有悞糧運等因又據高郵等衛運糧指揮等官畢敬等各呈河道淺阻耽誤糧運緣由前來節該臣等申明議單事例及慮倭寇復侵嚴行該府上緊交兌至四五竟不遵行今果被倭焚燒倉廩運船前賊未去後賊繼至糧運何時得兌江南蘇松江北通泰等處皆有倭寇即今沿海有兵賊必突入腹裏若蘇松之賊

鄭端履奏議卷之二

十一 萬卷堂

址走長江通泰之賊南奔大海鎮江河道別無支港風火不測尤為可慮臣會同提督漕運鎮守淮安地方總兵官鎮遠侯顧 議照漕運係軍 國重計交兌過淮過洪到倉交納俱有 欽限而蘇松等府嘉定等州縣延今四月將終尚未開兌及有已開兌者糧米又多不完卒致倭寇焚船燒糧實由有司觀望遲延所致除將前項被燒船隻查明有無糧米在內并未兌完州縣糧數另行外參照蘇州松江二府太倉嘉定上海華亭四州縣各掌印管糧官催科欠嚴交兌獨後觀望減折不恤運軍久守故意延捱致遭

焚掠再照鎮江府并丹徒丹陽二縣各掌印管河官不遵明例因恤漕艱河道淺淤延至四月尚未挑通阻誤京儲不能前進以上各官均屬違玩若不先行參究年復因循漕運愈廢如蒙伏望 皇上軫念京儲乞 勅該部併議將各官先行罰治若鎮江河道萬一有誤浙江蘇松常鎮數百萬糧運另行重治庶法例嚴肅人心知警將來運事亦可振舉矣嘉靖三十三年四月十一日 進奉 聖旨各該地方官員不以糧運為重遲延誤事戶兵二部查參來說該部知道欽此該戶部覆題移咨漕運都御史會同巡按

鄭端履奏議卷之二

十一 萬卷堂

御史查將蘇州松江二府太倉嘉定上海華亭四州縣各掌印管糧官提問管糧官降二級起送吏部別用掌印官照依議單問擬施行鎮江府并丹徒丹陽管河水利官漕運都御史即行拏問罷黜各掌印官先行提問任俸戴罪催督挑濬萬一致誤重計從重參奏以憑覆議一體罷黜漕運等官務要著實舉行毋事姑息以致誤事官員無所懲戒仍速將問過緣由具 奏再照倭寇見在通泰地方合行漕運衙門哨探防護領運把總等官齊備器械務圖萬全其運河一帶巡撫兵備軍衛有司巡捕等官各要差人防

護仍行僭運監兌管河洪開郎中作速催僭等因奉
聖旨各該府州縣掌印管糧官都著巡按御史提問
具奏其餘依擬行欽此

復設江南管河官及參究違誤運務官疏

題為復差江南管河官員及參究違誤運務官員事
會同提督漕運鎮守淮安地方總兵官鎮遠侯顧
議照今歲漕運糧斛除江北河南山東起運外查得
江西湖廣等處先後相繼陸續過淮惟浙江杭嘉湖
三府直隸蘇松常鎮四府歲運漕儲并白糙糧米二
百餘萬石必由奔牛呂城丹陽黃泥壩等處始達鎮

鄭端簡公奏議卷之二

二十三 萬卷堂

江京口開出江先年遇有淺阻或由孟瀆河外江分
進每有風波之險盜賊之虞嘉靖二十九年寧波衛
指揮王承恩被劫可鑿近來倭奴未靖孟瀆河江海
之交正賊寇出沒之處尤宜預防以此漕司其奏
戶部會議擬行江南巡撫嚴督常鎮二府并該縣掌
印管河水利等官將前河道不拘年限但有淤淺處
所即便起夫疏濬封閉蓄水以待糧運若仍前怠緩
壅阻難行就聽彼處巡撫并漕司一面指名參究一
面將各官住俸督理每年終將府縣管河官職名疏
通過河道緣由申報漕司查考俱載入議單永為遵

守等因題奉 欽依節行常鎮二府遵照疏濬并取

府縣管河官職名查考去後案候通無一字回報又
經五次移咨江南巡撫督催及將該府管河官員住
俸節差官舍催督已經具本會 題外節據把總等
官張建節朱仁等各呈稱各衛所兌完糧米於三月
初五等日陸續押發開行已過無錫地方見阻丹陽
丹徒七里溝等處守淺不得通行即今三月過半未
見興工挑挖實為阻誤等因到臣及諮詢南來公差
官員各稱載糧民船阻集數千隻相沿數十餘里不
能前進為照漕運連年遲誤蓋由坐失天時復違地

鄭端簡公奏議卷之二

二十四 萬卷堂

利所致若季春初夏北水漸平河道無阻軍船過淮
數日可達兩洪今首先被阻江南坐守餘月及至河
開有水黃河又漸泛溢縱加催併勢難取速安得不
誤運事既該戶部題奉 欽依載入議單而該管府
縣略不加意文移催督視如故紙直至四月初十日
鎮江府方報河開通船已自遲誤比叅將黃印駐劄
瓜洲差人看驗鎮江一帶尚難行舟南北通津人所
共見豈能撫飾四月二十日浙江兩司官員舟過揚
州府亦言鎮江河道不能行舟得運軍三四百人搭
拽方得出閘重運糧船勢難前進似此怠誤法當叅

究緣查取職名未到有礙施行再照前項河道先年原設有水利工部郎中一員專管浙西直抵鎮江一帶河道及修理海塘白茅港三江口等處如郎中林文沛在任之時水利修舉運河疏通公私稱便後議裁革決塞不時旱澇無備田禾失利漕渠遂湮深為未便况今倭寇生發蘇松杭嘉節有聲息燒燬糧船另行查報萬一姦細嚮導窺伺鎮江運河阻塞為患不小如蒙乞 勅戶工二部再加詳議合無查照舊規於前項地方復差工部郎中一員往來督理庶克有濟仍乞 勅下該部通查該府縣各掌印管河官

鄭端簡公奏議卷之二

二五 萬卷堂

員不分在任離任但係三十三年正月至四月在府管事者嚴行提問庶儆將來嘉靖三十三年四月二十四日 進奉 聖旨是管河郎中准復設欽此該工部移咨吏部查得鎮江丹陽一帶運道原係蘇松水利郎中兼管後因水利責成巡撫郎中遂議裁革今該部又議復設管河郎中是所重在河道而不專在水利也臣等推舉得添註屯田司員外郎嚴清堪以陞任都水司署郎中事員外郎照例註選等因該本部尚書李 具題奉 聖旨既查有前旨只著巡撫都御史督令所司疏濬這官不必添設欽此又該

戶部覆題為照糧運之遲早由河道之通塞鎮江府并丹陽丹徒二縣掌印管河水利官玩視漕渠怠廢職業不能及時修濬以致糧運阻滯今侍郎鄭 因查前項河道四月終尚不能行舟又欲通查該府縣各管印管河官員不分在任離任但係三十三年正月至四月在府管事者嚴行提問相應依擬合候命下移咨本官不分見任離任管河水利官通行拏問罷黜掌印官一體提問照依前項題 准事理施行其常州府如有違悞亦照前例提問伏乞 聖裁等因嘉靖三十三年五月二十二日本部尚書方

鄭端簡公奏議卷之二

二六 萬卷堂

等具題本月二十四日奉 聖旨是這各官不行修濬河道有誤漕運都着鄭 查明拏問具擬奏請欽此

薦參政胡松疏

題為預處安攘要務以圖防禦實效事嘉靖三十三年四月十五日准都察院咨准吏部咨前事該本部覆節該兵科都給事中王國禎等湖廣道監察御史胡宗憲等并工科給事中王鳴臣各論奏欲行在外總督撫按等官將見任方面官再加訪薦及要將廢棄官員一體查訪起用意謂旁求博採可得真才但

戎務非歷試不知邊方非言貌可定兼之南北異宜風土各便人才難得正坐於此所薦之人務得已試真才期收實效不得濫舉虛名徒求塞責等因題奉欽依備咨到臣除欽遵外臣訪得原任山西布政司右叅政胡松學行兼修材識並懋提學守太原浹旬而賊竟退固已見其干城之功叅政駐鴈門逾月而寇復來遽難責以保障之力始焉發憤論事本欲效忠既而循資轉官原非干澤邇來力田糊口孝友無間於人言閉戶省躬端諒有孚於士論矧生於江北宦於山西閱歷戎行曉暢軍務年力正強似難終棄

鄭端簡公奏議卷之一

二十七

萬卷堂

撫按累薦豈敢扶同如蒙 勅下該部再加查訪如果臣言不謬蚤 賜起用以備任使其於安攘要務不為無補嘉靖三十三年四月二十四日 進奉 聖旨該部知道

乞留軍職官員疏

題為乞留軍職官員以保固地方事照得撫屬地方東連大海南接長江西控湖廣河南北抵山東濟充往歲豐稔尚且鹽礦強賊不常出沒適年水旱災傷盜賊紛紜雖經嚴督撫捕未得安靖近據徐州兵備副使李天寵呈報河南寶安山賊黨殷世隆等聚集

四百餘人切近蕭礪潁州兵備僉事朱舜民又報捉獲強賊謝拱等一十一名尚有未獲鄭剪等二百三十餘名其餘每起或百十餘人或八九十人皆係大夥強賊隨行各道防禦剿捕而通泰等處倭寇又復登岸焚劫再照鳳陽乃 皇業根本之地 陵寢所在復有高牆原無城池干係尤重止有叅將梅希孔專在海上捕倭此外別無統兵將校及查所屬衛所軍職指揮千百戶等官尋常政務尚堪委用軍旅調發遂難其人近因梅希孔未到倭寇緊急臣不得已行令揚州府查照前任巡撫都御史吳 起取梅希

鄭端簡公奏議卷之一

二十八

萬卷堂

孔事例再三禮請該城原任都指揮月輪領兵公然推避堅不肯出隨行高郵衛起取原任守備儀真陳律同運司判官馬倫領兵前進又如武平衛武舉指揮楊縉該臣保舉堪任鹽城洋麻港口把總近該別省行文取用邳州衛百戶張瑞先該江南巡撫衙門題陞中軍指揮去訖今訪得留守司副留守許文學才質果毅識度沉雄指揮徐州衛金漢王繼鳳陽右衛王遷千百戶衛所鎮撫等官守禦海州所楊天駿宿州衛呂圻伯末福徐州衛孫憲臣邳州衛張禾高郵衛羅表揚州衛方矩懷遠衛余慶泗州衛戴光臣

大河衛吳漢俱膂力過人弓馬閑熟曾經戰陣効有勤勞以上各官若再被別省取用地方益致乏人如蒙伏望 皇上軫念根本重地乞 勅該部查議合無將許文學就於江北相應員缺陞轉楊縉仍留江北候相應員缺推用指揮金漢等千百戶鎮撫等官楊天駿等悉留原衛所令其上護 陵寢下守城池內捕強賊外剿倭寇庶幾緩急有賴及查境內見有原任叅將喬基王元伯張恒位秩既崇謀勇亦著相應查照逆賊師尚詔竊發起取梅希孔事例容臣遇有緊急乏人之時從權起取領兵守城隨宜委用仍

鄭端簡公奏議卷之一

二十九

萬卷堂

乞 勅下該部行令各官受 恩思報不得如月輪坐視危急不聽調遣參照原任都指揮月輪世受國恩官叨方面因事革任已從末減回衛帶俸仍享厚祿不思改過省愆乃敢幸災樂禍封疆有寇而不顧是為不忠鄉邦有難而不恤是為不義迹其懷姦銜怨之心不止推姦避事而已乞行巡按御史提問以為地方世臣之戒嘉靖三十三年四月二十四日進奉 聖旨月輪推姦避事巡按御史便提解來京問其餘兵部看了來說欽此該兵部覆題合無行令指揮等官金漢等俱留各該衛所平時拱護 陵寢

有警與原任叅將喬基等悉聽本官從宜委用別省不得調取月輪坐誤事機參究處治奉 聖旨是欽此

擒斬倭寇首惡疏

題為擒獲倭寇首惡事本年四月二十一日據直隸揚州府通州申據海門縣申稱捉獲鹽徒顧表投入倭寇夥內封為馬上大王指引道路誘殺官兵圍城焚劫流毒地方除將本犯牢固監候外前項倭寇連日敵戰本州民兵被傷數多倭寇亦被我兵截死無數今獲顧表地方稍安等因到臣據此案照通州并

鄭端簡公奏議卷之一

三十

萬卷堂

如臯縣各報倭寇登岸劫殺已將擒斬倭寇緣由於本月初四日具本題 知續據通州報稱倭賊圍城及海門如臯二縣各報倭寇侵犯流劫地方臣一面遵奉 欽依懸示賞格一面分投調遣儀真守備張壽松揚州府同知朱哀原任守備陳律運司判官馬命泗州衛武舉鎮撫戴堯臣新任分守通泰叅將梅希孔徐州兵備副使李天寵武平衛武舉指揮楊縉等各統官兵前去通泰如臯海門沿海一帶地方四路遇殺節據各該官兵先後報到斬獲首級八十顆生擒三十五名并用銃砲佛郎機等火器打死倭賊

數多緣由在卷案候間今據前因除獲賊有功人員
照例犒賞外為照通州等處倭寇流劫仰仗 天威
官兵奮勇半月之內擒斬已及百人以上又獲首惡
顧表絕倭羽翼各該城池俱保守無虞瓜洲儀真揚
淮等處糧船俱無阻滯且賊勢日漸潛消况今官兵
分布征剿聲勢聯絡先到倭船剋日可平再照倭寇
經過地方委的殘破其餘府州縣賊所未至者節獲
姦細供稱料黨深入等情臣恐人心驚疑勉強設法
密切隄備其淮安鹽城海州東西海所安東贛榆等
處總兵官鎮遠侯顧 調集召募各項官兵分布防

鄭端簡公奏議卷之一

三十一 萬卷堂

守以此人心頗安即今收割夏麥佈種秋苗庶可少
慰我 皇上南顧之憂其陸續報有倭船登岸前項
官兵既已調集足可防禦除候捷音另報外嘉靖三
十三年四月二十八日 進奉 聖旨兵部知道

剿逐倭寇疏

題為仰仗 天威剿逐倭寇事本年五月初一日據
直隸揚州府泰州申報四月二十八日巳時探得梅
叅將率兵已至通州離城五里駐劄該州已開西門
各倭寇因見官兵攻剿懼怕奔往狼山去訖本月初
二日又據整飭徐州等處兵備副使李天寵呈稱統

領官兵前去征剿倭寇四月二十七日酉時行至如
臯縣地方探報地名丁堰鎮倭寇一夥約有百十餘
人自掘港而來隨差本道中軍官鎮撫孫憲臣探報
前賊數多勢甚猖獗居民驚走係續到倭賊前鋒隨
於是夜點集徐州等衛領兵指揮等官金漢邳州衛
千戶張禾等原領各哨軍兵於二十八日督發前去
擒剿本日申時據金漢等報稱東至三十里蔣婆鋪
地方撞遇前賊鋒向如臯我兵陳猶未定突被劇賊
三十餘名各率眾踈躍連衝二陣內一賊頭戴紅纓
倭盔舞刀如飛連將前哨民兵殺傷二名官兵各奮

鄭端簡公奏議卷之一

三十二 萬卷堂

勇向前當將本賊殺死火炮弓矢齊發賊勢大敗就
陣斬獲真正倭賊首級九顆生擒謀主姦細一名餘
賊多被射傷攙扶敗走奪獲倭刀盔帽弓箭旗面箭
插驢頭木印記番字符等件數多各則向東逃遁恐
賊計叵測收兵暫回及稱驗得斬獲首級俱頂顛無
髮的係真正倭賊生擒一名樂和浙江慈谿縣人審
係倭賊謀主倡禍渠魁除陣亡被傷軍兵各棺殮給
藥調理等因各報到臣據此案照通州申報倭寇約
有千餘圍城劫掠及海門如臯等處各報倭寇登岸
放火燒房殺人虜財勢甚猖獗等因臣移駐揚州府

二面遵奉 欽依懸示賞格一面調集兵糧選委將
校先遣儀真守備張壽松揚州府同知朱哀統領官
兵一千三十二員名原任守備陳律運司判官馬倫
統領官兵一千二百六員名泗洲衛武舉鎮撫戴堯
臣統領官兵五百二十六員名新任分守通泰叅將
梅希孔統領官兵一千四百四十二員名并令節制
張壽松等前去通州相機征剿慮恐倭寇狡知各
兵盡趨通州必遣別賊從後直犯如臯且窺泰州則
揚州未免驚動又調徐州兵備副使李天寵統領官
兵七百一十六員名前去如臯地方截殺臣復慮賊

鄭端履奏議卷之二

三三

萬卷堂

勢窮迫由泰興入江上近南京下切瓜儀縱不敬輒
犯郊關未免有妨糧運查照兵部題 准事例調遣
池河守備張文爵統領官兵五百四員名并取和州
西梁山水手一百五十名船十五隻前赴瓜儀地方
駐劄防禦及訪得前項倭寇內有被虜沿海閩浙直
隸人民又經刊發告示宣布 朝廷威德招撫投首
宥罪有功一體給賞行委揚州府通判史朝賓隨軍
紀驗功次并委經歷等官楊江等分投部運糧草查
支淮揚二府官銀接濟各處主客兵糧後准操江衙
門咨稱江防缺人議將守備張壽松同知朱哀原領

官兵取回瓜儀防守節據各該官兵先後擒斬倭寇
一百一十五名顆并捉獲首惡顧表緣由具本題
知續據叅將解明道又報稱望江樓地方擒斬倭寇
二十四名顆又據如臯縣申報倭寇在於丁堰鎮地
方劫殺臣即行副使李天寵督兵截殺又據泰州申
報通州倭寇奔往狼山去訖臣即行叅將梅希孔督
兵追剿及又調遣武平衛武舉指揮楊縉統領官兵
三百七十五員名前去狼山夾攻截殺去後今據前
因除獲賊有功人員照例行賞及行所司存恤災民
外為照通泰等處瀕連江海頗稱樂土原無夷寇詎

鄭端履奏議卷之一

三四

萬卷堂

意去歲流入為害各賊熟知海道今復聚眾肆為流
劫仰仗 天威官兵奮勇登岸各賊擒斬驅逐地方
頗安糧運無阻但海洋遼濶江南江北止隔一水乘
風往來倏忽千里連日沿海報有新到賊船不敢撤
兵仍嚴行各官軍相機截殺直待江南各府俱無聲
息浙江蘇松常鎮等府糧船通出京口方敢擬議應
撤應留官軍奏 請定奪臣孱軀菲材待罪海防調
度無策罪狀有徵伏望 聖慈俯 賜矜宥臣不勝
率甚嘉靖三十三年五月初三日 進奉 聖旨兵
部知道欽此該本部覆題為照倭夷蔓延江北勢亦

猖獗本官督率兵將斬獲首級擒擊謀主具見調度
有方功委可嘉但浙江蘇松等處賊勢尚熾况勾引
首禍之人不止顧表樂和而已既經本官具奏前因
相應議處合候 命下移咨本官務要嚴督官兵遠
行哨探江南果否寧息倭船有無新到狼山窮寇曾
否剿滅務要相機審勢期於地方平定糧運無阻一
面將顧表樂和查照律例從重擬罪監候并將有功
及失事人員通行查明待事寧之日一同捷音奏請
施行等因嘉靖三十三年五月二十八日太子少傅
本部尚書聶 等具題本月三十日奉 聖旨是

鄭端簡公奏議卷之二

三五

萬卷堂



鄭端簡公奏議卷之二

門人項篤壽校梓

淮陽類

遣祭 基運 翔聖山神疏

題為欽奉事嘉靖三十三年四月二十六日准禮部
咨祠祭清吏司案呈嘉靖三十三年三月十四日該
司禮監太監王利傳奉 聖諭朕為民祈 祐本月
望日始七辰禁屠停刑及各災患地方查照先年祭
告事例行欽此欽遵查得九年四月內為欽奉 勅
諭事該吏部等衙門會題查得南京等處有山裂地

鄭端簡公奏議卷之二

一

萬卷堂

震饑荒火災等項災患議行各地方巡撫都御史於
彼中應祀 神祇竭虔致祭節奉 欽依致禱應祭
神祇一節該部便查照災變重大地方還遣太常寺
屬官齋香帛前去行禮欽此又查得嘉靖三十二年
二月內該徐邳地方黃河淤決該本部具題行令漕
運都御史等官將彼處大河等神分行祭告用祈
神祐節奉 欽依是欽此隨該都御史曾 奏報河
道安流又經題奉 欽依恭行祭謝去後今奉前因
案呈到部照得頃年以來北直隸河南山東山西陝
西南直隸浙江等處兵荒相仍軍民饑困俱備災患

地方誠可憫恤苟非仰祈 神祐何以變災為祥所
據鳳陽 基運山之神 翔聖山之神俱應祭告合
候 命下行移翰林院撰祭文太常寺備辦香燭帛
差屬官齋捧前去本部移文各該巡撫都御史動支
官錢買辦祭品前項應祀 神祇務要擇日齋戒竭
虔致祭以表 皇上為民祈 祐之誠庶幾精意感
通 神靈協祐災患可弭而民生可安矣祭完之日
仍將祭過各 神祇具 奏等因題奉 聖旨是着
照三年 帝王陵祭例樂舞生齋去欽此欽遵備咨
到臣又該太常寺差樂舞生劉餘慶齋捧香燭帛祭

鄭端貞奏議卷之三

二

萬卷堂

文前來臣隨行鳳陽府并泗州動支官錢備辦合用
豐潔祭品虔誠齋宿擇於本年五月初七日恭詣泗
州祭告 基運山之神初十日鳳陽祭告 翔聖山
之神各行禮完畢臣竊惟虞廷降水帝舜有旅山之
儀周室黎民宣王舉雲漢之祭仰惟 皇上敬 天
禮 神勸民愛物軫念 國家根本重地致祭 祖
宗陵寢山陵顯顯然 明德之馨香洋洋乎格于
上下 神祇效順災患消弭時和年豐河清海晏康
衢有誦而潢池無警寔 宗社萬萬年無疆之休也
臣愚幸甚天下幸甚嘉靖三年五月十一日 進奉

聖旨禮部知道

擒剿倭寇疏

題為擒剿倭寇事本年五月初三日據新任分守通
泰叅將梅希孔呈據通州巡捕判官施耀報稱訪狼
山鄉保朱雍等結稱倭船一十二隻在於本港口活
水約倭二百餘人在鄉燒虜盧港保總王津等結稱
其餘倭船下海開洋去訖緣由前來本職於四月二
十九日與同運司判官馬命守備陳律各率精兵分
路前赴狼山地方陞任叅將解明道亦領兵至探得
倭船一十二隻灣泊在彼督兵攻剿各賊隨潮先開

鄭端貞奏議卷之三

二

萬卷堂

六隻止存六隻本職部下官兵在於江岸與賊對敵
火器衝打射傷落水不計其數賊見大兵勢衆共併
一船乘潮開去官兵陸路難追棄下空船五隻得獲
倭賊弓箭刀鎗并原劫虜驢馬等物本日又據解明
道呈稱通州賊勢摧敗四散奔潰百十成群沿海流
劫本職分兵着乘勢掩襲於四月二十七日二十八
日節據各兵報稱在於小海口并陸洪等壩遇寇對
敵斬獲首級二十八顆并夷器等件本月初五日又
據通州掌印通判唐維申稱賊已撲滅人漸安寧本
日又據原任守備陳律運司判官馬命呈稱倭寇船

隻住泊浪山港下隨同解參將梅參將於四月二十九日二路出兵截殺行至通州十里煙墩見倭寇五十人各賊望見官兵追趕齊奔船所職等同參將各兵用神鎗火炮弓箭等器打放射死倭賊數多斬獲真倭首級五顆生擒從賊一名宋評北因潮長各賊乘風駕船九隻逃奔江中沙洲隨被親兵張春等下水將纜割斷及用火器燒燬船一隻賊見我兵勢衆併船二隻開洋去訖奪回船三隻并倭刀衣服弓箭旗幡驢羸馬疋本月十一日又據副使李天寵呈稱督兵前赴通州至白蒲鋪地方據原差哨探軍兵邵

鄭端簡奏議卷之三

四 萬卷堂

美擒獲倭賊姦細一名邵卿審招係通州馬塘場人本年四月十八日倭賊經過本場劫掠鄉投入隨從探聽引路各處殺人放火劫虜財畜二十六日鄉探梅參將領兵已進通州說知各賊前去搶劫如臯二十八日到蔣婆鋪遇徐州官兵對敵將倭賊頭目阿細吾并不知名當先首賊共九名就陣殺死生擒謀主一名樂和餘賊犬敗逃走賊恐官兵追剿令卿復回探聽消息五月初二日到白蒲鋪在官民張恩門首仍踵倭賊形狀詐說後邊大夥就至驚嚇人口躲藏卿入本家房內捨得布衣三件跑走張恩看望後

無夥賊叫同街鄰跟趕不及至本鋪迤西當遇徐州哨探軍兵將卿捉獲等因又據該道呈稱沿海各場報有倭船陸續到岸蒙本院批行參將梅希孔分撥前鋒官三員馬得良高時沙子現率領驍勇三百名前去搗港等處剿捕又撥官吳漢羅表王欽領民兵三百九十四名前去如臯丁堰鎮堵截策應又行守備陳律分司馬命各另委官將原領民兵分撥泰州東臺等場四百名泰興縣等處三百名又撥官呂圻王遷等領兵五百餘名分投隨賊向往剿捕緣由到道本月十二日又據守備陳律判官馬命呈報初一

鄭端簡奏議卷之三

五 萬卷堂

日初二日統領官兵到於餘東呂四等場與倭寇對敵擒斬倭賊首級二十三顆奪獲弓箭刀斧槍叉等件等因各報到臣又據揚州府捉獲姦細仇谷華審係福建永寧所人一向從賊探聽消息今來揚州打聽官兵多少要得探掠臣遵照先題及便宜事理起取參將喬基操練揚州府官軍兵壯又有巡鹽御史莫如士選取山西陝西鹽商家屬善射驍勇者五百名名為商兵專委運司副使汪集操練以備城守外案照倭寇登岸攻城流劫節被官兵殺敗已將擒斬首級共一百四十五名願獲功緣由先後具本

題 知去後及照參將解明道近奉 欽依陞金山副總兵官今既出城通泰新任參將梅希孔見在捕賊即行解明道星夜前赴江南到任外再照各該糧船浙江江南直隸絕江而渡者必由瓜洲江西湖廣沿江而下者必由儀真江海相通倏忽往來事干京儲尤宜嚴慎以此留兵分布防遏未免糧餉不貲較量輕重自難吝惜况今西路官兵調在海上彼處地方類多盜賊誠恐乘機竊發而各處官司調兵募兵日無虛時臣撫屬四府三州寔係南北水陸屏翰要地 陵寢高牆干係尤重人情易於動搖事體難

鄭端履奏卷之三

六 高卷堂

於歸一臣本菲才寔切憂懼除候事寧通查有功失事人員奏 請定奪外嘉靖三十三年五月十二日進奉 聖旨兵部知道欽此該本部覆題為照倭夷入寇蔓延江北侍郎鄭 到任未久乃能激勵將士招募義勇併力堵截隨即撲滅即其調度勤勞誠可嘉尚但今糧運盛行江南倭勢未見的報况淮揚係南北水陸之衝且又逼近 陵寢高牆干係尤重所處前項官兵委未可掣既該本官具奏前因相應依擬 命下移咨漕運侍郎鄭 仍將各該地方守港守口官嚴加戒諭毋使將懈於成功兵驕於常勝致

有他虞其一應有功及失事人員通候事寧之日一併具奏 定奪等因具題六月十一日奉 聖旨是欽此

乞收武勇亟議招撫以消賊黨疏

題為懇乞 天恩廣收武勇亟議招撫以消賊黨事 臣原籍浙西叨役江北切見倭寇類多 中國之人間有膂力膽氣謀略可用者往往為賊躡路踏白設伏張疑陸營水寨據我險要聲東擊西知我虛實以故數年之內地方被其殘破至今未得殄滅緣此輩皆羸豪勇悍之徒本無致身之階又乏資身之策苟

鄭端履奏卷之三

七 高卷堂

無恒心豈甘啜息欲求快意必至鴟張是以忍棄故鄉番從異類倭奴藉華人為耳目華人藉倭奴為爪牙彼此依附出沒海島倏忽千里莫可蹤跡况華夷之貨往來相易其有無之間貴賤頓異行者逾旬而操倍蓰之贏居者倚門而獲牙行之利今欲一切斷絕竟致百計交通利孔既塞亂源遂開驅扇誘引徒眾日增若不包荒舍垢早為區處竊恐腹心之憂貽害不小今之議者一則曰復市船便一則曰嚴誅剿便夫各路之軍威未振羣賊之懲創未深而即復市舶恐非 國家御夷之體倭奴所殘既皆我之良善

官兵所殺又多我之逃而必嚴誅剿亦非所以仰承 朝廷好生之德臣愚無知欲乞 聖明廣收武勇容令各處撫按於軍民白衣人中每年查舉素有膂力膽略知謀者十數人授以義勇官名色每月給食米一石令其無事率人捕盜有事領兵殺賊立有功勞量擬官職奏 請陞授若從文階則授試巡檢或從武階則授試所鎮撫循資叙遷定給俸糧止許捕盜殺賊不得經收錢糧接理詞訟仍照文武官員事例考察考選有犯依律照例問罪如此則片善寸長皆露斗食暴夫悍卒漸受條籠不惟 中國之人

鄭端簡公奏議卷之三 九 萬卷堂

不為盜用數年之後未必無將材出於其中也其見今從賊者亦乞 天恩浩蕩 特降黃榜招撫 赦宥許令歸降送還鄉土其間如有擒斬賊徒者照例給賞其才力可用情願報效者亦就隨宜委用隔別地方立功贖罪侯有勞績照前叙遷不然恐數年之後或有如盧循孫恩黃巢王仙芝者益至滋蔓遽難撲滅矣臣又聞洪武年間倭奴數寇東南傍海州縣其時浙江一省既遣信國公湯和築城又遣衛國公徐輝祖江陰侯吳高練兵又遣都督商嵩楊文劉德出戰又遣都督於顯出海巡倭此皆上公元侯謀臣

宿將尤且遲之數年未得寧息復遣南雄侯趙庸招撫沿海漁丁島人鹽徒蛋戶籍為水軍至數萬人又遣萊州府同知趙秩禮部員外郎呂淵 宣諭倭奴迨至洪武二十五年以後而海上始得安靖則凡可以解散賊黨者宜亟為議處也或謂臣職在用兵不得言招撫事竊念臣待罪海防官以巡撫為名凡盜賊應剿應撫自合條畫奏 聞恭候 聖裁臣愚無知言似迂濶而頗關政體事若駭異而或近人情如蒙乞 勅該部詳議如果臣言可采再乞斟酌擬議上 請定奪施行賊黨漸可解散東南財賦重地庶

鄭端簡公奏議卷之三 九 萬卷堂

有息肩之日臣愚幸其地方幸甚嘉靖三十三年五月十二日 進奉 聖旨兵部知道欽此案呈到部看得漕運侍郎鄭 題稱倭夷入寇多是中國之人為之耳目又皆驍豪勇悍之徒忍棄故鄉翻從異類出沒海島莫可蹤跡若不包荒含垢早為區處竊恐腹心之憂貽害不小乞要行各該撫按官於白衣中每年查舉素有膂力膽略知謀者十數人授以義勇名色每月給食米一石令其捕盜殺賊立有功勞量擬官職奏 請陞授仍要將從賊者許令歸降送還鄉土如有擒斬賊徒者照例給賞其才力可用情願

報效者委用隔別地方立功贖罪侯有功績亦與叙
 遷及又稱洪武年間倭奴數寇東南累遣信國公湯
 和等各宿將防剿卒乃遣南雄侯趙庸招撫已又遣
 禮部員外郎呂淵等 宣諭至洪武二十五年以後
 始得安靖乞要臣等詳議施行各一節為照本官博
 雅老成究心時務習知 先朝典故故言似迂濶而
 實關政體事若駭異而每近人情所據包荒含垢以
 消其黨與不為無見相應議處合候 命下移咨總
 督尚書張 查照節奉 欽依內事理復參以侍郎
 鄭 所陳或剿以示威或撫以示恩或廣招徠以示
 無外之度此 帝王之師仁義並行之道也無得拘
 泥故常坐失事機等因嘉靖三十三年六月初九日
 太子少傅本部尚書聶 等具題本月十一日奉
 聖旨是欽此

添設官員疏

題為比例添設官員以安地方事准提督操江兼管
 巡江南京都察院右僉都御史褒善會稿案查近
 據直隸揚州府申報倭寇千餘攻圍通州流劫如臯
 泰興地界及蘇州府申報倭寇攻圍太倉崑山將至
 府城等因據此已該各撫臣督兵進剿并嚴督官兵

鄭端履奏卷之三

十一 萬善堂

防禦江關策應截殺外竊照揚州府當南北水陸之
 衝建治於淮南江北之間其郡最巨蓋與江南蘇松
 等府可以比隆焉蘇松俱設有同知二員以一員分
 理郡事一員專管巡捕而揚州原未議設是誠缺人
 廢事不可不因事建官以資化理也况該府所屬附
 郭江都縣瓜洲鎮坐枕大江北岸正與鎮江府對峙
 其地之相去也離南京一百二十餘里離揚州四十
 餘里且其人煙輻輳舟楫往來加以盜賊無藉之徒
 隱伏於其間又無城郭以障衛之故先年兵部申明
 題 准事例該府同知不妨原務駐劄瓜州兼管沿

鄭端履奏卷之三

十一 萬善堂

江一帶巡捕時常操練壯快遇警會同該衛巡捕官
 緝捕盜賊此固一時權宜借才求治之義也然而地
 當衝要事務叢控各衙門委勘甚多是以奔走往來
 自難停駐若遇江上有警遂至整理無素追呼不前
 多至誤事今照倭寇竊發極於蘇松連及通泰本處
 調兵防禦歲無虛日而用人圖治尤當首事建議者
 也等因准此臣會同提督操江兼管巡江南京都察
 院右僉都御史褒善巡按直隸監察御史李逢時
 竊欲比照蘇松二府除正員同知專一清軍協理府
 事外添設同知一員遵照原議常川在於瓜州舊有

府館衙門駐劄 令整飭該鎮兵夫監造巡哨船隻
會合該衛巡江官員演習水戰兼管所屬一帶江面
上接儀真下抵狼山緝捕盜賊如有海寇入江督兵
追剿以靖江洋此誠分職供事之義弭盜安民之策
或不可緩也如果臣言不謬伏望 皇上特 賜采
納該部再加詳議查有就近地方曾經撫按薦舉有
才力官推用一員添設該府同知所領文憑門註駐
劄瓜州專理捕盜字樣不許營謀別項差委及遺棄
信地潛回府城住坐如有誤事聽臣叅究從重治罪
庶員有定設事有責成人臣益思於盡職而江關未
賴於無虞矣嘉靖三十三年五月十二日 進奉
聖旨該部知道

鄭端簡公奏議卷之三

十一

萬卷堂

水旱倭寇乞蠲夏稅疏

題為極災地方復罹水旱倭寇乞蠲夏稅急救生靈
事據直隸鳳陽府所屬宿壽二州鳳陽臨淮靈璧賴
上懷遠五縣淮安府所屬海州鹽城山陽清河三縣
徐州并所屬蕭縣各申據里老焚廷王等告稱頻年
災傷糧差重大小民日不聊生節蒙 朝廷厚恩行
撫按衙門給發銀穀賑濟賴以存活去冬所種二麥
初當長茂不意今春湖河水漲低田多被淹沒止存

高岡此須復倍天道亢陽風霾大作禾稼萎黃至三
月初旬雖得微雨不能救濟即今坐派夏稅將何抵
辦告乞轉達寬減以蘇民困等因又據 中都留守
司所屬鳳陽等九衛所并直隸宿州壽州泗州徐州
徐州左淮安大河七衛鹽城守禦千戶所各申報災
傷大略相同均乞分豁夏稅緣由各報到臣據此看
得今歲夏災不止前項地方其隔遠去處申報未至
欲候類齊具 奏不無稽遲除候另行及批行兵備
道委官踏勘定擬成災分數分別該徵該免稅糧聽
候覈實外為照府屬地方連歲災傷民多困苦滿擬

鄭端簡公奏議卷之三

十三

萬卷堂

今年二麥成熟詎意復罹此災所據稅糧若不奏減
誠恐追徵未免逼迫逃竄如蒙伏望 皇上軫念民
艱乞 勅該部查議前項被災緣由轉行巡按直隸
監察御史覈實具 奏將今歲該徵夏稅查照勘災
體例量為分減及將各衛所屯田子粒照依減定分
數每石折銀三錢照數徵收候放官軍月糧之用其
未到災傷州縣衛所僅有續報者容令一體查勘照
例分減庶錢糧易於徵收軍民困苦得以蘇息再照
揚州府申稱本年三月內偶被倭賊千餘深入海門
通州如臯三州縣地方殺人放火烧燬房屋劫掠財

物屠戮生靈在田成熟二麥盡被倭奴人馬蹂踏過
半後見官兵追剿又徧野將乾草覆在麥土盡行放
火燒焚而道廬舍坵墟惟徒壁立所在村落一望無
人海邦小民災患之大百數十年所未有者也况夏
麥既被焚傷而秋禾盡失佈種即今徵辦夏稅在期
若不早為申豁百姓從何輸納合無憫念各該州縣
殘破之極暫將今歲夏稅題 請大破常格先 賜
蠲免庶瘡痍之民得稍遂生息之願等因到臣看得
所申一州二縣夏麥委被倭賊焚傷人民驚散閭井
蕭條臣雖督同該道府州縣等官加意撫綏省諭復

鄭端簡公奏議卷之二

十四 萬卷堂

業議處錢糧量行賑恤奈何帑藏空虛一時措辦不
前所有免糧一節既經該府具申前來相應議處伏
乞 聖慈矜憫將前項被倭劫掠州縣該年夏稅不
分起存破格蠲免以安人心嘉靖三十三年五月十
八日 進奉 聖旨該部知道欽此該戶部議覆災
傷較之往歲果輕與通海等三州縣首被倭寇者不
同聽於一縣之中分別有災里分一里之中分別有
災人戶與同通海等三州縣未曾被寇人戶通將當
年應派軍民存留錢糧分為輕重等則查照的係重
災人戶俱派輕糧其重糧均派有收人戶若一縣被

災頗多即量攤槩府無災州縣斟酌會計通融裒益
務使被災州縣軍民輕重適均趁今成熟之際督令
各府州縣衛所掌印管糧官將應徵錢糧照例催徵
諸凡賑撫等項事宜俱聽徑自會處施行等因題奉
聖旨是欽此

倭寇燒燬糧船疏

題為大夥倭寇登劫地方殺人放火燒燬糧船事據
浙江把總朱仁呈據寧波衛指揮莫隱呈稱委官千
戶馮清呈同百戶徐珮管領旗甲葉珊等軍船四十
八隻領兌浙江嘉善縣糧米交兌未完忽於四月初

鄭端簡公奏議卷之二

十五 萬卷堂

八日午時報有倭寇登劫風涇地方與縣逼近各船
旗軍嚴加守禦初十日辰時霎有倭寇四百餘人水
陸並進人民奔散止存運軍寡弱敵殺旗軍顧仲良
王十等并敵傷軍人徐奎等正遇嘉興府調兵救應
倭賊荒將民房倉廩乘風四面放火并將本衛旗甲
葉珊等運船四十五隻連糧燒燬等因又據嚴州所
百戶賴金呈報本日同遇寇難致被燒燬旗甲金備
李本太李吳船糧三隻處州衛百戶謝明報稱被燒
旗甲趙相等船六隻台州衛百戶馮全報稱旗甲應
澄船糧一隻因近寧波衛船側被火連燒罄空等因

到總又據華亭上海二縣允糧委官台州等衛千戶
曹應鵬等各呈台州衛被燒上海縣允糧空船七隻
寧波衛被燒空船一隻等因已經呈報監允等衙門
照詳當即差人着落各該失事運官查開已允在船
被燬糧米的數另報呈乞照詳據此看係燒燬船糧
重務已經會行浙江巡撫都御史并浙江布政司及
把總官查勘各船被燬的實糧數去後止據把總朱
仁呈報寧波衛被燒旗甲葉珊等四十五船共燬已
允正耗糧二萬五千六百三十七石六斗四升殺死
旗軍顧仲良等八名台州衛被燒旗甲應澄一船正

鄭端簡公奏議卷之二

十六 萬卷堂

耗糧五百八十石五斗旗軍無蹤處州衛被燒旗甲
趙相等六船共燬正耗糧三千二百八石五斗七升
七合殺死軍人邵忠等嚴州所被燒旗甲金備等三
船共燒正耗糧一千八百七十六石七斗呈報前來
又據南京橫海等三衛運糧千戶李彥名等呈為
大罹猖獗倭寇搶虜船糧燒燬船隻殺傷人命懇乞
分豁事各衛領允松江府上海縣允運正耗平米二
萬六千九百一十一石六斗九升六合官軍守至三
月十三日開允惟橫海鎮南二衛於四月初五日允
完龍江右衛未允米一百五十石至初六日辰時不

料倭寇千餘自松江唐行二路張打白旗前來倉前
擁奔戰船殺傷船戶妻男虜去龍江右衛軍人徐亞
雙等官軍奔岸潛伏麥田賊將糧庫落水占船燒房
賊退官軍查勘內有船糧盡被劫去者有因拋米下
水損失一半者有船糧盡被火燬者有船糧俱未傷
損者計查各船通共損失正耗平米一萬二千一百
三十六石六斗二升五合七勺六抄止有見在正耗
并未允平米一萬四千七百七十五石七升二勺四
抄備開各衛見在存正耗平米一千三百八十三石
五斗九升六勺龍江右衛原允正耗平米一萬三千

鄭端簡公奏議卷之二

十七 萬卷堂

七百四十五石二斗先次損失平米五千四百二十
四石五斗四升三合六勺今又連船搶去并拋辱打
沉衝廢平米七千四百一十九石九斗七升二合二
勺止有起剝小船計算實存正耗平米七百五十石
六斗八升四合二勺及在倉未允糧長唐章名下正
耗平米一百五十石緣由具呈前來又經劄行各該
把總張建節戴崇文各勘相同回報在卷又據浙江
把總朱仁呈為倭寇燒燬船糧非常大害事據紹興
衛千戶張恩呈允松江府華亭縣糧米三月二十八
日開允間午時飛報倭寇流劫比蒙趕船避駕西倉

十里之外停泊至四月初二日官旗進倉交允旗甲師恕孫振二船各允過平米三百一十二石二斗李文奎船允過平米二百五十六石徐忠損失糧數呈乞分豁等因隨行南京把總戴崇文等查勘間又據李彥名等呈稱前項被賊搶虜燒燬船糧已於四月十三日備由呈詳去後十四日卯時不料倭寇復聚在彼仍奔戴船搶劫至二十日方退職等語看又將糧米連船搶去并拋岸在水打沉船隻其在水糧米經浸日久腐爛况遇驟雨河水陡長盡被衝廢橫海衛原允正耗平米五千三百九十七石八斗九升六

鄭端簡奏議卷之二

十八 萬卷堂

合先次損失平米二千九百七十三石一斗二升二勺今又連船搶劫平米二千四百二十五石七斗七升五合八勺通前正耗盡行劫損升合無存鎮南衛原允正耗平米七千七百六十八石六斗先次損失平米三千七百三十九石九斗六升一合九勺六抄今又連船搶去并拋岸打沉衝廢共平米二千六百四十五石四升二合四抄止有小載船并起剝船糧計算實包棟二船各允過平米二百六十八石王文虎朱文榮二船各對過平米二百八十七石五升十一日巳時忽有倭寇數隊進入西倉放火燒燬倉

米及四圍居民近城房屋恕等下船奮力駕出徐家墳賊截要路放火將師恕等三船并在船正耗米八百八十八石四斗燒燬及將徐忠等四船連在船正耗米一千九十七石五斗俱被賊搶駕裝載劫虜物件徑出黃浦海口地方痛思漕運糧儲經允未結旗軍楊恩等生死不知下落今據各軍跟尋回報搶劫船糧見繫黃浦港口又據寧波衛所鎮撫魏瑾呈報本衛亦被倭賊同時燒燬旗甲孫名一解本章沈渙黃仲剛船糧四隻搶駕旗甲徐得李源船糧二隻共失正耗米一千三百二十八石八斗六升九合等

鄭端簡奏議卷之二

十九 萬卷堂

因又據直隸蘇州衛守禦嘉興所運糧百戶羅錦呈旗甲周文王成二船領允上海縣糧米守至四月初一日下倉較斛初五日允過糧長許和等正耗糧米九百二十石在船初六日倭寇擁到上船將來爬撒下水占住文船王成船被賊踏沉初九日賊搶京衛民船去訖成將爬剩沉水濕米撈救上岸攤曬僱匠船船復載又允糧長唐邵等米一百九十七石二斗四升未允糧長陸錦等米八十五石十四日不期倭寇復來劫掠市鎮財帛殺害鄉民數多包裝文等二船十八日被擄去訖無從跟尋伏乞憐准官軍遣官備

賜分豁又據下江把總郭全仁呈據鎮海衛百戶胡爵呈領兌崑山縣糧已兌正糧七千二百石未兌正糧九千四百六十五石三斗三升聽允聞忽於四月十三日倭寇侵犯該縣將船逐趕開行至長洲縣官瀆橋洋盛湖內避泊不料於二十六日未時分忽有倭寇四五百人猛上本幫船隻趕殺旗軍溺水逃散者甚衆當即將糧溷撒在水大肆猖獗殺死旗軍溺水者未經查勘又據本官報稱倭賊突至蘇州婁齊葑三門地方大肆燒劫被將本衛旗甲周添曹等重載糧船一十隻搶奪將在船糧米爬撒下河裝囤劫

鄭端簡公奏議卷之三

二十 萬卷堂

掠財物即今雖蒙發兵敵救尚未寧息除查損缺船糧的實另行呈報等因各呈到臣除節行各該把總等官查勘回報相同惟把總郭全仁下鎮海衛損失船糧未據報到查得前項交兌運糧衛所共被倭賊殘害燒燬及搶虜沉水等船除京衛僱覓過江民船外該浙江下江二總已報淺船七十八隻正耗平米六萬三百五十餘石其鎮海衛船糧并各衛殺死及搶虜殺傷等項運軍行查未報近又據南京龍江右等衛運糧千戶孫萬等呈領兌浙江烏程縣糧米兌近被倭賊見擾嘉善嘉興一帶又報前賊要搶湖

州該府城門水關砌塞舟楫不通糧船不能前進及聞蘇州松江各府州縣城門亦多戒嚴兌運稽遲及因常鎮地方奔牛等處河道淤塞妨阻除將各該誤事掌印管糧并管河等官先已會本參 奏外今據前因會同提督漕運鎮守淮安地方總兵官鎮遠侯顧 議照今歲糧運始因有司觀望減折羈勒官軍久守坐違期限雖有兌完船欲開行時值奔牛丹陽一帶河道淤淺梗阻弗前續後正在交兌之際殊懼倭賊燒燬搶虜船糧殺害運軍變出異常况今嘉興蘇松等處倭寇猖獗劫掠尚未寧息其浙江兌完糧

鄭端簡公奏議卷之三

二十一 萬卷堂

船必由蘇州等處經過尚多阻滯不能速行其未兌完船糧官軍守候地方有事不暇交兌恐延日久深為可慮除節嚴行各該把總等官及浙江江南各巡撫衙門通行各府州縣探看地方稍寧作急查催趨進今查過淮江北湖廣江西南京等總幫船二千九百九十七隻其江南兌運船隻比往年稍遲實因倭寇擾亂所致除候通過淮畢日另行具題再照前燒燬等項船糧臣等止憑各官呈來雖經行各總把總官查勘但事出倉卒係干 國儲重計如蒙乞 勅該部從長議處早 賜施行嘉靖三十三年五月十

八日 進奉 聖旨戶部知道欽此該本部議覆查
得直隸被賊燒損船糧原係改折之數處補銀兩解
部若係華亭縣應解太倉六分本色并鎮海衛原兌
崑山縣米石及此外再有燒損未經題覆者嚴限軍
衛有司設法處補本色領解等因奉 聖旨是欽此

倭賊燒燬船比例折兌疏

題為倭賊壓境燒燬船糧懇乞比例折兌不虧糧額
以救軍兵以安地方事據浙江監兌戶部湖廣清吏
司主事曾楚呈稱本年四月十三日據寧波等衛所
領運指揮等官莫隱等報據千百戶馮清等呈稱帶

鄭端簡奏卷之三

二十三 萬卷堂

同旗甲葉珊等領兌嘉善縣糧米四月初十日霎有
倭賊四百餘人臨縣殺人放火燒燬倉廩官軍寡弱
難敵致燒有糧軍船五十五隻殺死旗軍顧仲良等
一十餘人燒燬已兌在船正耗米三萬四百五十一
石六斗止救存有糧軍船二十五隻等因據此查得
嘉善縣額派正兌兌糧米共六萬一百八十九石內
該除已兌過太倉鎮海松江嘉興四衛所鎮撫等官
劉卿等米二萬五千五石四斗領運開行外餘有寧
波處州台州紹興四衛嚴州海寧二所領運千百戶
寺官馮清等原與該縣交兌延遲致遭賊禍燒燬船

糧事干重大就經通行軍衛有司查勘明白訖其地
方各該失事官員除職會同巡按浙江監察御史趙
炳然先自查叅外為照前項所燬之糧迺係 國家
額派糧儲例不容缺但今地方被害慘極所燒糧米
數多似當權宜區處務使上不少虧糧額下不大損
軍民斯為兩全之術蓋被燬糧米設或復取於糧長
則被劫百姓不堪重科若盡責賠於旗甲則受害貧
軍似難抵辦况船隻已被燒燬官軍無憑領運且欲
再買本色起運則錢糧賠贖愈多軍民苦極無措為
今救災權宜之計合無比照本部題 准平湖海鹽

鄭端簡奏卷之三

二十三 萬卷堂

二縣被災折兌事例准將嘉善縣額糧六萬一百八
十九石內除已兌過前項太倉等衛所米二萬五千
五石四斗外所缺正糧三萬五千一百八十三石六
斗議將前項勘過見在火燒救存在船在倉污壞不
堪正耗糧米一萬八千九百二十五石有零并糧長
延推未給官軍行糧二千六百六十一名通令軍民
變易取價折色另解且既准議免運本色則餘有輕
齎板席銀五千九百七十九兩四錢有零亦可那補
正額外又有免運空閒旗軍八百六十七名當北減
存辦料事例各應扣取月糧八箇月共計銀一千三

百八十七兩二錢有零又有糧房吏典并糧旗人等二百八十二名俱不合交兌違限致罹賊禍皆當行令軍衛有司應罰公罪紙穀銀共計七百九十五兩四錢有零通前各項共計有銀八千一百六十二兩有零該折正米一萬三千六百三石五斗有零連前救存米一萬八千九百二十五石有零并未給行糧二千六百六十一石湊前太倉等衛所已運過正米二萬五千五石四斗通融計算可以足補該縣原額正米六萬一百八十九石之數若或必要追賠本色起運則正糧之外又有耗糧而官軍行糧月糧輕齎

鄭端簡公奏議卷之二

三十四

萬卷堂

板席銀兩俱不可動前項被燒之糧從何處補雖有救存在倉在船正耗糧米并未給各軍行糧勘皆污壞不堪運納只得通行軍衛有司各令軍民權宜變易取價折色以補正額并將輕齎板席及各項減存罪紙銀兩補足前數且被燬無存船五十五隻并救存不堪運船二十五隻若再議造修例用糧銀七千餘兩一時難辦縱使辦有料銀亦須動經數月方可成功未免緩不及事理勢無一可者况嘉善與平湖海鹽地方相接被災畧同今又加以倭賊燒害軍散民逃死傷流離情尤可憫伏望 皇上廣天地好生

之德拯軍民焚溺之災量寬一分則軍民受一分之賜念其艱苦賅賠情出無奈容令止照平湖海鹽見行改兌折銀事例每米一石折銀六錢總共折銀計二萬一千一百一十兩有零共該折補正米三萬五千一百八十三石六斗之數庶軍民安生地方有賴合候 命下之日查將前銀照數類齊差官詳赴太倉銀庫交納以補嘉善縣原派正米六萬一百八十九石之額如此則軍不至於大損民不至於重科而正數之糧得以補足無歉矣職已經會同巡按浙江監察御史趙炳然通行都布按三司掌印守巡管糧

鄭端簡公奏議卷之二

三十五

萬卷堂

等官左布政使游居敬等并行嘉興府縣知府等官劉燾等把總指揮等官朱仁等計處前因各報事體兩便軍民服從別無異議等因到臣據此案照先據浙江等總把總朱仁等呈報倭寇燒燬船糧緣由已經具 題去後今據前因會同提督漕運鎮守淮安地方總兵官鎮遠侯顧 議照前項燒燬糧米既該監兌主事曾楚會同巡按浙江監察御史趙炳然反布政司該府該總各官游居敬等欲照平湖海鹽二縣准徵折色事例湊合銀兩兼運本色共足嘉善縣原額漕運之數似亦相應但盡將各軍月糧改備

料之數一槩徵取完糧明年修造運船合用銀七千餘兩無從措辦如蒙乞 勅該部查議將嘉善縣燒燬糧米行令准擬折銀無運本色上納其前修造運船銀兩容令臣等通融處補庶幾今歲 京儲不至缺乏被賊受害軍民亦得少蘇矣嘉靖三十三年五月二十日 進奉 聖旨戶部知道該本部議覆前項糧米兌運者每石折銀七錢改兌者每石折銀六錢解部備用等因覆奉 聖旨是欽此

糧運過淮疏

題為借運糧儲事據浙江等總把總運糧指揮僉事

鄭瑞簡奏卷之二

二六

萬卷堂

等官朱仁等各呈將催借所屬兌完糧運接續過淮緣由到臣據此案照嘉靖三十三年分漕運糧斛四百萬石已經會派浙江等布政司并應天直隸蘇松等府州依期徵收及行浙江等都司十二把總官分撥官軍駕船領兌去後今據前因會同提督漕運鎮守淮安地方總兵官鎮遠侯顧寰查得今歲漕運糧斛四百萬石內新舊事例并議處折銀糧共九十五萬七千一千七石三斗九升一合七勺實該本色糧三百四萬二千九百八十二石六斗八合三勺內除山東河南二省并支運臨德二倉共糧四十四萬六

千四百一十七石六斗八合三勺俱該臣等照例嚴催自本年三月十一日起至六月初九日止陸續過淮已盡一面分派把總姚雲張弧常勳張建節戴崇文等在徐州房村邳州直河宿遷桃源清河各處地方及委指揮鄧鎮等挨幫節催晝夜備進以防伏中新發水溜臣等伏思上年河道水患稽阻仰 皇上洪庇官軍思奮效力晝夜輓拽備進幸得全糧抵灣又該戶部多方設法兌軍交納回船脫凍止緣漂損掛欠官旗在京聽候查處至於歲暮該部具 題荷蒙 聖恩優渥放回令下年補納官旗及到衛所整

鄭瑞簡奏卷之二

二七

萬卷堂

點軍船催赴各該遠近水次已屆二月中旬雖比往年回期稍遲思欲催借不誤起運不意交兌之際首被奔牛呂城丹陽丹徒一帶地方河道淺阻繼以倭寇擾亂不得通行已將倭賊劫燬并河道淺塞耽誤糧運參究府縣掌印管河誤事官員緣由會本具題外各該官軍守至四月下旬南糧尚未通行臣等憂惶無措自入五月初旬以來仰仗 皇上誠敬格天神功默佑靈雨頓降舟楫通行糧運無阻臣等待罪漕司少遭瘵曠於萬一也除行參將黃印及把總等官沿途接續催借赴京交納外嘉靖三十三年六

6 反文內

月初十日 進奉 聖旨該部知道

預處來年江南沿海漕糧疏

題為預處來年江南沿海漕糧事臣會同提督漕運鎮守淮安地方總兵官鎮遠侯顧 議照糧船遲誤年復一年雖因天時地利颶風大水所阻亦緣人事未能修舉政體未能歸一故也各該有司徵收不時船到無糧動輒以船幫未齊為詞開允延緩及至完行糧輕齋席板等銀守候逾月尚未關支戶部議單奏災減免支運改折等項九月已定今各處有司或至次年三四月間尚有災傷之奏減免支運改折

鄭端簡公奏議卷之二

二十八 萬卷堂

文移紛紛以致漕舟漕卒或已到原撥水次而復改赴他省或已兌糧米在船而復交還有司官軍坐食甚苦公私浮費不貲及至減存已過半年船料無從辦納浙西至常州一帶運河類多淺阻丹陽上下二百里間尤甚有司通不肯先期疏濬甚至四月糧船大集阻塞不通直候黃梅水發方得出京口閘北及過淮河水又已驟漲以致牽輓不前凡此數端皆不可不亟為議處者也况浙西蘇松等處倭寇木靖南北奔突俱於運道有礙關係尤重查得浙江兌改糧六十三萬石計用淺船一千九百餘隻分撥浙江并

南京等總衛分領兌蘇州府兌改糧六十九萬七千石松江府兌改糧二十三萬二千九百五十石常州府兌運糧一十七萬五千石鎮江府兌改糧一十萬二千石計用淺船三千八百九十餘隻分撥 中都江北等總衛分領兌通計糧米一百八十餘萬石船五千七百九十餘隻其該兌州縣糧米如浙江海寧海鹽平湖三縣南直隸華亭上海崑山常熟嘉定五縣太倉一州皆切近海濱其腹裏仁和錢塘嘉興秀水嘉善崇德桐鄉吳江長洲吳縣武進無錫江陰十三縣亦有寇盜若拘泥常規不急為區處恐復歷

鄭端簡公奏議卷之二

二十九 萬卷堂

聖慮臣等何所逃罪如蒙伏望 皇上 勅下戶部詳議轉行總督倉場衙門行令坐糧員外即通查各總衛所糧船隨到隨收卸出空船咨行工部差官押同各衛所委官星夜回南沿途管河洪開等官一路催僂駕赴浙江并下江蘇松等府聽候正月領兌開船及嚴行有司務要舊年徵完漕糧行糧并輕齋席板銀兩等項聽兌奏災減免支運改折銀糧俱要於舊年十二月以裏奏行如在年外決不准理鎮江至杭州一帶河道俱要及時挑濬深濶以便糧運再照邊海州縣糧米准徵折色似亦輕便但恐京通倉庾

必須充實且江南秋收之後槩徵折色一時米價必賤未免傷農亦乞 勅下該部酌量分數定擬本折庶幾 國計民情實為兩便不惟臣等免於罪愆實以仰慰 聖明南顧之憂也嘉靖三十三年六月初十日 進奉 聖旨該部知道欽此該本部議覆沿海州縣糧米漕司速會同各該巡撫酌議仍照舊派徵本色或果事勢不便比照議單有災該免於附近撥補足數事理酌量各該府州縣起運存留之數以地方遠近為差如腹裏者多派允軍邊海者多派存留及別項起運錢糧通融徵納要在不失四百萬石

鄭端簡奏議卷之三

三十 萬卷堂

及各該府原額之數蓋漕運糧米原無虧欠之理仍要於舊年十二月以裏交允開行既早自不與寇賊相值而過淮入洪亦不為河水所阻軍民兩便 國儲萬全而漕規亦不至廢弛矣等因奉 聖旨是欽此

久任理刑疏

題為乞久任理刑以肅漕政事會同提督漕運鎮守淮安地方總兵官鎮遠侯顧 議照永樂初年漕司設有刑部主事駐劄淮安問理刑名先年題差定限三年經行事務悉得次第完銷近年差委多係年深

主事往往陞轉即便回部又不待交代雖委府佐暫署類多因循案牘前件百無十完漕司所轄南北直隸并浙江等五省二留守六都司一百三十一衛所隔越數千里每年開兌遲延秋糧缺少過淮違限交糧掛籌以及船廠軍辦料銀等項應該問罪人犯不下數千起惟江南官軍重運過淮然後歸結若淮北山東遮洋二總弁於文移尚不回報江南所歸結者亦不過公罪納贖而已其他奏告等項事干待對者俱稱錢糧經手例難拘留比及糧完潛行過淮至於退運官軍雖經行提百無一至近如鎮江衛指揮程

鄭端簡奏議卷之三

三十一 萬卷堂

世勳打死見運軍士侵欺在運錢糧貪酷百端被軍告發批行該司差人守提聚眾毆打公差不肯赴理比臣移咨江南巡撫轉提亦竟不到不獨軍衛為然各該有司相習玩縱其於漕政雖歲有議單一切視為故紙如鎮江河道江南各府開兌直至四月挑河講允彼時倭寇已登岸矣各該有司公然放肆明言漕司移文住俸徒為故事即有一二參究亦復科派糧厥反以為利諸如此類難以歷舉又有甚者近日廬州衛指揮田疇同伊弟弁軍人在於蘇州府水次取討掛欠被彼處棍徒結幫尋害假稱盤詰疑是倭

賊妄擊榜打登時致死數命彼處官司通不申報蓋
自設漕司以來未嘗有此異事及照淺船料銀漕司
急用錢糧今查各總造船軍三民七并修船料價每
歲所用不啻十萬餘兩各處衛所有司有額辦之數
又有扣抵之糧若使依期徵解豈至缺少運船近年
各該人員拖欠者既不嚴限拘追徵完者又多侵次
冒破以故造船缺用修船無銀總廠賒賠漕司處借
積習至今廢弛甚矣及今若不改圖恐數年之後漕
務大壞合無查照先年事例再加嚴密漕司理刑主
事務要三年為滿部銜陞轉仍留管事春夏糧運盛

鄭端簡公奏議卷之二

三十一 萬卷堂

行在淮查問見運人犯比併贖贖秋冬運船過准行
令巡歷各處嚴督軍衛有司掌印管運收料官員查
催拖欠船銀就行問理減存逃運人犯并各該違誤
漕務有司官員再照各處地處遙遠一歲難周要須
一年南京上江下江浙江五總一年江西湖廣二總
一年江北留守司三總山東遮洋二總按次巡歷
完銷如蒙乞 勅該部再加詳議今後理刑主事
定滿三年三年滿日呈部差官交代方許回部區復
查各省監允主事每歲選差五員各領 勅書分發
水次監允糧斛所據理刑主事既限三年滿歷各省

相應比照監允事例請給 勅書一道令本官欽遵
行事庶幾官有定守事有專責各該軍衛有司自知
奉法不敢違慢規避其於漕政不為小補其打死指
揮田疇一節乞 勅法司議行江南巡撫衙門嚴提
究問儆戒將來若只照常發落不惟漕政難行其於
國家綱紀關係不小嘉靖三十三年六月初十日
進一奉 聖旨該部知道

修築城寨疏

題為剿逐倭寇亟議修築城寨以防後患事照得通
州等處倭寇登岸焚劫地方臣於本年四月初六日

鄭端簡公奏議卷之二

三十二 萬卷堂

前赴揚州府駐劄調遣各路官兵征剿仰仗 天威
陸續擒斬倭寇首級姦細賊盡退遁地方稍寧緣由
節經具本題 知伏念臣待罪海防奉職不效致屢
聖慮罪復何辭切照撫屬地方沿江沿海去處南北
動經千餘里揚州府泰州泰興興化儀真三縣淮安
府海州鹽城安東贛榆三縣及要緊市鎮瓜洲東西
海所雲梯關洋麻港廟灣並無賊寇侵犯如臯縣賊
雖至而縣治官民房屋通無損傷海門縣縣署儒學
俱存民居被燬僅百餘間惟通州城外被賊焚劫受
害為慘臣於五月二十一等日歷詣如臯縣通州海

門縣及狼山等處撫處被寇人民隨據分守通泰泰
將梅希孔呈稱差人探報狼山掘港呂四等處江洋
海洋並無倭寇蹤跡地方寧息等因到臣就行閱視
城垣設置兵船分布官兵戰守防禦即令軍民安堵
秋苗佈種除將有功失事人員劄行該府推官劉起
蒙查明候覈實另行外再照通泰二州城池高深堪
以防守如臯海門二縣與通泰二州相為唇齒原未
有城相應創建內則聯絡通泰外則襟聚鹽場且於
淮揚二府亦有藩籬之固臣督同如臯縣官吏師生
父老看得縣治東西之長倍於南北南北各設二門

鄭端簡奏卷之二 三十四 萬卷堂

東西各一門似於堪輿家未便再三周視形勢東西
宜照舊關廂為止迤北地形卑下且多墳墓河道斜
衝難以展開南面地勢平曠畝滄紫繞相應開拓與
東西相稱定擬圖城徑一圍三相距各二里零十分
一里之四共二十四分圍計七里二分共七十二分
止設四門每門各設窩鋪三箇共一十二箇及看得
海門縣城基酌量形勢相應南北之長倍於東西舊
有南門城樓必須仍用勿勞改作庶避石橋又得第
二層流水為濠頗省工力大約城周圍五里半通計
五十有五分前面東南西南角為圓形後面東北西

比角為方形已經牌行該府縣勘議估計外泰興縣
臣雖未至但據該縣士民呈稟地臨大江形勢險要
倭盜出沒無常亦要築城有備等情至於海州鹽城
縣雖處城垣節年坍塌向未修理雲梯關掘港呂四
等場近海地方寨堡墩臺亦應修築前項合用工料
人夫俱因地方災傷錢糧匱乏無從取辦已備行該
府勘估去後若非先行具奏奉有 明旨亟圖修
築誠恐今秋明春倭奴窺伺無以保障地方如蒙伏
望 皇上軫念邊海財賦重地漕運要津乞 勅該
部從長計處動發錢糧及時修築剋期成功庶使海

鄭端簡奏卷之三 三十五 萬卷堂

上百萬生靈咸知 朝廷憫念不恤財用必欲築城
修堡預防寇盜莫不還鄉復業趨事赴工人有定志
而有司各官亦知仰體 德意先期經理矣地方幸
甚臣愚幸甚嘉靖三十三年六月初十日 進奉
聖旨該部知道欽此該兵部議覆合候 命下移咨
本官行令各該州縣廉幹正官務要多方設處或勸
貸富家出給工食或借借貧民暫勞筋力相度地方
緩急漸次修築其餘不敷之數亦聽本官將可緩錢
糧下量行動支等因覆奉 聖旨是欽此

勘詳究抑疏

題為乞 恩勘辯無辜冤抑超全祖職事准戶部咨
該直隸新安衛運糧指揮余必明奏稱嘉靖三十二
年二月初四日奉漕運衙門行取運糧本總坐派臣
領允安慶府糧米千戶孫寵等領允鎮江府糧米臣
於三月二十六日已在安慶允完起運外其鎮江糧
斛俱係孫寵等自行領允彼之遲速臣實不知何期
孫寵不思分允已定領幫各別却將呈報上司一應
公文俱開指揮余必明下委官字樣致蒙監允巡按
衙門查寵船到金壇水次稽遲將臣一槩參坐降級
實切冤抑查得本總所屬建陽等衛指揮蘇節等屬
下千戶馬章等均有違限之責今止參坐領幫之官
惟臣一事兩行誠難瞑目乞行查勘等因抄送到部
查得指揮余必明先該本部已據監允主事巡按御
史查參係是三月終軍船不到水次該降二級備行
漕運衙門提問今本官奏辯安慶糧米係余必明自
行領允鎮江糧米係分委千戶孫寵領允是余必明
又止係違限二月終之限者但中間恐有撫飾之情
相應查處合咨前去煩查指揮余必明委於何年月
日奉委領運何月日到幫管事安慶糧米是否本官
自行領運鎮江糧米是否分委千戶孫寵領運緣何

鄭端簡公奏議卷三十一

三六 萬卷堂

公文內槩開余必明職銜監允巡按衙門查參必有
所據係是何官混行呈報有無與蘇節等事同一體
今奏前因有無撫飾希圖脫免情弊應否准免降級
仍留領運徑自題 請以憑查覆施行等因備咨前
來隨行上江把總朱冠查勘去後續據本官回呈查
得新安衛運糧指揮僉事余必明於嘉靖三十二年
二月初四日奉委領運隨於本月二十一日到幫管
事及查安慶府各縣糧米實係本官自行領允其鎮
江府糧米原經分委千戶孫寵領運二府水次相離
千里之遠本官並無親到金壇催允止因孫寵呈報
公文混開指揮余必明下委官以致槩參比與蘇節
等事體相同亦無撫飾脫免情弊等因到臣據此覆
查上年該總開報過淮分幫揭帖職名相同為照指
揮余必明允糧水次既經該總查勘明白所據原參
鎮江水次違三月終之限降級情罪似難准免其安
慶水次違二月終之限及照千戶孫寵係余必明衛
總下委官監允巡按衙門查參不為無據但擬降級
不無過重如蒙乞 勅該部合無將指揮余必明查
議問擬違限二箇月應得罪名仍量加罰治發落存
留領運嘉靖三十三年六月初十日 進奉 聖旨

鄭端簡公奏議卷三十一

三七 萬卷堂

該部知道

進繳 勅諭疏

奏為 進繳 勅諭事嘉靖三十年五月十五日該
前巡撫都御史應檟欽奉 勅總督漕運兼巡撫鳳
陽等處地方兵部右侍郎兼都察院右僉都御史應
檟近該南京戶科給事中萬文彩等題稱 國賦重
事係於黃冊往年民間措造多被里書人等變亂戶
籍埋沒軍匠飛灑稅糧詭寄田地漏報人丁脫免差
徭那移里甲以致版圖日消人民日困兼以紙張粉
飾差錯稽遲為弊多端茲當十年大造之期乞要定

一鄭端質奏議卷之三

三十八 萬卷堂

委官員督同各州縣官躬嚴稽察參互磨算專一管
理措造黃冊不許別項差占等因今特命爾委官嚴
督所屬用心查算刻期編造務將各項弊端盡行裁
革俾圖籍有據賦冊均平以稱朕均國足民之意造
完之日繳勅奏聞如或因循怠忽憑信姦究變亂舊
規致起弊端南京管黃冊官指名奏重治不饒介
其慎之慎之故勅欽此欽遵卷查節准戶部咨為賦
役黃冊事及為申嚴賦役黃冊事例以慎措造以杜
姦弊事俱經通行所屬各委官員督造并將委官職
名先以其 題去後續該臣接管督據鳳淮廬三府

徐滁和三州遵將嘉靖三十一年賦役黃冊俱已造
完先後解赴南京後湖交割并 進呈過緣由前來
及據揚州府申稱所屬高郵等十州縣黃冊除已完
報外其泰州民田因與併茶場電丁訐奏見今踏勘
未結除嚴催委官作速勘明完日另報等因各到臣
據此為照前項黃冊既已造完起解 進呈惟泰州
一處尚未造報欲候至日類齊具 奏不無稽遲除
候完日另行及查各屬內有違慢首領官吏行提問
罪外所有原奉 勅諭應合 進繳嘉靖三十三年
六月初十日 進奉 聖旨該部知道

一鄭端質奏議卷之三

三十九 萬卷堂



一鄭端質奏議卷之三

淮陽類

補造運船疏

題為亟議計處補造事故缺船以濟全運以裨國計事據南京把總運糧指揮同知戴崇文呈稱本總額運淺船九百四隻內有節年事故漂流等項已蒙漕運衙門於嘉靖二十六年補造運船一百一十五隻僅足裝運後因嘉靖三十年以來水患異常河道變故運船每遭顛覆淤閣漂損數多船額虧少狼

鄭端簡公奏議卷之三

萬卷堂

狃殊甚嘉靖三十二年漕糧蒙減折三分船得苟完起運今年新糧蒙派九分每船分載正數并加派共米五百二十餘石約用船七百五十隻今查堪駕并改造止得船六百五十餘隻尚缺一百隻係豹韜左等衛急用裝糧之數實難措處呈乞查照嘉靖二十六年事例暫借漕庫官銀補造等因又據南京把總張建節亦呈水軍左等衛缺船一百餘隻浙江把總朱仁呈杭州前等衛缺船一百二十餘隻江北把總張孤呈壽州等衛缺船五十餘隻上江把總朱冠呈建陽等衛缺船五十餘隻留守司把總李忱呈鳳

勿右等衛缺船三十餘隻江北把總姚濬呈高郵等衛缺船二十餘隻遮洋把總宣詔呈淮安等衛缺船三十餘隻此係今年見運共缺船五百餘隻各要告借官銀補造緣由前來據此通查原額各總衛所缺船共一千五百餘隻臣等欲具奏補造思值時月不逮買料召匠恐不能如期愈致妨誤除遵照勅諭內便益處置事理會行暫雇買民船及大加工修驗老朽壞船裝運間不意忽有改折停徵船得省減就將存船分借缺船衛分苟且了完起運以濟一時燃眉終非長久保固京儲之意殊慮來年全運漕

鄭端簡公奏議卷之三

萬卷堂

船連值變故傷壞缺數愈多臨期派兌將何措處今照前因會同提督漕運鎮守淮安地方總兵官鎮遠侯顧議照糧用船裝船用料造無料不能造船缺船豈能全運縱加灑派載重難行一遇淺溜十損二三官軍雖經提問錢糧掛欠拖延年復一年弗得清結今據各把總所呈共少船五百餘隻是以去歲減折額糧六十餘萬石又儘加派帶裝及將損舊不堪等船加工大修共湊起運若以全運本色額船必須補足實缺一千五百餘隻計該裝糧四十六萬餘石誠為漕運首先急務時不容緩及查得清江廠每年

額造南京江北等總淺船五百五十二隻每隻該民七料銀六十五兩軍三料銀三十五兩共銀一百兩相兼底船成造先年民七料價拖欠解不以時厥官每有賒借之累至嘉靖元年漕司議給見銀五十兩買木勾用至嘉靖十二年木客具告二次添銀四兩五錢共銀五十四兩五錢嘉靖十四年木客又告添銀二兩共銀五十六兩五錢嘉靖二十一年工部主事葉選呈添銀三兩五錢共銀六十兩逐年扣留餘價俱工部分司收掌今查節年共扣過料銀一十五萬八百餘兩先該工部主事陳堯呈部以為任內

鄭鶴頂奏卷之三

三

萬卷堂

積餘取解工部銀三萬兩其餘銀一十二萬餘兩原係造船節省之銀收貯工部分司相應動支補造又查得嘉靖二十六等年補造過各總事故破船一千餘隻用過漕運軍料等銀十萬餘兩原候各船及號之年扣除料價還官行據清江廠工部主事黃象呈稱先後補造過船四百六十隻已扣過八十四船民料銀五千一百兩其餘銀兩因蕪湖廠歲額抽分各年積欠木價銀四萬四千餘兩屢催未到以致缺銀補還乞要移文催解已行南京工部轉行蕪湖抽分主事查取未到其餘江浙湖廣上江下江各廠亦有

補造船隻該扣料價亦合查出補造缺船併前二項銀兩共湊一十五萬兩如蒙伏望 皇上 勅下戶工二部再加詳議即用各項船銀補造累年船隻錢糧不係那借事體似為穩便合無容令臣等查照取用每銀百兩造船一隻可造船一千五百餘隻及照工部分司自有歲造清江衛河二廠船六百八十餘隻似難兼理仍聽臣等訪委廉幹文武官各一員總理其事趁今秋冬之間分投買木另於淮安府鎖壩建廠及顧募官匠如法打造堅完分給各總缺船衛所旗軍領駕裝運候各船及號之年照數扣料還官

鄭鶴頂奏卷之三

四

萬卷堂

造船完日造冊 奏繳青冊送部查考庶交允不致缺船羈誤之累漕船得免載重覆溺之虞嘉靖三十三年六月十九日 進奉 聖旨該部知道欽此該戶部議擬合候 命下本部移咨工部再加詳議如果相應速行總督漕運都御史鄭 將清江廠工部分司收貯銀一十二萬餘兩并扣過民料五千一百兩并江浙湖廣上江下江各廠該扣料價蕪湖抽分積欠銀兩通共查足一十五萬兩選委廉能文武官員即便起時分投買辦物料嚴督官匠人等從公估計如法打造堅固好船分派缺船衛分旗軍駕運務要

期於今歲十二月以裏造完不許有誤來年運務其
有修造不如法及侵漁冒濫應拏問者拏問應參究
者參究仍責令賠償但工部廠造船每隻雖稱價銀
一百兩然扣存者多是每船之費不必百兩也今擬
每船百兩恐緣無底船是以所費頗多漕司仍嚴行
估計查酌支給應扣者仍扣在官庶幾不致冒破仍
行南京工部嚴行蕪湖抽分主事將節年拖欠木價
上緊起解赴淮湊用毋致延欠有誤糧運重事其餘
扣料還官事宜俱照所擬施行事完之日將造完船
隻并用過銀兩各數具造冊 奏繳青冊送部查考

蘇州府志卷之三

五

高卷堂

伏乞 聖裁等因嘉靖三十二年七月三十日本部
尚書方 等具 題八月初二日奉 聖旨是欽此

倭寇燒劫糧船疏

題為倭寇燒劫船糧事據戶部主事冀鍊揭帖開稱
先據把總郭全仁朱仁各呈燒搶糧米願將各衛官
軍月糧行糧及官旗糧長應問罪名輕齎席耗等銀
扣算抵補外本職亦將南京二總失事官旗軍餘行
月等項糧銀扣算抵補會同巡按衙門具本題 請
今把總戴崇文所失糧米獨多身既不行前來查勘
議處却稱漕司劄委起剝挑濬及呈窮軍差役繁重

蘇州府志卷之三

六

高卷堂

月糧不勾養家欲照漂流事例查勘除豁等詞在妄
沮撓除另行外合具揭帖乞為斟酌處補一面嚴行
把總戴崇文張建節星夜前來議處等因到臣據此
案照先為大夥倭寇登劫地方殺人燒燬船糧事據
浙江把總朱仁呈稱勘得嘉善縣水次被倭燒燬糧
船五十五隻共損正耗糧米三萬一千二百七十三
石零華亭縣水次燒搶糧船十三隻共損正耗糧米
三千三百六石零南京把總張建節戴崇文呈報勘
得上海縣水次橫海衛二次被倭燒搶正耗糧米五
千三百九十八石八斗九升六合鎮南衛二次被倭
損失正耗糧米六千三百八十五石四合龍江右衛
二次被倭損失正耗糧米一萬二千八百四十四石
五斗一升五合八勺又據嘉興所百戶羅錦呈開被
倭搶去旗甲周文等船二隻正耗糧米一千一百一
十七石二斗四升不知去向又據下江把總郭全仁
呈開崑山縣水次鎮海衛被倭壞損正耗糧米行查
數目未報緣由各呈前來已該臣等於五月十八日
具 題外續據朱仁呈稱嘉善華亭二縣燒燬糧米
蒙監允衙門議令本總下寧紹台處嚴海六衛所官
旗軍餘各扣行糧月糧并輕齎席板料銀及罰治旗

軍中與糧長自運戶紙贖通計足勾完補及據郭全仁呈開崑山上海二縣鎮海嘉興二衛所百戶胡爵羅錦幫被失糧米三千六十石二斗四升議將官軍行糧月糧并有司折耗席銀補完前數俱照例解部外又據南京把總戴崇文呈開上海水次鎮南龍江右二衛共燒損正耗糧米一萬九千二百二十九石五斗一升九合八勺蒙監兌冀主事牌行責令比照下江浙二總事體該總即日前來計議作何處補等因蒙此切緣前項損失糧米蓋因有司徵兌過期致寇流入燒劫搶虜損失船糧賊眾攻圍官軍勢寡

鄭端簡奏議卷之三

七

高卷堂

糧雖領兌尚未兌完及蘆席木板輕齋等項俱未交兌通關未曾出給民雇載船尚泊彼處水次倉前亦未開幫出境欲將失事官旗查參提究查得先日原據各衛呈稱有司稽遲交兌案存可原以兵荒之際本部行令酌處追補但緣京衛旗軍窮寒徹骨每軍止靠月糧一石不足養活家口近因守城防禦差役繁重十室九空比之外衛事甚不同槩以官軍行月糧銀抵扣窮軍不逃即死何年得杜若京衛行糧軍既減存孰敢冒領料銀所扣不多亦係修船急用前項錢糧俱係南京戶兵二部掌管本總絲毫不得干

預及查漂流事例所在官司勘實具 奏覆勘明白即與除豁前項遭遇倭寇燒溺搶劫糧米事出不測雖非漂流似應北例 奏豁實為大便等因到臣據此會同提督漕運鎮守淮安地方總兵官鎮遠侯顧議照倭寇侵犯內地固出非常之變亦由有司觀望減折交兌遲誤所致若軍船未到水次而賊已至或糧已兌完而船不開行乃可坐罪運糧官軍今查得橫海鎮南龍江右三衛官軍俱依例限畢集水次有司在覓江船聽候直延至三月十三等日方纔開兌兌糧不完而賊即至殺傷旗軍燒焚船隻是稽誤漕運貽累官軍乃有司之罪今一切歸罪官軍於情可乎糧兌未完船難遽行即行亦豈能避賊賊若可避各處官私房屋錢糧財物不為賊所焚燒矣乃欲以賊燒糧米責償於官軍則各該賊燒官私房屋錢糧財物又將責償於誰乎再照崑山華亭等縣輕齋銀兩例應隨糧解驗以避沿途盤剝及進倉脚費等用延今六月將終幫船過淮日久前銀尚未解淮負累運官至今在淮守候有司稽誤即此可知及查戴崇文張建節二總共運糧四十二萬餘石俱已過淮值遇黃河水漲必須各官押催幫船僨進其上海被

鄭端簡奏議卷之三

八

高卷堂

燒糧米不過二萬餘石又係改折存留彼處之數不及過淮之糧十分之一豈可令各官復回水次議處往返數千餘里是舍多而就少棄重而從輕矣况嘉善等縣所失糧米乃起運歲儲之數比之前項減折存留者事體不同除浙江下江二總官軍扣支糧料罰治紙贖完補糧米會計已定似難別議外查得上海縣水次損失把總戴崇文下鎮南龍江右二衛正耗糧米一萬九千二百二十九石五斗一升九合八勺把總張建節下橫海衛正耗糧米五千三百九十八石八斗九升六合通共該糧二萬四千六百二十八石四斗一升五合八勺若照浙江下江二總扣除各軍行糧但軍已減存則行糧無支若扣月糧係安養家口備辦船料之需是役其力取其財而又奪其食柰之何其不遜且亡也况南京各衛官軍比之外衛百分因疲如蒙伏望 皇上軫念漕運艱難官軍困苦乞 勅戶部從長計議將上海縣被倭燒搶橫海鎮南龍江右二衛前項糧米合無再行彼處地方官司覆查的實比照漂流事例一體分豁或責在遲糧有司包陪完補庶罪坐所出人心愜服將來稽誤交兌軍衛有司亦可以此為戒各任其咎矣嘉靖三

鄭端簡奏議卷之三

九 萬卷堂

十三年六月十九日 進奉 聖旨戶部知道欽此該本部議擬合候 命下本部移咨漕運都御史及咨都察院轉行巡按御史并劄付監兌主事即會同查將橫海鎮南龍江右等三衛領兌上海縣被賊燒搶糧米的有若干遵照先令事理追究失事根因罪坐所由照數隨宜區處完足折銀解部不許短少遲延崑山華亭等縣輕齎銀兩漕司仍嚴行催解如再遲捱將該管官參究治罪伏乞 聖裁等因嘉靖三十三年七月二十九日本部尚書方 等具 題八月初一日奉 聖旨是欽此

鄭端簡奏議卷之三

十 萬卷堂

漕運議事疏

題為備運糧儲事案照先准戶部咨為地方事內開漕運都御史總兵官參將逐年俱在八月以稟赴京會議漕運事情等因題奉 欽依備咨在卷除欽遵外今照嘉靖三十三年糧運過淮已畢臣會同提督漕運鎮守淮安地方總兵官鎮遠侯顧 議照漕政之設歷年既久規畫精詳載在議單法例明備臣等遵循不暇何容加議特以參之時事與情之小有損益者及地方應議事宜未敢循默謹條為一十二事上塵 睿覽乞 勅該部再加會議覆請 宸斷早

興施行漕運幸甚地方幸甚嘉靖三十三年七月初二日 進奉 聖旨該部知道欽此

計開漕運并地方應議事件

一議職掌卷查嘉靖三十三年正月初四日准兵部咨為乞留運軍防守事該浙江撫按衙門會題該本部覆議事于漕運必須行令會處方得歸一合候 命下移咨漕運都御史吳 會同撫按再查無礙准將海寧衛左右中前四所官軍掣回操練防守地方其原領運船四十七隻退還杭州等衛所撥軍領駕等因題奉 欽依

鄭澗公奏議卷三

十一 萬卷堂

備咨前來已該漕司會行浙江布政司掌印官會同浙江把總朱仁查議去後又據下江把總郭全仁呈為議處海防以安重地事開稱鎮海衛運軍三百九十二名太倉衛運軍七十七名調撥美淞江口防守蘇州衛運軍內又改發白茆福山等處海口被倭遺下運船缺人領駕等因該漕司會行各衛掌印官督補駕運去後續據浙江把總朱仁呈稱海寧衛官軍存留防守原兌糧米已該都布二司議派各衛軍船帶運每船一十二石等因該漕司查無文移知會駁

行都司會同把總朱仁查勘海寧衛軍船的於某月日掣回防守原派糧米雖令灑派別船帶運即今用何官軍領駕何船裝送各衛於何處地方零星派散帶運船可能負載或船老舊不堪作何處分及查該衛上年掛欠京通二倉糧米二千四百餘石原令隨同新運補納即今官軍存留防守前項糧石作何處補逐一查報去後續據浙江布政司呈蒙浙江巡撫衙門案驗內開海寧衛存軍防守雖未經漕運衙門會同查處然事切時宜風迅之月勢難少緩仰司即

鄭澗公奏議卷三

十二 萬卷堂

行杭嘉湖兵備道將海寧衛官軍掣回該衛操練防守地方其原領運船四十七隻照數退還杭州前等衛所撥軍領駕等因隨行都司查議竟不將海寧衛糧船發還杭州前右寧紹温台六衛衛嚴湖三所却將額運糧一萬七千四百七十九石分派一總一十二衛所官軍帶運每船一十一石八斗有零原船聽把總官暫撥缺船衛所領駕候運回發與杭州前等衛所旗軍領管等因該省不行照詳漕司只具照驗前來鎮海太倉蘇州三衛彼處官司通不經由漕司

為照漕運乃 國家重務設有浙江等一十二
總所轄一百三十一衛所旗軍一十二萬六千
八百一十一名一軍該運正糧三十石七斗二
合共歲運 京儲四百萬石蓋每總船有定額
每船軍有定役每軍糧有定數著在令甲特令
臣等奉 勅行事職掌既專責任有在今乃一
切不經漕司職掌安在及查運船連年遭風遇
水錢糧缺乏造船不前數多老舊不堪重載今
計每船一隻該裝正耗糧米并運軍例帶土宜
行糧等項不下五百餘石若再加帶委的難行

鄭端簡公奏議卷三

十三 萬卷堂

湖灘洪開水淺風疾尤為可慮况江西湖廣山
東等處皆有運糧官軍儻各地方遇有警急一
槩比例援引奏留運軍灑派糧米停閣掛欠漕
規從此廢壞糧運益復稽遲臣等豈敢偏執已
見不以他省軍務為意切緣運軍可留防守而
糧米不宜灑派運船可撥撐駕而掛欠必須着
落臣等雖才識疎庸不稱任使豈敢不遵 國
家設官分職之意自取侵官失職之愆如蒙乞
勅該部再加詳議通行各該撫按衙門都布兩
司今後一應漕務悉聽漕司處分其海寧衛遺

下糧船四十七隻退還原衛所該運糧一萬七
千四百七十九石照船裝載不得灑派掛欠糧
二千四百餘石急為處補仍要一咨戶部一咨
兵部一咨漕司登籍備照庶幾事體歸一不致
掣肘而臣等亦得少效其職業矣

一議逋負為照糧運必須淺船造船必須銀兩近
年除額造淺船外風漂水溺數多以致各總缺
船免運或每船加派糧米船既疏薄載後艱重
尤易損壞不得已只得雇覓民船公私勞費日
甚一日即計明年全運除歲造外缺船一千五

鄭端簡公奏議卷三

十四 萬卷堂

百餘隻大約用銀一十五萬兩將何取給卷查
嘉靖二十六等年各總缺船數多該漕司會議
動支淮安府庫軍辦料銀共八萬九千八百餘
兩補造淺船九百二十二隻以濟全運原擬各
船候及號之年扣料補還除陸續解過銀二萬
一千九百九十六兩外尚有未解軍民料銀六
萬七千八百餘兩內清江廠欠銀四萬九千一
十五兩浙江廠欠銀四千六百二十九兩上江
廠欠銀六千一百二十六兩四錢下江廠欠銀
八千四十七兩六錢節經查催未曾解到續據

工部主事黃辰呈稱查得本廠上年南京江北等五總原領漕運衙門補造新船四百六十五隻該扣軍民料價銀兩除解還外尚欠三萬九千餘兩比因蕪湖廠歲解木價年復拖欠遂致無銀補還節經移關并呈本部催取分釐未解及稱蕪湖廠每年額辦清江衛河二廠木價銀一萬八千七百七十兩內除各年已解外尚欠嘉靖二十五年銀四千五百四兩二錢四分五毫二十六年銀九千一百四十四兩二十九年銀三千六百兩三十年銀一萬三千六百一兩二

鄭端簡奏議卷之三

十五

萬卷堂

錢七分六釐三十二年銀一萬三千二百七十七兩共銀四萬四千一百一十五兩五錢一分五釐五毫俱係年例額銀以致本廠木價日乏借過補造船料日積且本廠造船歲有定額辦銀歲有定數船隻既無減免木價豈容拖欠數年之闕若非借貸造船必致稽誤糧運若不呈催誠恐將來不惟乏銀補解原借抑且本廠缺銀買料關係匪輕乞要移咨南京工部轉行蕪湖抽分主事速將前項各年銀兩照數補解赴淮濟用等因到臣據此屢咨南京工部未見回報

又查得嘉靖三十年三月內漕運理刑司呈問江西臨江府清江縣民黃良與聶鼎陳讓劉乾聶經陳穆黃一梅陳二漢領出清江廠工部分司收買楠木官銀侵欺八千二十三兩有零事發問擬軍徒等罪呈詳前任都御史應抄招將各犯咨行江西巡撫都御史吳處轉行清江縣監候變產完贖解淮造船去後今經年久亦未完報又查得嘉靖三十二年各總衛所奉例減折漕糧三分之一例該減存運軍辦納料銀已經通行各該司府照例於各軍月糧內扣

鄭端簡奏議卷之三

十六

萬卷堂

抵解淮貯庫聽候修造船隻浙江總下杭州前等一十三衛所減存運軍一萬二百九十二名每名該辦料銀二兩四錢約共銀二萬四千餘兩節行該省督催扣解又經差委指揮張可仕前去催促完報不及六分之一江西總下南昌等一十一衛所減存運軍二千九百五十九名共該辦納料銀七千一百一兩六錢湖廣總下武昌等一十衛所減存運軍二千二百六十五名共該辦納料銀五千四百三十六兩俱各未到通查各項欠負銀共該一十一萬二千三百

餘附雖小料大料名色不同然修船造船支用則一往年漕司尚有積貯一時缺船銀兩未到尚可那移濟急今查淮安府庫並無積貯船銀造船日增料銀日負豈不有誤糧運如蒙 勅下該部一行南京工部將蕪湖抽分廠嘉靖三十三年八月起至嘉靖三十四年七月終止儘將該廠銀兩解還漕司務足四萬四千一百一十五兩有零之數一行江西巡撫都御史嚴行臨江府清江縣各掌印官定限務將犯人黃良等侵欺銀八千二十三兩變賣家產盡絕將銀

鄭端簡公奏議卷三

一七

萬卷堂

傾銷成錠差的當人役解赴漕司或仍將犯人黃良等八名解赴漕司監併一行浙江江西湖廣各巡撫都御史嚴督司府州縣衛所各掌印管糧管廠官將前項扣除減存料銀作速催徵立限完解漕司庶幾不致銀兩缺乏糧船可得如期修造其於漕務不為無補

一議庫藏照得各總衛所歲運遇有折色船得減存軍得辦料每名例該銀二兩四錢解發淮安府庫專備修船支用係是定規嘉靖十年因徵欠拖延姦頑作弊該漕司題為議處休息船料

以便糧運事該工部覆題奉 欽依通行各該巡撫并各省都布二司嚴督各府州掌印官公同衛所將減存軍辦料銀自嘉靖十年以後將存軍應支月糧銀兩扣抵料銀俱解漕運衙門寄庫聽給修船不許仍前拖欠每年終各造冊徑自 奏繳及行漕司知會查考等因今照各府州遵例扣抵者固有而違慢不扣者尤多甚有扣存彼庫各該官司不知漕運緊用錢糧輒作堪動銀兩任意那移別用及至行催支取修船即稱奉有彼處撫按批詳展轉支吾搪塞亦

鄭端簡公奏議卷三

一八

萬卷堂

有就彼造船分文不給致累旗軍賒料修船盡將行月糧銀償還料客者又有吏胥作弊支百扣十者又有必須行財央債囑託方得關支者又有廠官及該管官假稱使用侵剋冒破者及至旗軍領得到手私債利息公門需索已費五六矣甚至借貸物料無償隨載料客在船沿途盜糶正糧還債者初意扣糧抵料軍免追呼之擾料無拖欠之弊本為善政豈知法立弊生不惟扣抵失時出納欠明而公私上下乾沒侵漁頭緒多端以致船不得如期造完完亦不得如

法堅固漕政廢弛未必不由於此再照淮安府設有阜積庫大使一員攢典一名原為本府歲收錢糧而設其漕運一應錢糧似難兼管本年五月內臣等選委高郵州知州姜博會同淮安府通判完淳船廠把總詹懷世通行查盤造冊訖合無就於本府內另蓋漕運庫一座請給漕運庫條記添選大使一員攢典一名責令專管看守漕運一應各處解納錢糧坐委本府管河通判常川經理不得更委別差仍聽該府知府提調及通行南北直隸浙江江西湖廣山東各

原摺附錄卷之三

一九 萬卷堂

司府衛所掌印官務將見在存軍料銀不拘遠年近日儘數遵例查明那移別用者即行處補冒領侵欺者即行嚴追其過期未扣已扣未完已完未解已解未獲批迴者逐一查出追究具由回報漕司自後每年料銀限十月以裏就差該衛所當年減存催料運官逐項分別封記解赴漕司驗發淮安府漕運庫收貯俱聽漕司明文給付修船旗軍赴庫支領按季填報循環稽考其各總衛所應支修船銀兩照年等第把總官查明不必類造耽延每衛各造冊給與領運

官隨重運過淮呈遞漕司查明支出委官唱名給散旗軍親自領去償還料價庶幾宿弊禁革船必堅完人無嗟怨載入議單未為遵守

一議舉劾照得漕運每歲糧米四百萬石額坐浙江江西湖廣山東河南五布政司所屬杭州嘉興湖州南昌撫州建昌贛州瑞州吉安臨江九江南康廣信饒州武昌漢陽永州衡州岳州黃州荊州長沙承天德安東昌濟南兗州開封懷慶彰德衛輝南陽河南歸德三十四府并應天直隸蘇州松江常州鎮江安慶寧國太平池州

原摺附錄卷之三

二一 萬卷堂

廬州鳳陽揚州淮安廣德徐州一十五府州每年派撥各總官軍領兌運納係是成規一切漕例具在議單但地方廣遠官品不齊各處徵糧過期交兌違限或輕齎遲爾或行糧落後今年六月糧船過淮日久各處輕齎席板多未解到若遇一事稽延未免全幫違誤雖漕司照例嚴行督催文移往返動經月餘各該所司奉行完報者固有而抗違怠玩者甚多緣各官多屬隔省意謂漕司不與舉劾輒以彼處撫按批行為詞往往阻誤糧運年復一年百務廢廢若非立

法補救將來運事日益難支查得總理河道衙門因事掣肘奏准將河道有干衙門聽其舉劾况漕運職司錢穀與前項司府州事體相關尤為重大如蒙伏望皇上軫念漕運為國家重計值此廢墜之餘乞勅吏戶二部再加詳議合無將有糧司府州縣掌印管糧官員職名先於該年九月以裏開報漕司容臣查考徵兌遲速分別賢否據實舉劾其縣丞州判官等官例不舉劾者查照往年舊例但遇運官呈稱船到無糧管糧官呈稱有糧無船彼此抵牾容

鄭端簡公奏議卷三

二十一 萬卷堂

臣即時差官提取對證責治庶幾人心知儆若待類叅不過納米數石又復派取小民指一科十管糧官反以為利不以為慮也其有九月以裏職名未到者亦容臣等行彼處撫按將各該掌印管糧官住條庶幾人心知儆有裨運務矣議船廠切照浙江總杭州前等一十三衛所原額淺船共二千三十九隻俱用松木五年一造每年該造四百餘隻原無軍三料銀每隻領浙江布政司民七料銀七十三兩相無底船成造若底船全者運貼軍辦料銀一十五兩折卸者

鄭端簡公奏議 卷三

貼銀二十兩無底者貼銀二十四兩先年因未立廠各衛關料俱於蘇州府地方雇匠四散打造多被官旗通同匠作侵欺料價板薄釘稀駕不經久至嘉靖三年間該浙江巡按御史歐珠建議行漕司勘明題准於杭州設廠團造委指揮一員把總其事仍行工部抽分主事帶管近年以來訪得彼處商匠包攬勢豪強賣釘灰木料倍取價值惟知射利不恤漕船造不如式限未及期多有損壞弊出百端難以枚舉但緣漕司遠隔不便稽察而人情不知警畏妨誤漕

鄭端簡公奏議卷三

二十二 萬卷堂

運莫甚於此近值倭寇擾亂地方未靖起運必須如期造船宜革宿弊矧今該廠弊端日增漕船日廢臣等受茲重寄寢食未遑為今之計若不改建船廠嚴加督察銀兩耗費愈多糧船損壞益甚臣等查得儀真臨河嘗有補造船地空濶堪以設廠况浙江買木必由儀真經過合無自嘉靖三十四年為始行令先期通將民七料銀解赴漕司照例發淮安府貯庫該總將杭州等一十三衛所年例及號淺船今年運回就令押空船委官駕至儀真灣泊將原設浙江廠把

五六一

總官改於儀真新廠駐劄於杭州前等一十
三衛所各取能幹不拘千百戶一員在廠管造
查收底船關領料價收買木植等料把總提調
關防禁革姦弊召雇匠作如法打造刻期歲裏
工完過年照新例參究降級每五日一次開工
數報漕司船完給旗領駕裝運過淮印烙每年
將造完船號旗甲姓名用過料價數目造冊呈
報漕司查考庶幾錢糧不致侵漁運軍得免因
累矣

一議職銜照得永樂年間初設漕司平江伯陳瑄

平江伯陳瑄奏

二十三

萬卷堂

實領其事又設副總兵官每年起運前往江南
等處水次催兌方面有司等官體統相臨遵守
法例糧得早兌運無後期成化初年始改都指
揮同知表祐充叅將註在錦衣衛帶俸代理副
總兵事名目雖異體統尚存自後郭鉉周璣張
洪溫和莊椿梁璽王王張奎劉璽相繼叅將照
舊在錦衣衛帶銜支俸後至嘉靖十三年叅將
萬表循例陳乞錦衣衛帶銜以便僱運彼時止
查張奎劉璽奏乞帶俸係沿正德年間弊政題
奉 聖旨錦衣衛係近侍衙門不許濫入以後

都照這例行欽此迄今推任叅將止在原任都
司列銜以致都司視為僚友各府州縣目為都
司體統盡廢約束難行叅將遂不復往江南止
駐瓜洲催僱再照湖廣等一十二總各設把總
一員先年俱用都指揮或署都指揮近年惟以
都指揮體統行事指揮把總如江南江北直隸
衛分尚可行事至於湖廣江西浙江山東四總
皆有都布按三司視為下僚多方裁抑衛所有
司各官效尤抗慢催兌糧運徵處船料取撥官
軍事多掣肘近因例限嚴明河道艱阻臣等猥

鄭璽領奏

二十四

萬卷堂

承重寄勉圖稱報須得體統稍異政務易行今
思錦衣衛係近侍衙門奉有 明旨不敢輕議
查得京邊叅遊管領人馬一枝多有蒙 恩得
帶府銜者漕運叅將奉有 勅諭協同漕運兼
守淮安較之京邊叅遊帶府銜所管事體尤重
乞 勅該部詳議查照京邊叅遊帶府銜事例
擬議上 請准令漕運叅將亦帶府銜仍照先
年前往江南浙江等處水次往來督催各府州
縣掌印管糧等官悉聽稽查依限交兌如有徵
兌逾期誤事者輕則量行責治重則指實叅行

漕司奏 請謹罰其湖廣等四把總并加查勘
見在各把總賢否內有稱職及曾經保薦者量
陞著職若不相應更調別用另推真署都指揮
充把總官令得與都布按三司頡頏行事以後
推用參將并四都司把總照例題 請施行庶
體統正而職業修舊規復而漕計有裨矣

一議江閘案照先據直隸揚州府申准管河通判
吳景晨牒奉漕運衙門會劄前事仰勘瓜洲花
園港一帶通江官河始自何年開挑行船後於
某年因何淤淺不通今欲疏濬建閘通運人情

鄭端簡公奏議卷三

三五

高卷堂

事體有無利便再查瓜口閘是否即係花園港
一帶河道新置緣何關閉不通瓜儀地里相去
不遠何故儀閘通舟如故而瓜閘旋興旋寢豈
河形曲直不同易於走洩或地勢高下懸絕不
便啓閉抑閘座建不如式難於放船或人情利
於盤剝多方沮撓逐一詢訪參酌根究務使停
當經久可行不徒如昔年糜費錢糧仍備將瓜
儀各地形閘座模倣圖畫并工力錢糧事體難
易明白開具呈繳施行等因奉此依奉親詣瓜
洲督同本鎮巡檢王定壩官袁文學王世方拘

集槩鎮年高知因老人保正徐寵等各到官帶
領步筭水手人等前至西花園港從江口由港
內水路逐一舟行踏勘直抵鎮西陳家灣東時
家洲越河出至運河口計長一十餘里路道環
繞水流平緩其上河與下港地勢雖有高低並
不陡峻設若就彼建造閘座使江南糧運由此
上閘出於運河北行以免車剝之難誠為經久
之便隨審徐寵等各稱本港先年曾有石閘相
因到今已廢年久椿石等件無存遂被居民占
為田地墳宅莫考所自本職復又登陸步履踏

鄭端簡公奏議卷三

二六

高卷堂

勘得越港以裏舊廢閘座迤南居民侵占港身
開田莖墳起蓋房屋約有一里兩邊老岸尚存
此去即通港水若建閘之時仍將港身兩邊民
占田塚并臨河房屋量價承買歸官其間灣曲
之處亦要開濬舒暢以所挑港土幫為隄岸兩
邊礙路樹株亦用伐去向後另於隄內新插柳
樹甚有濟於漕儲及照儀真通江閘座探得彼
處運河響水閘地勢直抵江口僅及五里水平
共低六天大約二處以地勢計論則花園港北
之通江閘座似為相同而潮水遇長上下俱平

瓜口閘設於各壩之外緣非花園港一帶河道彼時設閘蓋為攔潮糧運雖由此閘而進未免仍從各壩車盤徒費錢糧無益糧運合無將花園港上首以時家洲越河為首開唐家橋北二里設為二閘橋南二里設為二閘江口入裏設為四閘北照儀真事體建閘四座每遇二月初間糧運通行開放至軍糧過盡即為封閉外加上壩築實毋容走洩水利其往來民貨船隻照舊各壩車盤庶幾鎮民不妨生理而每年運船得省車盤之費不知其幾合用建閘錢糧

蘇端履奏議卷三

二七

萬卷堂

工力畫圖貼說備由牒府回申在卷案照先據鎮江衛運糧指揮關宣呈稱瓜洲原有花園港通江官河年深淤淺堪以挑濬設閘通船有益糧運據此已經會行本官踏勘去後今據前因看得所申花園港原係通江官河從江口直抵鎮西時家洲越河出至運河口計長一十餘里先年曾有石閘今廢年久椿石無存及勘得舊廢閘座迤南居民侵占港身開田築墳起蓋房屋約有一里兩邊老岸尚存即此可驗舊港形跡原非民地因淤年久遂被居民占業并臨河

房屋量為出價歸官比照儀真建閘四座以通糧運以免車盤誠為漕運無窮之利蓋緣瓜洲各壩居民圖利隱蔽官司遂使每歲漕糧二百餘萬石運船五千餘隻勞費財力耽延稽阻指揮關宣世居鎮江見閘真切特舉此議又該通判吳景晨躬請水陸踏勘明白相應議處但所費椿石工匠人夫錢糧未經估計查得先年建造瓜石閘一座動用漕運官銀一千三百餘兩以今四閘論之約計用銀五千二百餘兩并給買臨港民占原地開濬幫隄栽樹修葺等項再

蘇端履奏議卷三

二八

萬卷堂

約用銀五六千兩共計該銀一萬一千餘兩約計每歲江北浙江下江等五總過壩正耗糧米二百餘萬石每石合用盤壩脚米一升共用米二萬餘石折價每石四錢值銀八千餘兩以兩年車盤之費足勾創建四閘之用前項銀兩暫借淮安府庫漕運官銀支出專委南河工部郎中監督分委廉幹官員管領若官為採石責令往來船隻附帶不無耽延歲月工程難完相應召商并木鐵灰麻一切兩平收買存倩人夫從內及外次第建造不勞民力不斂民財候下年

查將各總原該過壩脚米扣銀補還數足停止再照四閘相去不過十里合用銓選閘官一員閘吏一名總司啓閉每歲二月間糧運盛行開放止許官糧船行禁止民載不得出入至七月內糙白糧盡即為封閉其往來民貨船隻照舊各壩車盤候十月以後各總回空糧船到閘却又開閘放出庶使船無停滯糧無盤剝而盜竊侵漁之弊亦盡革矣

議行糧據直隸滁州等衛所運糧指揮等官崔文漢等呈稱派兌江南等處糧米見運官軍該

鄭端簡公奏議卷三

二九 萬卷堂

支行糧蒙帖淮安府常盈倉支給該倉回稱見在糧銀儘放淮安等衛官軍無糧緣由前來據此隨據該府申蒙管倉戶部陳主事牌開節蒙漕司坐派淮安等衛官軍行糧俱赴常盈倉全支除將在倉糧銀儘數放給外查得該倉原額麥糧七萬六千六百石內有淮安府未解糧四萬八十餘石常州府未解糧六千三百一十六石四斗一升揚州府未解糧四千三百六十一石六斗七升各稱災傷延捱不納除將滁州衛以後支糧鈞帖申繳漕司乞為改撥別倉支領

等因查申前來為照運軍行糧乃沿途食用若或耽延未免蠶食正糧病運掛欠已經遵奉

勅諭內便宜處置事理將滁州等衛各幫官軍行糧照依上年事體改行臨清倉支今各府州縣徵解不前往年漕糧減折行糧數少未嘗告乏近年全運行糧支多况改倉支領亦稱乏糧文移往返耽延誤運查得戶部議單內開運糧官軍行糧浙江江西湖廣江南直隸衛所俱於本處倉關支南京各衛官軍就於兌糧水次倉關支惟江北鳳陽等二十二衛所官軍俱於淮

鄭端簡公奏議卷三

三一 萬卷堂

安常盈倉關支等因查得每年全運用行糧大約八萬餘石內除派兌淮鳳揚州三府并山東河南領兌者約用行糧二萬五千餘石應合照舊常盈倉支領若江南兌糧官軍約用行糧五萬五千餘石查嘉靖三年漕司議將蘇松等府起運鳳陽等倉糧四萬六千石并常鎮二府該上常盈倉糧一萬一千石俱免上倉就令民戶運赴本處水次聽監兌等官隨正兌支給江北二十二衛所官軍行糧并行淮安等府將原上常盈倉糧四萬六千石改運鳳陽等倉上納

以抵蘇松等府原納之數已行一年官軍稱便
止因各府不恤漕軍未遂拖延隨申復舊常盈
倉支適今河道煩難地方警擾漕運為重刻期
過淮過洪無容官軍延緩凡可速運事宜即應
隨時改定合無仍照嘉靖三年事例將淮安府
該上常盈倉糧四萬六千石改上鳳陽等倉抵
補蘇松等府原納鳳陽等倉之數却將蘇松糧
米存在水次動給領運官軍行糧其常鎮二府
該上常盈倉糧一萬一千石亦留本府水次聽
江北等總官軍隨糧關支再照浙江湖廣江西

蘇省八奏議卷之三

三二 高卷堂

南京南北直隸各該水次支給行糧俱要各該
衛所印信文冊以致往返留難科派百出守支
官旗指以造冊經過各衙門使費衛所軍多者
百十餘兩少者不下六七兩此皆軍士舟楫
相應通行前項南京省府只遵照議單事例每
正糧三十石七斗二合作軍一名給行糧三石
每運官一員亦給行糧三石填入原給勘合回
照中間軍糧雖稱灑派逃故船非人力決不能
行只照運米支糧庶免旗甲沿途包陪在工科
歛大弊如糧支不盡仍令民戶運赴原定該倉

交納若水次拖延上倉遲緩俱照議單內嚴處
軍糧以速起運事例定將經該官吏叅問住俸
降級以為怠職誤事之戒庶民免上倉勞費之
難軍免造冊科歛之累

一議分總切照漕運一十二總其江北等一十一
總軍船多者不過千餘隻少則八九百隻催備
起運交納船回易得速完惟浙江一總原額官
軍二萬一千八百餘員名淺船二千餘隻比之
各總數增一倍况溫台寧處金衢等衛所離省
寫遠船回寄泊杭州河下官軍俱各回衛把總

蘇省八奏議卷之三

三三 高卷堂

官在京催督完納每至歲暮方得回南又該分
派水次交兌雖在浙江一帶而溫台等衛所相
去水次路遠一官勢難徧歷往往領兌愆期况
今地方倭寇擾亂徒有統攝虛名全無綜理實
效至於查補逃軍督驗修船止憑文移委官催
促往返動經旬月茲頑恣肆任意延緩盜糧侵
料弊端百出不能悉舉且如連年掛欠京通倉
糧每至二三萬石那用扣省羨餘等銀亦不下
二三萬兩追補雖嚴拖欠如故年復一年通關
未獲比之別總積弊尤甚蓋由總屬軍船衆多

錢糧浩大是以一把總官關防照理不周所致
若遇才力罷軟愈見廢弛臣等查得江南原屬
一總比因軍衛隔遠難於鈐束曾於嘉靖四年
間該漕司會議題准分為上江下江二總各
設把總官管理至今稱便矧今浙總軍船日漸
凋弊其惜一官不分為二將來廢壞難以救藥
合無比照前例將該總原屬杭州前右紹興三
衛湖州海寧嚴州三所共額官軍九千九百八
十九員名淺船九百餘隻運糧三十萬四千五
百三十三石一斗三升八合分為浙西總寧波

鄭端簡公奏議卷之三

三十三

萬卷堂

處州台州温州四衛金華衢州二所共額官軍
一萬一千八百一十二員名淺船一千一百餘
隻運糧三十六萬七百七十九石二斗二合分
為浙東總添設把總官一員分理庶催餉易於
責成起運不致遲誤

一議旗船據清江造船廠把總指揮同知樂鏜等
呈備鳳陽直隸管廠千百戶呂東等呈稱留守
司江北三總鳳陽淮安揚州等三十衛所年例
改造淺船共三百四十五隻合用料價除民七
料銀外每隻該軍三料銀三十五兩共銀一萬

二千七十五兩內廠造船一百八十一隻該銀
六千三百三十五兩係各衛廠軍辦納就將各
軍月糧查支扣解惟旗造船一百六十四隻該
銀五千七百四十兩俱在各衛減存軍辦料銀
內支給先年在庫料銀有餘足備支造近緣漕
糧奉例全運減存軍少料辦不敷縱有臨時減
折料亦不多其廠辦料銀又因連年災困月糧
無支往往拖欠每遇改造急缺料價只得呈借
庫寄別總衛所修船料銀時值庫藏空虛無料
可支責令廠官賒料備造往往借貸不前經年

鄭端簡公奏議卷之三

三十四

萬卷堂

隔歲不得報完以致見運缺船裝載况新例嚴
明參問降級深為貽累呈乞轉達議處等因到
臣查得清江廠每年額造中都江北直隸南
京等總淺船五百五十二隻四分內南京總船
二百七隻四分內廠船料價出於南京戶兵二
部鹽引柴薪銀兩旗船料價出於南京總各衛
兌運江浙三總輕齊銀兩扣完造船不致妨誤
惟鳳陽直隸衛所旗廠料銀不能依期解淮蓋
廠料原有餘丁貼辦月糧抵扣今因連歲災傷
糧無見支差役繁重丁無空間遂多拖欠其旗

船料銀又因全運衛無減存軍無辦料而年例船料勢不容緩每遇改造告急只得借支別總那東補西苟圖完事旗船未及告完別總又復取討紛紛呈告無從支給有將行糧月糧盡數包陪者有將兌運官糧暗自賣償者官軍受害公私俱弊年復一年疲困極矣臣等猥受漕運重寄豈容緘默除嚴造船料暫時遲緩尚可照舊於各廠軍月糧銀內嚴行扣抵追解外所有旗船料銀五千七百四十兩若專筆減存軍料一遇全運修船尚且不敷成造焉能濟用查得

鄭簡公奏議卷之三

三五 萬卷堂

議單內一欵溥閘利以及百姓內開自嘉靖十四年為始輕齋銀兩除一六照舊外二六者原餘米二斗六升減去二升止徵二斗四升折銀一錢二分改為二四輕齋扣留銀一分解寄太倉庫以備修河之用今查江北直隸中鄒三總衛所逾年全運額派兌運正糧共八十六萬八千二百二十八石六斗五升六合內除山東糧一十一萬二千八百四十六石四斗三升二合係一六輕齋免扣其江南本府州糧七十五萬五千三百八十二石二斗二升四合內除三分

通糧外實該七分京糧五十二萬八千七百六十七石五斗五升六合八勺每石該扣由開解部銀一分共銀五千二百八十七兩六錢七分五釐五毫六絲八忽比與旗船額料止少銀四百五十二兩三錢二分四釐四毫三絲二忽仍於減存軍辦修船料銀內補支若將此銀起運過淮照數扣存寄庫以作各衛旗船料價之需比與南京總衛扣用三四輕齋造旗船事體相同合無自嘉靖三十四年為始將江北直隸中都總下衛所兌運二六輕齋內該交七分京糧

鄭簡公奏議

三六 萬卷堂

每石扣銀一分發寄沿安府庫聽造旗船支用其該京糧扣銀一分似應免解如此庶年例旗船不致無料妨誤而見運修船亦免累軍包陪乞入議單末為遵守

一議軍夫據直隸儀真揚州高郵淮安大河邳州徐州徐州左八衛各申稱本衛地方逼近河濟南北衝要每年凡遇進貢進鮮等船合用軍夫俱於各所雜差內借撥應付一年輪差不過二三次軍不告勞近年有南北過往不分大小官員船隻不顧地方連年災傷軍士京操漕運

動輒發牌抄准逼要軍夫軍牢吹鼓手一時各
應不前即便綁打職官百般凌辱及至典賣衣
糧忍痛雇倩應役又遇前途缺人更替帶過數
站剥衣絕食苦不可言見今淮大二衛吹鼓手
死亡在途者甚多又有各帶光棍隨船充軍牢
吹手逼勒折乾忍心害理並不仰體 朝廷存
恤災傷蠲免稅糧之意即今衛所困疲軍伍蕭
條矧地方多事東境海洋未靖西界群盜未殄
見蒙點選召募 操合無將過往使客官船取

鄭端簡奏

三七

萬卷堂

用軍夫軍牢吹 盡行裁革少蘇十分困苦等
因各到臣及臣往來淮安兩城及鳳陽等處節
被軍餘男婦沿街哭訴情實可憫據此查得節
年題 准事例凡遇公差馳驛文武大臣進
貢進鮮等項州縣人夫上水二十名下水十名
其餘公差人員上水十名下水五名驛遞俱有
關文上水驛五名所七名下水驛三名所四名
有驛無所有所無驛上水十名下水八名其過
關米館驛上下水俱二斗遞運所上水四斗下
水三斗一船止支一關支驛者不許支所支所

者不許支驛節經題奉 欽依通行欽遵外為
照每年進 貢鮮品并 龍袍 御用物件等
項關係 國家重務經過軍衛自應撥夫拽運
送過一程即回生理至於過往使客人員中間
守法者止照關文應付有等勢豪罔遵 國法
或一人乘坐數船或一船齊執數關沿途攻打
響器虛張聲勢每到一驛聽信船頭撥置多方
需索恣意誅求既有州縣驛遞人夫應付又要
軍衛撥夫又要軍牢又要吹手又要折乾及查
各衛原設答應軍夫數亦不多逃亡過半過有

鄭端簡奏

三八

萬卷堂

公差却將雜差餘丁輪撥日無休息貧軍負累
委的不堪各衛所申前因實係下情困苦若不
查處深屬未便除冒濫關文照例裁革外緣臣
待罪拊循地方日擊其艱豈忍坐視如蒙乞
勅該部詳議合無出榜通行撫屬軍衛有司驛
遞衙門張掛曉諭今後凡遇進 貢鮮品等船
合用軍夫悉照舊規應付外其過往使客不分
大小官員船隻如有前途發牌行令軍衛抄牌
者通行禁革不許抄牌應付軍官敢有阿意奉
承者一體治罪干礙應參人員聽撫按衙門參

奏施行其各衛原設各應軍夫盡行裁革仍令該衛將見在人役僉補操運如此庶法令嚴明人知警畏驛傳肅清而地方免騷擾之弊矣

一議俸薪照得江北地方設臣巡撫都御史一員

并管理南河工部郎中一員漕運理刑刑部主

事一員督造漕船工部主事一員淮安徐州管

倉戶部主事二員徐呂二洪管洪工部主事二

員治頭管開工部主事一員俱帶有家小駐劄

淮徐府州地方公理事務各官應得俸薪等銀

米俱是差人齋文赴京各該部院關領係是舊

鄭蘭泰卷之三十一 三十九 萬春堂

規如臣本色食米一石照例每月於淮安府支

給其管河郎中等官八員每年該支本色米九

十六石計算公私之費四百餘石方得九十六

石至京通計兩直隸十三省各有京官帶家小

駐劄行事者每年食米不下一千餘石俱應查

照臣例就於各該地方存留糧或別項官銀內

支給似於京儲頗有便益其折色俸銀并折

絹折布等項一體查照在京則例亦於所在官

司應解戶部銀兩內支給再照臣等九員該柴

薪四十二名該銀五百四兩相應就於所屬四

府三州各衙門扣除缺官柴薪馬丁齋夫銀兩內支給有餘查扣解還兵部少欠本處賦罰銀兩補支通計兩直隸各省不下六千兩俱應議處不惟解戶收頭糧長免於徵解各官亦得就近支用殊為兩便如蒙乞勅戶兵二部詳議凡京差官員帶有家小駐劄行事者本折俸銀并柴薪銀兩一體隨任支領庶幾官司得省文移而小民亦免勞費矣

戶部會覆

一議職掌

云云

鄭蘭泰卷之三十一 四十一 萬春堂

前件查得海寧衛今領軍船原係杭州前等衛

所應領之數先該浙江撫按官奏戶部題准

行令會處退還今却不退還將糧米漚派甚非

事體相應行漕司會同浙江巡撫將海寧衛四

所運船照舊退還杭州前等衛所撥軍領駕或

量派該總堪加衛所使舉輕易舉海寧衛掛欠

糧米作速追補完結其鎮海太倉蘇州三衛運

船照舊上運行巡撫官另議防守仍行各該撫

按司府等官今後事干漕運務要聽漕司處分

不得侵越違者聽戶部及該科參究

一議通負 云云

前件相應依擬一行各該巡撫將前項料銀嚴督有司軍衛催解一行南京工部將蕪湖廠各年拖欠木價上緊解還一行江西巡撫將黃良等侵欺銀兩追究解淮或將犯人照數解淮監併

一議庫藏 云云

前件相應依擬添設庫副使一員專收漕司錢糧其出納仍聽淮安府掌管不必另項委官其司府衛所料銀查補解報驗發收支悉照所擬施行違者聽漕司參究

一議舉劾 云云

前件相應依擬舉劾其兌運船米遲誤彼此抵牾者徑行監兌官會同巡按就近提問

一議船廠 云云

前件相應依擬將浙江民七料銀如期解淮貯庫浙江廠把總官改於儀真新廠駐劄其餘事理俱照所擬施行

一議職銜 云云

前件看得漕運參將先年原無五府帶銜而錦

衣帶帶銜事例又有奉 明旨不許濫入俱未

敢輕議合照舊銜充參將管事各處既有監兌主事會同巡按御史行事參將亦仍在瓜洲催償不必赴各水次軍衛有司遲誤船糧者俱查實備行漕司參究其把總官既稱事多掣肘聽兵部於見在領運官內查推資望相應諳練運務者陞都指揮以便行事年淺不堪者不得一槩濫及

一議江閘 云云

前件看得建置花園港閘既係古昔閘座且有利漕運相應依擬閘成通舟之日漕司移咨吏部銓選閘官一員撥閘吏一名禮部鑄條記一顆以司啓閉其餘事體俱照所議行

一議行糧 云云

前件相應依擬自三十四年為始將蘇松該上鳳陽等倉糧常鎮二府該上常盈倉糧俱留在各水次隨正兌給運軍作為行糧支不盡者責令民戶運赴各該倉交納將淮安府該上常盈倉糧四萬六千石改上鳳陽等倉抵補前數但淮安常盈倉糧改上鳳陽則百姓添一番腳價

之費蘇松常鎮該上鳳陽常盈倉糧留在水次
百姓可免解納之難相應行漕司調停量扣有
餘以補不足使不偏累其延參究勘合回照
悉所擬施行

一議分總 云云

前件相應依擬將浙江總分為浙西浙東二總
各照所開衛所管理除見任把總管理浙西總
外兵部再推一員管理浙東總事

一議旗船 云云

前件看得造船料銀各有出辦舊例今稱留守

漕運總督奏議卷之三十三 萬卷堂

司江北三總旗船無軍辦料要將二四輕齋扣
留銀一分免解部發寄淮安府庫聽造旗船查

得先該戶部議溥開利以及百姓將輕齋銀兩

二六三六者各減去米二升各扣留銀一分是

前銀一分原係免徵以寬民力非解戶部之數

也三十一年該漕司題稱前項輕齋雖經通行

減徵節據揚州等府猶徵在官別用要自三十

二年為始將二四者仍改二六三四者仍改三

六每米二升折銀一分共銀二萬七千餘兩解

發淮安府寄庫會同總理河道衙門查河道夫

役係極疲州縣編僉者量減數名將前銀添雇
該各衙門會議依擬仍候年豐地闢遞移復業
夫役可辦之日漕運衙門酌查應否減徵緣由
具奏另處是前銀一分已徵作修河夫役之用
有何可以扣存但查前銀雇夫修河係一時權
宜若以之修船亦非事體合行漕司備查前銀
徵過若干河夫用過若干存剩若干如果無軍
辦料暫准扣留五千二百八十七兩零權作修
船之用如原辦夫州縣果然民力稍蘇仍責照
舊出辦及或有減存料銀前扣留銀五千二

漕運總督奏議卷之三十三 萬卷堂

百六十餘兩支用不盡者通收貯庫年終一體
解赴戶部作正支銷

以上俱嘉靖三十三年十月二十八日該戶部等

衙門尚書等官方 等具題本月三十日奉 聖

旨這漕運事宜都依擬行欽此

一議軍夫 云云 該兵部另覆合候 命下移咨南

直隸撫按衙門出榜通行所屬各該衙門張掛

曉諭今後凡遇進 貢鮮品等船合用軍夫悉

照舊規應付其過往使客及大小官員船隻如

有發牌行令軍衛應付者通行禁革不許應付

違者一體治罪干礙人員悉聽撫按參奏施行
 各衛原設各應軍夫通行裁革仍令該衛將見
 在人役僉補操運等因嘉靖三十三年十月二
 十四日太子少傅本部尚書聶 等具題本月
 二十六日奉 聖旨是欽此
 一議俸薪 云云 該戶部另覆合候 命下本部移
 咨總督漕運都御史鄭 自嘉靖三十四年為
 始將前項各官各每月應支食米聽於各駐劄
 地方司府存留糧米內支給其巡撫鳳陽都御
 史及各官所俸折布等項俱照在京則例
 各 云云 應解本部或地方存留
 及戶貯官銀內動支給與部屬等官三年一年
 差者以各該年分滿日為止餘月仍俟赴京給
 領各司府將給發過銀數呈部以備查考此外
 除山陝宣大遼薊等邊原無解部銀兩及本色
 米不便仍舊在京關支外其餘但凡京差官員
 帶有家小駐劄各地方行事者俱以到地方之
 日為始一體在外關支本部及工部等衙門將
 各官在京原支俸給扣出不必造支其僱運郎
 中監兌主事等官但係不帶家小及不係一年

三年差者仍俱在京關支伏乞 聖裁等因嘉
 靖三十三年十月十七日本部尚書方 等具
 題本月十九日奉 聖旨是欽此又該 兵部
 另覆合候 命下移咨部院凡有差出官員帶
 家小駐劄行事者轉行各該地方查照各官應
 得柴薪自 命下之日為始就於附近衙門扣
 除缺官柴薪馬丁齋夫銀兩有餘照舊解還本
 部少欠以本處贓罰銀兩補給如遇回京截日
 住支仍於本部 申年終通將各官支給過銀
 兩并解部 四道冊奏繳青冊送部查
 俟止 部關支伏乞 聖裁
 係僱運 鈔依該部知道事理等
 因嘉靖三十三年十月二十九日 太子少傅兵
 部尚書聶 等具題十一月初一 奉 聖旨
 是欽此



鄭端簡公奏議卷之四

門人項篤壽校梓

淮陽類

添設沿海把總疏

題為比例添設沿海把總官員以便防守事照得通
州等處倭寇流劫地方俱於掘港登岸臣歷詣通泰
等州縣備訪險要聞之父老稟稱 國初防倭掘港
為急設有備倭官軍一千五百員名後於正統十四
年調取一千名北征止剩五百員名又多事故老弱
不堪其備倭指揮不係軍政往往視為海徼荒落之

鄭端簡公奏議卷之四

一 萬卷堂

區委用闖茸庸劣之徒賣放軍餘侵剋月糧積弊已
久去年今年節被倭寇從掘港登岸劫掠為害不小
據此為照通州雖設叅將一員駐劄防禦緣地方曠
遠一遇警急顧理不周及照掘港地方江海相通孤
懸特甚賊一登岸外則各處鹽場內則通泰等州縣
四路奔突卒難堵截相應比例添設把總一員分布
督理庶克有濟已於本年五月二十六日劄仰叅將
梅希孔選委謀勇經戰官員領兵駐劄防守隨據梅
希孔呈委宿州衛鎮撫呂圻領兵快三百名前赴
掘港并提調彼處原設官兵五百員名及鄉村義勇

相兼防守去後但未經部議奉有 欽依名位既輕
難於行事如蒙伏望 勅下兵部議照江南添設把
總并邳州衛百戶張瑞陞署指揮僉事職銜事例題
請 明旨選委相應官員責令分管掘港等處官軍
兵壯無事巡邏瞭望有警相機戰守候事寧之日奏
行裁革再照臣先因鹽城洋麻港口海州雲梯關等
處俱應備禦上年倭賊曾至鹽城去淮安府城不及
百里洪武正統年間倭賊屢犯海州乃敢查照江南
事例訪舉武平等衛指揮等官楊縉等四員俱堪擬
陞把總分管前項地方已於本年三月三十日會本

鄭端簡公奏議卷之四

一 萬卷堂

具 題去後內楊縉已陞湖廣荊州守備訖竊念臣
委的不諳事體借妄坐名具 題擬用不能無罪如
蒙并 勅部通行查議別選堪用官員題奉 欽依
行令把總防禦前項各地方庶戰守得人而緩急有
備矣嘉靖三十三年七月初二日 進奉 聖旨兵
部知道欽此欽遵抄出送司案查先為前事該巡撫
鳳陽侍郎鄭 題稱指揮楊縉謝詔堪任鹽城洋麻
港口把總分管鹽城興化等所千戶楊天駿吳漢堪
任東海把總分管東西二所并雲梯關地方該本部
查得指揮楊縉先已推陞湖廣荊州守備去訖議將

保障城池一切河道屯田鹽法倉糧事務咸得經理
責任既重稱塞寔難副使李天寵才行並茂文武兼
資歷任以來摧強拊順節用愛民練兵積穀除戎設
險皆有條理真干城腹心之器也近日倭寇攻圍通
州前賊未退後賊復至臣本菲才束手無策李天寵
躬擐甲冑獎率三軍如臯一戰大敗群賊所斬首級
悉係真正倭奴生擒從賊的委主謀叛寇蓋通州前
後雖有斬獲功次二百零九顆類多鵬剿劫營追躡
搜捕所得未有如天寵旌旗金鼓列營布陣大挫賊
鋒扶攜逃遁者也况年力正強名實方著雖有微疾

鄭端履奏卷之四

五 萬卷堂

尚堪在任調理若容令休致委的人材可惜臣竊恐
地方多事意欲援引南京工部尚書吳廷舉原任兵
備副使後陞布政司叅政兼按察司副使仍管兵備
事例乞久任李天寵不意本官乃有求歸之疏如蒙
乞 勅吏部詳議將李天寵仍留在任調理痊可供
職庶賢能得盡其材而地方亦有賴矣嘉靖三十三年七月初二日 進奉 聖旨吏部知道

議處驛傳疏

題為議處驛傳以革宿弊事臣會同巡按直隸監察御史李逢時莫如士議照撫屬沿河驛遞南自儀真

北至沛縣共計二十七處除儀真至淮安一帶尚能
應付惟清口至泗亭各該驛遞雖因地方災傷錢糧
短少亦由積年光棍聚集兇徒把持官吏遇有一應
公差人員到來關閉衙門團聚曠野執持鎗棍堆積
輓石不接關支不行應付使客耽閣稍有較論即便
趕打甚至傷人壞船待其去後抄謄前路關文黏投
卷簿填入循環按季銷算官銀發到冒破侵用臣到
任以來雖經訪拏究治柰何積襲相沿一時未能盡
革若不早為議處姦弊日滋錢糧糜費賓旅落寞甚
至聚眾百餘酗酒行兇恐成他變臣叅訪衆論皆謂

鄭端履奏卷之四

六 萬卷堂

各地方光棍因無州縣管轄驛遞官吏受其利餌不
能鈐束以致狼狽如此如蒙乞 勅兵部再加詳議
合無就將各該驛遞官吏印信移入附近州縣應付
庶幾宿弊可以漸消棍徒因而解散如清口驛屬之
清河縣桃源古城二驛屬之桃源縣鍾吾驛屬之宿
遷縣直河下邳新安三驛屬之邳州房村彭城夾溝
三驛屬之徐州泗亭驛屬之沛縣各遞亦照依驛分
附屬其官吏俱在附近州縣聽候抄關應付稟糧過
關夫船等項雖有兩驛併在一州縣去處應付稟糧
通關仍照驛分計程算給其人夫替換仍止到原驛

處所即回不與州縣夫役一同更替或就量減夫力使客亦自樂從如此庶幾置郵不至虛設錢糧不至侵漁公差員役不至稽遲矣嘉靖三十三年七月初二日 進奉 聖旨兵部知道欽此該本部議覆為照前項驛遞相離州縣寫遠以故積年棍徒立黨聚群敢於為姦不惟阻滯賓旅抑且糜費錢糧其害已非一日莫能誰何本官題 請前因蓋救弊通變勢不容已相應依擬合候 命下本部咨行巡撫衙門照依原議行令清口桃園古城鍾吾直河下邳新安房村彭城夾溝泗亭各驛及各近迤所各該官吏隨帶印信移入附近清河桃源宿遷邳徐沛各州縣聽候公差人員往來到彼抄關應付廩糧過關夫船等項其兩驛併在一州縣者應付廩糧過關仍照驛分計程算給人夫替換仍止到原驛處所即回不與州縣夫役一同更替各驛遞即屬所移州縣統轄凡應付往來事宜及支銷錢糧數目俱聽州縣掌印官立法處置稽考仍咨都察院轉行各巡按御史一體查照施行等因覆奉 聖旨是欽此

定議江南江北兵糧疏

題為懇乞 聖明定議江南江北錢糧軍旅以蘇民

鄭端簡公奏議卷之四

七

萬卷堂

困以安地方事臣會同巡按直隸監察御史李逢時議照江北四府三州連年饑饉雖蒙 聖恩蠲賑及令臣等竭力撫綏未見寧輯去歲逆賊師尚詔竊發今年通州等處倭寇焚劫調遣徐毫邳宿等處官兵剿捕各給召募安家盤纏銀兩隨途應付行糧草料皆取給於四府三州庫藏空虛里甲困敝已自不堪近據廬鳳徐沛蕭碭泗毫等府州縣節申江南防禦倭寇屢蒙上司明文責令挑選兵快多寡不等各要量給盤纏差官管領至江南等處聽候遣用沿途有司支給行糧等因到臣臣因賊情緊急當即批行依文谷應所費錢糧難以悉數只如無錫之富庶奚啻百倍於沛縣今調沛人以守無錫又令沛縣出辦安家銀一百二兩自沛至瓜洲經行江北一千五百餘里所過又皆出辦行糧江北地方豈堪此等勞費臣曾備咨總督衙門定示規則要令江南調江北之兵自備錢糧給與盤纏并隨途糧草應用其召募去處并經過有司免其責辦本年六月二十九日又據徐州兵備道呈蒙總督衙門牌仰本道督領精兵一千五百名前到丹陽蘇州等處會合截殺遵依先選徐兵八百名責付徐州左等衛指揮金漢等統領又行

鄭端簡公奏議卷之四

八

萬卷堂

徐州動支銀八百四兩官每員給銀二兩軍兵每名一兩以爲安家之資經過州縣官每員給厚糧銀一錢軍兵每名行糧銀四分只山陽一縣支給行糧銀三十二兩隨批該道選兵盤纏如擬支給及移咨總督衙門查將前項官兵用過安家盤纏銀兩轉行江南巡撫衙門於蘇州等府收貯聽用官銀內照數解補還庫以後江南調取江北兵快悉照施行去後臣又節查先年浙江江南巡撫等衙門差官前來江北召募驍勇俱係自備銀兩前到所擬地方雇募合用盤纏行糧俱帶領前來給散惟近日調取江北兵快

鄧端履奏義卷之四

九 萬卷堂

不下三千餘人錢糧一切取辦於江北通計不下銀萬兩夫既後江北之人復竭江北之財是江北四府三州兼江南之徭賦矣即今鳳淮等處修理皇陵蓋造高牆建阿濬河揆括已盡不惟有司幹辦不前民間亦甚騷擾此江南江北錢糧所宜議處者也再照倭寇之內華人十居七八類多姦狡知我水陸險易地里遠近將官強弱軍兵多寡謂蘇松在浙西江北間以故今春先犯蘇松致使浙西參將盧鏜江北參將解明道各領兵策應賊遂分投南北登岸搶劫遂至蘇松浙西江北南比千里處處失利蓋賊船外

洋乘風惟所向往頃刻可到我兵策應必由腹裏道路迂遠非浹旬半月必不能至若江北兵赴江南中隔大江卒遇風波又難預料今宜沿海地方各有守兵各有援兵守兵駐劄保障賊至出戰援兵酌量賊情審度地勢分布四五枝如此邊遊擊事例遇有緊急往來策應庶保無虞據臣撫屬自海門以至海州不啻千有餘里萬一海州鹽城有警通泰參將梅希孔亦必不能舍通州而赴急况敢越江而赴江南乎又如鳳陽泗州 陵寢高牆所在關係尤重通州被圍之時鳳泗雖有一留守司十衛所官軍又蒙 皇

鄧端履奏義卷之四

十一 萬卷堂

上軫念根本重地發回京操官軍三千員名臣並不曾敢調動一人一馬蓋事體有輕重自不敢顧彼而失此也徐州雖有勁兵千餘亦緣彼處自古號爲強悍必須兵力彈壓以此通州被圍之時臣不得已調取徐兵六百名一戰勝賊即時發回誠恐山東河南交界去處盜賊生發須兵堵絕一則近護運河一則遙防高牆故也夫善守者必逸已而勞人善戰者必安內而攘外今連年防倭南京浙江江南等處調募江北兵勇先後不啻五千餘人是防倭而不顧鳳泗徐邳恐亦非長策萬一事出不測臣何所逃罪此江

南江北軍旅所宜議處者也臣本非材當此多事日夕憂惶豈敢偏執已見自分彼此竊念倭寇焚劫之禍顯而易見閭閻窮苦之變隱而難知小民至愚而神即使役其力用其財均平齊一彼亦無憾若行以一切之法少壯者既令其奔走於鋒鏑之間老弱者又令其供億於徭賦之外安能保其不有他變乎况賊情難輯而易發民心易動而難安良善為之驚疑姦雄因而扇動是海徼未寧而中原先敝矣如蒙伏望 皇上軫念江北地方 陵寢所在運道所在高牆所在乞 勅該部從長計處以後江南調兵江北

鄭端簡奏議卷之四

上

高卷堂

擬定規則令其自備錢糧給與盤纏并隨途糧草應用其召選去處并經過有司免其取辦供應前項用過江北錢糧亦不敢望其解還補庫其調取江北官兵赴江南者通不得過二千員名原係守兵屯住信地者亦不得調動鳳泗徐邳亦宜仍留官兵防守不得專意防倭而不慮及 陵寢運道高牆及鄰境盜賊如此庶民財不致偏累事體不致偏重外患可平而內憂可弭矣嘉靖三十三年七月十二日 進奉 聖旨該部知道欽此該戶部議覆今撫按官奏稱既後江北之人不當復竭江北之財而鳳淮等處 皇

陵運道高牆閘河諸所修建民力不堪要以後調兵自備錢糧不必取辦江北其已用過免其補還固欲分於彼此者至於先年浙江江南巡撫等衙門差官江北召募驍勇俱係自備銀兩為盤纏行糧之用而今年四月內南京兵部差官江北募兵其安家盤纏行糧亦係帶來給散其所援引亦似有因且稱江南江北錢糧所宜議處但軍需重務關係各地方民隱而一時錢糧又有盈虛不等輕重少偏便有利害本部遽難遙度必須行令會處事體歸一庶可經久恭候 命下本部移咨總督軍務南京兵部尚書張

鄭端簡奏議卷之四

十二

高卷堂

巡撫鳳陽都御史鄭 并巡撫應天都御史周 會同酌議要見先年事規江南募兵調兵是否自備銀兩盤纏行糧料草沿途應用有無派及江北以後召募兵快應否悉照規則遵行其或事勢有緩急庫貯有盈虛又當從長酌議要見何項可以支給何地可以分派一一從長計處停當軍民兩便可久可繼著為定則轉行兵備管糧等道遵行不必各持私議互分彼此動輒內干帑藏以致 國計空虛邊餉缺乏無可為力徑自具奏施行伏乞 聖裁等因嘉靖三十三年八月十三日本部尚書方 等具題九月初

二日奉 聖旨是欽此又該兵部題覆准戶部咨看
得戶部咨稱該巡撫鳳陽都御史鄭 題稱倭寇今
春先犯蘇松致使浙西江北各叅將領兵策應賊遂
分劫以致處處失利蓋賊船乘風向往頃刻可到我
兵策應路遠非浹旬半月必不能至今宜沿海地方
各有守兵援兵分布四五枝遇急策應庶保無虞及
稱鳳陽泗州 陵寢高牆所在關係尤重徐州雖有
勁兵千餘彼處強悍誠恐各省盜賊生發須兵彈壓
堵絕今連年防倭南京浙江江南等處調募江北兵
勇不啻五千餘人是防倭而不顧鳳泗徐邳恐非長

鄭端簡奏議卷之四

十三

萬卷堂

策乞要從長計處調取江北官兵赴江南者不得過
二千員名原係守兵屯駐信地者亦不得調動鳳泗
徐邳亦宜仍留官兵防守各一節為照本官所陳不
為無見舍已芸人顧彼失此均為未便相應酌議合
候 命下移咨總督軍務尚書張 酌量江南江北
賊勢緩急調動兵馬務在兩不相失事關萬全等因
嘉靖三十三年九月十五日太子少傅本部尚書
等具題本月十七日奉 聖旨是欽此

請發銀兩築城疏

題為懇乞 天恩急發銀兩築縣城以防倭寇事據

直隸揚州府申為剿逐倭寇亟議修築城寨以防後
患事該臣牌仰查議如皇海門泰興三縣築城工料
人夫合用錢糧申來奏 請施行等因依蒙行據如
皇縣申該知縣陳雍逐一估計合用甄灰石木等料
匠作人夫工食等項通共計銀四萬六千四百一十
六兩三錢二分海門縣申該知縣翟次喬關報城濠
本縣自行僉報人夫并查在倉稻穀措備銀米挑濬
外築城合用物料夫力共銀二萬二百六十兩九錢
一分五釐及查原蒙批允利和鎮北水蕩田河工銀
已納三千一百三十四兩八錢二分九釐未納二千

鄭端簡奏議卷之四

十四

萬卷堂

三百七十七兩七錢二分八釐本縣城內居民基地
照依先年奏 准事例再起地價一倍銀六百兩二
項通共銀六千一百一十二兩五錢五分七釐尚缺
銀一萬四千一百四十八兩三錢五分八釐泰興縣
知縣姚邦材申通計合用甄灰石木匠作人夫工食
等項共該銀三萬一千七百八十四兩八錢二分其
河濠濬上人夫柴縣自行起取據此看得三縣申內
估計工料物價大約共該用銀九萬八千四百六十
二兩五分五釐內泰興海門除築城外其挑濬河濠
合用人夫俱於柴縣各里民戶起倩輪流更替每日

為措處每人量給食米二升而如臯縣則議動銀
准募每日人給銀三分計算用人夫六十一萬九
十二百工共該銀一萬八千五百七十六兩合無除
築城人夫照依原議每工用銀三分在募外其濠工
人夫今改令該縣照依泰興海門事體於粟里民戶
分番更替每日給米二升折銀一分二釐實止該銀
七千四百三十兩四錢似覺寬省再照通前三縣築
城之費實該用銀八萬七千三百一十六兩四錢五
分五釐但 奏留止有運司餘鹽銀四萬兩其本府
見在稅契事例贓罰等銀除支用外今止餘事例銀

鄒端簡公奏議卷之四

十五

萬卷堂

三千餘兩贓罰銀二千九百七兩七分五釐七毫其
稅契銀在府庫者止該銀六百九十餘兩各州縣者
見今查催未解難定的數通計前項堪動錢糧不及
五萬兩必須一面興工一面再乞奏 請方可克濟
大工合無定委本府通判史朝賓總統其事親詣各
縣督同各該縣官照依原勘基地興工築造仍經理
一應支放錢糧其海門縣止有知縣崔次喬一人防
禦倭寇合行高郵州新任判官趙卿管理築城事務
務要高城深池堪垂永久足為保障等因到臣案照
通州等處倭寇登岸焚劫地方臣於五月二十一等

日歷請如臯縣通州海門縣及狼山等處撫處被寇
人氏閱視城垣看得如臯海門二縣逼近江海急宜
築城當即督同官吏耆老畫定規模行令縣議申府
覆報其泰興縣臣雖未至據該縣士民呈稟亦要築
城行併勘議緣由於本年六月初十日具 題去後
今據前因會同提督操江無管巡江南京都察院右
僉都御史史褒善巡按直隸監察御史李逢時莫如
士議照如臯海門泰興三縣地臨江海形勢險要急
宜築城既經該府勘估工料實計用銀八萬七千三
百一十六兩四錢五分五釐數目前來查得近淮戶

鄒端簡公奏議卷之四

十六

萬卷堂

部咨該臣會題 請准留餘鹽銀四萬兩并該府見
貯稅契事例贓罰等銀相無按濟今據查報通計不
足五萬兩之數况今奉有 欽依賑恤被寇人民該
銀六千餘兩通州等處防倭調到主客兵糧每月該
銀三千餘兩修理器械雇倩哨船又不止千兩海州
鹽城興化等州縣城垣節年坍塌向未修理雲梯關
廟灣拙港口四等處寨堡墩臺俱未修築合用銀不
下數千兩近該江南調發臣撫屬兵快一應安家盤
纏及經過地方千餘里行糧船隻皆取給於江北而
山東兵勇六千名不日將到揚州府駐劄交割日用

糧餉前項銀兩所餘無幾其三縣造城缺銀應用有誤與工明春賊勢殊未可料今查得鳳陽府庫見收折糧銀兩專供鳳陽九衛所官軍俸糧先年江南織造本處賑濟并緊急賊情官兵行糧及南京兵部犒賞池河官兵先後動支前項銀二萬二千五百餘兩今尚有一十七萬八千餘兩積貯在庫原係軍馬錢糧似應動支伏望 皇上軫念海門如臯泰興三縣城池實為通泰二州之門戶揚淮二府之藩籬三十監場之堂室江南常熟崇明等縣之唇齒急宜創建城池保障地方雖費數萬金而外消姦宄覲觀之念

即編類纂卷之四 十七 萬卷堂

內收士民離渙之心即計一歲所獲田糧鹽課奚啻百萬况全活生靈防護運道關係尤重如蒙乞 勅該部從長計處大破常格行令該府於前項積貯銀內量動支六萬兩解發揚州府庫定委通判史朝賓判官趙卿總理分管趁今秋冬之際賊情寧息即便興工其支用不足聽臣督令各該撫屬通融奏補事畢之日將完過工程用過錢糧造冊 奏繳仍嚴行各該管工官員務要節以制度官不傷財說以先民人皆趨事高城深池重門聯堞足以禦暴客而警戎心殿海堧而慎封守自茲以後億萬萬年老安少懷

享 國家親賢樂利之澤男耕女織供府庫粟米布縷之征矣嘉靖三十三年七月十二日 進奉 聖旨該部知道欽此欽遵抄部送司查得動支折糧等銀係隸戶部掌行為此除稟堂外合用手本粘連原抄三張前去戶部山東清吏司煩為徑自查議施行等因到司卷查嘉靖三十三年五月內為重大倭寇懇乞亟處錢糧以便剿捕以固地方事該巡撫鳳陽都御史鄭 題該本部議將兩淮運司聽解餘鹽銀內量動四萬兩及轉行撫按官將揚州庫見貯應解事例稅契贖罰等銀見貯之數權且扣留免解相兼

即編類纂卷之四 十八 萬卷堂

備倭應用等因題奉 欽依欽遵去訖今該前因查呈到部看得鳳陽乃 祖宗陵寢重地庫貯折糧銀兩專供鳳陽九衛所官軍俸糧之需而本部先次題留餘鹽事例稅契等銀專以接濟備倭糧餉而發且築城事宜原非本部職掌而南北直隸浙江等十三省府州縣城池無慮數千例無取給於戶部者况地方殷富士民與其積財以資寇不若輸官以備盜所據前項折糧并 請留餘鹽等銀俱難以輕動也但巡撫都御史等官鄭 等題稱揚州府三縣城池江北鹽課所關江南糧賦攸係且以全活生靈防護運

道之要動支鳳陽府庫貯折糧銀兩築城以防倭寇是蓋設城郭溝池之險而為保境安民之圖外係軍儲內干邊計實不得已也相應酌處合候 命下本部移咨巡撫鳳陽都御史鄭 及咨都察院轉行巡按直隸監察御史李逢時莫如士將鳳陽府庫積貯折糧銀內量動支三萬兩解發揚州府庫收貯與同先次 請留餘鹽事例等銀儘數相兼支費修築後不為例如有不敷以禮勸諭士民殷富之家各照上中下等則出辦財力盡地分工刻期完報庶衆輕易舉一勞永逸以防後患仍嚴禁管工員役不許侵欺

鄭端簡公奏議卷之四

一九

萬卷堂

冒破科擾小民如違聽撫按官徑自從重問擬事完巡撫衙門通將動支過各項銀兩費用過工料各數目造冊 奏繳青冊送部查考伏乞 聖裁等因嘉靖三十三年八月二十八日本部尚書方 等具題本月三十日奉 聖旨是欽此

參浙江運糧把總吳韜疏

題為乞究掛欠錢糧官員故違 欽依擅自赴任稽誤完納事案查嘉靖三十三年二月初九日准戶部咨為乞憐極疲貧軍連遭異常水患計處漂流虧欠以蘇困苦以完糧儲事據本部委官署員外郎主事

許彥忠呈開查得浙江把總吳韜下嘉靖三十二年分漂流米一萬七千三百六十二石有零掛欠米二萬五千五百五十一石有零該本部議得吳韜雖已陞任亦候完日方許赴任等因題奉 欽依備咨前來已經通行本官欽遵補納外本年五月三十日又准戶部咨為迭遭水患漂流船糧懇乞俯恤重累官軍亟賜從權處補以全 國儲免誤來運事內開浙江把總吳韜所屬衛所嘉靖三十一年分復運寄囤糧米漂流泥爛等項共九萬九千五百五十五石有零該本官議呈將各衛所官軍俸糧并支剩船料等銀奏

鄭端簡公奏議卷之四

二十

萬卷堂

補但查把總吳韜又已陞任漫不經理雖經題奉欽依候糧完方許赴任前項糧米今已三年未得完結不知本官見在何處督催咨煩再查吳韜有無赴任若朦朧赴任希由前來以憑施行等因到臣隨行接管把總朱仁轉行吳韜遵照處補案候完報間近訪得吳韜已赴浙江都司到任見今署掌該司印信擅將慶賀 萬壽 聖節 表文僉名承行節次移文浙江布政司查勘未報今據浙江都指揮使司呈送所屬運糧衛所官員賢否揭帖到臣查得吳韜已列銜在司此不待回報已知到任是實會同提督漕

運鎮守淮安地方總兵官鎮遠侯顧 參照原任浙
江都司把總運糧以都指揮體統行事指揮僉事今
陞本司軍政僉書署都指揮僉事吳韜先司總運督
理無方屬衛漂欠糧米數過十萬因循不行完補延
及三年雖叨陞轉已該戶部題奉 欽依所欠糧完
方許赴任却乃故違朦朧到任所欠糧米何時得完
事屬欺玩法當叅治如蒙乞 勅戶兵二部再加查
議合無將本官革去今職員缺先行推補容臣等差
官督押處補前項糧米完日仍照例提問庶法例得
以昭彰錢糧不致久欠緣吳韜係方面軍職嘉靖三

鄭端履奏議卷之四

三十一

萬卷堂

十三年七月十二日 進奉 聖旨該部知道欽此
欽遵續准戶部咨該兵部覆題看得總督漕運右僉
都御史鄭 會同總兵官鎮遠侯顧 參稱先任浙
江把總運糧今陞本都司軍政僉書署都指揮僉事
吳韜漂流掛欠糧米數多不候補完擅自赴任要將
本官先行革任追補前欠糧完照例提問等因題奉
欽依前來相應依擬合候 命下之日將吳韜先行
革任員缺另行推補本部移咨戶部轉行漕運鎮巡
官將本官掛欠糧米督追補完仍照例提問以警將
來等因嘉靖三十三年八月二十七日太子少傅本

部尚書聶 等具題本月二十九日奉 聖旨是欽
此欽遵擬合就行為此合咨前去煩照本部題奉
欽依內事理欽遵查照施行等因到部送司案呈到
部看得先任把總今陞署都指揮僉事吳韜既該兵
部題奉 欽依前來擬合就行為此合咨前去會同
總兵官顧 差人前去將吳韜提解赴淮責令與同
欠糧各該衛所官員將掛欠未完糧銀照數追完差
人解部仍照該部題奉 欽依內事理將吳韜提問
以警將來施行

奏報賑濟疏

鄭端履奏議卷之四

三十一

萬卷堂

奏為重大水患災傷乞蠲秋糧以安民生事節據直
隸淮安揚州鳳陽三府徐滁和三州各申將災免過
存留屯糧用過銀數賑濟過饑口各數目造報到臣
據此查嘉靖三十二年撫屬地方秋災已該前任
都御史吳 具題該戶部議擬各州縣存留秋糧照
勘災體例減免衛所屯糧照減定分數折徵價銀被
災饑口查支各府州縣倉庫錢糧賑濟事完造冊
奏繳等因題奉 欽依通行外本年十一月十五日
又該本官欽奉 勅諭各該撫按等官查照戶部議
覆事理督率府州縣官破格從權設法賑濟欽此欽

遵又經通行各府州縣掌印官查照將被災饑口該
法賑濟去後未報該臣接管督據各屬造報前來為
照撫屬地方頽年以來黃河泛漲霖潦異常五穀不
登軍民困苦加以賦役繁重日不聊生荷蒙 聖恩
注濺既免錢糧又施賑濟而各該官員莫不仰體
朝廷恤民至意多方設置措備銀穀親歷各鄉普徧
賙給百姓霑惠感戴無涯於是數十萬饑貧咸得存
活實少舒我 皇上南顧之慮也再照賑完日久奏
報似遲切恐春夏之交復須賑濟即今仰賴 聖明
仁覆寰宇夏麥有收秋田已佈臣叨任拊循得免罪
愆不勝幸甚所據各屬造到錢糧饑口數目已經覈
實明白擬合造報嘉靖三十三年七月十二日 進
奉 聖旨該部知道

鄭端簡公奏議卷之四

二十三

萬卷堂

計開賑濟過各府州縣衛所饑貧共三十三萬二
千三十九名口

銀三萬九千五百三十四兩四錢二分三釐七
毫一絲三忽七微五纖

穀八萬三千二百二石四升八合三勺二抄五
撮

剿逐倭寇查勘功罪疏

題為剿逐倭寇查勘功罪事據直隸揚州府申准通
判史朝賓推官劉起蒙牒為清查倭寇流劫地方事
該臣劄付仰各職親詣通州海門如臯等州縣東臺
掘港等鹽場挨查倭寇的於何月日時入境始自何
處地方登岸流劫彼處原設守備倭官軍及該管
有司巡捕巡江巡司官兵人等因何不行併力堵截
致令猖獗為害備查各官兵職役員名分別情罪輕
重仍公同各該掌印官查勘要見某日經過某處某
日攻圍某處殺傷軍民竈戶若干燒燬官民房屋若
干陣亡陣傷官兵若干從實查報并陸續報到首級

鄭端簡公奏議卷之四

二十四

萬卷堂

分別劇從真偽有無妄殺冒功等情以憑具 奏等
因又該臣批據揚州衛申為稽查沿海備倭官軍事
仰劉推官查照施行蒙此卷查節蒙巡按李御史巡
鹽莫御史巡江汪御史牌案俱為前事備仰掌印官
會同史通判劉推官查勘備牒到職會同親詣通州
并海門如臯二縣及東臺掘港等場鹽課司逐一查
勘得本年三月二十二日倭船一隻約有七十餘賊
自江南來至掘港場長沙苴墩南州沙淡港口登岸
至二十三日又有倭船二隻百十餘賊自南坎登岸
比有分守通泰參將解明道先於本年二月二十七

日帶領親兵水手一千餘員名擅離地方前往江南蘇松等處策應截殺未回及有提督拙港備倭揚州衛指揮同知張明化亦一向在家偷安不行赴營備禦本場東西營備倭揚州衛千戶劉夢魚一陽泰州所百戶吳承恩并該場巡檢司巡檢王濟因失烽墩致賊登岸俱各退避場西駐劄以致前賊搶入營內歇住六日放火盡將在營文卷及該場官民軍竈房屋四百二十四家俱各燒燬殺死軍民竈戶男婦黃勝等三十名口本月二十四日呂四場又有倭船三隻到於本場泰園二十五日又有倭船三隻到於

鄭簡奏議卷之四

二十五 萬卷堂

江家便場本日二更時分又到倭船二隻各敗約有八百餘人俱登岸從呂四場餘東場餘中場餘西場及張港巡檢司地方放火燒燬民竈房屋一千四百餘家所過傷殘有提督大河口備倭儀真衛指揮劉時學見得賊勢猖獗因奉解參將明文查參不堪備倭乘機離營回衛續委提督官通州所千戶顧萬元伊亦不行赴營防禦大河口廖角嘴備倭通州所千戶常朝徐稍營備倭千戶侯彪張港巡檢司巡檢王世臣吳陵巡檢司巡檢李憲各亦不行拒敵本月二十六日前賊內五十餘人搶入金沙場鹽課司屯住

燒燬竈民房屋二百二十餘家殺死竈丁男婦陳淮等四十三名口本月二十七日呂四場地方毛葵等在於該場與賊交戰斬獲首級三顆二十八日金沙場倭賊突入海門縣北一里地方該縣知縣翟次喬督令家丁程豫等吏葉懋等民兵馬勳等與賊交戰斬獲首級六顆奪獲倭刀等物敗退賊往西亭場燒燬竈丁房屋四十餘家殺死竈丁潘完等二名掘港前賊一起二百餘人到於豐利馬塘二場殺死竈民張朋蔡才等男婦三十七名口燒燬房屋四百九十五家本日戌時解參將方從江南聞報回還通州駐

鄭簡奏議卷之四

二十六 萬卷堂

劉領去親兵水手因聞倭寇四散劫掠盡行逃散止餘兵壯三百餘人帶入州城以致兵力寡弱倉皇失措未曾出軍截殺本月二十九日飛報到巡撫衙門嚴行儀真守備張壽松統兵前往通州截殺本日其御史牌委張壽松操江衙門牌委揚州府捕盜同知朱哀各統領民兵四百餘名并帶揚州衛千戶方矩馬德良百戶陳道等前往通州如臯等處追剿本日東臺場亦有倭賊一船六七十人自本場海下丁美社地方登岸有該場大使李寇西溪巡檢司巡檢李旻失於防禦致賊突入本場搶進察院占住燒燬民

竈房屋一百二十餘家殺死生員崔儒并民竈男婦曹雲等三十二名口本月三十日前賊又到丁溪何塚二場燒燬竈房一百餘家殺死竈丁張禹等一十二名口當有巡檢李旻會同東臺何塚場官雷濟等率領鎗篙手人等追至傅家口三里橋等處抵敵斬獲首級一顆奪獲倭刀二口并弓箭圍袋布疋等件被賊戮傷鎗篙手史華本日掘港場前賊從馬塘到於如臯縣地方丁堰鎮殺死居民男婦楊林等二十一名口燒燬瓦草房屋八十家隨到該縣東十里鋪曾家莊劫殺志窺縣治該縣知縣陳雍督同主簿閻

鄭端簡奏議卷之四

三二

萬卷堂

士奇率領吏兵吳位孟週軍犯葛蘭等到彼與賊交鋒斬獲首級四顆賊遂止宿未曾前進本年四月初一日早前賊擁衆至縣北拱辰北極二門各官又督民壯保甲人等與賊交戰射傷倭賊六七人方退北行閻士奇仍領兵追至八里莊又與前賊交戰仍被吳位孟週同民壯范社斬獲首級一顆奪獲驢頭箭剽等件亦被賊殺死民兵沈進射傷民兵趙朋等二十餘名賊遂畏懼縣兵勇悍往東去訖本日呂四場前賊內有七十餘人從海門舊縣徑趨海門縣迤南五里知縣程次喬督令巡檢王世臣民兵崔名等仍

與交鋒斬獲首級一十一顆生擒從賊一名奪獲倭刀弓箭紅纓盔等器本月初二日隨有續到餘東等處倭賊與前賊合夥共四百餘人徑窺海門縣知縣崔次喬與史余廷舜因見賊衆無城勢力不敵當即將帶印信及領吏民人等於本日巳時分逃入通州城內潛住各賊在縣殺死居民朱臣等七名口燒毀房屋三十二家仍入縣庫挖去埋藏官銀一千三百五十五兩一錢二釐殺死禁子一名該縣取有庫子史輔侵盜供招申詳未結本日掘港場前到倭賊百十餘人自馬塘石港沿途劫奪會合呂四場攻海門

鄭端簡奏議卷之四

三六

萬卷堂

縣前賊俱至通州城東南門外其先投如臯縣倭賊被該縣殺敗亦至通州西門外各賊會作一處攻圍通州日則四散殺掠夜則圍住人家參將解明道與寡賊多不敢出剽有本府通判唐維初赴該州署印日夜與各官誓心併力措糧募兵為拒守計本月初四日守備張壽松同知朱哀從泰州到如臯縣割營適有東臺場前到倭賊六十三人自梁埽安豐富安賁家集海安來至史家莊地方張守備朱同知方千戶追趕至鮮魚莊朱同知部下擒獲倭賊一名湯黃

毛并槍頭一根又追至尤家莊其賊對敵二合被賊殺死民快啟山射傷張喬等八名賊遂從黃橋鎮東地名曹莊埠新開港搶船三隻下江云訖此時泰州巡捕同知張鶴與判官吳瀚并泰州所千戶李欽各不行預領民兵在於海安鎮把截以致倭寇由彼經過無兵追捕本月初六日通州倭賊潛遣姦細宣湖爬城身藏火藥火石約於本日午時城內放火各賊遂從城外乘亂階城隨被巡城官兵將湖捉獲供出先伏在內姦細四名當即搜獲殺訖以致本時賊果擁眾攻城見無火號退遁本月初七日巡撫衙門至

鄭端簡奏議卷之四

二十九 萬卷堂

揚州會同莫御史調委運司判官馬俞原任守備陳律統領揚州衛指揮王表千戶石如璧安泰王桓百戶戴桂曾沂張燦泰州所鎮撫冒爵百戶匡贊高郵衛指揮伍憲軍民兵一千四百餘名於本月初九日自揚州府起程前去追剿比有解參將因見通州圍困調取泰州所千戶王烈揚州衛千戶洪岱赴彼救援揚州衛千戶文昌齡亦以管解軍餉銀兩赴州共帶領民兵三百名本日行至通州城外西橋地方有賊中已獲姦細顧表誘哄各官前進遇賊對敵各官被伏夾擊殺死并民兵楊連等七十餘名本月初十

日張守備等前兵聞洪千戶等被殺各即退軍海安鎮本日有倭寇八十餘人自掘港場顧家堡唐家首港口棄船登岸四散行劫到於拏茶角斜二場放火燒燬民房屋一百五十餘家殺死民竈男婦繆尹等一百名口比有拏茶寨備倭揚州衛百戶何林角斜寨備倭該衛百戶王承祿官軍各畏懼逃避並無一人在營抵敵本月十一日朱同知因准府關將所部兵快交付張守備統領以便調遣本月十二日張守備方千戶等督兵到於李家堡地方遇賊交鋒又被殺死民兵董華韓海等三十名失落銅佛郎機一

鄭端簡奏議卷之四

三十 萬卷堂

口及噴筒火箭等器本日馬分司陳守備兵至泰州本月十五日巡撫衙門又發兵五百名委泗州衛武舉鎮撫戴堯臣統領應援通州本日通州倭賊內分二百餘名從陸路流至如臯縣石莊巡檢司地方將本司廳房文卷并居民房屋一百二十九家盡行燒燬殺死季怡等一十六名該司巡檢張求督兵在於司南港與賊交鋒擒斬首級一顆前賊流至馬塘石港二場有石港寨備倭千戶侯彪巡檢司巡檢李恂亦失防禦被賊燒燬竈丁房屋五十六家殺死男婦徐欽等八名口又將巡檢司居民張二朱蓋殺死燒

房屋七十三家本日海門縣知縣程次喬差兵蔡
等在於舊縣地方計將勾引向導劇賊顧表擒獲
送州本月十七日馬分司陳守備兵自泰州起程前
進至海安地方與張守備朱同知兵會合一處北時
通城圍久節奉巡撫操江巡按巡江巡鹽各衙門嚴
文催促各官進援及奉巡按節次行府將各官查叅
各官因見賊勢衆多兵非素練一時恐損兵威及聞
新任梅叅將所統邳宿精兵將近只得少待同行未
曾前進本月十八日掘港前賊內六十餘人又從丁
堰復到如臯縣東陳鎮燒劫該縣官兵與賊交戰殺

鄭端簡奏議卷之四 三十一 萬卷堂

死勇士葉奉周欽被該鎮保長謝濬等奪獲張守備
原失銅噴筒二箇賊從馬塘往江南沙搶民沙模等
船下江去訖本月十九日新任通泰叅將梅希孔奉
巡撫衙門催取前來本日統領揚州衛指揮繆騰尚
良千戶馬德良儀直衛立功指揮黃道南及泗州等
衛指揮等官謝詔羅表呂圻伯永福高時等并家丁
軍兵共二千二百六十九員名俱自揚州府起程前
去追剿以土各日不等叅將鮮明道通判唐維督令
判官施耀千戶姜且陳遷秦鵬王欽監生馬勅耆民
水手曹鼎等時領民勇下城在於各門相機殺賊陸

續斬獲首級二十四顆捉獲奸細一十餘名我兵被
傷殺者約有三十餘人鮮叅將因賊鋒可畏向未下
城督戰本月二十一日操江衙門取回守備張壽松
同知朱哀把守瓜儀地方本月二十二日巡撫衙門
調取徐州兵備李副使統領徐州衛指揮張岱王繼
徐州左衛指揮金漢倪祿鎮撫孫憲臣楊柱百戶賈
勇丁山呂與周邳州衛千戶張禾等官軍民兵五百
員名至揚州府次日巡撫衙門劄委起程前去剿賊
本月二十三日通州城外賊探知大軍將到就於本
日四更時分扛擡新造攻城大木梯四五十張擁衆

鄭端簡奏議卷之四 三十二 萬卷堂

二千餘人直趨城下攻城解叅將唐通判督率判官
施耀吏目孫好仁千戶姜且秦鵬李夔王欽百戶蘇
烈羅勇各領民兵人等亂用佛郎機銃弓箭礮石等
件在於各門奮勇射打當時射打死二三十賊俱被
各賊擡去燒化被傷者百餘人直至午時前賊始退
各官仍督兵下城追斬獲首級二顆奪獲倭弓箭倭
刀木梯等器本月二十五日各賊懼怕內外夾攻及
忿通城兵勇殺傷倭黨數多隨即放火徧燒三門外
并鄉村居民瓦草房屋通計五千八百餘家殺死男
婦葛輝等九百四十四名口奔往狼山地方搶虜民

船三 餘隻及將解參將原調到巡船二十餘隻
被搶去本月二十六日解參將唐通判因見賊退督
令者民義兵曹鼎蔡伸等在於各地方斬獲零賊首
級七十一顆內真倭一十七顆從倭五十四顆呈解
在州本月二十七日參將梅希孔判官馬倫守備陳
律各官兵俱至通州本日前被如臯縣殺敗倭賊從
通州下船轉至掘港海洋由唐家其登岸添合夥賊
共一百三名流入馬塘場徑往如臯志欲報讐劫縣
人心洶懼時兵備李副使領兵適至探知賊果去縣
僅三十里當夜傳示官軍授以計畫次日黎明發兵

鄭備奏議卷之四

三十三

萬卷堂

行至縣東將婆鋪地方會遇前賊蜂擁前來官兵奮
勇向前交鋒比有劇賊一人頭戴紅盔手搖白扇雙
刀奮擊我兵被殺一人被傷二人當被徐州左衛百
戶賈勇下馬槍刺倒地斬首及邳州衛正千戶張禾
等各就陣斬獲具倭首級九顆擒獲謀主一名樂和
餘各被槍箭火器射打傷重負痛奔走血痕徧野奪
獲倭刀一十把并各項器械倭物海螺倭帽弓箭等
件共一百七十七件賊氣大挫仍歸掘港本船去訖
本月二十九日參將梅希孔解明道判官馬倫探知
狼山尚有未開賊船五隻當日各統所部官兵會合

分投東西兩營追至狼山邊各賊望見官兵勢多火
砲齊發遂遺下衣物三船併作二船開洋去訖所遺
船隻內有虜去幼男一名宋評當被判官馬倫部下
民兵取回其餘衣物各兵分獲去訖又有餘倭并勝
從姦細因無船不能遁去分散各場五七為群趁船
逃命本年五月初二等有判官馬倫計令各場官
吏督率竈勇潘岑等相機剿捕陸續斬獲首級三十
七顆亦有海門縣民兵莊頭莊雀等在於各鄉斬獲
首級三十九顆首獻該縣翟知縣處各申報巡撫衙
門及合干上司訖本月初四日前被徐州官兵傷敗

鄭備奏議卷之四

三四

萬卷堂

倭寇尚住掘港船上巡撫衙門調武平衛指揮今陞
荆瞿守備楊縉統領亳州軍民家兵三百七十五名
前到如臯該梅參將調撥揚州衛千戶馬德良宿州
衛百戶高時邳州義勇官沙子現共領兵勇五百餘
名於本月初六日同至該縣地方次日黎明各官兵
勇同到海邊前賊下船闖敵被沙子現高時手刃倭
賊四五名邳兵亦殺倭賊三四十名沙子現高時爭
奪首級被賊掩擊將伊等并邳毫兵勇郭萬良等殺
死七十九名楊縉劄住部下官兵連發數箭將賊
射退仍回如臯次日各賊開洋逃遁去訖後因賊退

巡撫衙門將徐兵淮兵邳兵陸續發回又恐防禦乏人將原調宿穎靈璧等州縣驍兵三百八十九名選委鳳陽中衛指揮程宗統領於本月十六日前赴通州梅叅將部下策應又查泰州所守城百戶周相等倭賊報警若罔聞知縱令城軍私逃過半隨經該州具由叅申撫按衙門批行兵備道查叅未結各職將前項事情查訪明白及弔取該衙門文卷拘集在官員後審對相同又審據各濱海地方俱稱寧靖並無倭寇各到職備牒到府隨該知府吳桂芳通判史朝賓推官劉起蒙會同查議照得倭寇入侵民竈塗炭今已克捷地方底寧所據各官功罪應合分別議處及稱功罪貴明而勸賞貴速查得自賊犯江北以來各該官兵或迎其初銳或擊其情歸先後斬獲真從倭賊首級共二百九顆已經通判史朝賓推官劉起蒙節次辨驗明白親歷被倭地方細加探訪並無妄殺冒功情弊若候題請至日方行給賞不惟人心失望抑恐後效難期合無候詳示至日即便查照欽定賞格係真正倭首者賞銀三十兩係從倭者賞銀十五兩俱動支庫貯官銀交付原委紀功通判史朝賓分別給散其有已先稍給者照數扣加以勵人

鄭端簡公奏議

卷四

鄭端簡公奏議 卷四

心及查前項首功如兵備副使李天寵如臯之捷與四月二十五日以前通州如臯海門各起功級皆係大舉倭人志窺州縣或千為群或百為伍其得之也較難其自四月二十五日賊解通圍以後係情歸之賊隨路趁船多者一二十輩少者僅五七人其獲之也頗易合無照依各官開報月日除副使李天寵所獲功次原係大舉克捷相應全賞其餘俱以四月二十五日以前者全賞本日以後每首級一顆減去銀五兩其陣亡千百戶洪岱等四員除洪岱等已該撫院具題兵部覆奉欽依贈官錄蔭外內宿州衛陣亡百戶高時與邳州義勇官沙子現似應一體旌錄及又照得各該地方人被劫殺之慘家罹焚燬之殃即今賊雖解去才遺之民無食無廬凄涼太甚若不大加優恤恐無復生之心萬一賊再乘風而來此輩投竄賊巢苟求生活內外膠固杜除益難將來之患有不可勝言者除蠲免夏稅已蒙撫院具題及通州今歲均徭差役并應加派錢糧撫院批行本府另行議處分豁與各場竈戶已蒙鹽院差官賑濟外其餘被災民戶合無查照戶部題准官銀內准令本府申請動支共足銀六千兩查酌地方失事輕重

鄭端簡公奏議

卷四

五九一

通州三千二百兩如臯縣一千八百兩海門縣一千兩差委勤慎府首領官一員齎帶前去會同各州縣掌印官照依今勘人戶姓籍分別被殺人口被燬房屋沿鄉給賑用昭憫恤聯屬之意庶以固人心於既往彌隱禍於將來等因到臣案照先為前事已經劄行通判史朝賓絕驗功次推官劉起蒙前往被賊地方查勘有功有罪緣由去後為照各官止歷詣通州海門如臯等縣掘港呂四等場查勘其揚州府瓜儀等處淮安府沿海等州縣防禦事情俱不在各官勘報之內然就臣所見尚有相應備陳者臣本章句書

鄭錦簡奏議卷之四

三七

萬卷堂

生素無材術倭寇忽至移駐揚州未免顧此失彼其時江南江北委的賊勢十分猖獗江西湖廣糧船沿江而下者將至儀真浙西蘇松常鎮糧船絕江而渡者未至瓜州淮揚一帶正係漕運要途節據各處擒獲姦細供稱賊黨欲窺瓜儀搶掠揚州而淮安所屬鹽城地方去年倭賊亦曾侵犯臣雖先調池河都指揮張文爵官兵五百四員名和州西梁山巡船一十五隻會手一百五十名分布瓜儀水陸防禦便宜起取參將喬基於揚州教場操練主客官兵教習武藝督察城垣門禁盤詰姦細但臣顧理不周一遇緊急

倉皇失措隨有操江都御史史褒善駐劄儀直督守江防調集兵船振揚威武北扞廣陵南控京口鎮守淮安總兵官鎮遠侯顧寰選募官兵措備糧餉分投守禦洋麻港雲梯關廟灣東西海所要害去處仍於府城閱武揚兵防護運道參將黃印駐劄瓜洲挑選運軍標識漕兵字樣就彼開設教場團練隄備漕船收江過壩入關臣惟專理通州一隅事務而已及照副使李天寵送驗首級之時有斬獲真倭首級邳州衛正千戶張禾徐州左衛百戶賈勇稟臣不願領賞乞要陞官臣即言尔等係領軍官例不得自斬首級

鄭錦簡奏議卷之四

三八

萬卷堂

難擬陞職拿天寵稟說昨領兵官是徐州左衛指揮同知金漢其張禾賈勇係編入隊伍人員等因臣照得直隸巡按御史李逢時嚴兵拱護 陵寢集兵策應通臯巡鹽御史莫如士某印兵以助戰國商兵以守城巡江御史汪克用約束戰守查覈功罪俱因有例不敢叙功外臣伏念江北揚州地方表裏江淮襟帶吳越正在 畿甸申畫之中又係漕輓午道之會西距泗濠 舊都伊邇東聯場竈商課甚多臣叨任漕撫兼領海防既不能先事預圖又不能臨機應變以致地方失事罪復何辭即今仰仗 天威倭奴退

遁人民安輯糧船無阻農耕及時然賊過去屢殺傷民竈燒燬房屋劫掠官銀陣亡吏士亦已多矣臣據各官查勘俱從實開報不敢纖毫隱匿其給賞有功員役賑恤被災人戶奏乞蠲除夏稅減派該年徭役俱先後劄付揚州府知府吳桂芳次第舉行訖及照一時有功有罪人員相應分別擬議上請定奪如徐州兵備副使李天寵律已甚嚴而水蘓自將馭兵有法而秋毫無犯俘馘之餘賊徒喪膽按部所至旌旗生色若非恩信素孚於平日忠義激發於臨時何以得此所宜論功加賞陞俸久任責成者也分守通

鄭端簡公奏議卷之四

三九

萬卷堂

泰參將梅希孔沉毅有威質直無偽進兵而通州之門始開窮追而狼山之賊遂遁口不言功事皆就緒所宜給賞以勵後功者也徐州等衛指揮同知等官金漢倪祿張岱王繼鎮撫孫憲臣楊柱正千戶張禾百戶賈勇丁山呂興周或守中堅而殿後嚴整或破賊鋒而爭先踴躍掌通州印揚州府通判唐維雖倉卒遇變不免四郊之焚劫然夙夜臨戎庶幾百雉之保全賊至之初安輯市里賊退之後撫定瘡痍如臯縣知縣陳雍主簿閻士奇獎率吏民屢摧強寇露宿原野卒保縣庭迺西出之路倡泰州之先驅塞東走

之途壯通州之後拒都指揮張文爵初駐江北移守江南雖無搶斬奏凱之功頗有奔走禦侮之力原任參將喬基聞鼓聲之警嘆解肉之復生懷桑梓之憂即纓冠而往救簡練有方城闔無恐以上各官雖戰守不同均宜量賞以酬其勞者也內金漢係領軍官部下五百餘人斬有真倭首級九顆正千戶張禾百戶賈勇係編入隊伍人員斬有真倭首級各一顆不曾領賞例應陞一級世襲陳雍量陞服色俸級仍管縣事運司判官馬倫本係文職而慷慨請行原任儀真守備陳律先已退閒而棄韃就道皆能首布軍容

鄭端簡公奏議卷之四

四

萬卷堂

率先士氣密傳解散之帖懸示招撫之旗斬獲之功不無獵取而摻剿之計亦多擒執此宜畧其過而賞其功者也原任通泰參將今陞金山副總兵官革職解明道始雖束手閉門銳卒潰於鼠竄既而登陴據險州城幸爾危全傳報或多失實功次未必盡誣此宜錄其後效而宥其前愆者也海門縣知縣程次喬抗賊取勝功亦為奇避難圖存罪亦可諒但錢糧之損失頗多而報功之誇張已甚每欲揚已以抑人遂至陵下而罔上所宜調用而曲全者也荆瞿守備楊縉千戶馬德良疾馳冒險雖挫軍威堅壁射疏足稱

敵愾情未獲其首級然已致其損傷居民皆稱其勇
敢賊眾亦因而遁逃所宜宥其前愆而責其後效者
也泗州衛指揮謝詔鎮撫戴堯臣宿州衛鎮撫呂圻
百戶伯末福鳳陽中衛指揮程宗揚州衛指揮繆騰
尚良王表千戶方矩安泰石如壁王桓百戶張燦曾
沂戴桂陳道儀真衛立功指揮黃道南黃承歷千戶
郭彖高郵衛指揮伍憲千戶羅表徐兆麟赴援千里
雖無克捷駐守五旬亦無喪敗以上各官所宜免究
者也揚州府巡捕同知朱哀通州巡捕判官施燿吏
目孫好仁泰州同知張鶴判官吳瀚海門縣巡捕典

御批通鑑奏議卷之四

四十一

萬卷堂

史余廷舜泰州所千戶李欽百戶周相匡贊鎮撫冒
爵通州所千戶姜且秦鵬陳遷李夔王欽百戶蘇烈
羅勇西溪巡檢李旻吳陵巡檢李憲張港巡檢王世
臣才力綿薄職守隳廢幹辦不前奔北恐後即有微
功似難准贖所宜原情罰治者也內張鶴已告病去
任儀真守備張壽松援通州竟爾逗留棄如臯幾乎
潰散黃橋追賊將至而輒還角斜遇賊未戰而先走
况掘港乃其信地倭奴從此登岸儀真今之要區江
防豈可乏人所宜深懲而亟罷者也揚州衛指揮張
明化千戶劉夢魚桑一陽泰州所百戶吳承恩疎虞

守備揚州衛百戶何林王承祿通州所千戶常朝侯
彪狼狽奔逃儀真衛指揮劉時學通州所千戶顧萬
元假更代之名掩失事之罪石港巡檢李恂掘港巡
檢王濟石莊巡檢張永金沙場官程良增東臺場官
李寇掘港場官靳瀛石港場官馬呈雲馬塘場官姚
大鵬石亭場官籍玪餘東場官張濟時餘中場官戰
勇餘西場官白元高豐利場官王坤拚茶場官萬策
角斜場官呂金何塚場官雷濟丁溪場官趙惠均有
地方之職曾無保護之計以上各官所宜行巡按御
史提問論罪者也陣亡百戶高時義勇官沙子現直

御批通鑑奏議卷之四

四十二

萬卷堂

抵賊舟奮勇血戰殺賊數多所宜贈官錄予以風勵
將校者也如臯縣吏吳位孟週各斬獲倭賊首級一
顆未曾領賞內吳位告乞免辨孟週告乞超參所宜
查例酌處者也如蒙 皇上勅下該部再加詳議覈
實將李天寵加賞陞俸梅希孔給賞金漢等量賞陳
雍量陞服色俸級解明道復職程以喬調任楊縉謝
詔等免究朱哀等罰治張壽松罷黜張明化等提問
內金漢照部下五百人斬首五顆事例張承賢勇照
編入隊伍官自斬首級一顆事例各陞一級世襲高
時照洪岱等事例贈官仍將應襲兒男陞一級世襲

沙子現量贈雜職一官仍令伊男冠帶吳位孟週查照事例免考超參庶幾功罪昭彰賞罰明信大小文武各官莫不知所勸懲盡心效力蠢爾倭奴不足平矣再照漕運總兵官鎮遠侯顧寰孝友廉靖端毅宏遵協同漕運參將黃印幹濟明敏操履勤慎揚州府知府吳桂芳綜錢穀有為有守蒞軍旅不剛不柔此數臣者務令久任必能裨益漕政共濟時難如臣體質孱弱智識短淺凡在仕途皆知臣不稱此任今果奉職無狀一籌莫展上負國恩下貽民患有罪可數無功可錄伏乞 皇上少寬斧鉞之誅薄示譴責

鄭端簡奏議卷之四

四十三

萬卷堂

放歸田里亟選賢能蚤為經理地方幸甚臣無任惶悚恐懼待罪之至緣朱哀係在外五品文職張壽松等俱軍職嘉靖三十三年七月十二日進奉 聖旨該部知道欽此又該巡按御史李逢時莫如士各題前來該兵部議擬內除解明道已經節奉 欽依戴罪殺賊張鶴去任不議外為照淮揚當江海之衝漕輓係軍國之計各該地方官員平日不能設備臨時不能禦賊以致倭寇縱橫生靈荼毒即其職守之常責以臣子之義分任雖有不同失機則皆一律通應通重問究但前項地方承平日久民不習兵一

其事出不測遂至倉皇無措各該失事官員據法委難姑縱論情似有可原合無容臣等參以三臣之意酌諸情法之間通行議擬上 請參照儀真守備張壽松應援無功逗留不進指揮同知張明化副千戶劉夢魚蔡一陽百戶吳承恩何林王承權正千戶常朝副千戶侯彪既鮮預防之策又乏臨敵之勇指揮愈事劉時學千戶顧萬元方矩馬德良失事喪師罪難輕貸內方矩馬德良能解張壽松之危功難盡泯正千戶姜旦遇寇無謀奉鵬陳遷因人成事判官吳瀚千戶李欽防範失預追逐不前內姜旦奉鵬陳遷

鄭端簡奏議卷之四

四十四

萬卷堂

獲功雖微亦應免究知縣翟次喬事干錢糧同知朱袁州判施耀職專緝捕程次喬犯在事外朱哀施耀事出不測運司判官馬倫兵旅非其所司威信卒能濟事原任守備陳律指揮繆騰尚良王表千戶安泰石汝璧王桓百戶張燦曾沂戴桂陳道原任守備今立功指揮黃道南指揮黃承歷伍憲千戶郭多羅表徐兆麟百戶匡贊鎮撫冒爵指揮謝詔所鎮撫戴堯臣百戶伯永福鎮撫呂圻指揮程宗史目孫好仁與史余廷舜百戶周相千戶李夔王欽百戶蘇烈羅勇巡檢李旻李憲王世臣師雖保全功之擒獲兵備副

使李天龍職任司戎才堪應變提貔虎以先趨首虜
倭奴之瞻望鯨鯢而欲奮終全海上之城斬獲既多
酬當不次參將梅希孔提兵赴援功不虛張守備楊
縉見賊若勇臨事乏謀指揮同知等官金漢倪祿張
岱王繼鎮撫孫憲臣楊柱正千戶張禾百戶賈勇丁
山呂興周各有爭先殿後之功通判唐維卒收安輯
撫定之效知縣陳雍主簿閻士奇屢抗敵於方張都
指揮張文爵終宜力於無失原任參將喬基憂切桑
梓功在門庭巡檢李恂王濟張永場官程良增李冠
靳瀛馬呈雲姚大鵬籍珰張濟時戰勇白元高王坤

鄭端簡奏議卷之四

四十五 萬卷堂

萬策呂金雷濟趙惠失事惟均通應提問但各官分
任既輕似難責備陣亡百戶高時義勇官沙子現勇
冠一時手刃數級卒以戰亡即其忠義之氣委可嘉
尚縣吏吳位孟過獲級不願領賞亦應查處合候
命下將張壽松并張明化劉夢魚桑一陽吳承恩何
林王承祿常朝侯彪劉時學顧萬元吳瀚李欽與翟
次喬通行巡按御史提問具奏陳律繆騰尚良王表
安泰石汝璧王桓張燦曾沂戴柱陳道黃道南黃承
歷伍憲郭多羅表徐兆麟匡斌其冒爵謝詔戴堯臣伯
永福呂圻程宗孫好仁余廷舜周相李夔王欽蘇烈

羅勇李吳李憲王世臣各嚴加戒飭方矩馬德良姜
旦秦鵬陳遷與朱哀施燿楊縉各免究馬倫與倪祿
張岱王繼孫憲臣楊柱丁山呂興周唐維閻士奇張
文爵喬基通行漕運衙門分別等第將賞陳雍量陞
俸級仍管縣事金漢張禾賈勇仍照例陞錄李天龍
近已陞任似難別議但斬獲功多相應與梅希孔量
加賞資李恂王濟張永程良增李冠靳瀛馬呈雲姚
大鵬籍珰張濟時戰勇白元高王坤萬策呂金雷濟
趙惠免究陣亡百戶高時照例贈官仍將應襲兒男
准陞一級與做世襲沙子現照浙江坑兵頭目項廷

鄭端簡奏議卷之四

四十六 萬卷堂

善事例贈正千戶伊男仍給冠帶榮身免其雜泛差
徭以為死綬者之勸吳位孟過准令免考超參及照
漕運侍郎鄭 調度有方運籌決勝激勸忠勇旋平
既沸之波蕩滌妖氛竟奏發蹤之效雖自陳不職乞
恩謹責但功大罪輕似宜量加褒賞顧蒙黃印吳桂
芳雖無斬獲之功各有勤勞之績亦應量賞但 恩
威出自 朝廷臣等未敢擅便均乞 聖裁等因嘉
靖二十三年九月二十三日太子少傅本部尚書聶
等具題本月二十五日奉 聖旨張壽松并張明
化等巡按御史提了問陳律等并方矩等姑免究馬

命等漕運衙門分別賞管陳雍陞俸二級鄭曉顧眾
各賞銀二十兩紵絲二表裏李天寵梅希孔各十五
兩二表裏黃印吳桂芳各十五兩其餘陞錄贈官等
項都准行欽此

嘉靖甲辰
萬曆庚子

鄭端簡公奏議卷之四終

鄭端簡公奏議卷之四

四七

萬卷堂

鄭端簡公奏議卷之五

門人項篤壽

淮陽類

東兵過淮疏

題為懇乞 天恩督責將官恪守地方剿滅倭夷以
安民生事照得本部題奉 欽依發來山東民兵并
長槍手六千名已於七月二十一等日有福建道監
察御史溫景葵兵部員外郎張四知山東布政司左
叅政許天倫按察司副使周臣叅將李逢時許國相
機監督統領過淮臣通行犒勞隨同前進本月二十

鄭端簡公奏議卷之五

萬卷堂

五日至揚州府地方二十七日交與總督軍務尚書
兼右都御史張 聽其調用征剿海寇外為照前項
官兵齊力強壯器械鋒利部伍分明紀律嚴整出入
臣境一千五百里秋毫無犯若賊船尚未開洋竊伏
海畔必收克捷之功以紓慰我 皇上南顧之懷也
嘉靖三十三年八月初一日進奉 聖旨兵部知道
欽此

陵寢工程銀兩疏

題為乞修 陵寢以隆 聖孝以固根本事據直隸
鳳陽府申該臣批據南京工部主事張大韶呈稱本

職接管修理 皇陵弁 壽春等王墳於本年三月二十一日到彼隨會同鳳陽府總理通判等官李瑛等并帶作頭匠役恭詣工所逐一勘驗修理間據委官經歷李廷价等呈據作頭匠役沈紀等各種先蒙估計工料各工不敷蓋因歷年既久外視雖若完全更動則多朽爛如見壞者一楹而上下拆卸其損腐之植疊出估修者一丈而彼此聯絡其繕治之功倍多原估 正殿找縛鷹架并搭天橋共用杉木三千五百根而今只及一半原估外圍墻垣損壞蜈蚣楞木二百餘丈而今修補計將數倍况自估計之後又

鄭端簡奏議卷之五

二

萬卷堂

經年餘風雨損壞處所更多又有出於原估之外見今各匠停工待料比與先年修理估計物料大不相同呈乞早為議處等因又據委官千戶等官張威等呈稱蒙委修理白塔 壽春等王墳工料不敷緣由亦呈到職看得前項各種不敷并坍塌續料係千重務恐有冒破糜費錢糧情弊况經本部前該委官王郎中估定數目會同撫按衙門題 請明白遞難准信又經行據各官冊報前來惟恐不的本職仍率各官并匠作人等前詣各該與修處所眼同逐一覆勘委與各官匠作呈冊相同必須計處為照先管工楊

主事自舊年十月破土興工以來先務催料而後及興工其原料敷否難以預知及料備興工然後委官匠作競云不敷本官於三月初五日雖亦呈部而旋已病亡矣職查舊案嘉靖十四年曾經修理較今日之功雖不甚同所費至三萬四千兩有奇然尤經始於十四年秋告成於十六年冬且原冊內亦載有云原估續估及其不足也又通融估及其又不足也又有未估有司添辦之條今日之功更換修補 皇陵并白塔處所以 殿屋則自 正殿以至廚房共二百五十餘間以墻垣則自紫金城以至外墻共五千

鄭端簡奏議卷之五

二

萬卷堂

七百八十餘丈以門亭則自金門以至東西碑亭共四十餘座又有大水關等處共計六券宰牲溷堂二所古溝一道估後坍塌者又不在此數其工不在小矣所估工料等價乃止於二千餘兩比之曩昔十不及一安望其能敷用哉夫人處事以速成者為精敏以緩就者為鈍拙職叨茲委儻原料稍敷豈不欲夙夜經理期月成功也哉亦思修理 陵寢千係匪輕以嘉靖十四年大修重費迄今不過十餘年耳尚且損壞如此况今以如是之料與如是之工儻未踰年而經修處所旋有不固者將誰任其咎也又况盡如

原估之數必不能成功乎除將見在物料一而先儘
不敷接濟修理餘候估定另行外今將取到各該委
官造報原估已敷未敷及估後又坍塌者三項文冊
呈乞查照早賜委官會同驗估等因批仰鳳陽府掌
印官會同留守司作急估計呈奪又該巡按直隸監
察李御史案驗准張主事手本前事亦行本府估勘
回報奉此卷查先奉撫按衙門并南京工部割案備
仰遵將原估物料工價查照本部出辦并行各府取
解派到銀兩委官買料興工修理去後今蒙前因依
蒙備行本府知府熊勉學會同留守司署正留守賀

鄭端簡奏卷之五

四 萬卷堂

麟見并帶委官恭請 皇陵并白塔 壽春等王墳
各該工所公同本部委官張主事并總理工程通判
李璣及留守司僉書袁吉各管工指揮經歷等官蘇
潤等遵將 皇陵正殿金門兩廡碑亭紅門 御橋
具服殿享昨亭 明樓朝房直房 齋宮潤堂 神
厨 神庫宰牲瞭牲酒房更堡并紫金城外圍墻水
關溝渠及下馬牌坊等處與白塔 壽春等王墳殿
廡金門紅門 神厨直房享昨厨房裏外墻垣等處
逐一躬親看視果因歷年既久外視似尚完全拆卸
既多中間委俱朽爛當原估之時據迹外觀其有損

壞坍塌之處因而相度修整工料若費不多及今土
木既興每該從新更換添補拆卸揭窳等項計筭工
料多有出於原估之外况又估後風雨摧剝其間損
壞坍塌益多俱應併力修理若止憑原估工料委各
不敷及查先年修理卷內亦有原估續估之條所據
議再估加添修理一節不為無見除將緊要應修工
程先儘原估物料接濟奏搭修理并嚴督各工匠作
沈紀等查筭原估工料敷用及舊料尚堪改造與本
處借用不開外應該加添竹木鐵釘鞦瓦灰麻漆篾
桐油三礮等料價值并匠作工食查筭明白又查得

鄭端簡奏卷之五

五 萬卷堂

嘉靖十四年大修卷內開載應修 皇陵緊要工程
原估 殿內抽換斤柱三根彼及修理之時看得上
下堅完惟近礮二三尺浮皮略破敲有虛聲若易新
木未必如舊且動搖全殿其工非小俱仍照舊止揭
窳油飾完報歷今又經一十七年前柱愈加朽壞不
堪即今見修工程更換 殿內後斤柱二根前簷柱
十根地檻五根全架拆卸安換如新比與先年工程
尤為重大况先年節次估添工料等項計費三萬餘
金自經始以至告成之日計經三載有餘矧今興修
之際若以歲月速成所費為惜恐非經久遠圖之計

前項續估加添物料及匠作工食等項共計銀二千六百四十三兩五錢二分五釐三毫南京工部出辦銀三百八兩八錢二分一釐六絲本府并廬淮揚四府出辦銀二千三百三十四兩七錢四釐二毫四絲酌處停當合無俯從仍照先年修 陵續估事體一面會派發工併修一面題 請等因到臣據此查先准南京工部咨前事內開修理鳳陽 皇陵正殿并 壽春等王墳殿廡墻垣等處估計木植等料價銀二千四百二十九兩七錢有零內除本部出辦銀四百八十五兩九錢有零坐派鳳陽等四府出辦銀一千九百四十三兩七錢有零等因已經會議酌派鳳陽府銀五百三十兩廬州府銀五百兩淮安府銀四百兩揚州府銀五百一十三兩七錢有零各解工所應用去後今據前因臣會同巡按直隸監察御史李逢時議照 皇陵并 壽春等王墳自嘉靖十四年間修理至今風雨損壞坍塌者多先該估計工料一時簡略緣 正殿與官堂墻垣等處委的工程浩大今主事張大韶躬親督理目擊用料寔多乃有此議必須從宜整飾一新以隆我 皇上崇修 祖宗 陵園之意及查先年修理 皇陵估計之後續有加

鄭端履奏議卷之五

六 萬卷堂

修四料不敷復議添辦今與上年事體大略相同既經該府同各官查議前來所據續估料價工食銀二千六百四十三兩五錢有零相應處辦欲候題 請至日恐誤工程除南京工部出辦銀三百八兩八錢有零外其該各府出辦銀二千三百三十四兩七錢有零一面先行酌派鳳陽府銀八百五十兩廬州府銀七百五十兩淮安府銀四百兩揚州府銀三百三十四兩七錢有零各解工所接濟外如蒙乞 勅該部合無備行南京工部并臣等各遵照施行及行主事張大韶督率司府委官將前項 殿宇官堂等處赴時併工修理事完一同造冊 奏繳嘉靖三十三年八月初一日進奉 聖旨工部知道欽此欽遵抄出送司案呈到部臣等看得總督漕運兼巡撫鳳陽等處地方兵部右侍郎鄭 題稱修理 皇陵并 壽春等王墳先蒙估計工料不敷蓋因歷年既久外視雖若完全更動則多朽爛先該估計一時簡略緣今工程委的浩大張主事躬親督理目擊用料寔多乃有此議必須從宜修飾一新所據續估料價工食銀二千六百四十三兩五錢有零相應處辦欲候題 請至日恐誤工程除南京工部出辦銀三百八兩八

鄭端履奏議卷之五

七 萬卷堂

錢有零外其餘酌派鳳陽等府各解工所接濟一節
為照前項修理 皇陵并 壽春等王墳續料工價
并酌派銀兩等項緣由既經該撫按官議題前來相
應依擬合候 命下本部移咨南京工部并總督漕
運兼巡撫鳳陽等處地方兵部右侍郎鄭 等照依
各官議題事理將前項續估料價工食銀兩如數派
辦趁時修理務要工作堅美無致虛費事完類造黃
冊 奏繳青冊送部查考等因嘉靖三十三年九月
十一日本部左侍郎郭 等具題十三日奉 聖旨
是欽此

鄭端簡奏議卷五

八

萬卷堂

開設千羅巡司疏

題為復設巡司以便防守事據直隸廬州府申為地
方賊情事內開六安霍山等州縣先因地方盜賊嘯
聚山林為害已行各該官兵擊獲賊首謝拱等招詳
外其餘黨鄭翦等雖未擒獲然望風逃遁地方稍寧
等因已該臣批看謝拱雖擒餘黨未獲尤宜設法
防禦或於諸山要害添設巡檢司該府堂印官留心
經理務求彌盜長策呈來議處續據本府申准知府
雷達關稱安民急在彌盜思患尤貴豫防照得所屬
六安英霍山谷之間雖有險峻可據然歷年以來間

右 盜賊生發者類皆四散逃竄流移之人蟻聚偷生
非有深謀詭計旋聚結寨蘊為不逞使地方官員稍
加留意巡捕即住足無地何能為患今欲復設千羅
坂巡檢司以嚴緝緝建營房以便棲止選官兵以謹
巡捕嚴操練以飾武備皆察地形之便集衆思之長
雖非妙略遠圖然使著實行之地方無虞之計或在
於此等因又該臣批彌盜安民該府掌印官力能任
之設險建營操練官兵俱依擬行開設千羅坂巡檢
司仰府作速勘報以憑會 奏蒙此隨行六安州查
議千羅坂地方係隸霍山縣所轄行據該縣申稱查
得千羅巡檢司原係本州設立坐落地名千羅前坂
弘治七年分設縣治改撥縣轄額設弓兵四十名每
年於均徭內編僉應役嘉靖十五年間本縣知縣歐
紹說見得該司官吏多生疾病澗水直流難以住坐
具申撫按衙門題奉 欽依裁革印信送府 奏繳
官起送別用吏聽改撥外今查巡檢司改於千羅後
坂地方亦係本縣所轄其原設弓兵應於本縣均徭
內審僉其建立巡檢司衙門大門官廳東西兩廂房
後房吏廨監房各三間廚房二間周圍土牆上用瓦
蓋共該銀四十四兩六錢三分耗瓦灰釘土坯并各

鄭端簡奏議卷五

九

萬卷堂

匠工食共該銀二十五兩二項共銀六十九兩六錢三分本縣庫內並無收貯堪動錢糧復申到州除千羅後坂設立巡檢司地方係隸該縣所屬原設弓兵四十名合於該縣均徭內審餘應役外該縣既無錢糧合無比照本州建立茅坪營房事例於該縣二十里內通融均派每一里十排年共該銀三兩四錢八分一釐五毫等因備申到府議照該縣僻居山谷界聯湖廣河南兩省安慶鳳陽流竄軍民雜處而千羅坂地方又係崇山峻嶺罕見人煙先年設有巡檢司地方稍寧後因地勢凶險官吏亡歿一時率爾裁革

鄭端策奏卷之五

十一 萬卷堂

以致上年盜賊依險嘯聚縱橫劫掠深為地方之患近據該州申議復設巡檢司防守委為輿情僉同相應照舊建立合無俯從前議乞為奏 請銓補官吏建立衙門合用木植甄瓦等項照依該州所議於霍山縣排年內通融均派行委廉能官員督令匠作如法建立至於弓兵四十名似為過多合減去十名止僉三十名行令該縣照數編審應役等因到臣據此會同巡按直隸監察御史李逢時議照巡司專為捕盜而設若地方無事固當裁革即今六安霍山等處寇遁鳳陽 陵寢高墻關係尤重上年師賊之變山

賊謝拱亦嘗與來往先事曲防不可不慎所據千羅巡檢司既經該府勘議前來相應復設如蒙伏望皇上軫念地方多事乞 勅該部再加查議合無將千羅巡檢司不必定用前坂故址另擇後坂風水便宜地方又必須據扼險要去處照舊建立查給印信復設官吏其蓋造衙門物料并合用弓兵悉照該府所議俱於霍山縣出辦編僉施行如此庶巡司既復盜賊可彌防禦嚴密而地方有賴矣嘉靖三十三年八月初一日進奉 聖旨該部知道欽此該兵部議覆為照霍山縣僻居山谷與湖廣河南相隣界一有

鄭端策奏卷之五

十一 萬卷堂

竊發地連三省嘯聚逃匿每難蹤跡所據前項官司似應復設合候 命下移咨巡撫鳳陽都御史鄭轉行廬州府委官踏看該地方險要去處復設原革千羅巡檢司衙門一座一應事宜照舊查復合用物料弓兵行令該府縣出辦編僉本部備咨吏部銓官給憑禮部查給印信令其齎執前去到任管事仍行該府查撥吏役以便書辦其本司名額合無照舊定為千羅巡檢司等因覆題奉 聖旨是欽此

地方秋災乞免糧議賑疏

為疊遭異常水旱蝗災乞寬秋糧以救民生事據

直隸徐州并蕭豐沛贛榆安東蒙城太和靈璧八縣各申據里老鄉民劉昂等告稱連年災傷民窮已極節蒙 朝廷寬免錢糧給發賑濟賴以存活今歲二麥無收惟望秋成救濟不意六月以來天雨連綿晝夜不息河水泛漲平地成湖所種田禾盡被淹沒止存高岡此須又被蝗蝻食盡百姓嗷聲震野愁慮秋糧從何輸納又據通泰宿徐和五州海門如臯泰興江都鹽城定遠含山來安全椒九縣各申據里老鄉民黃凡等告稱佈種秋禾正當長茂不期六月以來天道亢陽風霾大作地土燥烈溝渠乾涸雖經祈禱

鄭端簡公奏議卷之五

一二

萬卷堂

間得微雨然久旱之田隨即就乾酷日炎蒸稻豆禾苗盡皆枯槁加以蝗蝻徧生殘食為害秋成絕望老幼悲啼憂慮錢糧無從出辦廬州府申稱六安合肥巢三州縣自入夏以來雨水無施塘池枯竭十家九無佈種稍有低窪圩田沿河去處車水下秧田間大半民心失望不獨錢糧無辦抑且民食不充誠恐追徵民無措處徒然比併終莫能完乞查正一年災傷事例奏 請免糧給賑以救民生等因又據直隸揚州廬州六安三衛通州守禦千戶所各申報災傷大略相同亦乞寬免錢糧緣由各到臣據此看得今歲秋

災不止前項地方其隔遠去處一時申報未至欲候類齊具 奏誠恐稽遲除另行及批行徐賴二道并各府州縣官踏勘定擬成災分數分別該徵該免錢糧聽候覈勘外為照撫屬地方頻年災傷民困未蘇冀望今歲秋收接濟豈意水旱蝗蝻徧處為災以致禾稼傷損軍民悽惶所據各屬申告情詞迫切乞要免糧賑給一節查得撫屬各府州歲該兌運米一十五萬五千石改兌米一十六萬四千四百五十石嘉靖二十四年曾因全屬災傷該前都御史王 具

鄭端簡公奏議卷之五

十二

萬卷堂

題荷蒙 聖恩曠蕩將前兌運米石盡改折銀改兌米石盡撥支運又無給發賑濟是以民困少蘇竊謂今歲災傷較昔尤重况頻年困窮之餘又值師旅勞費不貲若止照常寬免存留其起運錢糧既被水旱蝗災從何出納相應亟處及查既有前項因災改折改支事例若不接乞 請免將來追徵縱使嚴刑杖併不過逼之過竄而已意外之慮不無可憂伏念臣本菲材仰荷 聖恩畀司漕運兼領巡撫 國計民瘼與聞末議臣雖至愚豈不知邊事方殷經用為急奈緣撫屬疲憊目擊民艱寧忍坐視萬不得已昧死工陳伏望 聖明軫念民隱 俯賜矜憐乞 勅該

部大破常格從長計處合無轉行巡按直隸監察御史亟為覈實徑自具 奏查照二十四年事例將各屬今歲秋糧兌運米一十五萬五千石內除淮揚二府奉例截留米共三萬七千八百石仍徵本色聽備軍餉外其餘米一十一萬七千二百石俱每石連耗折銀七錢改兌米一十六萬四千四百五十石俱撥臨德二倉支運每石仍令有司徵貼脚價銀二錢五分兌軍解納及照戶部題 准通糶法以實軍儲事例將折糧銀十萬兩行令淮揚二府糶米上倉聽撥支運即今江南江北處處旱災缺收米價又復騰貴

鄭頌儀奏議卷之五

十四 萬卷堂

臣展轉計慮實無長策若使米價止銀六錢一石尤可收糶萬一一石米價須銀一兩又將何以處之至於存留錢糧及衛所屯田子粒查照勘災體例定擬減豁分數民糧量為減免屯田子粒照例折徵價銀其未到災傷州縣衛所儘有續報者容令一體查勘照例分減庶錢糧易於徵收軍民困苦蘇息再照各屬災傷地方臣已通行督令各該掌印治農官曉諭小民將被淹田地俟水退落即時佈種二麥乾旱田地候得天晴即時耕耘一體播種以濟來年但冬春之交青黃不接恐饑民告賑似應預處合無行臣候

臨時酌議如是小民得以過遣不必賑恤若果饑寒日不聊生者必須救濟先查各屬續收銀穀之盈縮計筭饑口之多寡通融賑給錢糧不敷聽將各處事例并修河支剩餘銀酌給湊用務使貧民受惠以仰副我 皇上遇災恤民惻惻之意事完造冊 奏繳如此庶幾被災之民仰受 皇上鴻恩霽澤咸有樂生之望矣嘉靖三十三年八月初一日進奉 聖旨該部知道欽此該戶部議覆恭候 命下移咨總督漕運兵部右侍郎鄭 備行守巡該道督同淮揚等府揚州等衛所徐徐等州及隔遠申報未到被災去

鄭頌儀奏議卷之五

十五 萬卷堂

處各掌印管糧官員通將各州縣衛所查係未被倭寇及雖經不致重傷與水旱災傷三分以下無論起存照舊追徵不免外其被倭被災地方即查照先次題 准事理及勘災體例分別已未被兵州縣里分及水旱災傷輕重分數係民田者即於存留數內照例減除係屯田者亦准照例以十分為率除三分減免外其餘七分從輕折收價銀解送應納倉庫收貯其續報災傷處所悉照此例不許官吏里書屯軍人等增減分數那移等則悉聽撫按查究治罪其漕運衙門扣留折糧銀一十萬兩原議南方米賤糶買上

倉聽撥支運即今既稱地方災傷米價騰貴則前項銀兩相應仍留在庫待後另議糶買至今冬來春青黃不接之時如小民得以過遣不必賑恤若果饑寒相迫日不聊生聽撫按衙門查見在倉糧并無礙堪動銀兩通融賑給先將查勘過被倭被災地方蠲免過民屯錢糧撥補已未完漕糧數日照依前限十月以裏具 奏仍造冊繳部查考伏乞 聖裁等因嘉靖三十三年八月初二日本部尚書方 等具題本月初四日奉 聖旨是欽此

拏獲強盜疏

鄭端簡公奏議卷之三

一六 萬卷堂

題為捉獲強盜事據直隸淮安府申開提獲強盜高臣審係山東青州府沂水縣人嘉靖三十三年七月初五日與未獲賊首濟寧人王二并失記鄉貫人李繼崔舉小李二孫一善張四鄭二秦三李大吳朝宗卜二陳二鍾四鍾冒鍾漢劉二王冒曹三條三及伊不知名男添糾失記名人共一十九名在於邳州地名沙坊打劫沔陽衛運官船上圍寶官銀臣分二錠二半截二塊其餘王二等各分不等四散去訖臣將前該潛到宿遷縣馬嶺山後空處用火欲行燒銷尚不化盡收藏在身同妻搭船前往寶應縣河下三浦

撞遇老人周相快手陸實在彼緝賊見臣形色荒張上船盤詰問臣即將前銀首出周相等驗封將臣連賊呈送巡捕李檢校處審取口詞及將前銀秤重九十五兩送府收庫等因申報到臣據此案照先據湖廣沔陽衛運糧指揮謝蓋呈稱管領幫船於本月初五日一更時分行至邳州地方灣泊不意大夥強賊各執鎗刀鐵鞭等器斬纜抽幫上船將職細綁打傷劫去輕齋席板銀二千一百六十七兩有零呈乞緝捕等因已經通行徐州兵備道淮安府嚴行督捕及將邳州州衛巡捕官革去冠帶住俸立限挨拏去後

鄭端簡公奏議卷之五

一七 萬卷堂

具 題聞今申前因臣會同提督漕運鎮守淮安地方總兵官鎮遠侯顧 議照邳州沿河一帶地方素係鹽盜出沒之虞糧運盛行之時臣節行各屬嚴加防守豈意各該官兵因循怠縱致賊劫掠罪責難辭即欲提問但在用人姑令戴罪捕賊所據強盜高臣人賊雖已擒獲其餘賊黨銀尚多未獲除候緝拏至日併該地方失事人員查明另行外嘉靖三十三年八月初一日進奉 聖旨兵部知道欽此續准戶部咨煩行各該府衛州縣掌印巡捕等官嚴拏各賊追究前銀是否前項數目中間有無指揮謝蓋等乘

機侵盜情弊有罪員後應提問者提問應參究者徑自參究施行

查催補造糧船銀兩疏

題為取議計處補造事故缺船以濟全運以裨國計事本年八月二十二日准戶部咨該臣題據南京等總把總運糧指揮戴崇文等各呈稱額船節因嘉靖三十年以來水患異常淤閣漂損數多各要告借官銀補造緣由前來計查各總衛所共缺船一千五百餘隻深慮來年全運必須補足誠為漕運首先急務查有清江廠逐年扣省大料餘銀一十二萬餘兩

鄭端簡奏議卷之五

十八 萬卷堂

并蕪湖抽分廠積欠木價銀四萬四千餘兩及各廠補造該扣料銀共湊一十五萬兩緣係漕司錢糧乞勅戶工二部詳議咨令查照取用補造候各船及年扣料還官等因題奉 聖旨該部知道欽此欽遵本部議得前項銀兩原係造船之數事非紛更船得早濟但造船係工部職掌難以專議合候 命下本部移咨工部再加詳議如果相應速行漕運都御史鄭將清江廠工部分司收貯銀一十二萬餘兩并扣過民料銀五千一百兩并江浙湖廣上江下江各廠該扣料價蕪湖抽分積欠銀兩通共查足一十五萬

兩要官趁時買料打造分派缺船衛分旗軍領駕務於今歲十二月以裏造完不許有誤來年運務仍行南京工部嚴行蕪湖抽分主事將節年拖欠木價上緊起送赴淮湊用毋致延欠有誤糧運重事其餘扣料還官事宜俱照所擬施行等因覆題奉 聖旨是欽此欽遵備咨到臣欲候工部議覆明文至日舉行但造船工限非旬月可完矧今時日不逮惟恐有誤新運隨行清江造船工部主事周望查取前銀買木造船據本官呈稱本廠節年扣存木價等銀共一十六萬四千三百一十七兩有零內蕪湖抽分廠累年

鄭端簡奏議卷之五

十九 萬卷堂

拖欠木價額銀四千四百一十五兩五錢一分六釐五毫直隸蘇州淮安揚州三府拖欠各年班匠銀五萬六千七十六兩七錢四分嘉靖三年淮安府賑濟饑民等項借用未還銀四千三百二十二兩三錢九分九釐九毫五忽嘉靖四年各總補造事故糧船借用未還工食銀二千七百三十九兩九錢五分嘉靖十六年衛河提舉司各處料價解不齊足呈允通融動支共借用造船銀一萬八千二百六兩七錢五分八釐應該山東河南布政司鳳陽各府州縣拖欠匠銀四萬四千一百八十七兩六錢四分四釐內補

還又商人黃良等領銀買木侵欠未還銀九千七百五兩六錢二分三釐七毫叅行押發原籍江西清江縣變產追贓未解并各衛廠官軍三料銀未到借用未還銀三千一百七十九兩九釐六毫俱係借欠之數合無於前各項拖欠銀兩差官分投前去查取催還解准補造等因具呈到臣會同提督漕運鎮守淮安地方總兵官鎮遠侯顧 議照前項銀兩係是節年扣存造船木價餘銀相應動支買木補造濟運已經具題奉有 明旨欽遵查取間今本官呈開俱係各處積欠借用未還銀兩即今九月過半新糧會派在邇所缺船隻勢不容緩原擬錢糧通無分釐見在不無耽誤除一面移文南京工部催取蕪湖抽分廠所欠木價并行山東河南布政司蘇州淮安揚州鳳陽等府守催拖欠班匠及各總各廠借用等銀解淮應用一面盡將淮安府在庫官銀通行查出止得一萬五千餘兩先行借支分投賒買木料坐委文武廉能官本府通判党淳把總周表管理尅期興工先行打造五百隻候各處解到銀兩陸續接濟外為照前欠銀兩數多先年止因漕司庫貯尚可那借因循完事未及催取今查盤府庫空虛別無堪以那移銀兩

鄭端簡公奏議卷之五

下 高卷堂

不得不清查催解應用但所欠銀兩多係別部隔省漕司雖經行文催取誠恐彼處官司不知造船用銀緊急視非親臨因循怠玩未免有誤重計如蒙 皇上軫念漕運多艱百務廢弛况今江南倭寇未靖運道梗阻尤為可慮伏望 勅下該部再加詳議合無轉行南京工部并各該撫按衙門將前原擬補造拖欠未完銀兩行查已徵在官者嚴限起解若或未完聽將在庫別項官銀如數借補以濟燃眉之急如此庶船得早完糧無耽誤而 國儲有賴矣嘉靖三十二年九月十二日進奉 聖旨該部知道欽此該工部議覆為照前項銀兩原係節年扣存以備造船之數先經本部題奉 欽依送發漕 應用今本官題稱俱係各衙門拖欠借用并侵 項毫釐不存事關 國計勢難容緩委宜責限催 以濟急用合候命下本部移咨南京工部轉行蕪湖抽分廠先將拖欠額銀作速議處解補務足原數及咨山東河南并直隸各巡撫都御史并各都察院轉行各該巡按御史即將各年拖欠匠價并借支侵冒各項銀兩俱各上緊查追完足解淮以濟造船之用如或一時追徵不及就將庫貯別項官銀那解以濟目前急用各不

鄭端簡公奏議卷之五

二二 高卷堂

許稽誤仍塔總督漕運衙門并清江廠委官主事周望分投差官前去各該衙門催完解如再推延拖欠耽誤 國計者即聽漕運衙門并各巡按御史指名參奏等因嘉靖三十三年十月十九日本部左侍郎郭 等具題本月二十一日奉 聖旨是欽此

拿問鎮江管河官員疏

題為復差江南管河官員及參究違誤運務官員事嘉靖三十三年七月初七日准戶部咨該臣會題議照今歲漕運惟浙江杭嘉湖三府直隸蘇松常鎮四府歲運漕儲并白糙糧米二百餘萬石必由奔牛呂

鄭端簡奏議卷之五

二十三 高卷堂

城丹陽黃泥壩等處始達鎮江京口開出江先年遇有淺阻或由孟瀆河外江分進每有風波之險盜賊之虞尤宜預防以此漕司具 奏戶部會議擬行江南巡撫嚴督常鎮二府并該縣掌印管河水利等官將前河道不拘年限但有淤淺處所即便起夫疏濬封開蓄水以待糧運若仍前怠緩壅阻難行就聽彼處巡撫并漕司一面指名參究一面將各官住俸督理載入議單永為遵守節行常鎮二府遵照疏濬案候鎮江府通無一字回報又經五次移咨江南巡撫催督及將該府管河官員住俸節據把總等官張建

節朱仁等各呈稱各衛所兌完糧米於三月初五等日陸續押發開行已過無錫地方見阻丹陽丹徒七里溝等處守淺即今三月過半未見興工挑挖實為阻誤等因到臣及諮詢南來公差官員各稱載糧民船阻集數千隻相沿數十里不能前進直至四月初十日鎮江府方報河開通船已自遲誤法當參究合無通查該府縣各掌印管河官員不分在任離任但係三十三年正月至四月在府縣管事者嚴行提問庶儆將來等因具題該戶部議擬合候 命下移咨本官遵照先今事理查將鎮江府并所屬丹陽丹徒

鄭端簡奏議卷之五

二十三 高卷堂

府縣掌印管河水利等官自今年正月起至四月止曾經在府縣各管事者不分見任離任管河水利官通行拏問嚴黜掌印官一體提問照依前項題 准事理施行其常州府如有違誤亦照前例提問等因題奉 聖旨是這各官不行修濬河道有誤漕運都着鄭 查明拿問具擬奏 請欽此欽遵備咨到臣除常州府已報挑濬河工完畢不究外劄行理刑司主事鄭東白提問去後續據本官呈問得犯人張燾招年四十五歲江西南昌縣人由舉人除授直隸鎮江府管河通判嘉靖三十三年正月間燾蒙巡按衙

門丞署本府丹徒縣事并查理府縣賦罰驛遞錢糧以給兵餉及追備用馬價彼時倭寇猖獗操江衙門行委在官丹陽縣水利縣丞劉秉彝丹徒縣水利縣丞左祿各領軍兵分投把截包港圍山周家橋等處地方及江洋一帶往來巡邏本年各總衛所官軍在於江南水次領兌糧米先蒙漕運衙門見得奔牛呂城丹陽黃泥壩等處每致淺阻 題載議單擬行常鎮二府并該縣掌印管河水利等官將前河道不拘年限但有淤淺處所即便起夫疏濬封固蓄水以待糧運若有怠緩壅阻難行就聽彼處巡撫衙門并漕

鄭端簡公奏議卷之五

二四 高卷堂

司一面參究一面住俸督理比肅本府丹徒丹陽二縣所管河道俱被淤淺肅與劉秉彝左祿俱係管河水利官員明知前例各不合故違不即多起人夫併力疏濬以致水止尺餘舟滯難行本年三月初五等日南京等總把總張建節等陸續催押糧運俱過無錫地方行至丹陽丹徒七里溝等處淺阻具呈漕司節次行文府縣住俸催督肅署丹徒縣事又不合與未到原任本府知府今陞河南按察司副使申价在官丹陽縣知縣陳奎各亦不合故違前例不行料理河工致船壅滯數千不能速達比蒙漕司看得時月

從迫有誤軍儲又經差官坐催肅等方集人夫挑挖至四月十二日河道纔通糧運鱗次開發後蒙漕運鄭都御史議照江南河道守淺月餘及至河開有水黃河又漸泛溢縱加催併勢難取速文移催督略不加意要將府縣各掌印管河官員不分在任離任但係三十三年正月至四月底曾在府縣管事者嚴行提問庶儆將來等因題奉 欽依該戶部議得各官玩視漕渠怠廢職業不能及時修濬以致糧運阻滯管河水利官通行拿問罷黜掌印官一體提問覆奉欽依咨行鄭都御史處備劄理刑司通行府縣查得

鄭端簡公奏議卷之五

三五 高卷堂

申价未曾事發之先已經陞官赴任去訖止將肅與陳奎劉秉彝左祿提解前來審問問肅思先因委查錢糧以給軍餉并追備用馬價俱係急務妨占不能分理河工以致違誤將情訴批理刑司查問劉秉彝左祿各亦備將倭寇竊發領兵把截險要江洋巡邏情由訴蒙查審前情明白將肅等取問罪犯三名陳奎年三十一歲福建懷安縣人由進士除授丹陽縣知縣劉秉彝年二十三歲順天府懷柔縣人由歲貢除授丹陽縣縣丞左祿年三十八歲江西豐城縣人由吏員除授丹徒縣縣丞各招與張肅招同議得張

憲陳奎劉秉彝左祿所犯俱合依凡奉 制書有所施行而違者律各杖一百俱有 大誥減等各杖九十俱職官各照例納米贖罪完日陳奎復職為照通判張燾縣丞劉秉彝左祿職膺水利俱當盡心河道疏濬淤淺乃敢怠廢職業阻誤軍儲違照原參通應罷黜但張燾委查錢糧以給軍餉追解馬價以備緊用而劉秉彝左祿時當倭寇竊發之際領兵把守江洋自春但夏地方孔棘一身防禦似難專理河工以上三官實因別占羈妨委非坐視故犯推情論法似為可原合無姑免罷黜止問前罪以贖誤運之愆緣

鄭端簡公奏議卷之五

二十六 萬卷堂

係覆奉 欽依管河水利官拏問罷黜掌印官提問奏 請事理合候請 旨照出未到原任鎮江府知府今陞河南按察司副使申价原係怠玩河工稽妨糧運人員難以辭罪但查律內卑官犯罪遷官事發犯公罪杖以上紀錄通考合無免其提問行文該管衙門紀錄通考惟復仍行河南巡撫衙門就彼徑自查照問擬發落等因具招呈繳到臣據此看得該司問擬各犯情罪內丹陽縣知縣陳奎係提問人員應擬納贖復職其鎮江府通判張燾丹陽縣縣丞劉秉彝丹徒縣縣丞左祿各問前罪查係怠誤挑河稽遲

運重情似難照常發落合照原參通應罷黜今該司議稱時當倭寇竊發查給軍餉領兵防守及張燾等訴詞未必的實嚴行劄仰鎮江府新任知府郭鑰查勘續據本官回申查得本府通判張燾并丹陽縣縣丞劉秉彝丹徒縣縣丞左祿委因倭寇竊發奉委查給軍餉把截防守是的具結前來似應重加罰治姑留供職再照鎮江府知府今陞河南按察司副使申价玩視漕渠阻誤糧運雖係遷官難准紀錄除將張燾等批行戴罪聽候奏 請施行外如蒙伏望 勅下該部再加詳議將丹陽縣知縣陳奎納贖照例

鄭端簡公奏議卷之五

二十七 萬卷堂

復職其通判張燾縣丞劉秉彝左祿合無遵照原參通行罷黜惟復姑從末減陞任知府申价備行河南巡撫衙門就彼提問具 奏發落惟復照依遷官事發免究緣係參究違誤運務官員并題奉 欽依查明拏問具擬奏 請事理嘉靖三十三年九月十二日進奉 聖旨該部知道欽此欽遵抄出到部送司案查先為前事已經題奉 欽依通行去後今該前因案呈到部看得漕運都御史鄭 題稱要將丹陽縣知縣陳奎納贖復職鎮江府通判張燾丹陽縣縣丞劉秉彝丹徒縣縣丞左祿遵照原參通行罷黜惟

每從末減及陞任知府申价就彼提問惟復照遷
官事發免究各一節為照通判張燾縣丞劉秉彝左
祿管河乃其專職與掌印官固自不同運道阻滯責
將奚辭擬以罷黜實為允當雖稱各有查給軍餉把
截防守之事乃係一時差委而漕糧尤重較其職掌
難以此諉罪也但其誤事出於有因故漕司亦有姑
從末減之議遽議罷黜似涉過重止擬提問又為太
輕與陞任知府申价相應通行議處合候 命下本
部移咨漕運都御史鄭 除知縣陳奎應照所擬納
贖還職外將鎮江府通判張燾丹陽縣丞劉秉彝丹
徒縣丞左祿問擬應得罪名其河道三月終尚未挑
通合無比照漕運議單開載三月終船糧不到水次
降二級事例量降一級起送吏部別用惟復照原題
准事理通行罷黜先任知府今陞副使申价亦難照
遷官事發免究合無量加罰治以肅漕規惟復仍行
河南巡撫衙門照例提問伏乞 聖裁等因嘉靖三
十三年十月二十九日本部尚書方 等具題十一
月初一日奉 聖旨陳奎准納贖張燾劉秉彝左祿
始降一級別用申价罰俸三箇月欽此
預處來年漕運疏

鄭端簡公奏議卷之五

二十八 高卷堂

鄭端簡公奏議 卷五

題為懇乞 聖明預處來年漕運事臣於六月初十
日會題為預處來年江南沿海漕糧事止因今年春
末夏初海寇猖獗預為明年兌運之計尚未知地方
災傷也及至八月初一日臣又題為疊遭異常水旱
蝗災乞寬秋糧以救民生事亦止因江北四府三州
秋糧難徵請乞蠲減之計尚未知即今海寇猶未斂
戢也及照浙江杭嘉二府直隸蘇松常鎮四府皆財
賦重地嘉靖三十三年既因賊寇夏麥未得全收秋
苗未得全種幸而稍有得種者久罹旱魃屢經賊寇
秋禾未得登場夏麥未得入土兩年三熟收成失望
富厚之家已難支持貧細之民盡皆逃徙重以疫屍
餓莩轉於溝壑征兵饋餉急於星火不惟三十三年
秋糧徵收艱難抑恐三十四年糧運道路梗阻近又
聞得糧船已到張家灣者因通惠閘座水衝坍塌京
倉輸納尚爾留滯不過旬朔風氣向寒未得開幫必
至守凍况運軍連年舊欠新欠剝肉補瘡月糧行糧
張願待哺今復艤舟久候不無蠶食正糧掛籌揭債
勢所不免萬一海寇今冬未得解散明春益復縱橫
則耕稼方興必貽田畷之憂舟車所至復有荏蒨之
警年復一年何時休息田賦日縮軍旅日煩民力日

鄭端簡公奏議卷之五

二十九 高卷堂

六一一

疲國計日乏矣如蒙乞 勅該部從長議處將江南江北災傷被寇地方秋糧早定徵蠲減折及支運等第馬上差人齎文付各該巡撫官作急坐派各司府州縣徵收聽運仍將三十三年運到漕糧或儘上通州倉廩或預放官軍俸糧或隨宜分回德州天津二倉其脚價免貼免曬墊倉等項悉聽該部處分務令糧船凍前入閘南行疾速修船以濟新運不惟臣得免瘵官誤事之罪其於 京儲邊餉保民禦寇均為有補臣竊念 國家建都北平乃 朝廷親為守邊鎮撫華夏漕運糧米蓋不獨上供 九重下給百

鄭端履奏卷之五

三十一 萬卷堂

官六軍萬姓之用寔足食足兵安內攘外 社稷大計臣待罪漕司所宜心思力行不俟督責勉圖報稱於萬一但臣體質孱弱材識短淺徒抱先事之虞曾無應務之略而所轄各該司府州縣等官隔離甚遠約束難行不得不吐瀝血誠於 君父之前也伏惟 皇上敬 天愛民勤勞 萬幾臣不敢備錄前後奏覆文移繁猥塵 瀆謹述緊關略節情詞仰祈 聖覽昔神堯大舜之際寔千古極盛大治之朝尤且君臣上下都俞吁咈每以蠻夷猾夏四海困窮為慮臣叨冒職掌豈敢因循隱諱伏望 聖慈寬臣狂妄之

誅 俯賜采擇早為經理天下幸甚臣不勝幸甚嘉靖三十三年九月十二日進奉 聖旨戶部知道欽此該本部議覆恭候 命下通行總督侍郎盧 及巡倉御史通州坐糧員外郎漕運總兵參將等官查照節題事理一面速令起回一面分運京通二倉務使空船早回不致凍阻以濟來年運事仍咨漕運及各該巡撫都御史會同將各司府州縣三十四年應運三十三年秋糧速為分派俱要全徵本色設法照例運至水次倉以需交兌縱係災傷被寇州縣止許於存留及別項起運錢糧內蠲減不許一槩免折以

鄭端履奏卷之五

三十二 萬卷堂

虧大計或隣近地方有收查照議單撥補足數日後有收照數徵還或照先題事理邊海者多派存留少派起運腹裏者多派兌軍少派存留庶計豐耗以定賦不失通融之法臣等亦得因羸縮以制用可免誠乏之憂矣仍備行督撫衙門臨期多方防護催促完兌星馳前進共圖萬全但今倭患未寧事勢難料而蘇松杭嘉四府原額漕糧一百三十三萬九千九百五十石誠恐冬春之交各總運船一時輻集交兌數多動經旬月一有警擾便致阻誤惟復於內量改折三分之一以速交兌其折銀照例每石正兌七錢改

兌六錢聽各該巡撫趁今徵納之時派於被害極其
及有礙兌糧州縣照數完報以補漕糧之不及至於
倭寇久據地方無種無收入戶一時辦納不前巡撫
官會同漕司勘報明實另議具 奏聽臣等酌量暫
且停徵以蘇民困候賊平年豐照數帶徵折色一面
將前扣留銀十萬兩糴買糧米湊運補數其災傷地
方不許一槩改折伏乞 聖裁等因嘉靖三十三年
十月二十四日本部尚書方 等具題本月二十六
日奉 聖旨是欽此

倭寇登劫疏

鄭端簡奏議卷之五

三三 萬卷堂

題為地方倭寇登劫事照得嘉靖三十三年三月二
十二等日倭寇侵犯通州地方仰仗 天威官兵協
力擒斬地方稍寧將勘過功罪人員已經具 題外
本年七月二十一日伏蒙 聖上軫念東南生靈塗
毒督發山東官兵前來征剿倭寇經過淮安臣隨赴
揚州府交兵總督南直隸浙江福建等處軍務南京
兵部尚書都察院右都御史張 其時江南蘇松二
府節報倭寇猖獗遵照兵部題 奉 欽依彼此夾攻
已將臣撫籍地方恭將裔基拏揮金漢千戶姜且等
水陸官兵一千八百五平員名狼山哨船三十隻調

赴江南會合剿捕仍慮江北地方空虛督行兵備等
官各於險要隄兵防禦擬望今年秋冬之交併力剿
捕大收克捷不惟江南安靖江北亦得休息不意倭
寇類多姦細諷知江北驍勇官兵已赴江南遂敢復
窺江北八月十九日節據海防兵備副使張景賢通
泰參將梅希孔飛報本月十五日未時呂四場報稱
離場四十里東北海邊新到倭船一隻約有六十餘
人焚舟登岸賊數雖少皆是直倭奴漳賊兇猛無比
平六日該場扣截百戶伯末福督兵與賊對敵得獲
倭弓一張倭箭三十七枝十八日連戰賊被我兵箭

鄭端簡奏議卷之五

三三 萬卷堂

傷數多得獲倭箭一十二枝火筒一箇又據通州申
稟狼山有賊船七隻江海間往來不絕搶去巡船一
隻上有親兵二三名開洋去訖海防道又調發掘港
把截鎮撫呂圻等統兵於二十六日與賊交戰得獲
首級一顆殺死倭賊二十餘人俱被用火燒燬尚有
首級可辨即今兵勢大振不旬日間必盡殄滅又於
九月初六日副使張景賢報稱參將梅希孔久病未
痊兵無專將進止不齊本道即於本月初三日前往
通州督戰緣由到臣除嚴行進兵克期擒剿各沿江
沿海嚴加隄備及移咨總督軍門請發還江北官兵

咨稱江南賊勢未平遽難撤回外為照前項倭寇恐今年秋冬之交未得殄滅明春黨與益衆姦謀叵測深為可慮况江南運道自浙江崇德嘉興直抵吳江蘇州等府州縣沿河楓橋平望八尺王江涇等鎮今年屢被賊徒經過焚劫熟知運道萬一賊如上年盤據海濱舊賊未去新賊又至明年春正二月深入侵犯糧船或在水次未得兌糧或已兌糧未出京口風火不測實難防護乞 勅戶兵二部從長計議備示方略分投戰守務使倭奴海賊悉遭誅斬庶幾農人力田竈丁煮海得供辦 國家常賦糧船自浙江以至京口得保無虞此係 國計生民迫切大患臣徒罪漕司兼理海防不敢不言除江北倭寇候事寧之日併將有功失事人員查明另行具 奏外嘉靖二十三年九月十二日進奉 聖旨戶兵二部知道欽此欽遵抄出送司案呈到部看得總督漕運侍郎鄭 題稱倭寇尚未殄滅江南運道累被賊徒焚劫明年春正二月黨與益衆姦謀叵測乞議處防護糧船及備示方略分投戰守各一節除防護糧船聽戶部查議外其戰守方略本部難以遥度相應議處合候命下移咨巡撫鳳陽都御史鄭 并行總督都御史

鄭綱領奏議卷之五

三四

萬卷堂

張 及巡撫都御史周 操江都御史史 及浙江都御史李 嚴督各該總參守把等官務要設謀運奇蕩平前寇使運道無阻農竈各安其業庶為長便等因嘉靖二十三年十月二十四日太子少傅本部尚書聶 等具題本月二十六日奉 聖旨是欽此又該戶部議覆查得題內乞要備示方略分投戰守等項該兵部徑自查議外其議糧船或在水次未得兌糧或已兌糧未出京口風火不測防護事宜呈乞施行案呈到部為照漕糧者 國家之命脉運道者漕運之咽喉我 祖宗立法領運不以文職撐駕悉以軍旗總之以總兵參將固屹然主帥之權分之以各該把總亦隱然偏裨之任矣漕舟鱗次運卒雲屯挨幫列隊前後絡繹此固責以防禦不虞之深意也邇者倭賊作梗騷動大江南北運道所關識者憂之仰惟我 皇上命將出師募兵峙餉無非欲廓清妖氛寧輯地方也而各該官員重膺 簡命職思其居必期慮出萬全早圖殄滅使生民早安運道無阻斯於 明命為無負耳迄今秋冬之交尚爾盤據蘇松地方儻至明年春正二月黨與益衆姦謀叵測不無有礙運道况近來疲弊之餘漕卒多係雇覓而見在

鄭綱領奏議卷之五

三五

萬卷堂

者又多老弱不堪所謂從長計議備示方略誠有如
漕運都御史鄭 所題者相應通行議處合候 命
下本部移咨總督及干係漕糧運道各該巡撫都御
史督同各該將領兵備軍衛有司等官務要先事預
圖動中機宜俾地方寧謐運道無虞遇糧船經過多
撥官軍民快防護勿得坐視自取違曠之罪司府州
縣及領運官員亦要將應兌糧米於年裏兌完乘便
趁發開行若事勢緊急設法收斂安便處所以求萬
全毋致踈虞漕運都御史總兵叅將亦通行各該都
司把總將旗軍簡汰老弱嚴禁雇覓各備鋒利器械
差人遠行哨探無事則如常隄備有警則相機戰守
前後相顧互為救援不許自分彼此致誤事機違者
俱聽本部及各監兌僭運巡按等官查明參究治罪
伏乞 聖裁等因嘉靖三十三年十月十六日本部
尚書方 等具題本月十八日奉 聖旨是欽此

招撫流民疏

奏為欽奉 勅諭事嘉靖三十三年七月二十日奉
勅總督漕運兼巡撫鳳陽等處地方兵部右侍郎兼
都察院右僉都御史鄭 江北直隸廬鳳淮揚四府
徐滁和三州地方地廣田饒先年民皆力農近來有

鄭端簡公奏議卷之五

三六一 萬卷堂

司不能恤民加以旱澇相仍追徵不已民多流移田
土拋荒雖屢有 詔旨命官招徠未見奉行間有一
二歸業者又為里書迫索舊欠歸而後逃以致錢糧
戶口虧耗數多已經差官招撫管田去後近該言官
具題議革今特命爾帶管前項事務查照原題并覆
議緣由督同各該有司掌印并治農官用心經理流
移人民務要設法招撫旋定安集各計丁口授田俾
盡力開墾以為世業先須寬其租賦俟儲積充足然
後納糧當差仍嚴禁里甲不得論取欠負庶幾風聲
感召近悅遠來錢糧戶口以漸歸復不致虧耗各該
承委官員如有抗違怠玩誤事者輕則徑自提問重
則參奏治罪仍填註農官賢否以憑黜陟每年終將
招撫過人民開墾過田畝修濬過陂塘圩岸儲貯過
子粒究問過官吏各數目造冊奏繳爾為大臣受茲
委任宜殫竭心力著實舉行俾民皆歸業田盡墾闢
斯為爾能毋或因循玩愒徒事虛文無益實用責有
所歸爾其欽承之故勅欽此已經通行欽遵外卷查
撫屬各府州嘉靖三十二年正月起至四月終止招
撫過復業人民開墾過拋荒地等項已該原任營
田都御史王璣造冊徑自 奏繳外自本年五月起

鄭端簡公奏議卷之五

三七一 萬卷堂

至十二月終止應報撫流營荒事宜該前任都御史
吳 通行各屬掌印治農官查造未報該臣接管節
次行催續據淮鳳廬揚四府徐滁和三州將招撫過
復業人民名口開過荒田頃畝修過陂塘等項水利
各數目開造前來逐一覆查明白內徐州冊造稽遲
已將誤事首領官吏問罪外擬合造報為此嘉靖三
十三年九月十二日進奉 聖旨

計開淮鳳廬揚四府并徐滁和三州自嘉靖三十
二年五月起至本年十二月終止招撫過後業
人戶開墾過拋荒地修濬過水利陂塘溝港

鄭端簡奏議卷之五

三三八 萬卷堂

壩堰橋路積儲借過子種牛犢栽植樹木等

項各總數目

招撫過復業人民九百二十三戶計男婦二千五
百一十四名口

開墾過拋荒地六百七十二頃六十一畝六分
七釐

修濬過水利陂塘溝港壩堰橋路共二百九十七
處

借給過子種八百三十二石七斗
續收過子種九百五十五石七斗

積儲過子種一千一百一十一石二斗一升
處給過耕牛六百三隻
續買過耕牛并孳生犢共一百九隻
栽種過樹木計二萬六百八十一株

剿滅江北倭寇疏

題為仰仗 天威剿滅江北倭寇事嘉靖三十二年
九月十三日據整飭淮揚海防兵備副使張景賢揭
帖開稱呂四等場倭寇焚舟登岸狡猾尤甚本道於
本月初五日至海門申飭將士令以挨牌門扇前拒
後用大銃弓箭護之復動通州庫銀八百兩陣前激

鄭端簡奏議卷之五

三十九 萬卷堂

賞將退後隊長吳玄張洗以軍法處治人心思奮初
七初八日連戰得勝初九日遣鎮撫呂圻百戶伯末
福等領官軍誘之彼見官軍獨進即一擁追殺被伏
兵四起斬獲首級四顆殺傷十餘人復逃入江畢家
若非呂四場竈丁搶功爭競遂可平定前賊七十餘
人先後斬獲十二級殺死傷重三十人所餘不及三
十人一二日內定須盡滅使江南聞風不敢復窺江
北更望本院差官前至儀真瓜洲二處各募兵五百
名以備江南奔突梅叅將因本道初四日到通州初
五日至海門亦隨後至今病全可張叅將似可留在

揚州操練以備江南除通平前賊另行飛報等因即
刻又據本官報初十日已將倭寇盡行剿滅並不遺
漏一人所據功次除查明另報據此隨據分守通泰
參將梅希孔亦報相同緣由到臣案照先為地方倭
寇登劫事於本月十二日具 題去後今據前因為
照先因倭寇類多姦細規知江北官兵調赴江南會
剿乘虛突入江北焚舟登岸劫掠雖止七十餘人皆
真倭漳賊十分兇猛又有船七隻海洋往來不絕其
時海防道副使張景賢蒙總督軍門調赴江南本官
渡江間聞報即便馳還泰州臣隨行張景賢赴期進

鄭端簡奏議卷之五

四十一

萬卷堂

剿本官回稱賊鋒初至焚舟死戰無慮在洋賊船窺
伺勝負相率侵犯未可輕進必須審度機宜得其情
狀諒不旬日盡可殄滅臣以本官久在楚中曉暢軍
務不復遙制悉聽機宜調度期在克捷自後節據各
報通泰參將梅希孔久病不能出戰臣先遵照便宜
起取參將張恒代喬基守禦揚城只得行令急赴通
州統兵復取指揮王繼陳鑄領哨又因江南聲息迭
至即將揚州城守及瓜儀防禦事宜盡付揚州府知
府吳桂芳經理臣仍駐淮安分行徐穎二道各選精
兵一千待報緊急聽臣統領前去彼時張景賢知梅

希孔不能出戰無程趨至海門梅希孔隨亦繼至先
調張恒等俱未及到通州而前賊果已剿滅若非副
使張景賢急還信地直抵賊巢申嚴號令明信賞罰
親冒矢石督兵力戰縱有斬獲未免連遯今獲全勝
地方稍寧實皆仰仗 天威也除取回參將張恒仍
守揚州及防禦江南倭寇事宜另行外其江北有功
失事人員通候委官查勘至日具 奏嘉靖三十三
年九月十五日進奉 聖旨兵部知道欽此欽遵抄
出送司案呈到部看得巡撫鳳陽都御史鄭 題稱
呂四等場倭寇焚舟登岸副使張景賢督率官軍連

鄭端簡奏議卷之五

四十二

萬卷堂

戰得勝前賊七十餘人先後斬獲十二級殺死傷重
三十人所餘不及三十人隨即盡行剿滅並不遺漏
一人及稱副使張景賢親冒矢石督兵力戰獲此全
勝一節為照前項倭寇登岸劫掠若非各官設謀效
力一時剿滅蔓延之禍有不可言所據副使張景賢
聞警報而急回信地督官軍而設謀進剿七十餘寇
刻期就誅功委可嘉及照巡撫都御史鄭 計慮海
防調度軍務累成克捷之功實賴籌畫之預似應先
行賞賚以酬勞績合候 命下將鄭 張景賢各先
加陞賞其餘有功有罪人員仍行巡按御史查勘明

實具奏前來以憑覆請 定奪但 恩典出自 朝廷臣等未敢擅擬伏乞 聖裁等因嘉靖三十三年十月十九日太子少傅本部尚書聶 等具題本月二十一日奉 聖旨是鄭曉陞俸一級賞銀四十兩紵絲二表裏張景賢陞右叅政仍兼兵備副使照舊管事欽此

嘉市項氏
萬壽堂所

鄭端簡公奏議卷之五終

鄭端簡公奏議卷之三

四十二

萬壽堂

鄭端簡公奏議卷之六

門人項篤壽校梓

淮陽類

申明兵備職掌疏

題為再乞 天恩申明兵備官員職掌以固海防事
案查嘉靖三十三年三等月內倭寇攻圍通州其時江北地方因無專官整理兵備以致沿海竈丁附近居民俱被殺戮慘不可言該臣會同巡按直隸監察御史李逢時莫如士題乞要添設兵備副使一員專管淮揚海防兼理軍民商竈詞訟及屯田河道捕盜

鄭端簡公奏議卷之六

萬壽堂

等項事務荷蒙 聖恩俯念東南水陸要地特 勅該部議擬添設兵備副使一員該部仰承 德意選調湖廣按察司副使張景賢前到通泰整飭兵備八月十五日倭寇一船約有九十餘人侵犯海門縣呂四場地方本官領兵征剿擒斬盡絕已該臣具 題外九月十三日又有倭寇一船約三十餘人繼至復犯如臯縣豐利場地方亦被本官斬獲無遺寔皆皇上天威震疊吏部選任得人之所致也地方幸甚臣愚幸甚但查得吏部咨文內開稱一應軍務悉聽新設兵備官從宜酌處其餘軍民詞訟等項俱不必

一預與會 題原議稍有不同其時恭候 勅書
未敢 續奏九月二十八日本官抄捧 勅諭到臣
隨令通行各屬欽遵外臣竊惟 綸綍下臨官常增
重約束所至軍政自嚴所設兵備官許以從宜酌處
是假之事權俾得展布也而復不許干預軍民詞訟
則是遇賊之時責以衛民生而休兵之日不得親民
事矣臣愚復思部議重在用兵以為權貴專一事忌
多岐本官不理詞訟則可以專心軍務不為別衙門
掣肘况徐州既有兵備管理淮揚事務則新設兵備
似亦不必再行干預但軍民本同一體兵刑原非二

鄭端簡公奏議卷之六

二 萬卷堂

事須得問理詞訟則人情土俗罔不周知而官方政
體亦得覺察緩急用人之時俱無阻隔不通之患若
使獨專軍務不理詞訟則名為兵備而迹類參將假
令徐州兵備可以兼理則何用復設海防為哉且
朝廷建立按察司官專為伸冤理枉糾察庶僚所以
兵備官必用憲臣臣查各省每道既有分巡專管刑
名而兵備尤兼理詞訟彼此自不相妨况通泰海州
濱海一帶三十場盡皆竈戶鹽商倭至必從此登岸
內侵我兵亦必從此團結外禦今兵備乃不得管束
致使運司等官往往相抗一應戰守事宜調度不前

臣非不知擬議既定即當奉行但事干軍情重務地
方安危所係不敢緘默如蒙乞 勅該部通查臣等
先今題 請事理再行詳議許令海防兵備官兼理
軍民詞訟等項事務運使分司得以一體督率沿海
竈丁得以一例整棚庶幾體統相維號令齊一如本
官行事垂方臨敵退避聽臣與巡鹽御史參 奏處
治則彼此無觀望之嫌而地方受平定之福矣嘉靖
三十三年十月十一日進奉 聖旨該部知道欽此
該吏部議覆看得總督漕運兼巡撫鳳陽等處地方
兵部右侍郎兼都察院右僉都御史鄭 題稱乞要

鄭端簡公奏議卷之六

三 萬卷堂

將海防副使許其兼理軍民詞訟等項事務運使分
司得以一體督率沿海竈丁一例整棚一節為海防
副使本為海寇猖獗而設故本部原擬止令專管海
防不必干預軍民詞訟欲其專意戎務且免受制他
司蓋本重其責任而非以削其事權也今巡撫侍郎
鄭 因見地方稍寧海防可緩復欲令其管理軍民
詞訟等事若果如所議則鹽法江防屯田河道提學
巡倉等衙門俱得批委節制未免疲于奔命而海防
本務或反致疎虞亦未可知且徐州原設兵備一員
所轄淮揚徐三府州詞訟皆得專之今若又令海防

兼理軍民詞訟不無政出多門民聽於二非制法之便也况本部原題明開一應有關海防事務悉聽處置則沿海鹽丁正係部民首宜整棚運司官員即其轄屬遇有詞訟但涉海防即聽管理固未嘗不受一詞不理一事也所不干預者惟鹽法江防屯田河道提學巡倉等衙門不得批委致妨本務耳合無再行撫按官仍照原降 勅諭內事理并本部原擬責任督行副使張景賢逐一遵照其所屬淮揚二府府運等衙門上下體統并填註考語俱照徐州兵備事體施行所有前項 勅書該載已明似不必另行改撰

鄭端簡奏議卷之六

四 萬卷堂

以滋瀆擾等因嘉靖三十三年十二月初二日太子少保本部尚書兼翰林院學士李 等具題初四日奉 聖旨是欽此

剿平倭寇首級疏

題為仰仗 天威剿平江北倭寇斬獲首級事嘉靖三十三年十月初一日據整飭淮揚海防兵備副使張景賢呈本年九月十三日豐利場報北海漂來沒桅船一隻上有倭寇二十餘人捉住隔港撈網男子一人上船等情到道督剿問准梅叅將報前賊因官兵追捕荒張棄下原船逃走川沙窪搶石港場葛窰

戶海船一隻隨潮開洋往東南去訖十六日各倭將虜去窰戶陳棚殺死又據如臯縣西場巡檢司報倭船二隻約有五十餘人登岸虜去窰戶吳寬十七日拚茶場攢典倪堂報倭賊二十餘人打開窰戶官邵等家門扇搶虜衣服財物放火殺人戮傷窰戶王約等男婦拚茶場備倭千戶張祚率同保正繆滂趙谷領兵對敵三合被傷窰戶董智等數十餘人斬獲倭寇首級十顆餘寇漫散天晚不知去向隨將倭船一隻并所搶民人吳隆船一隻放火烧燬又據泰州稟報本月十九日豐利場副使楊虎督領驍勇桑析等

鄭端簡奏議卷之六

五 萬卷堂

與賊交戰斬獲首級八顆戮傷不知其數餘賊逃走得獲倭子二張箭五枝倭力四把被賊殺死驍勇許昂桑本地方王錦管春戮傷桑析等二十日備倭指揮王表領官軍追捕斬獲首級四顆三起斬獲共二十二顆餘賊被趕下海潮水淹死無存俱已盡滅及查八月內呂四場倭寇已該本道親統官軍斬獲首級共計七十四顆銃彈打死五人前後通共斬獲首級九十六顆銃彈打死五人其戮傷燒溺死者不在數內等因到臣隨據分守通泰叅將梅希孔并兩淮運司判官馬倫各報前來及據揚州府并高郵州捉

獲倭寇三人批發該府通判史朝賓審問外據此案查先為仰仗 天威剿滅江北倭寇事本年八月十五日倭寇突入呂四等場地方九月初十日剿滅已於本月十五日具 題外本月十八等日各屬飛報豐利場又到倭船內有倭寇登劫地方隨行各官進兵剋期剿捕去後今據前因為照倭寇類多姦細規知江北驍勇官兵已赴江南遂敢屢窺江北八月十五日至九月十三日不過踰月三次登劫節被副使張景賢等官兵追捕陸續剿絕仰仗 天威地方稍寧臣待罪海防不勝幸甚即今江南倭寇見有總督

鄭端簡公奏議卷之六

六

萬卷堂

軍務南京兵部尚書兼右都御史張 水陸會兵往來夾擊切恐窮寇乘風北走尤為可慮即欲再調徐沛穎毫兵勇前來防禦又緣地方災荒人情易動難安已經移咨總督軍門請發原調江北兵船回守信地分布戰守其有功失事人員通候委官查明至日另行具奏外嘉靖三十三年十月十一日進奉 聖旨兵部知道欽此該本部議覆為照前項倭寇節被各官剿滅委可嘉尚已經奉 旨陞賞似難再議但倭夷狡猾每每乘虛入犯在我隄備豈容顧彼失此所據前因相應議擬合候 命下移咨總督都御

史張 查照江南江北賊勢將原調兵船酌量議處仍行巡按直隸御史備查有功失事人員分別具奏以憑覆請 定奪等因嘉靖三十三年十二月初五日太子太保本部尚書聶 等具題本月初七日奉 聖旨是欽此

佃種昭陽湖櫃外餘田疏

題為陳愚見以濟民生以濟河渠事卷查嘉靖三十二年七月二十八日准工部咨該刑部左侍郎吳 題條陳闢餘田內開櫃水之外餘閒田地頗稱肥饒今運道河身既高水櫃之水窪下不能激之使上名

鄭端簡公奏議卷之六

七

萬卷堂

雖接濟未收實用如沛縣昭陽湖櫃外餘地約七百餘頃置之荒蕪委為可惜若召民佃種每歲納銀沿河諸湖可得銀萬數兩貯之河道或打造剝船或雇倩夫役或買辦椿草或修理閘座則官得贍用民得安生其積水之處若有侵占仍照新例問罪等因奉 聖旨該部看了來說欽此欽遵隨該本部議照前項水櫃係經漕河初制近年兵部右侍郎王以旂不過申明而振舉之今本官復題稱運河身高水櫃窪下不能激之使上是不但謂櫃外餘田置棄可惜似并水櫃以為無用但事關 國計難便擅議相應行勘

合候 命下本部備行漕運河道及巡撫各都御史
并管河管閘郎中主事等官仍咨都察院轉行巡按
巡河御史督同該司府守巡兵備管河官查照先今
事理將前項昭陽等湖水櫃逐一踏勘先年因何建
置及後因何廢棄自侍郎王以旂修復之後曾否有
何實用即今各間曠地畝若干應否召民佃種歲收
子粒若干有無於官民兩便務要斟酌利害從長計
議會奏 定奪等因題奉 欽依備咨前來已該前
任都御史吳 會同總理河道都御史曾 巡按直
隸監察御史李逢時黃國用劄行徐州兵備道勘議

鄭端儀奏議卷之六 八 萬卷堂

去後該臣接管據沛縣申前事又經批行該道併勘
續據兵備副使劉天授呈稱依奉行據沛縣回申查
得本縣昭陽湖原額地七百一十八頃三十七畝五
分除用過地二百一十八頃四十四畝八分九釐築
為水櫃尚餘地四百九十九頃九十二畝六分一釐
數外另有滕縣湖地七十二頃三十六畝係隸山東
地方緣由到道據此卷查前事會委豐縣知縣戴輔
會同沛縣署印主簿都永清親詣昭陽湖逐一沿丘
履畝踏勘明白審據告人夏旺張誠等各稱先祖於
洪武年間開墾承種及查原行始末卷案先年節被

黃水淹沒縣治倒塌文卷湮溺無憑查理彼因本湖
淹淤不堪蓄水後自嘉靖七年間蒙工部管閘主事
衙門查勘前項地畝高窪有收坐派租銀不等遞年
依期完納專備河道公用嘉靖十八年蒙工部管理
南河郎中衙門明文坐派湖地七百一十八頃三十
七畝五分每年每畝徵租銀一分共銀七百一十八
兩三錢七分五釐俱奉明文取解修理閘座河道用
盡嘉靖二十年七月內蒙本道前任屠副使案驗該
蒙督治漕河兵部王侍郎案驗該本部題為遵 明
旨查復官湖以濟漕河事備仰本縣即便省諭原種

鄭端儀奏議卷之六 九 萬卷堂

昭陽湖地人戶三百五十八戶若有祖父置產而子
孫不知者從實首官革退原徵租銀盡行除免見種
秋禾姑准自收其徵納租銀底簿備存待勘處果用
民田若干方許計畝抵換或量給官價敢有豪強佔
種有司仍前徵租定行拏問等因本縣遵依查明計
畝抵換外實用過地二百一十八頃四十四畝八分
九釐築為水櫃外餘地四百九十九頃九十二畝六
分一釐并北接滕縣官湖地七十二頃三十六畝俱
封禁不許耕種一向遵守今蒙查勘為照前項湖地
始築水櫃引洩水利接濟運渠誠為良圖後因節年

大發致將水櫃淹淤高厚據其地形較比外餘
曠地畝稍為平坦若欲興復挑濬但地里廣濶所
費工力太多擅難輕議除水櫃奉有欽依相應存
留外其櫃外四面間餘田地壅淤尤為高阜悉皆曠
廢遂至拋荒然以有用之地而置之無用又減數百
兩租銀以損修河之費合無仍歸先年失業之民領
種每畝計二百四十步加徵租銀三分每年等約共
銀一千七百餘兩貯之河道公用似與官民兩利一
方窮困之民有所仰給并稱勝縣湖地及南旺馬場
安山三湖該山東委官兗州府黃同知徑自勘報等

鄭端簡公奏議卷六 一 萬善堂

因已該陞任副使李天寵會同管理南河工部郎中
彭澄沽頭關主事曾鑑親詣昭陽湖踏勘得本湖先
年窪下納勝縣諸泉之水設濬之初導引接濟運道
四面隙地聽民播種至正德年間黃河從沛濁流灌
淤淤迷湖形高下俱堪耕種百姓以為恒業嘉靖七
年以來議令徵租嘉靖二十年間濬河涸竭議復官
湖擇取稍下一區築為水櫃以備蓄洩四外餘田封
禁不許耕種數年之後霖潦湮淤圍堤埧類櫃內北
外勢高尺餘泉流至此不能停積徑達金溝歸入運
河議得前湖開濬之始窪下者堪以積水間隙若聽

民耕作是以公私兩便繼因黃河湮淤照畝科租則
少濟公家厚裕民利至於築櫃之後湖身增高勢自
不能停水餘田封禁小民遂爾失業即今櫃形既存
以俟相時修濬蓄洩其四外間田本與水櫃不相妨
礙棄置荒蕪誠為可惜內勝縣地畝聽該省徑自議
處其沛縣餘地共計四百九十九頃九十二畝六分
一釐俱平衍膏腴應歸先年失業之民領種歲收子
粒豐歉難定每畝加徵租銀三分以備河道公用未
久可行官民兩利緣由回報去後今蒙前因為照昭
陽湖櫃外餘田實該沛縣地四百九十九頃九十二

鄭端簡公奏議卷六 十一 萬善堂

畝六分一釐既經前道會同各官勘議本與水櫃無
妨相應召民佃種公私並濟事體調停無容別議等
因到臣據此會同總理河道工部右侍郎兼都察院
右僉都御史曾 巡按直隸監察御史劉世魁莫如
士議照昭陽湖櫃外餘田既節經該道會勘議報前
來相應依擬如蒙乞 勅該部再加詳議合無備行
臣等轉行沛縣掌印管河官將昭陽湖櫃外前項餘
田四百九十九頃九十二畝有零召民耕種自嘉靖
三十四年為始每畝加徵租銀三分大約每年計收
租銀一千四百九十餘兩收貯官庫以備河道公用

其櫃內積水湮淤去處嚴督該管官司以俟相時修濬蓄洩濟運仍出榜禁諭小民不許將應禁積水去處一槩濶占盜決水利如違照例問遣其撥分佃種務令肥瘠相兼不許勢豪之家揀取肥饒偏累小民如此庶法令昭彰官民兩利嘉靖三十三年十月十一日進奉 聖旨該部知道欽此該工部併覆後題申明三湖禁例疏內

秋災再請蠲減稅糧疏

題為亟處丘荒極重地方以安人心以消內患事嘉靖三十三年九月二十九日准戶部咨前事該本部

鄧錫爵奏議卷之六

十一 高宗皇帝

題看得南直隸浙江等處皆 國家財賦重地比因倭寇竊發水旱荐臻老稚轉於溝壑田廬半為丘墟以致尚書張 侍郎鄭 都御史王 御史趙炳然陶承學有此論奏無非目擊時艱同為固本寧邦之意但民瘼固為可恤 國計尤所當慮近來各司府秦災類要破格蠲免而各邊軍餉則又出額加增兼以漕運糧斛改折太多空運不絕太倉儲蓄已不足以制三年之用誠恐馴至空乏官軍脫幘將何以待之矧臨德二倉貯積已空輒難輕議支運恭候 命下本部移咨南京兵部尚書張 總督漕運兵部右

侍郎鄭 巡撫浙江接管都御史李 并咨都察院轉行各該巡按御史備行守巡該道督同蘇松淮揚杭嘉等府揚州海寧等衛所滁徐等州及隔遠申報未到被災去處各掌印管糧官員通將各州縣衛所查係未被倭寇及雖經過不至重傷與水旱災傷三分以下無論起存照舊追徵不免外其被倭被災地方即查照先次題 准事理及勘災體例分別已未被兵州縣里分及水旱災傷輕重分數係民田者即於存留數內照例減除係屯田者亦准照例以十分為率除三分減免外其餘七分從輕折收價銀解送

鄧錫爵奏議卷之六

十三 高宗皇帝

應納倉庫收貯其續報災傷處所悉照此例不許官吏里書屯軍人等增減分數那移等則悉聽撫按查究治罪至於 內府白糧漕運米石係額不可缺乏之數合查照議單本府有災於附近有收府分及所屬無災州縣通融派補務期足數如各處俱災或撥補不盡即星夜具 奏以憑覆議定奪紹興府所屬州縣邊倉糧米既值海防缺用之時姑准本折無微以備本處支用其折米派剩等銀仍舊解部其漕運衙門扣留折糧銀一十萬兩原議南方米賤糴買上倉聽撥支運即今既稱地方災傷米價騰貴則前項

銀兩相應仍留在庫待後另議羅買至今冬來春青黃不接之時如小民得以過遣不必賑恤若果饑寒相迫日不聊生聽各該撫按衙門查有見在倉糧并無碍堪動銀兩通融賑給先將查勘過被倭被災地方蠲免過民屯錢糧撥補已未完漕糧數目限十月以裏具 奏等因題奉 欽依備咨前來案照先為疊遭異常水旱蝗災乞寬秋糧以救民生事該臣題開撫屬地方今歲秋災重大議將各府州縣兌運糧米比照上年事例折徵銀兩改兌糧米改撥支運存留屯糧照例減免緣由具 題去後續據邳海泗高

鄭端簡公奏議卷之六

十四 萬卷堂

壽等州并桃源清河山陽宿遷睢寧沐陽寶應興化儀真鳳陽虹縣潁上懷遠盱眙五河臨淮英山碭山等縣及徐州徐州左高郵儀真泗州壽州長淮鳳陽宿州淮安大河等衛與化鹽城海州中前等所各報秋災均乞免糧案候間今准前因除糶糧事宜備行淮陽等府將扣留糧銀一十萬兩照舊貯庫待後明文至日收買外其勘災一節緣臣撫屬正係各處俱災撥補不盡地方隨經通行徐潁二道及各府州掌印管糧官員從公勘議續據淮揚鳳廬四府并徐州各申稱勘得所屬地方自夏至秋先遭久雨復罹旱

鹽田禾失收小民絕望通州海門如臯又被倭寇殘害已該巡撫衙門具 奏議將兌運米折徵銀兩改兌米改撥支運近該戶部查得臨德二倉無糧可支復行前來通徵本色但各州縣委的災傷小民困極即今米價每石騰至銀一兩來春就加二三尤恐不敷緣起運錢糧乃 國用額數在所不免况臨德二倉今雖無糧候至秋徵或有餘積若通徵本色恐終不能完納所係非輕若不從長議處將來追徵不過促之流移死亡合無俯念民窮將各府州縣兌改糧米酌量本折徵兌稍撥支運得上年一半之數庶寬

鄭端簡公奏議卷之六

十五 萬卷堂

一分民受一分之賜今將議定糧數均乞具 奏及據徐州兵備副使劉天授潁州兵備僉事朱舜民各呈議相同等因各到臣據此竊照因田制賦本 國家惟正之供若使時值豐收自當照數徵納奈今歲秋災委的重大仰荷 聖恩已將存留屯糧照例減免又俟冬春青黃不接若果饑寒相迫查議賑濟軍民感戴無已但各屬兌運糧米固已酌量徵收本色其改兌糧米委難併徵臣欲遵照議單本府有災於附近有收府分及所屬無災州縣撥補况各府州縣俱有災傷難以改撥若不及時具 奏誠恐追併不

免逃竄今各屬申災紛紜不絕且臣出入往來或遇
放告之期鄉民父老遮道盈庭環泣訴告往年災傷
猶可支持今歲秋災小民困苦衣食無聊雖云二麥
已種眼前實難過遣望乞寬糧以救倒懸哀聲載道
觸目酸心臣無詞可對只得宣播 聖恩曲加撫慰
聽候 明旨夫小民疾苦臣既備知不敢不鳴於
君父之前也又查得上年秋收之時米一石不過價
銀五錢今價已倍於上年矣上年蒙 恩准撥支運
米八萬石今不敢望如前數但乞准撥四萬石均派
重災及被倭地方與折色銀兩相兼徵解伏望 皇

鄭端履奏議卷之六 一六 萬卷堂

上天地父母之仁乞 勅該部從長計議合無 俯
從所 請將各府州縣今歲秋糧兌改米石應徵本
折及支運糧數行令 臣等查照會派徵兌施行如此
不惟錢糧易於完納抑且民困得以稍蘇今將各府
州申議應徵本色折色支運糧數開坐具本嘉靖三
十三年十月十一日進奉 聖旨戶部知道欽此

計開擬議徐賴二兵備道并各府州申乞
兌改本折及支運糧數

一淮安府申稱原額正兌米二萬五千石俱徵本
色內奉例截留軍餉米一萬七千八百石外起

運米七千二百石改兌米七萬九千一百五十
石合無於內量撥支運米一萬二千石每石徵
脚價銀二錢五分其六萬七千一百五十石准
徵折色每石連席耗銀六錢伏乞 聖裁

一揚州府申稱原額正兌米六萬石內奉例截留
軍餉本色米二萬石外四萬石合無於內量撥
支運米七千二百四十三石六斗二升每石徵
脚價銀二錢五分其三萬二千七百五十六石
三斗八升仍徵本色改兌米三萬七千石亦乞
於內量撥支運米二千七百五十六石三斗八

鄭端履奏議卷之六 一七 萬卷堂

升亦每石徵脚價銀二錢五分連前兌改共支
運米一萬石坐派被倭殘害及災重地方其三
萬四千二百四十三石六斗二升准徵折色每
石連席耗銀六錢伏乞 聖裁

一鳳陽府申稱原額正兌米三萬石俱徵本色改
兌米三萬三百石合無於內量撥支運米一萬
石每石徵脚價銀二錢五分其二萬三百石准
徵折色每石連席耗銀六錢伏乞 聖裁

一廬州府申稱原無改兌正有正兌米一萬石合
無於內量徵本色米五千石折色米五千石每

石連席耗銀七錢伏乞 聖裁

一徐州申稱原額正兌米三萬石俱徵本色改兌米一萬八千石合無於內量撥支運米八千石每石徵脚價銀二錢五分共一萬石准徵折色每石連席耗銀六錢伏乞 聖裁

該戶部議覆恭候 命下本部移咨巡撫都御史鄭將揚州府所屬通州海門如臯三州縣倭寇擾害地方人戶再行覈勘明實合無查照近題蘇松事例量准將漕糧改折三分之一正兌每石折銀七錢改兌六錢其餘州縣并廬鳳淮徐四府州漕糧仍照先

鄭端簡奏議卷之六

十八 萬卷堂

奉 欽依事理均派所屬災輕及無災州縣里分人戶趁時交兌施行庶民困少舒而 國用亦賴以不匱矣緣係亟處兵荒極重地方以安人心以消內患及奉

聖旨戶部知道等因具題

挑濬河道疏

題為挑濬河道以濟新運事照得淮安地方自夏徂秋黃河水發渾流灌入裏河水去沙存致將新莊閘迤南一帶河道率多淤淺恐妨新運劄行管理南河工部郎中包應麟踏勘去後續據本官督據淮安府

管河通判党淳勘得西門外起至新莊閘河口止量長六千八百八十七丈照依上年規則俱以下深八尺其龐家灣尤深九尺折筭共該三百六十八工共夫五萬一千五百二十名四次翻工每次該夫一萬二千八百八十名并官老廩糧工食共銀一萬三千一十七兩四次通共銀五萬二千六十八石其人夫衆多議照嘉靖十六年挑河事例起派本府牙行并四府三州人夫赴淮攢挑等因到臣看得議呈相應准擬但今錢糧缺乏夫力艱難姑先將近口淤淺太甚者趁今挑濬夫用淮人如上年例餘再量減議報

鄭端簡奏議卷之六

十九 萬卷堂

批行該府續據回申為照運期限迫工程甚大在庫堪動官銀止有三萬五百八十餘兩而三里溝閘又見在興工錢糧無從措置各府州寫遠又值災傷疫病人夫未必能濟必須相時處分庶幾事機不失查得今春亦因運事急迫自馬家嘴起至新莊閘四次節挑深濶丈尺權宜略減亦已濟運似應悉照此規再加深濬重運無阻而錢糧人夫減半矣又行通融磨筭各深長不等俱挑口開濶十丈底濶七丈折作二百五十二工每工人夫一百名共夫二萬五千二百名仍作四次翻工以舒民力先自新莊閘起至福

與計止一次計該六十三工共夫六千三百名計二
 十五日完工每名日給銀四分共銀六十三百兩每
 工老人一名共老人六十三名行山陽縣選差放實
 得過之人其積年棍徒幹充盡行革除每名日給銀
 三分共銀四十七兩二錢五分每三五用管工官一
 員行淮大二衛於千百戶選取每十二工用督工官
 一員於本府所屬有司內取用并築壩車水雜差官
 二員共二十八員每員日給廩食銀六分其前項夫
 銀必須選委廉幹有司官一員預先赴府領銀鑿鑿
 包封每五日一次沿工唱散但逃一日即扣在官事

鄭端質奏議卷之六

萬卷堂

完造冊繳報本員每日廩食銀六分共銀一兩五錢
 通共銀四十三兩五錢總理官二員照依先議定委
 文職通判党淳武職把總潘準每員日用廩給銀一
 錢共銀五兩計一次通共銀一千三百九十五兩七
 錢五分第以福照閣下至清江浦月河口止為二次
 明年正月初旬再行二次翻挑四次總共銀二萬五
 千五百八十三兩合於本府庫貯修濬黃河等銀三
 萬五百八十二兩四錢內照數動支再照人夫合行
 山陽縣掌印官速將牙行清審編單至於衛縣里伍
 人夫亦應量起山陽縣撥夫一千六百名大河衛八

百名淮安衛六百名共夫三千名俱縣衛掌印官選
 取壯丁不許將老幼擔塞餘用前項行夫補足等因
 到臣據此會同提督漕運鎮守淮安地方總兵官鎮
 遠侯顧 議照新莊開一帶河道乃漕運要路近年
 節被黃河泛漲年復一年隨淤隨濬隨濬隨勞民
 費財更無休息查得去冬今春挑濬馬家嘴等四處
 工程計用銀一萬二千五百六十餘兩况今歲黃水
 較昔特甚灌入裏河直至黃鋪一百餘里水勢稍緩
 沙泥停積舊工徒費新役復興即今回空糧船不能
 陸地行舟率皆車壩年久舊船破損益多所據應挑
 工程既經管河郎中勘報該府覆勘前來相應依擬
 欲候奏 請至日興工但事在緊急新運期迫勢不
 容緩除行該府作速起倩人夫擇日興工及行管河
 郎中包應麟往來督理勒限完報以濟新運候事完
 之日將挑過河工用過錢糧各數目造冊 奏繳嘉
 靖三十三年十一月十六日進奉 聖旨工部知道
 欽此

鄭端質奏議卷之六

萬卷堂

剿滅江北倭寇查勘功罪并乞預為防禦疏
 題為剿滅江北倭寇查勘功罪并乞預為防禦事據
 直隸揚州府申准通判史朝賓牒為剿滅倭寇事該

臣劄付備仰即查倭寇的於何月日時入境始自何處地方登岸流劫彼時原設守備倭官軍及該管有司巡捕巡江巡司官兵人等因何不行併力堵截致令猖獗為害備查各官兵職役員名分別情罪輕重要見某日經過某處某日攻圍某處殺死軍民竈戶若干燒燬官民房屋若干陣亡陣傷官軍若干併陸續各官報到斬獲首級逐起審驗分別劇從真偽有無妄殺冒功并各官兵竈互稱搶奪首級等情從實查報等因又奉臣劄付仰將查過呂四等場自八月十五日起至九月初十日止豐利等場自九月十

鄭端簡公奏議卷之六

三三

萬卷堂

三日至本月二十日止陸續斬獲各起倭寇首級及地方功罪人員一併查明呈來以憑具奏施行備行到職遵依親詣各該地方查勘得嘉靖三十三年八月十五日巳時有倭船一隻約有八十餘賊自江南來至呂四場地方二漾口燒船登岸從竹家莊流住本場西北中團張方泚地方竈戶周顯家占住十六日有海門縣署印高郵州判官趙卿即委巡捕典史余廷舜張港巡檢王世臣吳陵巡檢趙仲爵會同呂四場把截百戶伯末福該場大使朱汲副使李政義官盧漢大河口備倭千戶常潮各領民兵竈勇人

等與賊對敵被傷親兵王伸等三名竈勇顧松等三名止獲倭弓一張箭三十七枝十七日各賊放火燒燬竈戶朱伯等三家草房一十四間殺死竈戶高橋等六名本夜各賊到於餘東場便倉西殺死竈民張瓘等二名北有分守通泰參將梅希孔患病不能出軍各場司官吏備文稟報海防道兵備張副使即日親詣泰州行令本州知州趙祖朝如臯縣知縣陳雍揀選驍勇史湖葛蘭等二百餘名前赴通州會合剿捕十八日卯時各賊在於正場搶商鹽贛船二隻從運鹽河使向西行伯末福統領官兵追至曹嚴窪地

鄭端簡公奏議卷之六

三三

萬卷堂

方對敵得獲倭箭一十二枝火筒一箇十九日各寇流至餘東便場地方梅參將調掘港場把截宿州衛鎮撫呂圻通州所千戶顧萬元會同百戶伯末福并通州巡捕判官施耀協力堵截有施判官家兵施傑耆民江錕等與賊交鋒斬獲首級一顆各賊退入竈戶袁祿家至夜逃往海門舊縣經過殺死僧人卞元登并居民孫鳳等五名二十一日到於地名新港居民李軻家屯住殺死本家李富二十六日判官趙卿帶家丁趙士太督同典史余廷舜張港巡檢王世臣兵勇王秀成忻等用草圍焚李軻家草房一十間各

賊意擁出被衆兵截死三人俱被賊槍擡燒化箭
傷倭寇一十餘人本日各賊奔往地名李家莊比有
鎮撫呂圻宿州義勇官李金等督兵在彼對敵被李
金下民兵李倫同親兵王受斬獲首級一顆戮傷倭
賊二十餘人陣亡民兵徐漢等三名二十七日夜各
寇復到新港官兵截殺被餘西場竈勇曹大化斬獲
首級二顆海門縣陣亡民兵王山各賊當住迤東唐
竈岡居民楊梯家殺死本家男婦四名口燒燬房屋
一十七間二十八日典史余廷舜督兵陸梧等用鉛
銃打死倭寇五人各寇槍擡燒化民兵成忻曹思王

鄭端簡奏議卷之六

二十四 高卷堂

秀陸梧等斬獲首級一顆得獲腰刀一把裹頭紅絹
一段陣亡民兵劉珊二十九日賊自新竈港移住居
民郝員家屯住各路官兵會合追剿宿州民兵王舉
等各用火砲打死倭寇二人各賊槍擡燒化比有西
哨義勇官吳玄隊長張洗退縮不行拒敵以致各賊
乘機衝殺民兵王豹等一十二名戮傷民兵趙仲良
等八名搶去佛郎機三管比時判官趙卿下家丁趙
士大兵勇王秀等與賊對敵共斬首級一顆得獲倭
弓一張裹頭紅絹一段餘中場大使戰勇督同義官
周民竈勇徐貴翟名唐奉嚴罪周木陸禮王昺等共

斬首級三顆得獲倭弓一張箭一十枝刀與鎗篙
各二把被倭燒燬民查浩草房三間殺死本家婦人
一口三十日海門縣驍勇郝員等與倭對敵斬獲首
級一顆各賊燒燬郝員草房三間流往餘東場竈民
江鐸家屯住九月初五日呂四場義官盧漢竈勇潘
徽秦泮彭清等與倭對敵斬獲首級一顆戮死倭寇
一名被賊槍擡燒化本日兵備張副使因見倭賊未
滅梅叅將稱病未出兵政無統乃領兵親至海門縣
調到儀真衛指揮劉瀛泰州所鎮撫王翺百戶劉芳
義官呂調陽通州吏目孫好仁各隨軍聽用當蒙查

鄭端簡奏議卷之六

二十五 高卷堂

得吳玄張洗先戰失事各以軍法拊打枷號示衆及
動支庫銀隨軍犒賞軍民竈勇莫不悅服咸有奮志
梅叅將前疾稍可亦到該縣計議征剿通州知州翟
澄書夜運送糧餉供軍不缺各賊屯住江鐸家本道
統兵直將賊巢圍困初六日呂四場竈勇朱蒼與賊
對敵被賊用銃打死初九日本道令官軍積草將江
鐸家房屋圍繞督令指揮劉瀛鎮撫呂圻王翺百戶
伯求福劉芳義勇教師王成李世德等及各場竈勇
通州海門如臯民兵人等用挨牌火器當先四面伏
兵放火將江鐸瓦房一十三間盡行燒燬賊因勢急

衆擁齊出隨該本道督令精銳教師義勇王成李世德向儒陸梧邵鑾葛蘭等八十餘兵奮勇當先砍殺隨該參將梅希孔部下親兵謝才王完等斬獲首級二顆典史余廷舜督領民兵屈真馬照崔名蔡儒等斬獲首級一顆得獲倭刀一把紅絹一段又同民兵吳梯成忻陸惺斬獲首級一顆判官趙卿下家丁趙士太同民兵王秀等斬獲首級一顆得獲倭刀一把巡檢王世臣同兵竈崔泮等斬獲首級一顆得獲倭刀二把巡檢趙仲爵回家丁趙鳳鳴弓兵王宣等斬獲首級一顆判官施燿督領民兵季本等斬獲首級

鄭端簡公奏議卷六

二十六

萬卷堂

一顆得獲標槍二根倭刀一把倭弓一張倭箭一十五枝黑馬一疋銀二兩三錢一分民兵曹繼祿與梅參將部下民兵鄧堂合斬獲首級一顆呂四場大使朱汲等率兵夏京潘檄盧昂秦泮等斬獲首級三顆餘中場竈勇張相王安等斬獲首級一顆得獲倭弓一張箭三十三枝餘東場竈勇張瑞王价等斬獲首級二顆如阜縣驍勇葛蘭吳惠曹鑛等斬獲首級一顆各賊將民竈袁熙徐愛張儒等九家瓦草房五十一間盡行燒燬參將梅希孔部下陣亡親兵韓祿等一十四名通州民兵陣亡季淵等一十四名比因天

晚各賊衝出行至場東總催袁祿家屯宿初十日辰時逃往竈戶江鋒家潛住各官追趕到彼將本家瓦房九間周草圍燒燬各賊擁出衆兵截殺判官施燿部下民兵江鐸江莊等斬獲首級七顆得獲竹柄鐵刀一把倭刀二把典史余廷舜家丁余成民兵崔炳王秀張通陸室等共斬獲首級四顆判官趙卿家丁趙士太同民兵蔣良陸室陸梧周朋吳祿姚保崔輝等共斬獲首級七顆巡檢王世臣同農民姜一元弓兵王楠李良莊明莊桐張順周朋等共斬獲首級六顆餘中場大使戰勇督同竈勇嚴旺周保王祖曹

鄭端簡公奏議卷六

二十七

萬卷堂

栗等共斬獲首級四顆得獲倭刀二把點鎗一根鎗四根餘東場大使張濟時副使李鳳督竈勇徐箠等二百餘名斬獲首級二十二顆得獲倭刀九把倭衣一件倭箭三十枝倭弓一張倭帽一頂標槍二根小倭甲一件丫篙一把鉛錫銃一箇紅段繫腰一條被傷竈勇徐箠等五十三名前賊盡行剿滅至本月十三日酉時又有倭船一隻自江南來至豐利場地名沙魚港西岸住泊止有二十餘賊登岸餘賊不知人數藏遁在船虜去竈戶陳栩等二名十四日豐利場副使楊虎督領竈勇人等前去追剿各賊回船開

洋停泊十五日馬塘場大使姚大鵬督兵防禦各賊
棄船上岸流往地名川沙窪搶得石港場竈戶弁
不知姓名人家共船二隻開洋本日酉時到於拼茶
場伍竈地方倭寇二十餘人上岸劫竈戶官邵家衣
糧物件搶去竈戶吳龍徐鑑家船二隻有備倭千戶
張祚督兵至康莊地方因天晚未曾交戰十六日各
賊棄船登岸將虜去陳相并呂四場寄任人楊尊殺
死有拚茶場攢典倪堂督率竈勇與賊對敵陣亡竈
戶朱漢等三名有該場竈勇徐果王鑑楊臣等四十
餘人併力向前斬獲首級一十顆得獲刀八把弓一

鄭端簡奏議卷之六

三八

萬善堂

張賊船當被我兵放火燒燬賊因勢敗無船可投奔
往角斜場搶竈戶包鑿袁福船二隻開洋復往拼茶
場伍竈地方十八日酉時賊寇駕船至豐利場灣港
住泊該場副使楊虎督領竈勇人等到彼至十九日
午時與賊交戰楊虎同男楊子進驍勇許昂吳弘陳
章桑析吳欽耿相丁鍾保正錢才等併力斬獲首級
八顆得獲弓二張刀四把箭五枝陣亡驍勇許翁桑
本王錦管春餘賊亦被各竈截傷奔走上船二十日
備倭指揮王表統領千百戶潘忠盛勳并軍兵人等
至豐利場地名唐家宜墩埃沙潢港口與賊交鋒當

被軍餘蕭艾熊經揚平等五十二名共斬獲首級四
顆得獲倭刀五把餘賊敗走二十一日有倭賊一十
餘人到於掘港場地名句鹽港口北岸該場大使靳
瀛副使任九疇帶領驍勇人等與賊交鋒當被驍勇
李信等斬獲首級一顆得獲大小刀二把二十二日
餘倭五人仍到豐利場沙魚港東岸有該場副使楊
虎率領驍勇陳悌等於二十三日辰時斬獲首級一
顆得獲弓一張箭四枝餘寇奔走海洋去訖二十九
日辰時楊虎仍率驍勇陳相等在於甜水港東瞭見
一倭用箭射死斬獲首級一顆十月初三日又有倭

鄭端簡奏議卷之六

三九

萬善堂

船一隻從江南來至餘西場北海地方住泊倭賊二
十餘人登岸將該場哨船水手陳霜等衣服米糧蓬
桅虜搬上船有近海義官陳科總催陳租等前至沙
塗地方與賊對敵斬獲首級四顆得獲花布旗一面
草帽二頂竹箭四枝馬杖二把鎗篙二枝各賊勢敗
奔船開洋去訖本職通查過呂四等場自八月十五
日起至九月初十日止除參將梅希孔部下親兵王
完等斬獲首級二顆未送紀驗外止據各該兵勇臨
陣斬獲見在首級七十五顆內該本職督同江都縣
主簿楊長春驗過真倭二十二顆從倭四十三顆豐

利等場自九月十三日起至本月二十日止各該兵勇臨陣斬獲首級二十二顆驗過真倭一十一顆從賊一十一顆又自九月二十一日起至十月初三日止各該兵勇斬獲首級七顆內驗過真倭四顆從賊三顆前後通共首級一百四顆內真倭共四十七顆從倭五十七顆細加查訪委係真正功次並無妄殺冒功等情此皆本院委任責成調度得宜海防兵備張副使親臨行陣振作士氣是以賊寇望風而勢自潰軍竈同力而功自成又查得先該本府知府吳桂芳奉本院牌仰動支官銀一千五百兩行委運司判

鄭端簡公奏議卷之六

二十 萬卷堂

官馬倫召募公場竈勇在場防禦仍預發銀兩在通州如臯等處供給民兵以致寇至兵不遠調而精銳自足費不及民而供應以時則今以成功亦賴區畫素豫有以爲之所矣緣此次剿倭甚速且盡是以各該地方官員獲功頗多失事亦鮮及據前項首級係各場竈勇與通州海門民兵斬獲爲多各該官兵有不得者積慙懷忿遂稱捨奪實難憑信止查通州民兵曹繼祿與梅叅將部下民兵鄧堂合斬首級一顆彼時曹繼祿自行報功被鄧堂具告兵備張副使處批行通州處分明其本府并高郵州各起捉獲倭

寇三名審明另報外將查勘緣由備牒到府申報到臣據此案照先於本年九月十二日爲地方倭寇登劫事本月十五日爲仰仗 天威剿滅江北倭寇事十月十一日爲仰仗 天威剿平江北倭寇斬獲首級事俱該臣具 題訖及劄行通判史朝賓紀驗功次前往被賊地方查勘有功有罪緣由去後今據前因俱從實開報不敢纖毫隱匿其給賞有功員役優恤陣亡壯勇量賑燒燬房屋醫治被傷軍民悉遵照節奉 欽依劄行揚州府知府吳桂芳次第舉行外照得倭寇類多姦細調知江北兵船調往江南遂敢

鄭端簡公奏議卷之六

二十一 萬卷堂

乘虛累犯江北即今仰仗 天威先後剿絕驅逐地方稍寧臣住劄淮安專委海防兵備副使張景賢會同叅將梅希孔督兵剿捕所據勘到功罪俱已明白相應擬議具報爲照副使張景賢志慮忠純才猷宜明三令五申而賞罰甚明一月三捷而俘馘殆盡足徵經文緯武之器具見安內攘外之功所宜加賞陞俸久任責成者也揚州府知府吳桂芳建議調募土兵先期給發兵餉綜理周密而神思安閒水蘗自將而出納無吝所宜給賞者也通州知州翟澄泰州知州趙祖朝如臯縣知縣陳雍海門縣署印高郵州判

官趙卿皆能訓練士卒而遇警足以即戎餽運芻糧而臨時不至缺乏儀真衛指揮劉瀛宿州衛鎮撫呂圻百戶伯末福泰州所鎮撫王翺百戶劉芳通州判官施耀海門縣典史余廷舜張港巡檢王世臣吳陵巡檢趙仲爵呂四場大使朱汲餘中場大使戰勇餘東場大使張濟時副使李鳳皆能部領兵竈而聽授方略躡蹤追襲而協力剿捕揚州衛指揮王表千戶潘忠百戶盛勳豐利場副使楊虎掘港場大使靳瀛副使任九疇雖所斬獲不係大夥之寇然於村墟均有捍衛之勞以上各官所宜量賞者也及照各該地

鄭端簡奏議卷之六

三十二

高卷堂

方官員獲功頗多失事亦鮮况江北自千戶姜且兵船三十隻驍勇水手曹鼎等五百名調赴江南之後水兵既乏哨探陸兵遂難禦防似應免究以責後效再照江北江南相去不遠通州與常熟縣相對三十里海門縣與崇明縣相對十八里即今常熟節經寇難崇明已被殘破而倭寇見今糾聚吳淞江口及八團四圍者不下數千皆陸地置造房屋千數間水中聯絡舟船千數隻是皆數年積集之寇難責一時平定之功若八團賊乘風至江北呂四場不過一日四圍賊不過半日而江北兵船久住江南地方空虛殊

為可慮况使船難於使馬而舟師之練習甚艱主兵便於客兵而烏合之徒最易散今賊徒水陸盤結有備而我兵南北調遣乏人切恐姦謀叵測今冬未得解散明春益復猖獗豈惟通泰海門如臯四州縣危急萬一賊渡海而北則呂四等場皆有小徑可以越通泰而直趨揚州邗江而西則狼山等處皆是長江可以犯瓜儀而窺同 留旬如此則漕運阻絕江淮震動矣臣待罪海防兼理漕務日夕憂惶計無所出若專顧江南不顧江北即使江南安靖而江北驛騷憂方深也即今賊少船寡尚可支持倘船多賊眾何

鄭端簡奏議卷之六

三十三

高卷堂

以待之如蒙乞 勅兵部再加詳議上 請行令總督軍務尚書兼右都御史張 將姜且水軍即便發回江北休息一二月以待明春賊至遠於哨探防禦仍於明春正二月間再發健將精兵二千員名前來江北瓜儀駐劄以防備漕運拱護 南京庶保無虞地方幸甚臣不勝幸甚除移咨總督軍務衙門外嘉靖三十三年十一月十六日進奉 聖旨兵部知道欽此該兵部議擬為照倭寇狡獪難測乘風隨處剽掠委宜有備庶保無虞但江南原調江北兵船已經議行總督張 查照賊勢酌量議處漕運河道又經

募撥兵船行令署都督周于德管領防護副使張景賢奉 旨加陞俱難再議所據前項各該官員剿滅倭寇之功既該都御史鄭 具題前來相應議擬合候 命下移咨巡撫衙門將吳桂芳翟澄趙祖朝陳雍趙卿劉瀛呂圻伯永福王翺劉芳施燿余廷舜王世臣趙仲爵朱汲戰勇張濟時李鳳王表潘忠盛勳楊虎靳瀛任九疇動支無碍官銀分別獎賞仍咨總督都御史張 查照節奉 欽依內事理議處停當務使江南江北俱有備禦勿得顧彼失此致有疎虞等因嘉靖三十四年正月二十七日太子太保本部尚書聶 等具題本月二十九日奉 聖旨是欽此

鄭端簡公奏議卷之六

三十四

萬卷堂

嘉市項氏
萬卷堂

卷之二

鄭端簡公奏議 卷七

鄭端簡公奏議卷之七

淮陽類

謝 賜銀幣疏

門人項篤壽校梓

奏為恭謝 天恩事嘉靖三十三年十月十五日接得九月二十六日邸報內開兵部一本為剿逐倭寇查勘功罪事該臣題該本部議擬覆題節該奉 欽依賞臣銀幣臣不勝感戴除恭候 欽賜銀幣齎捧至日望 闕叩頭外臣竊伏念簡書 上報方懷震疊之威 綸綍下臨俄密 露渥之澤 禹貢之

鄭端簡公奏議卷之七

一 萬卷堂

金三品既受錫於師中 虞廷之服五章復承筐於閭外矧茲 匪頒之賚爰及同事之臣仰荷 寵光俯增愧懼伏惟 皇上 欽明睿哲 齊聖廣淵秉禮樂征伐之權 成中和位育之治雖賞不僭而刑不濫寧功惟重而罪惟輕至如臣者跡若繫於淮陽心每懸於 禁闥偶緣鼠竊苟活鯨波旋至鴟張敢窺雉堞幸驅逐於江渚竟殲獲於海隅定藉 天威匪由人力顧惟封疆之未靖益知牧圉之彌艱徒爾 登嘉何以報稱庶幾蚤為將來之計或可少追既往之愆臣敢不磨鈍自將矢初心於百練鵝梁是

六三五

戒甘退食於五純懋揚 干羽之風期致梯航之化
伏願 堯仁天則垂拱衣裳 周道日昌坐分寶玉
鹽田穀土共輸九府之財楚縞吳織畢獻三縑之幣
信乎 一人之有慶 內順治而外威嚴允矣四方
之無虞 後武功而先文德臣無任惶悚感激欣戴
之至嘉靖三十三年十一月十六日進奉 聖旨覽
奏謝知道了禮部知道欽此

建三里溝開疏

題為運河淤塞乞 賜亟處以通糧運事查嘉靖
三十年八月內准工部咨該前任漕運都御史應

鄭錫簡奏議卷之七

二

萬卷堂

題前事內開清河口為因黃河泛濫淤阻重運不得
通行議於三里溝開河以便糧運擬於適中之地建
置閘座以時啓閉等因本部議擬題奉 欽依備咨
前來已經劄行淮安府動支原議官銀採辦石塊木
料造閘去後節因水勢占漫未得舉行該臣接管先
於三月初八日親詣看前項三里溝開河建閘定
與新莊閘一帶河道利害相因切緣新莊閘口正當
徐沛黃河下流連年河水泛漲灌入裏河河水稍平
淤沙頓積以致年復一年隨淤隨濬隨濬隨勞民
費財不得休息右三里溝開河建閘上接泗水清流

下避黃河渾水新莊閘便可隨宜啓閉縱有 漲之
時必無淤沙之患可節民力可省官銀為利 大此
寔前任都御史應 留心漕務相度地勢水勢 特建
此議委於運道有補既經該部覆議仰荷 聖明俯
賜施行地方幸甚但合川石塊產於徐州尚多未完
臣一面委該州判官高瀛等催督各匠晝夜採取運
至河邊一面委淮安府知事吳寬齋領官銀前去該
州公同掌印官雇覓民船裝運工所交卸去後隨行
管理南河工部郎中包應麟復勘相同臣於九月十
一日督同通判党淳等又詣三里溝再三詳議牌行

鄭錫簡奏議卷之七

三

萬卷堂

淮安府稱得南河包郎中原同党通判等定擬建立
頭閘二閘俱各相應無容別議但昔人嘗謂溝必因
水勢防必因地勢所據建閘築隄亦應並議即今二
閘至頭閘泗濱一帶地勢卑窪恐河淮汶泗諸水或
時漲泛向東奔潰既建閘以引清流必須築隄以遏
渾水即今未開河身三十七工之上足勾築隄隄成
閘建委於運道有益不必年年挑河勞費財力然兩
閘臺基宜高峻以壯地勢應宜廣濶以逆水勢斯
為可久之計其東南七里等湖尤恐水滂漶漫流入
三里溝新河亦為可慮似應東邊亦築一隄然一時

并工不惟人力不前抑且取土有限或候開完通運相度緩急次第舉行亦未為晚等因并行通判党淳督理及咨總理河道衙門并行撫屬各府州選取作頭石匠陸續前來臣會同提督漕運鎮守淮安地方總兵官鎮遠侯顧 議照前項開座合用物料接續運到相應舉行擇於十月二十八日祭告興工及行管河郎中包應麟總理勒限完報除候事完之日將造過開座用過錢糧數目造冊 奏繳嘉靖三十三年十一月十六日進奉 聖旨工部知道欽此

預徵馬疋折銀疏

鄭端簡公奏議卷七

四 萬卷堂

題為乞憐地方旱災懇乞轉達分豁稅糧馬疋以蘇民困事據直隸廬州府申據所屬六安州并合肥英山巢縣各申據里老劉興等連名呈稱地方亢旱五穀不收錢糧馬草無從措辦小民憂惶日不聊生及據無為舒城廬江霍山四州縣各申稱地方春間兩澤稍通未敢申災不意秋旱收成失望等因各申到府除委官踏勘各屬災傷分數另案具申轉達奏請蠲免稅糧請給賑濟外查得本府八屬除英山一縣原無免糧田地不養種馬外無為合肥等七州縣原額種兒騾馬四千三百七十四疋每年奉兵部勘

合行令太僕寺分派本府起儀備用大馬八百七十六疋本色七百一十九疋買馬解儀折色一百五十七疋收銀類解本府遵照於前種馬內輪僉椿頭派行所屬徵買儀納歷年遵行竊照府屬地方原不產高大馬疋每遇解儀俱椿頭人等攢價二三十兩分頭求買中途之倒死驗收之艱難小民累至傾產蕩家顛殞道路地方受累莫其於此况值非常災旱日食尚恐不敷馬疋何由措買各屬所申誠不得已卷查嘉靖二十三年間本府災荒該巡撫衙門具 題兵部議擬題奉 欽依備行本府將派到嘉靖二十

鄭端簡公奏議卷七

五 萬卷堂

四年折色馬疋每疋徵銀一十八兩本色馬疋令暫改折色一年又查得本府庫貯歷年各屬解到牧馬草場租銀共一萬六百八十一兩有零聽候買馬支解今照預徵嘉靖三十五年分坐派備用大馬在邇若復照常派徵本色委的民窮財盡難以買解無上誤軍需下激民變如蒙憫念地方今歲旱災重大而六安合肥巢三州縣顆粒無收尤為十分困苦合無早為題 請不為常例將六安合肥巢三州縣該年本折色馬疋姑免派徵就將前項草場租銀查照各州縣額徵折色馬價數目動支抵作三州縣備

用馬價解京交納其無為舒城廬江霍山四州縣准照嘉靖二十四年則例暫改折色一二年等因具申到臣隨批近日邊報甚急馬價折色及用地租銀抵馬價似於時勢難便依擬仰府呈南京太僕寺施行續據該府回申備呈南京太僕寺照詳蒙批據呈具見權宜恤民之意但各州縣草場租銀嘉靖三十年部題 准盡數解部此係近例擅難改議動支抵作馬價况原出於本寺具 奏其暫改折色節年俱係巡撫衙門具 題徑自申呈奏 請施行蒙此為照馬政係干邊務豈宜輕易改折但本府所屬旱災重

鄭端履奏議卷之七

六 萬卷堂

大誠所謂野無青草室如懸磬者固本寧邦似應破越常格以聯繫人心合無查照二十四年則例題請准將所屬州縣本色馬疋暫改折色一二年徵價解京後不為例庶災民賴以全生地方可保無虞等因復申前來又據淮安府申據山陽縣申據里老王平等告稱嘉靖三十年以來淮河變遷洪水淹沒城郭鄉村俱被流徙民困已極今年河復故道水不漫淹方各揭債佈種不意夏麥遭雨不收秋禾復被亢旱盡皆枯稿即今斗米值銀一錢夏秋稅糧未蒙蠲免挑河築壩歲無休息三十四年預徵馬價需男變

產措置方完切恐三十五年該辦本色解京但非產馬之地往年起解止是徵銀別處求買其勞費解儀苦不可言况本縣久被災荒百姓豈能堪此重累告乞轉達仍徵折色庶得公私兩全又據海邳清河宿遷桃源睢寧安東沐陽贛榆鹽城等州縣各亦申稱預徵馬疋俱因災荒無從徵解等因各申到府卷查所屬海邳二州山陽等九縣每年預該解京備用本色馬六百八疋折色馬五百八十九疋嘉靖二十三年間地方災傷該巡撫衙門具 題兵部覆議 欽准將嘉靖二十四年分本府備用本色馬每疋徵銀

鄭端履奏議卷之七

七 萬卷堂

二十兩嘉靖二十九年間本府陞任知府趙大綱奏將嘉靖三十年三十一年三十二年分清河桃源宿遷贛榆四縣馬疋照前徵價俱解訖嘉靖三十年間該巡按江西監察御史孫慎題將三十二年分本府各州縣馬每疋徵銀二十四兩嘉靖三十二年間該巡按直隸監察御史郭民敬題將海邳二州清河桃源宿遷贛榆睢寧等五縣及本府陞任知府張敦仁奏將山陽沐陽鹽城等三縣預徵三十二年各馬疋俱改折價嘉靖三十三年又該御史郭民敬題將嘉靖三十四年分馬疋亦俱折銀除遵行外為照本府

地當南北衝要漕運咽喉連年既遭水淹又復亢旱
夏秋田禾俱已不收况復倭奴警報未寧河道工興
在即不獨山陽一縣為然至於安東清河桃源宿遷
邳州俱係臨河地方水旱相仍素稱凋敝海州贛榆
密近海濱地土鹵薄雖寧沐陽僻居曠野屢報災傷
鹽城田產頗饒近值倭情與通泰相為唇齒人心洶
洶急宜撫恤若蒙派徵本色委的所屬既非產馬之
地况解俵往返盤費尤難合無查照節年題 准事
例折銀解納庶幾 國用不失民困少蘇等因各到
臣據此卷查嘉靖三十一年十二月初一日准兵部

鄭端簡奏議卷之七

八 萬卷堂

咨為議處預徵買解馬疋以蘇民困以修政本事該
巡按直隸監察御史徐紳題該本部議擬合候 命
下本部將三十二年該預徵三十三年備用馬疋割
行太僕寺准照本官所議預徵三分之一減免一分
候派馬之日備開明白呈部再行題 請施行至三
十三年三十四年各照前徵派三分之一三十五年
仍依原額全徵本折分數悉照舊規徵解銀買馬疋
即行停止等因題奉 欽依備咨前來已經通行欽
遵去後今據前因切惟馬疋關係邊方重務使地方
出產則百姓雖疲自當竭力供用今廬州府所屬地

方僻居山谷而淮安府所屬州縣又係臨河濱海地
勢卑濕素非產馬處所每年派到備用馬疋止徵價
銀責令樁頭前往別處收買解俵水草不服中途多
致倒死或到京看驗不中復又退回小民負累疾苦
萬狀即今地方旱災赤地千里人不聊生各府所申
相應酌處臣查得嘉靖二十三年間為屬地方旱災
該前任都御史王暉具 題兵部覆議荷蒙 聖恩
准將嘉靖二十四年分各府州縣備用本色馬疋照
例折銀解納於是民困得以稍蘇今既比例申請查
與事體相同况非當年正額皆是先期預徵即使屢

鄭端簡奏議卷之七

九 萬卷堂

豐之歲民情已自憂惶值此積災之後有司委難督
迫較之二十四年相應尤加矜憫如蒙伏望 皇上
軫念民艱乞 勅該部從長計議合無查照先年災
荒折徵馬價事例將廬州淮安二府嘉靖三十五年
分預徵本色備用馬疋暫准折色一二年徵銀解納
後不為例及照鳳揚二府徐滁和三州俱係災傷重
大地方各有預徵本色馬疋一時申報未至再乞
聖恩俯賜垂憫一併折徵如此不惟民困得蘇抑且
原額不失嘉靖三十三年十一月十六日進奉 聖
旨該部知道欽此該兵部議覆看得總督漕運兼巡

撫鳳陽等處地方兵部右侍郎鄭 題稱廬州淮安
二府地方災荒乞要將嘉靖三十五年分預徵本色
馬疋暫准折色一二年徵銀解納及將鳳揚二府徐
滁和三州本色馬疋一併折徵一節為照連年以來
南北養馬地方俱被災傷小民委的困苦本官職專
撫循目擊其苦題 請前因無非恤民至意但今邊
方多事用馬不貲總計明年預徵及寄養堪允各馬
疋不及二萬已不穀防秋允用若又將南直隸應徵
本色馬二千四百五十疋盡改折色則馬益不敷臨
期缺乏將何所措處蓋改折馬疋以蘇民困固一時

鄭端履奏議卷之二

萬卷堂

權宜之計而軍 國之需干係甚重尤不可不慮也
如以災傷之餘百姓負累必不得已少加寬恤亦止
可將重災州縣馬疋量為改折俾受一分之賜但各
地方災傷輕重本部難以遙斷若行彼處勘報不無
遲延誤事相應酌處合候 命下本部劄付南京太
僕寺及咨行巡撫衙門將南直隸江北養馬州縣三
十四年預徵三十五年本色馬二千四百五十疋以
三分為率准改折色一分該改折馬八百一十六疋
查勘被災極重地方酌量分派每疋照例徵銀二十
四兩姑准一年至三十五年照舊派徵其輕災州縣

馬疋仍依原派分數徵解不許改折南京太僕寺官
會同巡撫衙門一面查照新准改折馬疋總數分派
催徵一面將改派過重災州縣各馬數徑自題 知
庶幾調停適宜官民兩便等因嘉靖三十三年十二
月二十六日太子太保兵部尚書聶 等具題本月
二十八日奉 聖旨是欽此

保畱知府雷達給由疏

題為保畱給由官員事據直隸廬州府申准本府知
府雷達開稱見年三十六歲江西豐城縣人由進士
嘉靖二十一年二月除授直隸太平府推官二十四

鄭端履奏議卷之二

萬卷堂

年四月陞兵部車駕清吏司主事二十九年三月陞
本部武選清吏司員外郎本年十月陞本司郎中三
十年十月陞授今職本年十二月十三日到任扣至
三十三年十一月十二日止連閏歷俸三年例應給
由合關本府轉達施行等因准此查得本官三年任
內並無黏帶不了事件并經手一應未完及移易係
官錢糧亦無公私過名等項違碍合無照例起送給
由等因到臣據此看得本官才識秀朗操持勤慎安
輯流竄抱鴻鴈之憂解散逋逃者崔蒲之績歷任三
年例應初考賢勞已著似難復畱但地方多事不可

缺官臣會同巡按直隸監察御史劉世魁議照即今
饑饉方殷師旅未息山箐江洋防禦為難催科賑貸
撫字尤急本官既又為士民嚮附又屢經撫按薦舉
况係正官時不可缺相應保留如蒙伏望 皇上勅
下該部查議合無 俯從臣請行令知府雷達照舊
支俸管事仍將任內行過事績攢造牌冊差人送部
查照如此庶幾官守得人而緩急有濟矣嘉靖三十
三年十一月十六日進奉 聖旨該部知道欽此該
吏部咨看得知府雷達歷俸三年例應給由但既該
總督衙門奏稱地方饑饉方殷師旅未息正官時不
可缺乞要保留在任管事相應酌處咨行知府雷達
暫留在任支俸管事待地方年豐事寧之日仍照例
給由赴部施行

鄭端簡公奏議卷之七 十二 萬卷堂

申明三湖禁例疏

題為申明三湖積水禁例以備接濟漕渠事嘉靖三十三年十一月初五日准總理河道工部右侍郎兼都察院右僉都御史曾 咨准臣會稟為陳愚見以利民生以濟河渠事議題昭陽湖櫃外餘田召民佃種等因准此案照前事已經通行山東布按二司并南北管河管泉分司及徐州曹濮等兵備道各督率

所屬府州縣管河管泉等官勘議昭陽南旺安山馬場等湖堪修水櫃有何實用未報又該本院親臨督同各該管河等官踏勘得馬場南旺安山等湖見有修蓄水櫃堪濟運道其內外高阜地畝雖堪給佃第恐漸次侵種低窪地畝未免盜決隄防以故衆議未定姑候再勘外惟昭陽湖水櫃近年黃水淹淤地勢高阜間有低窪之處亦不能受泉源並無勺水一動土荒蕪地土悉皆閒曠為照各官議將本湖內湖低處仍存留以見舊制其外湖高阜之地計畝召民佃種歲納租銀約有一千七百餘兩收貯官庫以備河道

鄭端簡公奏議卷之七 十三 萬卷堂

支用度其事勢尤為官民兩便已經行令管理沽頭開主事曾鎰具由另報去後續據本官呈稱昭陽湖櫃外餘地五百七十二頃二十八畝六分一厘率皆高阜抑且浩無限隔蓄水委難濟漕無賴俱屬久荒要歸先年失業之民佃種照畝加徵租銀緣由前來但恐議有別見事當歸一已將前項緣由於嘉靖三十二年十二月十二日移咨總督漕運兼巡撫鳳陽等處地方兵部左侍郎兼都察院右副都御史吳處查照計處施行外隨准本官咨稱為照前項四處水櫃先該本院奉 命賑濟之時經由各地日擊時

艱乃為具 題雖出利民生濟漕渠之意今既該貴院親臨踏勘知之必真但事在彼中本院難以計處等因回復到院案候通勘至日會 題間今准前因為此合咨前去查照施行等因准此卷查先准工部咨該刑部左侍郎吳 題前事備咨前來已行徐州兵備道勘議該臣接管續據兵備副使劉天授呈稱南旺馬場安山三湖該山東委官徑自勘報其昭陽湖餘閒田地內滕縣地七十二頃三十六畝外沛縣餘地共計四百九十九頃九十二畝六分一厘已經踏勘明白與水櫃不相妨礙棄置荒蕪誠為可惜相

鄭端簡公奏議卷之七

十四 萬卷堂

應召民佃種每畝徵銀三分聽候河道公用等因已經會議於本年十月十一日具 題去後今准前因又該本官揭帖開稱昭陽湖地更無勺水真可與民佃種惟安山南旺馬場三湖水高運河六七尺實賴其接濟其勢豪見昭陽湖與民佃種必又有本 奏擾此各湖之地儻一與之後必有侵種決隄之患今春末亢旱徐州小浮橋黃河水來甚微止靠徂來諸泉以濟運道運河水淺量開馬場湖水接濟十日後得雨運河大通安山南旺湖水尚如舊未開此湖水深有益於運河也昭陽湖地則與三湖大有不同蓋

原因黃河水決衝壞飛雲橋時已將此湖盡為平地雖所謂水櫃者亦皆無用召民佃種似亦相應等因到臣為照安山南旺馬場昭陽四湖乃漕河水櫃查得去歲該刑部左侍郎吳 奉 命前往山東直隸賑濟經過地方目擊各湖櫃外田地荒蕪以此具奏召人耕種納租該工部議擬題奉 欽依已行徐州道將昭陽湖櫃外餘田勘明會 題外其安山南旺馬場三湖見今有水濟運與昭陽湖事體大不相同誠恐姦豪牟利之家矯借此例為照 奏擾未便所據前項三湖既經河道衙門咨勘各湖水勢地勢

鄭端簡公奏議卷之七

一五 萬卷堂

應佃應存皆其身經目擊以故明白詳備况關係漕河重務如蒙乞 勅該部查議合無轉行總理河道都御史嚴督該省管河管泉兵備等官將安山等三湖水櫃照舊蓄水以濟漕渠不許勢豪援比佃種及盜決隄防敢有故違查照新例從重問遣及有妄比昭陽分佃奏擾者即將原詞立案仍行究治如此庶漕河水櫃不致廢壞而姦豪覬覦之心永絕矣嘉靖三十三年十一月十六日進奉 聖旨該部知道欽此該工部議覆臣等看得先年諸湖設為水櫃所以蓄水濟運有關 國儲無容別議臣前奉 命賑濟

淮徐充沛地方經歷昭陽湖濱見湖坡沙漫淤為平阜而南旺安山等湖櫃外餘田頗多亦堪樹藝因有例禁民不敢耕維時沿湖饑民失業千百為群剽掠官運船隻幾釀大患非我皇上垂仁賑恤措斯民於生養安全之地其捐竿負戈去而為盜者又不知有幾矣臣目擊民艱且事固有昔利而今否者欲將櫃外餘田聽民佃種使其居有常業以存恒心非謂盡廢水櫃而畀之民也今節該各官會勘得馬場南旺安山三湖水櫃有利運河難以召佃惟昭陽湖淤為平地原與運河不相關涉與民佃種公私兩利相

鄭端簡公奏議卷之七

十六 萬卷堂

應依擬合候 命下本部備咨漕運河道等衙門及塔都察院轉行巡按御史并管河管關等官嚴督該省兵備州縣掌印等官即將昭陽湖櫃外餘田四百九十九頃九十二畝六分一厘召民耕種自嘉靖三十四年為始每畝徵租銀三分完收貯庫以備河道公用大率每戶以五十畝為則不得多給以啓豪強覬覦之端諸人得以藉口仍各給帖執照使地無遺利民樂更生日後或於河渠有濟照舊退出還官公私兩無妨礙其馬場南旺安山等三湖水櫃仍蓄水以濟漕渠榜示遵守如有豪民盜決侵佃等項查照

先今事例施行等因嘉靖三十四年正月十八日本部尚書吳 等具題本月二十日奉 聖旨是欽此

參屯官侵欺倉糧疏

題為清查倉糧以免貽累事據整飭潁州兵備僉事朱舜民呈該蒙臣批狀問得犯人徐紀招係直隸鳳陽府潁州民有同城河南潁川衛原額屯糧夏稅小麥二萬二千四百石秋糧粟米四千四百八十石該衛舊規歲於五十百戶所納糧屯丁內僉定串頭分派催收運赴本州廣積倉聽該衛管屯官公同收受入厥放給官軍俸糧支用紀不合投入本倉掌管糧

鄭端簡公奏議卷之七

十七 萬卷堂

數交結在官軍餘吳相等各不合故違打攪倉場攬收屯糧已經問發充軍匿案在家向未事露嘉靖三十年分該衛額徵屯糧夏稅小麥在官散行管屯指揮僉事元渭督同本倉今監故大使劉學等徵收間有今告在官別卷問革本倉副使呂尚到任接管比元渭不合向紀說稱往年屯糧大家都要使用些等語紀得此言就向吳相等商說你將糧攬收通同管屯官攢分用捏補虛數作為放支月糧通關止繳河南月報止申直隸兩無查對稽考等語各就依從分投強攬串頭杜槐等屯糧銀紀與吳相共將銀一

百兩送與元渭又不合故違其餘腹裏節差巡守等
官查盤去處若有監守盜糧八十石銀四十兩以上
問發邊衛求遠充軍事例將銀接受侵欺入已元渭
又不合私收串頭王臣等屯糧銀共三百五十二兩
四錢九分二釐八毫四絲三微五纖仍違前例侵欺
入已捏作完數元渭又不合徑自帖行本倉虛出通
關一本黏附衛卷二本轉繳河南管屯兵備道訖後
元渭改差京操本衛申委在官散行指揮僉事白鑿
接管嘉靖三十一年分額徵夏稅小麥徵收間紀等
各又不合仍違前例強攬串頭溫福等糧銀共三千

鄭鑑簡奏議卷之七

十八 蕭卷堂

一百七十九兩三錢一分二釐九毫止將銀二千八
百三十一兩俱同吳相并伊家人白琴交與白鑿亦
不合故違前項監守盜糧八十石銀四十兩以上問
發邊衛求遠充軍事例將銀不行解州侵欺入已在
官書手劉仁見證餘下糧銀三百四十八兩三錢一
分二釐九毫紀又不合侵欺入已白鑿慮恐查盤暗
將會簿填寫虛數以備搪塞本年額徵秋糧亦該白
鑿徵收後委官賴上縣羅知縣查得白鑿徵完串頭
劉恕等銀七百五十三兩二錢六分四釐未解解州
違例侵欺入已嘉靖三十二年六月內蒙巡按李御

史行委廬州府陳推官到州查盤紀等將會簿虛填
糧數捏作放給大同春秋兩班官軍虛出通關底案
一張在卷本月十三日呂尚慮恐貽累將情具呈本
州白鑿思被呂尚呈發行勘要行據飭於本年十一
月十四日并嘉靖三十三年二等月十四等日三次
共解過銀一千五百三十七兩九錢九分九釐七毫
頰州貯庫外尚有銀一千二百九十三兩三毫白鑿
仍侵入已今有呂尚又將前情具狀抱赴巡撫鄭都
御史處告理隨批倉糧一粒皆係小民膏血據狀侵
欺至二萬餘石該州官員何在呂尚等已批發落劉

鄭鑑簡奏議卷之七

一九 蕭卷堂

學等虛出通關情弊仰頰州兵備道嚴究呈報于礙
該州掌印管糧官併參呈奪該兵備朱僉事依蒙行
州提吊人卷解道逐一隔別覆加細審責令紀等與
元渭白鑿面對前情明白問擬徐紀等各應得罪名
照出指揮白鑿元渭各有罪參呈到臣除將犯人徐
紀等批行追賊解遣為照頰川衛隸河南頰州隸直
隸該衛每年額徵屯糧管屯官督同該州倉官攬收
受今招通關止繳河南月報止申直隸兩無稽考以
致問革直隸倉官呂尚告發該道問報查與該州事
無干涉除行州今後該衛徵收屯糧通關俱赴頰州

掛號發記其月報通關俱要一樣二本一繳河南一繳直隸彼此均得覺察稽考庶錢糧不致侵漁州倉不致貽累外參照河南都司潁川衛指揮僉事白鑾开渭老姦巨猾同惡朋濟即今軍士困窮之日又值錢糧缺乏之時乃敢收用屢犯軍斗通同積年攬頭恣谿壑之欲惟事會饗行鬼域之謀徒為掩飾虛出通關捏補領狀暗登會簿冒填底冊文卷被其彌縫官司難於磨勘侵銀幾二千兩扣糧幾一萬石破產抵賊未為盡法奪官謫戍尚有餘辜律合有罪嘉靖三十三年十一月十六日進奉 聖旨都察院知道

鄭端簡公奏議卷之七

二十 萬卷堂

參軍官索詐白糧船疏

題為河道事據整飭淮揚海防兵備副使張景賢呈該蒙臣批狀問得犯人張愷招係直隸儀真衛中所運軍嘉靖三十三年八月十三日本衛蒙戶部僉運韓主事准監兌糞主事手本取官催借白糧船隻本衛將散拘在官本所副千戶王道呈送韓主事處蒙差前往常州等處催借太倉等五州縣淺阻船隻王道只合照依牌限前進為當因見韓主事駐劄寫遠就不合不行前進差愷與在官運軍魏現拘喚在官間夫魏琪等前來分付如遇白糧船到開具手本投

報本月十五等日崑山縣糧長嚴廩等嘉定縣金封等太倉州徐龔等華亭縣衛佑等各運糧船到開魏琪等將船數開通王道差愷與魏現行拘愷等各不合索得嚴廩等銀一兩六錢均分入已方帶見官比王道要得乘機索財又不合妄稱嚴廩等遲誤糧運將各拶打責令取供嚴廩等畏懼刑責只得各湊銀布不等嚴廩等三十二兩金封等一十七兩三錢徐龔等一十九兩二錢衛佑等二兩夾在官書手周室胡希伍各亦不合引領送與王道接受伊又不合假以問罪為由科罰紙贖銀嚴廩等一十兩八錢五分

鄭端簡公奏議卷之七

二十一 萬卷堂

金封等一十二兩四錢徐龔等九兩五錢五分衛佑等一十兩四錢俱入已續蒙漕運鄭都御史訪得委官索騙白糧船隻銀錢給發告示仰儀真縣張掛禁約後有上海縣糧船到開王道因見告示隨即放行訖本月十三日蒙冀主事查得王道承委催借不務清慎罰遭寇窮困之糧長違駕運免鞠之嚴例止當責催速過豈得逗遛任情耽誤 國儲例應參問此律牌仰本衛即將本官嚴行戒諭行令痛革初心以圖後效具戒飭過緣由申呈撫按衙門知會後嚴廩等因被王道與愷等拶打索詐不甘將情各另狀赴

鄭都御史虔告准省令各告部糧去訖又該南京工部管閫程主事蒙鄭都御史行令密拘閫夫胡奉等到官審得前項索財情真備由叅呈回報併將嚴廉等告詞黏連批仰海防兵備道問報本道將愷等與王道行拘到官再三研審前情明白問擬張愷等各應得罪名照出千戶王道有罪叅呈到臣除將犯人張愷等批行發落外為照今年漕運船隻已於六月內過淮盡絕至八月內王道方承委催備不過白糧船隻又經臣先期差委山陽縣縣丞劉鮮渡江督催已到儀真各糧運頭先經倭寇焚劫又遭非常旱災

鄭端履奏議卷之七 二十三 萬卷堂

運至糧米皆農夫之骨髓舟人之汗血王道乃敢濫刑贖貨法外指索通計賊銀至一百一十三兩七錢情罪可惡叅照直隸儀真衛中千戶所副千戶王道叨承武陟忝竊部委輒肆兇惡多收棍徒分投撲捉非法搜打逼索銀錢強取罪贖數逾百金羈留旬日紊亂漕規稽誤糧運律合有罪嘉靖三十三年十一月十六日進奉 聖旨都察院知道

乞專官練兵拱護 陵寢及留沿海春班官軍疏

題為懇乞 聖明專官練兵拱護 陵寢及留沿海

春班官軍防禦倭寇事照得撫屬地方表裏江淮襟喉水陸齊魯梁宋境界相鄰山海鹽礦盜賊竊發去歲逆賊師尚詔流劫宿州等處幸鳳泗 陵寢高墻該前巡撫都御史吳 巡按御史李逢時會議奏留 皇陵衛春秋兩班官軍三千二百二十五員名防守 皇陵又該御史李逢時奏將泗州衛軍佐等三所軍餘免其別差專一防守 祖陵於是地方有賴及照今歲節被倭寇侵犯通州等處仰仗 天威陸續剿逐地方稍寧節經通行各該沿海官司嚴加防守去後續據直隸淮安衛守禦海州中前千戶所

鄭端履奏議卷之七 二十三 萬卷堂

申稱本所僻居邊海地勢孤危即今倭寇未靖江南北海相去不遠若果突至既無精兵可敵又無堅城可守查得秋班官軍俱已赴京斬將春班官軍選撥併同城操屯種軍舍水陸練把截級春班官軍來年二月又該起程止存城操等項不滿二百名委果寡少不足防守及查山東近海登萊等一十七衛所春班軍餘亦恐倭寇流至該彼處巡按衙門奏 請暫留防守合無北照山東沿海留軍事體奏留防守待候倭患稍寧照舊赴操等因又據淮安大河高郵揚州儀真五衛東海通州泰州鹽城四所各申相同

到臣據此會同巡按直隸監察御史劉世魁議照即
今江北災傷重大江南倭寇猖獗一應彈壓姦兇剿
捕海賊拱護 陵寢防守高牆隄備糧運保固江防
皆緊急軍情要務各處雖有官兵把截數亦不多率
皆老弱其各該衛所大小官員多方揀選謀勇出衆
堪充將領之才亦不多得再照 祖陵 皇陵防守
操軍緣無專官統率以致隊伍參差心力渙散必須
委官提調操練方有實效查得中都留守司副留守
許文學材力雄健弓馬閑熟堪以統領前項鳳泗官
軍仍令選擇各衛所堪委官員不拘職銜大小惟才
是用齊備兵器火藥專一操練拱護 陵寢防守高
牆及西路山東河南湖廣鄰境地方盜賊生發就便
知會徐州兵備副使劉天授潁州兵備僉事朱舜民
鳳陽府知府熊勉學廬州府知府雷遠動調官兵支
給糧餉相機撫剿堵截其官軍不用命者即時照軍
法細打一面報臣前去監督不得動稱申請以致掣
肘有誤軍機仍通行各該衛門知會不許別項調遣
庶事有責成緩急有濟其存留春班官軍悉聽海防
兵備叅政兼副使張景賢分撥調度淮安大河二衛
并海州東海通州泰州鹽城五所共一千五百五十

鄭端簡公奏議卷之七

三十四

萬卷堂

一員名撥守瓜儀坊護糧運保固江防如蒙伏望
皇上軫念地方多事乞 勅該部再加查議將鳳泗
各衛所官軍責成許文學訓練專一拱護 陵寢防
守高牆及西路山東河南湖廣鄰境地方盜賊不許
別項調遣各衛所春班官軍自嘉靖三十四年為始
暫免赴京存留分布防守俟倭寇寧息照舊赴操如
此則內憂草竊之徒外嚴倭奴之備我 皇上南顧
之憂亦可少舒矣嘉靖三十三年十一月二十八日
題奉 聖旨該部知道欽此該兵部議覆為照前項
春班官軍各官欲要奏留本地用防不虞是固預戒
之一端但事勢有緩急而酌量有重輕即今倭寇竊
發淮泗之地逼近 陵寢高牆事亦重大然比之京
師其緩急重輕又較然也况今胡虜跳梁即其腹心
無日不在關南加以 諸陵及盧溝等處工役大興
若復 奏請前軍不無顧彼失此所據各官具奏相
應酌議合候 命下移咨本官及都察院轉行彼處
巡按御史查將所擬防守事宜嚴督各官一一遵照
施行其淮安大河揚州儀真高郵泗州等衛海州東
海通州泰州鹽城等所官軍星夜督發前來鞏固京
師勿得過時致有短少等因嘉靖三十四年二月初

鄭端簡公奏議卷之七

三十五

萬卷堂

十日太子太保本部尚書聶 等具題奉 聖旨是
欽此

瓜洲築城疏

題為懇乞 聖明築城瓜洲以保障地方事
先准總督南直隸浙江福建等處軍務尚書兼右都御史張
谷照得揚州府瓜洲地方切近長江又密通海口
人煙湊集舟車萃止運道經由南北要地近年倭賊
深擾若使由海入江瓜洲首當其患且原無城郭可
以衛民又無垣墉可以蓄衆萬一有警非惟商民被
害抑於運道有妨相應及時議處庶可保障將來咨

鄭錫熊奏議卷之七

二十七 萬卷堂

煩督同淮揚兵備道行委揚州府知府吳桂芳親詣
瓜洲相度地利必須形勢高敞原隰寬廣於河道兩
岸築立營堡二處牆墉堅峻中可容衆數萬仍開四
門并立營樓墩臺以便瞭望稍如城式堞口戰格將
臺米倉俱各齊備平時議立叅將或守備官員量撥
軍兵操練把守以揚軍威遇警拒戰倉卒之間民或
奔走可以依歸似為要衝切務其在此時尤當亟舉
仍將督行過緣由并計處過錢糧工料一併咨報等
因又准操江都御史史 容稱瓜洲一鎮切近 留
都下接海口人煙數多中有五壩是南北要害之地

原無城郭以障衛之况今倭寇猖獗動輒垂涎以為
口實蓋緣該鎮商賈輻輳財貨堆集所在繁華易以
誨盜故也近雖調兵防守終非長策若不及時設置
險固以防侵掠其於保障地方甚有未便已經行仰
揚州府查議相度該鎮應否修築城垣及動用工價
銀兩作何處辦查得北虜入寇近年北直隸山東河
南地方俱經撫按行文所屬在於城市鄉村大鎮俱
設城堡以固防守應合北照此例以建治之但此地
土埂一經風雨輒至圯壞須得甄石乃為經久通行
中呈務於地方有益事體無礙方可施行去後咨煩

鄭錫熊奏議卷之七

二十七 萬卷堂

會同督行議處等因前來案查臣先歷詣揚州府議
得瓜洲應否築城築堡防禦俱行該府及海防道併
勘去後續據該府回申行准本府瓜洲駐劄同知唐
鉞關稱看得瓜洲雖名一鎮實運道襟喉 留都門
戶况當倭寇陸梁海堦密邇其為危急實可寒心節
奉部院明文勘議建立城堡無非為保障地方計蓋
成大事者不惜費不一勞者不求安築堡不若築城
雖費而有益考之前誌唐宋皆嘗有城雖遺跡不可
考而今城隍廟尚存則其驗已但原估城牆過於高
廣故費亦增加不無可減省者又經本職熟計深思

周咨博訪連日督率經歷晏銳及諸鄉耆保甲長知
因人等親履地址均股較量鳩筭工材曲微備悉輿
情允協衆論僉同比之原估計減三分之一務在堅
緻不徒觀美期於有成不至浮費難於民居微有損
而實有大造於居民非惟於運道無少妨而實所以
保固夫運道及照即今倭患方滋事勢已迫若非速
爲經理誠恐議論定時事已無及居民財貨姑置勿
論如地方何如 國計何等因及丈量城圍七里九
分九厘設城門四座各上蓋殿廳三間周圍窩舖八
座并隨鋪敵臺水關二座減水關小水關通江關小

鄭端簡奏議卷之七

二十八 萬卷堂

水關逐一估計合用物料工食銀共計二萬九千六
百兩有零備細開關到府准此卷查先蒙巡撫并操
江衙門牌劄依奉已經行准本府同知朱哀議稱該
職督同千戶方矩經歷晏銳拘集築鎮保甲長者民
顏鵬等議看得該鎮築城於 留都蕃蔽益固漕運
襟喉無虞又年止全瓜民一鎮而已估計用銀四萬
八千五百兩有零開關到府准此議復間奉巡撫衙
門劄付准總督軍務衙門咨又經行准同知朱哀關
看議築城費用甚多又恐於民居有損且恐於糧運
有妨今蒙議建設二堡誠爲簡便合於江岸鎮之東

西各設一堡既以保障江關亦以護衛本鎮或遇倉
卒有警居民亦得依歸估計二堡共用銀九千四百
兩零等因關府准此隨該本府看得同知朱哀先議
築城估用銀四萬八千五百兩零今議建堡估用銀
九千四百兩零比與建城之費果爲簡便但跨水築
城則運或致有妨而且難料其堅久恐非可成之工
省費築堡則官軍雖云可恃而未必足以容民恐爲
無益之費必須從長計處方垂永久又經關行同知
唐鉞覆勘去後今准前因看得同知唐鉞關稱覆勘
過瓜洲鎮應造城垣不必築堡一節爲照瓜洲之地

鄭端簡奏議卷之七

二十九 萬卷堂

誠爲江淮喉舌維揚門戶仰蒙總督撫操衙門議行
本府築設城堡但築城立堡均爲保民而利害較量
不可不審今欲於該鎮東西各立一堡較之築城之
費委果輕省但該本府知府吳桂芳細詢民情皆謂
民之所以相保原以妻子居室財貨今空立一堡內
無井泉薪米房舍即一旦有警則北走府城南渡鎮
江家口財物一葦可航孰肯入此空圈之內以蹈坐
困之計信似有理至於築城之議該鎮居民一向不
願本府屢次詢問輒據告稱壩多土薄不惟有妨運
道抑且多礙居民衆口嗷嗷從違不一故本府遲回

數月不敢定擬頃該知府吳桂芳親詣瓜洲會同同知朱東督同江都縣知縣周思久并原估經歷晏銳等周原相度自朝至是或登陵阜以審其形勢之高下或測井泉以觀其水土之厚薄內經五壩外覽大江蓋該鎮雖近闕江潮然肇自古昔實是土厚水深掘井者動經二三十丈而後得泉此其非浮洲淤沙所積可知也五壩分建內多支河以城包之於中似屬駭聽但壩基支河皆在民居之內而今築城基正包民居之外就民間田園挑築為城基址本固且環民居之後初無拆毀之嗟揆之地利人情宜無甚拂

鄭端簡奏議卷之七

三十一 萬卷堂

其兩港運河雖官民糧運船隻之所必經若其上止作天橋兩傍城頭相峙不必開閘則於船隻往來自無阻礙遇有警急則或橫鐵索木筏以當關或囊土壅水以拒敵誠固國之要誼扼險之良圖也居民之所以謬稱不便者蓋蚩蚩之民慮恐官府不肯出財將取給於該鎮軍民商賈之家故爾嗷嗷執訴近該知府吳桂芳明白曉諭必不分毫科及於民以故始有欣欣然樂從之念今同知唐鉞再行細估又經減去原估三分之一止用銀二萬九千六百一兩四錢九分八釐則所費益省而大工益似易就矣竊詳

本府所屬如泰興如臯海門雖係縣治然無城之害似尚止於一縣至於瓜洲漕運咽喉南北孔道比之三縣尤為要害今三縣無城者已蒙聖恩俯允版築就次而瓜洲重地隄防缺略尚有可慮乞行本府先將應用錢糧工力逐一再悉愚誠議處申奪以俟本院題請施行等因據此除臣移咨總督軍務衙門外會同操江都御史史巡按直隸監察御史劉世魁莫如士議得瓜洲地方扼江海而是徐揚控吳楚而屏畿甸定水陸孔道漕運要津且人煙稠密商賈輻輳殊宜垂涎急宜築城已經議行揚州府知

鄭端簡奏議卷之七

三十一 萬卷堂

府吳桂芳公同同知唐鉞朱裒先後踏勘丈圍城基估計合用物料工食共銀二萬九千六百餘兩數目前來看得吳桂芳所議瓜洲築城視海門如臯泰興三縣尤為要重及咨訪區畫俱已詳明相應依擬再照瓜洲雖江北地方實南北津要應用錢糧宜聽總督軍務衙門裁酌均派江南江北各府協濟庶工程易集但恐江南倭寇猖獗供億不貲無暇及此如蒙皇上裁察勅下該部再加查議容令臣督行海防兵備道參政該副使張景賢揚州府知府吳桂芳即便多方惜處錢糧調集夫役定委該鎮駐劄同知唐

鉞總理選委屬官分管起今江北倭情稍寧畫地分
 工剋期修築事完之日將完過工程用過錢糧造冊
 奏繳奉有 明旨臣得宣布 聖明愛護生靈保固
 地方之意庶幾官有法守民有定志築城鑿池計日
 就緒可以壯形勢而慎封守禦暴寇而肅戎心矣其
 議設叅將守備操練軍兵防守事宜待城完總督軍
 務衙門另議外嘉靖三十三年十一月二十八日進
 奉 聖旨該部知道欽此該工部議覆看得巡撫鳳
 陽都御史鄭 巡按直隸監察御史劉世魁莫如士
 等會題稱揚州府瓜洲鎮水陸孔道南北要津即今
 倭寇為患無城捍衛乞要築城以保地方一節為照
 事貴預圖有備無患今以瓜洲巨鎮襟帶諸省拱護
 兩京人煙庶繁貨財聚集况當糧運必經之地又值
 倭夷猖獗之時乃無城郭障衛非所以固 國保民
 設險而禦暴也所據建築該鎮城垣誠今日事勢之
 不容已者既經各官會題前來相應議處合候 命
 下本部備行巡撫都御史鄭 總督軍務都御史張
 操江都御史史 及咨都察院轉行巡按直隸監
 察御史劉世魁莫如士督同海防兵備道并該府官
 員照依原議將瓜洲鎮城垣即行建築合用錢糧工

鄭端簡公奏議卷之七 三十一 萬卷堂

食等項先查在庫無礙官銀取用如果不敷聽令多
 方措處選委才幹官屬調集人夫趁時興工務求堅
 固一勞永逸不得廢法病民別行科擾其城基僅與
 居民房土相礙亦要估給官價免致失所司府官不
 時往來巡督提調無容下人侵費官銀苟且完事中
 間若有未盡事宜徑自從長會處施行完日通將做
 過工程用過物料支過銀兩各數目覈實造冊 奏
 繳青冊送部查考等因嘉靖三十四年正月十七日
 本部尚書吳 等具題本月十九日奉 聖旨是欽
 此

鄭端簡公奏議卷之七 三十一 萬卷堂

嘉市垣氏 萬卷堂印

鄭端簡公奏議卷之七終

鄭端簡公奏議卷之八

門人項篤壽校梓

淮陽類

謝陞俸級 賜銀幣疏

奏為恭謝 天恩事嘉靖三十三年十一月二十日
准兵部咨為仰仗 天威剿滅江北倭寇事該臣題
該本部議擬覆題節該奉 聖旨是鄭曉陞俸一級
賞銀四十兩紵絲二表裏欽此備咨前來臣不勝感
戴除恭候 欽賜銀幣齋捧至日望 闕叩頭外臣
竊伏念海不揚波甫奏鯨鯢之捷 天無私覆載覃

鄭端簡公奏議卷之八

萬卷堂

雨露之恩不惟原貸於殷彝尤且被霑乎周賚豐其
祿食晉其官階益之以無金賁之以章服是謂一朝
之饗遂成 三錫之榮偃僕 登嘉慙悚交集伏惟

皇上 勇智天錫乃武乃文 德業日新惟精惟一

仁義中正存主靜立極之心 博厚高明建悠久無

疆之治 略前愆而責後效物與更新 赦小過而

錄微長人惟求舊至如臣者資材闇劣何異管茅志

意庸愚尚 犬馬望 京華而依南斗每思 宵旰

之勤瞻衆星之拱 北辰莫效涓埃之報適因醜類

誘我之逋逃尋致姦氓為彼之鄉導巢穴既近喙息

靡常跳梁浙水之東西延蔓長江之南北寔為萬全
之筭出自 九重是以一月之間獲此三捷詎意伐

輻伐輸之食猥及不稼不穡之人奚啻噬肉而得金
豈能操刀而製錦極知 天顏之有喜寧使賞過其

功自分地道之無成敢不終惟其始願師旅饑饉適
遇時艱而錢穀甲兵會逢財絀茲欲垣墉之塗暨必

先牖戶之綢繆故虞廷雖有猾夏之憂而苗民終無
逆命之理伏願 天地以好生為德 神武以不殺

為威萬姓咸和富而能教六師豫附勇且知方赫赫
威聲而濯濯厥靈快觀兩階之干羽穆穆在上而明

鄭端簡公奏議卷之八

萬卷堂

明在下懋揚千載之賡歌臣無任惶悚感激欣戴之
至嘉靖三十三年十二月二十八日進奉 聖旨覽
奏謝知道了禮部知道欽此

議變塘田奏築瓜城疏

題為懇乞 聖明築城瓜洲以保障地方事據直隸

揚州府申先該本府申為建築營垣以保障地方事

節奉總督軍門巡撫操江巡按巡撫等衙門各批仰

府查議應用築城錢糧申報奉此已該推官符允中

親詣踏勘前田原係本府城西古蹟句城塘離城三

十餘里東至何家墩西至秦始墩南至耿潭北至東

西二橋周圍一十八里計一十六段設有石閘三座
淺浦五所江都縣歲審塘夫十名看守蓄水協濟漕
河先年本塘閘壞不能蓄水被臨塘居民薛釗等將
周圍開田六千四百餘畝每畝租銀二分五釐後因
修閘復追還官薛釗等七十二家各又復行盜種不
納租銀被民龍一躍告發問罪查出歷年拖欠租銀
二千六百五十餘兩追併開被仇鸞族人仇龍糾結
薛釗等違例將前塘畫圖赴京投獻仇鸞喜受具本
奏行戶部轉行巡撫駱都御史虔劄行本府查給仇
龍等二十五名領種實則薛釗與姦民黃谷等一十

鄭端簡公奏議卷之八

二 萬卷堂

五名并佃戶繆憲等一百六十七名在仇龍處分領
佃種近仇鸞事敗已經奏奉 欽依行令變賣回贖
改正等因備牒到府隨該本府知府吳桂芳會同查
得本塘築自前代蓋因地有蜀岡金匱等山環拱其
北每遇大雨淋漓細流會集其中得以灌溉沿岸諸
田此蓋前人築塘之本意也 國初改運襄河議以
前塘蓄水專防河道淺涸則放洩塘水由烏塔溝入
河接濟運船然塘築於諸山之麓遇霖雨則暴流易
集遇亢旱則塘水易涸蓋漕河居府城之東地勢頗
下而與寶應高郵邵伯白馬黃子赤岸諸湖相為流

鄭端簡公奏議 卷八

通水源頗遠前塘居府城之西地形高阜且水出無
源一遇亢旱比諸運河輒先乾竭况流渾久積塘腹
漲平縱或聚水不盈數尺而實無益於漕河矣故近
塘之民每每盜開成田勢豪之家往往夤緣計佃文
移日積訐訟日繁遂使姦詭生覬覦之心與併吞之
計今幸追奪還官但此田俱屬膏腴人所共慕一聞
仇鸞事敗各與苟得之心故田數甫及萬畝明文未
至而赴府告佃者已紛紛矣竊惟方今 國計空虛
江北災眚重大開河所賑費無所出若將前田定價
召人承買似于目前國計未必無少補於萬一蓋前

鄭端簡公奏議卷之八

四 萬卷堂

此塘田不過召民佃種每畝納銀二分五釐歲入無
幾若照依時值變賣官資其利而民樂於趨此亦乘
時拯災之一權也伏乞博訪輿情特為酌處如果可
采特行題 請施行等因具由通行申呈撫按河道
各上司照詳續蒙巡撫連都御史巡按成御史各批
府再從長議申施行議覆開比因河道衙門未曾批
示以故一向未曾議覆今照建築瓜洲鎮城雖云保
障居民實係隄防運道蓋該鎮五壩乃高郵寶應邵
伯三湖水源所從洩處若此壩失守則漕河斷流為
患莫測有識之士往往私竊憂之今蒙會議築城該

六五三

鎮以垂未固無窮之役雖該鎮萬家生靈之幸實亦宗社咽喉之重計也但地方連歲失收災青迭見誠難區畫查得前項塘田自本府建議變賣以來因各院未蒙允示仍係各姦占種其水閘三座已被仇鸞黨惡排毀遂為廢址若議修復須用價銀三千餘兩就使修舉綠塘心淤滿積水不多實與漕河並無濟益若將前塘已開種成田者分作二等膏腴者每畝定價銀一兩五六錢次者定價銀一兩一二錢召人承買官給由帖未為已業造入該縣各里戶冊仍陞納租銀照依灘田事例每畝量加作銀五分聽候河

鄭端履奏議卷之八

六 高卷堂

道支用仍查照各處官田事例不起科差以後若有消長聽其自相買賣一體過割其塘共計已開過成熟田九千三百七十八畝六分三厘九毫八絲大約可得銀一萬五千兩已具鎮城一半之費則是不必存接濟運道之虛名而有拱護運道之實利其於地方漕政兩有得濟矣再照變賣前塘固具築城半費而不足之數尚應議處周詳看得該鎮居廬稠密煙火連綿憑高引領之間不下萬家之市今統以城郭貽以安全縱不可損其貲財以助工豈得不借其人

城墻隨用傳遞磚灰等項雜工二萬八千七百有零每工估銀三分該銀六百八十餘兩及取土築城自遠運土至城邊者每工銀二分五釐該銀五千兩就近取土築城者亦每工銀二分五釐共該銀五百四十餘兩通前三項計總共該銀六千三百餘兩合無俱於槩鎮居民照其門面房屋攤派人夫以充前項三等之役每日止各該給與食米銀一分可省原估銀四千兩之費此外仍少銀一萬餘兩又查得本府先蒙戶部題奉 欽依截留免運米二萬石以作軍餉合無於內抽取米石值銀五千兩以充城工食米

鄭端履奏議卷之八

六 高卷堂

使費等項支用儻後師旅繁興錢糧缺少容本府另議處補其尚少銀五千兩查得先奉 欽依鳳廬二府協濟揚州府備倭錢糧相應查取鳳廬二府截留各項銀兩內銀各二千六百兩解貯揚州府庫接濟城工如此則所估錢糧俱有下落而版築大役庶可次第經始矣等因到臣案照瓜洲地方扼江海而走徐揚控吳楚而屏 畿甸寔水陸孔道漕運要津且人煙稠密商賈輻輳姦宄垂涎急宜築城會行該府勘議丈圍城基估計工料緣由前來已經會 題去後今據前因除臣移咨總督軍務衙門外會同總理

河道侍郎兼右僉都御史曾 操江右僉都御史史
巡按直隸監察御史劉世魁莫如士汪克用議照
瓜洲築城原議該用物料工食共銀二萬九千有零
今據揚州府知府吳桂芳開議一要將逆犯仇鸞原
受投獻今沒官塘田照依時價召人承買可得銀一
萬五千兩一要將該府截留軍餉米抽取價銀五千
兩一要將鳳廬二府截留協濟備倭銀內查取五千
兩一要借倩該鎮市民人力可省銀四千兩共足原
議二萬九千有零之數既不敢上 請內帑亦不致
下派小民斟酌區畫詳悉明白相應依擬再照前項

鄭端簡公奏議卷之六

七

萬卷堂

沒官塘田雖預備接濟漕運然高郵寶應諸湖瀰漫
有水之時此塘高者皆為稼穡之場低者不過芟蒲
之壑若遇乾旱諸湖水雖未竭而此塘已為陸地矣
以故姦民獲利即遇清查輒便投獻及至沒官改正
之後該府擬欲召佃起租未見允行殆亦有為但與
其聽姦雄違例受獻附益私家執若許官司履畝佃
耕裨補公帑之為愈也况取昔年備漕廢棄陂塘之
田而濟今日防漕緊急工程之費是捐虛名而圖實
用揆諸事體似亦相應夫隨時濟務難泥故常衆難
詳疑必資權變如蒙伏望 皇上軫念地方師旅饑

謹適遇時艱錢穀甲兵會逢財絀亟 勅戶工二部
再加詳議 俯從所擬前項事宜容臣行令知府吳
桂芳即便舉行召買塘田務要時值價貫借倩夫力
亦要量給食米其餘銀兩俱要撙節支用庶幾瓜洲
鎮城就緒有日屹然與揚鎮二府相為唇齒鞏固畿
甸防護運河保障江淮拊輯商賈據地利而扼天塹
禦暴客而安人心真 國家無窮之利也其所賣塘
田仍照灘田事例每畝徵納租銀五分聽候河道支
用嘉靖三十三年十二月二十八日進奉 聖旨戶
工二部知道欽此該戶部議擬為照揚州府截留免

鄭端簡公奏議卷之六

八

萬卷堂

運米鳳廬二府協濟備倭銀原議專候軍前取給糧
餉儻倭寇就平仍將未支免運銀米先行起運軍前
已支之數仍令下年照數補足務在不虧額運四百
萬石之數固難別項借用而揚州府句城荒地既議
變價築城則應徵租銀合照原題解部亦難別議况
今各處兵荒財賦源竭太倉空乏口難支持所據前
項修築事情俱不宜槩侵戶部但本官題稱瓜洲鎮
築城鞏固 畿甸防護運河保障江淮拊輯商賈是
蓋設險要以安人心護運道以重 國計誠今日事
勢所不容已者既稱將前項抽取銀兩支用倘後師

旅繁興錢糧缺少該府另議處補足前項協濟地價各銀兩相應依擬合條 命下本部移咨巡撫鳳陽都御史鄭 嚴行揚州府知府吳桂芳即查原截留該府免運米要見軍前已支用過各若干見在未支各若干准於截留米內抽取銀五千兩鳳廬二府協濟銀內各查取二千五百兩共五千兩并地價銀兩通貯揚州府庫相兼支用務要選委材幹官員嚴督匠作人等及時興工堅牢永久仍禁管工員後不許侵欺冒破如違聽巡撫衙門徑自從重問擬其地畝召佃租銀界至頃畝既定每年同秋糧一起徵收查

鄭德慎奏議卷之八

九 萬卷堂

照先年題 准事理解部接濟邊餉地方事寧漕運糧銀仍照原題施行事完通將已未動支過銀米及費用過銀兩丈量過地畝租銀各數目造冊 奏繳青冊送部查考伏乞 聖裁等因嘉靖三十四年二月初五日本部尚書方 等具題本月初七日奉 聖旨是欽此

議留朝 覲正官疏

內題乞議留嘉靖二十三年山西朝 覲正官奉 聖旨是山西司府州縣各正官准免來朝着加意拊循地方防禦虜患誤事責有所歸欽此欽遵其時預先行令彼處撫按官通留應該朝 覲正官在任辦事地方委的有賴及查節年事例各省遇有盜賊災傷等項該省撫按具 奏吏部覆 題俱准留正官止令首領官吏齋冊來 朝臣會同巡按直隸監察御史劉世魁莫如士議照嘉靖三十五年正月初一日例該天下諸司正官帶領首領官吏來 朝竊惟朝 覲述職固 國家重典禦寇撫民尤今日急務

鄭德慎奏議卷之八

一 萬卷堂

所據江北地方疊遭寇盜屢被災傷田野荒蕪市井蕭條即使加意拊循難得寧安况海盜縱橫米價騰貴冬雪愆期秋糧負欠百凡拯救瘡痍安輯流冗賑恤饑民供給軍餉繕治城堡整理漕渠團練保甲召集竈勇各該文職正官職守尤重若照例來 朝先期離任不惟缺官誤事通計來 朝正官五十員舟車夫馬等費未免出自小民若不早為題 請奉有明旨各該官員固多盡心效力其間不無預為行計假公營私巧為退託惟茲避事臨時益難區處仰惟皇上慈覆寰宇夙夜憂勞臣敢不仰體 聖意先期

奏 聞如蒙伏望 勅下吏部再加查議准令兩淮
鹽運司鳳廬淮揚四府徐滁和三州各該須知正官
容留在任管事止令佐貳官各帶首領官吏其餘府
州所屬州縣止令首領官吏各齎冊來 朝亦要凡
事節省不許科擾地方共於 國計民情軍務均為
有補伏乞 聖裁嘉靖三十四年正月十八日進奉
聖旨吏部知道欽此該本部議擬為照正官入 覲
為 國典常雖遇寇災理難盡免既該巡撫官具奏
前因相應酌處查得廬鳳滁和皆在西路北之淮揚
邳徐地方曾經寇亂水災重大者自是不同合無行
令前四府州縣正官照常應 朝其鹽運司所轄鹽
場頗廣與淮揚徐三府州各正官俱准留任至期并
所屬州縣俱定委佐貳官惟海門安東二縣災患尤
甚聽委首領官俱各依期朝 覲撫按衙門仍照本
部節行禁例嚴察應 朝官員不許因而科歛重困
疲人斯為恤民至要及照浙江蘇松等處多係殘破
之餘府縣正官決難離任合無移咨都察院轉行彼
處總督撫按等官公同會議除無事地方照舊正官
應 朝外其餘經寇災重各府州縣應留正官者議
委佐貳應併留佐貳者議委首領作速分別會奏上

鄭端簡公奏議卷之六 十一 萬曆三十四年

請定奪不得一槩奏留致乖 令典等因嘉靖三十
四年二月二十五日太子少保吏部尚書兼翰林院
學士李 等具題本月二十七日奉 聖旨是欽此
肆奏災傷折徵秋糧疏
題為肆奏地方連年十分災傷懇乞 天恩憐准折
徵秋糧以安人心以消內患事據直隸淮安府知府
蔡揚金申該臣劄付准戶部咨前事備仰本府即便
嚴行所屬州縣將嘉靖三十四年免軍三十三年秋
糧免收米石上緊徵收本色依限交兌起運等因奉
此查得本府嘉靖三十三年秋糧原額正兌米二萬
五千石改兌米七萬九千一百五十石先因所屬州
縣地方災傷重大秋米失收已將被災緣由申請蒙
巡撫衙門議將正兌糧米改折價銀改兌糧米改撥
支運題 請照例減折以蘇民困又節據合屬人民
環泣哀訴皆曰三年之內非水即旱民多逃竄節蒙
減折尚難完辦欲乞蠲免等情隨該本府備將 國
計空虛并本院題 請減折之意布諭災民庶各安
心田里今奉部咨照舊全徵本色不獨例限愆期而
災困殘民將何措辦查得漕運議單內一改兌糧米
儻有災傷等項停兌聽各該巡撫官如蘇州府有災

鄭端簡公奏議卷之六 十二 萬曆三十四年

該免則於附近松江常州等府撥補足數安慶府有災該免則於附近寧國太平等府撥補足數其餘府分有災俱照此例湊補候災傷府分有收仍照撥補之數徵還等因但所屬州縣連年無一處不被水旱無一民不窮到骨委的災傷極重十分不堪又且挑漕運河異常負累廬鳳等處雖稱災傷未有如淮安之甚雖稱民貧亦未有如淮安之貧且苦者况各府漕糧數亦不多今查本府除正兌截留米石勢不容免不敢槩議外所據改兌本色米七萬九千一百五十石亦係該徵聽兌之數府屬殘民朝夕翹望咸折

鄭端簡奏議卷之六

十三 萬卷堂

一聞徵兌本色老幼驚惶若不再為申請不無徵收不前抑恐激生他變合無請乞早為計處庶災疲殘民少存而地方可保無虞等因據此案照先為疊遭異常水旱蝗災乞寬秋糧以救民生事該臣題開撫屬地方今歲秋災重大議將各府州縣兌運糧米折徵銀兩改兌糧米改撥支運緣由具 題該戶部議得漕運糧米原係額不可缺之數合查照議單本府有災於附近有收府分無災州縣通融派補如各處俱災或撥補不盡即星夜具奏以憑覆議等因備咨前來行據徐穎二道及各府州從公勘議定派但各

府州縣委俱災傷無從撥補又該臣酌量各屬額糧多寡被災輕重議將淮安府兌運米二萬五千石俱徵本色內截留軍餉米一萬七千八百石起運米七千二百在改兌米七萬九千一百五十石內撥支運一萬二千石折銀六萬七千一百五十石揚州府正兌米六萬石內截留軍餉本色米二萬石改撥支運七千二百四十三石六斗二升仍徵起運本色三萬二千七百五十六石三斗八升改兌米三萬七千石內撥支運二千七百五十六石三斗八升折銀三萬四千二百四十三石六斗二升鳳陽府正兌米三萬

鄭端簡奏議卷之六

十四 萬卷堂

石俱起運本色改兌米三萬三百石內撥支運一萬石折銀二萬三百石廬州府正兌米一萬石內起運本色五千石折銀五千石徐州正兌米三萬石俱起運本色改兌米一萬八千石內撥支運八千石折銀一萬石開坐具 題該戶部議擬將揚州府通州海門如臯三州縣被倭擾害地方人戶查照近題蘇松事例量准漕糧改折三分之一其餘州縣并廬鳳淮徐四府州漕糧仍照先奉 欽依事理查照均派所屬災輕及無災州縣里分人戶起時交兌施行等因覆奉 欽依備咨到臣隨即通行各屬欽遵坐派徵

允起運去後今又據申前因竊念臣叨任漕撫亦知
邊方多事大倉積貯不多敢不竭盡心力冀圖全運
以充裕京儲然時勢實有必不得已者不敢不長慮
遠顧以貽意外之憂也查得撫屬漕糧揚州府已蒙
改折通州等三州縣兌改糧米三分之一其餘并廬
鳳二府糧不甚多或可勉強催科設法撥補起運俱
照舊行令徵兌本色外惟淮安一府屬果如部議節
奏蠲減支運改折無歲無之即今小民填街塞巷環
遶號泣者正為此也蓋饑穰更迭尤可百計支撐惟
水旱頻仍遂至十分憔悴又如徐州止一州四縣水
淹沙壅地瘠民貧原額漕糧多至四萬八千石比之
廬州一府反多四倍即今交春青黃不接壯者率多
應募江南剿饑奇圖活口其餘并老弱者張順待哺
救死不暇切緣淮徐地方自正德年間流賊殘破之
後生理未復舊額戶口逃亡大半新增徭賦加至倍
差儘今日半州半縣之民辦往年一州一縣之事以
故去者不復歸留者又復去田野荒蕪市井零落此
南北通達人所共見臣待罪於茲日夕憂懼若再加
以追併稅糧縱使嚴刑峻法粉骨碎身官徒加以罪
譴民竟迫之死亡終莫能完况民為邦本豈敢只顧

鄭端簡公奏議卷六 一五 萬卷堂

今年不思來歲萬一民窮盜起卒至用兵公私之費
恐又不止於折徵而已該府所申目擊民艱誠非得
已再照臨德二倉所積空虛不敢望撥支運兌運糧
米亦不敢驟乞減折臣反覆思惟計無所出惟有量
折改兌可以上完 國計下恤民情如蒙伏望 皇
上軫念淮徐無處不被災傷無歲不被災傷百萬生
靈正在南北咽喉之地特 勅戶部再加從長計處
合無將淮安府改兌糧七萬九千一百五十石徐州
改兌糧一萬八千石各量准改折一半每石連席耗
折銀六錢通計二府州不過五萬之數兼放月糧亦
不虧損漕糧原額其餘一半併同正兌仍徵本色起
運如此庶錢糧易完民困少蘇嘉靖三十四年正月
十八日進奉 聖旨戶部知道欽此該本部議照都
御史鄭 恤念民艱奏詞懇切相應酌處恭候 命
下本部移咨漕運都御史鄭 將淮安府改兌糧七
萬九千一百五十石徐州改兌糧一萬八千石各以
十分為率三分改折色每石徵銀六錢其七分仍徵
本色交兌各該運官領兌折色銀兩照例煎銷成錠
差官解部聽放官軍月糧庶寬一分民受一分之賜
而 國計民瘼兩有攸賴此外不得再行覬覦以稽

鄭端簡公奏議卷六 一六 萬卷堂

糧運伏乞 聖裁等因嘉靖三十四年二月二十五日本部尚書方 等具題本月二十七日奉 聖旨是欽此

議討餘鹽鈔課放支淮安官軍俸糧疏

題為地方災傷軍糧又缺乞 賜俯處以安人心事據直隸淮安府知府蔡揚金申照得本府地方淮安大河邳州三衛守禦東西二海千戶所官軍二萬餘員名歲支俸月俸銀計該五萬七千八百餘兩例於淮安府所屬州縣存留夏秋米麥及衛所屯田子粒糧內徵給先年時豐糧足關領不缺後因災傷兵荒

鄭簡齋奏議卷八

七

萬卷堂

相繼存留錢糧奉例停免以致官軍月糧無從仰給查得節年卷內嘉靖五年該巡撫高都御史題稱撫屬水災存留無徵軍糧又缺乞借兩淮運司餘鹽價銀三四萬兩或將淮揚鈔關折收嘉靖六年料銀一年存留江北地方酌量賑濟及放支官軍月糧該戶部覆奉 欽依動支嘉靖六年分船料銀二萬七千七百七十九兩五錢八分隨宜放支訖嘉靖八年該巡撫唐都御史見得撫屬地方災傷衛所月糧軍士告支激切比例奏留淮安鈔關該年船料銀二萬四千七百九兩五錢三分如有不敷准將淮揚等府州縣在

庫官錢俱許動支相無處給嘉靖十一年該巡撫劉都御史題稱淮安府屬地方頻年旱蝗存留錢糧蠲免無徵各該衛所官軍俸糧并清江造船廠官軍口糧無從支給比例題 請蒙將兩淮運司餘鹽銀一萬五千兩發府接濟又因銀兩有限放支無窮該府存銀止三千餘兩不勾一月支給乞再准將淮揚二鈔關船料銀兩存留一二年或仍於運司餘鹽銀兩動支數萬兩給發聽放月糧等因該戶部覆奉 欽依分撥運司餘鹽銀一萬兩給用訖嘉靖十二年該巡撫馬都御史因缺前項各衛所月糧并造船廠軍

鄭簡齋奏議卷八

十八

萬卷堂

口糧奏發兩淮運司餘鹽銀八千兩給用訖嘉靖三十年三月內本府申蒙巡撫應都御史動支修河餘剩銀一萬五千兩并題 請動支鳳陽府倉折糧銀一萬兩俱發府放支月糧訖嘉靖三十二年該本府知府張敦仁奏 准分撥兩淮運司餘鹽銀一萬二千兩相無本府庫貯馬價等銀酌量緩急支用外是節年明例具在况各衛所官軍俱承操運重務京操者例在二月八月起程陸路赴京操守拱衛 京師運糧者春初駕船赴各水次兌運至冬方回在外則有跋涉牽輓之勞在家又有父母妻子之顧內外養

瞻起程衣鞋惟靠所給月糧但本府所屬地方連年水旱頗仍災傷極苦存留糧石既得奉例蠲免而官軍糧餉何所仰賴每遇操運起程糧餉不繼千百成羣扣門沿街擁集控詐三十三年各衛所操運官軍無糧申蒙鄭都御史借支修河銀并本府官軍銀共一萬五千餘兩給用尚少銀一萬六千餘兩不足一歲支銷即今庫藏空虛存留蠲免惟慮三十四年官軍又該用銀四萬餘兩無從支給若不預為申處祇恐臨期有誤軍士勞苦內外缺望人情事變俱應議處懇乞多方區畫庶保無虞等因到臣查得淮安三

鄭端簡公奏議卷六

一九

萬卷堂

衛二所軍士班操糧運之苦不減於各衛而歲無二三月之糧蓋緣地方連歲災荒所屬州縣存留米麥無備往年猶有商稅贓罰可少處補目今費用浩繁難以縷數自臣交代迄今逾年挑濬清江浦一帶淤塞運河用銀二萬五千五百餘兩建三里溝閘并開河用銀一萬六千九百兩零補造運船五百隻先議每隻用銀一百兩該銀五萬兩今又節據各委官呈稱清江廠有底船每隻用銀九十五兩今無底船縱使十分嚴禁破冒亦須每隻一百一十五兩雖經節奉欽依催查造船銀兩未見解到如蕪湖廠欠銀

四萬四十一百餘兩經今半年止發二千九百餘兩接濟揚州用兵并淮安沿海備倭募兵兵糧修城等項用銀一萬餘兩修理 皇陵協濟鳳陽用銀八百兩通計共銀十萬餘兩緣臣通查漕運項下庫銀撥求括取錙銖不遺亦不敢妄用一分一毫庶幾支撐完事及照事例銀兩又緣民窮財盡別無上納商稅銀兩又因江南江北調兵募兵所在掣船并被寇賊焚劫商賈不通淮揚兩關鈔課通減而四府三州五十四州縣饑饉望賑之民又不下數百萬賑濟之策竟無所措當此時勢即使蕭何劉晏恐無善策矣今

鄭端簡公奏議卷六

二十

萬卷堂

據知府蔡揚金申稱三十三年操運官軍無糧除借支外尚少銀一萬六千餘兩三十四年春間班操糧運起行又該用銀四萬餘兩無從支給財盡則雖人窮則變誠不可不函為區畫也臣待罪漕撫凡地方錢糧皆臣職掌臣非不欲盡心竭力務求公私有濟庶免塵瀆 天聽然委的計無所出止查有節年奏討該部議覆動支運司餘銀鈔關船料濟用事例伏望 皇上軫念淮安係水陸要地漕運通津軍士苦倍於他處特 勅該部查議節年題行事例 俯從權宜捐發兩淮運司聽解餘鹽或淮揚鈔關折收

船料銀內量動三萬兩發淮安府庫支給官軍俸糧庶幾操運不至愆期臣幸得免於罪謫矣嘉靖三十四年正月十八日進奉 聖旨該部知道欽此該戶部議擬淮安係南北要衝漕運咽喉較之各處不同都御史鄭 題稱前因亦日覩軍衛之艱困不得已而然者相應量為處濟恭候 命下移咨漕運都御史鄭 備查淮安府存留糧石原該若干節年徵過若干除災傷蠲免之外拖欠若干若果拖欠數多即便查究條何緣故將以前誤事官員并見任一體參治一面將淮安府庫貯不問係何項銀兩動支一萬

鄭端簡奏議卷之六

二十一

萬卷堂

兩照例給與各官軍充為俸糧支用候麥熟之時刻期徵完補還仍行令有司官員計筭每月應給俸糧多寡將拖欠及本年應徵之數斟酌時宜陸續帶徵按月給領要在於不得已之中而少求其可濟之策庶官軍不困於操運官司不煩於奏討本部不害於議覆斯則臣等不能不倦倦有望於該地方諸臣也伏乞 聖慈等因嘉靖三十四年二月二十四日本部尚書方 等具題本月二十六日奉 聖旨是欽此

火燬糧船疏

題為異常風火燒燬回空糧船事據直隸淮安府申報本年二月初七日晚狂風大作有山陽縣方家壩地方外河灣泊回空聽車南昌松江等衛所糧船七十餘隻居民房屋九十餘間被火延燒等情到臣隨差把總指揮周表親詣各地方查勘續據回稱除燒燬官民船隻房屋外查有南昌等衛所回空聽車糧船共八十隻具數開報前來據此案照先據府衛縣巡捕官節報各地方居民失火延燒房屋數多該臣嚴行防備去後今據前因為照淮安地方三冬無雪天道亢旱及至交春狂風累日外河水落幾至丈餘

鄭端簡奏議卷之八

二十二

萬卷堂

裏河淤沙深者數尺回空糧船一時并集既不能由間南行只得守候車壩多方雇覓運軍居民挑濬壩舌併力車盤不意船多水涸烈風猛火糧船膠住淺灘民房切臨水次彼此延燒勢難撲滅實由臣職業不修感召無術所致除臣痛自警省并行各屬一體修葺及將燒燬船隻查行補造見挑河工尅期完報開闢通船外嘉靖三十四年二月十五日進奉 聖旨該部知道欽此

奏巡按御史養病疏

題為患病危迫懇乞 天恩放回調理以延殘喘以

圖補報事據鳳陽府泗州申抄蒙巡按直隸監察御史劉世魁案驗前事照得本職奉 命差往江北直隸鳳陽等府巡按已於嘉靖三十三年八月三十日接管行事即巡歷淮陽二府所屬地方緣職素患痰火不時舉發本年八月間痰氣上壅頭目昏暈隨地延醫力疾巡歷至十二月以來前疾愈盛痰吐不止尚勉強支持至今年正月內忽然痰暈不省人事湯藥灌救良久方蘇即今飲食日減身體羸弱痰濕傳遍衆情誠恐卧病日久廢事日多又職得罪愈重除具奏伏望 皇上垂大造之恩溥好生之德察職先

鄭端簡公奏議卷之八

二十三

高卷堂

後迫切至情特 勅吏部將職放回調理轉咨都察院另行差官更替外職儻得苟延殘喘自此以往有生之年皆圖報之日也職不勝悲懇祈望之至為此仰州抄案備申巡撫衙門查照轉達施行等因到臣為照巡按監察御史劉世魁奉 命交代以來纔逾半載淮揚二府俱已徧歷地方多事百務繁勞偶感風濕致有痰火力疾視事藥餌不效臣嘗遣醫往視委的病勢日增若非假以歲月容令回籍調理恐難保全今據該州轉申前因情詞懇切不無可憫臣昔請員考功伏覩各處巡按官患病許令巡撫官代奉

明旨不敢不據實奉 聞如蒙伏望 皇上勅下該部查照本官前奏覆議放回原籍調理病痊之日赴部聽用仍 勅都察院即差御史一員前來接管巡按嘉靖三十四年二月十五日進奉 聖旨吏部知道欽此該本部看得巡按直隸監察御史劉世魁公差在外具奏養病本部查有不許自奏事例已將奏詞立案今總督漕運右侍郎鄭 親見本官病勢日增代為奏 請似無托詐情弊合無將劉世魁照包節事例容令就彼回籍調理病痊起送赴部聽用一面移咨都察院差官更替庶免曠官廢事等因嘉靖

鄭端簡公奏議卷之八

二十四

高卷堂

三十四年三月十五日太子少保本部尚書兼翰林院學士李 等具題本月十七日奉 聖旨是欽此

回奏賑濟舉劾疏

題為祇承 德意修舉實政以弭災患事嘉靖三十四年三月初十日准都察院咨准吏部咨文選清吏司案呈案照先該本部題為前事該司禮監太監王利傳奉 聖旨朕惟連年災歉自庚戌逆賊悖 天後凶荒四歲百姓饑寒已甚良用惻為今救災惟恤民養軍為要二件得人雖患亦不害吏部便行與各該被災地方撫按官嚴督所屬有司加意賑恤務使

軍民各沾實惠若能惠養有方勞蹟彰著的指實具
奏擢用貪殘殃民的處以重典欽此欽遵該本部議
照頃年北直隸山東河南江北地方環數千里兵荒
相繼軍民饑困莫此為甚仰惟 皇上至仁惻怛屢
屢憂禱尚荷 玄恩昭祐民獲更生茲復 特降明
旨命本部便行與各該撫按官嚴督有司加意賑恤
甚 盛心也再照賑荒之令先該本部侍郎程文德
議奏已蒙 皇上遣官宣布督令撫按有司推行如
法但今經年未聞奏報合無行令遵照今次傳奉事
理及照嘉靖二十四年舉劾事例限秋末各該撫按

鄭端簡公奏議卷之八

三五 萬卷堂

官查舉賑濟有功官員分別等第奏 請旌賞其文
吾塞責并貪殘官員自知府以下悉聽指實參奏以
憑議 請黜治如或撫按官督率無方舉劾欠當亦
聽臣等一體參究等因題奉 聖旨依擬行欽此欽
遵已經備咨都察院轉行被災地方各該撫按衙門
遵照去後隨該山東河南北直隸各該撫按官沈應
龍等各將所屬賑濟官員舉劾前來節經本部議擬
外其江北地方撫按未見奏報呈乞施行案呈到部
看得前項舉劾事宜原限本年秋末其奏已經題奉
欽依俱各遵奏如期惟江北撫按至今未見奏報事

屬違違擬合行查為此合咨貴院煩為轉行江北撫
按衙門各將遲慢緣由徑自回 奏以憑施行等因
移咨到臣准此卷查先准都察院咨前事已經通行
查照外照得臣於嘉靖三十三年二月十一日接管
巡撫通行各屬賑濟隨於七月十二日具 奏賑濟
緣由內開節據直隸淮安揚州鳳陽三府徐滁和三
州各申將災免過存留屯糧并用過銀穀賑濟過饑
口各數目造報到臣據此卷查嘉靖三十二年撫屬
地方秋災已該前任都御史吳 具 題該戶部議
擬各州縣存留秋糧照勘災體例減免衛所屯糧照

鄭端簡公奏議卷之八

三六 萬卷堂

減定分數折徵價銀被災饑口查支各府州縣倉庫
錢糧賑濟事完造冊 奏繳等因題奉 欽依通行
外本年十一月十五日又該本官欽奉 勅諭各該
撫按等官查照戶部議覆事理督率府州縣官破格
從權設法賑濟欽此欽遵又經通行各府州縣掌印
官查照將被災饑口設法賑濟去後未報該臣接管
督據各屬造報前來為照撫屬地方頻年以來黃河
泛漲霖潦異常五穀不登軍民困苦加以賦役繁重
日不聊生荷蒙 聖恩汪濊既免錢糧又施賑濟而
各該官員莫不仰體 朝廷恤民至意多方設處措

備銀穀親歷各鄉普徧調給百姓沾惠感戴無涯於
是數十萬饑貧咸得存活實少舒我 皇上南顧之
慮也再照賑完日久奏報似遲切恐春夏之交復須
賑濟即今仰賴 聖明仁覆寰宇夏麥有收秋田已
佈臣叨任拊循得免罪愆不勝幸甚所據各屬造到
錢糧饑口數目已經覈實明白造冊 進繳奉 聖
旨該部知道欽此今該吏部咨行都察院查催為照
嘉靖三十二年撫屬地方賑濟事宜先該都御史吳
仰遵 明命督率有司多方措處設法賑濟饑饉
之民得以復蘇寔賴 皇上洪恩博施之所致也大

鄭端簡公奏議卷之八 三七 萬春堂

小官員感激思奮罔敢怠慢而效勞集事又皆臣子
職分之常臣接管未及三月賑給甫畢因有倭寇往
來海徼數月回淮隨依例限秋初奏報但勸懲重典
未敢輕易舉劾已將賑過饑口用過錢糧造冊具本
進繳外緣係祇承 德意修舉實政以弭災患及准
咨杏徑自回 奏事理嘉靖三十四年三月十九日
進奉 聖旨該部知道欽此

濬完運河疏

題為河道事據管理南河工部都水清吏司署郎中
包應麟呈據總工官造船廠把總指揮潘準淮安府

通判党淳呈稱查得淮安一帶漕河自清河口起至
抽分廠止計五十餘里共長七千四百五十一丈俱
因黃河渾水灌入積下淤沙以致淺澁阻舟蒙漕運
鄭都御史計度漕運重務劉付南河分司備行本府
知府蔡揚金議委職等督工挑濬各深不等俱挑口
濶十丈底濶七丈估分五大工每工約用人夫五千
五百餘各五次翻挑共夫二萬七千餘名管工築壩
車水放銀等官共四十餘員共計工食口糧銀二萬
五千五百餘兩自嘉靖三十三年十一月十二日築
壩斷流興工挑濬至嘉靖三十四年三月十六日告

鄭端簡公奏議卷之八 二八 萬春堂

完開壩放水舟楫通行無阻等因據此案照先奉鄭
都御史劄付前來駐劄工所督同各該委官分派工
程動調人夫勒限挑濬今報工完隨該本職沿河勘
驗俱各深廣如式勝於前時除將用過錢糧查明另
行造冊開報緣由具呈到臣據此案照先因淮安地
方自夏徂秋黃河水發渾流灌入裏河水去沙存致
將新莊開迤南一帶河道率多淤淺已該臣劄行管
河郎中包應麟督同淮安府知府蔡揚金通判党淳
踏勘應挑處所丈量計工起夫挑濬及具本於嘉靖
三十三年十一月十六日會 題并行郎中包應麟

駐劄工所往來提調督併挑濬去後今據前因會同
提督漕運鎮守淮安地方總兵官南京中軍都督府
署都督僉事萬 議照前項河道實漕運襟喉重地
先因淤沙淺濫預行挑濬今已䟽通舟楫利涉糧運
有濟除將用過錢糧人夫通候管河郎中查覈明白
另行造冊 奏繳外嘉靖三十四年三月十九日進
奉 聖旨工部知道欽此

參廠官侵欺船料䟽

題為廠官侵欺官銀違法事據直隸淮安府申問得
犯人王臣招年四十二歲原籍湖廣潛江縣人始祖

鄭端簡奏議卷之八

二十九 萬恭堂

王福於洪武三十五年從軍守把順成門有功歷陞
南京府軍右衛右所世襲正千戶故高祖王璽曾祖
王鐸祖王永父王倫俱襲故臣襲前職先年間漕運
衙門行取在官龍驤衛千戶傅杲天策衛千戶李昂
傅鈺水軍左衛千戶丘高府軍右衛千戶朱相興武
衛百戶吳尹水軍右衛百戶李夢蘭龍虎衛百戶劉
軌龍江右衛千戶張泰豹韜左衛千戶陶永前來淮
安清江造船廠傅杲管造水軍左衛李昂管造鎮南
衛傅鈺管造廣洋衛丘高管造龍江左衛朱相管造
橫海衛吳尹管造武德衛李夢蘭劉軌張泰陶永俱

管造本衛各駕運淺船嘉靖二十二年七月內蒙取
臣管造龍虎左衛船隻臣不合營管小總約束傅杲
等各廠事務比有在官驍騎衛廠軍王絃山陽縣省
祭官張練見臣所管事多各不合故違久戀衙門附
近充軍事例俱投臣在廠書寫詐財嘉靖二十七年
間該工部分司委臣前往蕪湖分司領取料銀九千
六百三十兩回至中途臣要得侵欺不合故違漕運
去處若有監守盜銀二十兩以上問發邊衛永遠充
軍及軍職若因侵盜錢糧例該永遠充軍不拘監故
遇革若係洪武年間有功之人本犯子孫不許承襲

鄭端簡奏議卷之八

三十 萬恭堂

許令坎房子孫於祖職上量降一級承襲各事例於
內盜出銀二百三十兩置買杉板二十二塊裝載來
准販賣在官隨伴葉繼祖知證臣將所領前銀回司
交割臣又不合令王絃亦各不合依聽捏寫在江翻
船失落銀二百三十兩具呈分司不准臣又不合倚
稱管總將應給各廠不在官客人陳恒等加補銀兩
內該李夢蘭船四隻每隻銀八兩共銀三十二兩李
昂倪震各船二隻該銀三十二兩不在官舊管廠千
戶張晟李隆各船一隻該銀一十六兩李垠船一隻
該銀二十四兩并在官百戶任鏞船三隻該銀二十

四兩臣自造船二隻該銀一十六兩通共銀一百四十四兩那抵交司尚欠銀八十六兩臣陸續補還訖前買杉板臣自賣銀入已比有王紘知臣侵銀又替捏寫虛呈不合挾銀二十兩入已嘉靖三十年間臣領出料價銀兩內該任鑪銀六十六兩三錢臣又不合侵欺入已以致任鑪負欠木價被客逼討只得佃還訖後伊革管廠事回衛要行具告臣寫立欠帖與任鑪先存男任澤在淮守取臣又不合延調不與任澤守等日久得病回家身故任鑪不甘將情具告南京戶兵二部提問未結嘉靖三十一年三月內問結

鄭端簡公奏議卷之八

三三 高卷堂

管廠把總指揮白壁補造船隻內該李昂倪震張晟劉軌預先造過不在官小甲石奉等船六隻該扣還官大料銀三百六十兩白壁令臣領交司庫臣又不合侵欺入已止將各官完船號票朦朧潤銷致無查考本年五月內李昂領出總買大料官銀臣因上年賒欠不在官客人劉才二木價銀六十三兩無還不合用強逼令李昂借銀六十三兩與臣償客訖寫立筆帖付交昂收執臣不合挾勢不行歸還李昂只得陪補買料交官臣因節次借領司庫官銀數多蒙行查理臣要遮飾又不合將各廠買有加補木植抵作

借支銀買之數含糊搪塞後臣領出各廠料銀五百兩又不合詐稱不曾給出收貯在家意圖侵用本年七月內漕運衙門行委揚州府符推官查盤各廠造船錢糧臣又不合故違指稱打點使用名色誑騙財物發遣衛充軍事例向李昂等詐說如今查盤錢糧恐有差錯可湊此銀子我去打點彌縫等語李昂等不知詐情各湊銀間臣又不合將應給各廠該造船二百隻料價銀內每隻勒扣官銀五錢共一百兩詐收入已又稱打點漕司衙門吏書誑騙李昂等銀三兩一錢入已又因雲南道王御史具 奏查理船料

鄭端簡公奏議卷之八

三三 高卷堂

臣又不合指倚打點使用將領出各廠料銀計船二百隻每隻扣銀二錢共銀四十兩侵欺入已本月內臣補造遮洋船隻借用各衛底船板片又不合於內揀選好板四十一塊值銀一十五兩盜搬在家打造家火又有李夢蘭下不在官旗甲何山淺船一隻沉水分司委臣相勘止存船底估作六分五釐責令不在官綱司韓景拆卸內該在官千戶呂東借板二分五釐湊造遮洋船隻餘板三十八片計值四分該銀八兩比臣自合交與李夢蘭廠內堆寄待何山及號領造為當又不合指倚修廟將板發堆都司廟內陸

續使令家人盜搬回家打造物件在官小甲袁林識
 字曾奉知證本年八月內分司差臣前往南京查盤
 本總下大料銀兩臣又不合將節年侵欺官銀一百
 九十五兩買不在官金吾後衛王敬房屋一所又銀
 四十二兩買竹篠地方莊田一所後因無人耕種復
 賣與不在官任六為業本年間臣原領補還遮洋船
 二十一隻比因缺少底船借用南京總下板片計算
 不等共該銀一百五十兩成造訖後臣領出府庫底
 船銀一百五十兩又不合不行償還侵欺入已本年
 十二月內臣借在官千戶劉仁銀二兩買百戶吳乾

鄭端履奏議卷之八

三十三 萬卷堂

馬鞍一副騎用嘉靖三十二年間有已故管廠百戶
 吳鑑存日賒借不在官客人穰十二楠木三船并欠
 不在官周海私債銀一百五十兩吳鑑因病陸續寫
 帖央臣轉借銀兩償還比臣未曾借與却將原帖收
 貯吳鑑病故臣又不合乘機將自己領借分司先任
 李主事官銀一百兩黃主事官銀一百九十兩俱妄
 開吳鑑名下拖欠稟令接管千戶張泰認還及填入
 分司交代冊內以備追併其前賒楠木三船仍作該
 廠正號又存不在官旗甲馮冠冠張百隆堆寄在廠
 板片共該銀一十二兩臣要借造別船具呈分司未

蒙准允臣又不合擅自動用造船其該價價銀一十
 二兩應封在官聽候各甲及號年分買補底船臣又
 不合侵匿入已本年間臣領出司庫分廠借買小料
 銀七百兩於內止給李昂銀二百五十兩前往儀真
 轉與傅杲等分買木料餘銀四百五十兩臣又不合
 侵欺入已臣又不合營管巡捕召收在官王資田保
 王貴倪付各亦不合故違前項久戀衙門充軍事例
 懸帶分司小牌跟臣巡捕查盤船隻陸續詐要不知
 名船戶人等銀兩不等王資五兩田保七兩王貴二
 兩倪付一兩各入已王賢張練見臣侵銀害衆各又

鄭端履奏議卷之八

三十四 萬卷堂

不合陸續挾去臣銀不等王絃五十兩張練一十五
 兩各入已在官王緋不合時常需索酒食並無財物
 嘉靖三十三年三月內黃主事將臣前領各廠料銀
 五百兩照數追給李夢蘭等收領行委千戶劉仁呂
 東查臣領過小料銀兩尚欠劉軌銀一十二兩五錢
 四分李昂銀七十一兩三錢臣又不合不行完結本
 年六月內臣因任鏞前狀未結要得誣賴又不合計
 同王絃張練各又不合捏詞將臣原認任鏞本廠欠
 下官銀一百八兩誣作任鏞侵欺虛情具呈黃主事
 處行間任鏞不甘將情狀赴漕運鄭都御史處告行

理刑司提問審將前銀一百八兩令臣招認三十五兩及接管千戶丘高認銀七十三兩其臣前少任鑄銀六十六兩三錢照數歸還臣止將銀四十八兩先給任鑄收訖尚欠銀一十八兩三錢未與本年八月內黃主事查將各年該扣大料銀兩呈解漕運衙門發府貯庫取獲實收附卷及臣將遮洋船板銀八十四兩交貯司庫仍有銀六十六兩給與小甲陳學等領造船隻訖本年十月內臣又不合將陸續侵刻官板一十一塊值銀三兩散與不在官各廠鋸匠邵漢等將板每塊鋸解三塊裝修房室本月失記的日分

鄭端簡公奏議卷之八

三五 高亮堂

司差臣查理過往船隻貨物比有上京考滿不知名通判船內帶有杉板臣又不合挾伊漏稅本官將銀一十五兩與臣又不合接受入已及有不知名考滿經歷船內帶有貨物饋送養銀砂二斤青雙熟絹一疋與臣又不合枉法接受入已臣自管總之日總領司庫該給各廠小料銀兩俱不行照數總給輒就每改成色低銀陸續零碎給與各官領用及又不合使不在官各廠正軍小陳兒陳洪顧立宋恩孫英孫湖趙柱跟隨催工黃主事驗臣造過船隻違式止將家人陳寧量貫十板臣又不合出言怨謗李夢蘭等

不忿將臣前項過惡開呈黃主事處查究問比該鄭都御史訪得臣不守官箴大肆貪婪侵欺官銀數多盜費運船板片違法等情牌仰衛河廠把總潘準拘集應審人證吊取該司原行文卷簿冊到官逐款查審間嘉靖三十四年二月初八日龍虎左衛開送小甲王奉船隻到廠分司於臣名下追出原收底船銀一十二兩給與買木造船取領附卷任鑄又將前情開款及不合添捏餘情在內狀赴鄭都御史處告蒙批仰潘把總并問報間本月二十六日牌仰淮安府即行把總潘準提取臣等人卷到府掌印官虛心逐

鄭端簡公奏議卷之八

三六 高亮堂

款對審務究錢糧下落明白有罪人犯照依律例從重問擬具招申詳聽叅發落本月二十八日把總潘準備將審過臣等供由回呈到院批仰淮安府掌印官覆審詳奪本府隨行潘準將臣等人卷牒解到府該本府掌印蔡知府將臣等一千人卷通提到官逐一對款研審前情明白除將李夢蘭等先行摘發回廠造船外及蒙叅看得臣委的設心姦險稔惡不悛侵司庫等銀一千五百餘兩尤為不足又復指稱打點并承委盤船誑受財物及吳鑑任鑄家破人亡俱臣所致王絃張練始以主謀終行挾制與王咨自保

王貴倪付俱牙爪害人情真事實將臣等取問罪犯結得每銀一兩值鈔八十貫招結是實議得王臣等所犯王臣除不應并詐騙枉法又與王絃張練王資田保王貴倪付各除違 制罪名俱不坐外王臣合依監守自盜庫錢四十貫律斬係雜犯准徒五年王絃張練俱依恐嚇取財者計贓准竊盜論加一等免刺律王資田保王貴倪付俱依用計詐欺官私以取財者計贓准竊盜論免刺律王絃張練王資田保王貴俱一百二十貫罪止各杖一百流三千里倪付八十貫杖九十徒二年半任鑪王緝俱依不應得為而

鄭綱領奏議卷之八

三七 萬卷堂

為之事理重者律各杖八十王絃等俱有 大誥減等王絃張練王資田保王貴各杖一百徒三年倪付杖八十徒二年任鑪王緝各杖七十王臣任鑪俱軍職王絃王資王貴倪付俱軍餘張練係省祭官田保係民各照例王臣王絃張練王資田保王貴倪付俱免徒杖各拘僉妻解王臣定發邊衛永遠充軍王絃張練王資田保王貴倪付俱附近各充軍止終本身招申兵部知會任鑪依重事告實輕事告虛免罪王緝無力的决任鑪與俱明葉繼祖等各還職寧家隨住查得王臣祖職係洪武年間有功之人仍照見行

事例本犯子孫不許承襲許令次房子孫量降一級承襲係軍職論功定議請 旨照出王臣侵欺大料銀三百六十兩何山底船銀八兩各廠小料銀四百五十兩官板共值銀一十八兩借領工部分司庫二次銀二百九十兩俱追還官得受過往不知名通判銀一十五兩經歷養銀砂二斤青鮮熟絹一疋俱合入官侵扣李夢蘭等加補底船料銀再指打點誑剋各項銀共六百兩二錢四分追給各主收領及王絃等各賊銀查照追收等因具招申繳到臣據此案照前事看係廠官侵盜造船官銀板片違法重情已經

鄭綱領奏議卷之八

三八 萬卷堂

遵照漕運議單題 准事例造船官員自指揮以下有犯徑自提問備行該府問報去後今據前因叅詳無異除將犯人王絃等定配追贓完日先行解遣王臣管廠員缺咨行南京兵部選取百戶張寅頂補王臣監候追贓外緣王臣係軍職犯該永遠充軍仍照見行事理若因侵盜錢糧例該永遠充軍係洪武年間有功之人本犯子孫不許承襲許令次房子孫於祖職上量降一級承襲應合論功定議人數未敢擅便嘉靖三十四年三月十九日進奉 聖旨都察院知道欽此

嘉慶市項氏
萬壽堂印

鄭端簡公奏議卷之八終

鄭端簡公奏議卷之八

三九 萬壽堂

鄭端簡公奏議卷之九

門人項篤壽校梓

淮陽類

剿逐倭寇疏

題為仰仗 天威剿逐倭寇事嘉靖三十四年四月十六日據整飭淮揚海防兵備右叅政兼副使張景賢呈本月十五日辰時准分守通泰叅將梅希孔咨本月十三日未時據把截狼山千戶秦鵬報本日有山前倭船六隻并搶去船共十隻開洋江南本職領兵追剿等因到道案照先該本道見賊日則上岸夜則回船慮恐兵到即走已委千戶陳厚劉芳統領水兵五百名船六十隻山周家橋前去徑與狼山水兵相合截其歸路等因到臣據此案查本月十二日據本道呈准叅將梅希孔咨據海門縣申四月初八日巳時准餘東場飛報穿紅強盜五十餘人登岸在開福寺劫虜回船不辯倭寇本日寅時又據總催張臣報市河港倭船六隻約有三百餘人登岸在東便倉殺人放火劫虜又據者民江鐸報初七日暮有倭寇四百餘人登岸初八日巳入江時等家燒房殺人等情到職查得原守狼山兵船調往江南剿倭奉文行

取未回緣由到道除本道親統大兵會同原任參將
喬基張恒於本月十二日起程前去追剿據此隨行
該道統兵征剿去後又據海門縣申本月初九日寅
時據耆民蔣恕等走報倭船六隻從東行至縣東停
泊利河夾港倭賊約有二百餘人登岸劫殺隨該本
縣知縣趙卿率領官兵拒敵當有土兵陳堅等向前
斬獲倭首一顆并倭鎗一根本縣措備花紅銀十兩
布二疋先行犒賞訖又據通州申該如臯縣報角斜
寨并拼茶場飛報本場五竈高流圍有雙桅大船一
十四隻上有藍旗不知人數多少又據本場洋南竈

鄧錫儀奏議卷之九 二 萬卷堂

後望見在海雙桅大船五隻十三日又據參將梅希
孔呈據把截狼山千戶秦鵬報倭寇及百從蘆潭港
至山隨據親兵王完等報稱倭寇陸續繼至狼山約
三百餘人賊首坐轎張打黃傘在彼焚劫又據守把
通州東門海操百戶何林報稱有通州地名小海口
耆民江橋江松斬獲倭寇首級二顆倭弓二張標槍
一根送州收驗緣由各報到臣該臣查得原守狼山
耆民水手五百名哨船三十隻先該總督軍務右都
御史兼侍郎張 調往江南剿倭節行咨取發回信
地止准回咨在卷經今九箇月兵船未見發回隨咨

軍門守取并咨南京兵部通行沿江將領嚴加隄備
及咨兵部查照候另行具本 奏報外十四日又據
揚州府申本月十二日辰時准參將梅希孔報稱倭
寇五七百人初十日已到通州南門外屯劄該州築
塞城門自守勢甚猖獗又據通州申據海門縣飛報
土兵卑悌等呈報卑家路口有倭寇一夥約有三百
餘人將居民卑實殺死悌等向前衝鋒斬獲倭首一
顆并刀鞘一把及據守把蘆潭等港委官劉道并狼
山巡檢尹柰報稱率兵瞭望有倭船四隻在小海口
港離州相近等因該臣調遣池河守備張文爵統兵

鄧錫儀奏議卷之九 二 萬卷堂

五百名前來瓜儀地方駐劄守把江關十五日又據
參將梅希孔呈據海門縣報本月初十日又添新到
三桅大船一隻脚船一隻約倭寇二三百人併結舊
寇前至利河鎮放火劫虜徑來奔縣官兵拒敵各賊
逃避麥地本日晚又據哨探耆民莊雀走報續到三
桅大船一隻雙桅大船三隻仍與舊賊結艘約寇千
餘勢甚猖獗日則登岸劫殺夜則歸船安息江中倭
船絡繹不絕及據海防道呈詳捉獲奸細楊用汪鎮
身邊搜出紙帖審取口詞展辯不一緣由前來批行
該道嚴禁外十六日該臣慮恐近海險要兵少劄行

續修四庫全書 史部 詔令奏議類

興化縣選兵三百名發鹽城把總謝詔分布把守洋
麻港口淮安府選兵三百名發東海把總楊天駿分
布把守廟灣等處地方節據餘中場申報官兵堵截
殺死民人姚咏郭欽妻虜去吳鳳金昂焚燒張蓋薛
惠孫曉吳棟姜治等各房屋通州又報倭寇在江家
便場殺死下種農夫二名沿江搶虜米糧入船在望
江樓放箭又據通州中本州同知印家督耆民單文
等小海口交戰斬獲首級一顆倭弓一張倭衣一件
吏目孫好仁差親兵邵相等海門縣探聽至新港口
遇倭交戰斬獲直倭首級一顆倭弓二張倭箭五支

鄭端簡公奏議卷之九

四 萬卷堂

首級一顆箭四枝箭袋一箇王舜等斬獲首級一顆
箭四枝張良輔等斬獲首級一顆殷益趕奪倭弓一
張王印等斬獲首級一顆陳禮捉獲被虜人尚二郎
耆民莊雀等奪獲脚船一隻民壯吳祿等奪獲一頭
大漢莊忻等奪獲驢一頭及據周家橋把總張應詔捉
獲奸細李選又據兩淮運司申報金沙場驍勇瞿玘
等斬獲倭寇首級四顆倭刀三把弓三張箭三枝餘
西場官舍白鐘等斬獲首級三顆得獲倭刀三把箭
二十二枝驢一頭及據海防道呈報前項各衙門官
兵壯勇前後斬獲首級共二十九顆緣由各到臣除
將獲功人員先給銀牌懸賞剏委揚州府通判史朝
賓紀驗功級外行間又准操江都御史史 容為飛
報緊急倭寇事本月十三日酉時據太倉州報開船
戶施流來報有新造倭船七隻到於江北大北洋江
家場燒劫等因審得齋報健步口稱耆民鄒九齡在
州報有倭船七隻自崇明東南大海外洋而來正過
劉家河巡船十隻對敵被兵拋打石塊傷死十數賊
我兵亦被傷損圍住一船約一百二十餘賊在響沙
官兵見剿尚未報捷其餘六船衝過通州大北洋等
情據此又據揚州府申稱賊至江時家度米上船轉

鄭端簡公奏議卷之九

五 萬卷堂

江口南行離狼山不遠水陸兼行似有直窺江洋之志據此看得瓜儀水陸緊要重地已該本院調取安慶官兵四百餘員名駐劄儀真和州水兵太平義勇各一百五十名守瓜洲又有南京江操官軍一千餘員名戰船四十隻住泊鎮江馬頭往來巡守有警應援今據健步所言及揚州之報似是不識方向新到倭船恐其乘潮闖入江洋所關匪細通州恭將梅希孔被論不出千戶秦鵬職卑謀寡豈能支持且江南大兵進剿萬一舊賊突入內地尤為不測之患狼山乃第一關隘防兵數少將官無氣深可虞合咨前

鄭端簡公奏議卷之九

六 高卷堂

去煩為查照添撥防禦等因到臣除行沿江沿海隄備外今該前因為照前項倭情自四月十二日各報到臣其時河道方通糧運方至總兵官萬 偶病未痊參將黃 赴瓜洲備運臣尚駐淮安待報緊急前赴揚州節據該府運司通泰海如等州縣餘東中等鹽場報有賊船或五六隻或七八隻或十四隻內有三桅大船往來絡繹出沒江海或前賊與後賊結艘或後賊與前賊合隊或五或十歲伏麥田林莽占據山頭路口殺人放火勢甚猖獗一日而至者數十報臣隨將淮安備禦事宜交付總兵官萬 知府蔡揚

金把總周表於本月十五日離淮十六日行至界首地方兵備張景賢報倭船俱已開洋遁去十七日臣前至瓜洲看驗新城工程及查見在瓜洲駐劄水陸官兵共一千四百三十八員名督令團操原任守備陳律及同知唐鉞嚴加防禦外切緣張景賢聞報即便統領主客官兵嚴督原奉 欽依團集土兵及巡按直隸監察御史莫如士團集竈勇分投堵截追剿陸兵當其鋒持重不前水兵襲其後順流而下賊見我兵四集惟恐進無所得退無所歸以是聞洋遁去切照兵備參政兼副使張景賢明果能斷沉毅善謀

鄭端簡公奏議卷之九

二 高卷堂

奇正有方進止素定揚州府知府吳桂芳持身端慎應務周詳輯和將吏區畫兵糧參將喬基張恒雖非見任之官各效敵愾之義簡書及門奏捷就道參將梅希孔既聞間住之報略無推託之情皆能仰體聖心軫念東南倭寇為害 宵旰靡寧之意同心戮力應時剿逐據報通計斬獲首級二十九顆捉獲奸細四名被擄一名奪獲驢四頭船一隻倭刀弓箭標槍衣服共七十三件被賊殺死地方男婦五名口擄去男子二名燒燬房屋未見報數臣不敢蔽其實奏聞其餘有功失事人員通候查勘明白另行 奏報

再照巡按直隸監察御史莫如士志慮忠純才猷敏
達視人猶已體 國如家三十場所皆兵一二年
每戰必克不惟安集商竈定惟保障江淮者也伏念
臣體質孱弱智識淺陋忝受兼理海防之 命愧無
指授方略之才獲免罪愆實為微幸及照兵備道所
獲奸細揚用汪鎮搜出私書蔽頭露尾鞫問口詞推
東畫西况舊賊四出流劫新賊陸續侵犯將來事勢
尚未可知以故各兵通不敢撤候總督都御史兼侍
郎張 會兵剿滅之日方敢酌量施行嘉靖三十四
年四月二十一日進奉 聖旨兵部知道欽此

鄭端簡奏議卷之九

八 萬卷堂

議借糧銀以備軍餉疏

題為軍餉重大庫藏空乏蚤乞本處以濟戎務事據
直隸揚州府申照得通州海門地方疊遭倭寇侵犯
調集各路官兵數多而隨軍糧餉賞功等銀通計旬
日之間發過銀一萬五百兩見今府庫空虛目下府
城瓜儀操備軍民兵勇日逐支領口糧與製造火藥
火器等項所費錢糧漫無紀極又况兩廣湖廣各處
狼兵土兵俱到江南大剿賊巢南敗北奔勢所不免
即今庫藏已竭錢糧不敷若不通融接濟何以保障
地方查得別卷先為通糴法以實軍儲事請通衙門

鄭端簡公奏議 卷九

發下銀五萬兩到府糴糧支運合無軫念地方艱虞
民困已極官帑已空將前漕運折糧銀五萬兩於內
動支二萬兩聽候目下緊急軍餉支用事完冊報餘
銀三萬兩仍候秋成買米貯倉以備支運緣于動支
折糧伏乞題 請等因到臣據此照得今春防倭除
淮安防守鹽城麻洋港東西海所廟灣羊寨雲梯關
等處官兵竄勇外揚州預調徐穎二道官兵并和州
無為等州縣水兵及團練鄉兵竄勇者民水手通計
七千餘員各分布水陸險要處所防禦隨據整飭淮
揚海防兵備右叅政兼副使張景賢議呈前項官兵

鄭端簡奏議卷之九

九 萬卷堂

軍餉臣即遵照戶部題奉 欽依內事理查取各該
府州見貯錢帛稅契事例等銀鳳廬二府各五千兩
淮安府自顧不暇止取銀一千五百兩徐州一百兩
滁州一百四十兩和州一百四十一兩六錢俱解揚
州府庫聽海防道募兵給餉及江南調到狼客官兵
經過儀真各給口糧支用本年四月初八等日又報
倭寇突入餘東等場地方劫虜官兵追剿開洋遁去
本月二十一日具本題 知外即今江南調集大兵
征剿誠恐窮寇奔突江比前項調到主客官兵未敢
輕撤仍令照舊防守所據日費官軍馬疋行糧草料

六七五

不下三百兩但駐一月便該銀九千兩犒勞賞功置辦船隻器械諸費又不與焉通計調取廬鳳淮三府徐滁和三州銀一萬一千八百八十一兩六錢揚州府庫銀一萬三千八百五十四兩八錢零截留軍餉漕糧二萬石為因地方十分災傷秋糧未蒙減免遵照便宜事理每石徵銀七錢該銀一萬四千兩內除瓜洲工程支用五千兩止該九千兩通前共銀三萬四千七百三十六兩四錢零自本年正月初一日起至五月初一日止通計駐守并續調官兵該四箇月用銀不下三萬餘兩矣况倭寇未靖只如上年八月

鄭端履奏議卷之九

萬卷堂

九月賊尚侵犯今或未得撤兵即使不復加添兵馬扣至八月終止又須得銀三萬六千兩無從措處今據前因卷查先准戶部咨為通糴法以實軍儲事截留漕運折糧銀一十萬兩分發淮揚二府糴糧貯倉以備支運後因地方災傷米價騰貴又經移咨該部暫准停止候米價平賤收糴聽備支運緣由在卷今揚州府申稱急缺軍餉時不容緩除行該府一面准擬借支二萬兩一面行移鳳廬二府各取銀二千五百兩和州一千四百五十三兩零星夜解發前來接濟支用外為照連年倭寇屢犯通州四府三州庫貯

錢帛稅契事例等銀為因地方災傷人民艱窘所積無幾陸續查取已盡揚州府庫別無堪動錢糧故有此議若不從權濟用恐致有誤軍餉如蒙伏望 皇上軫念地方師旅饑饉適遇時艱錢穀甲兵會逢財細臣雖智識淺薄不能體 國事如家事然規模狹隘委的視民財如已財豈敢分毫妄用以致公私困竭萬不得已有此塵 瀆乞 勅該部再加詳議俯從所擬乞將前借折糧銀二萬兩姑准作正支銷惟復仍候事寧軍餉剩有餘銀補數待米價平賤收糴聽備支運緣係軍餉重大庫藏空乏蚤乞查處以

鄭端履奏議卷之九

萬卷堂

濟戎務事理未敢擅便嘉靖三十四年五月初八日進奉 聖旨戶部知道

便宜行委參將防守淮城疏

題為防禦倭寇事案照本年四月十二日據整飭淮揚海防兵備右叅政兼副使張景賢呈報倭寇突入通州等處地方劫虜等因到臣時有提督漕運鎮守淮安地方總兵官萬 偶病未痊參將黃印赴瓜州饋運臣因倭情緊急將淮安備禦事宜交付總兵官萬 知府蔡揚金把總周表臣隨赴揚州府駐劄調度本月二十一日已將官兵剿逐開洋遁去緣由具

本題 知外二十六日准總兵官萬 手本飛報山陽縣廟灣新港口有齊頭大船一隻上有倭寇四十餘人在洋劫虜漁船焚燒煎鹽草棚七箇官兵堵截等因前來隨委該府同知劉一中把總潘準等領兵前去防剿二十七日又准總兵官萬 手本報稱廟灣前項倭船二十四日晚乘風去訖緣前賊未遭擒斬恐其復犯仍行照舊防守五月初二日又准總兵官萬 手本報有倭寇二十餘人在鹽城縣洋麻港燒劫被竈戶王清等對敵殺傷二賊各賊奔散及稱後面又有倭賊六十餘人不知的實又據淮安府申

鄭端簡奏議卷之九

一二

萬卷堂

據探馬飛報賊船隨開去訖初三日據把總潘準等呈報探得雲梯關忽有倭船三隻倭賊不知名數到廟灣射洋湖口灣泊官兵堵截不得登岸等情各到臣看得淮安廟灣洋麻港雲梯關羊寨東西二海所俱切近大海最為險要府城又係漕運襟喉已行分撥兵船水陸備禦但警報日至尤當慎防又行徐州兵備道選取義勇趙伯德范經等兵三百名前來淮安防守及查先該臣題為乞留軍職官員以保固地方事該兵部議擬原任參將王元伯悉聽本官徑自從宜委用題奉 欽依備咨在卷臣欽遵便宜行委

王元伯前來淮安駐劄操練官兵防守策應外嘉靖三十四年五月初八日進奉 聖旨兵部知道

急缺分守通泰將官疏

題為急缺分守通泰將官事案查准兵部咨為舉劾武職官員以肅江防事內開分守通泰參將梅希孔被劾題奉 欽依革回原衛差操備咨到臣其時倭寇侵犯通州雖經剿逐遁去防禦尤宜加慎梅希孔既被劾革回難以行事查得先該臣題為乞留軍職官員以保固地方事該兵部議擬原任參將喬基悉聽本官徑自從宜委用題奉 欽依備咨在卷臣欽

鄭端簡奏議卷之九

十三

萬卷堂

遵便宜行委喬基前去通州駐劄署管梅希孔兵馬事務已於四月二十四日交代候新官至日接管外嘉靖三十四年五月初八日進奉 聖旨該衙門知道

浙西漕糧疏

題為乞憐官軍久守懇乞免運事嘉靖三十四年四月十八日據浙江嘉興府申蒙巡按浙江監察御史劉宗憲批據浙江杭州右等衛運糧千百戶陳槐等各呈遲糧緣由俱蒙批府查報蒙此案照先奉布政司劄單開派杭州右等衛所免運嘉興等縣糧米數

日到府奉行遵照外查得一宗久遭寇患凶荒民生
 危苦乞憐急救事該本府查據秀水等縣里老懷明
 德等呈前事已經備申合干衙門蒙總督南直隸浙
 江福建等處軍務都察院右都御史兼兵部右侍郎
 張 案驗仰府即行所屬嘉興等七縣將嘉靖三十
 三年分未完稅糧暫且停徵已完倉庫銀米儘數兌
 運起解聽作小民下年該納之數出示曉諭軍民知
 悉仍候 明旨至日施行等因遵依行令各縣開兌
 間續據糧里人等告比蘇松事例乞要一體蠲免蒙
 本院并工部右侍郎趙 議擬具 題蠲免寬恤即

鄭端簡奏議卷之九

一四 萬卷堂

今各衛官軍乞要交兌以免遲誤合無省令運糧官
 旗將船駕回寧靜地方停泊候題奉 欽依至日施
 行等因具申到臣本月二十六日又據浙江等處承
 宣布政使司呈為久遭寇患凶荒民生危苦乞憐急
 救事蒙巡按御史胡宗憲批據嘉興府申稱地方被
 倭侵擾四民失業已將被災緣由通呈撫按覈實具
 題續蒙總督軍務都御史兼侍郎張 奏行戶部議
 將二十三年起運秋糧存留二萬石銀一萬兩撥支
 軍餉又蒙漕運衙門議將起運錢糧准折三分之一
 其餘起存糧米乞照蘇松事例悉皆蠲免等因蒙批

布政司作速會同守巡該道查議呈奪蒙此查得先
 據該府并管糧通判鄧遷各申報嘉興等七縣該徵
 本色糧四十八萬二千餘石折色銀二十九萬五百
 餘兩俱於嘉靖三十四年正等月二十八等日通徵
 完足見在起運聽兌等因在卷今蒙前因該本司左
 布政使潘恩右布政使李綸會同分守左叅政謝少
 南分巡僉事王詢着得該府各縣本折銀米俱已報
 徵完足見在起運聽兌設使准免欲將已收者復行
 給還各戶則斂散之間弊端滋起不惟煩礙難行抑
 且民無實惠須候 准題蠲免分數俱於三十四年

鄭端簡奏議卷之九

十五 萬卷堂

分秋糧內扣免其徵完三十三年分正改糧米速行
 交兌官軍起運則寬恤之政庶得均沾傷殘之民亦
 獲安息緣由通呈到臣看得該司會官所議將已報
 徵完糧米免運候有蠲免作為下年之數委於 國
 計民情漕規戎政均為有補但今時日太遲官軍久
 守隨即會行布政司并移咨浙江巡撫衙門督行府
 縣速發兌運外會同提督漕運鎮守淮安地方總兵
 官南京中軍都督府署都督僉事萬 議照嘉靖三
 十四年分漕運糧儲先於上年十二月以裏會派各
 該司府依例徵收運赴原定水次倉分聽候交兌并

行各把總官分撥軍船率赴水次領兌內有把總運
官旗甲在京交納上年糧米未回者查照戶部議行
事理委官暫署總事分派糧斛候把總官回日交代
及另取運官拘集旗甲家屬修整船隻畢集水次領
兌務遵例限二月過淮三月過洪如期抵兌交納并
委官沿途接催又因各處糧米徵遲未報開兌節行
司府州縣將各管糧官住俸督催以圖速濟今嘉興
府所屬各縣應兌本色漕糧指望蠲免不行發兌官
軍非奉明文不敢擅掣軍船守至四月殆盡該司方
有此議及至通行開兌完已在五月臣等待罪漕

鄭端簡公奏議卷之九

十六 萬卷堂

司不勝憂懼除嚴行所司督併糧里剋期兌軍起運
完日責限前進通候過淮另行 奏報外嘉靖三十
四年五月初八日進奉 聖旨該部知道

官軍奮勇殺敗大勢倭寇疏

題為大勢倭寇擁衆入境官軍奮勇殺敗對陣斬獲
首級事本年五月初三日據整飭淮揚海防兵備右
叅政兼副使張景賢呈本月初一日據把總張應詔
千戶陳嘉謨通州同知印宗等各報斬獲倭寇首級
到道除將首級發通州查驗外卷查先於本年四月
二十七日該本道會同原任叅將張恒喬基親至狼

山相度地形險要分布水陸軍兵申飭號令授以戰
守機宜隨於二十九日據指揮張繼善差人口報有
倭船十隻每船約有五六人自西乘風突至狼山
等情到道當即會同叅將張恒喬基親至城外分布
各兵牌催千戶陳厚百戶劉芳余慶與教師劉樞等
領水兵三百名先至狼山東頭堵截後牌催千戶陳
嘉謨鎮撫趙繼先武舉東昇教師王成等領水兵五
百名追襲又將叅將張恒喬基員下親兵二百六十
名差千戶王桓百戶曾沂高第與指揮張禾鎮撫彭
遙義勇官王美丁友德等各領家丁二百餘名於狼

鄭端簡公奏議卷之九

十一 萬卷堂

山東西分左右二哨與指揮張繼善百戶胡文相為
犄角鎮撫呂圻領兵三百名前至海門防守分布既
定各差官執旗牌督戰隨有倭賊八船一擁登岸當
被指揮張繼善百戶胡文親冒矢石箭射斃傷死落
下水倭賊不計其數兩山左右翼齊力夾攻賊見兵
勢甚盛即復開洋乘風向東前去當被水兵將一船
倭寇約有五十餘人圍困狼山前小山下驍勇鄒月
奮勇先登倭賊披靡當即斬首一顆各賊退入山上
據險死戰各兵奮勇射死倭賊鄒月因割倭賊首級
被賊殺死各兵據險攻圍晝夜不息各賊俱將已死

倭賊割首乘夜棄入水中漂淌無存 初一日各

潰散水軍向前盡行斬滅前去七隻 續到二隻因

海風大作俱飄往東南仍向江南土 除督兵追襲

外照得倭寇連年侵犯乘舟一到 即登陸殺人放

火遠近震驚今次賊船不得近岸 被各兵擒斬地

方安寧及照指揮張繼善百戶胡文領兵防守而先

事有備賊至拒敵而奮不顧身功當首論把總張應

詔先因賊至調到福山事完發回中途聞報還即旋

師追剿事不避難功有成效其志尤為可嘉千戶陳

嘉謨陳厚百戶劉芳與指揮張禾鎮撫呂圻趙繼先

鄭端簡奏議卷之九 一八 高卷堂

千戶王桓百戶余慶曾沂高第武舉東昇教師劉樞

王成等同效勤勞而參將喬基初管分守即能鼓舞

人心調度有方將士用命參將張恒同心協力贊畫

殊多分遣家丁臨陣效勇以上二官賢勞尤著再照

知府吳桂芳建議團練鄉兵而遠近有備用心督理

糧餉而軍士歸心通州知州程澄同知印案判官施

耀吏目孫好仁揚州府委官照磨孫光祖知事俞滂

及泰州知州趙祖朝俱應併錄乞俯念地方多事委

官將四月內前後斬獲首級速行勘明照格獎賞以

勵人心地方幸甚本道幸甚除打落水黑夜漂淌

無存倭寇不開外今將斬獲過倭首船隻理合呈乞

施行計開斬獲倭首一十一顆倭船一隻倭刀三把

倭箭一十五枝倭槍一條周家橋把總張應詔下陳

谷等一顆金忠等一顆林惠等一顆陳儀等一顆張

定等一顆倭刀一把通州所千戶陳嘉謨下朱節等

一顆褚奉等一顆朱谷等一顆千戶王欽同瞿悌等

一顆曹惜一顆通州同知印案下丁榮等一顆泰州

所千戶陳厚奪獲倭船一隻倭刀二把倭箭一十五

枝倭槍一條等因到臣據此案照先為仰仗 天威

剿逐倭寇事據海防兵備張景賢呈四月初八等日

鄭端簡奏議卷之九 一九 高卷堂

倭寇突入通州等處劫虜官兵剿逐至十三日開洋

遣去緣由已於二十一日具本題 知外今據前因

為照沿江沿海邊腹地方新舊倭賊出沒縱橫兵備

張景賢等乃能統率官兵設法堵截水陸奇正軍令

分明器械芻糧軍興不致以致大敗群賊狼狽遁去

雖斬首一十一顆而其焚溺者竟為鯨鯢俘馘者盡

成菹醢兵威大振地方稍寧我兵陣亡者惟止鄒月

一名官民人畜房船並無損傷除斬獲首級者給賞

銀牌奮勇當先及陣亡鄒月量賞優恤仍劄揚州府

通判史朝賓紀驗首級除候事寧通查功罪人員另

行具 奏外嘉靖三十四年五月初八日進奉 聖

旨兵部知道

奏報清理罪犯疏

奏為祇承 德意修舉實政以弭災患事據整飭徐州等處兵備副使劉天授整飭潁州等處兵備僉事朱舜民各呈繳造完所屬直隸鳳淮揚廬四府徐滁和三州并各所屬州縣及中郟留守司并直隸壽州等衛奉例清理過在監在鋪徒杖等罪犯保追免追賊銀贖物紙分改擬贖罪發配的決各起數目文冊及稱無為盱眙鳳陽洪塘等州縣衛所原無在監罪

鄭端簡公奏議卷九

二千 萬卷堂

犯無憑造報緣由到臣據此卷查先准都察院咨前事准吏部咨該本部題條具救災四事內開一清理獄囚照得被災地方詞訟未免照常受理但應追贖贖際此饑窘之年必難完納因而淹禁者往往有之夫民罹荒歉而又責之贖金是重困之也合無行令有司軍衛大小衙門不拘上司批發與自問詞訟除還官贖銀姑聽保追外其餘入官贖物紙分俱各免追徒罪以下原審有力監追一月以上者俱改發配的決或改照先年稍次有力事例以從輕減如此因圖自然清省人鮮怨愁是亦弭災之一道也擬按官

但定限責取清理過起數緣由類 奏查考等因題

奉 欽依備咨到臣准此隨經通行欽遵去後節據各該衙門將在監在鋪徒杖等罪犯吊卷查審酌酌輕重原審有力稍有力監追一月以上不能完納者改照稍次有力事例從輕贖罪及改擬發配的決其還官贖銀贖物召保營辦其餘入官贖銀贖物紙分俱各免追開申前來俱經批行發落記績據揚州等府州申稱除見監人犯詳允外其押追紙贖贖物人犯節次赴告乞要寬減及各驛遞見發徒夫撰站者近聞前例寬恤紛紛告願納贖與問完徒杖罪犯原

鄭端簡公奏議卷九

二千 萬卷堂

審無力亦各比例告乞贖罪者得三項人犯雖似於原議不載然押帶追併者亦係自監因病暫保人數且不時杖併貧窮不能完納情有可憫其已發驛遞人犯當盛暑祁寒零丁走遞本可憐恤且走遞之後該驛遞不免俱令收禁以防逸走似亦於清審因圖之意相合至於問完徒杖罪先審無力以聽決遣今比例具告有因親老或因患病難以走遞的決乞照稍次有力措辦贖罪原情亦有可矜合無容令一體查處庶以用廣 欽恤好生之德等因又經批仰通行查議寬減節據開詳到臣批行發落及行各該兵

備道覈實造冊今據繳報前來逐一覆查明白擬合
造報為此今將造完文冊具本嘉靖三十四年五月
初八日進奉 聖旨該部知道

異常水雹疏

題為異常水雹事據直隸鳳陽府申據本府陰陽學
申據直日陰陽生李達呈稱本年五月初七日未時
自西北長淮衛鳳陽縣雷震而來狂風驟起水雹立
至小者如核桃大者如雞卵落積平地約有尺許東
西僅有二十餘里南北相距四十餘里民間樹木田
禾房屋坊牌等件盡行打傷至本日申時初刻往正

鄭端簡奏議卷之九

三三 萬卷堂

南解散去訖等因到府隨差快手祝剛等四名分投
前去各該被災地方逐一覆查是實理合申報施行
等因到臣又據 中都留守司亦呈相同據此為照
芒種前後農事方殷甘雨和風乃其所宜今報水雹
大作又在鳳陽重地誠為異常伏惟 皇上 達孝
明倫肇修人紀修德凝道克享 天心 百神效順
萬福攸同正其時也顧陰陽愆和有此災異是臣叨
任拊循職業曠廢所致除臣痛自修省及行留守司
鳳陽府并撫屬文武大小官員各同加修省用回
天意外嘉靖三十四年五月十五日進奉 聖旨禮

部知道

修理 陵墳告成疏

題為乞修 陵寢以隆 聖孝以固根本事據直隸
鳳陽府申准總理委官本府通判李瓊牒據分委管
工指揮經歷等官趙都李廷价等各開稱原委分管
修理 皇陵正殿兩廡官堂亭房等處與白塔 壽
春等王墳殿廡牆垣等處先於嘉靖三十二年十等
月初十等日興工至嘉靖三十四年三月十二等日
俱已完備各將修理過工程用過物料支過燒造搬
運夫匠車船脚價工食銀米并原估物料不足續估

鄭端簡奏議卷之九

三三 萬卷堂

添辦等項數目緣由冊繳到職督同分管工程經歷
等官李廷价等逐一查勘明白磨算相同類造文冊
牒府覆勘轉繳准此該本府知府熊勉學會同留守
司署正留守賀麟見獲勘錢糧俱各明白工程俱已
完美除各另造冊回報外議照 皇陵及白塔 壽
春等王墳自嘉靖十四年大修以來漸就廢壞今蒙
再舉修理煥然一新深足以慰 仁祖在天之靈盡
皇上追崇之孝凡在臣民莫不懼怖備將工完緣由
繪圖及總理分理督工用工效勞員役并查嘉靖十
四年修 陵十六年告成效勞人員甄別等第陞賞

緣由申報到臣據此查得接管卷內先准南京工部
咨准工部咨該南京太常寺 皇陵祠祭署奉祀汪
大紀奏稱 皇陵正殿簷柱 寶座平臺兩廡紅門
角門 御橋便橋碑亭燎爐水關 明樓閣干 具
服殿 朝房并周圍牆垣門鋪下馬牌坊等處及白
塔 壽春等王墳殿廡金門紅門燎爐 坤厨官廳
直房甃城隍閣等處皆甃瓦脫落木植朽壞坍塌欹
斜滲漏等項并 皇陵外城土牆周圍瓦片脫落牆
垣崩塌乞要查議修理本部看係 陵寢重事擅難
遙度合咨南京工部委官前去會同撫按守備等官

鄭端簡公奏議卷之九

三四 萬卷堂

逐一相度如果損壞倒塌滲漏應合修理者即便估
計合用物料各若干照數處辦次第修理合行事宜
該部徑自查照舊例題 請施行等因題奉 聖旨
是欽此欽遵備咨到部本部劄委署郎中事司務王
學吾前來督同司府等官相看得 皇陵并白塔
壽春等王墳委俱損壞坍塌應該修理備將該修處
所相度估計合用物料除大次杉條松木琉璃甃瓦
紅黃土料會有本部關支採取其會無紅漆城甃紙
筋等料價值并催匠工食銀兩除南京工部出辦銀
四百八十五兩有零外鳳廬淮揚四府出辦銀一千

九百四十三兩有零直匠人夫於鳳陽等府及留守
司起倩軍民應役等因題奉 欽依備咨轉行四府
出辦工料直匠人夫及物料差官押運工所聽本部
委官主事楊鎰照數驗收應用施行准此行間續准
禮部咨開選擇 皇陵正殿嘉靖三十二年十月初
十日 壽春等王墳嘉靖三十二年十一月十一日
各吉日興工緣由題奉 聖旨遣侍郎吳鵬行禮欽
此欽遵移咨本官恭詣鳳陽府於本年十二月初八
日祭告 皇陵并司工之神初九日祭告白塔 壽
春等王墳并司工之神回 奏訖嘉靖三十三年二

鄭端簡公奏議卷之九

三五 萬卷堂

月十二日該臣接管據鳳陽府申蒙臣批據南京工
部接管修理委官主事張大韶呈稱本職接管修理
皇陵并白塔 壽春等王墳於本年三月二十一日
到彼勘驗修理間據委官經歷李廷份等呈據匠作
沈紀等各種先蒙估計工料各工不敷蓋因歷年既
久外視雖若完全更動則多朽爛本職仍率官匠人
等前詣各該興工處所覆勘相同必須計處為照先
管工楊主事自舊年十月破土興工以來先務催料
而後及興工其原料敷否難以預知及料備興工然
後委官匠作競云不敷本官雖亦呈部而旋已病亡

呈乞委官估驗等因批仰鳳陽府掌印官會同留守
司估計呈奪該本府知府熊勉學會同署正留守賀
麟見僉書袁吉續估加添物料及匠作工食等項共
該銀二千六百四十三兩有零除南京工部出辦銀
三百八兩有零外鳳廬淮揚四府出辦銀二千三百
三十四兩有零酌處停當該臣會同巡按直隸監察
御史李逢時議照 皇陵并白塔 壽春等王墳自
嘉靖十四年修理到今風雨損壞坍塌者多先該估
計工料一時簡略緣 正殿與宮堂墻垣等處委的
工程浩大今主事張大韶躬親督理日擊用料寔多

鄭端履奏議卷之九

二十六 萬卷堂

乃有此議必須從宜整飭一新等因會本具題本部
覆題奉 欽依備咨前來隨行各府將前續估工料
依期辦解修理去後今據前因看得報完工程中間
恐有遺略及一應管工大小員役歲月有久近勞績
有多寡未見一一甄別隨行該府知府熊勉學先行
閱視工程及將在工員役分別等第開報到臣除將
各項用過錢糧數目劄行鳳陽府轉行主事張大韶
覆查明白遵照往年事例類造文冊徑繳外臣隨於
嘉靖三十四年三月二十七日前往鳳陽經過泗州
其時巡按直隸監察御史劉世魁患病四月初二日

臣會同主事張大韶親詣 皇陵初三日親詣白塔
壽春等王墳督同留守司署正留守賀麟見僉書袁
吉鳳陽府知府熊勉學及約會奉侍 皇陵內侍官
張奉奉祀等官閱視得 皇陵正殿 寶座并 殿
內抽換楠木樑柱簷柱枋椽門檻 金門角門 明
樓兩廡碑亭紅門 御橋 具服殿 齋宮潤堂
神厨 神庫燎爐宰牲瞭牲酒房并亭 朝房直房
享胙亭更堡并紫金城外圍牆水關溝渠及下馬牌
坊等處與白塔 壽春等王墳 殿廡金門紅門
神厨瞭牲亭并亭直房享胙亭厨房裏外牆垣等處

鄭端履奏議卷之九

二十七 萬卷堂

修完工程逐一看視委俱完美別無遺略臣竊惟
皇陵寔我 國家億萬世王氣所鍾 慶源伊始相
應崇重但修理有年不無圯壞幸遇 皇上 純孝
因心善繼善述一聞傾敝之言再下修葺之 命該
部計議覆題咨行南京工部坐委司官會同前後撫
按督同司府等官相計修理臣等相與嚴督各該總
理等官鳩工集木採石造甄派徵原估續估料價備
查初議添議工程官知效勞人成趨事役不愆期事
皆就緒堅固華美宏邃清嚴真足以綏 神靈輝揚
聖孝視昔商祗見於桐宮周僅聞於豐水殆不作矣

乃若壽春等王皆我仁祖基功之胤太祖本
支之親繫出天潢屬在玉牒今其墳墓俱各煥
然一新彼伯邑之寢園莫考頡頏之名號徒存相去
又萬萬矣臣待罪拊循躬睹盛典不勝幸甚再照
前項陵墳效勞員役既該鳳陽府分別等第勘報
前來內除應賞應犒者查支官錢買辦花紅禮物先
行犒賞外如南京工部屯田清吏司主事張大韶才
識明敏幹濟公勤殿更十柱悉係楠材墉高四圍
不啻塗墍他皆稱是新故相兼復有餘貲溝防並舉
可謂事半而功倍庶幾一勞而永逸奉侍皇陵內

鄭端簡公奏議卷之九

二十八 萬卷堂

侍官張奉稟質安靖應務周詳往來行規不但任其
勞巨細經心必欲善其事鳳陽府知府熊勉學材器
宏遠知慮精審本以節用愛人之心而行日省月試
之政出納無吝上下相安財力有經公私不置中都
留守司署正留守賀麟見協同僉書袁吉始馬同心
規畫既而協力贊襄指揮若定鼓弗騰鳳陽府通
判李璿夙夜在公收支必慎皇陵祠祭署奉祀江
大紀首陳蠶壤之議共成賁飾之功以上各官賞賚
相應取自聖裁如蒙伏望皇上勅下該部再加
詳議擬奏上請施行庶幾人心知勸恩溢無遺

惟復查照嘉靖十四年修陵前例舉行嘉靖三十
四年五月二十二日進奉聖旨是

陵墳工完請官告謝疏

題為乞修陵寢以隆聖孝以固根本事據直隸
鳳陽府申報修理皇陵并白塔壽春等王墳於
嘉靖三十四年三月十二等日工完等因到臣查得
接管卷內先准禮部咨開選擇皇陵正殿嘉靖三
十二年十月初十日壽春等王墳嘉靖三十二年
十一月十一日各吉日興工緣由題奉欽依遣侍
郎吳鵬行禮本官欽遵祭告興工去後今據前因除

鄭端簡公奏議卷之九

三九 萬卷堂

將工完緣由另行具題外仰惟皇陵帝業基
本壽春王墳天潢懿親伏惟皇上尊崇修理
工程完備禮宜告成至於后土之神俱宜致謝如
蒙乞勅該部查議請自聖裁候命下之日行
移翰林院各撰祭文太常寺備辦香帛差官齋捧前
來行令有司備辦牲醴併乞命官行禮庶神靈
奠安報謝無爽嘉靖三十四年五月二十二日進奉
聖旨是

停建江閘疏

題為備運糧儲事據管理南河工部郎中包應麟呈

該臣劄付前事備行小職督同楊州府知府吳桂芳前去瓜洲從長勘議廷開築城有無妨礙人力工料可得併辦若果一時難以並舉明白回報以憑具奏施行等因奉此依奉督同楊州府知府吳桂芳親詣瓜洲鎮花園港一帶看取自江口至詹家橋見有長溝一道潮水通灌迤北至時家洲約長三里許原是平地加以濬治之力即可成河潮平之時內河水勢較之外江僅高二尺若依原議處所比照儀真清江建為四閘隨潮啓閉通舟往來誠為漕運無窮之利切照瓜洲一鎮係是長江要區河防關係非輕連

鄭鑑簡奏議卷之九

三十 萬卷堂

年倭奴為亂江洋震動為運道計者常懷意外之虞先經本院建議築城本為護守十壩而設今議開閘乃在城守之外恐於慎重河防初意不同今版築方興復又建閘二役並作一時財力恐亦不繼合候城工告成之日蟻聚廓清之時另行計度時宜酌量工力然後決策為之庶於事體穩便漕政有裨等因回報到臣又據直隸揚州府申准知府吳桂芳關稱勘議相同據此案照先准戶部咨該漕運衙門會題條陳一欵議江閘該本部等衙門會議前件看得建置花園港開既係古昔開座且有利漕運相應依擬開

成通舟之日漕司移咨吏部銓選開官一員撥開吏一名禮部鑄條記一顆以司啓閉其餘事體俱照所議行等因題奉 欽依備咨前來已經通行勘議建造去後臣於四月十七日前赴瓜洲同漕運叅將黃印管河郎中包應麟揚州府知府吳桂芳該鎮同知唐鉞江都縣知縣周思久運糧把總姚濤蔣環前到花園港相看得本港一帶與儀真諸閘瓜洲諸壩水勢雖有不同地勢原不甚異若如初議開建閘座放舟通行停止車盤委的錢糧不致破費船隻不致損壞實於漕運大有利益但查建議造閘係在嘉靖三

鄭鑑簡奏議卷之九

三二 萬卷堂

十三年七月初二日具 題而築城之 請乃在本年十一月二十八日舉行是建白造閘於未議築城之前也臣會同提督漕運鎮守淮安地方總兵官南京中軍都督府署都督僉事萬 議照瓜洲築城雖為保障地方實維防護運道城工見有次第十壩已在城中蓋一鎮居民既環繞十壩而兩岸高壙又包絡萬家其餘運道可保無虞今若建閘復去城西四里是築城本以護壩而建閘却又離城舍重門擊柝之防而為即鹿無虞之計相馳背矣故瓜城未築必須建閘既築瓜城還須車壩大抵皆為運道非敢二

三其說也況今揚州一府迭遭倭寇伏蒙 聖恩軫念生靈連築四城財力有限前項開座似應停止俟城工完備海徵寧謐因時度勢再議興建亦未為晚如蒙伏乞 勅下該部再加詳議定奪嘉靖三十四年五月二十二日進奉 聖旨是

生擒首倭斬獲首級疏

題為仰仗 天威官軍對陣生擒首倭斬獲首級事本年五月初九日據整飭淮揚海防兵備叅政兼副使張景賢呈本道會同原任叅將張恒喬基於本年五月初四日據狼山官兵報稱倭寇尚在山前隨差

鄭端簡奏議卷之九

三三二 萬卷堂

泰州所千戶陳厚等前去剿捕內見一倭體貌魁梧 兵宋寶朱葛

等斬獲首級二顆餘賊潰走各兵生擒首倭一名解道搜出印記一枚又委同知印案領兵六百名會同原差鎮撫呂圻海門縣知縣趙卿典史余廷舜等合兵追剿利河倭賊一百餘名隨據印案報部下斬獲首級餘中場竈民何細蔣棟一顆竈勇姜清等一顆餘西場義官周民等一顆倭刀一把驍勇李昂等奪獲驢一頭又據余廷舜報斬獲首級民兵陸博等二顆倭刀一把王秀等一顆點槍一根陸室等一顆

梯等一顆王忠等一顆弓一張箭四枝李邦占等一顆莊爵等一顆倭刀一把耆民陸星莊表等二顆倭刀一把錢召等一顆民壯姚保等一顆槍頭一根刀鞘一把又據通州生員張棟斬獲首級一顆又據知州翟澄差快手孫學等同耆民王璐鄉兵翁實等生擒倭賊一名又據印案報斬獲首級金沙場竈勇李倫等一顆耆民王霞等一顆餘中場竈勇吳滔等一顆各報到道據此除先斬倭首四十九顆姦細五名節經呈報訖今共斬首二十一顆生擒倭寇二名并將首倭印記各印黏報其餘倭寇因見兵勢勇盛逃遁

鄭端簡奏議卷之九

三三三 萬卷堂

道北海開洋去訖十二日又據該道呈節據餘東呂四等場各報倭寇登岸燒劫本道委差印案統領親兵四百名并指揮張禾千戶陳厚等統領各場竈勇剿捕去後本月初七日據報斬獲首級陳厚等水兵朱葛等一顆翟棟等一顆呂四場竈民盧宇等一顆箭二枝成曜等一顆倭弓一張箭九枝呂四餘東地方蔡鑑等一顆倭刀一把又據通州報斬獲首級餘東場竈勇江信等二顆倭刀一把倭槍一根又據千戶羅表并呂四場報斬獲首級義官潘樞耆竈潘檄等一顆倭弓一張朱仲義等一顆倭刀一把倭弓一

張印案部下同餘東場大使張濟時竈勇徐箠等總催蔡紳等斬獲首級共一十二顆又據印案報倭寇泊船二隻在新溝地方初九日倭寇開船西行被地方潘楨等統人將船打下一隻奪得倭弓二張倭箭一捆倭寇登岸跟趕到於仇竈地方斬獲首級七顆義勇官蔡儒典史余廷舜帶領民兵王秀等至江家場南海地方斬獲首級共九顆通前節次共斬獲首級一百七顆生擒倭寇二名并姦細五名及據署管分守通泰原任叅將喬基并原任叅將張恒各亦呈報相同緣由到臣據此案查五月初七日先據通州

鄭端履奏議卷之九

三十四 萬卷堂

分司申報呂四場本月初二日到有倭船六隻約倭三百餘人在新溝口登岸放火殺人通州又報本州地方利河鎮到有倭賊二百餘人十一日又據通州申本月初七日據海門縣報初五日卯時有倭船六隻停泊呂四場東周河口各倭深入東倉劫虜大河口哨軍李萬等又報新到倭船一隻停泊本營港口約倭七十餘人登岸往袁秉深顧恩等家放火殺人又有倭船三隻灣泊新溝港口約倭二百餘人一半往西倉鎮一半往東嶽廟前張港巡司報有倭寇一百餘人在餘中場盤竈上為害又據掘港把總韓德

禎呈本月初七日長沙直墩軍陳金等報倭船三隻又倭寇不知其數已登北坎沿村放火初八日馬軍羅龍又報海內續到倭船二隻賊未登岸本日督行指揮王表千戶鎮撫馬德良等掘港巡檢王濟馬塘場官姚大鵬掘港場官靳瀛等統領官軍地方竈勇前去堵截至北坎南路賊分三路前來被我軍箭傷二十餘賊我兵亦被截傷二名對敵間南面忽有續到倭寇一枝從海沙奔突襲來四路賊約四百餘人各賊見我軍追急復奔北坎屯劄又據通州分司申呂四場忽有倭寇七十餘人登岸放火官吏督率竈勇

鄭端履奏議卷之九

三十五 萬卷堂

民兵交戰倭轉跟關二十餘里勢甚猖獗竈勇毛芳等向前抵敵截傷倭寇數人俱各力箭傷重各倭狼奔回原船竈戶盧本報稱新溝倭船三隻衆倭登岸當有倭寇四五十人齊來相敵衆兵吶喊各倭驚懼回船初六日各倭糾夥各船倭賊約二百餘人並數登岸兩路分攻齊來正場兵寡不能對敵被傷勇邵才任忠等擁入場中放火烧燬正堂前面捲棚并司房板櫃卷架收閣文卷簿籍循環盡行燒燬無存殺死竈民周輅莊定等燒燬房屋商鹽不計其數及倭寇捉獲民人丘佑說各家衣物俱搬撤竈蕩燬

寇經奔各竈搶虜衣包官吏帶領竈勇潘檄等前去
船所剿捕在船倭寇斬獲首級被傷竈勇潘喜夏
先朱直朱瑞成素將死即今東西各港俱有倭船停
泊誠恐不時突入申乞調兵接應施行又據如皋縣
申十一日寅時據哨探馬快周紀報稱倭寇三百餘
人突入本縣馬塘場後趙家庄殺人放火已該本縣
王簿閣士奇吏勇吳位等會同指揮支揚官兵前去
劉營初十日酉時分忽有倭寇一夥奔營被吏吳位
奮勇迎敵截傷倭寇一名衆寇救搶退回去訖比時
天晚收兵回營至十一日整兵在於場西觀音港拏

鄭端簡公奏議

三十六 萬卷堂

陣與賊交戰仍被吏吳位張轅勇士葛蘭奮勇截傷
倭寇三名被賊殺死民壯郭恩士兵劉繼武許鉞等
三名并壽州驍勇一名其餘未查的數即今前寇已
奔西來曹橋逼近縣道五十里放火等因據此節行
海防道分布官兵相機追剿去後今據前因除先次
斬獲倭寇首級捉獲姦細奪獲船隻倭器等件已於
四月二十一日五月初八日各具本題 知外今照
倭寇漂泊江海出沒無定或逋亡舊賊或新到島夷
俱未可知仍嚴行防守相機剿捕及照兵備張景賢
應機揆策有發縱指示之功參將喬基張恒出戰守

鄭端簡公奏議 卷九

城效奔走禦侮之力知府吳桂芳調度兵糧輯和將
吏及各該大小官員皆知感激 聖恩誓滅此賊除
將生擒斬獲功次通發揚州府通判史朝賓紀驗問
報及查勘各地方有功有罪人員至日另行具 奏
外伏惟 皇上明德馨香孚格於 蒼昊 仁恩汪
濊漸漬於黎氓丕振聲靈廓清氛孽江淮之間稍得
寧靜秋毫皆 帝力也臣待罪拊循獲追罪愆不勝
幸甚嘉靖三十四年五月二十二日進奉 聖旨該
部知道

斬獲倭寇首級疏

鄭端簡公奏議

三十七 萬卷堂

題為仰仗 天威斬獲倭寇首級事本年五月十八
日准提督漕運鎮守淮安地方總兵官南京中軍都
督府署都督僉事萬 手本據直隸淮安府同知劉
一中呈本月十四日本職會同把總謝詔領兵於劉
團浦地方與賊交戰不意驟雨大作其時我兵曹龍
截傷倭寇一人曹龍退回失跌水坑被寇殺死衆寇
扶傷回走至黃沙竈被委官廟灣場官白景時伏兵
斬獲首級三顆各賊奔潰上船官軍劉營拒守職等
見得賊勢猖獗添調驍勇吳郁等鹽城縣把守官兵
周官周俊場官白景時吏竈蔣恩等并鹽城縣會子

六八九

張木及令鹽城縣知縣高堪上簿張大璉辦理軍餉
連夜齊集官軍十六日辰時出軍賊與官軍俱隔通
海大港彼此窺望驍勇吳郁沈澄等脫衣當先過港
衆軍隨後攻敵見陣倭寇二十七人斃倒倭寇二十
一人偶遇潮長敗寇六人乘潮奔逃上船溺水者不
計的數我軍亦被箭傷水灌者夏勝等收軍過港實
獲首級一十三顆并違禁異服一件大小刀十把槍
七根盔一頂甲一領弓七張弓套四箇弦五條箭一
百四十三枝箭袋七箇號頭海螺一箇竹管一箇倭
衣一十三件十七日又據委官伍祐場官曹捷等報

鄭端簡奏卷之九

三六 萬壽堂

生擒倭寇一名本職未經面審除審實另詳外將有
功人員略行犒賞外理合呈報等因據此合用子本
前去查照施行准此又據淮安府申并同知劉一中
把總謝詔各呈相同緣由到臣據此案照先據海防
兵備參政兼副使張景賢呈報倭寇突入通州等處
地方劫虜臣因倭情緊急將淮安備禦事宜交付總
兵官萬 知府蔡揚金把總周表臣隨赴揚州府調
度節准總兵官萬 手本飛報廟灣洋麻港雲梯關
等處到有倭寇已經分布官兵堵截等情前來續據
淮安府申據贛榆縣飛報倭賊船登日照縣岸近安

東衛地方在林子鋪殺傷民人張質李龍等三人又
殺死一婦人各倭占守浦泉山約有四五十人晝則
入山夜則劫殺等因據此隨調附近沐陽縣民兵赴
彼策應去後今准前因為照倭寇漂泊江海出沒無
定海防兵備張景賢見駐通州督兵剿捕廟灣等處
又有同知等官劉一中等堵截防禦仰仗 天威開
洋潛遁及照鎮守淮安地方總兵官萬 素抱忠悃
沉毅善謀一聞警報兵將俱集淮安府知府蔡揚金
守官廉靖而民心已懷臨事明果而軍興不乏同知
劉一中鹽城把總謝詔同心協力部署有方禦寇寧

鄭端簡奏卷之九

三九 萬壽堂

民干城是賴皆能仰體 聖心效勞於軍旅者也除
將斬獲首級功次發淮安府推官徐大壯紀驗明白
及查勘各地方有功有罪人員至日另行具 奏外
嘉靖三十四年五月二十二日進奉 聖旨是該部
知道

斬獲倭寇首級生擒姦細疏

題為仰仗 天威斬獲倭寇首級生擒姦細事本年
五月二十二日據整飭淮揚海防兵備參政兼副使
張景賢呈據本道委官通州同知印家報於本月初
九等日斬獲首級一顆又據呂四場報斬獲首級者

電成枝等一顆潘檄等一顆弓一張箭五枝刀一把
把守狼山指揮張繼善部軍張本等一顆掘港備倭
指揮王表呈地方顧才等一顆箭袋一箇軍人葉欽
等一顆倭衣一件呂四場耆竈毛方表濟等一顆又
生擒斬首一顆義官潘樞及潘廷等一顆倭弓一張
箭二十二枝箭袋一箇倭船一隻并蓬桅又據掘港
場申鮮生擒姦細二名史皮阿何梁柱駢勇陳松地
方周仁等斬獲首級一顆小刺刀一把花衣一件又
據把總韓德禎稟十一日領軍在馬塘場軍人丘江
斬獲首級一顆倭刀一把十四日又據呂四場副使

鄭端簡奏議卷九

四一 萬卷堂

李政吏史孝魯張芝耆竈彭清毛達等共斬獲首級
四十五顆并倭刀倭弓倭箭等件各報到道案查先
該本道會同原任參將喬基張恒分布各官兵竄勇
隨地水陸設奇相機剿捕除將先斬首級一百七顆
生擒倭寇二名姦細五名節經呈報外今共斬首級
五十六顆生擒姦細二名通前斬首并生擒共一百
七十二名顆理合呈報等因及據署管分守通泰原
任參將喬基亦呈相同緣由到臣據此案查先據通
州分司申呂四場通州申利河鎮海門縣掘港把總
韓德禎呈長沙直等處各報倭寇登岸等情前來節

行海防道分布官兵相機追剿去後今據前因除節
次斬獲倭寇首級捉獲姦細奪獲船隻倭器等件俱
於四等月二十一等日各具本題 知外為照倭寇
乘舟出沒江海東逐西奔仰仗 天威官兵追剿開
洋逃遁卒難盡滅今兵備等官張景賢感 恩圖報
設奇追剿擒斬數多其功可錄併候委官紀驗功次
及查勘各地方有功有罪人員至日另行具 奏外
嘉靖三十四年五月二十二日進奉 聖旨是該部
知道

奏繳挑濬淮安河工錢糧疏

鄭端簡奏議卷九

四一 萬卷堂

奏為河道事據管理南河工部郎中包應麟呈將覈
實過挑濬清河口新莊閘起至淮安舊城西門外抽
分廠止一帶於淺運河長濶深廣丈尺役過人夫用
過錢糧數目造冊繳報到臣據此案照節據淮安府
申為挑濬河道以濟新運事開稱西門外起至新莊
閘河口止河道中間深淺不等截長補短計五十餘
里俱挑口濶十丈底濶七丈深約八尺折作二百五
十二工每工人夫一百名共夫二萬五千二百名仍
作四次翻挑每次以定二十五日完工合用人夫工
食委官廩糧共銀八千三百九十五兩七錢五分四



次通計用銀二萬五千五百八十三兩合於本府庫
貯修濬黃河等銀以動支委官鑿鑿包封五日一次
唱名給散人夫行山陽縣清審牙行編單并量起該
縣攢夫一千六百名大河衛軍夫八百名淮安衛軍
夫六百名相兼湊用等因到臣已行該府起夫擇日
興工挑濬并行管河郎中包應麟往來工所提調督
理勒限完報事完將挑過河工用過錢糧造冊呈來
以憑 奏繳及將前項緣由於嘉靖三十三年十一
月十六日具本題 知訖後因運期迫切河工未就
恐致耽誤又經從權於附近高郵州起夫一千五百

鄭端簡公奏議卷之九

四三 萬卷堂

名寶應縣起夫一千五百名安東縣起夫四百名清
河縣起夫三百名桃源縣起夫八百名共起夫四千
五百名陸續赴工每名照前日給工食銀四分督令
併力挑挖用圖速濟前項夫役內有限外不完工程
者每名止日給銀一分二分不等僅足食粥以示過
期遲誤罰補其有併力用功不及二十五日之期先
行完工者驗實仍給與原議工食務足每名銀一兩
之數又行淮安府知府蔡揚金時加督察催併若有
逃夫扣除工食作正支銷毋容作弊冒破去後嘉靖
三十四年二月二十九日又據該府申准通判王問

把總周表牒稱勘得西門外浮橋起至南角樓抽分
厥止河道淺阻亦應挑濬共計合用官夫工食原糧
該銀一千二百八兩五錢係在原議之外工程動支
扣除逃夫銀兩支給併工大挑又經准行至三月十
六日具報前工通已完備復將挑通運河船行便利
緣由於本月十九日具本題 知外今據前因臣會
同提督漕運鎮守淮安地方總兵官南京中軍都督
府署都督僉事萬 議照前項河道先因淤淺節經
勘議挑濬完工開壩通船糧運利涉無阻所據用過
錢糧夫役既該管河郎中包應麟覈實造冊前來臣

鄭端簡公奏議卷之九

四三 萬卷堂

等復加查算明白擬合造報為此嘉靖三十四年五
月二十二日進奉 聖旨是該部知道

嘉靖三十四年
萬卷堂印

鄭端簡公奏議卷之九終